




5.

EX MUNIFICENTIA
FERDINANDI III. M. E. D.
DIE 3. IUNII 1791.



9. 7. 169.

9 D. 7




五



LITERÆ
PROCERUM
EUROPÆ.
PARS II.



THE
LAW
OF
THE
STATE
OF
NEW YORK
IN SENATE
JANUARY 1881



ENCHUS LEMMATUM,
LITERIS

Anno Christi 1658. usque ad Annum 1683.
in hac

SECUNDA PARTE

contentis, præpositorum.

ANNUS MDCLIIIX.

XXX. Literæ *Philippi Meadowii*, Internuntii Reipublicæ Anglicanæ ad Danicæ Regem extraordinarii, ad *Carolus Gustavum*, Svecorum Regem, cui Danicæ Regem, inchoando de pace tractatui Commissarios jam denominasse Nuntiat, utque idem efficere & locum congressui indicere haud gravatim velit instanter & submisserogatur, 1658. pag. 3

XXXI. Responsorie *Caroli Gustavi*, Regis Sveciæ, ad præcedentes *Philippi Meadowii* Anglicani Internuntii literas, quibus propensissimum suum in pacem desiderium indicando, bina congressui habendo loca designat, ac *Arcturio Regis Danicæ*, utrum eligere ex illis placeat, permittit, 1658. pag. 5

Literæ *Consilii Status Tychopolienfis*, ad *Fridericum III.* Danicæ Regem, cui submisit & sincere favent, ut, abruptis, quos a Svecis accipere contendere, pacis tractatibus, enormem Provinciarum suarum jacturam anteverfurus, inter extrema, fœderatorum suorum auxilia expectet, 1658. *Supplement.* p. 980

XXXII. Literæ *Friderici III.* Danicæ Regis, ad *Carolus Gustavum*, Svecorum Regem, quibus, quid ipsi circa munimentorum evacuationem consilii sit, certior fieri cupit, 1658. pag. 7

XXXIII. Literæ *Oliberii Cromwellii*, Protectoris Reipublicæ Angliæ, ad *Carolus Gustavum*, Svecorum Regem,

Regem, cui, quod se, ad suam interpositionem, tam facilem, Regi Danicæ pacem concedendo, ostenderit, gratias locupletissimas persolvit, 1658 pag. 9

CCLXXXIV. *Litteræ Oliverii Cromwellii*, Protectoris Reipublicæ Angliæ, ad *Ferdinandum II.* Magnum Hetruricæ Ducem, a quo, ut in Josephi Armani audaciam, qua Joannem Hosierum, Londinensem, minis & insidiis impediret, quominus competentem sibi in eum justam actionem, coram Liburnensi Judicio instituere valeat, serio animadvertere & homini oppresso gratiose subvenire velit, amice contendit, 1658 pag. 11

CCLXXXV. *Litteræ Conradi Beuningii*, Legati ad Regem Danicæ Belgici, ad *Dn. Wittium*, generalium foederati Belgii Ordinum Graphiarum, cui Danorum animos quoad foedus cum Svecis ineundum non parum frigere, instanti vero pacis executione & Ducis Holstæto-Gottorpiensis postulatis valde turbari, refert, 1658. pag. 13

CCLXXXVI. *Litteræ Collegii Electoralis ad Philippum IV.* Hispaniarum Regem, quibus ipsius, ut pacificæ conventioni hinc inde cum Christianissimo Rege susceptæ, ultimam manum cuneumque admovere dignetur, sollicitè precatur, 1658. pag. 17

CCLXXXVII. *Litteræ Collegii Electoralis homine, ad Ludovicum XIV.* Galliarum Regem, quibus eum, ut pacis tractatus cum Rege Catholico gliscentes, & ad exoptatum finem inclinantes, in totius Europæ emolumentum quantocius finiri curet, blande compellat, 1658. pag. 19

CCLXXXVIII. *Litteræ a Collegio Electorali*, Francofurti ad Moenum congregato, ad *Joannem Casimirum*, Poloniæ Regem exarant, quem, ut cum Rege Sveciæ, paci studente, irenicos conatus, citra tergiversationem conjungat, ac interea ullum e statibus Germaniæ belli molestiis per suos gravare haud permittat, amice requirit 1658. pag. 20

CCLXXXIX. *Litteræ a Consensu Electorali*, Francofurti ad Moenum instituto, ad *Carolus Gustavum*, Sveciæ Regem datæ, cui, ut ceptos cum Rege Poloniæ, ad pacem proclivi, pacificos tractatus, æquis conditionibus ad

ad finem promovere studeat, sollicitè imponunt, 1658.

pag. 22

CCXC. Responsoriz *Caroli Gustavi*, Svecorum Regis, ad przinferas *Collegii Electoralis*, literas, quibus in Domum Austriacam & Electoralem Brandenburgicam, tanquam juratos Regni Svecici hostes & pacis ac quietis publicæ elatos osiores, acerbe invehitur, seque ab iis, præter injurias & damna sibi illata, ubique contemptui exponi, graviter conqueritur, & nisi iusta sui a Statibus Imperii ratio mature habeatur, ista innocuæ defensionis circumspècturum & amplexurum media, quæ, cum Naturæ, tum necessitatis leges licite adhiberi juberent, minuitur, 1658.

pag. 24

CCXCI. Literæ *Oliberii Cromwellii*, Protectoris Reipublicæ Angliæ, ad *Ludovicum XIV.* Galliz Regem, quibus ab eo, ut, quavaleret apud Ducem Sabaudiz vel auctoritate, vel gratia, pro reliquis ex nupera laniena Convallensibus, quibus nova parari internecio videretur, intercedere, aut eos saltem, intercessione incassum facta, miseratione & patrocínio, liberoque ad se refugio beare haud gravetur, amice efflagitat, 1658. p. 39

CCXCII. Literæ *Oliberii Cromwellii*, Protectoris Reipublicæ Angliæ, ad *Civitates Helveticorum Evangelicas*, quibus eas, ne Convallensium, vicinorum salutem in extremum discrimen adductam negligant, fraterne ac libere hortatur, seque ad procurandam periclitantium incolumitatem & sublevandam egentium inopiam, omnem operam suam, quousque per longinquum terrarum spatium liceret, collaturum esse, sanctè promittit, 1658.

pag. 42

CCXCIII. Literæ *Oliberii Cromwellii*, Protectoris Reipublicæ Angliæ, ad *Ludovicum XIV.* Galliz Regem, quibus ipsi Thomam Vice-Comitem Falconbrigium, generum suum, impense commendat, 1658.

pag. 45

CCXCIV. Literæ commendatitiz, quas *Oliberius Cromwellius*, Protector Reipublicæ Anglicanæ, Thomæ Vice-Comiti Falconbrigio, genero suo, ad *Cardinalem Mazarinum* dedit, 1658.

pag. 46

CCXCV. Literæ *Oliberii Cromwellii*, Protectoris Reipublicæ Angliæ, ad *Ludovicum XIV.* Galliz Regem, quibus Thomam Vice-Comitem Falconbrigium, ge-

nerum suum a se ideo mitti ad eum, ut ipsi & adven-
tum in tam propinqua Angliæ castra gratularetur, &
mentem suam ad officia quæcunque paratissimam co-
ram exponeret, significat, 1658. pag. 47

CCXCVI. Literæ ejusdem ferme cum præcedentibus argu-
menti, ab *Oliiverio Cromwellio*, ad *Cardinalem Ma-*
zarinum scriptæ, 1658. pag. 48

CCXCVII. Literæ *Caroli Gustabi*, Svecorum Regis, ad
Johannem Philippum, Archipræsulem & Electorem
Moguntinum, cui saluberrimæ reconciliationis inter
se & Domum Austriacam æque ac Germanicæ tran-
quillitatis curam sollicitè injungit, 1658. pag. 49

CCXCIIIX. Literæ *Caroli Gustabi*, Svecorum Regis, ad *Ele-*
ctores, Principes & Status S. R. Imperii, aut qui eo-
rum personas sustinere solent, *Legatos*, Francofurti
ad Mœnum congregatos, quibus eis, Domum Au-
striacam per bellum sibi intentatum Germanicæ liber-
tatis exitio denuo inhiare, omni demonstrare nisu alla-
borat, eosque, quominus proportionata tempestitiva-
que malis instantibus opponere remedia intermittant,
impense rogat & hortatur, 1658. pag. 52

CCXCIX. Literæ *Caroli Gustabi*, Svecorum Regis, ad *Jo-*
hannem Georgium II. Saxonum Electorem, quibus
ipsi, internecina in Regnum Sveciæ odia Domui Au-
striacæ ita volupe esse, ut classicum contra istud canen-
do ab omnibus æquæ pacis conditionibus abhorreat,
exponit, ac eum, ut adæquata malis hisce, qua jam va-
leret per Sac. Rom. Imperium Vicarii autoritate, ad-
hibere remedia haud gravetur, blande compellat,
1658. pag. 61

CCC. Literæ *Oliiverii Cromwellii*, Anglicanæ Reipublicæ
Protektoris, ad *Ferdinandum II.* Magnum Hetrurix
Ducem, quibus Classem Anglicam in conspectu Por-
tus Liburnensis hostilem in modum habitam esse gra-
viter conqueritur, utque supplicio Præfecti Liburnen-
sis id jussu & voluntate sua haud factum esse ostendat,
aut facti vindictam expectet, monet & minatur, 1658. pag. 65

CCCI. Literæ *Oliiverii Cromwellii*, Protektoris Reipubli-
cæ Angliæ, ad *Ludovicum XIV.* Galliæ Regem, cui pro
illustri ad se missa legatione & victoriæ nuper obtentæ
com-

communicatione gratias agit maximas, ejusque rationes sibi constanter curæ fore, promittit, 1658. pag. 68

CCCII. Literæ *Oliiverii Cromwellii*, Protectoris Reipublicæ Angliæ, ad *Cardinalem Mazarinum*, cui, quod Nepotem suum una cum illustri Regis legatione ad se miserit, cumulatissimas gratias agit, quantique eum faciat, testatur, 1658. pag. 70

CCCIII. Literæ *Oliiverii Cromwellii*, Protectoris Reipublicæ Angliæ, ad *Carolum Gustavum*, Svecorum Regem, quibus ipsi, sibi per improborum Civium suorum perfidiam fœdus cum eo inire non licere, se tamen omnibus, quibus posset, officiis, illius rationibus non defuturum nuntiat, 1658. pag. 72

(II) Literæ *Friderici III.* Danicæ Regis, ad *Petrum VVibium*, Præfectum Nidrosiensem, quibus Svecicæ Commissariis Rumsdahlensem Præfecturam extradi tandem jubet, 1658. pag. 985

(III) Literæ *Caroli Gustabi*, Sveciæ Regis ad *Fridericum III.* Danicæ Regem, quibus sibi damni, Societati in Africa Svecicæ a Carolo illati, causâ satisfieri, & residua Pacis Rothschildienfis capita executioni tandem plenarie mandari cupit, 1658. pag. 986

(IV) Responsorie *Friderici III.* Danicæ Regis, ad præinsertas *Caroli Gustabi*, Svecorum Regis literas, 1658. pag. 986

CCCIV. Literæ *Deputatorum Caroli Gustabi*, Regis Svecorum nomine ad pacis tractatus in omnibus borealibus reassumendos missorum, ad *Deputatos Friderici VVilhelmi*, Electoris Brandenburgici, de quorum discessu Pacis conventui remoram injiciente, graviter conquerruntur, 1658. pag. 74

CCCV. Responsorie *Deputatorum Brandenburgicorum*, ad proxime præcedentes *Svecicorum* literas, 1658. p. 75

(V) Literæ Plenipotentiariorum Svecicorum, ad *Ottonem L. Bar. a Schöfferin & D. VVeimannum*, Plenipotentiarios Brandenburgicos, quibus eis præproperatum Gottorpiæ discessum exprobrant, & inique facta, quorum se infimulaverant, in ipsorum sinum cum fœnore retorquent, 1658. pag. 991

(VI) Literæ *Caroli Gustabi*, Svecorum Regis, ad *Fridericum III.* Danicæ Regem, quem instanter arget,

ut tandem omnibus initæ Pacis conditionibus ex asse
satisfieri cures, 1658. pag. 999

CCCVI. Literæ recedentiales, a *Johanne Georgio II.* Ele-
ctore Saxoniz, & tunc temporis S. R. Imperii Vicario,
Domino de Maferoles ad *Ludovicum II.* Principem
Condeum redditæ, 1658. pag. 77

CCCVII. Literæ *Oliberii Cromwellii*, Reipublicæ Ang-
liæ Protectoris, ad *Alphonsum VI* Lusitaniz Regem,
quibus eum, ut *Johanni Buffield*, mercatori Londi-
nensi, a Tamignensibus mercatoribus, debitoribus suis,
variis artibus eluso, de iure melius administrando pro-
spicere, aut totam actionem, ad iudicium Conserva-
toris, judicandis Anglorum causis in Lusitania con-
stituti, rejicere dignetur, amice compellat, 1658. pag. 78

CCCVIII. Literæ Intercessionales ab *Oliberio Cromwellio*,
Reipublicæ Angliæ Protectore, ad *Leopoldum*, Austriæ
Archiducem, & sub *Philippo IV.* Hispaniarum Rege,
Provinciarum in Belgio Præsidem, pro *Carolo Har-*
bordo, Equite Anglicano, exaratae, 1658. pag. 80

(VII) Literæ *Fryderici III.* Danorum Regis, ad *Si-*
monem de Pytticum, negotiorum suorum in Anglia
procuratorem, cui clementer injungit, ut apud An-
gliæ Protectorem rogando instet, velit Regem Sve-
ciæ omni possibili modo eo permovere, quo tandem
exercitum suum e Regno ditionibusque Danicis edu-
cat, 1658. pag. 1001.

CCCIX. Literæ *Caroli Gustabi*, Svecorum Regis, ad *Gene-*
rales Federati Belgii Ordines, quibus ipsis causas bel-
li denuo contra Danos moti breviter exponit, ac ab
iis, num in constanti & proficuis tot annorum fœderi-
bus communita amicitia secum perstare, aut hostium
suorum partes consilio & ope sua roborare velint, cate-
gorice sibi responderi cupit, 1658. pag. 81

CCCX. Literæ *Caroli Gustabi*, Svecorum Regis, ad *Ludo-*
vicum XIV. Galliarum Regem, cui causas, quæ sibi invi-
to arma in Danos resumendi necessitatem imposuerint,
recenset, eumque, ut porro se eo, quo solitus semper
fuisse favore prosequi non intermitteret, blande com-
pellat, 1658. pag. 87

CCCXI. Literæ *Richardii Cromwellii*, Protectoris Reipu-
blicæ Angliæ, ad *Ludovicum XIV.* Galliarum Regem,
cui

cui Oliverium, Parentem suum, diem extremum confecisse nuntiat, 1658. pag. 93

CCCXII. Literae *Caroli Gustafi*, Svecorum Regis, ad *Generales Foederati Belgii Ordines*, a quibus, ne naves Belgicas breviora circa Croneburgum a se retentas fuisse, aegre ferant, omnia mutuae amicitiae officia in compensationem pollicitus, obnixè contendit, 1658. pag. 94

CCCXIII. Literae *Friderici VIIthelmi*, Electoris Brandenburgici, ad *Ludovicum XIV.* Galliae Regem, cui causas, quibus coactus ad arma contra Sveciae Regem descenderit, explicat, 1658. pag. 96

CCCXIV. Literae *Richardi Cromwellii*, Protectoris Reipublicae Angliae, ad *Cardinalem Julium Mazarinum*, cui Oliverium, Parentem suum, vitæ defunctum esse significat, 1658. pag. 102

CCCXV. Literae *Richardi Cromwellii*, Protectoris Reipublicae Angliae, ad *Carolus Gustabum*, Svecorum Regem, quibus ipsi, se omnia, quae tamē Sveciae quam Angliae rebus fore judicaret, omni, qua per temporum injurias liceret, promptitudine effecturum spondet, 1658. pag. 103

CCCXVI. Literae *Richardi Cromwellii*, Protectoris Reipublicae Angliae, ad *Carolus Gustabum*, Sveciae Regem, cui se nunquam foederi paterno cum ipso percussio, quantum in se esset, defuturum promittit, classemque Anglicanam, mare Balticum versus vela dedisse refert, 1658. pag. 105

CCCXVII. Literae *Richardi Cromwellii*, Protectoris Reipublicae Angliae, ad *Carolus Gustabum*, Svecorum Regem, quibus ipsi *Georgium Aiscoum*, Equitem Auratum, Svecicae militiae auspicia sequi flagrantem, studiose commendat, & illi fidem habere cupit, 1658. pag. 106

(IIIX) Literae *Bartholdi Hartwigii Bülowii*, summi Praefidio Thorunienſi a Rege Sveciae Praefecto, ad *Nicolaum Prazmowski*, supremum Regni Poloniae Cancellarium, praejudicium in literis sibi transmissis Regii tituli ratione metuendum, modeste declinantes, 1658. pag. 107

(IX) Responsoriae *Nicolai Prazmowski*, supremi Re-

Regni Poloniae Cancellarii, ad praefectas *Bartholdi Hartwigii Bülowii*, supremi, qui in praesidium Thorunienſe Imperium militare exercebat, Praefecti, cui ſimul urbis ad incitas redactae honeſtam deditionem ſvadet, 1658. pag. 1005

(X) Literae *Bartholdi Hartwigii Bülowii*, Primarii Praefidii Thorunienſis Gubernatoris, ad *Nicolaum Prazmobiū*, Supremum Regni Poloniae Cancellarium, a quo obnixè contendit, velit ſibi a Rege Poloniae impetrare libertatem mittendi ad Regium Fratrem, Mariaeburgum verſus, perſonam quandam, quae ab ipſo dedendae urbis veniam rogare queat, 1658, pag. 1007

(XI) Literae *Nicolai Prazmobi*, ſupremi Regni Poloniae Cancellarii, ad *Benedictum Oxenſtiernam*, Regni Sveciae Senatorem & Cancellariae Conſiliarium, quibus ad praecedentes Bülovii Literas reſpondet, & oblata literarum Mariaeburgum mittendarum veniam, denuo dedendae urbis mentionem injicit, 1658. p. 1009

(XII) Reſponſoriae *Benedicti Oxenſtiernae*, ad praefectas *Nicolai Prazmobi* Literas, quibus ſe oblatam mittendarum Mariaeburgum literarum veniam gratà mente recepiſſe, res tamen ſuas majori cum ſecuritate fore conjunctas aſſerit, ſi ſibi per Regem Poloniae, aliquem e ſuis Mariaeburgum verſus mittere, fuerit licitum 1658. pag. 1010

(XIII) Literae *Friderici III. Daniae Regis* ad *Stephanum in Czarnca Czarniecki*, Terrarum Ruſſiae Palatinum, & exercituum Regis Poloniae Generalem, cujus heroicam in conſictibus cum Svecis commiſſis virtutem egregiis mactat encomiis, 1658. pag. 1012

CCCXVIII. Literae *Friderici VIIbelmi*, Electoris Brandenburgici, ad *Richardum Cromwellium*, Reipublicae Anglicanae Proteſtorem, quibus vehemente in Svecos invectus, ipſum, ne deſtinatas Sveciae Regi ſuppetias ſubmittat, ſollicite hortatur, 1658. pag. 107

ANNUUS MDCLIX.

CCCXIX. Literae tuti & ſalvi comiteatus a *Johanne Caſſimiro*, Poloniae Rege, *Svecicis Conſiliariis*, ad Pacis tra-

tractatus in Borussia inchoandos deputatis, transmissz,
1659. pag. 113

CCCXX. Literz *Antonii Lumbrani*, Legati Gallici, ad
Andream Gyldenklabium, Regni Sueciæ Deputatum,
apud quem, ut salvi conductus tabulas quantocyus
commutari cum Polonis efficiat, vehementer instat,
1659. pag. 117

CCCXXI. Responsorix *Andree Gyldenklabii*, Suecici ad
pacis negotia Deputati, ad *Antonii Lumbrani*, Gal-
lici Legati, proxime præcedentes literas, 1659. pag. 119

CCCXXII. Breve *Alexandri P. P. VII.* ad *Johannem Phi-
lippum*, Moguntinum & *Maximilianum Henricum*,
Coloniensem Electores, quo eos, ut paci universali
inter Catholicos Principes reducendæ omnem porro
dent operam, serio hortatur, 1659. pag. 124

CCCXXIII. Literz intercessionales a *Richardo Cromwellio*,
Anglicanæ Reipublicæ Protectore, ad Potestates
Orientalis Frisiæ, pro Maria Grindaria, vidua, datz,
1659. pag. 125

CCCXXIV. Literz *Richardi Cromwellii*, Protectoris Reipu-
blicæ Angliæ, ad *Carolam Gustabum*, Suecorum Re-
gem, quibus naves Samuelis Pigotti, Mercatoris Lon-
dinenfis, in mari Baltico a copiis quibusdam Suecicis
detentas, ut quamprimum liberas dimitti curet, obnixè
ab eo contendit, 1659. pag. 127

CCCXXV. Literz *Friderici III.* Daniæ Regis, ad *Richar-
dum Cromwellium*, Anglicanæ Reipublicæ Protectorem,
quibus ipsi ingentes pro denuo oblato mediationis stu-
dio grates refert, eumque, ut se fractæ cum tot sum-
marum Potestatum opprobrio fidei vindicem præstet,
amice monet, 1659. pag. 128

CCCXXVI. Literz, quibus *Johannes Georgius II.* Saxoniz
Electör, *Carolo Gustabo*, Suecorum Regi, Magdale-
nam Sibyllam, matrem suam, mortem cum vitâ com-
mutasse nuntiat, 1659. pag. 131

CCCXXVII. Literz *Philippi Meadosii*, Legati in Sueciam
Anglicani, ad *Marescallum Danicum*, cui interposi-
tionis officia nomine Richardi Cromwellii, Prote-
ctoris Angliæ, Domini sui offert, Regnoque Daniæ
particulares cum Suecis Tractatus suadet, 1659. pag. 132

CCCXXIX. Responsorix *Marescalli Daniçi*, ad præin-
feras

- fertas *Philippi Meadosii*, Anglicani Legati literas
 1659. pag. 135
- CCCXXIX. Literæ *Johannis Philippi*, Moguntini, &
Maximiliani Henrici, Colonienſis Electorum, ad
Ludovicum XIV. Galliarum Regem, cui pro ſumma & lau-
 datiffima in pacem univerſalem propenſione gratias
 agunt maximas, eumque, ut quantocyus illam effectui
 dare dignetur, modeſte rogant, 1659. pag. 136
- CCCXXX. Literæ *Richardi Cromwellii*, Protectoris Reipub-
 licæ Angliæ, ad *Ludovicum XIV.* Galliarum Regem, a
 quo, ut Edictum, quo proteſtantibus in Provincia Sacro-
 rum cultu interdictum, ſufferre, eorumque maleſa-
 num turbatorem pœnas ſcleris commiſſi dare jubeat,
 obnixè contendit, 1659. pag. 138
- CCCXXXI. Literæ *Richardi Cromwellii*, Protectoris Rei-
 publicæ Angliæ, ad *Cardinalem Mazarinum*, qui-
 bus pro Petro Perro, Navarcho quodam Anglicano,
 apud eum intercedit, 1659. pag. 139
- CCCXXXII. Literæ *Richardi Cromwellii*, Protectoris Rei-
 publicæ Angliæ, ad *Alphonſum VI.* Luſitaniarum Regem
 quibus ipſi inſignem e Hiſpanis reportatam gratulatur
 victoriam, eumque, ut Alexandro Bernico, merca-
 tori Londinenſi, duplum navigationis præmium, a
 ſocietate Braſilienſi debitum exſolvi jubeat, amice re-
 quirat, 1659. pag. 140
- CCCXXXIII. Literæ *Friderici III.* Daniarum Regis, ad *Johan-
 nem Caſimirum*, Poloniarum Regem, quibus eum, ne ſe
 a Rège Sueciæ, ſubdolis artibus ſœderatos diſtrahere
 ſatagente, & peculiaribus pacis conditionibus inſiſtente,
 a ſœderis communis nexu avelli pateretur, cordate
 hortatur, 1659. pag. 142
- CCCXXXIV. Literæ commendatitiæ a *Richardo Cromwel-
 lio*, Anglicanæ Reipublicæ Protectoris, ad *Cardinalem
 Mazarinum*, viduz Ducis Richmondiæ in Galliam cum
 filio iter facienti traditæ, 1659. pag. 144
- CCCXXXV. Literæ *Plenipotentiariorum Suecicorum*, paci
 cum Polonis componendæ deſtinatorum, ad *Hugo-
 nem Terlonum*, Legatum in Polonia Gallicum, apud
 quem ſalvorum conductuum permutationem denuo
 urgent, 1659. pag. 144
- CCCXXXVI. Literæ credentiales a *Richardo Cromwellio*,
 An-

Anglicanae Reipublicae Protector, Eduardo Montagu,
Anglicae classis summo Praefecto, ad *Fridericum* III.
Daniae Regem datae, 1659. pag. 147

CCCXXXVII. Literae *Antonii Lumbrani*, Plenipotentiarium
Gallici ad *Plenipotentiarjos Suecos*, ad pacem cum Po-
lonis redintegrandam deputatos, quibus eos, ne iter
suum Borussiae versus, obinatos quosdam circa salvo-
rum conductuum Diplomata scrupulos diutius diffe-
rant, sollicitè hortatur, 1659. pag. 149

CCCXXXIX. Responsoriae *Plenipotentiariorum Sueco-
rum* ad proxime praefertat *Antonii Lumbrani*, Legati
Gallici, literas, 1659. pag. 151

CCCXXXIX. Literae *Eduardi Montagu*, Classis Angli-
anae Praefecti primarii, ad *Fridericum* III. Daniae Regem
quibus eum, quae de causa in fretum Oresundicum
missus sit, certiore reddit, 1659. pag. 155

CCCXL. Literae *Plenipotentiariorum Suecorum*, ad *Hu-
gonem Terlonum*, Legatum in Polonia Gallicum, cui,
ut obstacula, quae iter suum in Borussiae remoraren-
tur, remove quantocyus haud gravetur, sollicitè in-
jungunt, 1659. pag. 156

CCCXLI. Literae *Parlamentii Reipublicae Angliae restitui*,
ad *Carolus Gustavus*, Suecorum Regem, quibus ab
eo, ut Philippo Meadovio, Legato Anglicano, jam
nunc nomine suo fidem amplam & aures benignas prae-
bere velit, amice efflagitat, 1659. pag. 158

CCCXLII. Literae *Plenipotentiariorum Suecorum*, ad *Hu-
gonem Terlonum*, Gallicum in Polonia Legatum, a
quo, ut sibi reformatum saluum conductum confestim
transmittat, & maculam iniquarum pacis conditio-
num passim sub Suecorum nomine sparsarum a se haud
gravatim diluat, modeste contendunt, 1659. pag. 159

CCCXLIII. Literae *Plenipotentiariorum Suecorum*, ad
Hugonem Terlonum, Legatum in Polonia Gallicum,
cui transmissi salvi conductus apographum variis ite-
rum mendis scaterere significant, 1659. pag. 161

CCCXLIV. Literae *Plenipotentiariorum Suecorum*, ad
Dn. *Akakiem*, Gallicae Legationis Secretarium, a
quo, ut in Aula Polonica ea dexteritate, quae adhuc
usus esset, pacis negotium promovere haud intermit-
tat, modeste contendunt, 1659. pag. 163

CCCXLV,

CCCXLV. Literæ *Plenipotentiariorum Suecicorum*, ad *Antonium Lumbranium*, Pacis inter Suecos & Polonos restituendæ sequestrum, quibus se valde in pacem pronos esse testantur, & eum, ut omni cura in id enitatur, quo & Poloni idem aliquando faciant, amice requirunt, 1659. pag. 164

CCCXLVI. Literæ *Friderici III. Danicæ Regis*, ad *Generales Fæderati Belgii Ordines*, quibus pacti Hagensis contenta, velut securitati Regiæque Dignitati suæ minus congrua, valde aspernatus, promissas sibi suppetias, ut modo rerum præsentium statui conformi hostes adoriri mandent, ab eis sollicitè efflagitat, 1659. pag. 165

CCCXLVII. Literæ *Parlamenti Restituti Reip. Anglicanæ* ad *Fridericum III. Danicæ Regem*, quibus *Eduardo Montagu*, *Aldernono Sydnejo* & *Roberto Honywoodo*; *Plenipotentariis Anglicanis*, plenam suo nomine fidem haberi cupit, 1659. pag. 168

CCCXLVIII. Literæ *Plenipotentiariorum Suecicorum*, ad *Antonium Lumbranium*, Pacis Polonos & Suecos inter restabiliendæ sequestrum, a quo, ut a Polonis categoricum responsum poscat, num serio tandem pacis tractatui manus animosque admoveat, aut ab eo desistere cupiant, obnixè contendunt, 1659. pag. 170

CCCXLIX. Literæ *Plenipotentiariorum Suecicorum*, ad *Antonium Lumbranium*, quibus se itineri Borussiae versus suscipiendo paratos profitentur, modo desiderariis suis satisfactum fuerit, 1659. pag. 174

CCCL. Literæ *Eorundem Plenipotentiariorum* ad *Antonium Lumbranium*, cui se tandem salvos conductus, tot vicibus desideratos, accepisse nuntiant, & novos quosdam in Brandenburgico occurrentes, ut emendari curet, sollicitè injungunt, 1659. pag. 176

CCCLI. Literæ *Deputatorum Electorum, Principum & Statuum S. R. Imperii*, ad *Carolus Gustavum*, Suecorum Regem, quibus eum in laudabili, quod professus erat, pacis reducendæ studio confirmare satagunt, 1659. pag. 177

CCCLII. Literæ *Dni. de Lionne*, Legati Gallici, ad *Johannem Philipum*, *Moguntinum* & *Maximilianum Henricum*, *Coloniensem Electores*, quibus argumenta in respon-

responſo Legati Hiſpanici allata nullius roboris eſſe
exponit, 1659. pag. 179

CCCLIII. Litteræ *Matthiæ Biörenklæbii*, Legati in Germa-
nia Suecici, ad *Johannem Philippum* Electorem Mo-
guntinum, a quo, ut ſcriptum quoddam, Cæſareis liti-
ris de $\frac{1}{2}$ Auguſti Poſonio ſcriptis oppoſitum, Stati-
bus S. R. Imperii, per dictaturam communicari curet,
ſubmiſſe efflagitat, 1659. pag. 180

CCCLIV. Litteræ *Caroli Guſtavi*, Suecorum Regis, ad
S. R. Imperii Electores, Principes & Status, quibus
iſſis modum, quo adhuc ſecum, auxilia S. R. Imperii
vigore Pacis Weſtphaliæ poſtulante, præpoſtera ordi-
num ejusdem indulgentia actum ſit, exponit, eosque,
ut tandem Sueciæ rationes tot hoſtium inſenſiſſimis co-
natibus fatigatas, majore æquitatis ratione perpendant
& efficaciiori ſuaſionis argumento ſublevare conten-
dant, graviter hortatur, 1659. pag. 182

CCCLV. Litteræ *Ludovici de Hare*, Hiſpaniarum Regis
Plenipotentiarii, ad *Maximilianum Henricum*, Ele-
ctorem Colonienſem, cujus rationes & Regi ſuo & ſibi
maximopere cordi fuiſſe foreque ſemper, aſſeverat,
1659. pag. 190

CCCLVI. Litteræ *Ludovici XIV.* Galliarum Regis ad *Depu-
tationem S. l. Rom. Ordinariam*, Francofurti ad Mœnum
exiſtentem, cui Pacem inter Galliam Hiſpaniamve
concluſam eſſe ſignificat, ejusque Protectionem pro
Coronæ Sueciæ Provinciis contraria paci Weſtphali-
cæ belli mole preſſa expoſcit, aut ſi ea negligatur, ſe
paciſ iſtius vindictam ſuſcepturum minatur, 1659
pag. 192

CCCLVII. Litteræ *Julii Mazarini*, S. R. E. Cardinalis,
ad *Johannem Philippum*, Moguntinum & *Maximi-
lianum Henricum*, Colottiſenſem Electores, quibus
pro egregie navata circa Pacis Pyrenææ negotium ope-
ragratias reponit maximas, eosque impenſe hortatur,
ut cum Rege Chriſtianiſſimo ſtrenue pergant, etiam
ceteros per Germaniam belli motus componere,
1659. pag. 200

ANNUS MCCLX.

CCCLIX. Litteræ *Plenipotentiariorum* ad Tractatus Oli-
venſes

venſes *Suecicorum*, quibus *Antonio Lumbrano*, Gallico in iisdem tractatibus ſequeſtro, ut Secretario ſuo fidem fidei ipſius commiſſis condignam habeat, amice injungunt, 1660. pag. 203

CCCLIX. Literæ *Caroli XI.* Suecorum Regis, ad *Generales ſederati Belgii Ordines*, quibus Parentem ſuum, *Carolus Guſtavus*, fato deſunctum eſſe, ſignificat, ac *Petro Julio Cojeto*, Aſlegato Suecico, impoſterum ſuo nomine fidem haberi cupit, 1660. pag. 204

CCCLX. Literæ ab *Ordinario S.R. Imperii conventu* ad *Ludovicum XIV.* Gallie Regem miſſæ, cui de pace cum Rege Hiſpaniæ facta gratulantur, ſequæ omnem lapidem moturos eſſe, ut exorti per Imperium belli motus quam primum ſopiantur, promittunt, 1660. pag. 206

CCCLXI. Literæ *Caroli XI.* Suecorum Regis, ad *Johannem Georgium II.* Saxonie Electorem, cui Parentem ſuum ex hac miſeriarum valle ereptum ad beatioreſ cœli ſedes, ſe vero in thronum ejus evectum eſſe ſignificat, 1660. pag. 208

CCCLXII. Literæ *Caroli XI.* Suecorum Regis, ad *Petrum Julium Cojetum*, alioſque Regni Suecici Hagæ Comitum ſubſiſtentes Miniſtros, quibus *Carolus Guſtavus*, Parentem ſuum, vita exceſſiſſe refert, eoſque, ut in muneribus ſibi conceditis ſtrenuam dehinc, ſuo nomine, navent operam, clementer hortatur, 1660. pag. 210

CCCLXIII. Literæ *Plenipotentiariorum Suecicorum*, in conventu Olivenſi, ad *Antonium Lumbrannum*, Gallicum in eodem Legatum Mediatorem, a quo, ut ultimam manum operi ad exoptatum ferme finem perducto imponere haud gravetur, obnixè contendunt, 1660. pag. 213

CCCLXIV. Literæ *Caroli XI.* Suecorum Regis, ad *Johannem Caſimirus*, Poloniæ Regem, quem de Parentis ſui obitu certiorem reddit, 1660. pag. 219

CCCLXV. Literæ *Senatorum Regni Sueciæ*, ad *Senatores Regni Polonia, Magnique Duc, Lithuania*, quibus pacem inter utraque Regna concluſam impenſè gratulantur, & ſuaviora dulciſſimarum pacis gratiarum officia trucibus belli viciffitudinibus commutanda offerunt, 1660. pag. 216

CCCLXVI.

CCCLXVI. Literæ *Caroli XI.* Suecorum Regis, ad *Johannem Casimirum*, Poloniarum Regem, cui de pace secum composita gratulatur, mutuxque amicitiz & necessitudinis studia pollicetur, 1660. 239

CCCLXVII. Responsoriz *Johannis Casimiri*, Poloniz Regis, ad præinsertas *Caroli XI.* Suecorum Regis gratulatorias, parem amicitiz & foederum constantiam spirantes, 1660. 232

CCCLXVIII. Literæ *Caroli XI.* Suecorum Regis, ad *S. R. Imperii Electores, Principes & Status* Francofurti ad Moenum in ordinario Deputationis negotio congregatos, quibus pacem cum Polonis Danisque conclusam esse nuntiat, eosque, ut Paci Poloniz autoritatem totius Imperii nomine præstare haud graventur, blande compellat, 1660. 224

CCCLXIX. Responsoriz a *S. R. Imperii Electorum, Principum & Statuum Deputatis*, ad proxime præcedentes *Caroli XI.* Suecorum Regis literas, 1660. 228

CCCLXX. Literæ *Christophori Caroli*, Comititis & *Schlippenbach*, Senatoris Regni Suetiz, ad *Nicolaum in Prasmon Prasnowski*, supremum Regni Poloniz Cancellarium, a quo, ut sibi mentem suam, circa foedus inter utramque gentem, communi periculo avertendo, pangendum, candide aperire dignetur, modeste efflagitat, 1660. 230

CCCLXXI. Literæ *Johannis Casimiri*, Regis Poloniz, ad *Fridericum VVilhelmum*, Electorem Brandenburgicum, quibus eum, ne dilationem solutionis aris, renore Bidgostianæ Conventionis sibi solvendi, in finisram partem interpretetur, amice requirit, eamque finitis Comitibus præstitum iri promittit, 1660. 232

CCCLXXII. Literæ ejusdem cum præinsertis argumenti a *Johanne Casimiro*, Poloniz Rege, ad *Fridericum VVilhelmum*, Electorem Brandenburgicum, datæ, quibus simul vim incolis Majoris Poloniz, a Præfecto Colbergensi illatam imposterum amoveri, & occupationem Capitaneatus Drahimensis differri cupit, 1660. 234

CCCLXXIII. Literæ *Friderici VVilhelmi*, Electoris Brandenburgici, ad *Johannem Casimirum*, Poloniz Regem, apud quem negotium tradendæ Elbingæ illicitis Polo-

nici Commissarii artibus protractum inopinatisque difficultatibus involutum, graviter conqueritur, 1660.

pag. 235

CCCLXXIV. Responsorie *Johannis Casimiri*, Poloniz Regis, ad przinferas *Friderici VVilhelmi*, Electoris Brandenburgici Literas, quibus ipsi par pari refert, 1660.

pag. 240

CCCLXXV. Literz commendatitiz Wolfgango Casparo Clengelio, a *Johanne Georgio II.* Saxoniz Electore, ad *Ferdinandum II.* Magnum Hetruriz Ducem traditiz, 1660.

pag. 243

CCCLXXVI. Literz *Legatorum Brandenburgicorum* ad *Vladislaum Naglovice* Rey Polonicum in tradenda Elbingz negotio Commissarium, quem ne discessu suo rebus adhuc conventis moram injiciat, amice monent, 1660.

pag. 245

CCCLXXVII. Literz *Senatus Rostochiensis*, ad *generales federati Belgii Ordines*, quibus sibi literas intercessionales, ab eis ad Regem Sueciz, suz Civitatis causa datas, ob vitium in titulo Regis observatum, remissas esse, nuntiat, seque aliis in optima forma scriptis ab onere per vestigal Warnemundenise sibi incumbente levare, humiliter precatur, 1660.

245

CCCLXXVIII. Literz *Friderici VVilhelmi*, Electoris Brandenburgici, ad *Johannem Casimirum*, Poloniz Regem, quibus ipsi destinatum sibi iter in Ducatum Chivensem eique adfisas Provincias significat, ac Elbingz confestim tradenda suarumque Provinciarum curam & protectionem amice commendat 1660.

pag. 248

CCCLXXIX. Responsorie *Johannis Casimiri*, Poloniz Regis, ad *Friderici VVilhelmi*, Electoris Brandenburgici przinferas literas, 1660.

pag. 249

CCCLXXX. Literz *Caroli II.* Magnz Britanniz Regis, ad *Fridericum III.* Daniz Regem, cui de Regno Daniz hereditario jure in ipsum translato impense gratulatur, 1660.

pag. 252

CCCLXXXI. Literz *Senatus Civitatis Monasteriensis*, ad *Plenipotentiarium suum*, Hagz Comitum degentem, curam rerum suarum sollicite committit, 1660.

pag. 253

ANNUS

(XIV.) *Litteræ Caroli II. Magnæ Britannię Regis, ad Carolum XI. Suecorum Regem, cui se nuper ad avita Regna sua placide & tranquille restitutum esse nuntiat, & sincera sanctoris inter Reges necessitudinis officia offert, 1661.* pag. 1014

CCCLXXXII. *Litteræ Johannis Georgii II. Saxonię Electoris, ad Ferdinandum II. Magnum Hetrurię Ducem, cui de feliciter contracto filii primogeniti cum Principe Aurelianensi matrimonio gratulatur, 1661.* pag. 254

CCCLXXXIII. *Litteræ ab ordinaria S. R. Imperii Deputatione ad Ludovicum XIV. Gallię Regem, cui causam Comitum de Nassau Saarbrücken & Baronum de Siekingen, restitutionem Comitatus Saarwerdenſis &c. a Duce Lotharingio præſtandam, spectantem, sollicite commendat, 1661.* pag. 255

CCCLXXXIV. *Litteræ Johannis Casimiri, Polonię Regis, ad Leopoldum, Rom. Imperatorem, quibus ab eo, ut Franciscum de Lifola, Legatum suum, sibi rationibusque suis valde molestum, revocare haud gravetur, obnixè contendit, 1661.* pag. 257

CCCLXXXV. *Litteræ Gustafi Adolphi, Ducis Megapolitani, Lineę Gustroviensis, ad Carolum XI. Suecorum Regem, apud quem inhibitionem operis ad Ostium Warnę, jussu Regio, exſtruendi, & abrogationem telonii ibidem constituti instantèr urget, 1661.* pag. 259

CCCLXXXVI. *Responsorię Caroli XI. Suecorum Regis, ad præinfertas Gustafi Adolphi, Ducis Megapolitani, Litteras, quibus sibi in portibus & litoribus Megapoleos omnibus, singula telonii jura, vigore Pacis Westphalię competere, demonstrare conatur, 1661.* pag. 261

CCCLXXXVII. *Litteræ Leopoldi, Rom. Imperatoris, ad Franciscum de Lifola, Legatum suum, quibus ipsum, quem se circa differentias inter semetipsum & aulam Polonię exortas gerere debeat, instruit, dulciq; constantis gratiæ suę promissione solatur, 1661.* pag. 273

CCCLXXXVIII. *Litteræ Venceslai Comitiss de Lesno, Archipraefulis Gnesnensis, ad Fridericum VII. Wilhelmum, Electorem Brandenburgicum, quibus dilatam de-*

nuo Elbingae traditionem excusare satagit, 1661.

pag. 277

CCCLXXXIX. Literae *Johannis Georgii II.* Saxoniae Electoris, ad *Feidinandum II.* Magnum Hetruriae Ducem, quibus ipsi, pro transmissis sibi raris muneribus, ingentes grates referens paria, data occasione, sinceri amoris documenta promittit, 1661.

pag. 278

(XV.) Literae *Ludovicae Mariae*, Reginae Poloniae, ad *Exercitum Polonicum*, nexu charitativo junctum, cui periculosa in patriam consilia dissuadet, suosque ad ipsum Legatos commendat, 1661.

pag. 1015

(XVI.) Responsoriae *Exercitus Polonici*, nexu foederatitio vincti, ad praeinsertas *Ludovicae Mariae*, Reginae Poloniae literas, 1661.

pag. 1016

ANNUS MDCLXII.

(XVII.) Literae *Johannis Casimiri*, Poloniae Regis, ad totam universitatem trium Civitatum *Peplomontanarum*, quibus eam gratiae suae & constantis Privilegiorum avitorum patrocinii securos esse jubet, 1662.

pag. 1017

CCCXC. Literae recedentiales a *Leopoldo*, Rom. Imperatore, Legatis Suecicis, recipiendae investiturae Germanicarum Provinciarum ergo missis, ad *Carolus XI.* Suecorum Regem traditae, 1662.

p. 279

CCCXCI. Literae, quibus *Johannes Georgius II.* Saxoniae Elector, *Marchioni de La Fuente*, Hispaniarum Regis in Gallia Legato, gratias agit, pro relato sibi auspicio Regis sui armorum successu, 1662.

pag. 282

CCCXCII. Literae fiduciariae, *Domino de Gravel* a *Ludovico XIV.* Galliae Rege ad *Status S. R. Imperii*, in Comitibus Ratisbonensibus congregatos, datae, 1662.

pag. 283

CCCXCIII. Literae *Johannis Georgii II.* Saxoniae Electoris, ad *Marchionem de la Fuente*, Hispaniarum Regis Extraordinarium ad Aulam Caesaream Legatum, cui pro fida status sui relatione gratias agit, ac res in Gallia e voto gestas gratulatur, 1662.

p. 285

ANNUS MDCLXIII.

CCCXCIV. Literae *Philippi IV.* Hispaniarum Regis ad

Augu-

Augustum, Ducem Brunsvigo-Luneburgensem, cui filiam suam Margaretam. Leopoldo Rom. Imperatori proxime matrimoniali junctum iri vinculo, amice refert, 1663. pag. 286

CCCXCV. Literæ *Joh. Georgii II.* Electoris Saxoniae, ad Regis Hispaniarum in Aula Caesarea Legatum, *Marchionem de la Fuente*, cui felicem itineris in Galliam resumendi gratulatur exitum, ac officia benevoli animi nunquam in se cessatura promittit, 1663. p. 287

CCCXCVI. Literæ commendatitiae a *Johanne Georgio II.* Saxoniae Electore, Dominico Melani, iter in Italiam paranti, ad *Ferdinandum II.* Magnum Hetruriae Ducem datae, 1663. pag. 288

CCCXCVII. Literæ *Georgii Lubomirskii*, Marefcalli Poloniae, ad *Duſſores Exercitus Polonici*, tumultuario conſtu reſidua poſcentis ſtipendia, quibus ipſis ſaniora conſilia & concordiam oblatamque cum Rege Reque publica reconciliationem graviter ſuadet, 1663. pag. 289

CCCXCIX. Literæ *Georgii Lubomirskii*, Magni Regni Poloniae Mareſchalli, ad *Duſſores Exercitus Polonici*, ſtipendiorum reſtantium ergo tumultuantis, quibus denegatam eſſe Regis Commiſſariis colloquendi ſecum copiam, vehementer exprobrat, eosque per Patriae amorem & omnia ſanioris rationis argumenta obteſtatur, ut perſumpto ſeditioſi nexus vinculo ad priſtina obſequia redeant, 1663. pag. 292

CCCXCIX. Literæ *Venceslao Leſzczynſki*, Archipraefulis Gneſnenſis, ad *Georgium Lubomirskium*, Magnum Regni Poloniae Mareſchallum, quibus, ſe cenſuram ſuffragio ipſius ab Anonymo ſuperadditam animo tu- liſſe aegerrimo, meritaque ejus æviterno encomio digna in animo ſuo penitus deſiſſiſſe, reſtat, 1663.

CCCC. Literæ *Johannis Georgii II.* Saxonum Electoris, ad *Philippum IV.* Hispaniarum Regem, cui felix fau- ſtumque filiae ſuae cum Leopoldo Rom. Imperatore, gratulatur matrimonium, 1663. pag. 296

CCCCI. Literæ *Venceslao Leſzczynſki*, Archiepiſcopi Gneſnenſis, ad *Georgium Lubomirskium*, Magnum Regni Poloniae Mareſchallum, a quo, ut conſilia ſe-

cum de sopiendis in exercitu excitatis periculosis mor-
tibus quantocyus conferre haud gravetur, obnixè con-
tendit, 1663. pag. 297

CCCCII. Literae *Venceslai Leszczynii*, Archiepiscopi
Gnesnensis, ad *Georgium Lubomirskium*, Magnum
Regni Poloniae Marefcallum, quem Javoroviam ad
habendam secum de diffuendo Exercitus periculoso
nexu consultationem amice invitat, 1663. p. 299

CCCCIII. Literae, quibus *Job. Georgius II.* Saxonum Ele-
ctor, *Ferdinanda II.* Magno Etruriae Duci de nato
ipsi & Filio primogenito nepote gratulatur, 1663.
pag. 300

CCCCIV. Literae *Stanislai Potockii*, Palatini Cracoviae,
ad *Georgium Lubomirskium*, magnum Regni Poloniae
Marefcallum, quibus ipsi, nomine Regis, defensio-
nem Regni Poloniae, cui invasionis a Turcis pericu-
lum immineret, committit, 1663. pag. 301

ANNUS MDCLXIV.

CCCCV. Literae *Senatus & communitatis Erfordiensis*,
ad *Carolus XI.* Suecorum Regem, quibus ipsi mise-
ram urbis suae conditionem, in quam, per artes Archi-
praefulum Moguntinorum, jam duo per secula liber-
tati ipsius insidiantium coniecta, alieni auxilii indigens
langueret, exponunt, eumque, quo conatus Mogun-
tinorum ea, qua apud Galliarum Regem amicitia & in
Imp. Romano valeret autoritate, irritos reddere di-
gnetur, supplices precantur, 1664. p. 303

CCCCVI. Literae *Statuum S. R. Imperii in Comitibus Ratis-
bonensibus degentium Legatorum*, ad *Ludovicum XIV.*
Galliae Regem, quibus Ministros Gallicos multa in de-
cem liberarum per Alsatiæ Civitatum praejudicium
conari, graviter conqueruntur, 1664. pag. 311

CCCCVII. Literae *Mechmet Gercy*, Chami Tartariae, ad
Georgium Lubomirskium, magnum Regni Poloniae
Marefcallum, quibus ipsum, cur auspicia exercitus Po-
lonici hostem versus non sit secutus, interrogat, eique
turbulenta in Patriam consilia dissuadet, 1664. p. 313

CCCCVIII. Literae *Georgii Lubomirskii*, magni Regni Polo-
niae Marefcalli, ad *Jobannem Casimirum*, Regem Po-
loniae, quibus supplex gratiam ipsius implorat, 1664.

CCCCIX.

CCCCIX. *Litterae Generalium Fœderati Belgii Ordinum,*
ad *Leopoldum*, Rom. Imperatorem, quibus ipsi, *Christophorum Bernhardum*, Episcopum Monasteriensem,
in terra Orientalis Frisiae executionis ipsi demandatae
munere non rite defungi, sed subditos ejusdem hostilem
in modum habere, significant, ac ut prædictam
executionem moderatori committere Principi digne-
tur, obnixè ab eo contendunt, 1664. pag. 316

CCCCX. *Litterae S. R. Imper. Electorum, Principum &*
Statuum ad Comitatus Ratisbonæ instituta Legatorum,
ad *Proceres & Ordines Regni Hungariae*, quibus, sup-
petias contra Turcas promittentes, concordiam sua-
dent, suoque militi necessaria vitæ sustentandæ media,
pro præsentī pecunia, æquo pretio suppeditari cu-
piunt, 1664. pag. 332

CCCCXI. *Litterae Friderici VVilhelmi*, Electoris Branden-
burgici, ad *Johannem Casimirum*, Poloniae Regem,
quibus eum, ne Tartaris desideratum per Regnum Po-
loniae in Silesiam transitum concedat, enixe rogat,
1664. pag. 335

CCCCXII. *Litterae Nicolai, Comitis a Zrin, ad Consilia-*
rios Caesares, Graecii commorantes, quibus novum
fortalitium suum in conspectu Caesarei exercitus occu-
parum esse, conqueritur, 1664. pag. 336

CCCCXIII. *Litterae Senatus Communis atque Erfordiensis*
ad *Carolus XI.* Suecorum Regem, cui, quibus in an-
gustis res suae versentur, submisisse exponunt, ejusque
inter Electorem Moguntinū & semet interpositio-
nem supplices implorant, 1664. pag. 338

CCCCXIV. *Litterae a S. R. Imp. Principum Fœderatorum*
Legatis, ad *Robertum de Græfel*, Christianissimi Re-
gis Legatum, datae, quibus ab eo, ut Erfordiam a Gal-
licis Lotharingicisque copiis circumfessam, facta Regi
Christianissimo adæquata rei gestæ demonstratione,
obsidione liberari curet coneturque, obnixè contē-
dunt, 1664. pag. 342

CCCCXV. *Litterae, quibus Petrus Comers a Zrin* Protec-
tionem *Joh. Georgii II.* Saxoniae Electoris sibi humillime
vindicatum it. 1664. pag. 348

CCCCXVI. *Litterae Johannis Georgii II.* Saxonum Electro-
ris, quibus *Marchioni de Castel Rodrigo* collatam
Regi

Regii Belgicarum Provinciarum Praefidis functionem
gratulatur, 1664. pag. 349

ANNUS MDCLXV.

CCCCXVII. Literae *Johannis Georgii II.* Saxonum Electo-
ris, ad *Johannem Casimirum*, Poloniam Regem, quibus
ab eo, ne novae Civitatis Thorunienſis incolae templi,
divo Jacobo consecrati, iusta poſſeſſione privati per-
mittat, ſollicite efflagitat, 1665. pag. 350

CCCCXVIII. Literae *Leopoldi*, Rom. Imperatoris, ad *Caro-
lum XI.* Svecorum Regem, quibus ab eo, ne Civitatis
Bremenſis iura, per Instrumentum Pacis Westphalicæ
extra omne imperendi periculum conſtituta, a Dica-
tus Bremenſis Regimine tentari & ladi permittat, ſed
potius ejusdem injuſtos conatus impediatur, amice effla-
gitat, 1665. pag. 352

CCCCXIX. Reſponſoriae a *Carolo XI.* Svecorum Rege, ad
Leopoldi, Rom. Imperatoris praeinſertas exaratae,
1665. pag. 356

CCCCXX. Literae *Episcopi Cracoviensis*, ad *Georgium Lu-
bomirskium*, Magnum Regni Poloniae Mareſcallum,
Patria pulſum, cui, ut, omiſſis violentis vindictæ me-
diis, curam cauſæ ſuæ amicis committat, candide ſua-
det, 1665. pag. 364

CCCCXXI. Reſponſoriae *Georgii Lubomirski*, Mareſcalli
Regni Poloniae magni, ad praeinſertas *Episcopi Cracovi-
ensis*, literas, 1665. pag. 366

CCCCXXII. Literae *Joh. Georgii II.* Saxoniae Electoris, ad
Robertum de Graef, Legatum in Germania Gallicum,
cui Regis Chriſtianiſſimi literas & oblata ſibi ipſius ſtu-
dia gratiſſima fuiſſe, refert, 1665. pag. 369

CCCCXXIII. Literae *Caroli XI.* Svecorum Regis, ad *Caro-
lum Ludovicum*, Electorem Palatinum, quibus gli-
ſcentes inter ipſum & Moguntinum Electorem animo-
rum ſimultates in apertas belli flammæ eruptas, eſſe
dolet, ſequē omni conatu in id ſedulo, enixurum pol-
licetur, ut amicabili eas compoſitione opprimere va-
leat, 1665. pag. 370

CCCCXXIV. Literae *Caroli XI.* Svecorum Regis, ad *Ludo-
vicum XIV.* Galliae Regem, quem amice requirit, ut
Electorem Moguntinum, Palatinas ditiones armis in-
fe-

- festantem, a facti in juris viam deducere haud grave-
tūr, 1665. pag. 372
- CCCCXXV. Literæ *Caroli XI.* Svecorum Regis, ad *Johannem Philippum*, Electorem Moguntinum, quibus eum hortatur, ut, armis depositis, controversias cum Palatino Electore gliscentes amico componere modo haud renuat, 1665. pag. 375
- CCCCXXVI. Responsorix *Johannis Philippi*, Electoris Moguntini ad præinsertas *Caroli XI.* Svecorum Regis Literas, quibus totam ipsi controversiarum a Palatino Electore excitatarum seriem explicat, 1665. pag. 378
- CCCCXXVII. Literæ *S. R. Imperii Electorum, Principum & Statuum Legatorum*, in Comitibus Ratisbonensibus degentium, ad *Ludovicum XIV.* Gallix & Navarra Regem, quibus ipsum, ut controversias inter ipsius in Præfectura Hagenoënsi Ministros & Civitates ac Nobiles per Alsatiam liberos de jure feudali gliscentes, amicali conventionione Ratisbonæ componi permittat, submisisse rogant, 1665. pag. 390
- CCCCXXVIII. Literæ *Johanni Georgii II.* Electoris Saxonix, ad *Ludovicum XIV.* Gallix Regem, cui, pro candida animi sui benevoli erga familiam Saxonicam declaratione, ingentes grates, Dominum vero de Gravel, Legatum ejus, muneri sibi concredito, omni ex parte satisfecisse refert, 1665. pag. 392
- CCCCXXIX. Breve *Alexandri P. P. VII.* ad *Christophorum Bernhardum*, Episcopatus Monasteriensis Præfulem, cui persuadere satagit, ut sibi Coadjutorem substitui patiatur, 1665. pag. 393
- CCCCXXX. Breve *Alexandri P. P. VII.* ad *Capitulum Monasteriense*, quo ei curas de eligendo quamprimum Coadjutore, Præfuli suo substituendo, habendas, sollicitè injungit, 1665. pag. 395
- CCCCXXXI. Literæ *Johanni Georgii II.* Saxonum Electoris, ad *Carolus Emanuelem II.* Ducem Sabaudix, cui secundum ad secundas nuptias transitum magnopere gratulatur, 1665. pag. 396
- CCCCXXXII. Literæ *Generalium Federati Belgii Ordinum*, ad *Christophorum Bernhardum*, Præfulem Monasteriensem, de simultatibus & belli inter se exorti motibus agentes, 1665. pag. 397

CCCCXXXIII. Literæ *Johannis Georgii II.* Saxoniae Electoris, ad *Isabellam Claram*, Caroli III. Ducis Mantuae Viduam, quam ob inopinatam Serenissimi mariti mortem impense solatur, 1665 pag. 406

CCCCXXXIV. Literæ *Caroli XI.* Svecorum Regis, ad *Leopoldum*, Rom. Imperatorem, quibus ab eo, ne Electoris Palatini evidentia jura, per adversas Electoris Moguntini machinationes vellicari permittrat, sed potius ejusdem causae patrocinium in se suspiciat, obnixè contendit, 1665. pag. 407

CCCCXXXV. Literæ *Omnium Palatinatum in Polonia nomine*, ad *Joannem Casimirum*, Poloniarum Regem, quibus campestrium Comitiorum institutionem medendis Patriae malis proficuum, supplices postulant, 1665. p. 410

CCCCXXXVI. Literæ *Georgii Ludomirskii*, magni Regni Poloniae Mareschalli, ad *Episcopum Cracoviensem*, cui conclusam inter Joh. Casimirum & semetipsum pacem esse nuntiat, 1665. pag. 411

CCCCXXXVII. Literæ *Johannis Georgii II.* Saxonum Electoris, ad *Mariam Annam*, Philippi IV. Hispaniarum Regis nuper defuncti viduam, quibus ipsam ob moerissimum dilectissimi Conjugis obitum consolatur, ac Infanti Regio, Carolo II. faustissima gloriosi Regiminis auspicia ex animo gratulatur, 1665. pag. 412

ANNUS MDCLXVI.

CCCCXXXIX. Literæ *Johannis Georgii II.* Saxoniae Electoris, ad *Robertum de Grabel*, Gallicum in Germania Legatum, de pactorum Galliarum seque inter initiorum ratificationumque permutatione agentes, 1666. pag. 414

CCCCXXXIX. Literæ *Caroli II.* Magnae Britanniae Regis, ad *Carolum Ludovicum*, Electorem Palatinum, cui fausta novi anni auspicia gratulatus Protestantibus e foedere se inter & Praesulatus Monasteriensis Antistitem inito nihil periculi metuendum esse asseverat, 1666 pag. 416

CCCCXL. Literæ *Caroli Ludovici*, Electoris Palatini, ad *Carolus XI.* Sueciae Regem, quibus ipsi controversiam de Wildfangiatus juribus inter se vicinosque Principes motam e lege transactionis Oppenheimensis in compromissum devolutam esse nuntiat, ac ut arbitri in eo mu-

mu-

- munus, nomine suo suscipere haud gravetur, amice in-
jungit, 1666. pag. 417
- CCCCXLI.** Literæ *Leopoldi Rom. Imperatoris, ad Hele-*
nam, Georgii Ragoczii II. Principis Transylvaniae vi-
duam, de negotio Patachiensi agentes, 1666. p. 420
- CCCCXLII.** Literæ *Leopoldi, Rom. Imperatoris, ad Ord-*
ines Transylvanis, negotium Parachienſe attinentes,
1666. pag. 421
- CCCCXLIII.** Literæ *Johannis Georgii II. Electoris Saxo-*
niae, quibus, Ludovico XIV. Franciae Regi, dolorem
ſuum de Matris Regiae, Anna Maria Mauritia, tri-
ſtiſſimo teſtatur obitu, 1666. pag. 422
- CCCCXLIV.** Literæ *Georgii Lubomirskii, magni Regni*
Poloniae Mareſchalli exulis, ad Ordinem Senatorium
Regni Poloniae, a quo, ut ſibi gratiam Regiam reconci-
liare omni ſtudio annitatur, anxie contendit, 1666.
pag. 424
- CCCCXLV.** Literæ *Georgii Lubomirskii, Magni Regni*
Poloniae Mareſchalli, ad Joannem Caſimirum, Polo-
niae Regem, quibus iteratis precibus ſibi gratiam ipſius
conſiliare conatur, 1666. pag. 426
- CCCCXLVI.** Literæ *Johannis Georgii II. Electoris Saxo-*
niae, ad Carolum Emanuelem II. Sabaudiae Ducem,
cui de concepta e graviditate dulciſſimae Conjugis au-
gendae inclytae Domus ſuae ſpe, ex animo gratulatur,
1666. pag. 428
- CCCCXLVII.** Literæ *Caroli II. Magnae Britanniae Regis,*
ad Leopoldum, Rom. Imperatorem, a quo, ne veterato-
riis Hamburgeniſium artibus nimium, ſed ſibi Germa-
norum negotiationem curae cordique eſſe tuto credat,
amice eſſagitatur, 1666. pag. 429
- CCCCXLIIX.** Literæ *Johannis Georgii II. Saxoniae Ele-*
ctoris ad Carolum Emanuelem II. Sabaudiae Ducem,
de transmiſſis ipſi peritis rerum metallicarum operariis
agentes, 1666. pag. 431
- CCCCXLIX.** Literæ *Johanni Georgii II. Electoris Saxo-*
niae, ad Carolum Emanuelem, II. Sabaudiae Ducem,
cui de recens nato in ſpem celiſſimae Domus filio ve-
hementer gratulatur, 1666. pag. 433
- CCCL.** Literæ *Caroli II. Magnae Britanniae Regis, ad*
Generales Federati Belgii Ordines, de corpore Guiliel-
mi

mi Barclaji, in praelio exanimato, ipsorum permisso in Angliam transvehendo agentes, 1666. pag. 434

CCCLLI. Literae *Caroli XI. Svecorum Regis*, ad *Leopoldum* Rom. Imperatorem, quibus ipsi illegitimos Brementis Civitatis conatus Linciano sub- & obreptitie emendicato solum niti Privilegio exponit, eumque, ut integram controversiarum seriem per Principales pacis Westphalicae partes contrahentes, ad dictae pacis contenta velut indubitata & legitimam normam, examinari & decidi curet, amice requirit, 1666. pag. 435

ANNUS MDCLXVII.

(XIX) Literae *Johannis Casimiri*, Poloniae Regis, ad *Alexandrum Papam VII.* cui, quo in arcto & praecipiti statu res Poloniae, ob metuendum a Turcis bellum sint, submissis refert, atque eum, ut Reipublicae tot bellis laceratae paterne subvenire contendat, impense precatur, 1667. pag. 1019

(XIX) Literae *Johannis Casimiri*, Poloniae Regis, ad *Cardinalem Sancta-Crucium*, cui, ut rebus suis, durante praesentis belli tempore, pondus addere apud Pontificem haud gravetur, amice injungit, 1667. p. 1023

(XX) Literae *Senatoris cujusdam Polonici*, ad *Cardinalem Ursinum*, Regni Poloniae Protectorem, cui literas Regis sui, summo Pontifici confestim extradendas & Regni Poloniae curam ac Patrocinium impense commendat, 1667. pag. 1023

CCCLLII. Literae *Johannis Casimiri*, Regis Poloniae, ad *Leopoldum*, Rom. Imperatorem, cui inopinatam Tartarorum in Poloniam irruptionem & imminens eidem a parte Turcarum cruentissimi belli periculum exponit, & ab eo totiusque Germaniae Proceribus beneficium tantioneris subleptamen sollicitate efflagitat, 1667. pag. 447

(XXI) Literae *Johannis Casimiri* Poloniae Regis, ad *Johannem Georgium II.* Saxoniae Electorem, a quo copias auxiliares sibi contra Turcas submitti obnixè rogat, 1667. pag. 1025

(XXII) Literae *Johannis Casimiri*, Polonorum Regis, ad *Friedericum VVilhelmum*, Electorem Brandenburgicum, quibus ipsum, dum proximus Poloniae paries atroci belli Turcici flamma arderet, res suas agi, edocet, eaque de causa sufficientes sustinendo torrenti suppetias

tias ab ipso efflagitat, 1667.

pag. 1027

CCCCLIII. Responsoriae *Friderici V Vilbelmi* Electoris Brandenburgici, ad praeinfertas *Johannis Casimiri*, Poloniarum Regis, quibus se Reipublicae Poloniae, si sola hostium moli sustinendae impar sit, auxilio spontaneo tempestive subventurum pollicetur, 1667. p. 449

(XXIII) Literae *Johannis Casimiri*, Poloniae Regis, ad *Dominicum Contarenum*, Ducem Venetiarum, a quo ad exterminandum Polonia immanissimos Christiani nominis hostes, efficax subsidium sollicite petit, 1667

pag. 1029

(XXIV) Literae *Johannis Casimiri* Poloniarum Regis, ad *Alexandrum Papam VII.* a quo, ut Poloniam validis auxiliis contra Turcas propugnare, sibi que, tanquam filio in hostes fidei ruenti, benedictione, precibus largitioneque constanter adesse haud gravetur, modeste contendit, 1667.

pag. 1031

(XXV) Responsoriae *Leopoldi*, R. Imp. ad Literas *Johannis Casimiri*, Poloniarum Regis, supra sub Num. CCCCCLII. inveniendas, quibus se Regno Poloniae nec consilio nec opere unquam defore promittit, 1667.

pag. 1035

CCCCCLIV. Literae *Caroli II.* Magnae Britanniae Regis, ad *Joh. Georg. II.* Electorem Saxoniae, quibus ipsi auspicata novi anni i. utia ex animo gratulatur, 1667. p. 451

CCCCCLV. Literae recedentiales a *Johanne Georgio II.* Saxoniae Electore, Stanislae Trzebichio, ad *Joannem Casimirum*, Poloniarum Regem traditae, quae pariter sunt responsoriae ad literas supra sub Num. (XXI) conspicuas, 1667.

pag. 453

CCCCCLVI. Literae *Johannis Casimiri*, Poloniae Regis, ad *Alexandrum P. P. VII.* quibus ipsi, quantum Poloniae a Turcis Tartarorumque colluvie metuendum sit, quantaque rei numariae & rerum gerendarum apparatus inopia prematur, exponit, ac ut eam subsidio numario sublevare haud gravetur, sollicite ab eo contendit, 1667.

pag. 453

CCCCCLVII. Literae *Caroli XI.* Svecorum Regis, ad *Johannem Georgium II.* Saxoniae Electorem, quibus ipsi de filii primogeniti auspiciatissime cum Principissa Daniae, Anna Sophia, contracto matrimonio, candide gratulatur, 1667.

pag. 456

CCCCCLVIII. Literae *Dominici Grapbiarii*, Ordinum Foederati

rati

rati Belgii, ad *Petrum Julium Coeyttum*, Legatum in Anglia Svecicum, quibus ipsi, quae Ordinum foederati Belgii circa pacem cum Magnae Britanniae Rege concludendam mens, Regi autem Christianissimo circa praeliminaria ejusdem quantocius determinanda, qui zelus sit, brevibus exponit, 1667. pag. 457

CCCCLIX. Literae *Legatorum Specicorum*, mediatorum vires obeuntium, ad *Carolus II.* Magnae Britanniae Regem, quem Regem Christianissimum & Generales foederati Belgii Ordines quatuor loca, habendis de pacet tractatibus, libera tamen penes ipsum optione relicta, designasse docent 1667. pag. 461

CCCCLX. Literae *Johannu Casimiri*, Poloniarum Regis, ad *Fridericum V Vilhelmum*, Electorem Brandenburgicum, retradendae Elbingae & praefecturae Drahimensis ergo exaratae, 1667. pag. 468

CCCCLXI. Literae *Ludovici XIV.* Galliae & Navarrae Regis, ad *S. R. Imperii Electores, Principes & Status*, quibus ipsis causas, quarum necessitate inductus, Provincias Hispano-Belgicas armatus infederit, explicat, Sacrumque Rom. Imper. pacis bonaeque vicinitatis securum esse jubet, 1667. pag. 467

CCCCLXII. Literae *Mariae Annae*, Reginae Hispaniarum, ad *Ludovicum XIV.* Galliae & Navarrae Regem, de motibus Gallo-Hispanicis amicabili compositione sopientis agentes, 1667. pag. 470

CCCCLXIII. Literae *Johannu Georgii II.* Saxoniae Electoris, ad *Ludovicum XIV.* Galliae Regem, quibus ab eo, ut, cohibito armorum impetu, spatium controversias Hispano-Gallicas citra vim tollendi concedere haud gravetur, obnixae contendit, 1667. pag. 472

CCCCLXIV. Literae Fiduciariae *Ducum Brunsvigo-Luneburgensium*, Francisco Ernesto a Platen, Ablegato suo, ad *Carolus II.* Hispaniarum Regem, tradita, 1667. p. 475

CCCCLXV. Literae *Johannu Casimiri*, Poloniae Regis, ad Eminentissimum *Cardinalem Ursinum*, quibus contra factum summi Pontificis, quo nominatum suum a Cardinalitia dignitate excluderat, solenniter proceffatur, 1667. pag. 478

CCCCLXVI. Literae *Johannu Georgii II.* Saxoniae Electoris, ad *Dominum Colbertum*, primum Aulae Gallicanae Ministum, cui Legatos sub ad Regem Christianissimum

- finum missos eorumque negotia commendat, 1667. p. 480
 (XXVI.) *Litteræ Mahomedis IV. Turcarum Imperatoris,*
 ad *Johannem Casimirum*, Poloniae Regem, quibus
 se pacis conditiones ipso cum initas amice & comiter ser-
 vaturum pollicetur, 1667. pag. 1037
- CCCCLXVII. *Litteræ a S. R. Imper. Electorum & Principum Legatis*, ad *Mariam Annam*, Hispaniarum Re-
 ginam, a qua, ferventes inter Galliae Hispaniaeque
 Regna belli motus amicabili transactione ut componi
 gratiose permittat, officiose contendunt, 1667. p. 481
- CCCCLXVIII. *Litteræ ejusdem cum præinsertis argumentis,*
 a *Sac. Rom. Imperii Electorum & Principum Le-*
gatis, ad *Ludovicum XIV. Galliae & Navarrae Regem*
 exaratas, 1667. pag. 483
- CCCCLXIX. *Litteræ Caroli II. Hispaniarum Regis nomi-*
ne, ad *S. R. Imperii Electores, Principes & Status* da-
 tæ, quibus, ut a *Sac. Rom. Imperio Circuli Burgun-*
dici defensio suscipiatur, sollicitè rogatur, 1667.
 pag. 486
- CCCCLXX. *Litteræ Johannis Casimiri*, Poloniae Regis, ad
Episcopum Cracoviensem, cui quod sibi per gravissimas
 rationes, ad secundas, velut ipse suaserat, transire
 nuptias non sit licitum, candide exponit, 1667.
 pag. 488.
- CCCCLXXI. *Litteræ Johannis Georgii II. Electoris Saxo-*
niae, ad *Ludovicum XIV. Galliae & Navarrae Regem*,
 quibus ipsi pollicetur, se semper sua ex parte eo colla-
 boraturum, quo minus aliquid Pacis Westphalicae arti-
 culis aut foederis & ipsum inter inito contrarium com-
 mittatur, 1667. pag. 491
- CCCCLXXII. *Litteræ Johannis Casimiri*, Poloniae Regis,
 ad *Ludovicum XIV. Galliae & Navarrae Regem*, cui
 factas Polonis & Moscovitis inter ad tredecim anno-
 rum spatium inducias, pactumque contra Turcas, a
 quibus Poloniae ingens belli periculum immineret,
 foedus esse, amice refert, 1667. pag. 493
- CCCCLXXIII. *Litteræ fiduciarie a Johanne Casimiro*, Polo-
 niarum Rege, Joanni de Gnin Gninski, Ablegato suo
 Extraordinario, ad *Fridericum V Vilhelmum*, Electo-
 rem Brandenburgicum traditæ, 1667. pag. 494
- CCCCLXXIV. *Litteræ Johannis Casimiri*, Poloniae Regis,
 ad *Fridericum V Vilhelmum*, Electorem Brandenburi-
 cum,

cum, quibus ab eo, ut Brantium, subditum suum, cædis in Smoguleckio perpetratae autorem, pœnas huic facinori convenientes quamprimum dare jubeat, sollicitè contendit, 1667. pag. 495

AN NUS MDCLXIIIX. /

CCCCCLXXV. Literæ *Johannis Casimiri*, Poloniæ Regis, ad *Metropolitanum Gazensem*, in Moschovia degentem, a quo amanter efflagitat, ut omnem in componenda latinæ græcæque Ecclesiæ pace & unitate operam navare haud gravetur, 1668. pag. 496

CCCCCLXXVI. Literæ *Johannis Casimiri*, Poloniarum Regis, ad *Alexandrianum & Antiochenum* Patriarchas, Moscæ commorantes, quibus sibi latinæ græcæque Ecclesiæ conjunctionem curæ cordique fore, atque, modo per Magni Ducis Moscoviæ concessionem liceret, cleri Polonici nomine Legatos confestim isthuc operi laudabili perficiendo adfuturos pollicetur, 1668. p. 498

CCCCCLXXVII. Literæ *Andreae Olizobii*, Procancellarii Regni Poloniæ, ad *Eminentissimum Cardinalem Protectorem Poloniae*, de Latinæ Græcæque, Ecclesiæ divortio tollendo & utriusque facili negotiô redeundæ occasione agentes, 1668. pag. 501

CCCCCLXXIIIX. Literæ *Johannis Georgii II.* Saxonum Electoris, ad *Marchionem de Castell Rodrigo*, Provinciarum, sub Carolo II. Hispaniarum Rege, in Belgio Hispanico Præsidem, quibus ipsi Ulricum Comitem a Kinski impense commendat, 1668. pag. 503

CCCCCLXXIX. Literæ *Johannis Georgii II.* Saxoniae Electoris ad *Carolum II.* Magnae Britanniae Regem, cui ingentes persolvit grates, quod se in ordinem Equitum, a perisclididis insigni nuncupatorum cooptare decreverit, 1668. pag. 504

CCCCCLXXX. Literæ *Johannis Georgii II.* Saxoniae Electoris ad *Ferdinandum II.* Magnum Etruriæ Ducem, quibus nullas sibi ob facta Principi ipsius hæreditario, Dresdam transeunti, optimæ voluntatis testimonia, grates competere, modeste asserit, eumque perpetuæ propensionis suæ securum esse jubet, 1668. pag. 505

CCCCCLXXXI. Literæ *Johannis Casimiri*, Poloniæ Regis, ad *Clementem Papam IX.* quibus ipsi ceptum a se abdicandi Regiminis consilium exponit, orbandæque capi-

capite suo Reipublicae Polonae curam modeste commendat, 1668. pag. 507

CCCCLXXXII. Breve *Clementis Papa IX.* ad *Johannem Casimirum*, Poloniarum Regem, cui, ne fasces Regios, nisi cum vita deponeret, aut si propositi sui adeo pertinax sit, ut dimoveri ab eo haud possit, saltem de digno sibi successore constituendo ante abdicationem prospiceret, paterne suadet 1668. pag. 509

CCCCLXXXIII. Breve *Clementis Papa IX.* ad *Johannem Casimirum*, Poloniarum Regem, a quo iteratis precibus paterne contendit, ut a consilio de abdicando Regimine suscepto desistat, 1668. pag. 512

(XXVII) *Litteræ Johannis Casimiri*, Poloniarum Regis, ad *Michaelem Abassæ I.* Transylvaniæ Principem, quibus obsides a Rakoczio olim exercitui Polonico-datos, sine consensu ejusdem liberos dimitti non posse asseverat, setamen sedulo operam daturum pollicetur, ut ei hoc in casu satisfacere possit, modo ipse missionarios Catholicos Claudianopoli degentes suo patrocinio haberet commendatos, 1668. pag. 540

CCCCLXXXIV. *Litteræ Nicolai Prazmowski*, Regni Poloniarum Primatis, ad *Leopoldum*, Rom. Imperatorem, quibus ipsi refert, quod Johannes Casimirus Rex, deposito sceptro, se ad sacratoris otii quietem contulerit, 1668. pag. 513

CCCCLXXXV. *Litteræ Nicolai Prazmowski*, Regni Poloniarum Primatis, ad *Fridericum III.* Daniæ Regem, cui Johannem Casimirum, regno se abdicasse nuntiat, 1668. pag. 515

CCCCLXXXVI. *Litteræ Nicolai Prazmowski*, Regni Poloniarum Primatis, ad *Carolus XI.* Svecorum Regem, quibus ipsi Johannem Casimirum Regem, tot retro actuum annorum Imperii molestiis defatigatum, Regimine ad svaviorem gravescenti ætati quietem abuisse exponit, 1668. pag. 516

CCCCLXXXVII. *Litteræ Nicolai Prazmowski*, Regni Poloniarum Primatis, ad *Clementem Papam IX.* quibus ipsi, quod Joannes Casimirus Rex, reliquum vitæ sanctioribus de salute æterna curis litaturus, humeros suos Regiminis moli subduxerit, officiose refert, ac pater-

nas pro Republica Polona curas anxie commendat,
1668. pag. 517

CCCCLXXXIIX. Literæ *Nicolai Prazmowskii*, Regni Poloniae Primatis, ad *Fridericum V Vilhelmum*, Electorem Brandenburgicum, cui Joannem Casimirum Regem, Regii officii onus in manus Reipublicae reddidisse explicat, 1668. p. 519

CCCCLXXXIX. Literæ *Nicolai Prazmowskii*, Regni Poloniae Primatis, ad *Eminentissimum Cardinalem*, Regni Poloniae Protectorem, cui Joannem Casimirum Regem, Regnum Poloniae, non obstantibus contrariis totius Reipublicae votis, dimisisse nuntiat, 1668. pag. 520

CCCCXC. Literæ *Nicolai Prazmowskii*, Regni Poloniae Primatis, ad *Cardinalem quendam*, cui, Joannem Casimirum Regem, relicta Reipublicae liberrima successoris eligendi potestate, e folio se ad pacatiorem privatae vitae malaciam recepisse refert, 1668. pag. 521

CCCCXCI. Literæ *Nicolai Prazmowskii*, Regni Poloniae Primatis, ad *Sacr. Cardinalium Congregationem*, quibus Joannem Casimirum Regem fasces Regni deposuisse nuntiat, & Joannem Cantium in Sanctorum Professorum Catalogum referri, totius Reipublicae nomine, sedulo precatur, 1668. pag. 523

CCCCXCII. Literæ *Johanni Georgii II.* Saxoniae Electoris, ad *Cosmum III.* hæreditarium magni Etruriae Ducis Principem, cui pro multis Neapolitanis sibi transmissis ingentes gratias refert, & *Domenicum Melani*, proxime in Italiam iturum clementissime commendat, 1668. pag. 524

CCCCXCIII. Commendatitiae pro *Gabriele Voigtio*, a *Johanne Georgio II.* Saxonum Electore, ad *Ferdinandum II.* magnum Etruriae Ducem exaratae, 1668. p. 526

CCCCXCIV. Literæ *Caroli II.* Magnae Britanniae Regis, quibus *Johanni Georgio II.* Saxonum Electori, Ipsum Commilitonem Ordinis, qui a periscelide nomen habet, unanimi Capituli consensu esse pronunciatum, & jam ei insignia Ordinis per commissarios ad id delegatos transmitti significat, 1668. pag. 527

CCCCXCV. Procuratorium *Caroli II.* Magnae Britanniae Regis, quo delegatos suos, quibus *Johannem Georgi-*

um II. Saxoniae Electorem sive Ordinis a periscelide
nuncupati ornamentis investendi curam commiserat,
instruxit, 1668. pag. 529

ANNUS MDCLXIX.

CCCCXCVL. Literae *Caroli II.* Magnae Britanniae Regis,
ad *Johannem Georgium II.* Saxoniae Electorem, qui-
bus ipsi de fausta Nepotis *Johannis Georgii IV.* nati-
vitate & auspicio novi anni initio gratulatur, 1668. pag. 532

CCCCXCVII. Literae *Caroli II.* Magnae Britanniae Regis,
ad *Johannem Georgium II.* Saxoniae Electorem, de
transmisso ipsi, per praesentem ablegatum, Ordinis
a periscelide nomen trahentis ornatu, agentes, 1669. pag. 533

CCCCXCIX. Responsoriae *Johannis Georgii II.* Electoris
Saxoniae, ad praesentem *Caroli II.* Magnae Britan-
niae Regis literas, 1669. pag. 535

CCCCXCIX. Literae *Johannis Georgii II.* Saxoniae Ele-
ctoris, ad *Ferdinandum II.* Magnum Etruriae Ducem,
a quo, ut Joanni Pflugio, stationem inter cohortis suae
praetoriae Equites gratiose concedere dignetur, amica
contendit, 1669. pag. 536

D. Literae *Johannis Georgii II.* Saxoniae Electoris, ad *Ca-
rolum II.* Magnae Britanniae Regem, quibus ipsi ite-
rata vice, pro collatis sibi Ordinis, cui nomen a
periscelide est, insigniis, gratias agit maximas, 1669. pag. 537

DI. Literae *Johannis Georgii II.* Saxoniae Electoris, ad *Jo-
hannem de Grenville*, Comitem Bathoniae, a quo, ut
Ordini a periscelide nominato, ea, quae coram fieri
consvessent, sua vice praestare velit, modeste efflagi-
tat, 1669. pag. 539

DII. Procuratorium *Johannis Georgii II.* Saxoniae Ele-
ctoris, quo *Johanni de Grenville*, Comiti Bathoniae,
plenam facultatem committit, omnia ea Ordini a peri-
scelide dicto suo nomine praestandi, quas adhuc prae-
standa absenti restarent, 1669. pag. 540

DIII. Diploma *Johannis Georgii II.* Saxoniae Electoris,
quo se statuta nobilis Georgiani Ordinis, in quantum
licuerit, sedulo observaturum esse declarat, 1669. pag. 541

DIV. Literæ *Episcoporum Polonia*, ad *Clementem Papam IX.* a quo, ut ad instantem novi Regis Electionem Legatum a Latere mittere dignetur, supplices precantur, 1669. pag. 543

DV. Literæ *Episcoporum Polonia*, ad *Cardinalem*, Regni *Poloniae* Comprotectorem, quibus eum, ut officiis suis interpositis summo Pontifici ablegationem Legati a Latere in Poloniam persuadere haud graveretur, impense rogant, 1669. pag. 544

DVI. Literæ *Michaeli*, Poloniarum Regis, ad *Clementem Papam IX.* cui, se in Regem *Poloniae* concordibus gentis suffragiis electum esse, venerabundus nuntiat, 1669. pag. 546

DVII. Breve *Clementis Papa IX.* quo *Michaeli*, *Poloniae* Regi, ad præinsertas respondet literas, 1669. pag. 548

DIIX. Literæ *Andrea Olzobii*, Procancellarii Regni *Poloniae*, ad *Carolus Hyacinthum*, Lotharingæ Ducem, quem Regno *Poloniae* potiundi spe elapsum generose solatur, 1669. pag. 550

DIX. Literæ *Michaeli*, Polonorum Regis, ad *Leopoldum*, Rom. Imperatorem, cui Regios sibi a Polonis fasces concreditos esse refert, 1669. pag. 550

DX. Literæ *Michaeli*, *Poloniae* Regis, ad *Fridericum VVilhelmum*, Electorem Brandenburgicum, quibus controversias, ab utraque parte motas, Cracoviz, sub Coronationis suæ tempus, opportune terminari posse innuit, 1669. pag. 552

DXI. Literæ *Andrea Olzobii*, Procancellarii Regni *Poloniae*, ad *Cardinalem Ursinum*, quem, Episcopum Biterrensem nomine Regis *Poloniae* ad Cardinalitiam dignitatem commendatum esse, edocet, 1669. pag. 553

DXII. Literæ *Andrea Olzobii*, Regni *Poloniae* Procancellarii, ad *Fridericum VVilhelmum*, Electorem Brandenburgicum, quibus se excusare maximopere aggreditur, quod ejus actiones nunquam alieniori aut infesto animo erga Reipublicæ proceres interpretatus sit, 1669. pag. 554

DXIII. Literæ *Michaeli*, *Poloniae* Regis, ad *Fridericum VVilhelmum*, Electorem Brandenburgicum, quibus ipsi, qua ratione controversiis inter Rempublicam *Poloniam* ipsumque gliscentibus finis modusque imponi

tan-

- tandem possit, amanter exponit, 1669. pag. 557
DXIV. Recredenciales a *Michael* Poloniarum Rege, Petro
 Wichio, Abligato Anglicano, ad *Carolus* H. Magnæ
 Britanniz Regem traditæ, 1669. pag. 560
DXV. Literæ, quibus *Johannes Georgius* II. Saxoniz Ele-
 ctor, *Cosmo* III. Magno Etruriz Principi, de feliciter
 exantlati longinquæ peregrinationis molestiis & au-
 spicato ad patrios lares reditu animitus gratulatur,
 1669. pag. 561

ANNUS MDCLXX.

- DXVI.** Literæ *Johannis Georgii* II. Saxoniz Electoris, qui-
 bus *Ferdinando* II. Magno Etruriz Duci, pro trans-
 misso sibi leonum pari, ingentes grates persolvit, 1670.
 pag. 562
DXVII. Literæ *Caroli* II. Magnæ Britanniz Regis, ad *Mi-
 chaëlem*, Poloniz Regem, cui de contracto nuper fau-
 sto omine cum *Eleonora*, Austriæ Archiducissa, matri-
 monio, candide gratulatur, 1670. pag. 563
DXVIII. Literæ *Johannis Georgii* II. Electoris Saxoniz,
 ad *Michael*, Poloniz Regem, cui *Eleonoram*, Ar-
 chiducissam Austriæ, lectissimam fidamque throno-
 rique regalis gratulatus sociam, cur in designato festi-
 vitaris nuptialis termino *Varsoviæ* comparere non pos-
 sit, exponit, 1670. pag. 565
DXIX. Literæ *Michaeli*, Poloniz Regis, ad *Clementem* Pa-
 pam X. cui de collata unanimi Cardinalium suffragio
 Pontificia dignitate, devote gratulatur, 1670. p. 566
DXX. Literæ *Johannu* *Georgii* II. Saxoniz Electoris, ad
Cosmum III. Magnum Etruriz Ducem, quibus ipsi do-
 lorem de mortuissimo Parentis testatur obitu, ac fausta
 suscepti Regiminis auspiciæ precatur, 1670 pag. 567
DXXI. Literæ *Caroli* II. Magnæ Britanniz Regis, ad *Jo-
 hannem Georgium* II. Saxoniz Electorem, cui de au-
 spicato nepotuli secundi, *Friderici Augusti*, Imperi-
 um in Polonos & Saxones nunc gloriosissime obrinen-
 tis, candide gratulatur, 1670. pag. 568
(XXIIX) Literæ *Dominorum Arbitrorum*, conficiendæ
 natæ de feudis Metensibus &c. controversiæ causa in
 S. R. Imp. constitutorum, ad *Ludovicum* XIV. Gal-
 liarum Regem, quibus arbitrium suum præfracta
Gravellin mente aliisque a Gallicis Præfectis interpofi-

tis obicibus valde impeditum fuisse conqueruntur, atque, ut ipse dictum arbitrium, autoritate sua, ad exoptatum perducere finem haud dedignetur, obnixè ab eo efflagitant, 1670. pag. 1042

DXXII. Literæ *Caroli II.* Magnæ Britannię Regis, ad *Johannem Georgium II.* quibus ipsius tristitiam ex præmature filii Electoralis, Erdmuth Sophiæ, obitu conceptam, efficaci emollire satagit solatio, 1670. pag. 569

DXXIII. Literæ commendatitiæ, Wilhelmo & Benedicto ab Alefeld fratribus, nobilibus Danis, a *Johanne Georgio II.* Saxonum Electore, ad *Cosmum III.* Magnum Etruriæ Ducem traditæ, 1670. pag. 570

DXXIV. Literæ *Michaelis*, Poloniæ Regis ad *Fridericum VVilhelmum*, Electorem Brandenburgicum, quibus se intemperantis calami acerbitatem, in postremis ipsius ubique exuberantem minime promeruisse, & suscepta Kalcksteinij protectione, nihil fœderibus adversum commississe, asseverat, 1670. pag. 571

DXXV. Literæ *Michaelis*, Poloniæ Regis, ad *Regentes Ducalis Prussię*, quibus Ludovicum Christianum a Kalkstein, Regiæ protectionis securum, per emissarios quosdam ex Ducali Borussia subordinatos Varaviæ clanculum captum & in Borussia deductum esse graviter conqueritur, 1670. pag. 575

DXXVI. Literæ *Petri Comitæ a Zvin*, ad *Leopoldum*, Rom. Imperatorem, quibus se a malevolis æmulis inique criminis læsæ Majestatis & perduellionis reum censerè, demonstrare maximopere satagit, & ut in causam suam ab æquiori legumque Hungaricarum peritiori judicio inquiri jubeat, supplex orat, 1670. pag. 577

DXXVII. Literæ *Francisci Comitæ de Nadasd*, ad *Filium suum*, natum majorem, quibus ipsum rogat, ut, associatis reliquis fratribus, sibi apud Cæsaream Majestatem delicti veniam impetrare, sollicitè conetur, 1670. pag. 595

DXXVIII. Literæ *Francisci Comitæ de Nadasd*, ad *Leopoldum*, Rom. Imperatorem, quibus patrum scelorum veniam supplex precatur, 1670. pag. 601

DXXIX. Literæ *Michaelis*, Poloniæ Regis, ad *Fridericum VVilhelmum*, Electorem Brandenburgicum, de Kalkstein-

ANNUS MDCLXXI.

DXXX. Literæ *Michaelis*, Poloniæ Regis, ad *Clementem Papam* X. quibus Nuntium Apostolicum, cum Nationis Poloniæ, zelo & propensione in Religionem Catholicam nulli unquam gentium cedentis, flagitio, e Polonia avocari vehementer conqueritur, 1671. pag. 604

DXXXI. Literæ *Michaelis*, Polonorum Regis, ad *Fridericum VVilhelmum*, Electorem Brandenburgicum, cui Ablegatum suum extraordinarium Varavia jam discessisse nuntiat, ejusque fidei commissa de meliori commendat, 1671. pag. 607

DXXXII. Literæ *Michaelis*, Poloniæ Regis, ad *Fridericum VVilhelmum*, Electorem Brandenburgicum, a quo Kalksteinii Varavia violenter abducti ergo, sibi Reique publicæ plene satisfieri desiderat, 1671. pag. 608

DXXXIII. Literæ *Michaelis*, Poloniæ Regis, ad *Clementem Papam* X. quibus sibi suisque incolis constans propositum hæere, se contra Turcas Tartarosque strenue defendendi & Ecclesiam Catholicam ab eorum ferocitate vindicandi, asserit, 1671. pag. 609

DXXXIV. Literæ credentiales, quas *Johannes Georgius II.* Saxoniae Elector, *Friderico Adolpho* ab Haugwitz, Ablegato suo, ad *Carolum II.* Magnæ Britanniae Regem tradidit, 1670. pag. 611

DXXXV. Responsorie *Caroli II.* Magnæ Britanniae Regis ad præcedentes *Johannis Georgii II.* Saxoniae Electoris literas, 1671. pag. 612

DXXXVI. Literæ *Caroli II.* Magnæ Britanniae Regis, ad *Johannem Georgium II.* Saxoniae Electorem, cui, Annam, Fratris sui, Jacobi, Ducis Eboracensis Conjugem, supremam obiisse diem, significat, 1671. pag. 613

DXXXVII. Responsorie *Johannis Georgii II.* ad præinsertas *Caroli II.* Magnæ Britanniae Regis literas, candidæ reciproci doloris, per inopinum de Ducissæ Eboracensis morte Nuntium excitati, testes, 1671. pag. 614

DXXXVIII. Literæ *Francisci Frangepanii*, ad *Leopoldum*, Rom. Imperatorem, quibus vitæ criminisque perditionis veniam impetrare conatus est, 1671. pag. 615

DXXXIX. Literæ *Georgii VVilhelmi*, *Johannis Friderici*

& *Rudolphi Augusti*, Ducum Brunsuico Luneburgensium, ad *Ludovicum XIV.* Gallie & Navarre Regem, cui causas, quibus inducti Brunsuicum obsidione cinxerint, breviter exponunt, 1671. pag. 618

DXL. Literæ *Michaelis*, Polonie Regis, ad *Fridericum VVilhelmum*, Electorem Brandenburgicum, de satisfactione Kalcksteinii ergo desiderata & fœderis Bidgostienfis per juratoriam confirmationem ratificatione agentes, 1671. pag. 621

DXLI. Literæ *Michaelis*, Polonie Regis, ad *Fridericum VVilhelmum*, Electorem Brandenburgicum, quibus ab eo, ut copias auxiliares fœdere Bidgostienfi promissas, submittere contra Turcas, sibi confectum vellet, obnixè contendit, 1671. pag. 623

DXLII. Literæ *Michaelis*, Polonie Regis, ad *Fridericum VVilhelmum*, quibus ipsum incertum rumorem illum, quasi in Aula Polonica clandestini cum Dorofzenko rebellis literarum commercii incusatus fuerit, famæ mendaciis annumerandum esse edocet, 1671. pag. 624

DXLIII. Literæ *Johannus Georgius II.* Saxonie Electoris, ad *Cosmum III.* Magnum Etrurie Ducem, quibus ipsi de recens nato Principe, Johanne Gastone, gratulatur, 1671. pag. 627

DXLIV. Literæ *Johannis Dominici de Luna & Fonseca*, Provinciarum Hispano-Belgicarum Præsidis, ad *Senatum Colonie Agrippina*, quibus pollicetur, Regem Hispaniarum ipsorum urbi, requirentem necessitatis casu, ad succurrendum paratum esse, 1671. pag. 628

DXLV. Literæ *Michaelis* Polonie Regis, ad *Clementem Papam X.* quibus, ut Petrum Boni, Archiepiscopum Tolosanum, Cardinalitæ dignitatis honoribus mactet, obnixè ab eo contendit, 1671. pag. 629

DXLVI. Literæ *Generalium Fœderati Belgii Ordinum*, ad *Ludovicum XIV.* Gallie Regem, quibus se bello instanti ansam non dedisse demonstrare conantur, et si præter spem ipsius animum culpa quadam offenderint, se ad omnimodam satisfactionem paratos offerunt, 1671. pag. 631

DXLVII. Responsorie *Ludovici XIV.* Gallie Regis, ad præinsertas *Generalium Fœderati Belgii Ordinum* literas, 1671. pag. 633

- DXLVIII. Literæ fidnciariz, quas *Johannes Georgius II.* Saxoniz Elector, *Domenico Melani*, Cameræ suæ Agenti, ad *Cosmum III.* Magnum Etruriz Ducem dedit, 1672. pag. 634
- DXLIX. Breve *Clementis Papa X.* ad *P. Grabinam*, Regulæ Dominici addictum, cui consilium; quo oblatos sibi Cardinalitios honores recusaverat, serio dissuadere molitur, 1672. pag. 635
- DL. Literæ *Michaeli*, Poloniz Regis, ad *Nuntium Apostolicum*, Viennæ degentem, quibus eum amice requirit, ut fœderis de propulsanda invicem Turcarum hostilitate se inter & Rom. Imperatorem pangendi negotium promovere haud gravetur, 1672. pag. 637
- DLI. Literæ *Michaeli*, Poloniz Regis, ad *Clementem Papam X.* cui, quibus in angustiis Regnum Poloniz, ob imminens ab Ottomannica Tyrannide belli periculum versetur, exponit, utque idem, eo, quo deceret Patrem Christianitatis tenerrimo affectu zeloque sublevare velit, sollicitè ab eo contendit, 1672. p. 638
- DLII. Literæ *Michaeli*, Poloniarum Regis, ad *Dominum de By*, Ministrum Gallicum, cui literas suas, Regi Christianissimo extradendas commendat, 1672. p. 640
- DLIII. Literæ *Michaeli*, Poloniae Regis, ad *Ludovicum XIV.* Galliz Regem, quibus ipsi, quantum Poloniae a Turcis meruendum sit, refert, ac abs eo rerum gerendarum nervum & copias auxiliares impense efflagitat, 1672. pag. 642
- DLIV. Literæ *Michaeli*, Poloniae Regis, ad *supremum purpuratorum in Aula Turcica Principem*, cui se vicinæ necessitudinis tenacissimum rumpendæ pacis fœderumque vinculi nullas unquam suppeditasse Turcarum Imperatori causas explicat, 1672. pag. 643
- DLV. Literæ *Michaeli*, Polonorum Regis, ad *Mahometum IV.* Turcarum Imperatorem, quibus ipsi bellum, quod Poloniz inferre pararet, veluti nullis justarum causarum fundamentis suffultum, graviter dissuadet, & ulteriorem tranquillæ vicinitatis proficuaque necessitudinis continuationem amanter offert, 1672. pag. 644
- DLVI. Literæ *Andrea Olzovii*, Procancellarii Regni Poloniae, ad *Supremum Aula Ottomannica Ministrum*, cui

præcurforem Legati Polonici, foederum firmandorum
causa mittendi, confestim in aula Turcica adfuturum
significat, 1672. pag. 647

DLVII. Literæ *Caroli XI.* Svecorum Regis, ad *Ludovicum*
XIV. Galliae Regem, quibus se ipsi in mediatorem
controversiarum inter eum & foederati Belgii Ordines
excitatarum offert, & sanguinolenti belli consilia dis-
suadet, 1672. pag. 648

DLIX. Literæ *Caroli XI.* Sveciae Regis, ad *Carolum II.*
Magnae Britanniae Regem, quibus ipsi consilium suum
de componendis inter eum generalesque foederati Bel-
gii Ordines enatis dissidiis ceptum aperit, eumque, ut
certae Pacis dulcedinem incertis belli casibus præfe-
rat, serio monet, 1672. pag. 651

DLIX. Literæ *Johannis Georgii II.* Saxoniae Electoris, ad
Ludovicum XIV. Galliae Regem, quem amice monet, ut
præprimis curæ cordique Germanici Imperii tranquil-
litatem sibi esse sinat, ne quid illud ex vicinis belli mo-
tibus detrimenti acciperet, 1672. pag. 655

DLX. Literæ *Caroli XI.* Svecorum Regis, ad *Ludovicum*
XIV. Galliae Regem, quem amice hortatur, ut univer-
so Christiano orbi inter magnos metus anxio, se inter
faustos victoriarum successus ad pacem æque proum
ac in præliis fortem & insignem esse, generose osten-
dat, 1672. pag. 657

DLXI. Literæ *Caroli XI.* Svecorum Regis, ad *Carolum II.*
Magnae Britanniae Regem, quem studiose monet, ut in
amplissimo belli Theatro constitutus, universo Orbi
Christiano celebratæ magnanimitatis suæ specimen
edat, positisque armis, aures mitioribus pacis consiliis
benigne commodet, 1672. pag. 660

DLXII. Responsoriae *Caroli II.* Magnae Britanniae Regis,
ad præinsertas *Caroli XI.* Svecorum Regis literas, qui-
bus pacis sibi & verae tranquillitatis studio nihil anti-
quius nihilque charius unquam fuisse testatur, 1672. pag. 663

DLXIII. Literae *Nicolai Prazmobii*, Regni Poloniae Pri-
matis, ad *Regni Poloniae Senatores*, quibus injuste se-
cum aliisque Regni Poloniae Proceribus procedi gra-
viter conqueritur, & ad æquius justiusque Tribunal
appellat, 1672. pag. 666

DLXIV.

DLXIV. *Litterae Caroli II. Magnae Britanniae Regis, ad Fridericum V Vilhelmum, Electorem Brandenburgicum, quibus modum, quo secum adhuc egerat, tanquam inter Principes tam arcto sanguinis necessitudinisque vinculo junctos minus usitatum, acerbè improbat, 1672.* pag. 667

DLXV. *Responsorio Friderici V Vilhelmi, Electoris Brandenburgici, ad proxime praecedentes Caroli II. Magnae Britanniae Regis litteras, 1673.* pag. 674

DLXVI. *Litterae Misbaelii, Poloniae Regis, ad Clementem Papam X. quibus se Nuntium ipsius audivisse, & quo sine bellem cum Turcis infeliciter gestum terminatum sit, brevibus refert, 1671.* pag. 678

DLXVII. *Litterae Caroli XI. Svecorum Regis, ad Johannem Philippum, Electorem Moguntinum, quibus ipsi significat, se impleta illa aetate, quam constitutiones Regni capessendis imperii habenis designassent, communi totius Sveciae applausu solium conscendisse, 1672.* pag. 680

DLXVIII. *Litterae Nicolai Prazmobilii, Primatis Regni Poloniae, ad Proceres Regni Poloniae, in Comitibus Mariae-burgensibus congregatos, quibus quam inique & contra omnem juris & justitiae rationem cum se fratribusque suis a Rege & quibusdam Palatinis actum sit, refert, eorumque patrocinium implorat, 1672.* pag. 682

DLXIX. *Litterae Johanni Erasmi a Tottenbach, ad Leopoldum Rom. Imperatorem, quibus capitis supplicium daturus, supplex pro filiolo suo mox patre orbando, intercedit, 1672.* pag. 684

ANNUS MDCLXXIII.

DLXX. *Litterae credentiales, quas Johannes Georgius II. Saxoniae Elector, ad Johannem Dominicum de Luni-ga & Fonseca, Comitem de Monterey &c. Provinciarum in Belgio Hispanico Praesidem, Johanni Ernesto, Libero Baroni de Wallenroda, ablegato suo, dedit, 1673.* pag. 686

DLXXI. *Litterae Caroli II. Magnae Britanniae Regis, ad Johannem Georgium II. Saxoniae Electorem de novo anno gratulatoriae, 1673.* pag. 687

DLXXII. *Litterae Johanni Georgio II. Saxoniae Electoris,* ad

ad *Cosmum* III. Magnum Etruriae Ducem, quibus ipsi Johannem Godofredum a Klemm, Equitem Saxonicum, commendat, 1673. pag. 688

DLXXIII. Literae *Ferdinandi* L. B. a *Fürstenberg*, Episcopi Paderbornensis, ad *Clementem* Papam X. quibus ipsi aperit, se ad opem laboranti gravi bello Turcico Poloniae lubentissime ferendam paratissimum fore, nisi ad calamitosa Praefulatus sui, continuis belli malis vix non oppressi, pauperies impediret, cujus deplorandam faciem, ut ipse Imperatori Romano ea, qua polleat ret autoritate repraesentare haud dedignaretur, submisisse precatur, 1673. pag. 689

DLXXIV. Literae *Ferdinandi* L. Bar. a *Fürstenberg*, Episcopi Paderbornensis, ad *Cardinalem Altieri*um, a quo, ut missum ferrimum Praefulatus sui Statum Pontifici accurate explicare haud gravetur, obnixè contendit, 1673. pag. 693

DLXXV. Literae *Caroli* II. Magnae Britanniae Regis, ad *Johannem Georgium* II. Saxoniae Electorem, quibus ipsi Guilielmum Swann, Equitem auratum & conjunctissimae secum adhuc cultae amicitiae constantiam sedulo commendat, 1673. pag. 695

DLXXVI. Responsoriae *Johannis Georgii* II. Saxoniae Electoris, ad praeinsertas *Caroli* II. Magnae Britanniae Regis literas, 1673. pag. 696

DLXXVII. Literae *Johannis Georgii* II. Saxoniae Electoris, ad *Carolum* II. Magnae Britanniae Regem, pro Wolfgang Henrico a Lutichau, Equire Saxonico, commendatitiae, 1673. pag. 697

DLXXVIII. Literae *Legatorum Svecicorum*, ad *Carolum* II. Magnae Britanniae Regem, quem de adventu suo in Angliam certiore reddunt, & qua de causa ad eum missi sint; sedulo exponunt, 1673. pag. 698

DLXXIX. Literae *Caroli* II. Magnae Britanniae Regis, ad *Senatum Colonia Agrippina*, cui urbem suam congressui de pacis tractatibus habendo, communi Regis Christianissimi sui que consilio destinaram esse significat, eumque, ut obstacula isti proposito remoram injicientia quantocytus removeare connitatur, amice hortatur, 1673. pag. 702

DLXXX. Literae *Senatus Civitatis Colonia Agrippina*, ad *Ludo-*

Ludovicum XIV. Galliae Regem, quibus se, omni occasione, eo conatus suos intensurum esse promittit, ut legatis intra moenia urbis suae congregientibus integra praestetur securitas, 1673. pag. 704

DLXXXI. Literae *Michaelis Abassi I.* Principem Transylvaniae, cui, pro navata in nuperis cum Turca Pacis tractatibus egregia opera grates condignas refert, utque in meliorandis dictae pacis conditionibus omnem porro movere lapidem haud intermitat, amanter injungit, 1673. pag. 708

DLXXXII. Literae *Michaelis Abassi I.* Principis Transylvaniae, ad *Supremum Regni Poloniae Cancellarium*, quibus ipsi candide exponit, quid facto Polonis opus sit, ne charybdim evitare nimium studentes in Scyllam incidant, 1673. pag. 709

DLXXXIII. Literae *Supremi Regni Poloniae Cancellarii*, ad *supremum Magni Ducatus Lithuaniae Cancellarium*, quibus ipsi nuntiat, se in coepto semel proposito firmiter perstiturum, donec data occasione candidi amoris sui in patriam testimonium, universa Republica spectante, edere possit, 1673. pag. 712

DLXXXIV. Responsoriae *Supremi magni Ducatus Lithuaniae Cancellarii*, ad praefectas *Supremi Regni Poloniae Cancellarii* literas, 1673. pag. 715

DLXXXV. Literae *Caroli XI.* Svecorum Regis, ad *Leopoldum*, Rom. Imperatorem, quibus eum, ne almae pacis truci belli consiliis postponendo, Germaniam, ac cum ea universam Europam in ineluctabilis ruinae abyssum praecipitet, serio & amico hortatur, 1673. pag. 719

DLXXXVI. Responsoriae *Leopoldi*, Rom. Imperatoris, ad proxime praecedentes *Caroli XI.* Svecorum Regis literas, quibus, se extra omnem praesentis mali culpam, Regem Galliarum vero omnium malorum causam & autorem esse, clare demonstrat, 1673. pag. 724

DLXXXVII. Literae *Legatorum Svecicorum*, Mediatorum vices sustinentium, ad *Plenipotentiarios Belgicos*, quibus ipsis postulata Regis Magnae Britanniae recensent, 1673. pag. 733

DLXXXVIII. Literae *Plenipotentiariorum Svecicorum*, mediatorio officio defungentium, ad *Plenipotentiarios Belgicos*

Belgicos, quibus ipsis significant, Reges foederatis paratos esse ad armistitium generale permittendum, modo ejusdem etiam mentis sint Domini eorum eorundemque foederari, 1673. pag. 735

DLXXXIX. Literae, quibus *Johannes Georgius II.* Saxoniae-Elector, Johannem Augustum a Spoht, *Cosmo III.* Magno Etruriae Duci, sedulo commendat, 1673. pag. 736

ANNUS MDCLXXIV.

DXC. Literae, quibus *Carolus II.* Magnae Britanniae Rex, *Johanni Georgio II.* Saxonum Electori prosperum felicemque gratulatur annum, 1673 $\frac{1}{2}$. pag. 737

DXCI. Literae *Eleonorae*, Reginae Poloniae, ad *Carolum II.* Hispaniarum Regem, quibus ipsi Michaellem, Polonorum Regem, Maritum suum desideratissimum, vitam functum esse, aureique velleris torquem, *Andrea Zaluski* latore, remitti, nuntiat, 1674. pag. 738

DXCII. Literae *Procerum Regni Poloniae*, ad *Comitem de Pinjaranda*, Aulicum a Rege Hispaniarum inter charissimos habitum, a quo, ut qua valeret apud Regem suum gratia, Legati Polonici postulatis sedulo assisteret, obnixae contendunt, 1674. pag. 739

DXCIII. Literae *Johannu Georgii II.* Saxoniae Electoris, ad *Cosmum III.* Magnum Etruriae Ducem, pro *Francisco Cagniaci* commedatitiae, 1674. pag. 740

DXCIV. Literae *Johannu III.* Poloniae Regis, ad *Clementem Papam X.* cui se in Regem Poloniae electum esse refert, 1674. pag. 741

DXCV. Literae *Johannu III.* Poloniae Regis, ad *Leopoldum*, Rom. Imperatorem, quibus ipsi, se ad regiam in Polonia dignitatem, communi gentis applausu, erectum esse nuntiat, 1674. pag. 742

DXCVI. Literae *Andrea Olzobii*, Episcopi Culmensis, ad *Cardinalem Ursinum*, cui, Joannem Sobieskium in Regem Poloniae electum, se vero Primatiali in Polonia honori destinatum esse, refert, 1674. pag. 743

DXCVII. Literae *Johannu III.* Poloniae Regis, ad *Carolum XI.* Svecorum Regem, quibus ipsi, sibi concordii populi Sarmatici suffragio fasces Poloniae concreditos esse significat, 1674. pag. 744

DXCIX.

DXCIIIX. Literae *Johannis III.* Poloniae Regis, ad *Mabumetum IV.* Turcarum Imperatorem, cui, enarrata impositi sibi Regii diadematis fortuna, restaurandae bonae vicinitatis opportunitatem, missumque ideo Inter-
nuntium suum, amice commendat, 1674. pag. 745

DXCIX. Literae *Joannis III.* Regis Poloniarum, ad *Fridericum VVilhelmum*, Electorem Brandenburgicum, quibus ipsi, se unanimi Nationis Polonicae applausu in solium Sarmaticum exaltatum esse nuntiat, 1674. pag. 747

DC. Literae *Johannis III.* Poloniae Regis, ad *Ladovicum XIV.* Galliae Regem, quibus ipsum de sua ad fastigium Regium elevatione certiorum reddit, 1674. pag. 748

DCI. Literae *Johannis III.* Poloniae Regis, ad *Cardinalem Altierium*, a quo sollicitè efflagitat, velit apud summum Pontificem & reliquos Italiae Principes Optimates diligenter instare, ut Poloniam largiori pecuniarum subsidio sublevando, clara, tum tenerrimi paterni affectus, tum infusae pietatis specimina edere haud graventur, 1674. pag. 749

DCII. Literae *Joannis III.* Regis Poloniae, ad *Fridericum VVilhelmum*, Electorem Brandenburgicum, a quo, ut copias auxiliares sibi promissas, hoste jam in confiniis Poloniae haerente, confestim e Borussia in Poloniam educi juberet, sibi que adhuc aliquot peditum millia in auxilium submitteret, sollicitè contendit, 1674. pag. 752

DCIII. Literae *Friderici VVilhelmi*, Electoris Brandenburgici, ad *Carolus XI.* Svecorum Regem, quibus se pacis quidem studiosissimum esse, eo tamen minime inductum iri, ut positis armis, Germaniam, cui cum vita fideque jurata amorem infusatum deberet, infestis armis opprimi incurius cerneret, candide testatur, 1674. pag. 753

DCIV. Responsores *Caroli XI.* Svecorum Regis, ad proxime praecedentes *Friderici VVilhelmi*, Electoris Brandenburgici, literas, quibus ipsum iterato monet, ut exercitum suum ad expeditionem contra Gallos accinctum gradum sistere, & sustinendo secum belli pacisque arbitrio, extra belli aleam constitutum, occasione invigilare jubeat, 1674. pag. 757

DCV.

DCV. Literæ *Johannis Georgii* H. Saxonix Electoris, ad *Cosmum* III. Magnum Etruriæ Ducem, quibus ipsi Henricum Christianum a Schleūniz sedulo commendat, 1674. pag. 763

DCVI. Literæ *Leopoldi*, Rom. Imperatoris, ad *Carolū* XI. Svecorum Regem, quem, ne Gallix sociatus Electorem Brandenburgicum armis adoriatur, sed, cognita justa Germanorum causa, Imperium Romanum potius ab imminente Gallorum jugo vindicet, graviter hortatur, 1674. pag. 764

DCVII. Responsorix *Caroli* XI. Svecorum Regis, ad præfertas *Leopoldi*, Rom. Imp. Literas, quibus sibi Legibus Imperii minime vetitum esse fœdifragam Electoris Brandenburgici armis coercere licentiam, suaque potius quam Electoris arma S. R. Imperii patrocinium mereri, ac se pacis, si justæ, tutæ ac universali locus detur, nullatenus abstemium esse, demonstratum ir, 1675. pag. 768

DCIIX. Literæ *Caroli* XI. Svecorum Regis, ad *Generales fœderati Belgii Ordines*, quibus eos, cepti ab ipsis capessendorum contra se armorum consilii iniquitatem diligenter perstringendo, tutiori pacis amicitixque trauiti inhærendum esse, impense hortatur, 1674. pag. 776

DCIX. Literæ *Caroli* XI. Svecorum Regis, ad *Proceres S. R. Imp. per delegatos* in Comitibus *Ratisbonensibus congregatos*, quibus ipsis motum contra Electorem Brandenburgicum bellum, velut justum & totius Imperii consensu ac patrocinio dignum, probatum ir, seque infucata in pacem universalem propensione duci, sollicitè asserit, 1674. pag. 784

DCX. Literæ *Laurentii Christophori a Somniz*, Consiliarii Electoris Brandenburgici intimi, ad *Rectorem & Professores Academia Argentoratensis*, quibus nomine Electoris sui, pro habita in obitum *Caroli Demitii*, Principis Electoralis Primogeniti, solenni panegyri, decentes gratias agit, 1674. pag. 797

ANNUUS MDCLXXV.

DCXI. Literæ *Johannis* III. Polonix Regis, ad *Johannem Georgium* II. Saxonix Electorem, quem, solutis pro duplici voto gratiis, reciproco desiderio valere jubet, 1675. pag. 798

DCXII.

DCXII. Literæ *Johannis Georgii II.* Saxoniae Electoris, ad *Ducem de Villa Hermosa*; recentem Belgii Hispanici Gubernatorem, cui aditæ tam insignis Provinciæ auspiciæ gratulatur, 1675. pag. 799

DCXIII. Literæ *Caroli II.* Magnae Britanniae Regis, ad *Leopoldum*, Rom. Imperatorem, quibus ipsum, qua ratione difficultas de commutandis salvorum conductuum tabulis nata, facilius removeri possit, edocer, 1675. pag. 800

DCXIV. Responsoræ *Leopoldi*, Rom. Imperatoris, ad præinsertas *Caroli II.* Magnæ Britanniae Regis literas, 1676 pag. 802

DCXV. Literæ *Johannis III.* Poloniæ Regis, ad *Cardinalem Ursini*, Protectorem Poloniæ, quibus ab eo amice contendit, ut arma Polonica a nobiliori Portæ ædium suarum parte, cum opprobrio Nationis Poloniæ remota, pristino loco affigi iterum confestim curet, 1675. pag. 804

DCXVI. Literæ *Johannis III.* Poloniæ Regis, ad *Cardinalem Alsiæri*, de armis Polonicis, in præjudicium Sarmaticæ gentis a superna Portæ Cardinalis Ursini parte remotis, agentes, 1675. pag. 806

DCXVII. Literæ *Johannis Georgii II.* Saxoniae Electoris, ad *Olympiam Sfortiam*, Castilionzi Ducis viduam, quibus apud eam Consolatorio ob mortem celsissimi mariti ejus defungitur officio, 1675. pag. 806

DCXVIII. Literæ *Andrea Olzofii*, Regni Poloniæ Primatis, ad *Leopoldum*, Rom. Imp. a quo, ut Poloniam continuis belli malis attritam, jam vero inter sacrum & saxum positam, auxilio chantativo sublevare dignetur, submisit efflagitat, 1675. pag. 807

DCXIX. Literæ *Caroli II.* Magnæ Britanniae Regis, ad *Carolus XI.* Svecorum Regem, a quo salvi conductus tabulas ad promovendum instantis Pacis negotium necessarias Neomagus ad se confestim mitti petit, 1675. pag. 809

DCXX. Literæ *Caroli II.* Magnæ Britanniae Regis, ad *Christianum V.* Daniæ Regem, quibus ab eo, ut salvi conductus literas quantocyus Neomagus transmittere haud gravetur, amice contendit, 1675. pag. 811

PARS II.

DCXXI.

DCV. Literæ *Johannis Georgii* H. Saxoniz Electoris, ad *Cosmum* III. Magnum Etruriz Ducem, quibus ipsi Henricum Christianum a Schleüniz sedulo commendat, 1674. pag. 763

DCVI. Literæ *Leopoldi*, Rom. Imperatoris, ad *Carolum* XI. Svecorum Regem, quem, ne Galliz sociatus Electorem Brandenburgicum armis adoriatur, sed, cognita juxta Germanorum causa, Imperium Romanum potius ab imminente Gallorum jugo vindicet, graviter hortatur, 1674. pag. 764

DCVII. Responsoriz *Caroli* XI. Svecorum Regis, ad præinfertas *Leopoldi*, Rom. Imp. Literas, quibus sibi Legibus Imperii minime vetitum esse scd difragam Electoris Brandenburgici armis coercere licentiam, suaque potius quam Electoris arma S. R. Imperii patrocinium mereri, ac se pacis, si juxta, tutæ ac universali locus detur, nullatenus abstemium esse, demonstratum it, 1675. pag. 768

DCIIX. Literæ *Caroli* XI. Svecorum Regis, ad *Generales fæderati Belgii Ordines*, quibus eos, cepti ab ipsis capessendorum contra se armorum consilii iniquitatem diligenter perstringendo, tutiori pacis amicitizque tramiti inhzrendum esse, impense hortatur, 1674. pag. 776

DCIX. Literæ *Caroli* XI. Svecorum Regis, ad *Præceres S. R. Imp. per delegatos* in Comitibus *Ratisbonensibus congregatos*, quibus ipsis motum contra Electorem Brandenburgicum bellum, velut justum & totius Imperii consensu ac patrocinio dignum, probatum it, seque infucata in pacem universalem propensione duci, sollicitè asserit, 1674. pag. 784

DCX. Literæ *Laurentii Christophori a Somniz*, Consiliarii Electoris Brandenburgici intimi, ad *Rectorem & Professores Academia Argentoratensis*, quibus nomine Electoris sui, pro habita in obitu *Caroli Aemilii*, Principis Electoralis Primogeniti, solenni panegyri, decentes gratias agit, 1674. pag. 797

ANNUS MDCLXXV.

DCXI. Literæ *Johannis* III. Poloniz Regis, ad *Johannem Georgium* H. Saxoniz Electorem, quem, solutis pro duplici voto gratiis, reciproco desiderio valere jubet, 1675. pag. 798

DCXII.

DCXII. Literæ *Johannis Georgii II.* Saxoniae Electoris, ad
Ducem de Villa Hermosa, recentem Belgii Hispanici
Gubernatorem, cui aditæ tam insignis Provincia auspi-
cia gratulatur, 1675. pag. 799

DCXIII. Literæ *Caroli II.* Magnae Britanniae Regis, ad
Leopoldum, Rom. Imperatorem, quibus ipsum, qua ra-
tione difficultas de commutandis salvorum condu-
ctuum tabulis nata, facilius removeri possit, edocet,
1675. pag. 800

DCXIV. Responsoræ *Leopoldi*, Rom. Imperatoris, ad præ-
infertæ *Caroli II.* Magnæ Britanniae Regis literas, 1676
pag. 802

DCXV. Literæ *Johannis III.* Poloniz Regis, ad *Cardina-
lem Ursini*, Protectorem Poloniz, quibus ab eo amice
contendit, ut arma Polonica a nobiliori Portæ ædium
suarum parte, cum opprobrio Nationis Polonicæ re-
mota, pristino loco affigi iterum confestim curet, 1675.
pag. 804

DCXVI. Literæ *Johannis III.* Poloniz Regis, ad *Cardina-
lem Alieri*, de armis Polonicis, in præjudicium Sarmati-
cæ gentis a superna Portæ Cardinalis Ursini parte re-
motis, agentes, 1675. pag. 806

DCXVII. Literæ *Johannis Georgii II.* Saxoniae Electoris,
ad *Olympiam Sfortiam*, Castilionæ Ducis viduam, qui-
bus apud eam Consolatorio ob mortem celsissimi ma-
riti ejus defungitur officio, 1675. pag. 806

DCXVIII. Literæ *Andreae Olzobii*, Regni Poloniz Primatis,
ad *Leopoldum*, Rom. Imp. a quo, ut Poloniam continu-
is belli malis attritam, jam vero inter sacrum & saxum
positam, auxilio charitativo sublevare dignetur, sub-
misit efflagitat, 1675. pag. 807

DCXIX. Literæ *Caroli II.* Magnæ Britanniae Regis, ad *Ca-
rolum XI.* Svecorum Regem, a quo salvi conductus tæ-
bulas ad promovendum instantis Pacis negotium ne-
cessarias Neomagus ad se confestim mitti petit, 1675.
pag. 809

DCXX. Literæ *Caroli II.* Magnæ Britanniae Regis, ad
Christianum V. Daniz Regem, quibus ab eo, ut salvi
conductus literas quantocyus Neomagus transmit-
tere haud gravetur, amice contendit, 1675. pag. 811

PARS II.

DCXXI.

DCXXI. Literæ *Johannis III.* Poloniæ Regis, ad *Clementem Papam X.* quem sedulo precatur, ut Poloniæ pręgravi adversus Turcas belli calamitate non quidem viris, sed ære exhaustæ, subsidio numario subvenire paterne contendat, 1675. pag. 813

DCXXII. Literæ *Caroli II.* Magnæ Britannię Regis, ad *Leopoldum*, Rom. Imperatorem, quibus ab eo, ut Domino Duckero, Deputato, sui saltem respectu, Principem Furstenbergium, custodia arctiori detentum conveniendi & ipsocum colloquendi libertatem concedat, obnixè contendit, 1675. pag. 815

DCXXIII. Responsoriz *Leopoldi*, Rom. Imp. ad proxime præcedentes *Caroli II.* Magnæ Britannię Regis literas, 1676. pag. 818

DCXXIV. Literæ *Johannis III.* Poloniarum Regis, ad *Carolulum II.* Magnæ Britannię Regem, cui res Polonorum in Ucraina ex voto gestas, ac secundum Februarii diem, anni futuri, coronationi suæ sacram esse nuntiat, 1675. pag. 822

ANNUS MDCXXXVI.

DCXXV. Literæ *Johannis Georgii II.* Saxonię Electoris, ad *Carolulum II.* Hispaniarum Regem, cui auspicias fastigii regalis primitias gratatus, longævam cum prosperitate Regnorum gubernationem vover, ac perpetua conjunctissimi animi studia pollicetur, 1676. pag. 823

DCXXVI. Literæ *Caroli II.* Magnæ Britannię Regis, ad *Christianum V.* Danię Regem, quibus cum obtestatur, ut literis hinc inde per ejus dominia transcuris pristinam eamque instanti pacis negotio maximopere commodam concedat libertatem, 1675. 1676. p. 824

DCXXVII. Literæ *Johannis Georgii II.* Saxonię Electoris, ad *Johannem III.* Poloniarum Regem, cui reportata ex hostibus trophæa gratulatus cum imposita, qua caput ejus proxime redimiendum erat, corona, omnigenæ salutis copiam precatur, 1676. pag. 827

DCXXVIII. Literæ *Johannis Georgii II.* Saxonię Electoris, ad *Carolulum II.* Magnæ Britannię Regem, quibus ipsi fausta vertentis anni primordia & auspiciatissimos in eo successus amice vover, 1675. 1676. pag. 828

DCXXIX. Breve *Clementis Papæ X.* ad *Aloysium*, Patriarcham

cham Alexandrinum, quo ipsi Nuntiaturæ ad aulam
Cæsaream extraordinariæ munus committit, 1676. pag.

829

DCXXX. Breve *Clementis Papæ X.* ad *Claudiam Felicitatem*,
Rom. Imperatricem, quo Nuntium suum & conatus ejus
paci inter Christianos Principes promovendæ adhiben-
dos ipsius patrocínio commendat, 1676. p. 832

DCXXXI. Literæ *Andree Olzofii*, Regni Poloniæ Primatis,
ad *Clementem Papam X.* cui, communi Ordinum con-
sensu decretum esse, ut census a quolibet capite per
universam exigatur Poloniam, refert, eumque, ut il-
lum etiam a Clericis, urgente necessitate, cunctis omni-
um Legum & Canonum repagulis potiori, postulari
hac vice permittat, submisit precatur, 1676. pag. 832

DCXXXII. Literæ *Johannis Georgii II.* Saxonie Electoris,
ad *Carolus II.* Magnæ Britanniae Regem, cui Joan-
nem Christophorum a Naso commendat, 1676. p. 833

DCXXXIII. Literæ fiduciarie a *Carolo II.* Magnæ Britan-
niæ Rege, Bevil Skeltono, Ablegato suo extraordina-
rio, ad *Leopoldum*, Rom. Imperatorem traditæ, 1676.

pag. 834

DCXXXIV. Literæ credentiales, quas *Carolus II.* Ma-
gnæ Britanniae Rex, Bevil Skeltono, Ablegato suo ex-
traordinario, in causa Furstenbergica ad *Leopoldum*
Rom. Imp. dedit, 1676. pag. 836

DCXXXV. Breve *Clementis Papæ X.* ad *Leopoldum* Roman-
Imp. a quo, ut milites suos inter colloquia de pace ha-
benda, ab armis vacare jubeat, sollicite contendit, 1676.

pag. 837

DCXXXVI. Literæ *Johannis III.* Poloniæ Regis, ad *Ge-
orgium VVilhelmum*, Ducem Brunsvico-Cellensem,
quibus tutum pro Coniuge sua per ditiones ejus transi-
tum desiderat, 1676. pag. 839

DCXXXVII. Literæ *Johannis Georgii II.* Saxonie Electo-
ris, ad *Franciscum II.* Mutinae Ducem, quibus pro
Joh. Georgio Beckero, relicta defuncti fratris bona
Mutina repetituro, intercedit, 1676. pag. 840

(XXIX) Literæ *Ducum Brunsvico-Luneburgensium*, ad
Carolus II. Magnæ Britanniae Regem, de liberi com-
munitatis tabulis Legatis Electorum & Principum S. R.

d a

Imp.

Imp. iisdem titulis & tenore exhibendis ac longè ex-
terminando omni rerum novandarum circa instantis
pacis tractatus pruritu agentes, 1676. p. 1046

DCXXXIIX. Literæ *Leopoldi*, Rom. Imp. ad *Andream Olzo-*
hium, Regni Poloniæ Primatem, cui quam vehementer
animum suum calamitosus Poloniæ status afficiat,
amanter refert, & Residentem suum, velut personam
indubia fide dignam, sedulo commendat, 1676. p. 842

DCXXXIX. Literæ quibus *Joh. Georgius II.* Elector Saxo-
niæ, *Johanni III.* Poloniarum Regi promittit, se justo
tempore Legato Gallico quæsitum intercessione Regia
salvum conductum, daturum esse 1676. p. 843

ANNUS MDCLXXVII.

DCXL. Breve *Innocentii Papa XI.* ad *Aloysium de Bevila-*
qua, Patriarcham Alexandrinum, quibus ipsi Nuntia-
turæ extraordinariæ ad Pacis Tractatus Noviomagi
instituendos functionem committit, 1677. p. 844

DCXLI. Literæ *Friiderici V Vilbelmi*, Electoris Branden-
burgici, ad *Carolus XI.* Sveciæ Regem, quibus de *An-*
dreæ Lilienhœkii, Legati ipsius ad Aulam Poloni-
cam Extraordinarii, intemperato linguæ calamique
furore graviter conqueritur, ab eoque serio efflagitat,
ut istum habiti ad Regem Poloniæ in se sermonis inve-
ctivi perpetratique inde criminis justas dare pœnas ju-
beat, 1677. pag. 847

DCXLII. Responsoriæ *Caroli XI.* Svecorum Regis, ad præ-
insertas *Friiderici V Vilbelmi*, Electoris Brandenburgici
literas, 1677. pag. 852

DCXLIII. Literæ *Johannis Georgii II.* Saxoniae Electoris,
quibus *Carolo II.* Magnae Britanniae Regi, *Johannem*
Danielem Krafftium commendat, 1677. p. 854

DCXLIV. Literæ *Johannis Georgii II.* Saxoniae Electoris,
ad *Johannem III.* Poloniæ Regem, quibus pollicetur
se diligenter curaturum, ne autor caedis in Meideliæ
perpetratae crimen istud impune ferat, 1677. pag. 855

DCXLV. Literæ *Christiani V.* Daniae Regis, ad *Carolus*
II. M. Britanniae Regem, quibus sibi gratissimum qui-
dem esse declarat, ut exorta inter se Ducemque Holsa-
tiæ dissidia componantur, dummodo justa suorum ju-
rium ratio habeatur, 1677. pag. 856

DCXLVI.

DCXLVI. Literae *Johannis Georgii II.* Saxoniae Electoris, ad *Mariam Johannam Baptistam*, Caroli Emanuelis II. defuncti Sabaudiae Ducis viduam, quibus sibi oblatam renovandae pristinae necessitudinis occasionem in acceptissimis esse testatur, 1677. pag. 859

DCXLVII. Literae *Johannis III.* Poloniae Regis, ad *Friedricum V Vilhelmum*, Electorem Brandenburgicum, quibus ab eo, ut D. Strauchium custodia confestim liberari jubeat, obnixè contendit, 1677. pag. 860

DCXLIX. Literae *Christiani Alberti*, Ducis Holstae-Gottorpiensis, ad *Carolus II.* Magnae Britanniae Regem, cui falsissimas Regis Daniae, quibus causam suam labefactare aggressus esset, criminationes esse, suaeque causae decisionem ad pacis universalis tractatus vel maxime pertinere demonstrat, 1677. pag. 866

DCXLIX. Literae *Johannis Georgii II.* Saxoniae Electoris, ad *Carolus Gonzagam*, Principem Castilioneum, cui de Marchionatu de Medole, haereditario jure ad eum devoluto, amice gratulatur, 1677. pag. 871

ANNUS MDCLXXIIX.

DCL. Literae *Johannis Georgii II.* Saxoniae Electoris, ad *Carolus IV.* Lotharingiae Ducem, cui prosperrimas cum Eleonora, Michaelis defuncti Poloniae Regis vidua, gratulatur hymenaeos, 1678. pag. 872

DCLI. Literae *Johannis Georgii II.* Saxoniae Electoris, ad *Carolus II.* Magnae Britanniae Regem, cui Antonium Guntherum, Principem Anhaltinum, impense commendat, 1678. pag. 873

DCLII. Commendatitiae ad *Carolus II.* Magnae Britanniae Regem, pro Theophilo Mullero Medicinae Doctore a *Johanne Georgio II.* Sax. Elect. datae, 1678. p. 874

DCLIII. Literae *Georgii V Vilhelmi*, Ducis Brunsvico-Celestensis, ad *Johannem III.* Poloniae Regem, quibus ipsi causam Patris & Filii Bobartiorum impense commendat, 1678. pag. 875

DCLIV. Literae systaticae, quas *Johannes Georgius II.* Saxoniae Elector, Jacobo Toëbin, Nobili Anglo, ad *Casimirus III.* Magnum Etruriae Ducem dedit, 1678. p. 877

DCLV. Literae commendatitiae, a *Johanne Georgio II.* Saxoniae Electore, ad *Carolus II.* Magnae Britanniae

Regem, Mauritio Tham, Marefcallo a Biberftein, Auguſti, Archipraefulatus Magdeburgici poſtulari Adminiſtratoris, ſupremo Cubiculi Praefecto traditae, 1678.

pag. 878

DCLVI. Literae *Caroli Belgici Hollandi Ducis de Tremollin*, ad *Aloyſium de Beſilaqua*, Nuntium Sac. Sedis Apoſtolicae ad tractatus Noviomagenſes Extraordinarium, cui jurat, qua ſibi in Regnum Neapolitanum competere, perſuafum habebat, diligenter commendat, 1678. p. 879

DCLVII. Literae *Johannu Georgii II. Saxoniae Electoris*, ad *Carolum II. Magnae Britanniae Regem*, de noviter inſtante anno gratulatoriae, 1678. p. 882

(XXX) Literae *Palatini Viſnenſis*, Magn. Duc. Lithuaniae Exercituum ſupremi Ducis, ad *Henricum Hornium*, ſummum copiarum Svecicarum per Livoniam praefectum; quibus ſe ipſi propria autoritate liberum per Curlandiae & Livoniae ditiones in Boruſſiam Ducalem tranſitum permittere hanc poſſe exponit, 1678. p. 1050

(XXXI) Literae *FridERICI V Vilhelmi*, Electoris Brandenburgici, ad *Comitem a Kanigsmarch*, ſupremum Copiarum in Pomerania Svecicarum Praefectum, quibus ſe tranſmiſſae in Sveciam militum Svecicorum manus inſauſto atque plane inopinato naufragio ad Inſulae Bornholmienſis littora ejectae, & a Danis hoſtilem in modum exceptae fata aegre ferre teſtatur, ejus vero e captivitate liberationem ad Daniae Regis beneplacitum frigide remittit, 1679. pag. 1055

DCLIX. Literae, quibus *Johannes Georgius II. Saxoniae Elector*, *Cofmo III. Magnae Etruriae Duci*, pro honoribus Chriſtiano, Saxoniae Duci benevole exhibitis gratias ingentes agit, 1679. pag. 882

DCLIX. Literae fiduciariae, quas *Johannes III. Poloniae Rex*, *Stanislae Radzivilio*, S. R. Imp. Principi, ad *Johannem Georgium II. Saxoniae Electorem* dedit, 1679. pag. 884

DCLX. Reſponſoriae *Johanni Georgii II. Saxoniae Electoris*, ad praefertat *Johann III. Regis Poloniae* literas, 1679. pag. 885

DCLXI. Literae *Johannis Georgii II. Saxoniae Electoris*, ad *Cofmum III. Magnum Etruriae Ducem*, cui Chriſtopho-

phorum de Westenigk & Conradum Henricum a Zeschwitz
diligenter commendat, 1679. pag. 885

DCLXII. Responsoriz, quibus *Cosmus III.* Magnus Hetruriz Dux,
Joh. Georgio II. Electori Saxonum, commendatitias ipsius apud
se plurimum valuisse significat, 1679. pag. 887

DCLXIII. Literz *Edvardi VVood*, plenipotentiarrii Anglici, ad *Pienpo-*
tentiarrii Danicos, quibus se jamjam Malmogiz presentem esse
& initium tractatum prestolari significat, 1679. pag. 888

DCLXIV. Responsoriz *Plenipotentiarrii Danicorum*, ad praceden-
tes *Plenipotentiarrii Anglici* literas, 1679. pag. 889

DCLXV. Literz *Joh. Georgii II.* Saxoniz Electoris, ad *Carolus II.* Ma-
gnz Britanniz Regem, cui felicissimas instantis & plurium alio-
rum annorum gratulatur calendas, 1679. pag. 890

ANNUS MDCLXXX.

DCLXVI. Literz *Joh. Georgii II.* Saxoniz Electoris, ad *Carolus II.*
Hispan. Regem, cui perpetuos ex svavissime cum Principissa
Aurelianensi contracto matrimonio successus ex animo grati-
latur, 1680. pag. 891

DCLXVII. Responsoriz, quibus *Carolus XI.* Svecorum Rex, *Johanni*
Georgio II. Sax. Elect. reciproco candore fausta novi anni gratu-
latur auspicia, 1680. pag. 893

DCLXVIII. Literz credentiales, quas *Carolus II.* Magnz Britanniz
Rex, *Gabrieli Sylvio*, Ablegato suo Extraordinario, ad *Geor-*
gium VVilhelmum, Ducem Brunsvico-Luneb. tradidit, 1680. p. 894

DCLXIX. Literz *Statuum S. R. Imp.* ad *Ludovicum XIV.* Galliz Re-
gem, quibus Tribunalium Metis ac Brisaci constitutorum mol-
mina & in varias variorum Imp. Statuum ditiones attentæ aq-
uitati Christianæ ac Pacis tam Westph. quam Neomag. tabulis e-
diametro contraria esse, prolixè demonstratum eunt, 1680. p. 895

DCLXX. Literz *Prætorum S. R. Imp.* ad *Carolus II.* Magnz Britanniz
Regem, quibus Constatu quosdam Imperii contra expressas
paci Neomagenfis Leges a Gallicis Officialibus vehementer
turbari, graviter conqueruntur, ac ut ipse receptus dictæ paci
vindex, autoritate sua memoratis Gallorum anomaliis obicem
ponat, impense rogant, 1680. pag. 907

DCLXXI. Responsoriz *Caroli II.* Magnz Britanniz Regis, ad przin-
sertas *Statuum S. R. Imp.* literas, quibus se ad componendas R.
Imp. & Galliam inter existentes controversias omni tempore
promptum paratumque esse proficitur, 1680. pag. 910

DCLXXII. Literz *Joh. Georgii III.* Elect. Sax. Principis hereditarii ad
Ludovicum XIV. Galliarum Regem, quibus se ad exhibenda ipsi
quævis officiorum studia semper fore paratissimum pollicetur,
1680. pag. 914

DCLXXIII. Literz *Joh. Georgii III.* Saxoniz Electoris, ad *Carolus II.*
Magnz Britanniz Regem, quibus ipsi *Joh. Georg. II.* Parentem
suum gloriosiss. memoriz vita functum esse nuntiat, 1680. p. 915

DCLXXIV. Responsoriz *Caroli II.* Magnz Britanniz Regis, ad pro-
xime pracedentes *Joh. Georg. III.* Sax. Elect. literas, 1680. p. 917

DCLXXV. Literz *Frid. VVilb.* Elect. Brandenb. ad *Carolus II.* Hisp.
Reg. quibus recusatam ab ipso debitz justissimo titulo pecuniz
solutionem, necessitatem sibi violenta tam diu arripienti im-
posu-

posuissent remedia, donec postulatis suis plenarie satisfactum fuerit, 1680. ANNUS MDCLXXXI. p. 918

DCLXXVI. Literæ Plenipotens. Cesar. ad Tract. Neomag. nuper Ablegatorum, ad Leopoldum Rom. Imp. quibus concinnam tractatum ibidem habitorum seriem pertexunt, 1681. p. 923

DCLXXVII. Literæ Statuum S. R. Imp. ad Ludov. XIV. Galliarum Regem, quibus Tribunalium Brisacii & Metis constitutorum Iudices manifeste iniquitatis accusant & controversias ad arbitros partium studiis haud additis remitti petunt, 1681. pag. 937

DCLXXVIII. Literæ Leopoldi, R. Imp. ad Cardinalem Pio, Germ. comprotectorem, de lite inter Capitulum Constantiense & Sebastianum Reding pendente agentes, 1681. pag. 945

XXXII. Literæ Ord. Regni Hung. Evang. ad Comitum Esterhazium, Regni Hung. Palat. quibus ab eo obnixè contendunt, velit Religionis suæ sacerdotes, munus sacrum sub præsentii dictæ obeuntis firmissimo patrocinii sui clypeo protegere, 1681. pag. 1035

DCLXXIX. Literæ Georgii Hamel a Brunnix, Ablegati Gen. scd. Belgii Ordinum, ad Imp. Extraordinarii, ad Ord. Regni Hungar. Evangel. quibus eos amice hortatur, ut oblitterata pristinarum afflictionum & injur. memoria, gratiam denuo, oblatam cupide amplectantur, 1681. pag. 949

DCLXXX. Responsoria Statuum Regni Hung. Evangel. ad præinfectas Georgii Hamel a Brunnix, Ablegati Gen. scd. Belgii Ordinum, ad Aulam Cæsaream Extraordinarii literas, 1681. pag. 953

DCLXXXI. Literæ Statuum S. R. Imp. ad Carolum II. Magnæ Britanniarum Regem, de vindicanda Pace Neomagensi & promovendis tractatibus Francofurti institutis agentes, 1681. pag. 960

DCLXXXII. Literæ credentiales, quas Carolus II. Magnæ Britanniarum Rex, Bevill Skeltono, Ablegato suo Extraordinario, ad Georg. VII. Ducem Brunsvico-Luneburgensem dedit, 1681. p. 962

DCLXXXIII. Responsoria Georgii Wilhelmi, Ducis Brunsvico-Luneb. ad præcedentes Caroli II. M. Britann. Regis credent. 1681. p. 964

DCLXXXIV. Literæ Leopoldi, R. Imper. ad Cardinalem Pio, Germaniarum Comprotectorem, quibus ipsi controversiam inter Capitulum Wormat. & Herman. Lotharium ab Auvvach gliscentem commendat, 1681. pag. 965

DCLXXXV. Literæ Quorundam Ablegat. Status per Hung. Evang. ad Herm. Marchionem Badensem, quibus ipsi nullum jam consultationibus, ob absentiam plurium Legatorum, locum esse reliquum, referunt, 1681. ANNUS MDCLXXXII. pag. 967

DCLXXXVI. Literæ Caroli II. M. Britanniarum Regis, ad Joh. Georg. III. Sax. Elect. quibus eum impense hortatur, ut impediatur, quo minus Rex Daniæ telonium in Albi fluviu erigere possit, 1681. p. 969

DCLXXXVII. Literæ Leopoldi Rom. Imp. ad Carolum II. Hisp. Regem, confirmationem Privilegiorum ordinis Teutonicæ in Burgundia attinentes, 1681. p. 973

DCLXXXVIII. Literæ credentiales, quas Georg. VII. Dux Brunsvico-Luneb. Bar. Schutizio, Ablegato suo Extraordinario, ad Ludov. XIV. Galliarum Regem tradidit, 1681. pag. 974

DCLXXXIX. Literæ Joh. III. Poloniæ Regis, ad Senatorem quendam Regni Polonia, Comitæ proxime indicanda spectantes, 1681. p. 975

LITERAE



LITERÆ PROCERUM EUROPÆ.

CCLXXX.

*Litera PHILIPPI MEADOWE, Internuncii
Reipublice Anglicanae ad Daniam Regem extraordi-
narii, ad CAROLUM GUSTAVUM, Sue-
corum Regem, cui Daniam Regem, inchoando de Pa-
ce tractatui Commissarios jam denominasse nun-
tial, utque idem efficere & locum congressui indi-
care haud gravatum velit, instanter & submisso ro-
gat, 1658.*

IN absentia nobilissimi Domini Jephso-
nii Ablegati extraordinarii Angliæ ab Au-
la Vestra Regia, cujus ministerio in hoc
negotio versus Majest. Vestram uterer,
fretus clementia Vestra, proque mediatorio, quod
inter hæc duo regna Septentrionalia sustineo mu-
nere, præsentium latorem unum e domesticis, cum
his literis immediate ad Serenissimam Majestatem
Vestram amandavi. Serenissimus Rex Daniæ, ad
prævertendam ulteriorem Christiani sanguinis ef-
fusionem, bellumque hoc funestissimum sub justis
sinceræ pacis conditionibus amicabiliter quam-
primum finiendum, nominavit & constituit Com-
missarios suos & Plenipotentiaros, Joachimum
de Gersdorp, Dn. Tundbyholm, Equitem auri-
tum, magnum Aulae magistrum, & Christianum

Scheel, Dn. hæreditarium in Waloë, utrosque Senatores Regni Daniæ, qui cum Commissariis Maj. Vestræ pari auctoritate munitis, loco & tempore a Majestate Vestra nominandis congregiantur, ad pacem inter hæc duo regna stabiliendam. Placeat igitur Serenissimæ Majest. Vestræ ad instantiam atque interventum Serenissimæ Celsitudinis, Dn. mei Clementissimi Commissarios suos pariter deputare, locumque & tempus præfigere, nec non salvos conductus debita forma pro me ipso & præfatis Dominis Commissariis Danicis extradi jubere, quibus acceptis, loco & tempore ita præfixis mox affuturi sumus. Nec dubium est, quin benedicente Deo Maj. Vestra honestissimam pacem intra paucissimos dies referat. Interea temporis, si Serenissimæ Daniæ Maj. arma sua ulterius inferri prohibeat, cum justorum armorum finem, nempe & justam & honestam pacem jam acquisiverit, adeoque successu & felicitate sua clementer & moderate utatur, rem proculdubio Deo acceptam Christiani orbis Principibus gratam atque immortalis nominis sui gloria dignam faciet. Quod ut benigniter velit Majest. Vestra, Clementissimi Domini mei verbis & nomine insto & rogo. Quem singulari hac gratia suoque rogatui indulto beneficio sibi æternum Majestas Vestra demerebitur. Deus Opt. Max. Maj. Vestram incolumem diu & florentem servet, ita animitus vovet

Serenissimæ Sux Celsitudinis,

Reip. Angl. Scot. & Hybern. Protectoris,

Ablegatus Extraordinarius

Hafnia 3. Febr. Anno 1658.

Philippus Meadowe.

CCLXXXI.

CCLXXXI.

*Responsoria CAROLI GUSTAVI, Regis Sueciæ,
ad præcedentes ANGLICANI INTERNUN-
CII Literas, quibus propensissimum suum in pa-
cem desiderium indicando bina congressui habendo
loca designat, ac arbitrio Regis Daniæ, utrum
eligere ex illis placeat, permittit, 1658.*

**Carolus Gustavus Dei gratia Suecorum,
Gothorum Vandalorumque Rex &c. Gratiam
& favorem.**

Illustris, nobis sincere dilecte,

Literas tuas Hafniæ ad Nos pridie harum datas
recte accepimus, ex iisque didicimus, cum sin-
gularem tuam in reconciliandis animis curam, tum
etiam novum Daniæ in pace, quantum apparet,
serio recuperanda studium; Quorum altero, quia
pro mediatorio, quo dufungeris munere, nobis
dexteritatem tuam ac fidem comprobas, gratias
tibi agimus, ac merita tua condigno modo com-
pensanda censebimus; alterum tanto Nobis est
acceptius, quando jam diu actiones Nostras eo di-
rigimus, ut illius, quod nunc a Dania conceditur,
compotes fieri possimus. Optamusque, ut aut
nunquam ad hoc incendium perventum fuisset,
aut erumpenti flammæ matura extinguendi media
comparuissent, ac nostris pacificis oblatis nonni-
hil datum fuisset; Factum est, nescimus qua sive
præmatura implacabilis vindictæ pertinacia, sive
animi temeritate, ut inclinationi & propensioni
Nostræ in opus omnium humanissimum nullus re-
linqueretur locus, quin anceps belli alea, apud

Danos cæteris omnibus remediis antehabita, pacis consilia studiaque ita corrumpit, ut quamvis nifu tuo, compositionis spes non exigua Nobis subji- ceretur, res tamen ipsa nunc in electione & multiplicatione Mediatorum, nunc in adcrustandis aliarum gentium negotiis, quibus cum Septentrio- naliū Regnorum controversiis nulla est com- munitio, hæreret, nunc discessus ab antiquo more Iocove post Stetinensia pacta semper usitato sup- plantaretur, adeo ut quæsitis injectisque undique impedimentis, quibusvis palam constaret, Daniam pacis reducendæ gloriam præ dubio Martis confli- ctu vilem habuisse. Cum autem divina jam ope eo res deducta sit, ut cum sanioribus consiliis in gratiam reverti videatur, Nos quoque propositis nostris pristinis insistentes constans nostrum tran- quillitatis studium sanguinis Christiani profusioni libenter præferimus. Atque ut hoc Serenissimus ac Celsissimus Dominus Protector, cujus operam in hoc negotio permagni facimus, alique Princi- pes Christiani manifeste perspiciant, atque insimul temporis aliæque ex diuturniori bello subnascentes jacturæ redimantur, consentire mox decrevi- mus, ut mediantibus respective Galliæ & Angliæ Ministris, salutare pacis opus peragatur. Et quia res ipsa poscit festinationem, Nobisque relictum sit, locum statuere, commodissimum arbitra- mur, ut intra octiduum ab hoc dato, in Insulis sive Sproo, sive Langelandensi, urbe Rudcopia, prout ex his alterutrum locum Regi Daniæ eligere visum fuerit, utriusque partis Commissarii sufficienti au- toritate congregiantur, & pacem vigore omni re-
stabi-

stabilire conentur. Quo autem negotii successum nulla intercipiat mora, adjunctis hisce Salvo-Conductu & literis passus providere visum fuit, ut non tibi solum, sed etiam Regis Danicæ Commissariis plena tractandi potestate munitis, quam securissime tutissimeque consueto morationum gentium stylo venire, in loco tractatus commorari & pro lubitu discedere liceat. Atque ut nulla partes occupet cunctatio, a te clementer requiramus, quo postarum sive tabellionum cursui sic prospiciatur, tam Nostrorum in Sueciam usque ad Laholmium, quam Danicorum in Germaniam, quo literæ hinc inde mitti recipique possint, pro ut hoc in superiori inter hæc duo regna Septentrionalia bello receptum fuit. Multum vero interest, ut matura anticipatione res sanetur, quandoquidem in suspensione armorum nullam Nobis promittimus securitatem atque officiis procurandæ pacis tanto laborandum est utrinq; impensis, quanto Christiano orbi necessum est, ut declaretur, posse hæcce Septentrionalia Regna post conflatum bellum absque ambagibus non necessariis ad justam sinceramque redire reconciliationem. Quibus benevoli responsi loco redditis Deo te commendamus. Dedimus Neoburgi Fionicæ, die 5. Februar. Anno 1658.

Carolus Gustavus.

CCLXXXII.

Litera FRIDERICI III. Dania Regis, ad CAROLUM GUSTAVUM, Suecorum Regem, quibus quid ipsi circa munimentorum evacuacionem consilii sit, certior fieri cupit, 1658.

A 4

Nos

Nos Fridericus Tertius, Dei gratia, Daniæ, Norwegiæ, Vandalorum, Gothorumque Rex &c. Serenissimo ac Potentissimo Principi & Domino Carolo Gustavo, Suecorum, Gothorum, Vandalorumque Regi &c. charissimo nostro Fratri, Consanguineo & vicino, ut amicus & vicinus salutem dicimus, & quicquid præterea bonorum acceptorumque officiorum a Nobis proficisci poterit, offerimus.

Serenissime & Potentissime Princeps, charissime Frater, Consanguinee & vicine.

Perquam ingratum Nobis accidit, postquam inaudivimus, Dilectionem Vestram in animum induxisse, dilectique Nobis Oweni Julii missionem ad Dilectionem Vestram ita interpretatam, quasi propositum Nobis esset, pacis conditionibus inter Nostros, Vestraque Dilectionis Commissarios initis, quantum ad evacuationem munimentorum, remoras quasdam & difficultates injicere, cum potius Dilectioni Vestrae certo affirmare possumus, Nos nunquam commissuros, ut in Nobis quoad pacis executionem jure aliquid desideretur. Quem in finem tam Nostris Urbium munitarum & Castellorum præfectis, quam Commissariis Nostris jam tum clementer in mandatis dedimus, ut Dilectionis Vestrae Commissariis definito & præscripto tempore eadem tradant atq; cedant. Id quod etiam Vestrae Dilectionis Deputato, illustri Domino Claudio Tott, Comiti in Carleby, libero Baroni in Sivedeby, Domino in Eckolsunda & Lehalslehn, Regni Sueciæ Senatori, Stabulario & militiæ equestris

stris Generali Majori, hesternâ die aperiri fecimus. Quod autem dictum Owenum Julium ad Dilectionem Vestram ablegavimus, in causa erat, quod desiderabamus Dilectionis Vestræ mentem circa munimentorum evacuationem cognoscere, cum periculum esset, ut ejusmodi aëris tempestate imminente exercitus ex hac provincia excedere possit. Ingredimur interea in eam spem, futurum; ut Dilectio Vestra admonitionem Nostram, in optimam partem accipiat, inchoatamque Nobiscum amicam confidentiam continuat, & in sententia ista permaneat, quo hoc honore frui, & in arce nostra Friderichsburg die proxima Mercurii Dilectionem Vestram coram convenire queamus. Nos quantum in Nobis, nihil temporis prætermittimus, quin inclinationem & affectum erga Dilectionem Vestram, ad mutuam benevolentiam exhibeamus & demonstramus. Dilectioni Vestræ prosperissima quæque tam animi quam corporis intime precantes. Dabantur in arce nostra Hafniensi die 28. Febr. 1658.

Vestræ Dilectionis

Frater, Consanguineus & Vicinus

Fridericus.

CCLXXXIII.

Litteræ OLIVERII CROMWELLII, Protectoris Reipublicæ Angliæ, ad CAROLUM GUSTAVUM, Suecorum Regem, cui, quod se ad suam Interpositionem, tam facilem Regi Daniæ Pacem concedendo, ostenderit, gratias locupletissimas persolvit, 1658.

A 5

Olive-

Oliverius, Protector Reipubl. Angliæ &c.
Serenissimo ac Potentissimo Principi, Carolo Gu-
stavo, Suecorum, Gothorum, Vandalorum-
que Regi.

*Serenissime Potentissimeque Rex, Amice ac
Fœderate invictissime.*

Multa simul attulere Nobis literæ Majestatis
Vestree 21. Februar. in castris Selandicis datæ,
cur & privatim Nostra & totius Reipublicæ Chri-
stianæ causa, lætitia haud mediocri afficeremur:
primum quod Rex Daniæ, non sua credo volunta-
te aut rationibus, sed hostium communium artibus
factus hostis, repentino Vestro in intimum ejus
Regnum adventu, sine multo sanguine, eo sit re-
ductus, ut quod res erat, utiliore sibi pacem bel-
lo contra Vos suscepto tandem judicaverit: deinde
cum is eam nulla se ratione citius posse consequi
existimaret, quam si delata sibi jam diu ad conci-
liandam pacem Nostra opera uteretur, quod Ma-
jestas Vestra solis Internuntii Nostri literis exorata,
tam facili pacis concessione ostenderit, quantum
Nostra amicitia atque gratia interposita apud se
valeret: meumq; imprimis in hoc tam pio negotio
officium esse voluerit, ut pacis tam salutaris Prote-
stantium rebus, uti spero, mox futuræ, ipse potis-
simus unus conciliator atque auctor propemo-
dum essem. Cum enim Religionis hostes con-
junctas opes Vestras alio pacto frangere se posse
desperarent, quam si Vos inter Vos commisissent,
habebunt nunc profecto, quod pertimescant, ne
armo-

armorum animorumque, ut spero, Vestrorum, hæc inopinata conjunctio ipsis belli hujus conflatoribus in perniciem vertat. Tu interim, Rex fortissime, macte tua egregia virtute; & quam felicitatem in rebus tuis gestis victoriarumque cursu contra Regem nunc socium hostes ecclesiæ nuper admirati sunt, eandem in sua rursus clade, Deo bene juvante, fac sentiant

Majestatis Vestræ

Westmonasterio ex Palatio

Nostro, die 30. Martii,

1658.

Studiosissimus

Oliverius, Protector Reipubl.

Angliæ &c.

CCLXXXIV.

Litteræ OLIVERII CROMWELLII, Protectoris Reipublicæ Angliæ, ad FERDINANDUM II. Magnum Hetruriæ Ducem, a quo, ut in Josephi Armani audaciam, qua Joannem Hosierum Londinensem minis & insidiis impediret, quominus competentem sibi in eum justam actionem coram Liburnensi Judicio instituere valeat, serio animadvertere & homini oppresso gratiose subvenire velit, amice contendit, 1658.

Oliverius, Protector Reipubl. Angliæ &c.

Serenissimo Principi Ferdinando, Magno Duci Hetruriæ.

Sere-

Serenissime Princeps.

QUod satisfactum iri arbitramur Celsitudini Vestrae a Nostro classis praefecto, qui ad portus Vestro nuper est delatus, Vestro apud Nos oratori respondimus: interim per libellum supplicem Nobis ostendit Joannes Hofierus Londinensis, cujusdam navis, cui Dominæ nomen, Magister, se, cum Anno 1656. mense Aprili, navem suam ex syngrapha (chartam partitam jus Nostrum vocat) Josepho Armano Italo cuidam locasset, isque factas in syngrapha pactiones ter aperte fregisset, coactum esse demum, ne navem suam, totumque onus ejus, sortem denique totam amitteret, more mercatorio declarata publice ejus fraude, & in tabulas publicas relata, Liburni in jus eum vocare: eum autem, ut fraudem fraude tueretur, adhibitis in societatem duobus aliis negotiatoribus litigiosis, de pecunia Thomæ cujusdam Clutterbuxi sex mille octenos, conficto quodam obtentu, petitoris hujus nomine occupasse: se post multas impensas consumptumque tempus, jus suum Liburni obtinere non posse; ne audere quidem propter adversariorum minas atque insidias, in judicio illic comparere. Petimus itaque a Celsitudine Vestra, ut cum huic homini oppresso subvenire, tum hujus adversarii insolentiam pro consueta sua justitia velit coercere: frustra enim auctoritate Principum Leges essent civitatibus latae, si vis atque injuria, cum ne omnino sint leges, efficere non possint, possint efficere terrore ac minis, ne quis ad eas audeat confugere. Verum
in

in hujusmodi audaciam quin mature animadversura sit Celsitudo Vestra, non dubitamus; cui pacem prosperaque omnia a Deo Opt. Maximo precamur.

Celsitudinis Vestræ

*Westmonasterio ex Aula Nostra,
die 7. April. Anno Domini
1658.*

Studiosissimus

Oliverius, Protector Reipubl.
Angliæ &c.

CCLXXXV.

*Litera CONRADI BEUNINGII, Legati ad
Regem Daniæ Belgicæ, ad Dominum WITTIIUM,
generalium fœderati Belgii Ordinum Graphia-
rium, cui Danorum animos quoad fœdus cum
Suecis ineundum non parum frigere, instanti vero
pacis executione & Ducis Holsatæ-Gottorpiensis
postulatis valde turbari, refert, 1658.*

Domine mi.

IN proximis meis die Aprilis ad Te exaratis significaveram, quod apud Danos non parum frigoris deprehendatur circa confœderationem, de qua Domini Legati Suedici heic tractant. Equidem illud ipsum adhuc satis licet animadvertere, sed quoniam Sueci defensivo quodam fœdere contenti sunt, quod solummodo super Regna Sueciæ & Daniæ se extendat, nullasque conquistas Suecorum

rum provincias comprehendat, nec prius sit obligatorium, quam finita bella forent, quibus Suecia nunc occupatur, nullus dubito, quin hac ratione foedus istud perficiatur, præsertim quod, ut intelligo, Commissarii Danici in novissimo congressu cum Legatis Suedicis per modum projecti se in hanc sententiam jam dum declaraverint. Sed ad plura alia se obstringendi nullam omnino ab hac parte propensionem invenio, & illi ipsi, qui de dictis factisque Legatorum Suedicorum certum aliquid & exploratum habent, mihi narravere, quod non parum conquesti, Danos in foedere prædicto non ingenue agere, nec ejus sanctionem sincere & ex animo cupere, vehementer sibi caverent, consilia quædam ipsis communicare, quæ alias quempiam offendere possent atque irritare. Et ego firmiter, mihi persuadeo, plures adhuc reperiendas heic difficultates, per quas impediatur, quo minus, isthoc præsertim tempore, circa ejusmodi proposita cum Suecis conveniri queat. Nihilominus ut hac in re magis extra periculum versarer, debitaque cura & vigilantia omne id, quod Suarum Præpotentium Celsitudinum commodo heic obesse possit, averterem ac declinarem, hesternæ die Serenissimæ Regiæ Majestati obtuli, Magno vero Regni Magistro, quem dolor podagricus domi adhuc detinet & Regni Secretario commendavi his literis adjunctum Memoriale, quod formatum est ex mandatis illis, quæ Sux Præpotentes Celsitudines d. 2. April. anni proxime præteriti Legatis suis, quantum ad negotia Suedica in hac aula injungere dignatæ sunt, & confido ego, proxima postarum
die

die me posse significare, quid responsi a Serenissima Majestate hacce in materia obtinuerim, in certam spem ingressus, fore, ut ex voto atque beneplacito Svarum Præpotentium Celsitudinum illud impertiat, præprimis quod heic locorum sanctissime mihi affirmatum est, Serenissimam Regiam Majestatem omni fide atque studio in id incubituram, quo amicitiam & fœdera cum Suis Præpotentibus Celsitudinibus inita conservare & fovere queat. Pacificationes pacis utriusque Regis & Senatus Regni præterita hebdomade heic Hafniæ invicem permutatæ & extraditæ fuerunt, Interea ingentes querelas audire licet, quod Sueci nimis male pacis observantes sint, & tantum non quotidie ex diversis locis, ubi turmæ Suedicæ commorantur, de novis extorsionibus, spoliis & vexationibus contra Instrumentum pacis variaz querelæ adferuntur, ex quibus gravamina formata, & Legatis Suedicis tradita sunt, sed parum spei est reliquum, ut medicamine aliquo præveniantur. Domini Legati Holsatici sedulo & continue agunt atque tractant, cum Commissariis hujus Regis, intervenientibus Dominis Legatis Gallico & Suedicis, una cum Ablegato Anglicano, & multum negotii facessunt tractatus isti, cum non solum Holsati compensationes damnorum per militum confecti belli tempore hospitaliones datorum, urgeant, sed & omnes veteres controversias inter domum Holsaticam lineæ Gottorpiensis & Regnum hocce pro commodo & beneplacito suo finitas velint. Præmarium ipsorum postulatum est, ut Dux Holsatiæ & ipsius Descendentes omnes absolvantur & liberentur.

rentur ab Homagio, quod ratione Ducatus Slesvicensis Regno huic alias præstare solent, & ab omnibus præterea obligationibus exinde defluentibus. Secundo, ut detur Duci Præfectura Suabstedenſis, quæ ut mihi quidem narratum est, centum & quinquaginta præterpropter thalerorum Imperialium pretio suo exæquat, cujus dimidiam partem sibi competentem semper urſerunt Duces Holsatiæ, quamquam regnum hoc jam dum septuaginta duorum annorum possessione gavisum fuerit. Tertio, ut communio regiminis & administrationis Ducatus Holsatiæ aboleatur, & ut reſtitutio damnorum superioris belli præſenti parataque pecunia fiat, una cum aliis non adeo magni momenti punctis, quæ scripto sunt exhibita, & ad quæ itidem scripto responſum fuit. Dani equidem libentiſſime compromiſſum aliquod inire vellent, cujus vigore univerſum hoc negotium uni vel alteri nullius partibus addicto Principi vel Statui committeretur, ſed Holsati hac in re nolunt acquieſcere, & finalem deciſionem & compositionem flagitant, non ſolum virtute articuli Tractatus, qui requirit, ut ante Majum Duci Holsatiæ ſecundum æquitatem ſatisfactio fieri debeat, ſed & exercitus Suedici, qui ut Domini Legati Suedici palam pronunciant, non diſceſſurus ſit, priusquam iſthæc forent præſtita. Et hæc eſt illa machina, quæ palam & occulto adhibetur in omni iſto, ad quod Sueci Regnum hoc diſponere laborant. Et eo magis valida illa eſt, plurimumque efficit, quod ut heic quidem ſcimus, omnes illæ turmæ, quæ hanc Inſulam ingreſſæ ſunt, adhuc diſperſæ illic
com-

commorentur, ullæque earum fretum Balticum trajecerint, fortassis eam ob causam, quod glacies, quæ omnes e mari Baltico advenientes tam supra, quam infra hanc urbem intercludit & arcet, similiter transitum freti Baltici turbet ac impediat. Quo ipso Te optime valere jubeo. Hafniæ, die 17. April. Anno 1658.

Conradus van Beuningen.

CCLXXXVI.

Littera COLLEGII ELECTORALIS ad PHILIPPUM IV. Hispaniarum Regem, quibus Ipsum, ut pacifici conventioni hinc inde cum Rege Christianissimo susceptæ, ultimum manum cuneumque admovere dignetur, sollicite precantur, 1658.

Serenissime & Potentissime Rex
Catholice.

Quanto universus Christianorum orbis ex eo, quod Regiæ Dignitati & Majestati Vestræ cum Christianissimo Rege nunc a viginti tribus annis continuis in diversis partibus acerrime intercedit bellum, dolore & molestia afficiatur, id ex hoc abunde patet, quod dum potentissimi Europæ Proceres inter se vires suas collidunt, communis Christiani nominis crudelissimus hostis suas perquam formidabiles & exitiales in Christianitatis perniciem terra marique vastissime exerat & prædam eripiat, nullo forte tempore recuperandam. Cum igitur Nobis in hoc Electorali Conventu Congregatis, præcipue ex S. R. Imperii lege funda-

PARS II.

B

men-

mentali, hæc cura incumbat, ut quæ vel interna sunt, vel externa circumstant belli pericula, pro virili faciamus & conemur sopire, in eumque finem etiam Poloniæ & Sueciæ Regibus inter se dimicantibus, ut optime fieri potuit, pacem suaserimus, eamque impetratum iri firmissime confidamus: Non ægre feret Regia Dignitas & Majestas Vestra, quod & Ipsam sedulo & peramanter ad eam cum Rege Christianissimo faciendam rogemus & invitemus, præsertim cum etiam patriæ Nostræ illius belli conterminæ, integra salus, plena securitas ab hac dependeat; & rem omnem tam Monasterii quam Romæ & Madriti per amicabiles Regiæ Dignitatis & Majestatis Vestræ cum Christianissimo Rege susceptos pacis tractatus fere ad finem usque feliciter deductam esse intelligamus, quem per excelsos & heroicos amborum Regum arctissimo sanguinis nexu sibi invicem devinctorum animos, etiam facile superari posse non dubitamus; Rogamus Regiam Dignitatem & Majestatem Vestram studiosissime, ut ad hoc Deo omnipotenti gratissimum, toti Christianitati, Nobisque desideratissimum & perpetuam gloriosi nominis sui memoriam tendens, sanctumque opus Regiam manum celerissime applicare, & hoc gloriosissimo beneficio cum universa Europa Nos & totum Imperium Romanum ad immortalem gratitudinem sibi, suæque Augustæ Domui æternam devincire velit. Quod dum ex corde vovemus, & Nos voti propediem compotes fore avidè speramus, Regiæ Dignitati & Majestati Vestræ omnem regiam prosperitatem animitus aprecamur, Nostraque officia semper para-

paratissima offerimus. Dabantur in conventu Electorali Francoforti ad Mœnum, 24. Aprilis, 4. Maji, 1658.

CCLXXXVII.

Litteræ COLLEGII ELECTORALIS nomine, ad LUDOVICUM XIV. Gallie Regem, quibus eum, ut pacis tractatus cum Rege Catholico gliscentes & ad exoptatum finem inclinales, in totius Europæ emolumentum quanto-cyus finiri curet, blande compellat, 1658.

Serenissime & Potentissime Rex
Christianissime.

Quanto universus Christianorum orbis ex eo, quod Regiæ Dignitati & Majestati Vestræ cum Catholico Rege nunc a 23. annis continuis, in diversis Europæ partibus, acerrimum intercedit bellum, dolore & molestia afficiatur, id ex eo liquide patet, quod dum hæ duæ Potentissimæ Coronæ inter se dimicant, viresque collidunt, communis Christiani nominis hostis terra marique aliena invadit, & prædam devorat, nullo unquam tempore recuperabilem, unde merito timendum est, ne aliter inescatus, cum summo Christianitatis periculo magis magisque evagetur; cum igitur a felici effectu pacis Gallo-Hispanicæ non tantum Sac. Rom. Imperii, sed & totius Christianæ Reipubl. salus, incolumitas & pax ejusque certa securitas dependere videatur, resque ipsa tam Monasterii, quam Romæ & Madriti per amicos Consanguineorum

rum Regum tractatus fere ad finem usque promota dicatur, & volentibus excelsis heroicisq; utriusque Regis ad pacem inclinatis animis, quod reliquum est, facile superari possit; Rogamus Dignitatem & Majestatem Vestram quam studiosissime, ut pro ea quam semper testata est, erga pacem propensione, illam cum Catholico Rege celerrime ad finem deducere velit, eoque laudatissimo facto immortalem sui nominis gloriam magis magisque stabilire, Nosque & omnes S. R. Imperii Principes & Status ad perpetuam gratitudinem sibi devincire, quam studiis & officiis paratissimis semper contestari non intermitteremus, cum quo Regiæ Dignitati & Majestati Vestræ omnem Regiam prosperitatem ex animo apprecamur. Dabantur in Conventu Electorali ad Mœnum 4. Maji, Anno 1658.

CCLXXXIIX.

Literæ a COLLEGIO ELECTORALI, Francofurti ad Mœnum congregato, ad JOANNEM CASIMIRUM, Polonia Regem exarata, quem, ut cum Rege Suecia, paci studente, pacificos conatus citra tergiversationem conjungat, ac interea ullum e Statibus Germania belli molestiis per suos gravari haud permittat, amice requirit, 1658.

Serenissime & Potentissime Rex.

CONstat palam, quam funestis bellis fere a Principio hujus seculi per triginta annos continuatis per Romanum Imperium, omnesque ejus circuli fuerint oppressi, dilacerati, exhausti, & quam

quam difficulter pax tandem perpetua, veraque & sincera amicitia inter belligerantes Monasterii & Osnabrugis Westphalorum ante Novennium fuerit conclusa, eique a Principalium transigentium parte Regia Dignitas & Majestas Vestra non minus quam omnes alii vicini Reges Principes & Respublicæ inclusæ, unde non immerito omnes boni Nobiscum illis condolent, qui in dictæ pacis limine de novo miseris bellicis sunt implicati; Cum autem secundum fundamentales Imperii Leges id Nostri potissimum muneris sit, ut patriæ salutis & publicæ securitati, ut optime fieri poterit, consulamus, & is belli ignis, qui jam diu in florentissimi alias Poloniæ Regni visceribus sævit, nunc aliarum partium accessione crudescere & magis magisque serpere videatur, timendumque sit, ne una cum Regia Dignitate & Majestate Vestra etiam vicinos utriusq; Saxoniz Circulos implicet, prout querelæ desuper multoties inde ad Nos allatæ contestantur, non possumus, quin Regiam Vestram Dignitatem & Majestatem pro eo, quod semper coluit, pacis studio, sedulo hortemur, & peramanter rogemus, ut cum Serenissimo Sueciæ Rege, utpote, secundum contestationes Nobis iterato factas sine dubio similiter æquis conditionibus ad pacem proclivi, eos sine mora pacis tractatus concludat, quos ad mutuam ipsorum amicitiam & utriusque, ut & Imperii Romano - Germanici utilitatem & securitatem, præcipue vero firmum Regni Polonici stabilimentum, a sinceris Regiis & arcto sanguinis vinculo junctis animis facile & gloriose finiri posse non dubitamus,

& confidimus, quod interea neutra pars, ullum Sacri Romani Imperii Statum ejusque subditos per incurfiones vel invafiones, exactiones, tranfitus, hofpitationes, aut alias quascunque militares moleftias gravabit. Obligabit Regia Dignitas & Majestas Veftra præter afflictam Rempublicam fuam, & Nos & omnes Sacri Romani Imperii Principes & Status fingulariffime; quin & totam Europam, quod Regnum æntemurale quam diutiffime falvum & incolume effe exoptat, dum fic vovemus, & voti nos compotes fore confidimus, Regiæ Dignitati & Majestati Veftræ omnem prosperitatem apprecamur, & paratiffima officia noftra offerimus. Dab. ex Conventu Electorali Francoforti ad Mænum, 24. Aprilis, 4. Maji, Anno 1658.

CCLXXXIX.

Litteræ a CONVENTU ELECTORALI, Francofurti ad Mænum inftituto, ad CAROLUM GUSTAVUM, Sueciæ Regem data, cui, ut captos cum Rege Polonia, ad pacem proclivè, pacificos tractatus, æquis conditionibus ad finem promoverè ftudeat, follicitè imponunt, 1658.

Sereniffime & Potentiffime Rex, Domine Amice.

DUm eam, quæ ex parte Sereniffimæ Sueciæ Regiæ in conclufione pacis Osnabrugenfis cum perpetua nominis fui laude interpofita fuit, follicitudinem perpendimus, & gloriofiffimum Regiæ

Regiæ Dignitatis & Majestatis Vestræ studium, quo sinceram prædictæ pacis executionem Norimbergæ promovit, ipsoque facto cum immortali gloria sua sincere præstitit, memoria recolimus, non possumus, non dolere, quod fax belli Germanici tantis curis & laboribus vix dum extincta inter Vestram & Poloniæ Regias Dignitates & Majestates iterum inflammata fuerit, & tantus nunc ignis exortus sit, ut nisi sedatis & benignis utriusque Regis animis quantocyus refrigeretur, & extingatur, non tantum Regnum Poloniæ, sed & vicinas Germaniæ, præsertim vero utriusque Circuli Saxonici Provincias correpturus esse videatur. Cum igitur fundamentalis Sacri Romani Imperii lex id potissimum Nostræ curæ conjungat, & securitati publicæ omni studio prospiciamus, ut Regiæ Dignitatis & Majestatis Vestræ eadem sit laudabilis intentio, prout non tantum confidimus, sed etiam per Ablegatum suum desuper identidem certi facti sumus, Eandem diligenter & peramanter rogamus, ut cum Serénissimo Poloniæ Rege similiter ad pacem proclivi & ad illam a Nobis pariter rogato, eos, qui jam coepti sunt, pacis tractatus, quam citissime fieri poterit, æquis conditionibus ad finem promovere, & seposita præteritorum memoria, factaque fida pæctum inter se, tum qui iisdem bellis involvi videntur, & Regiam Hungariæ Dignitatem & Majestatem ac Nostrum Coelectorem Serenissimum Brandenburgicum perpetuam, veram & sinceram amicitiam stabilire hocque gloriosissimo Regis & Germani Principis facto & funestis illis facibus

constanter extinctis, Nos omnesque Imperii Principes & Status, præsertim vero dictos Saxoniz Circulos, utpote periculo viciniore, cum aliis adjacentibus provinciis publicæ tranquillitatis securos reddere velit. Interea autem confidimus, utramque partem prospecturam, ne ulli Sacri Romani Imperii Status ejusque subditi per invasiones, transitus, hospitationes, exactiones, aut alio modo quacunque militari molestia afficiantur. Prout etiam Regia Dignitas & Majestas Vestra in hac re publicum Imperii Interesse concernente in novissimo circuli superioris Saxonici conventu ita se facturam per Legatos suos publice recepit. Deviniet certe sibi totum Imperium maximopere ad gratitudinem nunquam intermorituram, & simul ad omnia officia, quæ Nos Eidem promptissima offerimus, & omnem Regiam felicitatem ex animo apprecamur. Dabantur in Conventu Electorali Francofurti ad Mœnum 24. Aprilis, 4. Maji, Anno 1658.

CCXC.

Responsoria CAROLI GUSTAVI, Suecorum Regis, ad COLLEGII ELECTORALIS litteras, quibus in Domum Austriacam & Electoralem Brandenburgicam, tanquam juratos Regni Suecici hostes ac pacis & quietis publicæ elatos osiores acerbe invehitur, seque ab iis præter injurias & damna sibi illata ubique contemptui exponi, graviter conqueritur, & nisi justa sui a Statibus Imperii ratio mature habeatur, ista innocua defensio.

sionis circumspēcturum ac amplexurum media, qua, cum naturæ tum necessitatis leges licite adhiberi juberent, minuitur, 1658.

**Reverendissimi & Celsissimi Sacri Romani
Imperii Electores & respective Vicarii, Con-
sanguinei & Amici Charissimi.**

QUAS ad nos nomine totius inclyti Collegii Electoralis dederunt Dilectiones Vestræ literas, paucos dies antequam navem conscenderimus, Gotheburgo Nostrum ad exercitum trajecturi, recte accepimus, ac ex iisdem didicimus, vigere adhuc in memoria Dilectionum Vestrarum Serenissimæ ac Potentissimæ Reginæ Christianæ in pace procuranda, tum etiam nostram in ejusdem executione additam curam; dolere autem Dilectiones Vestras, nos inter & Regem Regnumque Poloniæ eam subnatam esse belli flammam, quæ nisi proposito aliquo remedio, restinguatur, Germaniâ ipsa, atque imprimis utriusque Saxonici Circuli Provinciæ facile corripî & involvi possint; Cum igitur lex fundamentalis Dilectionibus Vestrâs injungat, partes prospiciendi, ne Imperium detrimenti aliquid capiat, Nos rogandos ratæ sunt, ut cum non modo Rege Poloniæ ad pacem proclivi, sed etiam cum illis, qui iisdem bellis involvi videntur, Rege Hungariæ & Electore Brandenburgico, seposita præteritorum memoria, perpetuam, veram & sinceram amicitiam restabilire velimus; quo ipso Dilectiones Vestræ dicunt, Nos totum Sacrum Romanum Imperium, ejusque Status & membra,

vehementer nobis devincturos esse. Nos equidem lætamur residere adhuc in animis Dilectionum Vestrarum Regni Sueciæ merita in reducenda libertate Germanica, & immensos labores in pace ejusdem quondam refarcienda, atque pro eodem amore, quo in Germaniæ salutem constanter ferimur, facere non possumus, quin circa hanc occasionem Dilectionum Vestrarum studia, quæ pro Imperii tranquillitate declarare conantur, impense laudemus, invicem Dilectiones Vestras rogantes, velint in suscepto tam pulchro proposito pertere gnaviter, quo laudem, quam eo ipso mereri aggrediuntur, solidam & perfectam sibi efficiant. Quod Nos attinet, non dubitamus Dilectionibus Vestris constare, quanta & quam fida studia pro pace Germaniæ non minus facta tecta conservanda, quam olim procuranda impenderimus. Dolemus autem & Nos studia Nostra & bonam intentionem non modo favorem non mereri apud nonnullos, qui tenore legum publicarum in eundem scopum nobiscum contendere deberent, sed reperiri etiam quosdam, atque inter eos potissimum, quos Dilectiones Vestræ in suis literis nominarunt, Regem Hungariæ & Electorem Brandenburgicum, qui clanculum & palam jam diu non nisi hostilia miscent, & hoc quidem sub religione publicæ piæque fidei, nec meliora, in quantum ex omni apparatu futuro assequi licet, Nobis inde expectanda veniunt. Nunc vero ut paulo altius rem repetamus, non potest Dilectionibus Vestris esse obscurum, quantam operam, curam & industriam Sueci impenderint desideriis

Ordi-

Ordinum Rom. Imp. explendis, cum flagrantibus adhuc in Imperio Romano belli flammis, & cogitationes nonnullorum animos occuparent, ut reductam pacem omnino caperent, & de condendis inter partes belligerantes certis tranquillitatis legibus ageretur, non quod necessitas omnino ita suaderet, præcipuas & eminentiores tunc armorum partes tenentibus, sed quia bellum gerebatur, quod ad votum confœderatorum & Adhærentium atque in salutem Imperii terminari debebat. Erant enim tunc temporis arma Suecorum non solum integra, sed per divinam opem, tanto exercitus robore, locorum opportunitate fortaliis, castellis & fortuna munita, ut pacem vel sollicitare, vel invitis obtrudere, haud quaquam opus esset, quin si dicendum quod res est, magnarum prærogativarum privatione Sueciæ hæ pacis conditiones constiterunt, evacuatis tot munitis locis, quæ diuturnæ conservationi Nostræ facile præsidia largiri potuissent. Neque Nobis obscurum fuit, fore, quod eventus postea docuit, Domum Austriacam ad exercendum suum adversus Nos odium tum invalidiorem, sub pacis prætextu & specie alias vindicandi vias & rationes quæsituram esse, id quod potuissemus armorum virtute quidem antevertere, si bello insistendum fuisset, sed quia quieti Romani Imperii sic consulendum nonnulli utile judicarunt, eorundem & reliquorum Imperii membrorum instantissimis obtestationibus, & prolixè oblatae assecurationi potius, quam armorum rigori obsequendum erat. Rati tamen sumus sanctum & inviolabile fore quod promitte-

batur,

batur, si non ex interna inclinatione animi Domus Austriacæ, & certa verborum ejusdem custodia: saltem confidimus tutos nos fore Guarantia & asssecuratione Electorum, Principum, Statuum & omnium Imperii Ordinum, qui hac ipsa pace, & quidem art. 8. velut postliminio eam recuperarunt libertatem, auctoritatem & jura, ut si Imperator pro lubitu & solus habenas Imperii tractare tentaret, immoderatum cum eo Dominatum dividerent; aut si promissorum & fidei publicæ religionem parum pensi haberet, vel Instrumentum pacis toties ratificatum post terga relinquere non verecundaretur, in Imperio vel extra illud in ejusdem præjudicium aliquid moliturus, tunc virtute recuperatæ auctoritatis iidem Electores Principes & Status Imperii in eo omnino essent, ne ad eundem scopulum navis bis impingeret, aut vulnus sanatione tardissimum refricaretur, quin periculis in Imperio emergentibus mox obviam irent; eamque adhiberent medicinam, quæ conservationi tanti corporis conveniret. Si vero placet Dilectionibus Vestris memoria replicare, qualem se domus Austriaca in pacis negotio semper præbuerit, deprehendent eandem nihil minus quam quietis & pacis studia in animo fovisse, etiam tum, cum pacem maxime vendicaret. Quam enim tardam & invitam non modo ad conclusionem, sed etiam ad tractatus Westphalici initia sese comprobavit, adhuc in recenti Dilectionum Vestrarum est memoria. Paucorum dierum opus præliminare in aliquot annorum spatium producendum erat, non aliam ob causam

sam, quam ut diversas armorum Nostrorum vices opperiretur. In ipso deinceps tractatu, quot artes submixtæ in dissolvendis fœderatorum & Nobis adhærentium animis, ut debilitata Fortuna Nostra successum pacis irritum redderet? quot demum ambiguitates fabricatæ, ne solida & diuturna pax fieret? Hæc omnia quamquam Regno Sueciæ non injustam subjicerent tum delitescentis doli & lubricæ fidei suspensionem, nihil tamen omisit, in suscepto pacis studio, quin eodem tenore & constantia perrexerit, maxime vero in gratiam Ordinum Imperii, quamquam cum non exigua sua jactura, curabat. In hunc etiam finem collimarunt labores Nostri Norimbergici, cum Regni Sueciæ armorum generalis per Germaniam directio Nobis commissa esset. Atque hoc manifestum omnibus est, nisi sub favore armorum executio stetisset, nihil omnino eorum, quæ conventiona erant, effectui fuisse datum. Cuncta enim, quæ restabant exequenda, cum depositis Suecorum armis, adhuc quæsitis studiis, aut dubia redduntur aut irrita. Sed neque in eo solum animus ad justam quietem aversus emicuit. Vix finitus erat tractatus Norimbergensis, priusquam Cæsar contra pactorum genuinum sensum & publicam fidem, partim copias & auxilia in provincias inferioris Germaniæ atque Italiam contra Galliam mitteret, partim congressus Sueciam inter & Pol. Lubecæ institutos supplantaret, ac Civitatem Capitulumque Bremense contra Nos in obstinatione confirmaret, & ab debito officio, contra rationes prius a se ut justissimas pronunciatas, abstraheret.

Quia

Quia vero hæc singula non aperta vi, sed dolo, occultis machinationibus & cuniculis agitabantur, passa est Antecessor nostra dissimulatione eam, & silentio sic transmitti: Nobis vero Imperii Suecici sceptrum adeptis nihil fuit magis cordi aut curæ, quam ut cum dicta civitate Bremenſi interposito reconciliationis tractatu ac opere ipſo palam faceremus, pacis & tranquillitatis publicæ custodia omnia Nos poſthabere velle, etiam ea, quæ uti jure, ita nec adeo multo labore nobis potuiſſent accedere. Eadem Nos cura ſemper inſedit poſtea aliis, ac potiſſimum Polonico bello occupatos, ne ſcilicet ullis incurſionibus hoſtilibus Germaniæ fines infeſtarentur. Ex qua vero & quam neceſſaria cauſa, natum Nobis hoc ſit bellum, aliunde ea de re Dilectionibus Veſtris informatiſ, ſupervacaneum eſt enumerare. Niſi enim Rex Poloniæ ſuper cateras, quas aucupatus ſemper eſt occaſiones inhiandi Regno Sueciæ, Nobis & domui noſtræ invidiſſet Regni ſummam, non ſolum tunc, cum univerſo conſenſu Statuum Suecicorum ſceptro deſtinaremur, ſed etiam circa antecceſſoris Noſtræ abdicationem, cum per Emiſſarium ſuum Canaſiles, contra translationem Imperii aperte proteſtaretur, adeoque inter ſubditos noſtros diſſeminaviſſet periculoſos, & ad rebellionem tendentes diſcurſus, vel etiam poſtquam ab hocce apparuit, Nos eſſe læſos, & actum contra pacta, ſi abſtinuiſſet foederibus, correfpondentiis & hoſtilibus machinationibus in præjudicium Noſtri, Regniſque Noſtri, haud dubie legibus induciarum ad præſcriptum terminum ſteſſiſſemus. Sed cum pacta induciarum, quæ ſtricti
juris

juris sunt, violarentur, plurimaque pararentur in præjudicium Status nostri terra & mari, nec spes solidæ pacis (quippe congressibus elusis & dehortationibus spretis) nullibi promineret, eo fuit recurrendum, ubi periculum præverti & securitas tutius quærenda videbatur. Tot enim iteratis admonitionibus adduci non potuerunt Poloni, ut legitima Plenipotentia munitis Legatis certum aliquod indicium reducendæ pacis ederent, aut tractandi secum copiam revera facerent, priusquam exercitus in procinctu & ipso opere esset, ac armis Nostris in limitibus Poloniæ & Lithuaniz constitutis, ejus revocandi nisi pace in totum reducta, integrum non esset. Non tamen alia Nobis mens fuit in eo bello, quam ut armis ad pacis cogitata adigeretur Regnum, quod sub Regibus Sigismundo, Uladislao & Joanne Casimiro omnem amicabilem animorum reconciliationem avversabatur. Experti vero sunt & Antecessores Nostri gloriosæ memoriæ, tam Carolus IX. & Gustavus Adolphus, quam Regina Christina, fore, ut coalescente in Germania pace, eas rationes Domus Austriaca deinde iniret, quæ ad firmandam amicitiam facerent. Atque cum Nos in hoc bello Polonico nihil habuerimus antiquius aut prius, quam ut fines Germaniæ ab insultibus & incursionibus qualibuscunque liberarentur, sperabamus Imperatorem Romanum tam ob communes Imperii incolumitatis rationes, quam ob pacem sancte initam idem nobiscum facturum fuisse. Qualem vero in eo se se gesserit, quamque religiose pacis Germaniæ leges observaverit eadem Domus, Dilectionibus Vestris
palam

palam factum est, ex Memorialibus, quæ Ablegatus noster Extraordinarius Francofurti Ordinariæ primum Deputationi, postea etiam Dilectionibus Vestris insinuavit. Tantum etiam abest, ut applausus vel auxilium absque Imperatore pro cura, sincero studio & bona intentione Nostra mereremur, ut contraria omnia potius experiremur, tam in eo, quod post impeditos omnes in Polonia tractatus apparatus, suscitatumque in nos Serenissimum Daniæ Regem, aperto Nos ipse bello adoriretur, quam quod in Germania, vicinisque Nobis Regnis, & tota fere Europa in deteriore partem Nostras actiones interpretaretur, in eum maxime finem, ut cum ei commodum esset, ac animos quos licitatus est, favore maturos haberet, in Romano Nos Imperio tanto facilius aggrederetur, omnium odiis oneratos. Cum itaque Domus Austriaca hoc modo turbas Polonicas & aliena bella pro suo usu & emolumento disponat, ita ut nec Nobis cum hoste Nostro extra Romanum Imperium agere, nec in Germania pacis bono frui liceat, nisi ex utilitate, imaginario foro & mensura Austriaca, mirum nemini videri debet, vix dum extincta Germaniæ flamma alium posse exoriri ignem, qui innocentes Provincias secum in discrimen facile trahat. Conveniens itaque est, non modo fundamentali legi Sacri Romani Imperii, sed ipsi etiam rationi & necessitati, ut rebus sic comparatis, prospiciatur publicæ securitati per Imperium. Unde & Nos ea omnia circumspeximus quæ sivi-
musque media, quæ periculis prævertendis & pacis, quam restituere ipsimet conati sumus, conservatio-

vatio-

tionem inservitura putavimus, missis ad Dilectionis Vestras & omnes pariter Imperii Status, literis vestris & Ministris, qui de appropinquantibus machinationibus & minitantibus malis non modo in tempore praeponderent, sed etiam urgerent munus promissam in Instrumento pacis guarantiam assecurationem. Eo quoque negotium opera studio Illustrissimi & Reverendissimi Domini Electoris Moguntini provectum esse intelleximus, habita aliqua rationum Nostrarum consideratione, deliberationi super re non contemnenda & locus statueretur, ac praeterea bonum & publico utile factum, meliora sentientibus proceretur, si non modo memorialia Aulegati Nostri tractarentur, sed etiam continuatio Deputationis Imperii in tempore dubio permaneret, utpote quae instituta in eum finem fuit instituta, ac supremis Consiliis Ratisbonensibus confirmata, ut Securitati Imperii & urgentibus belli periculis amolientur prospiceret. Ne tamen hoc fieri posset, evictum idem Domus Austriaca, quae ut alibi bona contra impedit, ita ejusdem Directorium inutile ibi, tantum in se fuit, & nullam Imperii Deputationem pronunciavit, atque adeo vehementer rationibus bonorum corripit, ut pro salute publica sententiam suam dicturis, nec sessionis nec loci copia fieri; quin eo insuper res redacta est, ut cum neque nos neque Gallia injurias illatas armis vindicare, vim vi statim cohibere vellemus, sed Nostros atque eos mitteremus, ad repraesentandum pericula per lubrica pacis impedimenta, deque malis remediis monendum, inventi sunt, qui loco

PARS II.

C

debi-

debiti responsi & expectatæ declarationis reddendæ, auctores essent, uti Legati publice salutaria suadentes, urbe Francofurtensi ejicerentur, & juris gentium beneficio privarentur. Quin igitur hæ injuriæ majorem in modum Nos afficiant, non credimus dubitare Dilectiones Vestras, præsertim cum ad summa Nobis injuncta damna & injurias, adjiciatur insuper intolerabilis contemptus, ita ut cum Nos offeramus ad tractatus & reconciliationis vias promptissimos, non modo sane rationes non admittantur, sed etiam post spretas conditones honestas, Elector Brandenburgicus, in tales tamque perniciosas bono publico partes attrahatur. Concepimus equidem de hoc Electore eam spem, ut Fœderibus diversis atque indissolubilibus Nobiscum devinctus, haud ita facile ullas res in transversum ageret, præsertim cum eidem omnia ea deferrentur, quæ vel vi fœderis, vel sub amicitiae specie flagitare posset, vel si sollicitari omnino a constantia animi sui indoleque pateretur, nullatenus amicitiam nostram sic labefacturum existimavimus, ut nobiscum haud mitius quam cum hoste agendum censeret, quos equidem in conscientia novit, nulla in re sese offendisse; exploratum tamen est, eundem in Austriam nimium quam propensum, Polonisque temerata antiquiori Nobiscum amicitia, novo vinculo ligatum adversus Nos, tanquam communem hostem non modo cum dicta Domo & Polonia, sed etiam tempora aucupatum, ut tot hostibus gravatis Nobis pariter ille incumberet, cum Daniæ Rege fœdera partim offensiva, partim defensiva, inire non distulisse,

lisse, sed effectivam armorum societatem pro invadendis Nostri provinciis in Germania, quas tanto sanguine, laboribus & curis acquisivimus, frequenter & instanter sollicitasse & urfisse. Atque ne interea dum ea conjunctio differtur, nihil effecisse videatur, contra jura gentium & imperii constitutiones, negationem innocentis transitus ad hostes Nostros Nobis denunciat, naves Nostras & illis impositas merces in portus suos, tanquam ad amicum & socium venientes, ut & subditorum Nostrorum intercipit; Officiales & milites nostros per suas terras sine damno & noxa tendentes, partim carceri, partim suæ mancipat militiæ; quin e contra transitum Polonis in Imperium, non modo lubens indulgit, sed omni modo opitulatus, viam eis monstravit, qua tergo Nostro inhærere, & provincias Nostras perdere possent. Quod vero cum universo exercitu hactenus in Nos non moverit, ejus jam diu ad bellum accincti, nulla res alia causam dedit, nisi quod tempus propositis effectui jungendis non satis maturum & opportunum adhuc videretur, præsertim ex quo cum vicino Nobis Regno Daniæ benigna pace Nos Deus bearer. Quantum ergo ad Domum Austriacam ejusque offensive & defensiva foederatum Electorem Brandenburgicum attinet, in iis perexiguam fidei publicæ reverentiam residere satis superque sensimus, utpote qui e contra firmissimis, quæ aut reperiri possunt, vel usurpari solent, terminis erecta pacta & foedera agere non dubitant, si modo occasio suppetit. Atque cum iniquis Nostri temporibus, cum in eos nec metus a Nobis proficisci

posset, atque securissimos ab ea parte Nos fore putaremus, contra fidei sanctimoniam in exterminationem Nostri conspirare non vererentur, dubium non est, quin ansa rursus præbita animo radicatum odium, omni vi executuri sint, nisi Nobismet ipsis per divinam opem Nos prospeximus, ac eas inierimus rationes pro conservatione Nostri, quas necessitatis leges repererint. In hac rerum fortuna constituti, speravimus equidem futurum, ut oblationibus Nostris ab hostibus spretis, atque Nobis plane contra promissa & pacta conventa indigne tractatis a Dilectionibus Vestris atque Imperio aliqua Nostri cura ageretur, munimentumque aliquod securitatis contra talem vim instrumento pacis conforme ordinaretur; quo intuitu conditioneque in novissimo Circuli Saxonici conventu recepimus, Nos nemini ulla molestia militari graves futuros; sed cum comperiamus, non modo nihil in favorem Nostri Francoforti hætenus, & quidem tanto tempore, quo in conspectu totius mundi indigna & haud ferenda patimur, actum esse, sed nec spem meliorum satis condignam subjici, quandoquidem eo ipso fere tempore, quo Conventus dicti Circuli superioris Saxoniae haberetur, ab Electore Brandenburgico clanculum perversa consilia fabricata esse nunc cognoscamus, ac postea fœdera contra Nos inita, & in perniciem provinciarum & Regni nostri veluti conjuratum atque eadem res ubivis etiamnum sine intermissione agitur, mirari non debent Dilectiones Vestrae, si cessantibus per pacta debitis adminiculis securitatis, Nobis necessitas imponatur, ea media
cir-

circumspiciendi & amplectendi, quæ Deus & natura in conservationem & securitatem Nostri & Provinciarum Nostrarum superesse sivit. Non possumus tamen intermittere, quin Dilectionibus Vestris lætitiâ Nostram testificemur, ex eo quod meliora sentientes, saltem bonam suam intentionem declarare, insuper non habeant: quodque in pacis custodia integrum animum figere videantur. Confidimus etiam fore, ut pensitatis ab omni parte publicæ rei rationibus, inimicorum Nostrorum moliminum, nulla in re sese participes faciant, nec belli contra Nos, tanto studio viribusque præparati facibus, in præjudicium Nostri sese implicent, quin bonis pacis consiliis pro tuenda imperii tranquillitate, & Instrumenti pacis illibata cura constanter perseverent. Nos quanquam eas injurias, contemptum & damna passi sumus, quæ Nostri Ministri alias uberius Dilectionibus Vestris exposuerunt, ne tamen a pacis restabiliendæ proposito quicquam desistamus, super cæteros Nostros Ministros denuo ad Dilectiones Vestras Legatum Plenipotentiarium, supremum Cubicularium, Comitem Nicolaum Brahe misimus, qui jam iter suum ingressus, brevi una cum Ablegato hactenus Nostro ad Dilectiones Vestras & reliquos Imperii Status, Matthia Bförenklau, perpetuum Nostrum studium Germaniæ paci dicatum, rursus iterabit, & una cum Dilectionibus Vestris ea consilia indagare conabitur, quæ diuturnæ Sacri Romani Imperii paci inservire possint; Dilectionum Vestrarum est, prompta & tempestitiva malis ingruentibus adhibere remedia, quandoquidem eo

locorum res Nostras, atque vim & machinationes Nobis malevolentium pervenisse videmus, ut toties sub fidei publicæ religione delusis, perque aperte contra Nos pacta fœdera, discrimini destinatis, non liceat Nobis esse securis, nisi id quod verbis & ore adeoque pactis in speciem quidem valdissimis, sed effectû inanimis, præfertur, reapse dehinc præstetur & comprobetur. Sin vero res contemptim & negligenter curatur, verendum est, ut remedio conveniens postea locus fieri queat. Nos vero in eo casu protestamur coram Deo & toto orbe, nos excusari & culpa vacare velle, si posthabitis Nostris admonitionibus & Instrumenti pacis cura, ea subsequantur, quæ majores dein incommoditates ex se generare valeant. Interea Dilectiones Vestras certo certius assecuramus & recipimus, nihil Nos contra Imperii Romani pacem, aut cujusquam in particulari quietem quicquam tentaturos, sed hoc tantum deficientibus aliis mediis acturos, quod in necessitate constitutis, jus fasque gentium ad defensionem Nostram commodat, atque proinde a Dilectionibus Vestris amice etiam atque etiam requirimus, ut tutiora quam hætenus præsidia, parare velint, quò deinceps non nobis solum, sed etiam universo Imperio pacis non lenocinia, sed veri ejusdem & sinceri fructus, cum cujusque rei propriæ certiori possessione & provinciarum acquisitarum tuta conservatione obtingere queant. Quibus Dilectionibus Vestris prosperrimos rerum successus & omnigenæ felicitatis copiam precantes, Easdem perpetuo Divini numinis tutamini animitus commendamus.

Flens-

Flensburgi die 18. Junii Anno millesimo sexcentesimo quinquagesimo octavo.

Dilectionum Vestrarum

*Bonus Consanguineus &
Amicus*

Carolus Gustavus.

CCXCI.

Literæ OLIVERII CROMWELLII, Protectoris Reipublicæ Angliæ, ad LUDOVICUM XIV. Galliarum Regem, quibus ab eo, ut qua valeret apud Ducem Sabaudia vel autoritate vel gratia, pro reliquis ex nupera laniena Convallensibus, quibus nova parari internecio videretur, intercedere, aut eos saltem intercessione incassum facta, miseratione, & patrocinio suo, liberoque ad se refugio beare haud gravetur, emice efflagitat, 1658.

Oliverius Protector Reipublicæ Angliæ &c.

Serenissimo potentissimoque Principi Ludovico Galliarum Regi.

*Serenissime Potentissimeque Rex, Amice ac
Fæderate Augustissime.*

MEminisse potest Majestas Vestra, quo tempore inter Nos de renovando fœdere agebatur, quod optimis auspiciis initum multa utriusque populi commoda, multa hostium communium exinde mala testantur, accidisse miseram illam Convallensium occisionem, quorum causam undique desertam atque afflictam Vestræ misericordiæ atque tutelæ summo cum ardore animi ac miseratione

commendavimus. Nec defuisse per se arbitramur Majestatem Vestram officio tam pio, imo vero tam humano, pro ea qua apud Ducem Sabaudia valere debuit vel autoritate vel gratia: Nos certe alii que multi Principes ac Civitates Legationibus, literis, precibus interpositis, non defuimus. Post cruentissimam utriusque sexus omnis ætatis trucidationem, pax tandem data est, vel potius inducta pacis nomine hostilitas quædam tectior: conditiones pacis Vestro in oppido Pinarolii sunt latæ; duræ quidem illæ, sed quibus miseri atque inopes dira omnia atque immania perpesi facile acquiescerent, modo iis, duræ & iniquæ ut sint, staretur; non statur; sed enim earum quoque singularum falsa interpretatione variisque diverticulis fides eluditur atque violatur; antiquis sedibus multi dejiciuntur, Religio patria multis interdicitur, tributa nova exiguntur, arx nova cervicibus imponitur, unde milites crebro erumpentes obvios quosque vel diripiunt vel trucidant: adhæc nuper novæ copiæ clanculum contra eos parantur; quique inter eos Romanam Religionem colunt, migrare ad tempus jubentur; ut omnia nunc rursus videantur ad illorum Internecionem miserrimorum spectare, quos illa prior laniena reliquos fecit. Quod ego per dextram tuam, Rex Christianissime, quæ foedus Nobiscum & amicitiam percussit, obsecro atque obtestor, per illud Christianissimi tituli decus sanctissimum, fieri ne siveris: nec tantam sæviendi licentiam non dico Principi cuiquam (neque enim in ullum Principem, multo minus in ætatem illius Principis teneram, aut in muliebre matris animum

am tanta sævitia cadere potest) sed facerrimis il-
ficariis ne permiseris; qui cum Christi Serva-
ris Nostri servos atque imitatores sese profitean-
t, qui venit in hunc mundum, ut peccatores ser-
ret, ejus mitissimo nomine atque institutis ad in-
centium crudelissimas cædēs abutuntur: eripe,
si potes, quique in tanto fastigio dignus es posse,
et supplices tuos homicidarum ex manibus, qui
more nuper ebrii, sanguinem rursus sitiunt; suæ
e invidiam crudelitatis in Principes derivare con-
tissimum sibi ducunt. Tu vero nec titulos tuos
et Regni fines ista invidia, nec Evangelium Chri-
pacatissimum ista crudelitate fœdari, te regnan-
patiaris. Memineris hos ipsos avi tui Henrici
orestantibus amicissimi dedititios fuisse; cum
gvierius per ea loca, qua etiam commodissimus
Italiam transitus est, Sabaudum trans Alpes ce-
ntem victor est insecutus: Deditionis illius in-
umentum in actis Regni vestri publicis etiam-
m extat, in quo exceptum atque cautum inter
a est, ne cui postea Convallenses traderentur,
si iisdem conditionibus, quibus eos avus tuus in-
risissimus in fidem recepit. Hanc fidem nunc
plorant, avitam abs te Nepote supplices requi-
nt: tui esse, quam ejus nunc sunt, vel permu-
ione aliqua, si fieri possit, malint atque optarint:
si non licet, patrocinto saltem, miseratione at-
e perfugio. Sunt & rationes Regni, quæ hor-
i possint, ut Convallenses ad te confugientes ne
icias; sed nolim te, Rex tantus cum sis, aliis
ionibus ad defensionem calamitosorum, quam
e a majoribus data, pietate, regiaque animi be-
C. 5 nigni-

nignitate ac magnitudine permoveri. Ita pulcherrimi facti laus atque gloria illibata atque integra tua erit, & ipse patrem misericordiæ ejusque filium Christum Regem, cujus nomen atque doctrinam ab immanitate nefaria vindicaveris, eo magis faventem tibi atque propitium per omnem vitam experieris. Deus Optimus Maximus ad gloriam suam, tot innocentissimorum hominum Christianorum tutandam salutem Vestrumque verum deus Majestati Vestræ hanc mentem injiciat

Majestatis Vestræ

*Westmonasterio, die — Maji
Anno Domini 1658.*

Studiofissimus

**Oliverius, Protector Reipublicæ
Angliæ &c.**

CCXCII.

*Litera OLIVERII CROMWELLII, Protectoris
Reipublicæ Angliæ, ad CIVITATES HELVE-
TIORUM EVANGELICAS, quibus eas, ne
Convallensium vicinorum salutem in extremum
discrimen adductam negligant, fraterne ac libere
hortatur, seque ad procurandam periclitantium
incolumitatem, & sublevandam egentium ino-
piam, omnem operam suam, quousque per longin-
quam terrarum intervallum liceret, collaturum
esse sancte promittit, 1658.*

Olive-

verius Protector Reipublicæ Angliæ,
Civitatibus Helvetiorum Evangelicis.

*Illustres atque Amplissimi Domini, Ami-
ci charissimi.*

E Convallensibus Vicinis Vestris afflictissimis,
quam sint a Principe suo gravia & intoleran-
religionis causa passi, tum propter ipsam rerum
citatem horret prope animus recordari, tum
Vos ea scribere, quibus notiora multo sunt, su-
vacuum duximus. Exempla etiam literarum
mus, quas Legati Vestri pacis jam dudum Pina-
anæ hortatores atque testes ad Allobrogum Du-
n illiusque Taurinensis Consilii Præsidem seri-
unt; in quibus ruptas esse omnes pacis con-
ones, illisque miseris fraudi potius quam secu-
ti fuisse singulatim, ostendunt atque evincunt.
arum violationem ab ipsa statim pace data in
c usque diem continuatam, & indies gravio-
r, nisi æquo animo patiuntur, nisi se conculcan-
plane & pessumdandos prosternunt atque ab-
ant, religione etiam ejurata, impendet eadem
mitas, eadem strages, quæ ipsos cum conjugi-
ac liberis tertio abhinc anno sic miserabilem
nodum attrivit atque afflixit, & subeunda ite-
si est, funditus eradicabit. Quid agant mi-
? quibus nulla deprecatio, nulla respiratio, nul-
adhuc certum perfugium patuit; res est cum
aut cum furiis, quibus priorum cædium re-
latio nullam pœnitentiam, aut suorum civium
rationem nullum sensum humanitatis aut fun-
di sanguinis satietatem attulit. Hæc ferenda
plane

plane non sunt, sive fratres Nostros Convallenses Orthodoxæ Religionis cultores antiquissimos, sive ipsam Religionem salvam volumus. Et Nos quidem locorum intervallo plus nimio disjuncti, quod opis aut facultatis Nostræ fuit & præstitimus ex animo & præstare non desinemus. Vos qui non modo fratrum cruciatibus ac pene clamoribus, verum etiam eorundem furori hostium proximi estis, prospicite per Deum immortalem, idque mature, quid Vestrarum nunc partium sit; quid auxilii, quid præsidii vicinis ac fratribus alioqui mox perituris ferre possitis ac debeatis, prudentiam Vestram ac pietatem, fortitudinem etiam Vestram consulite. Causa certe eadem est Religio, cur iidem hostes Vos quoque perditos velint, imo cur eodem tempore, eodem superiore anno, fœderatorum Vestrorum intestino Marte perditos voluerint. Vestra duntaxat in manu post opem divinam videtur esse, ne purioris ipsa stirps Religionis vetustissima in illis priscorum fidelium reliquiis excindatur: quorum salutem in extremum jam discrimen adductam, si negligitis, videte ne Vosmet ipsos paulo post proximæ vices urgeant. Hæc dum fraterne ac libere hortamur, interea non languescimus: quod solum Nobis conceditur tam longinquis, cum ad procurandam periclitantium incolumitatem tum ad sublevandam egentium inopiam, omnem operam Nostram & contulimus & conferemus. Deus det utrisque Nobis eam domi tranquillitatem ac pacem, eum rerum ac temporum statum, ut omnes Nostras opes atque vires, omne studium ad defendendam Ecclesiam suam contra ho-

ium suorum furorem ac rabiem convertere
simus. Westmonasterio ex Aula Nostra die—
i, Anno Domini 1658.

CCXCIII.

ra OLIVERII CROMWELLII, Pro-
tectoris Reipublica Anglia, ad LUDOVICUM
KIV. Gallia Regem, quibus Thomam Vice-Co-
mitem Falconbrigium, generum suum, impense
commendat, 1658.

verius Protector Reipublicæ Angliæ,
clementissimo ac Potentissimo Principi, Ludo-
vico Galliarum Regi.

*clementissime potentissimeque Rex, Amice ac
fœderate augustissime,*

Thomam Vice-Comitem Falconbrigium, ge-
nerum meum, in Galliam proficiscentem, &
estificandum obsequium suum & observantiam,
Majestatem Vestram colit, venire in conspe-
n Vestrum, Regiamque manum osculari cu-
item, tametsi propter consuetudinem ejus ju-
disissimam invitus dimitto, tamen cum non du-
m, quin ab aula tanti Regis, in qua tot Viri pru-
tissimi fortissimique versantur, multo instru-
r ad res quasque laudatissimas, & quasi con-
matas ad Nos brevi sit reversurus, obsistendum
ejus animo ac voluntati non sum arbitratus.
uanquam is est, nisi ego fallor, qui per se satis
commendatus, quocunque accesserit, videri possit,
en si se mea gratia Majestati Vestræ aliquanto
mendatiorem fuisse senserit, eodem me quo-
que

que beneficio affectum atque devinctum arbitror. Deus Majestatem Vestram incolumem, Nostramque amicitiam firmissimam communi Orbis Christiani bono quam diutissime conservet.

Majestatis Vestræ

*Westmonasterio ex Aula Nostra,
die — Maji, An.Dom. 1658.*

Studiosissimus

Oliverius Protector Reipubl.
Angliæ.

CCXCIV.

*Litera commendatitia, quas OLIVERIUS
CROMWELLIUS, Protector Reipublicæ
Anglicanæ, Thomæ Vice-Comiti Falconbrigio, ge-
nero suo, ad CARDINALEM MAZA-
RINUM, dedit, 1658.*

Oliverius Protector Reipublicæ Angliæ
Eminentissimo Domino Cardinali Mazarino.

Eminentissime Domine,

CUm Thomam Vice-Comitem Falconbrigium, generum meum, proficiscentem in Galliam Serenissimo Regi commendaverim, non potui, quin ea de re Eminentiam Vestram certiorē facerem, nec non Vobis eundem etiam commendarem, id quantum ponderis atque momenti ad superiorem quoque commendationem allaturum sit, non nescius. Quem certe fructum commorationis apud Vos suæ, sperat autem non mediocrem hunc fore, percepturus est, ejus maximam partem favori Vestro ac benevolentiae non poterit non debere; cu-
jus

prope sola mens ac vigilantia res tantas eo in
 gno sustinet ac tuetur. Quicquid ei gratum
 uinentia Vestra fecerit, id mihi fecisse se existi-
 t, id ego in multis Vestris erga me humaniter
 amice factis numerabo.

Vestræ Eminentia

*Monasterio die — Maji,
 Anno Domini 1658.*

Studiofissimus

Oliverius, Protector Reipublicæ
 Angliæ &c.

CCXCV.

*era OLIVERII CROMWELLII, 'Pro-
 ectoris Reipublicæ Angliæ, ad LUDOVI-
 CUM XIV. Gallia Regem, quibus Thomam
 ice-Comitem Falconbrigium, generum suum, a se
 deo mitti ad eum, ut ipsi & adventum in tam
 ropingua Angliæ castra gratularetur, & mentem
 uam ad officia quacunque paratissimam coram
 xponeret, significat, 1658.*

verius Protector Reipublicæ Angliæ &c.
 serenissimo ac Potentissimo Principi Ludovi-
 co Gallia Regi.

*renissime Potentissimeque Rex, Amice ac
 Fæderate Augustissime,*

T nuntiaturum est, venisse in castra Majestatem
 Vestram, tantisque copiis infame illud oppi-
 piratarum atque asylum Dunkirkam obse-
 disse,

disse, & magnam cepi voluptatem & spem certam, fore nunc brevi, Deo bene juvante, ut infestum minus post hac latrociniiis mare tutius navigetur; fore, ut Hispanicas fraudes, ducem alterum ad Hesdenæ prodicionem auro corruptum, alterum ad Ostendam dolo captum virtute bellica Majestas Vestra brevi nunc vindicet. Mitto itaque nobilissimum Virum Thomam Vice-Comitem Falconbrigium, generum meum, qua & adventum vestrum in tam propinqua Nobis castra gratularetur, & coram exponat, quanto Nos studio Majestatis Vestræ res gestas, non junctis solum viribus Nostreis, sed votis etiam omnibus prosequamur, uti Deus Optimus Maximus & ipsam incolumem & Nostram amicitiam firmissimam communi Orbis Christiani bono quam diutissime conservet.

Majestatis Vestræ

*Westmonasterio ex Aula
Nostra, die — Maji,
Anno Domini 1658.*

Studiosissimus

Oliverius, Protector Reipubl.

Angliæ &c.

CCXCVI.

*Litera ejusdem ferme cum præcedentibus argumenti,
ab OLIVERIO CROMWELLIO ad
CARDINALEM MAZARINUM scri-
pta 1658.*

Olive-

iverius Protector Reipublicæ Angliæ &c.

Eminentissimo Domino Cardinali

Mazarino.

Eminentissime Domine,

Uum illustrissimum virum Thomam Bellassum Vice-Comitem Falconbrigium, generumum, Serenissimi Regis adventum in castra ad nkirkam gratulatum mitterem, eidem præcepi, Vestram quoque Eminentiam adiret, meoque mine & plurimam salutem dicat, & gratias Voagat; cujus potissimum fide, prudentia, vigitia perfectum est, ut res Gallica tam diversis inrtibus & præsertim in vicina Flandria contraHinum, Hostem communem, tam prospere geratur, uo nunc celeriter, uti spero, fraudum & insidia- n, quibus se maxime tuetur, aperta atque armata tus pœnas reposcet: quod uti fiat quam citissime, os certe neque copiis, quantum possumus, neque tis deerimus.

Eminentiaæ Vestraæ

est monasterio ex Aula Nostra,

die — Maji, An. Dom. 1658.

Studiosissimus

Oliverius. Protector Reipublicæ
Angliæ &c.

CCXCVII.

*tera CAROLI GUSTAVI, Svecorum Re-
gis, ad JOHANNEM PHILIPPUM, Ar-
chipræsulem & Electorem Moguntinum, cui salu-
berrima reconciliationis inter se & Domum Au-*

PARS II.

D

striacam,

striacam, aque ac Germanica tranquillitatis curam sollicitè injungit, 1658.

Nos Carolus Gustavus Dei gratia Sveconum, Gothorum, Vandalorumque Rex &c.

Reverendissime.

Quamquam haud obscuris antea judiciis Dilectio Vestra Nobis comprobaverit, quantum curæ ipsi cordique sit, tranquillitatem publicam intemeratam conservare, id tamen luculentius apparuit in literis Dignitatis Vestræ gratulatoriis, quas Nobis Francoforto, die 7. Aprilis summæ lætitiæ ex composita cum Dania pace conceptæ significatione plenas transmisit: Nobis equidem sicuti necessaria arma capessenda omnino fuerunt pro defensione Regni nostri & provinciarum Germanicarum, ita nihil in animo antiquius habuimus, quam aliquod securæ pacis beneficium ubicunque extaret, præ belli vel maxima prærogativa amplecti, Dilectioni autem Vestræ singulares agimus gratias, pro benevola animi contestatione, quam Nobis declarare dignata est. Et quoniam Dilectio Vestra haud dubie a Nostreis informata est Ministris, quanto supra infinitas injurias contemptu a Domo Austriaca perstringamur, ita ut nec machinationibus & bellis modus ponatur, nec reconciliationis oblationi & admonitionibus Dilectionis Vestræ locus relinquatur ullus, Vestra autem Dilectio strenue pro pacis Germanicæ conservatione hætenus excubuerit, ab eadem contendere volumus, uti sub tali onere & labore non defatigetur, sed perseveret constanter: quo de Sacri Romani Imperii membris,

, quietem & pacem amantibus, tanto præclamereatur, & ab omnibus Ordinibus condim sibi vindicet honorem & laudem. Nos ti magni facimus præstitam hætenus pro comni tranquillitate & pace publica operam; ita d incumbemus, ut Dilectio Vestra intelligat, e Nos paria semper secum facere. Neque m a Domo Austriaca, post perpessa tot damna id flagitare in animo constituimus, nisi ut uctis ex Polonia copiis & renunciatis fœdeas in Provinciarum Nostrarum Germanicarum niciem, nostrique exterminationem pactis, ju reconciliationis & pacis voces in animum adtat, Nobisque tenore Instrumenti pacis ab Oribus & Statibus Imperii caveatur, de non amus lædendo vel offendendo. Quamæqua hæc t, Dilectio Vestra ipsa judicaverit, atque prorea eandem denuo compellamus, velit saluberum reconciliationis opus, quod jam diu ambias, cum eadem Domo sic promovere, ut non utum Nobis tutis & securis esse liceat, sed etiam x Germanica tantis impensis reducta, facta testanservari possit. Cui fini quantum in Nobis est erabimur fideliter atque sollicitam curam Dilectionis Vestræ velit Deus. Gotteburgi 17. May 158.

Carolus Gustavus.

Eduardus Ehrenstein, Secret.

CCXCVIII.

Acta CAROLI GUSTAVI, Svecorum Regis, ad ELECTORES, PRINCIPES ET

D 1

STA-

STATUS S. R. IMPERII, aut qui eorum personas sustinere solent, LEGATOS, Francofurti ad Mœnum congregatos, quibus eis, domum Austriacam per bellum sibi intentatum Germanicæ libertatis exitio denuo inhiare omni demonstrare nisu allaborat, eosque quominus proportionata tempestivaque malis instantibus opponere remedia intermittant, impense rogat & hortatur, 1658.

Reverendissimi, Celsissimi, Illustrissimi, Reverendi, Illustres, Magnifici, Generosi & Spectabiles Sacri Romani Imperii Electores & respectivo Vicarii, Principes & Status, Consanguinei & Amici charissimi, ut & sincere grate-que dilecti.

Cum ante annum præter præter post exercita clandestina Domus Austriacæ & hinc inde mixta consilia, institutasque machinationes plane contra Instrumenti pacis Germanicæ expressas leges, sub instigatione & directione Austriaca Poloni pariter & Dani Nos adoritentur, atque jam arma infesta Provinciis Nostris Germanicis non comminarentur modo, sed re ipsa inferrent, ac Rex Hungariæ Parentis destinatis insistens, Nos in Polonia aggressus easdem velut suæ absolutæ Dominationi concessas, aliis præmature divideret, posthabita fidei pacisque publicæ atque adeo Sacri Romani Imperii ejusdemque Electorum, Principum & Statuum reverentia, non aliud remedii genus reperimus, quam ut ordine expositis in aulis passim Electorum & Principum primum per Consiliarium nostrum & Residentem Georgium Snoilsky, post-

etiam Francofurti per nostrum extraordinarium legatum Matthiam Biorenklau, quæ Nobis illa- fuerunt injuriæ, ordinarium deputationis con- atum de præstanda Nobis, virtute & vi Instru- anti pacis, debita gvarantia compellaremus, ut- te qui repræsentans universum Imperii corpus, eum finem olim institutus fuit, & superioribus mitiis Ratisbönensis confirmatus est, ut subitis urgentibus Imperii periculis obviam iret, reme- que venientibus malis proportionata compara- . Ex eo tempore intelligimus quidem nostrum legatum diversis suis memorialibus, Dilectioni- : Vestris & Vobis tam in universum omnibus Sa- Romani Imperii Electoribus, Principibus & Sta- us, quam in specie Reverendissimo & illustrissi- Domino Electori Moguntino, ac postremo, n consultationes deputationis per oppositionem sgiacam frustra requirerentur, Collegio etiam E- torali occultas & manifestas Domus Austriacæ in- ias Nobis factas, & pericula, quibus Imperium manum per licentiam & vim Austriacam facile olvi posset, pluribus exposuisse; non tamen hac- us comperimus quicquam responsi redditum, lum contra publicam communemque violen- n opem aut gvarantiam ullam præstitam esse, id od etiam atque etiam miramur, incerti, causæ asentire & connivere quibusdam an libeat, ad secutionem & ruinam Nostri & provinciarum strarum, propositamque in animo inimicorum strorum e Germania exterminationem; an ve- ita formident potentiam Domus Austriacæ, ut isæ Nostræ justitiam, fidei religionem, pacis pu- blicæ

blicæ observantiam & communis tranquillitatis amorem & studium, illius unius Domus avaræ dominationi & privatis rationibus anteferre non audeant? Interea bellis a Rege Hungariæ & Bohemiæ vel suscitatis vel susceptis, continua serie vexamur, non modo extra Imperium in Polonia, sed nec tunc etiam fœdera cum quibusdam præcipuis Imperii Statibus defensiva & offensiva, imo vindicativa etiam, uti quidam Ministrorum Austriacorum jactitant, socieratesque bellicæ conduntur cum externis Regibus, adeoque mandata Imperio vacante eduntur, ad invadendum denuo provincias Nostras in Germania sitas tantoque sanguine & impensis Regno Nostro acquisitis primo quoque tempore nos exuendum; Atque in hoc proposito adeo fixa & exasperata est Domus Austriaca, ut non solum eliminato nostro Residente ex Aula Viennensi & provinciis hæreditariis omnem commerciorum communionem sublatam velit, sed nec conditionem deinde ullam reconciliationis ad aures vel animum admittere sustinuerit. Quæ singula immensum odium Domus istius adversus Nos haud obscure ostentant, nec dubium est, quin Rex Hungariæ simul ac Corona Imperiali potitus fuerit, animo decreta, sicut in Polonia, ita in Germania quoque viribus omnibus sit executurus. Cum igitur injuriis nec modus statuatur, nec remediū & compositionis locus relinquatur ullus, nec adhortatio Reverendissimi & illustrissimi Domini Electoris Moguntini, qui tam indefessa opera pro conservatione pacis non absque singulari suo gloriæ & laudis merito defungitur, quicquam valere & efficere possit, nec ad
toties

res propositas a Nobis pacis redintegrandæ ob-
ones, nec ad memorialia Ablegati Nostri Extra-
linarii respondeatur quidem, in animum no-
um aliud inducere non possumus, quam quod de-
randi imminentis periculi perquam exigua spes
obis supersit, nisi quatenus eadem necessarium
quod defensionis præsidium forte elicuerit.
iam graves vero rationes Nos moverint, ut hanc
licitam curam Dilectionibus Vestris & Vobis
quenter significarem, atque nunc etiam repe-
nus, nemo ignoraverit, qui & seriem injuriarum
minorumque Nobis illatorum sensu saltem com-
uni perpendere insuper non habuerit. Satis jam
u cum ingenti Nostro & Christianæ quoque rei
etrimento experti sumus internecina odia & ma-
inationes apud alios per Domum Austriacam
uctas; plus etiam quam integro anno sub peri-
ilis & hostilibus incursionibus, oneribusque per
indem Domum acceleratis Provinciæ Nostræ Ger-
manicæ ingemiscunt: tempus nunc monet, ut No-
is prospiciamus, eaque media apprehendamus,
uæ necessitas ipsa dictaverit, nisi eidem succum-
ere Nobis omnino constituendum sit. Hæc con-
deratio quamquam Nobis videri possit propria,
angit tamen Dilectiones quoque Vestras & Vos-
etipsos. Judicamus enim tanquam pars prin-
ipalis quondam paciscens & nunc Sacri Romani
mperii Constatus, quanti intersit pericula hæc pu-
blica in tempore convenienter antevertere, quan-
æque consequentiæ & indaginis sit, si Domui Au-
triacæ licebit, etiam Imperiali dignitate nondum
decoratæ, sub tempore quoque Interregni, pro lu-

bitu & impune absque Statuum Imperii consilio & consensu, aliorum exterorum Regum Principumque bella pro suis commodis metiri & moderari iisque inconsultis Imperii Ordinibus, præsertim cum eorum causa eadem bella gerere præ se ferat, se se immiscere, remque publicam tempestatibus committere, adeoque ea incendia in Sacri Romani Imperii campum temere trajicere, quæ semel accensa haud fuerint absque multorum etiam innocentium incommodis extingvenda. Nos prævidentes discrimina ex talibus profectura actionibus, quamquam satis nunc monitum esse, atque Dilectionibus Vestris Vobisque insinuatum non dubitemus, quo in articulo pacis publicæ integritas & certitudo jam collocata est; pro certiori tamen rei providentia, & si possibile est evitando compositione prævia & quidem tempestiva, malo, quod in Imperii viscera serpere videtur, superfluum non duximus, gravissimæ rei causa denuo ad Dilectiones Vestras Vosque mittere Legatos nostros Plenipotentiariorum, utpote supremum Cubicularium nostrum & militiæ pedestris Chiliarchum illustrem nobis sincere fidelem & dilectum Dominum Nicolaum Brahe, Comitem in Visingsborg Liberum Dominum in Cyana, Dn. in Rydboholm & Seswagen, ut & nostrum in Ducatibus Bremensi & Verdensi Præsidem, Consiliarium Nostrum Aulicum & hactenus ad Dilectiones Vestras & Vos Ablegatum Extraordinarium generosum Nobis sincere fidelem Matthiam Biorenklow, Hereditarium in Elmenhoff, Wannestad & Teslingen, qui eadem rursus memorabunt ac perieuli magnitudinem Dilectionibus

ous Vestris Vobisque exhibebunt. Intelligent
lectiones Vestrae Vosque comperietis ab iisdem
gatis Nostriis, quomodo non solum detrimenta,
urias & sine fine contemptum passi simus, sed
am quomodo jam perpetrata non adeo iniquo
implacabili animo feramus, dummodo a parte
istriaca, revocato e Polonia exercitu, rejectisque
deribus in perniciem Nostri provinciarumque
strarum pactis, aliqua reconciliationis propen-
ne, tranquillitati publicae consulatur, pacisque
nabrugis & Monasterii tanta sanctitate animo-
n stabilitae articuli de novo redintegrentur &
rroborentur, atque certa & solida Nos inter &
cri Romani Imperii Ordines constituatur gva-
ntia, qua sub certis conditionibus & modo ca-
atur de non amplius vel Nos vel publicas pacis
ges laedendo vel offendendo. Quemadmodum
to non dubitamus, Dilectiones Vestras Vosque
hac legationis nostrae adoratione, perspicere
sse, quam sollicitam & necessariam curam pro
inquietate publica geramus, ita in saluberrimi
ctatus prosperiorem successum Legatos Nostros
ta plenipotentia & cum Rege Hungariae & Bo-
mia, Dilectionibusque Vestris & Vobis agendi
concludendi communivimus, ne quidquam a
obis desiderari possit, quod paci restabiliendae
servire videatur. Vestrarum Dilectionum Ve-
umque nunc est destinatis salutariter Nostriis suc-
currere consilio, ope, autoritate vestra; non enim
stra solum res agitur, vestra etiam haud ita pro-
l est. Atque si dimissis manibus Dilectiones
estrae Vosque curaverint negotium, credimus Di-
D 5 lectiones

lectiones Vestras Vosque posse ex memoria superioris temporis faciem & habitum Germaniæ futurum animo facile complecti. Vix enim sincera cicatrix iis vulneribus adhuc obducta est, utpote quæ post deposita Sveciæ arma vehementer refricaverat Domus Austriaca, ubicunque sibi commodum judicavit. Non indiget ergo Germania externis pro Magistro exemplis, domi exactum habuit monitorem, qui etiamnum cum vigore quodam eandem hortari possit, ad conspiciendum arma Austriaca sanguine olim Germaniæ madentia, & seros intutosque pacis fructus inde subnatos, atque per hoc animari ad declinandum denuo, quod intentatur, naufragium. Est res adhuc fere in portu, quamvis unius temerario conatu pelagi tempestatibus destinata. Habent Dilectiones Vestræ Vosque Nostros ad manum legatos; non ad amplectendum modo, sed etiam offerenda iusta, tranquillitatieque publicæ conducentia media promptissimos. Habent reliquos pacis consortes in eundem scopum Nobiscum strenue contendentes. Tempus etiam aliud, vel labori ipsi opportunius, vel sperando effectui subnasci nullum potest optatius hoc ipso, quo & omnes Ordines simul & Principales paciscentes partes in unum sunt congregatæ, omnes identitate voluntatis ad vulnera sananda & animorum divortia componenda. Sacri quoque Romani Imperii Collegio Electorali liberum adhuc est, uti speramus & optamus, caput Constitutionibus Imperii publicisque pacis legibus alligandum constituere, sub quo florentissimi membra Imperii dehinc conquiescere possint. Huic saluberri-

errimo operi promptissimos Nos Dilectiones Vestræ Vosque experiemini, siue Ducem siue fidum upiatis socium, utpote qui pacis Germanicæ beneficia belli prærogativis in gratiam Dilectionum Vestrarum Vestrumque quondam antetulimus, & ejus integerrima conservatione nihil Nobis est vitæ semper vel antiquius vel prius. Quod si speras & mascula consilia adhuc contulerimus, non speramus inutiliter Nos laboraturos. Sin vero Domus Austriaca supina obstinatione a reconciliationis nomine abhorreat, nec pacis voces patimur omnino sustineat, sed per ejusdem ambitionem & iniquitatem inevitabilia pericula necessario sustinenda sint, a Dilectionibus Vestrīs Vobisque amicis & benevole contendimus, velitis Nos aliquo responso dignari, consiliaque Vestra Nobis communicare, quid circa talem rerum statum facto opus esse judicaverint, quæque auxilia a Dilectionibus Vestrīs Vobisque vigore Instrumenti pacis pro ejusdem conservatione & Provinciarum Nostrarum securitate Nobis promittenda sint. Quamquam enim hac Legatione effectum velimus, ut neglectæ a Nostra parte curæ studiique pacis culpam præstemus, si consilia Nostra audita non fuerint, plurimum tamen & Nostra & Vestrarum referre arbitramur Dilectionum, ne in incerto simus, quatenus & Imperii pax a temerariis quorundam molitionibus custodiatur, ac præterea non ignoremus, in quantum quisque juxta conservationem ejusdem in amicitiam dehinc Nobiscum excolendam propendeat. Hæ causæ potissimæ sunt, cur novis Legatis, pluribus harum momenta rerum exposituris,

turis, Dilectiones Vestras Vosque invisere necessarium duximus; Requirimus autem a Dilectionibus Vestris & Vobis amice & benevole, ut eisdem admissas, non solum libenter audire & verbis eorum plenariam fidem habere, sed etiam sinceram & bono publico salutarem intentionem Nostram eo promovere connitantur, ut gravitati negotiorum conformis, & desideriiis pacificorum animorum optatus respondeat eventus, quo sub constanti Imperii securitate & tranquillitate unicuique, beneficio pacis, tanto sanguine pretioque ante paucos annos reductæ, sibi acquisitis ditioribus absque impeditioe frui & gaudere liceat. Deum animitus rogamus, velit operi benedictionem & successum cælitus reddere, atque Dilectionibus Vestris Vobisque eam largiri mentem, animumque, quo paria Nobiscum studia conjungere, atque pacificas & salutare cogitationes ad communem securitatis scopum fortiter dirigere queant. Quo fida voto Dilectiones Vestras Vosque divinæ protectioni commendamus. Deditur Gotheburgi, die 24. Maji, 1658.

Dilectionum Vestrarum

*Bonus Consanguineus & amicus, &
Vobis singulari benevolentia
affectus*

CAROLUS GUSTAVUS.

Eduard. Ehrensteyn.

CCXCIX.

CCXCIX.

tera CAROLI GUSTAVI, Suecorum Regis,
ad JOHANNEM GEORGIUM II. Sa-
xonum Electorem, quibus ipsi internecina in Re-
gnum Sæcia odia Domui Austriacæ ita volupe
esse, ut classicum contra istud canendo ab omni-
bus aqua pacis conditionibus abhorreat, exponit,
ac eum, ut adequata malis hiæce, qua jam vale-
ret per Sacrum Rom. Imp. Vicarii autoritate, ad-
hibere remedia haud gravetur, blande compel-
lat, 1658.

Belissime Princeps, Consanguinee, Affi-
nis & Amice Charissime.

Quandoquidem divino quodam munere post
exantlatos belli labores & pericula, quæ ab
regni Nostri parte aliquandiu sustinuimus, de-
ceratam & quod optavimus semper, securam pa-
nem adepti videmur, intermittere non possumus,
in lætitiæ exinde Nobis subnatæ Dilectionem
oque Vestram participem faciamus, utpote
am nobis hoc proprium sibi quoque commune
iduum facturam speremus. Deus velit inspi-
ce cordibus eorum, quorum in manu est, pa-
cem Nobiscum colere, mentem tranquillam atque
libera eo collimantia finesque ac terras Dilectionis
træ diutissime custodire, quo pace, qua gavisâ
tenus est, perpetua absque interruptione frui
at. Votum præterea Nostrium est, ut cum
nibus Nostriis hostibus reconciliari queamus,
pax & pacem prolixè obtulimus jam diu, & ab
eâ honestam acceptare parati sumus. Do-
lemus

lemus autem nonnullis Nostris malevolis, atque inter eos præcipue Domui Austriacæ, internecina sua odia adversus Nos exercere, ita volupe esse, ut non modo injurias & damna Nobis & Nostro Regno Provinciisque inferat, primum occultis & subdolis machinationibus, cuniculis, artibus & supplantationibus, postremo quque manifesto bello vi & armis, adeoque has injurias per se & alios sine fine nociturisque Sacro Romano Imperio vinculis accumulet, plane contra vigorem legum publicarum & Imperii Romani reverentiam, etiam sub orbitate ejusdem, sed etiam (quod magnopere nos afficit) omnes nostras amicabiliter oblatas aperturas ad reconciliationem adeo contemptui habeat, ut non solum pacis voces, sed nec magnorum in Imperio Principum autoritatem aut adhortationem admittere in animum, sustineat. Existimavimus fore, ut, cum Imperator Ferdinandus III. ex hac vita evocaretur, perniciosa in salutem Christianæ rei consilia mutarentur, aut bellum, quod pro totius Imperii commodo, si Diis placet, cœptum videri voluit, nec sine Comitali liberoque omnium Imperii Statuum suffragio & consensu suscipi debeat, gradum sisteret, saltem quamdiu electionis actus in incerto esset. Verum constat, eum esse atque fuisse Domus Austriacæ in Nos & Regnum Nostrum sive supinam animi aversionem & odium, sive proprii Interesse studium atque fundamenta jacta rationum illuc facientium, quæ nullo mortis casu mutari poterant, quamvis Interregnum & Vacantia Imperii evidentissimis periculis eo ipso objiceretur. Dissimulare equidem statuit

Domus Austriaca animo destinata, dum de
ona Imperii agigaretur, intra Poloniam coer-
sua arma, dum alienis ad Provincias Nostras
Germania desolandas uteretur, pacem tamen
is supplantans; sed cum certior esset facta de
tro adipiscendo, non dubitavit fœderibus of-
ivis, imo vindicativis etiam, ut ministri ejus
itant, cum externis Regibus & Electore Bran-
burgico, submissis etiam ad Suos Generales
datis, ea propositi sui indicia proferre, quæ
dubitare prohibent, quin simul ac Corona
eriali potita fuerit, sicut antea in Polonia; ita
Germania omnibus viribus sit executura. In
am tamque periculorum machinationum
tinatione non alia nobis remedia suppete-
t, quam ut explicato per Ministros Nostros
issime imminente periculo, S. R. Imp. Electo-
, Principum & Statuum guarantiam in Instru-
to pacis comprehensam compellaremus, atque
rea nullas omnino occasiones omitteremus,
bus divortia animorum componerentur, & In-
menti pacis leges sartæ tectæ conservarentur.
nit autem, ut sub tanto tempore, quo hoc
tinuo insinuamus, responsum nullum reddatur
imperio, ne dum guarantia ullibi appareat, nec
ditio reconciliationis ulla a Domo Austriaca
eptetur, quin illa exasperata magis oblationes
stras aspernetur, & vaga in Polonia belli incen-
conatu omni in Germaniam trajicere amplius
i vereatur. Cum vero hoc ipso integritas pa-
rum Osnabrugensium fidesque publica vehe-
nter deterioretur, Nobis vero periculi magnitu-
do

do in dies succrescat, adeo ut conservationem No-
stri & Provinciarum Nostrarum non nisi in extre-
mis necessitatis terminis collocatam videamus,
solenni ad Collegium Electorale & Universos Sa-
cri Romani Imperii Ordines Legatione, denuo
pacis restabiliendæ conditiones non modo acce-
ptare, sed etiam offerre decrevimus, dummodo Sa-
crum Romanum Imperium de non amplius pacem
Germanicam turbando nec Nos & Provincias No-
stras, ullo deinceps modo violando caveat. Uti-
nam Status & Ordines Imperii hanc intentionem
Nostram sic cordi sibi habere vellent, quo & Nos
voti Nostri damnemur, & proposita tam salutaria
condignus comitetur effectus. Cæteros vero in-
tér pacis cultores haud dubitamus vel imprimis
numerare Dilectionem Vestram, quæ ut præcipuum
Imperii præsertim eodem vacante fulcrum, pluri-
mum momenti curandæ publicæ tranquillitati al-
latura est, si manum operi admoveere non detre-
ctet; Ac proinde eandem hisce amice requirimus,
velit auxiliarem manum addere, ac operi omnium
saluberrimo, succurrere, quo pace tuto & absque
impeditione frui liceat. Arbitramur autem ex-
pedire, cum universo Imperio, tum Dilectionis
Vestrae Statui & Terris, non permittere aut Nos
perpetua violentia Austriaca supra modum aggra-
vari, vel ejus causa periculum aliquod in viciniam
suam attrahi. Unde in animo tanto certior spes
Nobis subjicitur, fore, ut Dilectio Vestra, cum ob
æquitatem causæ Nostræ, tum etiam communis
periculi avertendi rationes, eam adhibeat ope-
ram, quæ tempestates, quibus Rempubl, commit-
tere

tere Domus Austriaca tentat, in tempore sedari & refrænari possint. Dedit Deus Dilectioni Vestræ auctoritatem non exiguam inter Imperii Constantus, nec inutilem fore sanorum consiliorum operam confidimus, si quod æquitas & ratio suadet, justo animi vigore actum & tractatum fuerit, a Nobis quamquam nihil desideratum hætenus sit, quod sanandis vulneribus non adhibuimus, nihil tamen deinceps omittemus, dummodo oblationibus & consiliis bonus locus aliquis relinqui possit. Quibus Dilectionem Vestram divinæ protectioni ex animo commendamus. Dedimus Gotheburgi, die 28. Maji, Anno 1658.

Dilectionis Vestræ

*Bonus Consanguineus, Affinis &
Amicus*

CAROLUS GUSTAVUS.

Eduard. Ehrenstein.

CCC.

Litteræ OLIVERII CROMWELLII, Anglicanæ Reipublicæ Protectoris, ad FERDINANDUM II. Magnum Hetruria Ducem, quibus Classem Anglicam in conspectu Portus Liburnensis hostilem in modum habitam esse, graviter conqueritur, utque supplicio Præfæcti Liburnensis id jussu & voluntate sua haud factum esse ostendat, aut facti vindictam expectet, monet & minatur, 1658.

PARS II.

E

OLI-

OLIVERIUS, Protector Reipublicæ Angliæ &c. Serenissimo Principi FERDINANDO, Duci Magno
Hetruriæ.

Serenissime Dux Magne.

Cum Celsitudo Vestra in omnibus quidem literis suis summam erga Nos benevolentiam suam Nobis semper significaverit, dolemus id Præfectis Vestris ac ministris aut tam obscure significatum, aut tam male intellectum, ut in Portu Liburnensi, ubi maxime, quæ Vestra sit erga Nos benevolentia, intelligi oporteret, Nos nullum ejus fructum aut indicium percipere queamus; imo alienum potius, & hostilem Vestrorum in Nos animum indies experiamur. Quam enim non amicis Nostri classis Liburniensibus usa nuperrime sit, quam nullis adjuta rebus, quam hostiliter denique accepta bis ab illo oppido discedere coacta sit, cum ex eo ipso loco multis testibus fide dignis, tum ex ipso Navarcho Nostro, cui cum classem credamus, narrandi fidem derogare non possumus, satis videmur Nobis nimisque certo cognovisse. Priore ejus adventu Cal. Jan. post redditas Celsitudini Vestræ literas Nostras, vestraque omnia humanitatis officia Nostris hominibus ultro delata, petentibus ut portus Ferrarii commoditate uti liceret, responsum est, id concedi non posse, ne Rex Hispaniæ, scilicet Noster hostis, offenderetur. Et tamen quid est, quod Princeps Amicus amico præbere communius possit, quam littoris
ac

c portus aditum? quid est, quod Nos expectare
 b hujusmodi amicitia possimus, quæ hostium No-
 trorum animum ne offendat, incommodare No-
 bis quam commodare, aut vel minimis rebus sub-
 venire paratior sit? Et primo quidem ex singulis
 navibus duobus vel tribus nautis duntaxat excen-
 sus in terram, sive commercium (quam Vos pra-
 cticam vocatis) est datum: mox ut auditum est in
 oppido navem quandam Belgicam, quæ frumen-
 tum in Hispaniam portabat, a Nostreis esse inter-
 ceptam, quod erat antea commercii, statim adimi-
 tur; Longlandius, qui Nostreis illic mercatoribus
 præsidet, classem adire non permittitur; aquatio,
 quæ omnibus non plane hostibus libera est, non-
 nisi sub armatis custodibus, iniquo pretio, & qui-
 dem ægerrime, præbetur: tot Nostreis mercatori-
 bus, qui non sine maximo Vestrorum emolu-
 mento illic versantur, suos ne invisant populares,
 aut ulla re adjuvent, interdicitur. Posteriore
 ejus adventu sub exitum Mensis Martii, egressus ex
 navibus nemini datur: quinto post die, cum na-
 viculam quandam Neapolitanam prætoriam navis
 Nostra, in Nos forte incidentem, excepisset, du-
 centa plus minus tormenta ab oppido classem ver-
 sus dispenduntur, quorum nullum ictu Nos læsit,
 ne attingit quidem: quod argumento esse potest,
 quam longe hæc a portu atque castelli ditione in
 alto gererentur, quæ Vestros quasi portu violato sic
 sine causa irritarunt: confestim aquatorum No-
 strorum scaphæ intra portum oppugnantur, una
 capitur, detinetur, repositis neque scapham

neque homines redditum iri respondetur, nisi capta illa navis Neapolitana reddatur, quam constat libero mari captam, ubi capilicuit. Ita Nostri multis modis incommodati sine illo commeatu, quem numerata pecunia coemerant, abire denuo coguntur. Hæc si Celsitudinis Vestræ voluntate ac jussu, quod speramus, non sunt, petimus id ostendat Præfæcti illius supplicio, qui amicitias Domini sui violare tam facile in animum induxit: sin est, ut sciente ac volente Vestra Celsitudine commissa hæc sint, cogitet Nos, ut benevolentiam Vestram plurimi semper fecimus, ita apertas injurias a benevolentia dignoscere didicisse.

Vester,

*Westmonasterio ex Aula Nostra,
die — Maji, Anno Domini
1658.*

quo ad licet, bonus amicus

Oliverius, Protector Reipubl.
Angliæ &c.

CCCI.

Litera OLIVERII CROMWELLII, Protectoris Reipublicæ Angliæ, ad LUDOVICUM XIV. Gallie Regem, cui pro illustri ad se missa legatione & victoria nuper obtenta communicatione gratias agit maximas, ejusque rationes sibi constanter curæ fore, promittit, 1658.

OLI-

OLIVERIUS, Protector Reipublicæ Angliæ, Serenissimo, Potentissimoque Principi
LUDOVICO, Galliæ
Regi.

*Serenissime Potentissimeque Rex, Amice ac
Fæderate Augustissime.*

QUod tam celeriter illustri missa legatione Majestas Vestra meum officium cumulo rependit, cum singularem benignitatem animique magnitudinem testata est suam, tum meo etiam honori ac dignitati quantopere faveat, non mihi solum declaravit, verum etiam universo populo Anglicano: quo nomine Majestati Vestræ pro eo, ac de me merita est, gratias & ago & habeo maximas. De victoria, quam conjunctis Nostris copiis Deus contra hostes felicissimam dedit, Vobiscum una lætor; Nostrosque in eo prælio neque subsidiis Vestræ, neque majorum suorum bellicæ gloriæ neque suæ denique virtuti pristinæ defuisse, perquam etiam gratum est. De Dunkirka, quam deditiōi proximam Majestas Vestra sperare se scribit, eam nunc deditam tam cito posse me rescribere, insuper gaudeo: neque unius urbis jactura duplicem peritidiam Hispanum propediem esse luiturum spero; quod capta urbe altera effectum esse, velim Majestas etiam Vestra tam cito possit rescribere. Quod reliquum, pollicetur meas rationes curæ sibi fore, de eo Regi optimo atque amicissimo pollicenti, ejusque legato Excellentissimo atque Ornatisimo Viro Duci Crequienfi idem confirmanti, non diffido; Deumque Optimum Maxi-

mun Majestati Vestræ Reique Gallicæ domi bellique propitium exopto.

Majestatis Vestræ

Westmonasterio die —

Jun. Anno Domini

1658.

Studiofissimus

Oliverius, Protector Reipubl.
Angliæ &c.

CCCII.

Literæ OLIVERII CROMWELLII, Protectoris Reipublicæ Angliæ, ad CARDINALEM MAZARINUM, cui, quod Nepotem suum una cum illustri Regis legatione ad se miserit, cumulatissimas gratias agit, quantique eum faciat testatur, 1658.

OLIVERIUS, Protector Reipublicæ Angliæ &c. Eminentissimo Domino CARDINALI MAZARINO.

Eminentissime Domine.

Cum Regi Serenissimo per literas gratias agam, qui honoris & gratulationis reddendæ causa, suæque lætitiæ de nobilissima recenti victoria mecum communicandæ Legationem splendidissimam misit, ingratus tamen sim, nisi Eminentia quoque Vestræ debitas simul gratias per literas persolvam; quæ ad testandam suam erga me benevolentiam, mei que rebus omnibus, quibus potest

est

est ornandi studium, Nepotem suum præstantis-
simum atque ornatissimum adolescentem una
misit, & si quem haberet apud se propinquiorem,
aut quem pluris faceret, eum potissimum fuisse
missurum scribit: addita etiam ratione, quæ ab
iudicio tanti Viri profecta ad meam haud medio-
crem laudem atque ornamentum pertinere existi-
mo; nempeut, qui sanguine conjunctissimi sibi
sunt, in me honorando atque colendo Eminen-
tiam suam imitarentur. Et humanitatis quidem,
candoris, amicitiae Vestrum in me diligendo ex-
emplum haud postremum fortasse habuerint;
summæ Virtutis summæque prudentiæ alia in Vo-
bis longe clariora; quibus regna resque maxi-
mas summa cum gloria administrare discant. Quas
res uti possit Eminentia Vestra quam diutissime
quamque felicissime gerere ad totius Regni Galli-
ci, imo totius Reipublicæ Christianæ commune
bonum, Vestrumque proprium decus, non defu-
tura mea vota polliceor.

Eminentiae Vestrae

Westmonasterio, ex Aula

Nestra, die — Junii, An.

Domini 1658.

Studiosissimus

Oliverius, Protector Reipubl.

Angliæ &c.

CCCI.

Littera OLIVERII CROMWELLII, Pro-
tektoris Reipublicæ Angliæ, ad CAROLUM

E 4

GUSTA-

GUSTAVUM, Suecorum Regem, quibus ipsi sibi per improborum Civium suorum perfidiam fœdus cum eo inire non licere, se tamen omnibus, quibus posset, officiis illius rationibus non defecurum nuntiat, 1658.

OLIVERIUS, Protector Reipublicæ Angliæ &c. Serenissimo, Potentissimoque Principi, CAROLO GUSTAVO, Suecorum, Gothorum, Vandalorum-
que Regi &c.

*Serenissime Potentissimeque Rex, Amice ac
Fœderate Charissime.*

Quoties communium Religionis hostium importuna consilia, variasque artes intuemur, toties Nobiscum reputamus, quam necessarium Orbi Christiano, quamque salutare sit futurum, quo facilius adversariorum conatibus iri obviam possit, Protestantium Principes inter se & potissimum Majestatem Vestram cum Republica Nostra arctissimo fœdere conjungi. Id a Nobis quanto-
pere sit, quantoque studio expetitur, quam denique gratum Nobis accidisset; si Suecorum Nostræque res ea conditione ac loco fuissent, ut fœdus illud ex utriusque animi sententia sanciri, alterque alteri opportunissimo auxilio esse potuisset, Oratoribus Vestris, ex quo primum illi hoc apud Nos egerunt, testatum reddidimus: Neque vero illi suo muneri defuerunt; sed quam cæteris in rebus consueverunt, eandem hac quoque in parte
pru-

prudentiam ac diligentiam adhibuerunt. Verum ea Nos domi improborum Civium perfidia exerceuit, qui in fidem sæpius recepti, res novas tamen moliri, & cum exulibus, etiam cum hostibus Hispanis discussa jam sæpe & profligata consilia repetere non desinunt, ut in propulsandis periculis propriis occupati, neque curam omnem, neque integras opes, quod in votis erat, ad communem Religionis causam tuendam convertere hætenus potuerimus. Quod licuit tamen, quantumque in Nobis situm erat, & antea studiose præstitimus, & si quid in posterum Majestatis Vestræ rationibus conducere videbitur, id non velle solum, verum etiam summa ope Vobiscum una agere per occasiones non desistimus. Interea Majestatis Vestræ rebus prudentissime fortissimeque gestis gratulamur atque ex animo lætamur: Eundemque uti velit Deus felicitatis atque victoriæ cursum esse quam diuturnum ad sui nominis gloriam assiduis precibus exoptamus.

Majestatis Vestræ

Westmonasterio, ex Aula Nostra,

die — Jun. Anno Domini

1658:

Studiofissimus

Oliverius, Protector Reipubl.

Angliæ &c.

E 5

CCCIV.

CCCIV.

Litteræ DEPUTATORUM CAROLI GUSTAVI, Regis Suecõrum, nomine ad pacis tractatus in Oris borealibus reassumendos missorum, ad DEPUTATOS FRIDERICI WILHELMI, Electoris Brandenburgici, de quorum discessu, pacis conventioni remoram injiciente, graviter conqueruntur, 1658.

Illustrissimi, Generosi & Magnifici
Domini Legati.

INopinato nobis accidit audire præsternatum Excellentiarum & Dominationum Vestrarum discessum, & ex isto ereptam occasionem proponendi mandata Regia, quæ alio non tendunt, quam ut ad tractatus pro amicitia & pace præparetur via, ad istud negotium facilius ductura, si non effugitur. Relatum cum esset hesternò die per illustrissimam Legationem Brunsvico - Luneburgicam & Hassiacam Excellentias & Dominationes Vestras non a congressu & perceptione propositionis faciendæ, saltem ab illorum præsentia fuisse alienas, istorum desiderio, jam id sacra Regia Majestas Dominus noster Clementissimus indulserat, ut abessent, ideo iis remotis ad Excellentias & Dominationes Vestras hoc ipso mane venire nobis decretum erat. Quare autem sublato jam eo prætextu nihilominus recusare & destinatum colloquium evadere voluerunt, non liquet. Ut autem Sacra Regia Majestas nihilominus insistit proposito non abjiciendi curam pro pace & quiete publica; ita nec nostro deesse debujmus officio, transmittentes, quod

quod coram proponere & inſcriptis adhibere juſſi fuimus. Unde intelligent, quam nihil fiat, niſi quod neceſſarium & pro præſentibus rerum circumſtantiis conſuetum, quamque non ſalutaris intentionis turbatio, ſed proſecutio deſtinata ſit, ut non niſi per Excellentias & Dominationes Veſtras ſteterit, ſi quid ſecus eveniet. Relinquitur ipsis adhuc integrum redire, aut alium tractandi locum eligere, ſi placuerit. Quemadmodum autem Sacra Regia Majeſtas ea ſignificatione ſe ad tractatus adduci paſſa eſt, ſic poſt exhibita, quæ huic rei convenient mandata, intelligetur, penes Sacram Regiam Majeſt. nihil deſiderari poſſe, ut redintegretur, quæ adverſis Sux Elect. Serenitatis actibus ad hoſtilitatem uſque turbata & interrupta eſt amicitia. Quibus cum Excellentias & Dominationes Veſtras Divinæ protectioni committimus. Dedimus Flensburgi die 24. Junii 1658.

Excellentiis & Dominationibus
Veſtris

ad officia paratiſſimi

David Mevius Schweder.

Dietrich Kley.

Eduart Ehrenſtein.

CCCV.

Reſponſoria DEPUTATORUM BRANDENBURGICORUM ad proxime præcedentes SVECICORUM literas, 1658.

Gene

*Generosissimi, Magnifici ac Nobilissimi
Domini.*

Accepimus literas a Dominationibus Vestris ad nos die 24. Junii Flensburgi exaratas, & ut fateamur, quod res est, obstupuimus fere: Nempe post abitum in itinere compellari, præfestinati discessus argui, ac denique tot malorum culpam in nos demum rejici. Qui, si non rogati, saltem non contra vota Sux Regiæ Majestatis ab Electore Consanguineo ac Principe Imperii & vicino missi, admissi etiam sub initio a Regis Ministris usque ad Curiam ipsam; Post tanti tamen temporis moram, ne viso quidem Rege, tandem ut Domini sui honoris ac securitati suæ consulerent, se quasi vi compelli, ad discessum non obscura argumenta ex eo colligebant, quod Suam Serenitatem Electoralem hostem publicum indigitari viderent, ac id non solum ab inani plebis murmure, sed apertissimis literis Domini Comitis de Schlippenbach ad nos, prout adjectæ demonstrant, missis, perspectum haberent. Id demum est, quod nobis perquam grave accidit; Docebunt id literæ nostræ responsoriæ ad Dominum Comitem de Schlippenbach, quas cum ferme sub abitu adeoque tardiuscule redditas & cum Dominationes Vestræ suas scriberent, ne visas quidem certo statuamus, illud solum addimus, Nos, ex mente Sux Serenitatis Electoralis jussa ulteriora consecuti, non intermissuros, quin Generosis Dominationibus Vestris amplius & prout res exposulabit respondeamus. De cætero

tero Generosis Dominationibus Vestris nulla non prospera apprecantes divinæ tutelæ easdem recom-
mendamus. Dab. Rensburgi 25. Julii 1658.

Generosis Dominationibus Vestris

ad officia paratissimi

**Otto, Liber Baro à Schwerin.
D. Weimann.**

CCCVI.

*Litera recedentiales, a JOHANNE GEOR-
GIO II. Electore Saxonie, & tunc temporis
S. R. Imperii Vicario, Domino de Maseroles, ad
LUDOVICUM II. Principem Condeum red-
dita, 1658.*

P. P.

EXhibuit Nobis Dilectionis Vestræ Ablegatus,
Dominus de Maseroles literas, quas ad Nos de-
dit credentiales, simulque largissimum, quo se No-
bis addictam proficitur, affectum laudabili dexteri-
tate explicavit. Nos uti ad quævis Amicitiaæ ge-
nera erga Dilectionem Vestram semper propensi
fuimus; ita ampliorem eorum Domino Ablega-
to de hoc reddere volumus contestationem, qui eo
singulari desiderio ferimur, ut grata quæque Dile-
ctioni Vestræ ipso facto demonstrare poterimus,
de quibus plura prædictus Dominus Legatus fide-
liter referet; Nos vero Dilectionem Vestram hisce
divinæ protectioni commendamus. Dabantur
Francofurti ad Mœnium die 30. Julii 1658.

CCCVII.

CCCVII.

Litera OLIVERII CROMWELLII, Reipublicæ Angliæ Protectoris, ad ALPHONSUM VI. Lusitania Regem, quibus eum, ut Joanni Buffield, mercatori Londinensi, a Tamirensibus mercatoribus, debitoribus suis, variis artibus eluso, de jure melius administrando prospicere, aut totam actionem, ad judicium, Conservatoris, judicandis Anglorum causis in Lusitania constituti, rejicere dignetur, atque compellat, 1658.

OLIVERIUS, Protector Reipublicæ Angliæ &c. Serenissimo Principi, Lusitaniæ Regi.
S. P. D.

Serenissime Rex, Amice ac Fœderate,

Ostendit Nobis per libellum supplicem Joannes Buffield mercator Londinensis, se anno 1649. merces quasdam Antonio Joanni & Manueli Ferdinando, Castaneo Tamirensibus tradidisse, uti iis divenditis earum rationem mercatorum more sibi redderent: tum in Angliam dum navigaret, in piratas incidisse spoliatumque ab iis damnum haud mediocre accepisse: hoc audito, Antonium & Manuelem, eo quod hunc interfectum credebant, traditas sibi merces statim pro suis habuisse, adhuc etiam retinere, rationemque omnem de iis recusare, atque huic fraudi subsecutam paulo post anglicarum mercium proscriptionem obtendere; coactum se demum superiore anno hyeme media in Lusitaniam redire, sua repetere, sed frustra; hos enim neque bona, neque rationem ut red-

reddant, adduci posse; & quod mirum sane videatur, privatam illarum mercium possessionem proscriptioe publica defendere: cum videret, se hominem longinquum deteriore conditione cum Tamirensibus in sua patria contendere, ad Majestatem Vestram se confugisse; Conservatoris judicium, qui judicandis Anglorum causis constitutus est, supplicem poposcisse, a Majestate Vestra rursus ad forenses illam cognitionem, unde confugerat, rejectum esse. Quod etsi per se iniquum non est, tamen cum perspicuum sit, Tamirenses istos Vestro edicto publico ad suam privatam fraudem abuti, a Majestate Vestra majorem in modum petimus, ut causam hujus multis casibus afflicti, ad inopiamque redacti ad Conservatorem potius Judicem proprium velit pro sua clementia integrum remittere: quo possit inops fortunarum suarum quod superest, ab illorum hominum infida societate recuperare: id re cognita, quin Majestati Vestræ Nobiscum una maxime placeat, non dubitamus.

Majestatis Vestræ

Westmonasterio ex Aula Nostra,

die — Augusti, Anno

Domini 1658.

Studiofissimus

Oliverius, Protector

Reipubl. Angliæ &c.

CCCVIII.

Litteræ Intercessionales ab OLIVARIO CROMWELLIO, Anglicanæ Reipublicæ Protectore,

ad

ad LEOPOLDUM, Austria Archiducem, & sub Philippo IV. Hispaniarum Rege, Provinciarum in Belgio Præsidentem, pro Carolo Harbordo, Equite Anglicano, exarata, 1658.

Serenissimo Principi LEOPOLDO, Austria Archiduci, Provinciarum in Belgio, sub Philippo Hispaniarum Rege Præsidi.

Serenissime Domine,

CArolus Harbordus, Vir equestris apud Nos Ordinis, per libellum supplicem ad Nos detulit, se bona quædam & supellectilem cum ex Hollandia Brugas in ditionem Vestram asportasset, de iis, ne sibi per vim atque injuriam eripiantur, inopinato periclitari. Ea nempe cum a Comite Suffolchienti, pro quo se grandi ære alieno obstrinxerat, ex Anglia Anno 1643. missa ad se idcirco fuissent, ut haberet, quo sibi satisfacere, si quid pro illo dissolvere cogeretur, a Richardo Grenvillo, qui & ipse Equestris Ordinis esse fertur, occupari, & quo in loco custodiebantur, effractis foribus atque articulis possideri: hoc solo titulo, deberi sibi nescio quid a Theophilo Suffolchienti Comite defuncto, ex quodam Nostræ Curiae Cancellariæ decreto, eaque proinde bona quasi Theophili Comitissæ essent, eique decreto obnoxia, se referenda in Tabulas curasse: cum ex Nostris Legibus, neque ipse Comes, qui nunc est, & cujus hæc bona ejus sunt, eo decreto teneatur, neque bona ejus occupari aut retineri debeant: id quod ex sententia ejusdem Curiae, una cum hisce literis ad Vos missa, declaratur, quas quidem literas supradictas Carolus Har-

Harbordus a Nobis petit, uti per eas Celsitudinem Vestram rogatam vellemus, ut bona illa & retentione omni, & iniqua ista Richardi Grenvilli actione, primo quoque tempore liberentur: cum hoc contra morem jusque gentium plane sit, ut cuiquam in aliena ditione ea de re actio detur, quæ in ea regione, ubi causa actionis orta est, legitime dari non possit. Hanc causam, ut Celsitudini Vestræ commendarem, & ipsa Justitiæ ratio, & prædicata passim Vestræ æquanimitas permovit. Quod si quo tempore usus venerit, ut de jure aut commodis Vestrorum apud Nos agatur, haud remissa profecto Nostri studia, imo omni tempore propensissima experturos Vos esse polliceor.

Celsitudinis Vestræ

Westmonasterio die — Aug.

Anno 1658.

Studiosissimus

Oliverius Protector Reipubl.

Angliæ &c.

CCCIX.

Litera CAROLI GUSTAVI, Suecorum Regis, ad GENERALES FOEDERATI BELGII ORDINES, quibus ipsis causas belli denuo contra Danos moti breviter exponit, ac ab iis, num in constanti & proficuis tot annorum fœderibus communita amicitia secum perstare, aut hostium suorum partes consilio & ope sua roborare velint, categorice sibi responderi cupit.
1658.

PARS II.

F.

Non

Non dubitamus mirum Vobis videri, quod arma denuo in Daniam stringamus, ex quo non ita pridem pacem adepti forsan dixeritis. Sed cum de iustitia instituti Nostri certiores facti fueritis, intelligetis, nec superiori bello adhuc finem fuisse impositum, nec rebus sic constitutis potuisse Nos de pace securos esse. Bellum enim terminatum dici nequit, nisi adimpletis legibus, quarum prævia conditione pax intelligi debet reducta; quibus si Dani ea animi alacritate fuissent obsecuti, qua promptitudine eas polliceri non detrectarunt, novo in his oris strepitu haud fuisset opus; Sed cum experiremur præteritum tractatus apparatus alium in finem non fuisse expeditum, quam ut tunc cursui armorum nostrorum obice velut posito, injectisque verbalibus delinimentis tempus aucuparentur, ac postea probata animi nostri moderatione in temperandis pacis conditionibus, egressoque e Selandia exercitu Nostro, executionis perpetua in hunc diem tergiversatione, remora & contradictione nos regni Nostri securitate privarent, rejectos in superiorum temporum discrimen, si arma ad alios Nostros hostes, re hic infecta, convertissemus, utique necessitas Nobis est imposita ab iis Nobis cavendi, quibus facile semper ac promptum est, in nuda Imperii nostri viscera, eique adnexas provincias penetrandi. Cujusmodi quidem facinori sæpe obnoxii fuimus, verum tunc conspicuo plane exemplo, cum e Polonia superiori anno divertere cogeremur, non absque insigni periculi & damni nostri sensu. Longum foret ea omnia literis recensere, quæ Nobis hanc

hanc expeditionem causata sunt, alias animo constituentibus cæteris Nostreis hostibus in tempore obviam ire, qui ex tanta Danorum tergiversatione occasionem arripuerunt, potiores prærogativas prensare, & irreparabilia Nobis damna inferre. Exponet Vobis Minister noster apud Vos Residens Nobilis sincere nobis fidelis Haraldus Appelboom fufius, quæ in hanc rem sunt, ut, intellecto, quanta & tarditate & astutia Dani Nobiscum in omnibus fere punctis conservationem & securitatem Regni Nostri concernentibus egerint, alienum non iudicetis, si Nobis consulere nitamur, ne ad eundem plane scopulum rursus impingamus. Reputantibus vero Nobis, quæ res Danos tantopere moraretur, quo minus pacta conventa iuste exequerentur, cum viderent Nos & Copiarum Nostrarum in provincias nostras Germanicas educatione, partim nostro proprio versus fines cum robore exercitus abitu, non alia occurrit causa, nisi quod haud quamquam eo animo Danos animadverterimus, ut promissis stare cuperent, existimantes vel invitis necessitatem inevitabilem nobis imponi, negotio neutiquam confecto, hinc excedendi, tot scilicet aliis hostibus nos provocantibus. Quanto enim magis abitum paravimus, sperantes eo rem perductum iri, ut ultima manus executioni imponeretur, tanto minus negotium curæ cordive iis fuit, ad tres septimanas omnem cum Legatis nostris conferentiam abscondentes, & quidem, quæ semel tractata videri debebant, scripto reddere in hunc usque diem, quamquam instantè nostris & sæpe flagrantibus, differebant, nonnulla etiam revocare tentabant,

tabant, apertam sibi ubivis ad controversias & actionem tenentes viam & cum opportunum videretur, pacem rursus rumperent. Cæterum militem externum alere, eundemque novis supplementis locupletare pergebant, quod sicuti Daniæ hoc tempore nonnisi grave esse potest, ita de nihilo fuisse haud quisquam facile judicaverit, qui antea cta cum præsentibus componere didicit. Et quamvis eo relictam Daniam arbitraremur, ut omissis alienis sui rationem status in consilio potissimum haberet, compertum tamen est aures inimicorum Nostrorum Ministris tam in Dania quam extra eandem frequenter aperuisse, id quod haud minimam tergiversationis rationem nobis subjicit. Non tamen adeo miramur, si aperti & jurati Nostri hostes Daniam contra Nos instigent, id vero Nos magis afficit, quod vehementer jactet, brevi a Vobis contra nos conspicua auxilia subministratum iri: imo vero affirmant, Legatum vestrum Beuningium prolixissime hoc promississe & id egisse, ne tractatus Nos inter & Daniam omnibus numeris absolvatur. Novimus equidem aliunde, etiam dictum Legatum ea negotiatum esse, quæ amicitiae & fœderationi nostræ aliorumque Vestrorum Legatorum apud nos degentium contestationibus haudquaquam respondent, non tamen eo excurrere & prævalere animi ejus intemperantiam putavimus, ut ipsi integrum sit, tempestates magis exasperare quam sedare. Cum vero hætenus ea egerit dixeritque, quæ nec fœderis Nostri legibus consona sunt, nec conservatio nostri patitur, dicendumque sit, eundem haud postremam causam esse turbatæ
in

in septentrione tranquillitatis, verendum sane est, ne ad Vos jam reversus sinistre omnia interpretetur, dissidiaque potius, ut diu consuevit, excitare & alere, quam paci & bonæ inter amicos correspondentiæ operari conetur, Nos vero cum nihil antiquius aut potius ducamus, quam sinceram vobiscum colere amicitiam, valde abhorremus ab iis, qui discordiæ faces submittere quærunt, atque proinde non ea modo contribuimus semper animo & factis, quæ Vobis & Reipublicæ Vestræ grata, fœderibus vero mutuis commoda judicamus, sed etiam cum vestrorum quorundam Ministrorum operas eo collimare videremus, quomodo rebus hostium Nostrorum Vos miscerent, per ministrum nostrum amice requirendum putavimus, quid nobis omnino de instituto Vestro persuadendum esset; victurine sitis nobiscum, sicuti optamus & speramus, in constanti & infucata amicitia, tot annorum fœderibus, non sine præclaro utriusque partis fructu communita, an, uti dictus Legatus Beuningius spem hostibus Nostris subjecisse fertur, consilium & mentem, absque ulla a nobis data causâ mutaturi & hostium nostrorum partes consilio & ope Vestra roboraturi sitis? Nos certe ut talis Legati Vestri studii nec causam legitimam, nec fructum satis commodum inde venturum perspicimus, ita nec in animum inducere possumus, ut Vestro id jussu egerit, eoque magis fixum nobis est perseverare in illibata Vobiscum amicitia, eandemque sicuti in omnibus occurrentiis fecimus, comprobare certissimis candoris argumentis

parati sumus, si non displiceat Vobis paria Nobiscum, ut veros confœderatos decet, facere. Atque cum Nos non fugiat, posse subditis Vestris ex hoc cum Dania resuscitato bello suboriri aliquam suspicionem, quasi per illud commercia quidquam damni patientur, ad liberandum eos tali opinione ac pariter contestandum certitudinem amicitiae nostrae convenire censuimus, ut hisce Vos asscueremus, nihil incommodi, aut impedimenti ad libertatem navigationis aut commerciorum inde manaturum; quin potius conspicietis atque re ipsa experiemini, promptos nos fore, tam ad ea, quae ad dictae navigationis commerciorumque solitos successus provehendos servient, quam ad amicitiam mutuis beneficiis stabiliendam pertinere possit. Qua de re plura dedimus in mandatis supradicto Residenti nostro dicenda, cujus verbis tanquam Nobismet ipsis ut fidem habere ac talem Nobis reddere declarationem velitis, quae fœderum nostrorum tenori conformis sit, & Nos de Vestrae constantia amicitiae certos reddere queat, amice requirimus, commendantes Vos divinae protectioni cum voto prosperi Reipublicae Vestrae successus. Dedimus in Castris ad Hafniam, die 21. Aug. 1658.

Vester bonus Amicus & Fœderatus

Carolus Gustavus.

Eduard Ehrenstein.

CCCX.

CCCX.

Litteræ CAROLI GUSTAVI, Suecorum Regis, ad LUDOVICUM XIV. Galliarum Regem, cui causas, quæ sibi invito arma in Danos resumendi necessitatem imposuerint, recenset, eumque, ut porro se eo, quo solitus semper fuisset, favore prosequi non intermitteret, blande compellat, 1658.

P. P.

NON dubitamus mirari Majestatem Vestram, quid nos moverit ad arma in Daniam denuo stringendum, ex qua benignam pacem interpositione Majestatis Vestræ non ita pridem adepti forsân videmur. Proinde non alienum duximus Majestatem Vestram paucis saltem adductis informare, ut de justitia instituti Nostri certior facta intelligat, non novum Nos suscipere bellum, sed necessitate quadam cogi ad vetus continuandum, cum tot aliis distringamur, ut hocce si licuisset, libenter superfederimus. Bellum enim determinatum dici nequit, nisi adimpletis legibus, quarum prævia conditione pax reducta intelligi debet. Stipulati sunt ea Dani, mediante tractatu, quæ si tanta alacritate executi fuissent, qua sinceritate & facilitate videri voluerunt promississe, novo in his oris strepitu haud fuisset opus. Sed experti sumus omnem præteriti tractatus apparatus, alium in finem non fuisse institutum, quam ut tunc cursui armorum Nostrorum velut obice posito, injectisque verbalibus delinimentis tempus aucuparentur, ac postea executionis tergiversatione, remora, cunctatione & contradictione, Nos ea regni nostri se-

curitate privarent, ad quam bello & tractatu unice connitebamur. Factum enim est, ut exercitu nostro accincto ad discedendum ex Selandia mox traditio munitorum locorum in Dania dubia redderetur, nec secundum Instrumentum pacis præsidiiis Nostri imponendis patefacta fuissent, nisi in eo tunc statu fuisset, ut arma Nostra vim operi adjecissent, similiter quoque negati milites, qui in potestatem nostri redigi deberent, antequam Selandia excederemus. Ex quo vero Selandiam exercitu & copiis vacuum fecimus, sub prætextu fœderis nobiscum ineundi, libertatisque commerciorum omnem omnino pactorum vim aut elidere prorsus aut fodicare tentabant Dani, totumque negotium in eam lubricitatem redigere, ut in quo securitatis tantopere a Nobis desideratæ spem amplius collocaremus, nihil fere reliqui esset. Ex hisce talibus contraventionibus, nata Nobis est necessitas pertractatorum executionem fidelius urgendi; Atque ut ea Majestatem Vestram prorsus non fugiant, paucis quædam oculis ejusdem subjiciemus, quibus intelligi possit, quantum nobis ab isto tractatu polliceri liceret securitatis. Nam turbata est post confectam pacem non minus quam antea armis vindicata & asserta commerciorum & navigationis omnimoda libertas; Exacta a subditis Nostri vestigalia, causa sæpe inter Regna septentrionalia magnorum motuum, sed qui proximo tractatu finiti omnino videri debuerunt; rescissa a Scania Insula Wenum, ab Nidrosiensi Satrapia Præfectura Romsdalensis; Negata conjunctio

ctio classis ad arcendam secundum pactorum tenorem, violentiam a mari Baltico; impedita nobis per tractatum expresse attributa cum provinciis cessis regalia & jurisdictiones, qualibus usa est ante hac Dania Norwegiaque. Naves & bona ante clarigationem belli sive aperta Danorum vi, sive per suppositam alieni nominis practicam, erepta, & vigore pacis restituenda, partim in immensum protracta, partim adhuc retenta, militia tradi mox debita, nimis diu dilata, quamquam satis externi militis frequenter in Dania alebatur; Damni ex subrepta per piraticam Africa societate promanantis nulla, licet ejusdem restitutio pacta esset, reparatio; Quæque alia plura longum foret literis enumerare, quorum executionis laboribus non modo Nostri Commissarii, sed etiam Majestatis Vestrae Legatus tantum non fatigati sunt. Singula vero ita sunt comparata, ut nisi effectui jungantur, nulla nobis ab hac pace securitas expectanda veniat, ob quam tamen adipiscendam singulari moderatione usi sumus, in temperandis conditionibus pacis cum aliquas accipere nihil opus videretur. Talis quoque est conditio Regni nostri, ut nisi hic tuti fuerimus, haud quaquam integrum nobis sit, implicari longinquioribus bellis. Cognitum enim est, non modo superioris temporis exemplis, sed hoc recenti apprimè conspicuo, nulla re magis supplantari successus Suecorum, quam diversionibus qualibuscunque Daniae, cui facile ac promptum semper est, undiquaque propriis & alienis viribus inferiores Regni nostri recessus, Provinciasque ei-

dem annexas penetrandi, id quod non absque insigni periculi & impensarum sensu experti sumus, cum e Polonia in has oras superiori anno nos convertere coacti sumus: Speravimus equidem fore, ut quamvis Daniam satis pigram ad executionis negotium deprehenderemus, sui tamen Status rationem in consilio haberet, ac levata per executionis successum militia Nostra ex suis Provinciis, arctioris fœderis vinculo nobiscum coalesceret, quod nimium quantum circa tractatus Roskildienfes iteratis multoties contestationibus ambivit, verum comprobavit postea verbis exiguam fidem, maluitque non solum pacis leges susque deque habere, sed etiam antiquis insistere consiliis, quibus Nobis periculum perpetuum creatur, ac eorum præferre amicitiam, qui jam diu faces aliorum quieti & concordiz submittere consueverunt, ac illam ipsam Daniam tempestatibus hoc modo commiserunt. Hinc nihil impetratum, nisi tanquam ab invitis, ut reperta olim occasione rumpendi, prætextus velut coactis non deesset. Unde maximum Nobis oriturum discrimen conspiciabamur, foreque vidimus, ut si in eo statu relicto negotio, exercitum moveremus, in eundem rursus scopulum impingeremus, ac par rursus periculum cum superioribus subiremus. Nam ex quo inimici Nostrî cœperunt alibi prominere, tempus quoque agendi videretur Nos eo vocare, irritus fuit omnis, quamquam instantissimus, Commissariorum Nostrorum pro absolvendo & subscribendo tractatu conatus, admonitiones quoq; & literæ Nostræ propriæ

priæ in vanum fuere, judicantibus scilicet Danis necessitatem inevitabilem Nobis vel invitis injici tunc excedendi, re plane infecta: id quod maxime comprobarunt, cum copias nostras aut plane migrare jussimus, aut ipsimet cum exercitus robore versus fines properavimus, quanto enim magis abitum paravimus expectantes ultimam operi manum impositum iri, tanto minus ad perficiendum negotium inclinabant; imo semel tractata scripto reddere, partim in hunc diem differebant, partim revocare tentabant, interea frequenter miscere consilia cum inimicorum Nostrorum ministris Hafniæ & alibi existentibus, militemque externum non absque gravibus impensis alere, eundemque novis supplementis locupletare pergebat; quod certe de nihilo esse non potuit. Insigniter vero apparuit Danorum tergiversatio & cunctatio, cum Rex Hungariæ ad Imperiale fastigium surrexisse audiretur. Tunc vero ut intercalaretur tempus, missi sunt ad Nos internuncii excessum armorum Nostrorum, infecta omnino re persuasuri, ut interea Nostri Legati operi manum adhibaturi nihil agerent, ac tempus protraheretur, quo alibi pro Danis nonnihil fieret. In tanta ergo rerum lubricitate, animorum mutationibus, tractatus incertitudine, cunctationibus etiam quæ Nobis haud exiguum damnum apud alios nostros hostes accelerarunt, tergiversationibus & occultis cum inimicorum nostrorum Ministris collisionibus, utique non immerito Nostræ tam salutis quam securitatis prospiciendæ admonebamur,

mur, ne procul cum aliis implicati solitas Daniæ insidias experiremur. Testari sane possumus ante paucas septimanas, ne quidem in mentem nobis venisse hanc expeditionem, ac si dicendum quod res est, haud facile aliam invito magis animo inivimus. Ubi vero nihil certi vel stylo consignaretur, nec ad ullum exitum res pervenire posset, quin idem Nos semper maneret periculum, quod obruebat in Polonia constitutos; Majestati Vestræ judicandum relinquimus, an non ea securitas armis quærenda esset, quæ pacis legibus obtineri haudquaquam potuit. Nobis certe invitis huc adductis persuademus, Majestatem Vestram tam hisce literis quam ex Legato suo informatam instituto huic Nostro, utpote quod justitiæ juncta necessitas Nobis eligendum dictavit, pro mutua, quæ nobis cum Majestate Vestra intercedit necessitudine suffragaturam. Digna enim res est benigno favore, quæ sub pactorum religione impie defraudata conservationem & securitatem sui, non nisi justis armis, sortitur. Quibus Majestatem Vestram divinæ protectioni ex animo commendamus. Dedimus in Castris Ottersloff, ad Hafniam die 21. Augusti Anno 1658.

Majestatis Vestræ

*Bonus Frater, Consanguineus, Amicus
& Fœderatus*

CAROLUS GUSTAVUS.

Eduard Ehrenstein.
CCCXI.

CCCXI.

Litteræ RICHARDI CROMWELLII, Protectoris Reipublicæ Angliæ, ad LUDOVICUM XIV. Galliarum Regem, cui Oliverium, Parentem suum, diem extremum confecisse nuntiat, 1658.

Richardus, Protector Reipubl. Angliæ &c.
Serenissimo ac Potentissimo Principi, Ludovico, Galliarum Regi.

*Serenissime ac Potentissime Rex, Amice ac
Fœderate.*

Cum Serenissimus Pater meus gloriosæ memoriæ Oliverius Reipublicæ Angliæ Protector, omnipotente Deo sic volente, supremum jam diem tertio Septembris obierit, ego successor ejus in hoc Magistratu legitime declaratus, tametsi in summo mœrore ac luctu, non potui tamen, quin de re tanta primo quoque tempore Majestatem Vestram per literas certiorẽ facerem, quam & mei patris & hujus Reipublicæ amicissimam hoc Nuntio repentino haud lætaturam esse confido. Meum nunc est a Vestra Majestate petere, de me sic velit existimare, ut qui nihil deliberatius in animo habeam, quam societatem & amicitiam, quæ gloriosissimo meo parenti Vestra cum Majestate fuit, summa fide atque constantia colere; ejusque fœdera, consilia, rationes, Vobiscum institutas eodem studio ac benevolentia observare ratasque habere: legatum proinde apud Vos Nostrum eadem, qua prius voluntate præditum volo: quicquid is Nostro nomine Vobiscum egerit, ita accipere

pere velitis rogo, quasi a me ipso actum id esset. Vestrae denique Majestati comprecor fausta omnia. Westmonasterio ex Aula Nostra, die 5. Septembris, Anno Domini 1658.

CCCXII.

Litera CAROLI GUSTAVI, Suecorum Regis, ad GENERALES FOEDERATI BELGII ORDINES, a quibus, ne naves Belgicas breviora circa Croneburgum a se rentas fuisse agere ferant, omnia mutuae amicitiae officia in compensationem pollicitus obnixè contendit, 1658.

Nos Carolus Gustavus, Dei Gratia Suecorum, Gothorum, Vandalorumque Rex &c. Celsis & Præpotentibus bonis amicis & fœderatis uniti Belgii Ordinibus salutem & prosperos rerum successus.

Excelsi & Præpotentes boni Amici & Fœderati.

REdacta feliciter in potestatem Nostram arce Croneburgo, venit ad Nos Vester in Dania Residens nobilis Nobis sincere dilectus Le Mair, significans sibi propositum esse in Belgium ire ad capeffendum nova mandata post hanc rerum mutationem, flagitareque a Nobis literas Salvi-Passus, ad tanto securius iter suum ingrediendum. Nos annuentes quidem ipsius petitioni, non inviti tamen vidissemus, si hic suorum Principalium mandata voluisset expectare, ut sub ipsius in his locis.

ansione, si forte evenisset quicquam commerciorum Belgii Uniti a Ministris Nostreis, quod ea cognitione aut cura vel remedio dignum, ad manus fuisset, qui pro iis loqui & conferre posset. Spectaret enim hoc ad illibatum amicitie Nostre studium, cui operari, ut in superioribus Nostreis fusius Vobis exposuimus, nunquam desineremus, modo actionibus Danicis aut tum Nostrorum hostium nulla re in præjudicium Nostri immixti, tales nobis vires reddiderint, quales & vetus, & fructuosa inter Nostros amicitia & Rempublicam Vestram conjunctio are nos jubet; quod vero nonnullas naves Bellicas aliquantisper absque damno hic detinuerint, id non judicabitis aut interpretabimini seorsis. Solitum hoc est non modo omnibus gentibus, sed Vobis maxime circa tales actiones, atque etiam moram non Vestre solum naves, sed aliorumque populorum adeoque Nostræmet ipsæ substant, dum caluit, oppugnatio: quæ omnes occupata jam arce, suæ libertati redditæ ipsæ facile oratione excusationem adferent. Nobis itaque positum & fixum est eritque, sinceram cum vestra Republica colere amicitiam, si Vos quoque eadem bona correspondentia eandem fovere inter non habueritis, & quemadmodum Nobis constat, cordi maxime ac curæ Vobis esse nationis, & commerciorum libertatem, dabit certatim Vobiscum operam, ut perspicue ingatis, nec Vobis in provehendis eorundem subiectibus, nec aliis, quibuscunque in testificanda subditos Belgicos Regia benevolentia Nos
secun-

secundos esse velle, quibus Vos divinæ protectioni ex animo commendamus. Dedimus in Helsingör, 8. die Sept. 1658.

Vester bonus Amicus & Fæderatus

Signatum

CAROLUS GUSTAVUS.

Subsignatum

Eduard Ehrenstein.

CCCXIII.

Litteræ FRIDERICI WILHELMI, Electoris Brandenburgici, ad LUDOVICUM XIV. Gallie Regem, cui causas, quibus coactus ad arma contra Suecia Regem descenderit, explicat, 1658.

P. P.

Quam pro reducenda inter Serenissimos Sueciæ & Daniæ Reges pace & amicitia, Danicisque etiam in Sacro Romano Imperio sitis Provinciis, amissa quiete iterum reddenda, laboris atque curæ impensum fuerit, id Majestati Vestræ tanquam Mediatori primo, non potest non esse quam notissimum. Arbitrabantur cum Majestate Vestra, & ii qui præterea Mediatorum partes nunc subibant, alique omnes, facta hac pace, abunde satis provisum Serenissimo Regi Regnoque Sueciæ, & magnam non modo potentia ejus factam accessionem, sed & ita nunc contractam & in ordinem redactam Daniam esse, ut nemo facile,
ne-

um Sueci extimescere debeant laceri & a se ipsis
etuo obsessi regni iram. Præcipue cum Se-
ssimus Rex Daniæ, utut sibi Regnisque & Suc-
oribus suis admodum noxia, ad amussim ta-
i adimpleverit conclusa pacta, & præterea mul-
& magna alia ad libitum Suecorum & ad præ-
otam ab iis formulam coactus cesserit, ea spe
is, fore a Suecis non minus publice datam, &
is sponsoribus vallatam fidem servatam, sancta-
promissa Regis & Christiani adimpletum iri.
um uti plura alii, ita & optimus Rex populus-
sub fide & pace Suecica passi sunt. Non mi-
enim uti sæpius & nunc conquesti, composito
minus quam flagrante bello, exercitus Sueci-
Danim Holsatiamq; premebat, & ne rumpere
uando videri posset, nunquam servabat pacem
acta. Id vero persuaderi non potuisset futu-
, ad quod tamen delapsa Suecorum impietas
& ad quod sine dubio Vestra Majestas & omnes
istianæ Potestates Nobiscum obstupuerunt: Post-
m nempe a Danicis Ministris relatum est, in-
missimum Regem Daniæ, ejusque liberos, Re-
& Provincias, etiam in Imperio Romano si-
in libertatem, vitam atque fortunas innocentis-
orum, non audito hætenus inter Christianos
mplo, clancularie contra publicam fidem, con-
modo conclusam & a Danica parte impletam
em, contra decus & gloriam potentissimorum
diatorum, contra omnia denique divina hu-
aque jura certa & constituta die conjuratum,
ecuri & nihil tale metuentes, sub specie amici-
& fraternitatis, ad unum omnes aut mactaren-
PARS II. G tur,

tur, aut tantum Rege Regiaque prole Regnis Provinciisque etiam in Imperio Romano sitis, penitus exutis, Rex cum prole in captivitatem, Populus vero in perpetuam servitutem detruderetur. Et quod quoque conjuratio hæc destinata die ex occulto erupit, & non Zelandiam modo & in Regia sede Hafniæ Serenissimum Regem Daniæ, ipse Serenissimus Rex Sueciæ, hostiliter aggressus, sed & Sacri Romani Imperii Provincias & Feuda, Westphalica pace comprehensa, contra hanc & Sueco-Danicam Pacem vi publica ac armata manu per suos invaserit & expugnaverit, eaque & alia omnia plus quam hostilia usque dum continuet & paces publicas publice temeret. Quam perversam rerum faciem, dum penitus adspiciebamus, simulque cum cura rationem adhibebamus, quomodo in tanta fidei publicæ lubricitate, communi & Nostræ securitati consuli possit, tanta a Nobis observabantur momenta & pondera rerum, ut præsentissima perpetuaque pericula omnibus vicinis & nobis imprimis imminere deprehenderemus, nisi eadem in tempore, justis consiliis, bono cum Deo averti, ambitioni, quæ hætenus libere & absque ulla fere oppositione vicinorum capitibus ac fortunis, pro animi libidine insultavit, termini poni, ante omnia vero Regnum Daniæ ab justissima hac oppressione vindicari, eique & vicinis tandem pax & quies restitui possit. Cumque hætenus tantum abfuerit, ut apud Serenissimum Regem Sueciæ, pais consilia, licet omnibus modis & viis tentata locum invenerint, ut potius semper & tum maxime, cum aliis studium quietis perluadere conatus,

ca-

eadem elula sint; Præterea Nos indigne admodum & hostiliter præter meritum tractaverit, & nunc pacem quoque Danicam tam sancte, tamque solenniter modo factam ruperit, adeoque nulla compositionis & sinceræ pacis ordinaria supersit spes. Non potuimus diutius deesse causæ communi & Nostræ & quasi Nos ipsos in culpa constituere, ut superatis subjugatisque vicinis, denique & Nos gratis devoremur. Ideoque ad alias non minus præclaras & justas actiones Dei omniumque gentium jure Nos accingere coacti fuimus. Et quoniam Vestræ quoque Majestatis gloriæ & Regiæ dignitatis maximopere interest, sanctæ & inviolabiliter servari, quæ quasi fidejussore publice acta & conclusa sunt, interque Vestram Majestatem & Nos infucata hæctenus amicitia culta sit, & fœdere insuper mutuo juncti adhuc teneamur. Nostorum partium existimavimus, Vestræ Majestati paucis, & in summa tantum, quatenus epistolæ lex permittit, exponere causas, quæ expresserint Nobis susceptæ defensionis expeditionem. Desertos & derelictos Nos in Borussia & Polonia a Serenissimo Rege Sueciæ, contra pacta, fœdera & promissa hostium tunc temporis arbitrio expositos, uti orbis ita & Vestra Majestas novit; Novit præterea, Nos nihilominus amicitia & pacis studia coluisse, hostilitates stituisse, pacis negotium cum Polonia urfisse, conditiones æquas obtulisse, denique Legatos Nostros pro pace promovenda misisse, sed omnia frustra: Legatos Nostros Regio quidem nomine exceptos, sed in Nostri opprobrium, more novo & insolito cum iis actum, audientiam denegatam,

tam, Nosque hostes absque ulla exceptione adeoque indefinite declaratos & proclamatos. Cum Serenissimo Rege Daniæ Serenissimus Rex Sueciæ pacem fecit, satisfactionem conventam accepit, acquisitarum Provinciarum titulos acquisivit, iis denique usus, publicumque se ejus amicum & fœderatum professus. Eandem satisfactionem retinuit, pacta non implevit, & facta prius conjuratione, pacem rupit, fregitque, præter spem vero, maxime sub specie amicitiae nihil tale cogitantes trucidari, captivosque duci fecit. Quemadmodum itaque commune societatis & Christianitatis vinculum, ad juste oppressorum vindicandam & defendendam salutem omnes & singulos incitat cogitque; Nec dubitemus, quin hoc tam solenniter conjuratum pacifragium excitaturum sit optimos quosque Reges & Principes & imprimis Vestram quoque Majestatem; Ita Nos plures majoresque ad præsens negotium, citant urgentque causæ. Præterquam enim quod constans & sincera amicitia inter Serenissimos Reges Daniæ & nostram Domum Electoralem continua serie intercesserit, & utraque Domus arctiori Consanguinitatis & conjunctionis jure cohæreat, Serenissimus Rex Daniæ, ut & Status Provinciales Terræ Holsatiæ insuper per omnia jura & sacre defensionis auxilia, in hisce suis angustiis & injustissima oppressione a Nobis petierunt & flagitaverunt. Denique quod Holsatiam spectat, etiam non rogatos & monitos paratos esse jubet, Westphalica Sacri Romani Imperii Pax, & aliæ Germaniæ Constitutiones, contra quas Holsatia, Imperii Provincia turbatur, premitur, vastatur

& conjurata injustissimæque vi oppugnatur.
 ique magnæ harum terrarum partis successio,
 Majoribus ita Nobis, Posterisque Nostreis de-
 ata & quæsitæ. Quam, si quantum in Nobis
 vel Nobis ipsis vel etiam Sacro Romano Impe-
 cius non postremum membrum sumus, in-
 erti, & ab eo abscindi pateremur, nec omnes
 bras vires contra intenderemus, in Nos & po-
 os Nostros essemus injurii, a Sacro Romano
 erio vero neglecti officii accusaremur, nec fa-
 mus, quod Electorem & Principem Germanum
 patria sua deceret. Itaque cum nulla nisi in
 is spes, defensionem adornavimus contra eum,
 se sponte sua hostem Nobis declaravit, Nobis
 Provinciis Nostreis oblata occasione inhiat, qui
 era & pacta sancte iniit, sed fœderatos & socios
 tra omne fas deseruit, hostibusque exposuit,
 pacem solenniter fecit, & maximum ex ea lu-
 m̄cepit, sed retento lucro, pacem temere fre-
 qui fidem dedit, sed & publice temeravit, &
 nos Christianos Reges & Principes injustissi-
 opprimit, qui nullo modo pacem vult, qui o-
 ium bellorum & turbarum inter Christianos fax
 uba, omniumque Christianorum ideo indigna-
 nem promeruit. Hæc arma itaque uti a Nobis
 iusta & necessaria causa, nec in eum finem, ut
 lem manumque promovere & aliena apprehen-
 e velimus, suscepta sint, sed eo directæ, ut tan-
 a injuste oppressi liberentur, turbata vero, amis-
 ue pax & tranquillitas pristino suo nitore red-
 ur & restituatur: Adeoque Serenissimus Rex
 ciæ ad eandem promovendam & accelerandam

eo magis magisque disponatur, ita pietati, amori, fidei & justitiæ huic faventem Deum Ter Optimum Maximum, faventes omnes & singulos Christianos Reges, Principes & Respublicas, faventem denique quoque Vestram imprimis Majestatem, quæ hæreditario & proprio jure Christianissima non minus quam justa audit, speramus & certo seridque credimus, imo confidimus Vestram Majestatem eo simul laboraturam, ne totus negotiantium orbis, occupato Baltici maris absoluto dominio, Suecorum Vectigalis & Tributarius perpetuo omnium Regnorum damno & periculo efficiatur. Hisce Vestram Majestatem Divinæ protectioni commendantes, eidem prosperrimos successus aprecamur. Dedimus in Arce Nostra Coloniz ad Spream, die 17. Sept. Anno 1658.

CCCXIV.

Litera RICHARDI CROMWELLII, Protectoris Reipublicæ Angliæ, ad CARDINALEM JULIUM MAZARINUM, cui Oliverium, Parentem suum, vita defunctum esse significat, 1658.

Eminentissimo Domino, Cardinali
Mazarino.

Eminentissime Domine.

Quanquam nihil mihi acerbius accidere potuit, quam de Serenissimi & præclarissimi patris mei obitu scribere, tamen cum sciam, quanti ille fecerit Eminentiam Vestram, quanti Vos illum,
neque

neque dubitem, quin Eminentia Vestra, cui summa rei Gallicæ commissa est, amici ac fœderati tam constantis tamque conjuncti mortem molestissime latura sit, permagni refectre arbitratus sum, ut eam quoque simul cum Rege, de hoc casu gravissimo per literas monerem, Vobisque etiam, quoniam id æquum est, confirmarem, me ea omnia sanctissime præstiturum, ad quæ præstanda Vobis, rataque habenda serenissimæ memoriæ pater meus fœdere tenebatur: perficiamque, ut illum, utpote Vobis amicissimum omnique laude florentem, cum amissum meritoque doletis, quem minime tamen, quod ad servandam societatis fidem attinet, desideratis: cui etiam ad utriusque gentis commune bonum Vestra quoque ex parte servandæ Deus, Eminentiam Vestram quam diutissime conservet. Westmonasterio, die — Septemb. 1658.

CCCXV.

Litteræ RICHARDI CROMWELLII, Protectoris Reipublicæ Angliæ, ad CAROLUM GUSTAVUM, Suecorum Regem, quibus ipsi, se omnia, quæ tam e Suecia quam Angliæ rebus fore judicaret, omni, quæ per temporum injurias liceret, promptitudine effecturum spondet, 1658.

Richardus, Protector Reipubl. Angliæ &c.
Serenissimo ac Potentissimo Principi, Carolo Gustavo, Suecorum, Gothorum, Vandalorum-
que Regi.

*Serenissime. Potentissimæque Rex, Amice ac
Fœderate.*

Cum videar mihi paternam virtutem vix satis posse imitari, nisi easdem quoque amicitias colam & retinere cupiam, quas ipse & virtute sibi quæsit, & sibi esse maxime colendas ac retinendas judicio singulari duxit, non est quod dubitet Majestas Vestra, quin eodem se prosequi studio ac benevolentia debeam, qua pater meus memoriæ Serenissimæ est prosecutus. Tamen igitur in hoc Magistratus ac dignitatis initio non eo loco res Nostras reperiam, ut in præsentia possim ad quædam capita respondere, quæ Oratores Vestri in medium protulerunt, tamen & institutum a patre fœdus cum Majestate Vestra continuare & artius etiam conjungere mihi quidem magnopere placet: rerumque utrinque statum, simul ac plenius intellexero, ad ea transigenda, quæ cum utriusque Reipubl. commodis potissimum conjuncta esse videbuntur, ero equidem semper, ad me quod attinet, promptissimus. Deus interim Majestatem Vestram ad gloriam suam & Orthodoxæ Ecclesiæ tutelam atque præsidium quam diutissime conservet. Westminsterio ex Aula Nostra, die — Octobr. 1658.

CCCXVI.

Litera RICHARDI CROMWELLII, Protectoris Reipublicæ Angliæ, ad CAROLUM GUSTAVUM, Sueciæ Regem, cui se nunquam fœderi paterno cum ipso percussæ, quantum in se esset,

esset, defuturum promittit, classemque Anglicanam, mare Balticum versus vela dedisse refert, 1658.

Richardus, Protector Reipubl. Angliæ &c.
Serenissimo, Potentissimoque Principi, Carolo Gustavo, Suecorum, Gothorum, Vandalorumque Regi, Magno Principi Finlandiæ, Duci Scaniæ, Esthoniæ, Careliæ, Bremæ, Verdæ, Stetini, Pomeraniæ, Cassubiæ & Vandalæ, Principi Rugiæ, Domino Ingridæ, & Wismariæ; nec non Comiti Palatino Rheni, Baviaræ, Juliaci, Cliviæ & Montium Duci.

Serenissime, Potentissime Rex, Amice ac Fæderate.

Binas accepi a Majestate Vestra literas; alteras per Nuntium suum, alteras a Legato Nostro Domino Philippo Meadow ad me transmissas. Ex quibus non solum dolorem suum de obitu Patris mei Serenissimi veris animi sensibus expressum, deque ipso Majestas Vestra quam præclare senserit, verum etiam de me quoque in ejus locum suffecto quantam spem ceperit, cognovi. Et ad paternæ laudis cumulum nihil posthac amplius aut illustrius tanto autore accedere potest, meis certe in capeßenda Republica auspiciis nihil felicius tanto gratulatore, ad virtutes denique patrias tanquam hæreditatem optimam adeundas nihil quod accendat vehementius tanto hortatore potuit accidere. Ad rationes Majestatis Vestræ de communi Protestantium causa Nobiscum initas quod spectat, sic velim existimet,

stimer, me quidem ex quo ad hæc gubernacula accessi, quanquam eo loco res Nostræ sunt, ut summam diligentiam, curam, vigilantiam domi. potissimum requirant, nihil tamen antiquius aut deliberatius habuisse aut habere, quam paterno fœderi cum Majestate Vestra percusso, quantum in me erit non deesse. Classem itaque in mare Balticum mittendam cum iis mandatis curavi, quæ Internuncius Noster, quem ad hoc totum negotium amplissime instruximus, Majestati Vestræ communicabit. Quam Deus Opt. Max. incolumem prosperisque rerum successibus fortunatissimam ad orthodoxam fidem tutandam diutissime conserve. Westmonasterio ex Aula Nostra, die 13. Octob. 1658.

CCCXVII.

Litera RICHARDI CROMWELLII, Protectoris Reipublicæ Angliæ, ad CAROLUM GUSTAVUM, Suecorum Regem, quibus ipsi Georgium Aiscoun, Equitem auratum, Suecicæ militia auspiciâ sequi flagrantem, studiose commendat, & illi fidem habere cupit, 1658.

Richardus, Protector Reipublicæ Angliæ,
Serenissimo & Potentissimo Principi, Carolo Gustavo, Suecorum, Gothorum Vandalorumque
Regi &c.

*Serenissime Potentissimeque Rex, Amice ac
Fœderate Augustissime.*

Mitto ad Majestatem Vestram, quo nihil dignius aut præstantius possum mittere, virum vere
egre-

egregium, vereque nobilem Georgium Aiscoum, Equitem auratum, non solum belli & navalis præsertim scientia multis ex rebus fortiter gestis cognitum jam sæpe atque spectatum, verum etiam probitate, modestia, ingenio, doctrina præditum, moribus suavissimis nemini non charum, & quod nunc caput rei est, sub signis Majestatis Vestræ virtute bellica toto orbe terrarum florentissimæ jam diu mereri cupientem. Velimque sic habeat Majestas Vestra, quicquid huic Viro muneris commiserit, in quo fides, fortitudo, experientia constare, vel etiam prælucere possit, neque fideliori neque fortiori, nec facile peritiori posse se quicquam committere. Quæ autem ego illi negotia dederò communicanda Vestræ Majestati, in iis expeditum aditum, aurem benignam velit rogo præbere, eamque fidem, quam Nobismet ipsis coram fuisset habitura, eum denique honorem, quem tali Viro & suis meritis & Nostra commendatione ornatissimo convenire judicaverit. Deus res Vestras ad gloriam suam & Orthodoxæ Ecclesiæ præsidium felici exitu fortunet. Westmonasterio ex Aula Nostra, die — Octobr. 1658.

CCCXVIII.

Litteræ FRIDERICI WILHELMI, Electoris Brandenburgici, ad RICHARDUM CROMWELLIUM, Reipublicæ Anglicanæ Protectorem, quibus vehementer in Suecos invehitur, ipsum, ne destinatas Sueciæ Regi suppetias submittat, sollicitè hortatur, 1658.

P. P.

Postquam in ea incidimus tempora, quibus Evangelicorum res in his oris & sacræ & profanæ omnes nonnisi per Evangelicos turbentur, & tantum non evertantur, de tantorum malorum remediis cogitantes non potuimus non oculos in Celsitudinem Vestram conjicere. Quo animo ega Evangelium professos atque inter eos & nos esset, per Ablegatum suum (Waveson) Dominus Oliverius, Angliæ, Scotiæ & Hybernæ Protector Celsitud. Vestr. parens nunc pie defunctus Nobis exposuit, & eandem quoque mentem, eidem esse non dubitamus. Hoc confidentius ergo in his publicis malis tam per Ablegatum nostrum, quem ad Celsitudinem Vestram destinavimus, tum per hasce nostras, ne aliqua ejusdem mora Reipublicæ nocumento sit, cum Celsitud. Vestr. agendum, mentemque nostram exponendum censuimus. Novit autem Celsitud. Vestra Regem Sueciæ hodiernum, ante tres annos inchoatum bellum Poloniæ, interque alios prætextus hoc objecto, ut rem Evangelii inibi promoveret, hoc autem revera successu, ut aliquot centena templa in cineres redacta, infinitæ Protestantium familiæ internecioni datæ, cæcusque quamplurimi dispersi deletique, divinam vero & Catholicam veritatem professi, omnium odio expositi fuerint, ita ut post hominum memoriam in terris istis nunquam majori clade res Evangelicæ affectæ, nunquam pejore loco, nunquam Evangelici sub Catholicorum regimine tam dura passi fuerint, quam sub isto Evangelicorum scili-

scilicet Patrono experti sunt. Nec intra fines Poloniæ hoc malum stetit, involvit eidem idem Rex (præter alios) & Transilvaniæ Ducem atque in eam conjecit fortunam Principem pro Evangelica veritate patientem, ut ipse de terris amplissimis, & subditi de bonorum maximo, conscientiæ videlicet libertate, etiamnum periclitentur, sed ut eo clarius pateretur, non cœlum, sed mundum & per maris dominium terras quoque hic peti, prædictus Rex contra fidem datam & pacem autoritate, studio & officiis Celsitudinis Vestræ parentis procuratam initamque, nulla clarigatione prævia, alias etiam ethnicis solenni, Regem Daniæ denuo adortus est, Princeps (scilicet) Evangelicus Evangelicum, alienissimo tempore, omnibus spoliatum præsidii ex improvviso, ac nihil tale (pace tam recenter, tanto amicorum studio, tot damnis procurata) vel somniantem. Dedit quoque ejus rei illustre, sed triste omnibus bonis, documentum Curlandiæ Dux, est ille Lutheranus, ejus scilicet confessionis, quam Rex Sueciæ præfert, & quam unicam in Regno suo se toleraturum in solemnibus sacro juravit, & tamen per insidias post tot beneficia in Suecos collata, ut inde Domino suo Regi Poloniæ suspectus esset, post pactam medii seu neutralis conditionem, cum Serenissima uxore liberisque septem, in audito exemplo, domo ejicitur, atque Rigam captivus abducitur. Cæterum quemadmodum in sacris consensus efficere non potest, ut suis parcat, quando terras & emolumenta ipsorum, sibi opportuna autumat; ita & Evangelicis, reformatisque, etiam in credendis & cœlestibus legem

gem præscribit vimque conscientię ipsorum ille, quo adversus eos utitur, zelus animusque impellunt: perhibet hujus rei testimonium Elbinga locupletissimum, quo eo libentius utimur, quo magis id in Anglia notum esse potest: Gaudebant inibi reformati, sub Rege Catholico (Polono) communi cum aliis Evangelicis & concordi religionis exercitio. Nam inspector Lutheranus Tortor scilicet conscientiarum sibi constitutus, cui qui ministri verbi divini deinceps esse voluerint confessionem suam probare & in sacris parere, plane novo exemplo necesse habent, crepto pariter Magistratui politico uti maximam partem reformatorum jure, quod ipsi in talibus & præcipue in constituendis verbi divini ministris competebat. Communia sacra ad ritum reformatorum non nisi inclytæ Anglicæ Nationi ad preces Legati Anglici tantum in ædibus privatis indulta est, & de cætero tantus est adversus reliquos Reformatos fervor, ut Psalmi Davidici per multos annos in Ecclesiis inibi cantati, quique omnibus Christianis communes esse, eisque commendari debebant, e templis plane eliminati, ut cum injuria hominum, illa quoque Dei conjuncta sit. His itaque probe consideratis, non possumus animum inducere, ut credamus fore, quod Celsitudo Vestra, quemadmodum Sueci jactant, iis suppetias ferat, eorumque juvet conatus, qui ubique vi, tantaque injustitia grassantur, atque suas aliasque opes in Ecclesiæ opprobrium damnumque irreparabile, tum ad turbandam ubique pacem publicam convertunt. Utuntur equidem illi, uti accepimus, insensissimi Religio-

ligionis hostes, adhuc Religionis obrutu, & cum Catholicis iisque Austriacis rem Nobis esse, illosque portubus ad mare Balticum inhiare, invidiose spargunt; Nos vero traducunt, quod contra Evangelicos utrosque stemus; Et si Cæs. Majest. non admittit, sed missis copiis prohibet, ne Sueci Holsatiam Imperii Romani Germanici indubiam partem, Regi Danicæ & sibi, uti supremo Domino, eripiant, an non in eo facit, quod pio, quod Christiano Principe dignum? quæ si omitteret, ac partes suas desereret, nonne officio a Deo sibi commissio deesset? In eo dum eidem assistimus, membrum scilicet capiti, pro alterius membri defensione, an alia, quam debitam & non (nisi cum desertæ patriæ nota) omittendam præstamus operam? nullæ certe aliæ hic sunt Austriacorum, nullæ unquam nostræ nec partes nec intentiones: Et si forte aliis cum Regnis, Statibus aut Rebuspublicis lis quædam Austriacis intercedit, illa certe cum hoc negotio nihil commune habet, nec Imperium Romanum, ejusve caput spectat, nec ab aliis impedimenta his tam piis tam honestis & necessariis objici conatibus æquum fuerit; Portus autem tantum abest, ut Sacra Cæsarea Majestas cuiquam eripere velit, ut ne latum unguem ex his locis sibi vendicet, misit copias suas, ut veris Dominis sua restituant, non ut detrahant quicquam, nec bonorum vel commodorum argumento est Insula Alsenia, quæ non tam cito erepta fuit Suecis, quam verus ejus Dominus Rex Danicæ ad ejus defensionem invitatus, ut nullis quam Danicis præsidiiis, quæ inibi sunt munimenta & portus,

tus, nulli forte ex iis, qui ad mare Balticum sunt, commoditate secundi, custodirentur. Et quid ista verborum opus est extensione! Rem spectemus; Restituat Rex Sueciæ aliis vi & injuria extorta, sarciat Nobis aliisque, quæ fecit damna, caveat, neminem se deinceps invasurum, quomodo Polonos, Danos, Curlandum nuper invasit, & cavebimus vicissim, nusquam nec in alieno sive patienti campo sive portu alienum compariturum militem, sive Cæsareus is, sive sociorum fuerit: Nec commerciorum difficultas aut jactura metuenda est a partibus hisce; Nostra cumprimis interest, ut libera ista sint, & incrementa capiant, nec videmus, qua via id obtineri possit expeditiori, nisi omnia in eum reducantur statum, quo ante omnes fuerunt Danicas turbas, id quod unice elaborabimus. Nobis vero fœdera cum Catholicis, qua fronte objecerint Sueci, qui una cum Gallia sæpius pepigerunt, nisi nos hæreticæ pravitatis (quam averfantur) reos proclamare velint; Et quid quæso Evangelii habent isti, qui dum Catholicorum purgatorium (quod nemini non durum per Dei gratiam novimus) impugnant, in ipsam interim Ecclesiam non nisi Ecclesiæ membris exitiabilem invehunt injustitiæ immanis & cyclopicæ feritatis sentinam, quid quæso Evangelii habent, qui ferro, igneque Poloniam, Daniam & non contemnendam Germaniæ partem devastarunt ac everterunt? qui dum Catholicos bona opera in via salutis requirantes condemnant, ita vivunt, ita agunt, quasi non nisi peccatis vitiisque horrendis, cœlum parari possit & æterna gloria? quid dignum habent Christiano

stiano nomine isti, qui efficiunt, ut gentiles fidei tam retinentes & nunc & olim non absque magno Christiani nominis dedecore & opprobrio perfidiam non nisi Christianorum esse jactent? igitur quod restat Celsitudinem Vestram per Dei gloriam, Ecclesiæ salutem, Justitiæ amorem & communia rogamus atque obtestamur sacra, ut si a Rege Sueciæ ad suppetias sollicitetur ferendas, actiones ipsius introspicere & sanctissimorum illorum, quæ diximus, nominum rationem habere & oppressis potius quam oppressoribus adesse velit: quo quemadmodum divino Numini nihil gratius fieri potest, ita nulla re magis Celsitudo Vestra nos, omnesque & Ecclesiam & publica decora amantes obstringet, quam de cætero divinæ protectioni commendamus. Dabantur Ripis Cymbrorum 28. Dec. 1658.

Fridericus Wilhelmus Elector.

CCCXIX.

Litteræ tuti & salvi commeatus a JOHANNES CASIMIRO, Poloniæ Rege, SVECICIS CONSILIARIIS, ad Pacis tractatus in Borussia inchoandos deputatis, transmissæ, 1659.

NOs Johannes Casimirus, Dei gratia Rex Poloniæ, Magnus Dux Lithuaniæ, &c. &c. &c. significamus universis & singulis, quorum interest, & qui nostras has literas visuri vel audituri sunt. Quod cum ad tractatus instituendos de præsentis hoc bello convenienter sopiendo, deque pace perpetua facienda inter Nos & Regnum Poloniæ & Magnum Ducatum Lithuaniæ, nec non Confœderatos Nostros ab una, & Serenissimum Principem,

PARS II.

H

pem,

pem, Fratrem, Consanguineum & vicinum Nostrum, Dominum Carolum Gustavum, Suecorum, Gothorum Vandalorumque Regem, Magnum Principem Finlandiæ &c. &c. &c. Ejusque Confederatos ab altera parte, modus atque via iniri cœperit, & in eum finem utrinque convenerit, ut dicti tractatus pacis primo quoque tempore in Borussia per utriusque partis Commissarios inchoarentur; Nos vero intelleximus, ad hosce tractatus deputatos esse præacti Regis atque Regni Sueciæ Commissarios, illustrissimos, illustres, magnificos & Generosos, Magnum Gabrielem de la Gardie, Comitem in Leckoo & Arensburg, Liberum Baronem in Eckholmen, Dominum in Absaal, Magnushoff & Hogendorp, Sux Serenitatis Regniue Sueciæ Senatorem & Thesaurarium & Locumtenentem per Esthoniâ, Livoniâ & Ingriâ militiæ Generalem, Judicem Provincialem, Vestrogothiæ & Daliæ, nec non Academiæ Upsaliensis Cancellarium. Et Benedictum Oxenstirna, Comitem in Korsholm & Wasa, lib. Baronem in Morebii & Lindholmen, Dominum in Coporio & Roffersborg, Sux Serenitatis, Regniue Sueciæ Senatorem, Cancellariæ Consiliarium & Christophorum Carolum Schlippenbach, Comitem in Schovede, Lib. Baronem in Liufaba, Dominum in Salinga, Sux Serenitatis Regniue Sueciæ Senatorem, & Consilii bellici Præsidentem. Nec non Andreâ Gyldenklau Regiminis & Consilii Status ac supremæ curiæ justitiæ in Pomerania Præsidentem, hæreditarium in Schonela, Ekebi, Hilinga & Huldestadt. Idcirco ut dicti hi Commissarii, cum omni suo

suo comitatu, ministris, famulis, scripturis, scriniis, equis, curribus, omnique eorum suppellectili, quo nomine veniat, in Prussiam tuto eant ac veniant, secure ibi degant ac subsistant, & suo tempore inde, etiamsi tractatus prospero eventu catuerint, sine ullo impedimento & infestatione redeant. Nos proinde verbo veritatis, honore Nostro Regio & fide Christiana promittimus, nihil illis, eorumque Comitatu, vel quoad personas, vel quoad res, ad eos spectantes, hostilitatis, periculi & discriminis, aut in itinere terrestri vel maritimo, sive e Pomerania sive e Livonia in Borussia aut in subsistentia inibi, aut abitu inde, illatum iri, quin potius praesentibus literis Nostreis cavemus, ut ab omni Nostriatum insultu hostili atque insidiis undequaque liberi atque tuti praestentur, prospecturi illis ad terrestre in Borussia, vel inde iter, cum postulatum fuerit, pro majori eorum securitate, praesidiario nostro milite & cohortibus illuc atque inde eos deducturis. Praeterea quod loca tractatum & commorationum in Borussia Brunsbergam & Frauenburgum, vel alia pro his, ex mutuo consensu praesentium designanda, quae praesidio partium evacuanda, atque adjacentes hisce terrae & loca intra distantiam in tractatu praeliminari decernenda, vel spatia extra hostilitatem omnem ponenda ac constituenda sunt, concernit; cavemus & promittimus hisce literis nostris, quod toto illo tempore, quo duraverint Tractatus, vel in locis mansionum & congressuum, vel in itu ad congressus, si qui instituentur, vel in reditu inde ad hospitium & stativa sua nihil hostilitatis, periculi

atque molestiæ Commissariis Suedicis eorumque comitatui, tum aulico, tum militari, rebusque ad eos pertinentibus accelerabitur aut inferetur; sed hisce pariter affecuramus nostram hanc cautionem toto tractatus tempore, & in omnibus congressibus ac commorationibus locisve intermediis eandem vim habituram esse: spondemus etiam hisce literis salvi passus præfatorum Commissariorum Suecicorum cursoribus, tabellariis, Postis & Veredariis plenam securitatem in omnibus viis & itineribus sive a Prussia in Germaniam, Livoniam vel Sueciam, sive inde in Prussiam contenderint. Literæ quoque & literarum fasciculi, a Commissariis ad alios scripti vel transmissi, vel ad alios directi plena ubique securitate potentur, nec sub ullo prætextu a Nostratibus intercipientur, referabuntur vel detinebuntur, sive illæ per Postas & Veredarios ordinarios, sive extra ordinem per expressum missos, eo afferantur, vel inde deportentur. Mandamus igitur omnibus & singulis nostris, Regni que Poloniæ & Magni Ducatus Lithuanie Proceribus, cujuscunque dignitatis, status & conditionis, ordinibus & subditis nec non bellorum Ducibus, Generalibus, Colonellis, Castrorum, Civitatum ac portuum præfectis & custodibus, cæterisque officialibus, & ipsi adeo militiæ Nostræ, nec non Civitatibus ac præcipue Gedanensi omnibusque aliis, nullis penitus exceptis, ut omnimode huic voluntati Nostræ tabulisve hisce salvorum Conductuum se exacte conforment, & obedientiam præstent, nec iisdem Regia & publica fide datis ullo modo contraveniant. Incursuri in gravem nostram indigna-

dignationem & poenam transgressorum mandatorum indubie subituri, si secus fecerint. In quorum fidem ac certitudinem majorem, praesentes nostras tuti itineris literas manu propria subscripsimus & sigillo Nostro Regio firmari jussimus. Datum Thorunii die 18. mensis Januar. Anno 1659.

Johannes Casimirus Rex.

Johannes Jocus Bakinski Succ.

Culmens. C. R. S. Regiae Majestatis.

CCCXX.

Litera Domini LUMBRANI, Legati Gallici, ad ANDREAM GYLDENKLAVIUM, Regni Suecia Deputatum, apud quem, ut salvi conductus tabulas quantoque mutari cum Polonis efficiat, vehementer instat, 1659.

Illustrissime atque Excellentissime Domine.

SERius omnino quam optassem postremis Excellentiae Vestrae literis prodit hoc responsum. Etsi enim ab eo tempore, quo mihi redditae sunt, non destiterim maximo studio, si unquam, urgere Salvi-Conductus Polonici extraditionem, nihilominus eam nisi nudius tertius obtinere non potui. Tantae morae causae fuerunt, tum spes armistitii injecta, quae per tres hebdomadas animos omnium suspensos habuit, tum pervetus illa super titulorum & sigillorum forma, contentio. Tandem sed nonnisi multis rationibus & precibus passus est se persuaderi Serenissimus Poloniae Rex, ut muta-

tionem, quam ex parte Sueciæ proponebam, bono pacis concederet; simul atque id obtinui, exemplar istius Salvi-Conductus misi Illustrissimo Domino Comiti Oxenstiernio, quem non dubito Excellentiae Vestrae communicaturum. Superest itaque ad congressum formandum salvorum conductuum hinc inde requisitorum permutatio, quam fieri posse Stetini aliquando arbitratus sum: sed cum Illustrissimus Dominus Comes Oxensternius, qui tunc Thorunii obsidebatur, jam sit Marienburgi, ibi facilius & commodius commutationem futuram, communis est hujus Curiae sententia. Cum itaque in hoc nihil aliud spectetur, quam partium commoditas, & ipsius permutationis facilitas, non possum non sperare Excellentiam Vestram & illustrissimos Dominos suos Collegas libenter assensuros, & quantocius transmissuros Marienburgum diplomata, quæ penes se habent salvorum Conductuum pro Dominis Commissariis tum Poloniae, tum Imperatoris; Domini Electoris Brandenburgici & Magni Ducis Moscoviae, ut 15. Martii styl. nov. tractatum, favente Deo, possimus auspiciari, in quem finem Polonia suos confederatos invitavit Thorunium ad primam ejusdem mensis, qua die sperat Excellentiam Vestram cum Illustrissimis Dominis suis Collegiis Marienburgi futuram, ut si quæ circa præliminaria supersint difficultates, ante diem 15. complanari valeant. Nequeo ire inficias, solum Poloniae diploma mihi esse præmanibus: sed expecto indies Electorale, & Cæsareani Ministri se Imperatorium habere prædicant. Sed etsi aliqui ex Confederatis parum
pacis

pacis cupidi salvorum conductuum extraditionem subterfugerent, non putarem e re Sueciæ esse, ob eum defectum commutationem differre suorum Diplomatum cum Polonico, cum istud & præsidium, quod Polonia offert, sat securitatis præstare queant, & inde possit enasci occasio componendi cum sola Polonia: Ubi enim confœderatis suis subministrarit diplomata, quæ pro ipsis a serenissimo Rege Sueciæ impetrant, si ipsi iis uti, nec sua dare velint, non poterint de illa conqueri, si sola ad optatum belli finem pervenire conetur. Deinde cum ista titulorum sigillationumque reformatione propensionem suam ad pacem ostenderit Serenissimus Rex Poloniæ, minore studio illam expetere Suecia videtur, si nihil rependere & tantillum de summo jure decedere non consentiret. Præstolabor Excellentia Vestra mentem eo animo eoque affectu, quo debet

Excellentia Vestra

Lovicii d. 22. Januar.

1659.

*Additissimus & observantissimus
Servitor*

De L' Ombres.

CCCXXI.

*Responsoria ANDRÆ GYLDENKLAVII,
Suecici ad pacis negotia Deputati, ad Domini
LUMBRANI, Gallici Legati, proxime præcedentes literas, 1659.*

Accepi hisce primum diebus Excellentia Vestra die 22. (12.) proxime præteriti mensis Lovicii

H 4

cii

cii ad me perscriptas literas, in quibus Excellentia Vestra memorat, tum serotini sui responsi, tum non nisi maximo studio extracti salvi conductus Polonici causas. Injectam nimirum armistitii spem, & perveterem contentionem super titulorum & sigillorum forma; Cujus memoracionem ex parte Sueciæ ab Excellentia Vestra propositam, tandem idque non nisi multis rationibus & precibus persuasus Serenissimus Rex Poloniæ admiserit. Judicat autem Excellentia Vestra peropportunum, ut diplomata, quæ penes Nos habemus, Salvorum Conductuum pro Dominis Commissariis tum Poloniæ, tum Imperatoris, Electoris Brandenburgici & Magni Ducis Moscoviæ, Marieburgum, ubi commutatio e communi aulæ Polonicæ sententia faciliior, & partium major commoditas futura sit, transmittamus; Quo evenire posse existimat, ut invitatis Thorunium ad diem 1. Martii st. n. a Polonia suis Fœderatis, die 15. (5.) ejusdem tractatus inchoari, & interea temporis, si quæ supersunt, circa præliminaria difficultates, complanari possint. Suadet insuper Excellentia Vestra commutationem Nostrorum Diplomatum cum solo Polono, tum quod oblatum Poloniæ præsidium sat securitatis præstare, & occasio enasci queat componendi cum sola Polonia; prout hoc ipsum in literis plenius deducitur. Excellentia Vestræ imprimis testari debeo, gratisimum Sac. Reg. Majestati Domino meo clementissimo esse Excellentia Vestræ officium & indefessam operam in promovendis tractatibus pacis inter ejus Majestatem & Serenissimum Regem Remque publicam Poloniæ, atque
vel

vel eo maxime nomine Regio eandem favore & adfectu complecti. Appulerunt sub initium hujus anni ab aula Regia Wismariam atque inde huc illusterrimi & Excellentissimi Regni Senatores, Dominus Comes de la Gardie, Regni Thesaurarius, & Dominus Comes a Schlippenbach, qui singularem Excellentie Vestrae prudentiam & præclarum studium adornandæ pacis æstimant: Et lectis mecum literis, libenter ex iis percipiunt, diploma Salvi Conductus Polonici Excellentiam Vestram in manus suas tandem accepisse; idque sperant, ut absque sequioribus reservatis & gravi immutatione placitorum ante annum amplius locorum tractandi factum sit. Æquanimitatem Serenissimi Regis Poloniæ, & quod rationibus passus sit ad reformationem titulorum & sigillationum sepersuaderi, qua par est animi observantia agnoscimus. Si precibus & bono pacis concessum sit, quod ipsius rei causæque æquitati, pactis conventis atque sucto mori est consentaneum, majus inde tam salutare negotio pondus accessit. Sed de forma ac constitutione præfati diplomatis atque in eo maxime sigilli & insignium cupimus a Generoso Domino Akakia fusius hic loci edoceri. Cum enim duo sint, quorum certior a me Excellentia Vestra reddi desiderat; Inprimis conjicere non possum, quæ tam urgentes causæ Poloniam pariter ac Excellentiam Vestram moverint, ut a Stetino, ceu condicto hætenus commutationum salvorum Conductuum loco, ad determinationem alterius hucusque non nominati loci transfirent? Neque enim vel partium commoditati plus officit, vel facultati

H 5 per-

permutationis magis conducit, Marienburgum præoptare isti rei locum; quam cum per Dn. Akakia, cui officium hoc utrinque conceditur ac demandatur, negotium permutationis salvorum Conductuum rite, etsi non sine ejus incommodo & difficultate (ad quam subeundam se nuper hic declaravit) Stetini peragatur. Sed & commutare omnia diplomata, quæ penes Nos habemus, salvorum Conductuum, cum solo Polonico, res esset parum fida; quando in hodiernum usque diem Nos latet, an Imperator vel Elector Brandenburgicus ulla ducantur propensione in pacem cum Sacra Regia Majestate ineundam, vel Magnus Moscoviæ Dux, post conclusa in certos annos induciarum pacta suos Commissarios ad tractatus Polonicos deputare constituat? Neque enim Poloniæ Confœderatis causa erit de illa conquerendi, quod renitentibus cæteris sola ad tractatus pacis nobiscum condescenderet, si Suedici Salvi Conductus Marienburgum haud transmittantur, nec inibi cum Polonico commutentur; Cum & Poloniæ & ejus Fœderatis singulis non potest non constare, tum de prona Sacræ Regiæ Majestatis voluntate in pacem, tum de salvis conductibus pro eorum plenipotentariis jam dudum expeditis, & in hac urbe ultra semestre asservatis. Præterea non satis assequi Excell. Vestræ mentem possum, cum scribit illud præsidium, quod Polonia offert, sat securitatis præstare posse; Nam si terrestri itinere contendendum hinc nobis in Prussiam & ditiones Electoris ad triginta amplius milliaria pertranscundæ sint, videtur haud satis securitatis a Polonia in terris

Im-

Imperio Romano subjectis posse expectari, hærentibus pariter in vicinia copiis Casareanis. Igitur, cum alieni sint Poloniæ fœderati a tractanda pace, tum fortasse ab impertiendis salvis conductibus pro Regiis Suedicis Plenipotentariis; Poloniæ vero & ipsius nomine Excell. Vestr. prudentiæ ac providæ ejus curæ committimus, quid in re tam ancipiti & terrestri itinere minus tuto, facto opus esse judicet? Sane in nobis nulla erit mora, aut commutandi hic præfata diplomata, aut hinc abeundi in Borussiam, si per rationes securitatis fieri unquam poterit, ibique sine ulla jactura temporis auspiciandi, & ad optatum finem promovendi negotium tractatum. Dies quo prior est, eo nobis gratior ad instituendum congressum. Precamur interea Poloniæ ejusque Confœderatis Thorunii jam brevi comparituris pacificam mentem, ne sepositis consiliis pacis, unice in exitium gentis nostræ conspirent. Innotuit jam Christiano orbi omnia a Serenissimo Rege nostro tentata media esse pervenendi ad honestam & tutam pacem. Quandoquidem superiori ætate, Regia ejus Majestas ipsas pacis conditiones a sua parte Excellentia Vestra detegi, & sua salvorum conductuum diplomata pro Dominis Commissariis Poloniæ, ejusque Fœderatorum, ut commutatio cum cæteris quantocytus fieret, huc transmitti fecit; Nec jam nec quicquam ipsi D. Commissarii, proni in pacem, sed moræ longioris pertæsi, aliud, quam iter in Prussiam & congressus meditantur. Hæc ad literas Excellentia Vestra in præsens respondere, & e re & usu tractatum visum fuit. De cætero eandem divinæ
tuitio-

tuitioni, me vero solitæ Excellentia Vestra benevolentia sedulo commendo. Dabam Stetini, die 15. Febr. Anno 1659.

Excellentia Vestra

*Obsequentissimus & ad officia paratissimus
Servitor.*

A. Guldenklau.

CCCXXII.

Breve ALEXANDRI, P. P. VII. ad JOHANNEM PHILIPPUM, Moguntinum, & MAXIMILIANUM HENRICUM, Coloniensem Electores, quo eos, ut paci universali inter Catholicos Principes reducenda omnem porro dent operam, serio hortatur, 1659.

Alexander Papa VII.

*Venerabiles Fratres: Salutem & Apostolicam
Benedictionem.*

Luctuosas inter Principes Catholicos discordias laufferi, & rerum omnium prosperitatem fidelium populis cum pace universali restitui, summis votis jam dudum exoptamus. Idcirco ab initio usque ad hæc tempora Pontificatus nostri curas & cogitationes omnes huc potissimum contulimus, nec ulla officia paterna pro rerum ac temporum opportunitate nunquam prætermisimus. Cum igitur introducendæ tractationis de pace spes & oportunitas aliqua nunc affulgere videatur, nunciis Nostri tam in partibus istis penes Cæsarem & Colo-

Coloniæ, quam apud utrumq; Regem residentibus mandata renovare voluimus, pro interponendis officiis & adhibenda diligentia in omnibus, quibus tam salutare opus incitari & provehi poterit: Nec dubitamus, quin partes suas omni studio & zelo impleturi sint, communicatis invicem, uti iussimus, eorum quæ indies acciderint, nunciis & consiliis, ita misericordiarum pater successus expediti felicitatem nobis & universis Christianorum nationibus diuturna cladium calamitate perculsis & afflictis tribuere pro infinita clementia sua velit. Porro Fraternitatum Vestrarum in hac re pia studia ex literis Vestris die 15. Decembris, datis libenter cognoscimus, & valde commendamus, quamque nobis diuturnam incolumitatem initio recurrentis anni benevole precati estis, vobis eam ab autore bonorum omnium exposcimus, Apostolicam benedictionem Fraternitatibus Vestris peramanter impertientes. Datum Romæ apud S. Mariam Majorem sub annulo Piscatoris, die 24. Januarii, 1659. Pontificatus nostri anno quarto.

J. Florentius.

CCCXXIII.

Litera Intercessionales a RICHARDO CROMWELLIO, Anglicana Reipublica Protectore, ad POTESATES ORIENTALIS FRISIÆ pro Maria Grindaria vidua data, 1659.

Richar-

Richardus, Protector Reipubl. Angliæ &c.
 Celsis & Potentibus Dominis, occiden-
 talis Frisiæ Potestatibus
 S. D.

*Celsi & Potentes Domini, Amici ac Fœderati
 Charissimi.*

GRavem ad me detulit querelam per libellum
 supplicem Maria Grindéria vidua, cum sibi a
 Thomæ Killegræo Vestro milite pecunia bene ma-
 gna ante annos octodecim debeatur, se eum nec
 ullo modo adducere per procuratorem posse, neq;
 ut debitum solvat, neque ut de jure suo, si quid sit,
 velit lege experiri, id ne a procuratore viduæ cogi
 possit, petiisse eum a Celsitudinibus Vestris per li-
 bellum supplicem, ne cui liceat eum lege persequi
 ullius pecuniæ ab se in Anglia debitæ. Ego ve-
 ro si Celsitudinibus hoc tantum significavero, vi-
 duam esse, egenam esse, multorum matrem parvu-
 lorum, cujus iste omnes prope fortunas avertere
 conatur, non committam, ut apud Vos, quibus
 divina præcepta atque adeo de viduis pupillisque
 non opprimendis notissima esse confido, gravio-
 re ulla utendum cohortatione putem, ne hoc
 fraudandi Privilegium petitioni istius concedere
 velitis: id quod nunquam concessuros Vos esse
 mihi persuadeo. Westmonasterio ex Aula No-
 stra, die 27. Januarii, 1659.

CCCXXIV.

*Litteræ RICHARDI CROMWELLII, Pro-
 rectoris Reipublicæ Angliæ, ad CAROLUM GU-
 STA-*

STAVUM, Suecorum Regem, quibus naves Samuelis Piggoti, Mercatoris Londinensis, in mari Baltico a copiis quibusdam Suecicis detentas, ut quam primum liberas dimitti curet, obnixè ab eo contendit, 1659.

Richardus Protector Reipubl. Angliæ &c.
Serenissimo Potentissimoque Principi, Carolo
Gustavo, Suecorum, Gothorum, Vandalorumque Regi &c.

Serenissime, Potentissime Rex, Amice ac Fæderate Charissime.

DEtulit ad Nos per libellum supplicem Samuel Piggotus, Londinensis mercator, se nuper naves duas (quarum alteri nomen Postæ, Magister, Tiddæus Jacobus, alteri The Water Dog, Magister Garbrand Peters) Londino in Galliam negotiandi causâ misisse; eas inde sale onustas Amsterodamum petiisse; Amsterodamo alteram saburra tantum, alteram halece imposita, cujus Patrono cum Petro quodam Heinsbergo societas erat, in mare Balticum Stetinum usque Pomeraniæ, quæ in Vestra ditione est, ad exponendam illic halecem navigasse, verum utrasque hasce naves accepisse se alicubi maris Baltici a copiis quibusdam Vestris detineri; tametsi, ut huic malo occurreret, cum utraque nave syngrapham sigillo curiæ maritimæ obsignatam una curaverit mittendam, qua & navium harum & mercium, excepta halecis parte supra dicta, unum se esse ac legitimum dominum demonstraret. Cujus rei cum fidem apud Nos ple-

plenam fecerit, peto magnopere a Majestate Vestra (quandoquidem duarum navium jactura sine summo hominis detrimento fortunarumq; omnium naufragio vix posse accidere videtur) uti mandet suis atque imperet illarum navium liberam primo quoque tempore dimissionem. Deus Majestatem Vestram ad gloriam suam Ecclesiarque orthodoxæ præsidium quam diutissime servet incolumem. Westminsterio ex Aula Nostra, die 27. Januarii, Anno Domini 1659.

CCCXXV.

Littera FRIDERICI III. Danie Regis, ad RICHARDUM CROMWELLIUM, Anglicana Reipublica Protectorem, quibus ipsi ingentes pro denuo oblato mediationis studio grates refert, eumque, ut se fratre cum tot summarum Potestatum opprobrio fidei justum vindicem præstet, amice monet, 1659.

Fridericus III. Dei Gratia Daniæ &c. Rex
Serenissimo ac Celsissimo Domino Richardo, Angliæ, Scotiæ ac Hiberniæ
Protectori.

ANnus jam agitur, ex quo hoc mense Februario Celsitudinis Vestræ Domini Parentis gloriosæ memoriæ tum temporis Angliæ, Scotiæ ac Hybernæ Protectoris interpositione pax æterna inter Nos & Regem Sueciæ Rohtschildiæ stabilita ac utrinque confirmata. Non possumus non providam suæ Celsitudinis in hoc pacis negotio tunc temporis adhibitam diligentiam, inter hæc Regna septen-

Septentrionalia sibi invicem Religionis communione, amicitia & vicinitatis vinculo antiquitus colligata deprædicare. Cessimus multum de jure Nostro, amore pacis, cum non minima jactura provinciarum ac fortalitorum, indubia spe ducti, fore hanc pacem perennem ac tranquillitatem Nobis Nostisque Regnis inde renascituram. Præcipue cum Rex Sueciæ in mutuo Nobiscum instituto colloquio, veram & infucatam amicitiam verbis affectu plenius prolixè contestando, fraternum amorem obtulerit. Cum vero pacto pacis solennis secure viveremus, stipendiariis militibus maxima ex parte prædicto Regi cessis & dimissis, nihil mali metuentes, nulla denuntiatione prævia, absque ulla vel in speciem producta causa, Nos contra datam fidem denuo ante semestrem hostiliter invasisit, ac tanto fervore adortus, ut Regnum Nostrium Ducatus & Provincias maxima ex parte cæde, cineribus ac ruinis devastaverit, locis Deo sacris pollutis, omnia etiamnum ad perniciem Nostram ac interitum totius Regiæ familiæ Nostræ ex mera dominandi prurigine magno conatu dirigit. Videret Celsitudo Vestra, qua fide Nobiscum actum sit, ab illo ipso, qui Vestram approbationem, Vestrum patrociniū imo auxilium, in hac injustissima causa sibi conciliare studet, sentit ex his, quantum per Nostrium latus existimatio Dominorum Mediatorum, vulnerata ac læsa sit. Gratisimum Nobis interea est, quod Celsitudo Vestra paternis vestigiis insistendo, ad hoc incendium denuo restringendum, priusquam se latius diffundat in literis suis die 16. Novembris anni proxime elapsi,

PARS II.

I

psi,

psi, datis, Nobis vero pridie a Celsitudinis Vestrae apud Nos Residente Ministro, Isaaco Evere exhibitis, reconciliandae pacis officia ultro obtulerit; & quantum curae ipsi cordique sit tranquillitatem inter hæc Regna Borealia & Confœderatos Evangelicos hoc bello implicitos restabilire contestari voluerit. Nos uti nunquam a pace secura, fida ac honesta alieni fuimus, ita mediationem hanc a Celsitudine Vestra Nobis oblatam grata mente accipimus. Inde enim tanto certior Nobis spes subjicitur, Celsitudinem Vestram cum ob æquitatem causae Nostrae, tum ad commune periculum, quod ex hoc bello Religioni Evangelicae attrahitur, averendum eam adhibituram curam, ut Nobis Nostrisque ob damna infinita perpeffa, satisfiat, major securitas, quam antea, de non amplius turbanda pace, præstetur, & Nos tum a manifesto bello, vi ac armis, quam subdolis Suecorum machinationibus, tuti posthac esse possimus, Tractatum vero pacis separatim cum Corona Sueciae exclusis Confœderatis Nostris seorsim inire, uti Legatus Celsitudinis Vestrae apud Regem Sueciae Dominus Philippus a Meadowe, Eques Nostrae Ordinis, Nobis in scriptis proposuit summa foret ingratitude nota, cum illorum auxilio a totali everfione liberati, & uti hoc ob pacta cum ipsis inita non est in Nostra potestate, ita minus securitatis, ex istiusmodi particulari pace sperandum foret. Pollet Celsitudo Vestra ea autoritate apud hostes Nostrae, ut magnum momentum publicae tranquillitati, ac commerciorum libertati præcipue in mari Baltico adferre possit, si fractae hujus fidei se justum vindicem
præ-

præstare, Nosque in perpetua violentia Succorum qua indies adhuc aggravamur, si non armis, tamen rationibus ac consiliis liberare, & in hoc communi reconciliationis officio, indefessam operam suam denuo adhibere voluerit. Interea Celsitudinem Vestram divinæ protectionis præsidio ad prospera quævis animitus commendamus. Dabantur ex arce Nostra Regia Hassniæ, die XI. Februarii, 1659.

CCCXXVI.

Licera, quibus JOHANNES GEORGIUS II. Saxonia Elector, CAROLO GUSTAVO, Succorum Regi, Magdalenam Sibyllam, matrem suam, mortem cum vita commutasse nuntiat, 1659.

Serenissime & Potentissime Rex.

Quo plures atque propiores causas habere Nos existimamus, quamobrem indefessæ Utriusque Domus amicitiaæ nexum existimemus quam plurimi, eo prolixiore majorique fiducia in Regiæ Serenitatis Vestrae sinum effundimus acerbissimum dolorem, quem ex divinæ voluntatis persentiscimus arbitrio, dum omnipotenti suæ Majestati visum fuit Serenissimam Principem, Dominam Magdalenam Sibyllam, Julix, Clivix & Montium Ducem ac Electorisani, natam Marchionissam Brandenburgensem & Borussia Ducem, Landgraviam Thuringiæ, (tot. tit.) Dominam & Matrem Nostram honoratissimam simul ac desideratissimam heri, nocturno circa mediam duodecimam tempore, ex his terrenis ad coelestes evocare sedes,

unde Sux Serenitati æterna quidem felicitas, Nobis autem Nostræque Domui Electorali pergravis luctus enatus est. Cumque nulli dubitemus, quin Regia Vestra Serenitas ex sanguinis propinquitate præclaroque erga Nos affectu doloris Nostri nonnullas suscipere partes non dedignetur; Nobis imprimis convenire existimavimus, de hoc flebili casu maturam Ei reddere notitiam, calidissima Nostra eo intendentes vota, quo divina Clementia omnia a Regia Vestra Serenitate similia atq; alia avertet luctuosa, Nosque saluberrimo relevare velit solatio, & aliunde largissima benedictione & gratia recreare. Quibus Regiam Serenitatem Vestram salvam semper & incolumem cum rota familia desideramus, & Regiam felicitatem sedulo apprecamur. Dabantur Dresdæ in Nostra Electorali, die 13. Februarii, Anno 1659.

Johannes Georgius II.
Electör.

CCCXXVII.

Litera PHILIPPI MEADOWII, Legati in Sueciam Anglicani, ad MARESCHALLUM Danicum, cui Interpositionis officia nomine Richardi Cromwellii, Protectoris Angliæ, Domini sui offert, Regnoque Dania peculiare cum Sueciæ tractatus suadet, 1659.

Illustrissime & Excellentissime
Domine.

Nihil ingratus aut magis inexpectatum nuperræ Sux Consuetudini Protectori Angliæ &c.
Glo-

Gloriosæ memoriæ accidere potuit, quam amicissimæ suæ interposita officia pro pacē & concordia, inter hæc duo vicina Regna stabilienda, de funesto hoc bello iterum accenso rescivisse, atque huius restringendo jam dudum omni ope & studio, quam pientissimum Principem decuit, adlaborasset, nisi mors immatura tam laudabile institutum interrumpisset. Verum Serenissima Sua Celsitudo in Patris locum successa, paternis insistens vestigiis, mihi provinciam hanc demandavit, ut negotium pacis apud utrosque Reges summa cum instantia promoverem. Virtute igitur potestatis mihi hac in parte datæ mediationem præfatæ Suæ Celsitudinis, Domini mei Clementissimi, Serenissimæ Majestati Daniæ pro componendo hoc bello inter eam & Majestatem Sueciæ infelicitè renato, omni eum sincero affectu defero. Hunc in finem ad vos regreditur Dominus Resident, qui has ad Excellentiam Vestram perferet, quique honorem habiturus est, tradendi Majestati Celsitudinis Suæ litteras, hac de re scriptas. Quo circa rogo Excellentiam Vestram, ut huic tam pio & salutari proposito gratiam & auctoritatem, qua pollet, libens & ultro contribuere velit; & quandoquidem in præsentī hac rerum crisi, omnis mora periculosissima futura sit, eandem pariter rogatam habeo, ut responsum Majestatis Suæ per dictum Residentem quamprimum ad me maturandum curet, & quo distinctius & sine ambagibus in re tanti momenti & ponderis procedatur, de tribus his sigillatim atque in scriptis informari cupio: 1.) Utrum hæc oblata Serenissimæ Suæ Celsitudinis mediatio suæ Majestati

stati grata & accepta sit? 2.) Utrum Majestas Sua immediate & posthabita qualicunque dilatione, in tractatum pacis cum Majestate Sua Sueciæ consensura sit, eundemque in finem Commissarios suos, sufficienter ad id instructos, nominatura, qui post extraditos utrinque Salvos Conductus in vicino aliquo pago, cum Commissariis Suecicis conveniant? 3.) Si Majestas Sua parata sit, tractatum inire cum Corona Sueciæ separatim & seorsim ab omnibus aliis Confederatis, quod eo fine proponitur, solummodo, ad evitandas moras, & ne tardiora sint remedia quam mala. Quantum enim ad Ordines Generales uniti Belgii, tantum abest, ut præfata sua Celsitudo eos hoc tractatu vel excludi, vel insuper haberi vellet, ut, si modo fieri potuisset, quod tamen præsens rerum status vix patitur, abnuente præsertim Rege Sueciæ, eos ut Mediatores utrinque admittendos optaret; Si que Minister aliquis ex parte Dominorum Ordinum hic adesset, cum eo libentissime in omnibus super hoc negotio communicarem. Et quod spectat ad Electorem Brandenburgicum, nihil magis alienum ab intentione præfati Domini mei, quam ut separatus hic tractatus ei fraudi vel præjudicio foret, quin imo, restabilita inter has Coronas pace, via faciliior præmuniatur, ad redintegrandam inter Regem Sueciæ & præfatum Electorem amicitiam, pro quorum disidiis componendis, nec non pro bello Polonico sedando præfata Sua Celsitudo efficacissima sua officia interpositura est. Miserrimum certe & maxime calamitosum, si quod aliud, est præsens hoc bellum, ubi vobis nec victoribus nec victis

victis bene erit, dum Vestra Dania commune Theatrum redditur, in quo ceteri Principes tragœdias suas agunt; Interea & quod conservatis pariter & quod amittitis, vestrum haud appellari queat, dum in alienam potestatem transit, unicum tot malorum remedium pax secura. Ignoscat mihi hanc amicam libertatem, meque semper firmiter credat sibi addictissimam. Dabantur Croneburgi, die 16. Febr. Anno 1659.

CCCXXIIX.

*Responsoria MARESCALLI DANICI, ad
præsertas PHILIPPI MEADOWII,
Anglicani Legati literas, 1659.*

Quemadmodum Serenissimo Regi meo nihil inexpectatius unquam, nihil a fœdere & amicitia, adeo sancte cum Serenissimo Rege Sueciæ inita & tot literis, colloquiis, pignoribus, imo sollicita summorum Principum mediatione declarata, alienius potuerit accidere, quam novis bellorum veluti fluctibus undique improvise superobruï, & inusitato prorsus exemplo cum universa familia ruinæ irreparabili innoxie destinari: Ita ipsi nihil potius antiquiusque, quam Celsissimi Protectoris Angliæ &c. consilia ad pacem, inter Borealia hæc regna reducendam spectantia audire, simulque Excellentiæ Vestræ ob studium & operam ad componenda isthæc Boreæ disidia tam prompte denuo oblatam, magnum quiddam debere, ultro agnoscit. Verum enim vero Serenissimus Rex meus, Princeps securæ pacis amantissimus, ita Principibus

bus & Rebuspublicis fœdere sibi junctis, & in turbido rerum statu fideles sibi suppetias euntibus, intelligit sese devinctum, ut seclusis iisdem, de pacis conditionibus agitare consilia haud quaquam possit, nisi & regiarum virtutum & honestatis limites sustineat excedere. A quo crimine, ut semper abhorruit; ita nihil magis hodieque habet in votis, quam ut generalis quædam & tuta, inter dissidentes pax coalescat, & tot violentis innoxiorum mortibus, quas ubique parturiunt & ipsi mortales, tandem aliquando optatus finis imponatur; in quo voto & ipse finio, simulque Excellentiam Vestram officiosissime salvere & valere jubeo. Die 18. Februarii, 1659.

CCCXXIX.

*Litteræ JOHANNIS PHILIPPI, Mogunti-
ni, & MAXIMILIANI HENRICI, Co-
loniensis Electorum, ad LUDOVICUM XIV.
Gallia Regem, cui pro summa & laudatissima in pa-
cem universalem propensione gratias agunt maxi-
mas, eamque ut quantocyns effectui dare dignetur,
modeste rogant, 1659.*

Quamprimum Secretarius Linckerus ex Aula Regis Vestra Majestatis cum optato gratissimoque responso reversus, probatam a Majestate Vestra tractandæ paci liberam Urbem Augustam retulit, spe bona pleni & pacis maturandæ cupidi, iussimus eundem Secretarium Nostrum, qui declarationem Regis Catholici ad Majestatem Vestram pertulerat, ire quoque in Aulam Cæsareæ Majestatis atque

atque referre, quid Vestra Majestas pro summo suo & laudatissimo erga pacem publicam studio constituisset: Quid vero Cæsarea Sua Majestas (cujus auctoritati & intercessioni debebamus, quod Rex Catholicus Germaniæ hunc honorem habuit, ut in ea de orbis Christiani quiete tractandum esse censeret) ad Nostras literas responderit, Vestra Majestas ex ipsis Cæsareæ Majest. literis cognoscet; Etsi autem non est, quod dubitemus, Regem quoque Catholicum eam urbem paci tractandæ accepturum esse, quæ ideo a Nobis Vestræ Majestati commendata fuit, quod eam Cæsari gratam, Regi Catholico commodam & acceptam, atque mediatoribus omnibus opportunam esse perspexissemus, magno tamen dolore afficimur per locorum intervalla fieri, ut sancto huic & salutari negotio, in quo maturando tantum momenti situm est, longæ & molestæ moræ interponantur. Interea Vestræ Majestati magnas debemus gratias, quod in acceptanda urbe Augusta (quod vix sperare ausi fueramus) pro summa sua bonitate & pacandi orbis Christiani desiderio se tam facilem & promptam præbuerit, suoque consensu eam urbem non gravate approbaverit, & suum quoque in fœderatorum approbatione obtinenda, studium efficaciter promiserit, nondum quidem de eo impetrato Nobis constat, qua tamen Regia Vestra Majest. pollet apud suos confœderatos auctoritate, speramus eos quoque non fore ea in re difficiles, & Vestram Majestatem rogamus, ut quamprimum de fœderatorum suorum consensu certum acceperit nuncium, Nobis id significare velit, quibus nihil nunc æque curæ est,

quam ut omne illud mature e medio tollatur, quod moram aliquam afferre potest: In Vestra vero Majest. pietate & propenso ad pacem faciendam studio maximam felicitis horum tractatum successus spem reponimus, & Vestram Majestatem, ut in ea constanter persistat, rogamus. Divina denique eam tutelæ & nos suo favori ex animo commendamus. Datum Herbipoli, 17. Februarii, 1659.

CCCXXX.

Litera RICHARDI CROMWELLII, Protectoris Reipublicæ Angliæ, ad LUDOVICUM XIV. Gallie Regem, a quo, ut Edictum, quo Protestantibus in Provincia Sacrorum cultus interdictum, sufferri, eorumque molestum turbatorem, pœnas sceleris commissi dare jubeat, obnixè contendit, 1659.

Richardus, Protector Reipubl. Angliæ &c.
Serenissimo Potentissimoque Principi
LUDOVICO, Gallie
Regi.

*Serenissime Potentissimeque Rex, Amice ac
Fœderate Augustissime.*

Accepimus, idque non sine dolore, quasdam in Provincia Protestantes Ecclesias ab homine quodam male seriato ita indigne fuisse in sacris concionibus interpellatas, ut ea res Magistratibus, ad quos hujus causæ cognitio Gratianopoli ex lege pertinebat, gravi animadversione digna censeretur: sed Conventum Cleri, qui iis in locis proxime habet.

habebatur, a Majestate Vestra impetrasse, ut res integra Parisios ad Concilium Regium revocaretur: a quo dum nihil hætenus decernitur, Ecclesias illas & præsertim Aquariensem convenire ad colendum Deum prohiberi. Vehementer itaque a Majestate Vestra etiam atque etiam peto primum, ut quorum preces ad Deum pro salute sua rebusque Regni prosperis non interdicat, eorum coitus publicos ad precandum interdicere ne velit: deinde ut in illum hominem rei divinæ interpellatorem ex sententia illorum judicum, quibus hujusmodi causarum legitima atque consueta cognitio Gratianopoli data est, animadvertatur. Deus Majestatem Vestram quam diuturnam atque incolumem conserve; ut si hæc Nostra vota Vobis accepta sunt, Deoque grata esse existimatis, eadem ab illis etiam Protestantibus Ecclesiis, quibus nunc interdicatur, pro Vobis publice fieri, sublato illo interdicto, quamprimum velitis. Westmonasterio, die — 18. Febr. Anno 1659.

CCCXXXI.

Litteræ RICHARDI CROMWELLII, Protectoris Reipublicæ Angliæ, ad CARDINALEM MAZARINUM, quibus pro Petro Petto, Navarcho quodam Anglicano, apud eum intercedit, 1659.

Richardus, Protector Reipubl. Angliæ &c.
Eminentissimo Domino Cardinali
Mazarino.

Emi-

Eminentissime Domine.

Per literas ad Eminentiam Vestram octo circiter abhinc mensibus die 13. Jun. datas, causam Petri Petti, viri & singulari probitate præditi & egregiis artibus in re navali Nobis reique publicæ utilissimi commendavimus. Ejus nave Edwardo anno 1646. a quodam Gallo, cui nomen Basconi Thamis in ostio, ut scripsimus, capta, & in portu Bononiensi vendita, quanquam Rex in Consilio Regio 4. Nov. anno 1647. decreverat, ut quam censuisset consilium pecuniæ summam damni accepti loco dandam, satisfactioni daretur, istamen ex eo decreto nihil dum se fructus percepisse ostendit: Cum autem dubium mihi non sit, quin Eminentia Vestra meo rogatu id omne mandaverit, quod ad decretum illud primo quoq; tempore exequendum pertineret, denuo nunc majorem in modum peto, ut videre velit, quid impedimento sit, cujusve negligentia aut contumacia factum, ut decreto regio post annos jam decem non obtemperetur; velit pro sua autoritate instare, ut decreta illa pecunia, quam irrogatam jam diu existimamus, & exigatur quamprimum, & petitori Nostro solvatur. Ita rem justitiæ imprimis gratam Eminentia Vestra fecerit, & a me singularem præterea gratiam inierit. Westmonasterio, ex Aula Nostra, die 22. Februarii, 1659.

CCCXXXII.

*Litera RICHARDI CROMWELLII, Pro-
cloris Reipublicæ Angliæ, ad ALPHONSUM
VI.*

VI. Lusitania Regem, quibus ipsi insignem e Hispaniis reportatam gratulatur victoriam, cumque ut Alexandro Bernico, mercatori Londinensi, duplum navigationis premium a societate Brasiliensi debitum exsolvi jubeat, amice requirit, 1659.

Richardus, Protector Reipubl. Angliæ &c.

Serenissimo ac Potentissimo Principi,

Alphonso Portugalliæ

Regi.

*Serenissime Potentissimeque Rex, Amice ac
Fœderate.*

TAmetsi multa sunt, quæ ad Regem amicum & Reipublicæ Nostræ conjunctissimum necessario scribam, nihil est tamen, quod faciam libentius quam quod nunc facio, ut Majestati Vestræ Regnoque Portugalliæ insignem hanc proximam de communi hoste Hispano victoriam gratuler: qua non ad Vestram tantummodo, verum etiam ad Europæ totius pacem ac respirationem, permagnum atque in multos fortasse annos, allatum esse momentum nemo est quin intelligat. Alterum est, in quo victoriarum certissimum pignus justitiam Majestatis Vestræ agnoscam, quæ ex articulo fœderis XIV. per arbitros Londini datos, mercatoribus Nostris est satisfactum, quorum naves onerarias Brasiliensis societas conduxit. Unus est Alexander Bernicus, mercator Londinensis, cui cum navis ejus, quæ tres fratres vulgo nominatur, Magistro Johanne Wilkio, duas navigationes conductâ onerataque naverit, pactum stipendium persolvere societas recusat:

CCCXXXIV.

Littera commendatitia a RICHARDO CROMWELLIO, Anglicana Reipublica Protectorē, ad CARDINALEM MAZARINUM, Vidua Ducis Richmondia in Galliam cum filio iter faciente tradita, 1659.

Eminentissimo Domino, Cardinali
Mazarino.

Eminentissime Domine Cardinalis.

Proficiscitur in Galliam, ibique ad tempus commorari cogitat illustrissima Domina defuncti nuper Ducis Richmondia uxor cum Duce Filio adolescentulo. Eminentiam itaque Vestram magnopere rogo, ut si quid acciderit, in quo iis Vestra autoritate, favore, patrocinio, utpote peregrinis, usui esse possit, ita eorum dignitatem tueri, Vobisque haud vulgariter commendatam rebus omnibus habere velitis, ut ad Vestram humanitatem erga omnes, præsertim tam illustri genere oriundos eximiam, sentiant Nostris literis, quod accedere potuit, cumuli accessisse: simul & hoc sibi persuadeat Eminentia Vestra, commendationem suam, si quida me huiusmodi postulabit, apud me non minus valituram. Westmonasterio die 29. Februarii 1659.

CCCXXXV.

Littera PLENIPOTENTIARIORUM SVEVICORUM paci cum Polonis componenda destinatarum, ad HUGONEM TERLONUM, Legatum in Polonia Gallicum, apud quem salvorum Conductuum permutationem denovo urgent, 1659.

Illu-

Illustrissime atque Excellentissime
Domine Legate.

Quemadmodum speramus, Excellentiam Vestram, ante adventum harum, Gedanum feliciter appulisse, atque inde in itinere ad aulam Polonicam constitutam esse, & quicquid eandem super præliminaribus pacis inter Sereniss. Regiam Majestatem Sueciæ Dominum nostrum clementissimum & Serenissimum Regem Poloniæ, dato a Nobis memoriali, sedulo rogavimus, præsertim, ut expeditio salvorum conductuum huc transmittendorum (quibus etiam Procuratoria responderent) in debita desiderataque forma quamprimum procuraretur, pro singulari suo studio, ac probe Nobis cognito in tam salutare negotium zelo, jam agere confidimus; ita divinum numen veneramur, quo collata in actione sperandæ pacis hujus, Excellentia Vest. opera prospero eventu non careat, sed ad finem aptatum perducatur. Qua de re quidem non est, quod dubitemus, cum non tantum fama innotuerit, & ore omnium feratur, verum etiam ab hominibus fide dignis huc perscriptum sit, Rempubicam Polonicam summo desiderio trahi ex bello Suecico eluctandi, & pacem perpetuam nanciscendi. Cum autem verendum sit, ne durantibus, quæ modo Warsaviæ celebrantur comitiis, malevoli, iique & pacis destructores & belli incentores culpam retardati in Borussia itineris Nostri, ac nondum cæptorum tractatum, in præactam Sacram Regiam Majestatem nosve Ministros ejus derivaturi, & illiusmodi cogitationes

nes animis & cordibus hominum imprimere conaturi sint, quibus facile persuadere sibi non bene informati queant, Suecos a pace plane abhorrere, nec ullo ejus provehendæ desiderio aut propensione teneri: Ea, qua par est, diligentia Excellentiam Vestram requirimus, ut pro singulari prudentia & æquanimitate sua, id pariter agat, quo talis suspicio, qua nullo suo merito gens nostra gravari potest, hominum mentibus dematur, & potius omnibus, cumprimis Regi Reique publicæ Polonæ constet, nos mandato Serenissimæ Regiæ Majestatis Domini nostri clementissimi, nihil in votis habere amplius, quam ut salvi conductus in debita forma, quoad omnia requisita, quantocyus procurantur, huc afferantur, atque hic, ubi octavus nunc mensis peractus est, quo ejusdem Sacræ Reg. Maj. tam plenipotenciales, quam salvi passus literæ, non modo pro Polonicis seu etiam Fœderatorum Commissariis præsto sunt, permulentur, nosque sine ulla mora iter in Prusiam suscipere, & tractatus negotium inchoare atque divina ope ad pacem pervenire possimus. Cujus quidem rei vel maximum momentum non minus hisce literis iteramus, quam in supra allegato memoriali nostro Excellentiam Vestram etiam atque etiam rogavimus, ut summo, quo potest, opere in id allaboret, quo juxta præliminaria tractatum procuratoria Polonica ad requisitum modum complanentur & expediantur, nosque de ista re pariter informemur, ne deinceps, veluti in prioribus tractatibus fieri consuevit, tempus inutiliter teratur, aut rumpendis tractatibus ansa præbeatur. Testes certe & Excellentissi-

tissimum Dominum Legatum de Lumbres, & Generosum Dominum Akakia, adeoque ipsam Excellentiam Vestram allegamus, toties, summa diligentia, modo in scriptis, modo oretenus demonstratæ sinceræ intentionis nostræ, & merito ad memorialia, literas atque informationes partim ipsius Sacræ Regiæ Majestatis partim nostras, nos referimus, orbi inde Christiano monstraturi, moram protractæ hætenus pacis neutiquam penes nos stetisse. Condonabit Excellentia Vestra paulo prolixioribus hisce literis nostris, in qua spem promovendi hujus salutaris negotii collocamus, eandemque divinæ protectioni peramice commendamus. Datæ Stetini die 22. Martii stylo veteri, Anno 1659.

Excellentiæ Vestræ

ad officia paratissimi

Magnus Gabriel de la Gardie.
Christophorus Carolus Schlippenbach.

Andreas Güldenklau.

CCCXXXVI.

Litteræ credentiales a RICHARDO CROMWELLIO, Anglicana Reipublica Protectore, Eduardo Montagu, Anglica classis summo Prasfeto, ad FRIDERICUM III. Dania Regem data, 1659.

Serenissime , Potentissimeque Princeps,
bone Amice ac Fœderate.

PRædilectum nobis & perquam fidelem Eduardum Montagu a Secretioribus nostris Consiliis & unum e thesauri nostri Custodibus atque supremum classis Nostræ præfectum, ad Fretum Oresundicum mittimus classe non infirma & mandatis necessariis instructum, cujus ergo protectionem Majestati Vestræ, uti Regi Amico indicandam esse judicavimus. Hoc autem solum in præsentiarum Majestatem Vestram rogamus, quoniam prædicti classis Nostræ præfecti spectatæ prudentiæ, multa haud parvi ad rem communem momenti credimus, ut Majestas etiam Vestra quidquid ille nostro nomine cum ea per se, vel per alios pro occasione data egerit, ita accipere & interpretari velit, uti proprio Nostro, consilio autoritate & fide subnixum. Majestati interim Vestræ res prosperas & pacatas ex animo comprecamur. Dab. e Palatio Nostro West-Monasterii 27. Martii Anno 1659.

Majestatis Vestræ

Bonus Amicus

Richardus, Protector Reipubl.
Angliæ &c.

CCCXXXVII.

Litteræ ANTONII LUMBRANI, Plenipotentiiarii Gallici, ad PLENIPOTENTIARIOS SVEGICOS ad pacem cum Polonia redintegrandam deputatos, quibus eos, ne iter suum Borussia verius,

sus, ob enatos quosdam circa Salvorum conductum Diplomata scrupulos diutius differant, sollicitè hortatur, 1659.

Quod Excellentie Vestre de me conquestæ fuerint, quasi vitium in diplomate Salvi Conductus Polonici deprehenderim & sciens reticuerim, mirari satis non possum. Fateor quidem sæpe mihi declaratum fuisse, tale diploma non posse recipi, si Serenissimus Poloniæ Rex in eo titulum aut insignia Sueciæ sibi arrogaret; sed nihil horum in isto diplomate agnovi. Verum obicitur, in exteriori circulo insignium fuisse illum titulum, sed oblitteratum & expunctum. At quod oblitteratum est pro non scripto habetur, imo alia ratione magis prodest ei, cujus respectu fit, quam si simpliciter omissum foret, cum omisso ob multas diversasque causas fieri queat, expunctio autem non fiat nisi eorum, quæ scribi non debebant. Si deceptus sum, fecellit me exemplum ratihabitionis tractatus Stumdorfiani, in cujus sigillatione, cum inter titulos Regis Poloniæ contra ea, quæ placita fuerant, titulus regni Sueciæ reperiretur, expunctione illius contenta fuit Suecia. Quicquid sit, cum Excellentis Vestris aliter visum fuerit, earum iudicio lubens acquievi, illudque quibus potui rationibus, apud Dominos Plenipotentiaros Polonicos, qui non solum ipsum non approbabant, sed etiam sinistre interpretabantur, confirmavi. Non levis hoc fuit laboris: Non patiebantur se persuaderi posse aliquid amplius exigi, quam ut quod Stumdorfii placuerat, etiam si tractatus ille nullas jam vires habere observaretur. Cum viderem eos ob-

firmato animo non posse adduci ad reformationem, quam expetebam, proposui, ut saltem in scriptis declarent expunctionem illam nutu aut consensu Regio esse factam. Id quidem ita factum fuisse declaravit coram suis collegis Dominus Magnus Cancellarius Poloniæ, sed & in scriptis dare recusavit, eo quod, ut ipse & Collegæ arbitrabantur, talis declaratio juribus Regiis magis officere videatur, quam sigilli ipsius reformatio. Ideo tandem eo adducti sunt, ut promiserint se curaturos, ut cudatur novum sigillum, in quo neque titulus, neque insignia Sueciæ ullo modo conspicua sint, nullamque super eo puncto fore difficultatem, modo Excellentiae Vestrae quantocyus in Borussia veniant, quibus tunc reformatum diploma dabitur. Itaque obtestor enixe Excellentias Vestras, si tractatum pacis maturare cupiant, quod solum & unicum remedium superest, ad omnia molimina, quibus illum impugnant Confoederati Poloniæ, evertenda, ut iter suum non differant usque ad reformationem illam, quæ aliquantum temporis & forte meum reditum ad curiam Polonicam requiret. Dominus Akakia, qui usque ad illam reformationem primum diploma servabit, & Excellentias Vestras comitabitur, ipsas latius de omnibus informabit, cui ut fidem habeant integram rogo, meque semper & ubique credant.

Excellentiarum Vestrarum

Studiofissimum & ad obsequia paratissimum Servitorem

Gedani die 12. 2. Apr. 1659.

Antonius de Lombres.
CCCXXXVIII.

CCCXXXVIII.

*Responsoria PLENIPOTENTIARIORUM SVE-
CICORUM, ad proxime præsertas ANTO-
NII LUMBRANI, Legati Gallici, literas,
1659.*

P. P.

EXcellentia Vestra literas Gedani die 12. (2.)
hujus mensis ad nos perscriptas, Generosus
Dominus Akakia nobis hic die 15. 5. ejusdem recte
tradidit. Non meminimus, nos Excellentiam Ve-
stram incusasse probri, quod vitiosum diploma Sal-
vi Conductus Polonici nobis transmiserit. Ne-
que enim pro labore culpam, aut pro officio cri-
men objicimus! Fieri potuit, ut eandem exem-
plum ratificationis tractatus Stumsdorfiani fefelle-
rit; non quod in ejus sigillatione contenta adeo
fuerit Suecia expunctione tituli; sed quod post fa-
ctam utriusque partis Commissariorum dissolutio-
nem, & Regis Uladislai discessum, amoris pacis, &
laborantibus in Germania Evangelicorum rebus,
nec non hortatibus precibusque Mediatorum,
cedere Suedici maluerunt, quam pati, ut cæte-
ris impletis, bellum iis in oris recrudesceret.
Quemadmodum autem fatetur Excellentia Ve-
stra sæpe sibi declaratum fuisse, tale diploma non
posse a nobis recipi, in quo Serenissimus Rex
Poloniæ titulum aut Insignia Regni Sueciæ sibi
arrogaret; ita nec memoria eidem excidisse spe-
ramus, quod facta a parte Sacræ Regiæ Majesta-
tis, Domini nostri clementissimi, declaratio satis
manifeste indigitaverit, eam tituli & sigilli confor-

K 4

mita-

mitatem postulari, qua Rex Poloniæ in diversis suis ad præactam Regiæ Majestatis literis nec non data Legatis suis plenipotentia tractandi pacem, ante quadriennium usus est. Quæ quidem declaratio præterquam quod oretenus sæpe repetita est, binis insuper vicibus partim in libello memoriali Wismaria, partim in literis Stetino ad Excellentias Vestras perscripta ac transmissa fuit. Et injecta toties hujusce rei mentio fuit, quates sermo institutus est de iis, quæ ratione tituli & sigilli in tractatu Stumsdorfiano acta fuerunt. Atque id quidem omne eum in finem; tum, ut constaret Excellentis Vestris non posse placere Sacræ Regiæ Majestatis modum corrigendi tituli & sigilli a Polonis in Tractatu Stumsdorfensi usurpatum; sed rectitudinem ipsam tituli non minus in sigillo quam diplomate scripto, in dicto tractatu fundatam ac receptam, & postmodum in observantiam deductam. Tum ut inter præliminaria futurorum tractatum, certa tum titulaturæ in contextu pariter ac sigillo, tum exclusionis insignium Regni Sueciæ e sigillo Polonico, norma constitueretur; ad quam diplomata tum Salvorum Conductuum, tum procuratoriorum expediri possent; ne circa congressus, iis expendendis ac definiendis tempus traduceretur. Tum denique, ut ansa præcideretur utrique parti deveniendi ad eas subtilitates, quibus disquiri & obtendi posset: Oblitum pro non scripto haberi, & expunctionem ejus esse rei, quæ scribi non debeat, & quæ sunt hujus generis alia. Quod verò Excellentia Vestra scribit Dominos Plenipotentiarios Polonicos, hæc pos-
tu-

stulata & monita nostra non solum non approbare, sed etiam sinistre interpretari; sane de tantis viris longe rectius mitiusve arbitrium nobis promississemus; quando mirari satis non possumus, Dominos Commissarios Polonicos in tractatu Lubecensi apud Dominum Legatum Gallicum expunctionis seu rasuræ sigilli ignorantiam prætendisse; ut productum licet instrumentum deprehenderint & agnoverint non tantum reformatum, sed multis incisionibus & rasuris adeo deformatum, ut exillimarint falsitatis pene damnari posse, fidem tamen sigilli sese assequi non posse profiterentur. Conquesti alias de nimia in tractatibus Stumsdorfensibus Commissariorum Polonicorum licentia in commissa infami sigilli rasura, prout hæc verboteñas in actis publicis tractatus Lubecensis continentur. Nemo ideo jure merito succensere nobis poterit, quod non placeant nobis, quæ pridem Dominis Polonis ea in re displicuerunt, & ab ipsis quædam falsitatis & quasi infamiæ nota damnata sunt. Jam quod non levi Excellentie Vestre labore eo adducti sint moderni Domini Plenipotentarii Polonici, ut promiserint se curaturos, ut cudatur novum sigillum, in quo neque titulus, neque insignia Sueciæ ullo modo futura sint conspicua, nullamque super eo puncto fore difficultatem; magnopere nobis de hac eorum declaratione, & in promovendo negotio pacis adfectu ac zelo gratulamur; pari conatu atque fervore ad eandem obtinendam cum iis certaturi. Acquiescimus lubentes præfato sigillo, quo ad Sacram Regiam Majestatem Anno 1655. repetitis vicibus usus est Serenissimus Rex Poloniæ.

loniæ. Quod si novum celare e re sua esse existimet, speramus omnino fore, ut nihil in eo mutetur, nec quicquam aut excuslatur aut omittatur, quod iustam causam & occasionem præbere poterit de eo querendi & tractatus pacis in longum tempus protrahendi. Cætera, quæ ad præliminaria tractatus requiri nobis visa sunt, imprimis quæ redimendi temporis causa monuimus ac postulavimus in Procuratoriis Polonicis, ea expressimus in scriptis D. Legato de Terlon hic tunc præsentî exhibitis. Qua possumus autem diligentia Excellentiam Vestram rogamus, velit incepto haud desistere, sed operam suam promovendis tractatibus pacis porro tribuere; idque de nobis persuasissimum sibi habere; quod nullum temporis momentum intermissuri simus, maturandi & ingrediendi itineris, quamprimum Diplomata Salvi Conductus pacta cum desideratis essentialibus requisitis, & absque indignitatibus expedita huc pervenerint, atque hic cum regiis Suedicis invicem commutata fuerint. De cætero eandem bene valere cupimus. Dabantur Stetini die 9. Apr. Anno 1659.

Excellentiæ Vestræ

ad officia paratissimi

Magnus Gabriel de la Gardie.
Christophorus Carolus Schlip-
penbach.

Andreas Güldenklau.

Inscriptio.

Ad Dominum Legatum de L'Ombres.

CCCLXXXIX.

CCCXXXIX.

Litera EDUARDI MONTAGU, Clasis Anglicana Præfetti primarii, ad FRIDERICUM III. Dania Regem, quibus eum, quæ de causa in fretum Oresundicum cum classe missus sit, certiores reddit, 1659.

Serenissime & Potentissime Princeps.

SERIO consideravit Celsitudo sua, Protector Angliæ, Scotiæ & Hybernæ, infelicem hanc discordiam præsensque bellum inter Regiam Majestatem Vestram & Regem Sueciæ, una cum incommodis, quæ non tantummodo ipsis earundem Majestatibus, sed & illarum Confœderatis ac vicinis inde enascuntur & proveniunt, ideoque e re fore judicavit, si extremas suas persuasiones, operamque apud Majestates Vestras interponeret ad componendam istiusmodi concordiam. In mandatis ergo mihi dedit, ut cum classe sua ad has appropinquarem oras, meque tanquam Majestatum Vestrarum bonum amicum gererem, & omne id adferrem, quod removendis difficultatibus, quæ impedimento esse possunt, paci tranquillæque transactioni inter Maj. Maj. Vest. Vest. utile putarem. Id cum, auxiliante Deo, post adventum meum ex parte jam præsterim, Majestati Vestræ porro sicut debebam, id quod a supra dicto meo Domino demandatum mihi est, notum facio, instanter rogans, placeat Majestati Vestræ audire illa desideria, quæ ab eodem tanquam ejus fideli amico profisciscuntur, & haud minus Majestatis Vestræ quam vicinorum & Confœderatorum ejusdem rebus con-

conducibilia existimantur, ut quamprimum finis imponatur isti bello, cujus continuatio non potest non esse damnosa illis, quos jam dixi, imo vero omnibus in Europa Statibus, qui Protestantes appellantur: Audeo Majestatem Vestram assicurare, sicut hoc ipsum quoad me honori mihi duco, quod tam grato admovear officio; ita nihil omisurum me, imo adlaboraturum, ut bellum hoc cum transactione felici commutetur, adeoque ipso facto demonstraturum, quod sim

Majestatis Vestræ

*Ex navi, cui nomen Nazeby,
in freto Oresundico, die*

7. Apr. 1659.

humillimus servus

Eduardus Montagu.

CCCXL.

Litteræ PLENIPOTENTIARIORUM SVECICORUM, ad HUGONEM TERLONUM, Legatum in Polonia Gallicum, cui, ut obstacula, qua iter suum in Borussia remorarentur, remove-re quantocius haud graveretur, sollicite injungunt, 1659.

Satis diligenter ad Nos Excellentia Vestra retulit, de iis, quæ iter Nostrum ad Tractatus in Borussia concernunt, & dolemus, quod jam duo veredarii abierint, ex quo nihil eidem dedimus responsi, sed cum adversa non neminis nostrum valetudo, ac alia quædam occurrentia hoc impediverint, speramus Excellentiam Vestram pro suo, qui nobis

nobis innotuit, candore & humanitate, quicquid est moræ exiguæ, non ægre laturum. Ad literas Excellentissimi Domini Legati de Lumbres quod attinet, haud sinistre interpretabitur ille confidimus, quod aliquantum prolixius iustificare coacti sumus actiones nostras, utpote non a iudicio nostro, sed serio Sacræ Regiæ Majestatis, Domini Nostri clementissimi, mandato dependentes. De ipso autem Pacis negotio, Excellentiam Vestram certam esse velimus, præfatam Sac. Reg. Majestatem non unquam ante plus ad desideratos Tractatus, quam nunc intentam fuisse, & ideo nos desiderio inchoandorum eorum languere, fessi spe tot menses facta inani, atque inutiliter labentis temporis tædio capti. Gratias interea Excell. Vestræ agimus, pro suscepto in se hætenus labore, eandemque ea, qua possumus diligentia oramus, velit in illo studio perseverare, & una cum Excellentissimo Domino de Lumbres omni ope in id eniti, quo remotis obstaculis, iter tandem ingredi in Prussiam possimus. Quibus eandem Divinæ Tutelæ commendamus. Dab. Stetini die 12. April Anno 1659.

Excellentiæ Vestræ

ad officia paratissimi

Magnus Gabriel de la Guardie.

Christophorus Carolus Schlippenbach.

Andreas Güldenklau.

CCCXLI.

CCCXLI.

*Literæ PARLAMENTI Reipublica Angliæ resti-
tuti ad CAROLUM GUSTAVUM, Sue-
corum Regem, quibus ab eo, ut Philippo Mea-
dowio, Legato Anglicano, jam nunc nomine suo
fidem amplam & aures benignas præbere velit,
amice efflagitant, 1659.*

Parlamentum Reipublicæ Angliæ Serenis-
simo Potentissimoque Principi Carolo Gustavo,
Suecorum, Gothorum, Vandalorumque
Regi.

*Serenissime, Potentissimeque Rex, Amice
charissime,*

Cum visum sit Deo optimo atque omnipotenti,
penes quem solum conversiones omnes Re-
gnorum, Rerumque publicarum sunt, Nos pristinæ
autoritati summæque rerum Anglicarum admini-
strandæ restituere, & Majestatem Vestram ea de re
certiorem esse faciendam imprimis duximus, &
Vobis porro significandum, Nos cum Majestatis
Vestræ utpote Protestantium Principis potentissi-
mi, tum pacis inter Vos Danicæque Regem, &
ipsum quoque Protestantium Principem præpo-
tentem non sine opera atque officio benevolen-
tissimo reconciliandæ, quantum in Nobis situm
est, esse studiosissimos. Volumus itaque, ut In-
ternuntio Nostro Extraordinario, Philippo Mea-
dowes, quo munere ab hac Republica apud Ma-
jestatem Vestram hætenus fungitur, idem omni-
no munus Nostro nunc nomine, prorogetur: ei-
que adeo his Nostreis literis potestatem propo-
nendi,

nendi, agendi, transigendi cum Majestate Vestra facimus plane eandem, quæ ei proximis literis commendatitiis facta est: quicquid ab eo transactum nostro nomine atque conclusum erit, id omne ratum Nos esse habituros, Deo bene juvante, Nostra fide spondemus. Deus ille Majestatem Vestram quam diutissime conservet rebus Protestantium columen atque præsidium. Westminsterio, die 15. Maji, An. 1659.

Guilielmus Lenthal, Prolocutor Parlamenti Reipublicæ Angliæ.

CCCXLII.

Litera PLENIPOTENTIARIORUM SUEVICORUM, ad HUGONEM TERLONUM, Gallicum in Polonia Legatum, a quo, ut sibi reformatum saluum conductum confestim transmittat, & maculam iniquarum pacis conditionum passim sub Succorum nomine sparsarum a se haud gravatim diluat, modeste contendunt, 1659.

Illustrissime atque Excellentissime Domine Legate,

Quanto zelo res conficiendæ pacis Polonicæ, jam longo temporis spatio, a parte Sacræ Regiæ Majestatis Sueciæ, Domini nostri clementissimi, gesta sit, non est quod operose hic repetamus, quin potius ad acta nos referimus, & tam Excellentiam Vestram, quam Excellentissimum Dominum Legatum de Lumbres, ut & Dominum Akakia testes addu-

adducere possumus. Quatuor menses jam elapsi sunt, dum frustra hic expectamus, & octava hæc abit hebdomada, quibus post abitum Excellentię Vestrę Stetino Dantiscum hic nihil nisi spes impetrandi & accipiendi salvi conductus reformati nos alit: Atque salubri negotio hoc temporis, licet non sine tædio tantę morę libentissime tribuere haud gravati sumus, modo expectatus inde fructus amplius sperari possit. Ast cum infra dignitatem Regiam esse videatur, quasi ex petitorio quodam, inani labore diutius detineri, quid postea partium futurum sit, dubii hæremus. Ne tamen aliqua detur ansa calumniandi malevolis, ecce adhuc prosperum eventum expectamus, & quę in prioribus nostris tam literis, quam memorialibus petivimus, denuo præstolamur, sed interea Excellentiam Vestram hisce peramice requirentes, quo ingenue fateri dignetur, num de accipiendo (& quidem sine ulteriori dilatione) Salvo Conductu reformato, & dandis in forma petita procuratoriis Polonicis certi esse queamus. Scimus quidem Officium Mediatoris esse, neutri parti favere, sed & hoc nos minime latet ejusdem quoque muneris esse, cum videat alterutram plus justo lacesci & indigne haberi, ut integra mente adversus eam agat, quę hoc modo præsumitur illudi. Porro nobis innotuit, conditiones pacis quasi a Ministris Sacrę Regię Majestatis, Domini nostri Clementissimi transmissas spargi Warsawię, & nescimus quam iniquas per Poloniam disseminari: Verum Excellentia Vestra, quę probe nos cognovit, facile judicabit, nos talia evulgare non fuisse, & ideo quoque

que non agnoscimus pro nostris, sed figmenta eas
quales quales sint, merito suo declaramus, eandem-
que perofficiose requirimus, ut suo id loco agere
dignetur, quo commenta fuisse spargimenta ista,
mundus certus esse queat. Quibus Excellentiam
Vestram Divinæ tutelæ commendamus. Stetini,
d. 7. 17. Maji, 1659.

Excellentiæ Vestræ

Ad officia paratissimi

Magnus Gabriel de la Gardie.

Christophorus Carolus Schlip-
penbach.

Andreas Guldenklau.

CCCLIII.

*Litteræ PLENIPOTENTIARIORUM SUE-
CICORUM, ad HUGONEM TERLO-
NUM, Legatum in Polonia Gallicum, cui trans-
missi Salvi Conductus apographum variis iterum
mendis scelere significante, 1659.*

Illustrissime atque Excellentissime Do-
mine Legate.

Quas die (7.) 17. instantis mensis ad Excellen-
tiam Vestram dedimus, eandem recte acce-
pisse non dubitamus. Lætabamur sane Excellen-
tiæ Vestræ proxima die Veneris hic accepto de fa-
cta expeditione Salvi Conductus desiderati nun-
cio, & extemplo hinc movere Wolgastum, ubi si-
mul atque naves necessariæ advenissent, absque

PARS II.

L

ulla

adducere possumus. Quatuor menses jam elapsi sunt, dum frustra hic expectamus, & octava hæc abit hebdomada, quibus post abitum Excellentie Vestre Stetino Dantiscum hic nihil nisi spes impetrandi & accipiendi salvi conductus reformati nos alit: Atque salubri negotio hoc temporis, licet non sine tædio tantæ moræ libentissime tribuere haud gravati sumus, modo expectatus inde fructus amplius sperari possit. At cum infra dignitatem Regiam esse videatur, quasi ex petitorio quodam, inani labore diutius detineri, quid postea partium futurum sit, dubii hæremus. Ne tamen aliqua detur ansa calumniandi malevolis, ecce adhuc prosperum eventum expectamus, & quæ in prioribus nostris tam literis, quam memorialibus petivimus, denuo præstolamur, sed interea Excellentiam Vestram hisce peramice requirentes, quo ingenue fateri dignetur, num de accipiendo (& quidem sine ulteriori dilatione) Salvo Conductu reformato, & dandis in forma petita procuratoriis Polonicis certi esse queamus. Scimus quidem Officium Mediatoris esse, neutri parti favere, sed & hoc nos minime latet ejusdem quoque muneris esse, cum videat alterutram plus justo lacesci & indigne haberi, ut integra mente adversus eam agat, quæ hoc modo præsumitur illudi. Porro nobis innotuit, conditiones pacis quasi a Ministris Sacre Regiæ Majestatis, Domini nostri Clementissimi transmissas spargi Waraviæ, & nescimus quam iniquas per Poloniam disseminari: Verum Excellentia Vestra, quæ probe nos cognovit, facile judicabit, nos talia evulgare non siveisse, & ideo quæque

que non agnoscimus pro nostris, sed figmenta eas quales quales sint, merito suo declaramus, eandemque perofficiose requirimus, ut suo id loco agere dignetur, quo commenta fuisse spargimenta ista, mundus certus esse queat. Quibus Excellentiam Vestram Divinæ tutelæ commendamus. Stetini, d. 7. 17. Maji, 1659.

Excellentiæ Vestræ

Ad officia parentissimi

Magnus Gabriel de la Gardie.

Christophorus Carolus Schlippenbach.

Andreas Guldenklaui.

CCCXLIII.

*Litteræ PLENIPOTENTIARIORUM SUECICORUM, ad HUGONEM TERLO-
NUM, Legatum in Polonia Gallicum, cui trans-
missi Salvi Conductus apographum variis iterum
mendis scitere significavit, 1659.*

Illustrissime atque Excellentissime Do-
mine Legate.

Quas die (7.) 17. instantis mensis ad Excellen-
tiam Vestram dedimus, eandem recte acce-
pisse non dubitamus. Lætabamur sane Excellen-
tiæ Vestræ proxima die Veneris hic accepto de fa-
cta expeditione Salvi Conductus desiderati nun-
cio, & extemplo hinc movere Wolgastum, ubi si-
mul atque naves necessariæ advenissent, absque

PARS II.

L

ulla

ulla mora conscendere decrevimus : At inopinato nobis hodie advolavit illius Salvi Conductus manci copia, in quo non tantum persona ac titulus nonneminis nostrum omissus, sed qui etiam dato diei & mensis, caret. Cum itaque per illud nos, si originale quidem respondet apographo, videamus tam indigni haberi Sacram Regiam Majestatem, Dominum Nostrum Clementissimum ejusque Ministros, munus ac devotio nostra talia diutius non patientur. Ideo condonabit nobis Excellentia Vestra speramus, quod antequam Regis voluntatem, super novo isto & neutiquam expectato emergente vitio acceperimus, eidem vel scripto vel coram nihil ad ejusmodi respondere, nostramve mentem declarare valeamus. Quam divinæ protectioni hisce commendamus. Datum Sedi, die 14. 24. Maji, 1659.

Excellentiæ Vestræ

Ad officia paratissimi

Magnus Gabriel de la Gardie.
Christophorus Carolus Schlippenbach.
Andreas Guldenklau.

C C C X L I V .

*Littera PLENIPOTENTIARIORUM SUE-
CICORUM, ad Dn. AKAKIAM, Gallica
Legationis Secretarium, a quo, ut in Aula Polonica,
ea dexteritate, quæ adhuc usus esset, pacis
nego-*

negotium promovere haud intermitat, modeste contendunt, 1659.

Generose Domine.

Postquam Illustrissimus atque Excellentissimus Dominus Legatus de Terlon hodie Dantiscum hinc abiturus est, facere non potuimus, quin Generosam Dominationem Vestram hac de re faceremus certiore, sperantes, sicut præfatus Dominus Legatus cum applausu nostro hoc iter suscepit, ita & Dominationem Vestram haud gravatum iri, ea dexteritate qua hæcenus usa est, ubi ad Anlam Poloniæ pervenerit, & cum Excellentissimo Domino Legato de Lombres locutus fuerit, negotium pacis promovere. Quid autem, cum quoad Salvum Conductum, tum quoad plenipotentiam Dominis Commissariis Polonicis dandam, a nobis desideretur, ex iis Dominatio Vestra intelliget, quæ 25. Maji & 1. mensis currentis supra nominato Domino de Terlon declaravimus & explicavimus. Quibus eandem divinæ protectioni commendamus. Dab. Sterini, die 1. Jun. 1659.

Dominationis Vestræ

Ad officia parati

**Magnus Gabriel de la Gardie.
Christoph. Carolus Schlippenbach.
Andreas Guldenklau.**

*Literæ PLENIPOTENTIARIORUM SUE-
CICORUM, ad ANTONIUM LUM-
BRANUM, Pacis inter Suecos & Polonos re-
stituendæ sequestrum, quibus se valde in pacem
pronus testantur, & eum, ut omni cura in id eni-
tatur, quo & Poloni idem aliquando faciant, ami-
ce requirunt, 1659.*

Illustrissime atque Excellentissime Do-
mine Legate.

EA, quæ Vestræ Excellentiz tam ratione Salvi
Conductus Polonici reformati, quam de trans-
mutatione Plenipotentiarum Polonicarum & lo-
corum tractatus nominatione, ad nos perscribere
placuit, ex literis ejusdem d. 29. Maji Warsaviæ da-
tis recte percepimus. Cedere in honorem Excel-
lentiz Vestræ volumus, præcrassos errores illos
per incuriam describentis factos esse, sed dolentes
tamen ex animo, in tam eximia Aulæ Polonicæ
Cancellaria, tum demum errari, quando nobis sive
illudere, sive (ne dicamus imponere) molestos
esse illis libet. Ad mutationem Plenipotentia-
rum quod attinet, cum Polonis, quos & quot con-
stituere velint, liberum sit, nobis perinde erit, mo-
do sit Regi & Reipublicæ cordi tractatus non tan-
tum inchoare, verum etiam promovere & ad finem
pacis Christianæ ac honestæ perducere. In loca
tractatum autem, quæ in literis Excell. Vestræ ex-
primuntur, propter nimiam distantiam & alias ob
causas, neutiquam consentire possumus, mentem
nostram

nostram super hac re Excellentia Vestra proxime aperturi. Interea, ut de nostra, toties quamvis læsa, patientia orbi innotescat, nostro cum applausu Illustrissimus atque Excell. Dn. Legatus de Terlon hodie Dantiscum proficiscitur, acturus ibi cum Domino Akakia, ut Warsaviam ad Excellentiam Vestram se conferat, & cum ea deliberet, qua tandem via & Salvus Conductus & Præliminaria ad metam desideratam dirigi & pervenire queant. Hisce Excellentiam Vestram divinæ tuitioni peramice commendantes. Dab. Stetini, die 4. Junii, 1659.

Excellentia Vestra

Ad officia paratissimi

Magnus Gabriel de la Gardie.
Christoph. Carolus Schlippenbach.
Andreas Guldenklau.

CCCXLVI.

Littera FRIDERICI III. Danie Regis, ad GENERALES FOEDERATI BELGII ORDINES, quibus pacti Hagensis contenta velut securitati Regique Dignitati suæ minus congrua valde aspernatus, promissas sibi suppetias, ut modo rerum presentium statui conformi hostes adoriri mandent, ab eis sollicitè efflagitat, 1659.

Fridericus Tertius, Dei Gratia Daniæ ac Norwegiæ, Vandalorum & Gothorum Rex, Dux

L 3

Sle-

Sleswici, Holsteinæ, Stormariæ ac Dietmarsii, Comes de Oldenburg ac Delmenhorst, Præpotenti-
bus Ordinibus Statuum unitarum Provinciarum
singularibus Nostriis amicis & confœderatis
vicinis salutem ac vicinæ benig-
nitate voluntatem.

*Præpotentes Domini Status Generales, amici
singulares.*

Sperabamus quod efficax Nostra Epistola ad
Præpotentes Dominationes Vestras perscripta
sub dato 27. Aprilis proxime elapsi, continens
amicam dehortationem illius Tractatus, penes
Vos per quosdam exteros Ministros Hagæ Comi-
tum super pace Aquilonari, idque Nobis insciis ac
non auditis Nostriis juribus in ea forma conclusi,
quæ si mature ponderata eatenus fuisset, Vestras
Dominationes sane permovisset, ut tales conceptas
cogitationes tunc omnino dimississent: Quod
ipsum eo magis confidebamus, postquam Domini
in suis quinquies repetitis literis die 29. Aprilis
cum asscuratione certa declararunt, quod ad fa-
ctas a Regio Gallico & Angliæ Ministriis ibi resi-
dentibus aperturas solummodo perceperint pro-
positiones Pacis, sed Tractatus ipsos & conclusio-
nem desuper remiserint iisdem, & in sequelam mul-
tities ab ipsis repetitæ præsentationis talia se con-
silia arrepturas, per quæ Regnum ac Provincie
Nostræ a præsentî oppressione hostium Nostro-
rum liberatæ ad securam & æquam Pacem resta-
bilirentur: sed proh dolor! non sine mediocri
consternatione intelligimus Suecicos Ministros,
quem-

quemadmodum de hoc tractatu jam antea gloriantur, eousque rem per sibi affectos deduxisse, ut succursus tantopere a Nobis desideratus, initio diutius, quam par erat, emaneret, ac tandem casu quo separatam inire pacem renueremus, Nobis parum auxilii aut commodi præstaret. Sicuti eadem ex diversis Nostri aliorumque locis Nobis significantur, & quod Domini pro attentata separatione Pacis jam cum Franciæ & Angliæ Ministris certi quid conceperint, Nobisque infra spatium trium hebdomadarum coacte debeat imponi: Nunc vero haud celamus, quomodo id fieri possit, ut Francia & Anglia se pro Mediatoribus intrudant, cum pro parte Franciæ nemo apud Nos insinuaverit, ejus Legatus Terlon in aliis commissionibus cum Rege Poloniæ tractat, Angliæ vero ob mutationes inibi ceptas, sit sine capite, & tam ante quam post sine secura regentium forma: attamen prudentiori Vestræ considerationi hoc relinquimus, quomodo Domini taliter positum assertæ Pacis fundamentum antehac semper improbarint, cum clare viderint id ipsum tendere in ruinam Nostri Regni ac Provinciarum, addendo quod hostes Nostri per hunc tractatum plus temporis, plusque occasionis ad Nos opprimendos lucrentur. Præterquam antehac Dominis perscripsimus, quod cum summis Nostri confœderatis eousque adstricti simus, ut salva conscientia, honore ac respectu nullam Pacem particularem inire valeamus, minus in ullum Tractatum Nos intrômittere, iis non adscitis, & vice versa similem, reciprocam & constantem assecurationem ab ipsis tenemus in manibus

omniaque consilia eo dirigimus, ut pro constanti confœderato judicemur, quare eandem constantiam gerimus in Dominationes Vestras rogantes, ut Nostræ opinioni adhærentes maturos dent Ordines, quatenus succursus huc missus, ac in tanta vicinia constitutus pro commodo Nostro applicetur, & claslis nullam negligat occasionem hostem infestandi, quo tandem securitas & commercia reincipiant florere & sic honestam firmamque pacem generalem cum reputatione assequamur, quam nunquam sperare licet, si Dominationes Vestræ in hoc suo principio persistant Nos a confœderatis separandi ac ad particulares Tractatus cogendi: speramus Dominationes Vestras meliores subintraturas cogitationes suumque in hoc versans interesse bene ponderaturas, & Nos ad præveniendum malis consequentiis non deserturas, quas divinæ committimus Protectioni. Hafniæ, 10 Junii, 1659.

Dominationum Vestrarum

Amicus & Confœderatus

Fridericus Rex.

CCCXLVII.

Litteræ PARLAMENTI RESTITUTI Reip. Anglicanæ, ad FRIDERICUM III. Daniæ Regem, quibus Eduardo Montagu, Aldernono Sydnejo & Roberto Honywoodo, Plenipotentiaarius Anglicanis, plenam suo nomine fidem haberi cupit, 1659.

Sere-

Serenissimo , Potentissimoque Principi
ac Domino, Domino Friderico III. Dei
Gratia Daniæ &c. &c. tot. tit.
Regi.

*Serenissime ac Potentissime Rex, bone Amice ac
Fæderate.*

Cum voluntate ac nutu summi rerum omnium
moderatoris Dei Optimi Maximi factum sit, ut
Nos demum restituti, pristinam auctoritatem at-
que munus in Republica gerenda obtineamus,
placuit imprimis ea de re nec Majestatem Ves-
tram, utpote vicinum Nobis & amicum Regem
esse celandam, & consilia huic tempori & com-
munibus rationibus accommodata, cum Majestate
Vestra per idoneos Ministros simul communican-
da, adeoque propter dilectissimos Nobis atque fi-
delissimos Eduardum Mountagu, Classis Nostræ
Præfectum, Aldernonium Sydney, unum e Parla-
mento & Consilio status auctoritate Parlamenti,
Robertum Honywood Equitem, & e concilio sta-
tus prædicto, Thomam Boone unum e Parlamen-
to Commissarios & Plenipotentiarior Nostros ad
Majestatem Vestram mittimus, & multa iis, in man-
datis dedimus ad Majestatem Vestram perferenda.
Rogamus itaque, ut in iis, quæ prædicti Nostri
Commissarii Plenipotentarii ex Nostra parte Ma-
jestati Vestræ exponent, plenam fidem ipsis velit
adhibere, Deus Majestati Vestræ ex omnibus re-
rum suarum difficultatibus, in quibus tamen for-
ti & magno animo versatur, felicem latumque

exitum primo quoque tempore concedat. Westmonasterii, 30. Junii, 1659.

Guilielmus Lenthall, Parla-
menti Reipublicæ Anglicanæ
Prolocutor.

CCCXLIIX.

*Litteræ PLENIPOTENTIARIORUM SUE-
CICORUM, ad ANTONIUM LUM-
BRANUM, Pacis Polonos & Suecos inter re-
stabilicnda sequestrum, a quo, ut a Polonia cathego-
ricum responsum poscat, num serio tandem pacis
tractatus manus animosque admoveere, aut ab eo
desistere cupiant, obnixè contendunt, 1659.*

Illustrissime atque Excellentissime Domi-
ne Legate.

Postquam a parte Sacræ Regiæ Majestatis, Do-
mini Nostri Clementissimi, tanto tempore, tan-
toque studio ac desiderio pacis negotium per nos,
ejusdem ad tractatum in Borussia instituendum,
Commissarios Plenipotentiariorum, jam hæcenus ur-
sum & actum fuit, speraveramus Polonos tandem
ad declarandum in effectu tot promissionibus a
Dominis Mediatoribus laudatum hæcenus in pa-
cem proclivem animum suum, majori zelo id datu-
ros fuisse operam, quo ad salutarem scopum per-
veniri potuisset. Non repetemus prolixius, quod
præacta Sacra Regia Majestas pro maturando tra-
ctatum istorum negotio pariter ac pro informatio-
ne Excell. Vestræ in præliminaribus, generosum
Domi-

Dominum Akakia ante biennium fere ternis vicibus Vismaria in Poloniam cum sufficientissima super singulis declaratione expediri fecit. Neque Excellentia Vestra excidisse potest, quæ ante sesquiannum circiter inter nos & Excellentiam Vestram primum hic Stetini, cum Poloniam Hamburgo repeteret, & deinceps Oldeslaviæ ac Vismariæ, cum illuc e Polonia advolaret, in negotio tum præliminarium, tum conditionum pacis ex mandato Sacra Regia Majestatis sæpius ventilata fuerant. Et ex illo tempore jam integro fere anno literis nostris partim scorsim, partim conjunctim Excellentiam Vestram in Aula Polonica versantem sollicitavimus, ut Diploma Salvorum Conductuum in debita forma, pro securitate nostra procuraret; Nosque sublata omni remora quantocyus in Borussia iter suscipere & tractatus inibi inchoare, atque ad optatum tandem finem perducere potuissemus. Neque hoc tantum cum Excellentia Vestra egimus, verum etiam Excellentissimum Dominum Legatum Equitem Terlonium satis luculenter mense Martio currentis anni in scripto informavimus & subinde repetitis literarum commercii de re eadem requisivimus, prout non modo illius Excellentiam & Dominum Akakiam, sed etiam ipsam Excellentiam Vestram taliter gestæ hujuscerei & pariter nostri in Pacem ardoris atque studii testem allegamus. Tantum vero abest, ut æquissimo huic postulato nostro locus relinqui apud Polonos potuerit, ut potius metuamus, ne quod ludificationibus cœptum est, hæctenus idem in longius continetur, & Sacra Regia Majestas

Nos.

Nosque ejus Majestatis Legati, spe prosperi successus omni frustremur. Quis enim sinceram aliquam inclinationem ad sopiendum funestum bellum, tunc deprehendere posset, quando diplomata securitatis toties admoniti, novis cumulant erroribus, quorum seriem ipsa Sacra Regia Majestas edita nuper & hisce adjecta declaratione fusius exprimi, & ob oculos omnibus poni mandavit? Atque cum ad promissas emendationes nihil nisi novos defectus & præjudicia reperire liceat, non possumus, non queri eos tractatus pacis in præsens impedimento esse, in futurum fraudi. Et quæ ad crebras ante dictas & a nobis factas remonstrationes excusationis loco & tantum ad obducendum fucum quendam, ut suo nomine rem dicamus, adducuntur, non minus quam ipsi commissi errores, qua integritate res agatur, detegunt. Modo enim error scribæ, modo tabellarii inopinatus discessus, interdum aliæ ejusdem naturæ languentes & nescimus quid non redolentes excusationes in re tam gravi obtenduntur, quibus Excellentiæ Vestræ refertæ sunt, quas ad nos hæcenus perscripsit literas. Quæ vero ejusmodi artificiiis consilia & molimina adversus Sacram Regiam Majestatem, ab adversa parte agitentur, obscurum nemini potest esse, qui consiliorum Polonicorum pariter ac Poloniæ adhærentium in præsens fœderatorum gnarus sit, atque hæcenus usitatum ab iis procedendi modum consideraverit. Nobis sane de illis non nascitur, sed augetur justa suspicio, verius nobis illudendi, quam serio rem agendi, ut, cum ad lucrum temporis cuncta ab illis conferri videamus, mune-

muneris nostri sit providere, ne quid committamus Sacra Regia Majestate, Domino Nostro Clementissimo, indignum: Igitur ne adversa pars patientia nostra diutius abutatur, & de industria rem protrahat eventu nullo, Excellentiam Vestram perofficiose rogamus, velit a Polonis categoricum responsum polcere, utrum animum inducere possint nobiscum in tractatus pacis condescendendi, vel stet ipsis sententia porro eosdem averfandi? Et cum ante expeditos in acceptabili formam itaque hic commutatos Salyus Conductus quopiam pedem hinc movere integrum nobis non sit; Idcirco, pro candore Excellentiae Vestrae & Mediatoris officio, quod in negotio tam magni momenti sustinet, eandem hisce obtestamur, ut nos primo quoque tempore rescire faciat, num aliquam vel nullam nos spem brevi obtinendorum salvorum conductuum in ea forma & cum iis requisitis, tam ratione sigillaturae, quam caterorum, quae jam saepius postulavimus, concipere & fovere posse existimet. Ut ad Sacram Regiam Majestatem cuncta indilate perscribere, & quae ex usu sint, mandata vel manendi hic diutius, vel ludibriis alterius partis nos subtrahendi recipere possimus. Enim vero id Excellentia Vestra persuasum sibi habeat, nos hanc jam ultimo requirere, dubium vero aut protractum in longius responsum non aliter imposterum quam pro infallibili documento averfari a pacis atque tractatum studio animi, interpretaturos esse. Neque nobis consilia deerunt, quibus & Dignitati Sacrae Regiae Majestatis & concreditae nobis commissionis consulere & orbi causae nostrae

nostræ justitiâ declarare poterimus. Quod & Excellentiam Vestram pro sua insigni prudentia non improbatum esse, certo confidimus, atque hisce eandem divinæ tuitioni peramice commendamus. Stetini, die 2. Julii, Anno 1659.

Excellentiæ Vestræ

Ad officia paratissimi

Magnus Gabriel de la Gardie.
Christophorus Carolus Schlip-
penbach.
Andreas Guldenklau.

CCCXLIX.

*Literæ PLENIPOTENTIARIORUM SUE-
CICORUM ad ANTONIUM LUM-
BRANUM, quibus se itineri Borussiae versus
suscipiendo paratos prostentur, modo desideriis
suis satisfactum fuerit, 1659.*

EX literis Excellentiae Vestræ, die 9. Styl. Vet. in Monasterio Olivienſi ad nos datis intelleximus, Illustrissimum atque Excellentissimum Dominum Legatum Equitem de Terlon eandem certam reddidisse, quod nos septimana d. 7. Junii sequente Wolgastum profecturi essemus, indeque in Prusiam iter suscepturi: Et cætera, quæ Excellentiae Vestræ in dictis suis literis memorare placuit. Non negamus, mentem ac propositum nostrum semper fuisse, & adhuc stare sententiam, quod simul atque Salvi Conductus in forma desiderata & debita adessent, nos non ulla interjecta mora iter in Borussiae ingre-

ingredi velimus, imo ne quid frustra labatur temporis, promissimus, præfato Domino Legato Equitū de Terlon nos statim Wolgastum moturos, ubi certo sciremus saluum conductum in modo dicta forma extraditum, & quo huc adferatur in via esse. Nunc autem cum neque de peractis ad Plenipotentiam Polonicam desideratis necessariis Vestra Excellentia mentionem aliquam faciat, neque de salvo conductu nobis denuo aliquid constet, nemo prudentum incipias ibit, Nos quod cum conditione promissimus, ei firmiter ut inhareamus, oportere, nec jam ante de itinere in Prussiam cogitare posse, quam a parte Polonorum præstita sint præstanda. Quoad reliqua, & quod intervenientes difficultates & tractatum remoræ non nostra de culpa prosiliant, sed penes Polonos ac alios vel neutiquam vel minus serio pacem cupientes hæreant, Excellentiam Vestram ad nostras d. 2. Julii styl. vet. datas remittimus, eandemque tutelæ divinæ amice commendamus. Dat. Stetini die 15. Julii Anno 1659.

Excellentiæ Vestræ

ad officia paratissimi

Magnus Gabriel de la Gardie.
Andreas Guldenklau.

CCCL.

*Litteræ EORUNDEM PLENIPOTENTIA-
RIORUM, ad ANTONIUM LUMBRA-
NUM, cui se tandem Salvos conductus, tot vicibus
desideratos, accepisse nuntiant, & navos quosdam
in*

*in Brandenburgico occurrentes, ut emendari cures,
sollicite injungunt, 1659.*

Illustrissime atque Excellentissime

Domine Legate.

EX eo, quo Excellentia Vestra d. 16. Julii styl.
nov. Dantisco ad nos datas literas accepimus,
generosus Dominus Akakia huc advenit secumque
salvos conductus una cum Polonico, Cæsareum &
Brandenburgicum adduxit. Lætati sane su-
mus tandem eo rem venisse, ut commutatio prius
nominati, sicut Electoris Brandenburgici fieri ho-
die potuerit, & optassemus tertium quoque Impe-
ratoris nimirum ita comparatum fuisse, quo retra-
dere Dn. Akakia illud ipsum Diploma necesse non
habuissemus. Et licet in Polonico etiam non-
nulla adhuc desiderari potuissent, ea tamen amore
promovendi tanti negotii silentio libenter præ-
tereire voluimus; Quæ in Brandenburgico autem
notavimus & adhuc pro consistentia in locis tra-
ctatuum nostra postulavimus, illa emendari ut cu-
ret Excellentia Vestra, eandem obnixè rogamus.
Cum etiam plura sint, quæ tam in responso quam
notis & desideratis nostris Domino Akakia sub da-
to 16. Julii st. v. datis præstolemur, ab Excellentia
Vestra amice petimus, ut suo id loco agere velit,
quo Nobis in omnibus cumprimis securitatem &
asportationem victualium concernentibus, satis-
fiat, nec vel inde mora itineri nostro, ad quod jam
accingimur & partim hodie, partim crastina &
sequentibus ineuntis septimanæ diebus Wolgastum
inde naves, quamprimum fieri nobis erit possibi-
le, consensuri, abimus, de novo injiciatur. Qua
de

de re Excellentiae Vestrae responsum expectamus, spe pleni, fore, ut quantocyus praesentes nos videre in Borussia possimus. Eandem hisce divinae tutelae peramice commendamus. Datae Stetini die 17. Julii 1659.

Excellentiae Vestrae

ad officia paratissimi

Magnus Gabriel de la Gardie.
Andreas Güldenklau.

CCCLI.

Litterae DEPUTATORUM ELECTORUM, PRINCIPUM ET STATUUM S. R. IMPERII, ad CAROLUM GUSTAVUM, Suecorum Regem, quibus cum in laudabili, quod professus eris, pacis reducenda studio confirmare satagunt, 1659.

Serenissime & Potentissime Rex, Domine Clementissime.

CONSTAT Regiae Majestati Vestrae, quanta cura & sollicitudine hic congregata Ordinaria Deputatio Imperii non solum exorto bello Polonico, sed etiam postmodum accrescentibus motibus Danicis & face belli partim in finitimas Imperii Provincias transeunte, eo tempore collimaverit & expectaverit, ut controversiis inter partes belligerantes amicabili compositione sopitis exoptata pax quamprimum reduceretur & consequenter Imperium, praecipue vero illis belli motibus viciniore circuli ab imminente belli periculo liberarentur. Huic curae ac sollicitudini, Electorales Deputati, Principes & Status, Domini Nostri ut insistant pu-

PARS II.

M

blica

blica Imperii salus, & timor, ne pax Germanica ex bello sibi nimium vicino detrimentum patiatur, & novis periculis novorum motuum involvatur, ab ipsis exposcit, nec quidem est, ut Maj. Vestra, utpote Regi summe prudenti & omnium rerum experientia instructissimo, miserandam Christiani sanguinis profusionem, exitiosas Provinciarum devastationes, aliasve infinitas calamitates, quæ ipsum bellum præter ejus fortunam multum dubiam concomitari solent, repræsentemus. Verum prout Regia Majestas Vestra contestationes tam per literas, quam per Legatos de prompta ad pacem inclinatione hoc ipso in loco factæ amplissimæ & nuper adhuc repetitæ præmemoratis nostris Dominis plurimum cordi sunt; ita etiam Majestatem Vestram, ut in illo proposito persistat, nomine & jussu eorundem Dominorum Nostrorum decenter & obnixè rogamus & certo confidimus, Regiam Majestatem Vestram pro suo glorioso in pacem zelo eandem eousque promoturam, ut illa pro bono totius Christianitatis mox redacta & abolita offensarum memoria in Regiam Majestatem Vestram & Principes tam arcto sanguinis vinculo aliisque multis nominibus sibi conjunctos, fida, vera & perpetua amicitia restituatur, nec quicquam in præjudicium Securitatis Sacri Romani Imperii admittatur, sed ejusdem Electores, Principes & Status ab omni metu & periculo armorum liberi, post cruentissimum tricennale bellum, tanto temporis, laborum & expensarum impendio adepta pace eo secius frui possint. De cætero sæpe dicti Domini Nostri certo sibi pollicentur, Regiam Majestatem

tem

tem Vestram interea militi suo serio & stricte injuncturam, ut omnes & singulas Imperii Provincias, status, eorumque subditos ab omnibus militaribus molestiis immunes atque intactos relinquant. Quo ipso Regia Majestas Vestra Imperium singulariter sibi devinciet & ad paria bonæ vicinitatis studia ulterius obligabit. Cui omnem Regiam prosperitatem apprecantes eandem quam diutissime incolumem volumus. Dabantur Francofurti ad Mœnum die 11. Augusti, Anno 1659.

CCCLII.

Litera DN. de LIONNE, Legati Gallici, ad JOHANNEM PHILIPPUM, Moguntinum, & MAXIMILIANUM HENRICUM, Coloniensem Electores, quibus argumenta in responso Legati Hispanici allata nullius roboris esse, exponit, 1659.

Illustrissimi Ecclesiæ Principes.

Domino Marefcallo de Grandmont, item & mihi visum est, libello Comitis de Pegnaranda, quem communicastis Nobiscum, refellendo, alteram superioris scripti Nostri, cui ille respondere conatus est, lectionem satis esse. Cum enim omnia argumenta a Nobis allata aut respondendo non infirmaverit aut declinaverit eludendo, aut reticendo subterfugerit; quanta vis ipsorum sit, ex hac ejus refutatione clarius perspicitur. Verum quandoquidem in novo hoc libello Comes de Pegnaranda me privatim læcesivit, duobus in locis, in quibus suspectam Regii consilii fidem reddere nititur, memoriam provocans meam, ac tertio

nominatim me designans, cum Nostræ objectioni de difficultate commeatum, quid responderet dubius, id reposuit, quod imbecilli solent, qui nullis rationibus allatis perstringunt, quos nequeunt refellere; meum esse duxi, si quis in animis Vestris de re tam gravi tamque lubrica scrupulus resideat, cum penitus evellere. Eam ob rem quædam in illo libello a me raptim observata Nobiscum placuit communicare, ut magis magisque intelligatis, exploratius nihil esse, quam vehementissimum Christianissimi Regis in pacando Orbe Christiano studium & hostium singulare odium in pacem, quod rejectis conciliandæ concordæ expeditissimis rationibus assidue præse tulerunt. Interim sic habetote, me Celsitudinibus Vestris Electoralibus addictissimum semper fore

Moguntia 22. die Augusti

1658.

De Lionne.

CCCLIII.

Literæ MATTHIÆ BLÖRENKLAVII, Legati in Germania Suecici, ad JOHANNEM PHILIPPUM, Electorem Moguntinum, a quo, ut scriptum aliquod, Cæsareis Literis de 12. Aug. Posonio scriptis oppositum, Statibus S. R. Imperii per diætaturam communicari curret, submissee efflagitat, 1659.

Literæ quas Sacra Cæsarea Majestas Posonio de die 12. proxima præcedentis mensis Augusti ad Celsitudinem Vestram scripsit & culpam retardati
tra-

tractatus Sueco-Polonici a se amoliri & in Sacram Regiam Majestatem Sueciæ, Regem & Dominum meum clementissimum conferre conatur, mihi necessitatem imposuerunt concinnandi adjunctam demonstrationem, eaque ipsa ostendere Regiam suam Majestatem Sueciæ, omni plane culpa vacare. Quemadmodum vero dictæ imperiales literæ per dictaturam ad ordinariæ deputationis & aliorum notitiam pervenerunt : ita qua par est reverenti devotione a Celsitudine Vestra Electorali peto, permittat, ut huic demonstrationi idem eveniat, & ut eadem per dictaturam publicata Imperii Electores, Principes & Status cognoscere possint, quid nomine Sueciæ ad tales & tam injustas imputationes repositum sit. Deus conservet Celsitudinem Vestram Electoralem auctorem, statorem, & conservatorem pacis, quam diutissime, Francofurti die 7. Sept. Anno 1659.

Celsitudini Vestræ Electorali

devotione & obsequio deditissimus

Servitor

Matthias Biörenklau.

CCCLIV.

Litteræ CAROLI GUSTAVI, Suecorum Regis, ad S.R. IMPERII ELECTORES, PRINCIPES ET STATUS, quibus ipsis modum, quo adhuc secum, auxilia S.R. Imperii vigore Pacis Westphalica postulante, prepostera Ordinum ejusdem indulgentia actum sit, exponit, eosque, ut tandem Sueciarationes tot hostium inferisissimis conatibus fa-

M 3

tiga-

tigatas, majori aequitatis ratione perpendant, & efficaciori suasionis argumento sublevare contentant, graviter hortatur, 1659.

Reverendissimi & Celsissimi.

QUO in statu nunc res Germaniæ, quoque cardine pax Westphalica versetur, multis verborum ambagibus exponere opus non est. Id antea abunde ostendimus futurum, quod res nunc ipsa docet, & quantis tempestatibus Imperium Romanum, nisi jamjam caveamus, rursus exponatur. Quod jam diu in sinu portavit bellum Domus Austriaca, sed variis coloribus in Imperio dissimulatum, in nervum nunc erumpit, quæ sitas admodum ob causas, quando patientiam nostram omnia superare videt. Etenim si inde a conclusa pace Osabrugenſi consilia & actiones Austriacas pensitaverimus, deprehendemus non nunc primum natas ipsius belli causas, sed jam diu nihil eis adversum magis fuisse, quam pacem in Germania, nihil vero optatius, quam nos aliis bellis implicitos ibi pariter posse adoriri. Hinc ubivis multa contra nos miscere & moliri omnium fuit primum & antiquissimum. Primo enim, ne ordines ferialentur a contentionibus, unde aliquid ambitiosa Domus lucrari se speraret, neve pax Germanica conſequeretur suum effectum, Civitas & Capitulum Bremenſe, ad perficiam fuit stimulandum: Lubecenſes tractatus spe promissi contra Sueciam auxilii, & pro re infecta, dissoluti; Poloni ad transgrediendum pactorum leges instigati, tum vero in bello novis consiliis obſirmati, ut in usum Austriz fati-

fatigarentur, nos vero spe pacis privaremur, interea Moschus & Danus ad arma contra nos evocati, Elector Brandenburgensis ab amicitia nostra sollicitatus & abstractus est, quocum vindicativa fœdera fuerunt pangenda; Tum vero contra consensum Ordinum Imperii, avocatoria mandata adversus nos edita, atque interea dum hisce consiliis detrimenta nostra fabricantur, propriis nos armis in Polonia, in Dania & ubique premunt Austriaci, sed quo tamen excusaretur magis & Ordines Imperii sopirentur, præferebatur bellum extra Imperium & quasi ratione sociorum gestum; quamquam nemo non vidit & hoc e diametro contra Instrumentum pacis fieri. Ubi vero hostibus, undiquaque ab iis accensis obrutos nos, ac amore pacis Germaniæ omnia nos perferre viderunt, ita ut ne fundatum quidem prætextum hinc mutuarentur, cujus causa diu animo figuratum bellum in viscera Germaniæ fundere possent, tum vero nullo habito respectu causæ, retentum diu institutum tandem exercitu duplici in provincias nostras, ruptis jam plane sanctiorum fœderum vinculis flamma & ferro grassante erupit. Qui hæc futura ex actionibus, consiliis & machinationibus Austriacis diu prævidimus non tantum, Ipsi enixe cavimus, ne bello in Germania ullam causam præberemus, sed nec distulimus salutaria in tempore & dum præveniendi occasio patuit, apud Dilectiones Vestras, apud reliquos etiam Ordines, partim separatim, partim in deputationis consilio simul omnes monere, missis nostris Ablegatis, literis & tandem solenni ad Dilectiones Vestras Lega-

tione, qui omnes, qua voce, qua scriptis, non modo Dilectiones Vestras de habitu rerum, serie omni & periculis ingruentibus jam tertium annum informant, sed etiam perpetuum nostrum studium tranquillitati Germaniæ dicatum confirmant, ac una cum Dilectionibus vestris consilia ac remedia æquitati & rationi consentanea indagare jussi sunt, quibus tot laboribus & impensis parata in Germania pax adversus prævaricatores præservaretur & communiretur. Ei fini motus illos, qui circa regiminis nostri primordia in Ducatu Bremensi orti erant, mox sedavimus, Imperii Romani tranquillitatem reliquis omnibus antepponentes. Ex quo vero Polonicum bellum exarsit, in id omni cura incubuimus, non modo ut pax quamprimum restauraretur, sed etiam ne durante bello detrimenti aliquid fines Germanici inde caperent. Pariter cum Danus in Provincias nostras Germanicas ante hos binos, aut quod excedit, annos, irrueret, & ipso facto poenam fractæ pacis ceu Princeps Imperii mereretur, non modo singularibus ad Electores, Principes & Status literis amice requisivimus, ut ex præscripto pactorum Osnabruggensium in Regem Daniæ tanquam Imperii membrum decerneretur, & ad tuendas nostras ditiones contra injusta arma auxilia nobis mitterentur, sed etiam Ablegatum Nostrum primum ad nonnullas Germanicas aulas, deinde quia tanti momenti res & ad omnes spectans, ab omnibus quoque judicari deberet, eundem sub vacatione Imperii ad ejusdem Electores, tum etiam ad ordinariam Imperii Deputationem Francofurti congregatam direximus, utpote
quæ

quæ omnes Imperii Ordines repræsentabat, & non modo ex primæva institutione, sed vigore etiam novissimæ Imperialis constitutionis Ratisbonensis securitati publicæ rite conservandæ invigilare debebat. Hic dictus Ablegatus noster fuso stylo de periculis paci imminentibus, de injuria nobis facta, de machinationibus sub incude calescentibus, memoratos Imperii Ordines de tempore in tempus certiores fecit, & remedia tempestiva subinde sollicitavit. Nos quoque non omisimus interea proprias nostras literas tam ad Deputatos universos, quam Collegium Electorale interficere, ut stimulum & calcar adderemus. Postremo etiam, cum pacis mentio fieret, ac ad ejus cogitationes nos hortaretur primum Reverendissimus & Illustrissimus Dominus Elector Moguntinus, dein totum Collegium Electorale, adeo grata nobis fuit jam diu desiderata ejus operis occasio, ut nihil distulerimus tempus bono publico anticipando, Ablegato nostro Matthiæ Biörenklavio tum Francoforti subsistenti juxta mandata & plenipotentiam impertiri, simulque ordinare, ut tractatus causa Legatus illuciret supremus noster Cubicularius, Comes Nicolaus de Brahe, quo tantum & tam optatum pacis constituendæ negotium nulla mora interciperet. Atque ut de nostro candore plenius constaret, non modo ad omnes Imperii Ordines simul, sed in specie ad respective Reverendissimos & Celsissimos Dominos, Dominos Electores Moguntinum & Saxoniam singulares literas, animi nostri veros obfides dedimus, quibus omnes Sacri Romani Imperii Ordines obtestati sumus, ut teni-

pestatibus surgentibus paci apprime periculosis, maturo consilio obviam irent. Et quamvis interea quotidie ea pateremur in conspectu mundi, quæ a partium studio alienus merito judicaret refarcienda esse, promptitudinem tamen nostram ad pacem amplectendam eo usque aperuimus, ut satis luculenter indicaremus, ab Imperatore Romano pro tot damnis & injuriis acceptis, nihil omnino nisi simplicem, cum integris & illibatis pactorum Westphalicorum conditionibus, reconciliationem flagitarem. Dum vero hæc impense sectamur, quæ nobis alias de jure debentur, in dies arduioribus vinculis, spreto Capitulationis XIV. articulo, contra nos itur; Legationis decus & pacis tractatus parvi æstimatur; Ministris scilicet Cæsareis post reciprocatas cum Ablegato nostro paucas contestationum vices versus Austriam abeuntibus. Non tamen destitimus retinere nostrum Francoforti Legatum, cum omnibus tractandi Instrumentis paratissimum ad acceptandum pacem, si indulgeretur, qui ex eo quoque tempore non omisit repetitis memorialibus hortari Ordines ad prospiciendum comuni & propriæ salutis. Tantum vero abest, ut immensæ huic sollicitudini aut literis nostris, vel vocibus & scriptis Legatorum nostrorum aliquid tribueretur, aut saltem apparatus aliquis fieret, aut ad circulos nobis vicinos quicquam scriberetur, quo officii sui meminissent, vel labenti pacis securitati suppetiæ aliquæ ferrentur, vel saltem pro defensione nostra tanquam pro Imperii Constatu suo & quondam parte principaliter pacifcente ulla deliberatio institueretur,

aut

aut conatus & bonæ voluntatis argumentum appareat, ut ex eo tempore tam multis memorialibus aut propriis nostris literis, vel nihil omnino hætenus responsum sit, vel si aliquid responderetur, nonnisi cunctationes & dilationes continuerit, quasi ita de industria ad ruinam nostram conriverentur. Etenim, præter talium supinum neglectum, toleratum potius est, quod admonitionibus nostris salutaribus, periculi publici significationibus Dictaturæ mandandis, Directores Collegii Principum intercederent, ut ne sessiones quidem caperentur, nedum proposita salubria recenserentur & audirentur. Præter hæc alia quoque obstacula insecta sunt, præferendo partim quod durante Imperii vacatione officium Deputationis quiesceret, & cum res tam necessaria ad Electorale Collegium deferretur, ibi Electionis negotium omnes tanto studio occupavit, ut tanquam non deessent gravioris judicii & patriæ salutis amantes viri, qui Electioni tranquillitatis securitatem tantisper præferre non dubitarent, censentes mereri Coronam Imperialem, ut ejus Candidatus cum Imperii vicinis Principibus & Regibus prius reconciliaretur, nihilominus tamen, ferentibus ita velut de industria fatis, alia cuncta, quam Imperii securitas agebantur, quasi nihil magis opportunum tunc esset, quam ut post tergum relicta incolumitatis cura Rex Romanorum subito quaerendus ille esset, qui jam circa fines Imperii Romani suscitatas flammæ ad Imperium ipsum trajiceret, qui bonas egregii publici leges aspernaretur & summa imis confunderet. Cum ergo in eum statum res Germaniæ

reda-

redactæ sint, ut armis contra fidem publicam nobis palam, & sine consensu & consilio Ordinum, illatis, quisque Statuum Germanicorum pariter incertus reddatur ejus, quod vigore pacis publicæ acquisivisse videatur, requiritur necessitas ipsa, ut Dilectiones Vestræ sic sese declarare insuper non habeant, quo quantocyus admonitionibus nostris respondeatur, & quid a fide Nobis tum data, cum nulla nostra necessitate, sed Germanicæ tranquillitatis & libertatis causa pacem concessimus, polliceri nobis liceat, absque cunctatione discamus. Ad minimum, ut pro tanto beneficio sciamus, an pacem Germaniæ tantopere & studio quæsitam, cordi sibi porro habere velint. Non patiuntur amplius hæc tempora moram, eo deventum est, ut palam fiat, quid a Dilectionibus Vestris expectandum sit. Nec fas est aut consultum, ut vel a conniventia Dilectionum Vestrarum ruinam vel dissonantia & tarditate consulentium inevitabilia belli incommoda patiamur. Nunquam in animum equidem induximus, ut contra pacis Westphalicæ leges aliquid committeremus; utpote quarum observantia nihil nobis unquam fuit antiquius, id quod sæpius contestati sumus, literis & legationibus, ac opere ipso circa Bremensem tumultum & postea circa reliqua enata bella demonstravimus, utcunque hostium eorum quidam aspernati auctoritatem Vestram, nos ibi adorti sunt: Atque nunc rursus protestamur excusari nos & culpa vacare velle, si ex bello nobis injuste illato quidpiam proficiscatur, quod incommoda Dilectionibus Vestris dudum repræsentata, secum trahat. Verum enim

enim vero post tot admonitiones nostras in re maximi, & totam Imperii salutem concernentis, momenti, nec assecurationi pacis, nec fidei publicæ, nec communi Imperii Romani salutis quicquam tribuitur, nec avertendo periculo quotidie exundanti & ruinam nobis minitanti providetur, nec Circuli saltem ullum auxilii indicium vel ejusdem spem aliquam subjiciunt, ac ne literis quidem nostris condignæ vices redduntur, nec Legatorum nostrorum memorialibus responderetur aliquid, unde scire queamus, an pacis publicæ custodia & defensio Dilectionibus Vestris cordi & curæ sit? mirari quoque aut ægre ferre Dilectiones Vestræ non debent, si ad conservationem locorum & status nostri id attingatur, quod securitati & defensionis nostrorum inserviat. Habet enim hoc exlex necessitas, ut si spes nostræ & fides publica non nisi magnificis deliberationibus & inconsultis cunctationibus suffulciatur, ea arripere jubeat, quæ Deus, quæ Natūra ipsa, quæ etiam impendens periculum ad manus porrigit & subministrat. Et ut revera hæc sunt necessitatis, ita dubitare non possumus, quin eandem rectis consiliis Dilectiones Vestræ perpendant, atque ad ea, quæ tam grave telum extorquere videntur, propensos commodare velint animos; idque ut fiat majori æquitatis ratione efficaciori persuasionis argumento Dilectiones Vestras ad Legati Nostri memorialia, literasque Regiminum Nostrorum in Germania Dilectionibus Vestris antea insinuatæ, eaque, quæ Consiliarius noster ac in superioris Germaniæ circulis Residentis & ad Ordinarium Francofurti Conventum

Depu-

Deputatus Georgius de Snoilsky porro Dilectionibus Vestris nomine nostro communicaturus est, remittimus, amice etiamnum contententes, ut eadem æqua trutina Dilectiones Vestræ ponderare non intermittant, sed quod Vestra propria incommunitate, quod fide publica & quiete Sacri Romani Imperii dignum judicaverint, promte statuere velint. Quibus Dilectionem Vestram divinæ protectioni commendamus, felicia quævis ex animo apprecati. Dedimus Nycopiæ in Falstria die 23. Octobris Anno 1659.

Inscriptio.

Reverendissimis, Celsissimis, Illustrissimis, Reverendis, Illustribus, Magnificis, Generosis & Spectabilibus S. R. Imperii Electoribus, Principibus & Statibus, Consanguineis & Amicis nostris charissimis & nobis sincere grateque dilectis.

CCCLV.

Litera LUDOVICI DE HARO, Hispaniarum Regis Plenipotentarii, ad MAXIMILIANUM HENRICUM Electorem Colonensem, cujus rationes & Regi suo & sibi maximopere cordi fuisse foreque semper, asseverat, 1659.

Serenissime Princeps,

REddidit Nobis Dominus Comes Guilielmus Egon de Furstenberg, Literas Serenissimæ Celsitudinis Vestræ datas 2. & 15. Augusti, adjecitque præfens ipse, quæ a Serenissima Celsitudine Vestra acceperat in mandatis, cum ad hæc confinia venisset a Serenitate Vestra missus, cum propter negotia

tia Tractatus Pacis, tum etiam Ecclesiæ Vestræ & Patriæ Leodienfis. Rem omnem ex voto Serenissimæ Celsitudinis Vestræ ad Regem detuli; cui placuit ea statuere, quæ Serenitatis Vestræ & aliorum relatu didicerit & re ipsa fuerit experta, datis illico ad Dominum Marchionem Caracenam mandatis, quæ ipse sine mora ex Regis decreto & voluntate executioni mandarit. Porro discedente a nobis Domino Comite, non potui, quin Serenissimam Celsitudinem Vestram certam facerem, eam fuisse semperque futuram Regis voluntatem, ut omni ratione allaboretur, ne qua illius offensæ Serenitati Vestræ ansa quomodocunque tribuatur, quam longissime avertere amolirique studiose in omnibus velit. Et cum divinæ providentiæ visum fuerit suæ Majestatis studia & vota, quæ ad pacem pertinerent, exaudire, eaque felici exitu complere, cumque ea tantopere ad omnes utrique Coronæ fœderatos Principes pertineat, & ad universæ Ecclesiæ Catholicæ bonum intersit, non possum, quin id Celsitudini Vestræ & mihi vehementer gratuler, in spem illam adductus, fore ut non modo Serenitas Vestra, sed etiam universum Imperium, propensissima in se suæ Majestatis studia rebus ipsis experiat. Cujus Imperii cum Serenissima Celsitudo Vestra sit membrum, & Germanæ fidei Princeps, Tractatui Pacis seu Illius Instrumento Articulus insertus est, quo Catholicus Christianissimusque Reges pollicentur, se eonjunctis studiis animisque Serenissimæ Celsitudinis Vestræ tranquillitati vacaturos ac Paci. De me hoc habeo polliceri, futurum, ut meas curas & singularia studia

dia in commune utriusque bonum utilitatemque perpetuo convertam, nihilque magis habeam in votis, quam ut frequentissime occasionem nanciscar Serenissimæ Celsitudini Vestræ serviendi; quod ipsum Domino Comiti significavi Serenitati Vestræ declarandum. Deus Optimus Maximus Serenissimam Celsitudinem Vestram in multos annos salvam incolumemque conservet. Ita opto voveoque. Fontarabæ 12. Novembris 1659.

CCCLVI.

Litteræ LUDOVICI XIV. Gallia Regis, ad DEPUTATIONEM S. R. IMPERII ORDINARIAM, Francofurti ad Manum existentem, cui pacem inter Galliam Hispaniamve conclusam esse significat, ejusque protectionem pro Corona Suecica Provinciis contraria Paci Westphalica belli mole pressis exposcit, aut si ea negligatur, se pacis istius vindictam suscepturum minatur, 1659.

Dilectissimi ac boni Amici.

Quod Nobis erat in Votis primum & maximum, aliquando tandem Divina aspirante gratia consecuti, ut diuturni gravissimique belli, quod jam inde antequam Regni gubernacula susciperemus, Gallos inter & Hispanos exarserat, flammam extingueremus, felici Tractatus Pacis exitu, cui Nos & charissimus dilectissimusque Frater & Avunculus Noster Rex Catholicus septima mensis præteriti subscripsimus; nihil prius antiquiusque duximus, post actas supremæ Bonitati, pro hoc tam

inf.

insigni beneficio gratias, quam ut eam Nobis optimisque ac charissimis Nostriſ Fœderatis Principibus ac Statibus Imperiū gratularemur, quorum personas ac munia pro Dignitate sustinetis in Comitibus Francofurti, loco consueto congregatis. Cum præsertim probe sciamus, quantum gaudii eisdem Vobisque allaturus sit ipse ille tanti momenti nuntius, ex quo universæ Christianæ Reipublicæ, & imprimis Germaniæ tam copiosus fructus emerget; Quandoquidem non semel a Vobis nuntiatum Nobis sit, ejus salutis nunquam satis consultum fore, dum utriusque gentis animi bello tam acerbo disiderent. Id vero hodie singulari Dei beneficio extinctum est, atque hæc tranquillitatis Vestræ ratio non leve fuit argumentum, quod Nos ad tanti moliminis opus suscipiendum ac perficiendum incitavit: sed cum forte nec dum irato numini satisfactum sit satis, ad cumulandum omni ex parte Nostrum gaudium desiderari aliquid Deus voluit, cum eodem tempore, quo & Nos & supradictus frater Noster curas omnes consumimus in extinguendo his in partibus gravissimo incendio, quod tanto annorum intervallō varias provincias ac Status populatum est, & tantum non omnino delēvit, novum nec minus exitiale in præcordiis Vestrīs denovo excitaretur, quo iterum universum Imperium funestius, quam alias possit involvi, nisi tempestive Principes omnes ac Status, quorum interest, auxiliarem operam conferant, ut illius adhuc nascentis flammæ extinguant: Verum quidem est, in hac nova publicæ rei calamitate, cujus effecta si manerent longius, non minus angerent Nos quam

olim ipsa subditorum damna, magno id Nobis esse solatio, quod Rex Catholicus iisdem in Vos studiis teneatur ac de calamitatibus Vestris non minus laboret quam Nos ipsi, eandemque Nobiscum mentem induerit ad eas occupandas ac communi nostra autoritate interposita prævertendas, adeo ut etiam inter Nos convenerit, ut Instrumento Pacis hac super re Articulus aliquis infereretur, quo mutua voluntate atque integritate, ad eum scopum, quem Nobis præfiximus, utilitatis Vestræ, hoc est, ad firmam stabilemque in Republica Christiana concordiam & in Regnis Nostris pacem, vires & studia conjungeremus. Certi igitur sumus hanc interponendæ autoritatis Nostræ fidem ad universalem concordiam & foedus fore Vobis gratissimam, quemadmodum Nobis testatum reliquerunt duo primi Imperii Electores, in quibus indubitatam fidem & merito constituistis; quique non solliciti de communi Germaniæ bono, Legatos suos ad eum locum miserant, ubi de pace Nostra agebatur, ut quæ ad Imperium attinerent, quantum in ipsis foret, promoverent; neque etiam dubitare possimus, quin ipsismet, quibus arma hodie in manibus sunt, hæc studia Nostra vehementer probentur, cum nullus sit, qui quicquid agit ac suscipit, ad firmam ac securam pacem velut in scopum sibi propositum, referre se non protestetur, id quæ potissimum in Imperio qua latissime se extendit, cui rei Nos & Rex Catholicus merito interponere auctoritatem Nostram possumus, nos inquam, velut contrahentium primi & Pacis Monasteriensis Protectores, & præfatus Rex frater Noster, velut circuli

culi Burgundici Possessor aliisque nominibus & causis tantopere ad Regni sui statum pertinentibus; Unde spes eo certiores concipimus, quod adhortationes ac officia Nostra tantum ponderis sint habitura, quantum opus est, ne frustra videantur esse assumpta, cum praesertim ea res agatur, quae cunctis Electoribus Principibus non minus expetenda sit quam ipsa Pax, in quam unam hic collimamus, & sane si praeter vota & voluntatem Nostram eveniret, cerneremusque labores, quos ad hanc rem conjunctim cum praefato Rege suscipere decrevimus, in irritum recidere, non sine summo animi Nostri mœrore rei aequitas Nos compelleret ad eam causam, alia plane ratione, qua diximus suscipiendam, hoc est, non ut Mediatores sed laesae justitiae vindices, quare & haec attendentes, & ea quae evenire possunt, silentio reticere non possumus (ut super iis digna prudentiae ac zeli Vestri consilia concipiatis) a Rege Sueciae Fratre Nostro & jam diu foederato nullum ad Nos paucis abhinc diebus Legatum Berenklor, Praesidem, qui Nobis exponeret, tres prope jam annos effluxisse, cum per Ministros suos apud Electores, Principes ac Status Imperii graviter conquestus est de damnis ac injuriis sibi per Imperatorem Ferdinandum Tertium ac successorem ejus illatis in omnibus statuta pacis expresse violantibus, quas quæremonias Imperii Ordines audierint quidem & acceperint, sed per Domum Austriacam semper stetisse, quominus potuerint possintque hodie supra adeo gravi negotio deliberare; Nec dictum Regem Sueciae Interregni tempore & post-

ea destituisse, modis omnibus congruis non solum eos hortari, a quibus læsum se sentiebat, ut ab inceptis abstinere & ad amicam animorum compositionem redirent, sed tantum abfuisse, ut per diuturnum trium annorum intervallum ab iis injuriis ac damnis temperarent, de quibus merito querebatur, ut contra primas injurias ad extremum usque perducens Domus Austriaca ab aliquot mensibus, inita cum Electore Brandenburgico societate aperte conjunctis & animis & viribus Pomeraniam, quæ Regalis dicitur, invaserit, in cujus possessionem, ut ex scriptis militiæ Præfectorum ac ministrorum eorum constat, eundem Electorem reducere præsumat, licet ea juridice & in perpetuum Coronæ Sueciæ cesserit per Imperatorem defunctum pro se ac successoribus stipulantem & per Imperium ipsum, idemque Elector ipse, post receptam æquivalentem compensationem, solenniter quibuscunque suis ad eam juribus renunciaverit, atque ideo ex vi & virtute dictæ pacis Tractatus Nos & coronam Nostram hoc rerum statu Regis Sueciæ causam amplecti ac tueri absque mora debere, contra notos Pacis publicæ violatores. Idem etiam Legatus Nobis exempla geminorum scriptorum communicavit, quæ ad rei memoriam ex mandato Regis sui, præteritis Julii & Augusti mensibus exhibuerit Concilio Imperii Ordinario, quibus illud de ingruentibus Germaniæ malis præmoneret, & de iniquitate illius infringendæ Pacis, quam ipse prævideret & quæ revera subsequuta est, exposlularet, eandem quam a Nobis tutelam ac protectionem a cæteris Fœderatis postulans, idq;

vi prædicti Tractatus Monasteriensis. Quod ad Nos sigillatim & ad Franciam universam ea Sueciæ protegendæ postulatio pertinet, tamen jam sæpius & scriptis literis & ministrorum nostrorum sermonibus hortati Principes & Status Imperii sumus, ut mature tranquillitati suæ conservandæ operam darent, idque hoc majori contentione, quod Sueciæ Regem ad eam Pacem propendere & optime comparatum esse constaret, nec ignoraremus, quas ipse in eam rem offerret. condiciones. Hac nova occasione invasionis Pomeraniæ suborta, monendos denuo eosdem Status judicavimus, eisdemque simul ac semel serio denunciandum & diserte explicandum, quis sit animi nostri super ea re sensus, quæ postrema voluntas; Et quia Deputatio Imperii unica ac legitima illa est, quæ hodie Francofurti ad Mœnum existit, ejusque institutio atque autoritas, non solum niitur statutis ultimorum Comitiorum Ratisbonæ Anno 1654. habitorum, verum etiam Decreto & Institutione Imperiali Anni sequentis 1655. ut ad motus inopinatos & graves excubaret, & Imperii securitati prospiceret, quem in finem a Cancellario ejusdem Imperii Electore Moguntino, Francofurtum coacta est. Idcirco per eandem Deputationem Ordinariam, omnibus & singulis ejusdem Imperii Electoribus, Principibus & Ordinibus notum esse volumus, Nos a prædicto Sueciæ Legato interpellatos (cum ad Concilium Nostrum rem adeo gravem agitandam matureque excutiendam remissemus) audito illius judicio non existimasse, posse Nos aut debere ab ea, quam postulat, Regis sui protectione eximi,

ad quam fidei publicæ vinculo & studio honoris
Noſtri ab omni nota vindicandi obligari Nos agno-
ſcimus; Qui quidem honos ipſius Regni Noſtri
ſalute & vita Noſtra Nobis eſt antiquior & charior,
& hoc nixi fundamento, ex Noſtra parte incon-
cuſſo, prætaſto Legato reſpondimus officia No-
ſtra nunquam defutura, Nosque cum Rege Catho-
lico pro ea, qua pollemus autoritate, ad præſenti-
um motuum compositionem interceſſuros; Si ve-
ro ſecus ac volumus ſpes omnis promptæ ac firmæ
unionis conciderit, deliberatum eſſe Nobis ac cer-
tum, quantum Nobis per poteſtatem & media a
Deo conceſſa licuerit, ditiones omnes, quæ in Im-
perio Regi Sueciæ ceſſerunt, pro ea, quam Mona-
ſterii contraximus, obligatione, eidem Regi, legi-
timo Domino vindicare, quamvis etiam ex Princi-
pibus omnibus ad eam tutelam illi præſtandam
adſtriſtis ad ſuſtinendum tantum negotii pondus
ſoli deſtitueremur; Atque ad hanc opem illi fe-
rendam, ut contractæ per Nos obligationi fiat ſa-
tis, adjecimus in exitum Februarii menſis ad ſum-
mum expectaturos eſſe Nos, quo certius inno-
teſcat; an Principes, qui contra pacis Monaſte-
rienſis ſtatuta, & ea quæ ſolemniter poſtea Fran-
cofurti ad ejus conſervationem ac præteritarum
inſractionum reparationem decreta ſunt, in Po-
meraniam irruperunt, petitionibus Noſtris & Re-
gis Catholici in præſentiarum acquieſcentes, ad
concordiam adduci ſe patiantur, & ab inceptis di-
ſtum Tractatum adeo manifeſte violentibus de-
ſiſtant, & omnes ſaltem Imperii ditiones, ab ea,
qua fruuntur, tranquillitate minime interpellan-
tes,

tes, quibus promiscua hæc invasio posset aliquando cladem, nullo pacto reparabilem asserre. Interea hoc Nostrum responsum atque postremam voluntatem, nunquam a Nobis exuendam Statibus antea significandam duximus, certæ executioni mandandam, si Nostram ac Regis Catholici interpositionem irritam esse cognoverimus ad stabilem ac firmam brevi stabiliendam pacem, ne iidem Status (edocti quomodo certum Nobis ac deliberatum sit, siue conjunctis, ut speramus, propter communem obligationem ac utilitatem, siue Nostris duntaxat viribus hujus causæ æquitatem tueri ac defendere) ulla ratione dubitent paratam opem suam ad id adhibere, sed ad mature conjunctis armis occurrendum ex malis, quæ Imperio singulisque illius Provinciis impendent. Atque id quam possumus studiosissime tum ex vi Tractatus Pacis, tum pro Vestro ejusdem tuendi Imperii debito, ac privata Vestra tranquillitate. Vos hortamur declaramusque duo illa media, quæ ad illam rem successive adhibere decrevimus, quorum si primum irritum sit, ad alterum non nisi invitissime confugiemus, in unum tamen ac eundem scopum collimare, hoc est, ad restituendam in Imperio Pacem. Interea gratum id Nobis accidet, si Vos integritati consiliorum ac sensuum Nostrorum ad utilitatem communem spectantium respondentes, Nos eorum participes feceritis, quæ procul dubio jam constitueritis ad suppetias jure debitas, & quæ negari non possunt, Coronæ Sueciæ ferendas, cujus in Imperio ditiones invaduntur, uti ad securam in Germania pacem, quæ tan-

tis stetit laboribus stabiliendam & quovis modo conservandam. Interea dum super eo responsum præstolamur, copias Nostras in Imperium transmittere differemus, satis esse arbitrati, si ad exeuntem Februarium proximum, easdem per vicinas Provincias in hyberna distrahamus, donec scilicet intelligamus, an curis & officiis cum Rege Catholico junctis, eliminatis discordiarum causis, Pax universalis in Imperio instaurari possit. In eum finem Deum Ter Optimum Maximum oramus, ut Vos dilectissimos fidelesque Amicos servet incolumes!

signatum

Tbolsæ die 5. Decembr.

1659.

LUDOVICUS.

de Lomenie.

CCCLVII.

Litera JULII MAZARINI, S. R. E. Cardinalis, ad JOHANNEM PHILIPPUM, Moguntinum, & MAXIMILIANUM HENRICUM, Coloniensem Electores, quibus pro egregie navata circa pacis Pyrenæa negotium opera gratias reponit maximas, eosque impense hortatur, ut cum Rege Christianissimo strenue pergant etiam ceteros per Germaniam belli motus componere, 1659.

Domi-

Domini.

AD eas literas, quas sua Majestas publice dedit ad Imperii Ordines, & privatim ad Electorales Celsitudines Vestras, cum super negotio pacis, qua tandem Divinæ Bonitati placuit fortunare suum Regnum, tum super ea voluntate, quam concepit, non minori pietate ac zelo eandem cæteris Rēgnis & toti Reipublicæ Christianæ tranquillitatem, quoad fieri poterit, conciliandi, maxime vero eam ipsam in Imperio instaurandi ac stabilien- di, quibuscunque demum artibus ac mediis ad eam revocandam necessariis opus fuerit; Ad eas, inquam, literas, nihil habeo quod addam, nisi velim actum agere & alias dicta supervacaneæ iterare. Nec vero quidquam est quod me ad has lineas exarandas hortetur, nisi ut ne videar (discedente cursore, qui reditum Domini Baronis de Bonnenbergh & Comitis de Fürstenberg, aliquot dierum intervallo antevertet) scribendi oportunitatem neglexisse, mihiq; cum Vestris Celsitudinibus Electoralibus ex animo gratulandi, magnum illud tanti moliminis opus feliciter tandem ad exitum pervenisse. Cum præsertim Celsitudines Vestræ Electorales tantum laboris industriæque attulerint ad rem illam tam arduam promovendam, ut præter insignem laudem, quam hoc facto suo sibi jure vindicant apud homines & præmium immortale, quod a divina liberalitate polliceri sibi possunt, æternæ laudis famam apud posteros collegerint & nomen suum summa cum gloria in venturas ætates propagarint. Et cum soleant posteri æquino-

res esse viventibus rerum præclare gestarum æstimatorum ac præcones, clarissimum illud opus æterna memoria dignisque laudibus prosequuntur; præsertim si (quod Vestra mihi virtus persuadet) priori illi alterum non minus illustre, & quod utriusque Vestrum non minus intersit, tanquam complementum aut coronidem adjecerint, hoc est si studia sua cum studiis curisque suæ Majestatis jungant, & ea ipsa media, quæ illa complectantur, ad salutem Imperii procurandam. Quibus quidem mediis, quem finem sibi sua Majestas proposuit, haud dubie consequetur; ut nascituri alioquin propediem incendii scintillas opprimat, cujus flammæ facesque vicinas Regionem corripere, & tota Germania rursus grassari possent. Erit, opinor, cur ei malo occurrisset suam Majestatem, universi Imperii Principes Pacis ac tranquillitatis studiosi, gratulentur, eique vel hoc nomine debere se plurimum agnoscant. Interim pergam ego Vestris commodis rationibusque studere, eo affectu quo sum,

Celsitudinum Vestrarum
Electoralium

Tolosæ die 7. Decembr.

1657.

Studiofissimus

Julius Mazarini, S. R. E.
Cardinalis.

CCCLIX.

CCCLIIX.

*Littera PLENIPOTENTIARIORUM ad
Tractatus Olivenſes SUEVICORUM, qui-
bus ANTONIO LUMBRANO, Gallico
in iisdem tractatibus Sequestro, ut Secretario sua
fidem, fidei ipsius commissis condignam habeat, ami-
ce inſungunt, 1660.*

Illustrissime atque Excellentissime Domi-
ne Legate.

Recordatur Excellentia Vestra, quid in hesternae
conferentia actum sit, & quod eadem articu-
los seu puncta propositionum Regis & Reipublicae
Poloniae Confederatorumque Domin. Domin.
Austriacorum nimirum & Electoralium Branden-
burgensium, quae extractim in charta consignata
erant, Secretario Legationis pro memoria in in-
formatione communicaverit. Quam cum hodie,
habita inter nos conferentia solita, praefatus Do-
minus Secretarius decenter protulisset, & contenta
illius perfecta fuissent, apparuit ea, quae nomine
Serenissimi Regis Poloniae postulantur, ita com-
parata esse, ut a nobis neutiquam acceptari queant,
vel super iis nos tractare possimus. Ideoque ea
tanquam non expectata, ut Excellentia Vestra jam
retradat, saepe dicto jam Secretario in mandatis de-
dimus, Excellentiam Vestram officiose requirimus,
quo & ab illo scriptum istud recipere. & in reliquis,
quae ore tenus jussu nostro exponet, fidem ipsi ple-
nam tribuere velit. Quam divinae tuitioni ani-
mitus

mitus hisce commendamus. Datæ Sobothi,
die 12^{te} Januar. Anno 1660.

Excellentiæ Vestræ

Ad officia paratissimi

Magnus Gabriel de la Gardie.

Benedictus Oxenstierna.

Christophorus Carolus Schlip-
penbach.

Andreas Guldenklau.

CCCLIX.

*Literæ CAROLI XI. Suecorum Regis, ad GE-
NERALES FOEDERATI BELGII
ORDINES, quibus Parentem suum, Caro-
lum Gustavum, fato defunctum, significat, ac Pe-
tro Julio Coyeto a legato Suecico imposterum suo
nomine fidem haberi cupit, 1660.*

Celsi & Præpotentes Domini Ordines
Generales.

Placuit divinæ voluntati, quæ Regum Potesta-
tumque fata & vices dispensat, e mortalium
consortio in cœlestem patriam, & post gravem
morbum, die 12. hujus mensis evocare parentem
nostrum olim honoratissimum & gloriosissimæ
memoriæ Regem, Serenissimum ac Potentissimum
Dominum, Dn. Carolum Gustavum, Suecorum,
Gothorum, Vandalorumque Regem &c. Post-
quam igitur divina gratia & vigore legum Regni
Nostri fundamentalium statutorumque, summa
rei

rei ad Nos, ceu legitimum Regni Sueciæ Regem & Principem hæreditarium est delata; Nos veteris institui memores, intermittere noluimus, quin præmaturi hujus excessus Vos participes redderemus. Et cum inter præcipua & extrema actorum desideratissimi parentis nostri fuisse constet, quantopere illi veteri amicitia reducenda, quæ multis abhinc annis sancte culta, subinde vero enatis simultatibus labefactata, operam sollicitam dedit: Itaque nos quoque idem manebit studium, eadem voluntas, ut in eorum, quæ ille meditabatur in rem communem, executione, parentem adhuc superstitem & spirantem conservemus. Insuper pollicemur Nobis, Vosque amice & benevole requirimus, ut ea, quæ ad stabiliendam a parte Vestra amicitiam conducere arbitremini, paribus votis & promittuntur, collata in medium industria adferatis. De his & similibus Ablegato nostro Extraordinario generoso & sincere nobis dilecto, Domino Petro Julio Coyet &c. in mandatis dedimus: Cui ut eandem fidem, quam antea superstiti parente Nostro ejusque nomine habuistis, eidem quoque de cætero, quæ nomine & mandato Nostro acturus est, habeatis, amice pariter rogamus. Quod superest Vos divinæ tuitioni commendamus. Dabantur Gotheburgi, die 23. Februarii, Anno 1660.

*Nomine Sacra Regia Majestatis, respectivè
dilectissimi Filii Nostri & Clementis-
simi Regis ac Domini*

Hedwig Eleonora.

Senatores Regni.
CCCLV.

CCCLX.

*Litera, ab ORDINARIO S. R. IMPERII
CONVENTU, ad LUDOVICUM XIV.
Gallia Regem missa, cui de pace cum Rege Hispa-
nia facta gratulantur, seque omnem lapidem mo-
turos, ut exorti per Imperium belli motus quam-
primum sopiantur, promittunt, 1660.*

EX Regiæ Vestræ Majestatis ad hunc Deputatio-
nis Ordinariæ Conventum 5. Decembris per-
scriptis literis Domini Nostri Clementissimi summo
cum gaudio intellexerunt, quod nos non solum de
pace inter Vestram Majestatem & Hispaniam felici-
ter confecta, verum etiam de sollicitudine, qua
medios inter tractatus quieti & tranquillitati Ger-
maniae imo totius Christiani orbis prospicere non
intermisit, certiores reddere voluerit; Imprimis
igitur Regiæ Vestræ Majestati dicti Clementissimi
Domini Nostri pro tam exoptato nuncio, quo ni-
hil gratius ipsis accidere poterat, maximas agunt
gratias & ei de tanto opere cum æterni Regii sui
nominis gloria fausta profecto animitus gratulan-
tes, Deum unice comprecantur, ut in concordiam
amborum Regnorum nunquam intermorituram
cum eorundem nec non totius Europæ maximo
bono & emolumento indies magis magisque coa-
lescat. Cujus ut Clementissimi Domini Nostri in
ipso limine conclusæ pacis effectum aliquem ex-
perirentur, Regia Majestas Vestra ad pacanda reli-
qua inter Principes Christianos dissidia singularis
cura, & cum in finem cum Catholica Regia Maje-
state suscepta interpositio luculentum exemplum
præ-

præbuit, pro quo ut Regiæ Vestræ Majestati, Domini Nostri Clementissimi se non minus ad gratiarum actionem obstrictos agnoscunt, & non dubitant, officia tantorum Regum felici successu non caritura, ita etiam e re & munere eorum visum fuit, Sacræ Cæsareæ Majestati ex longiori funesti belli in Germania prosecutione imminenti pericula in scriptis exponere, & ad sedandos præsentis Germaniæ motus amicabilem tractatum proponere & suadere, nec non ad ejusdem accelerationem instantè hortari, missis in eundem finem a Reverendissimis & Serenissimis Electoribus Moguntino & Colonienfi Legatis Viennam, qui Sacræ Cæsareæ Majestati ea etiam ore tenus repræsentarent. Cum igitur Clementissimi Domini Nostri sperent, dictas literas & Legationem apud suam Sacram Cæsaream Majestatem, talem efficaciam habituras, ut propositis periculis mature perpensis, ad restituendam quantocyus Germaniæ quietem se induci patiatur. Hinc etiam confidunt, Regiam Vestram Majestatem haud ægre laturam, si ulterior eorum declaratio tam diu differatur, donec responso a Sacra Cæsareæ Majestate obtento, ejusdem mentem & sensum circa restaurationem pacis Germaniæ plane cognoscant, de cætero pollicentes, se pro reducenda dicta pace cum Cæsareæ Majestate in Germania omne studium & operam impensuros, ac si præter spem amicabilia media successu carere contingeret, se id præstituros, quod in ejusmodi casibus instrumentum pacis præscribit, & ad stabilimentum tranquillitatis publicæ in Imperio conducere videbitur. Cum Regis Hispaniæ Catho-

tholica Majestate initam concordiam etiam nos maxima cum lætitia percepimus, & quia non ignoramus, quietem totius Europæ magna ex parte ab illius firmitate dependere, sic eam a divino numine etiam obnixè efflagitantes Regiæ Vestræ Majestati felicissimos rerum successus cum perenni incolumitate animitus vovemus. Dabantur Francoforti, 24. Februar. Anno 1660.

CCCLXI.

Litera CAROLI XI. Suecorum Regis, ad JOHANNEM GEORGIUM II. Saxonie Electorem, cui Parentem suum ex hac miseriarium valle ereptum ad beatiores celi sedes, se vero in thronum ejus evectum esse significat, 1660.

Nos Carolus, Dei Gratia Suecorum, Gothorum, Vandalorumque Rex &c. Celsissimo Consanguineo & Amico Nostro Charissimo, Domino Johanni Georgio secundo, Saxoniz, Juliaci, Cliviæ & Montium Duci, Sacri Romani Imperii Archimareschallo & Principi Electori &c.
salutem & prosperos rerum successus.

*Celsissime Princeps, Consanguinee & Amice
Charissime.*

NON possumus intermittere, quin Dilectioni Vestræ dolenter significemus, quale Nobis ex improvise nuper vulnus inflictum sit. Eripuit Nobis Deus ter optimus maximus Parentem quondam Nostrum Charissimum, Serenissimum ac
Poten-

Potentissimum Principem ac Dominum, Dominum Carolum Gustavum, Dei Gratia Suecorum, Gothorum, Vandalorumque Regem &c. Eumque duodecima hujus mensis die e consortio mortalium separaturn ad beatiores sedes exivit; ubi ille quidem, procul hoc mundano strepitu, suo fruitur gaudio, cæterum magnum Nobis Regnoque suo & omnibus ejus Ordinibus reliquit sui desiderium, qui sic vixit, ut iisdem esset & ornamento, & præsidio & solatio, hostibus vero terrori aut admirationi. Augetur vero nimium quantum ejus desiderium, si tempora isthæc, eorumque constitutio considerantur, quandoquidem vel solus tot in se irruentibus hostibus consilio, prudentia, maxime vero animo sufficere videbatur. Tanto vero Parenti Nos atque Principi Ordines quoque Regni seriores annos optasse, dubitare non possumus, quin Dilectio Vestra censuerit. Casum autem tam acerbum, tanquam Naturæ quidem debitum, feremus, sed ut hoc faciamus æquiori animo aliis quoque ac imprimis Dilectioni Vestræ eum communicandum putavimus. Deus tam adversa dehinc a Nobis & Dilectione quoque Vestra avertere dignetur. Cæterum cum in Thronum Magni Principis, vigore Statutorum Regni sufficiamur, Dilectionem Vestram assecurare volumus, obitu ipsius de Amicitia Nostri nexu ac necessitudine nihil derogatum iri, sed id operam Nobis daturus esse, ut in Nobis Domini Parentis effigiem vivere intelligat, nec commissuros, ut dimisso animo manibusque dehinc agere videamur, sed propositis Nobis gloriosissimis Ejus exemplis, sive pacem re-

voçare libuerit, siue bellum continuandi necessitas fuerit imposita, nostro fastigio semper digna exequi pergamus. Deus Dilectionem Vestram diu seruet incolumem, cui prospera quævis ex animo optamus. Dabantur Gothoburgi, die 24. Februarii, 1660.

*Nomine Sacra Regia Majestatis respectiue Filii
Nostri Charissimi, & Regis ac Domini No-
stri Clementissimi*

HEDWIG ELEONORA.

**Petrus Brahe, Comes in Wis-
singsborg.**

Axel Lillie, Comes.

Carolus Mörner.

Carol. Mauritius Löwenhaupt,

Reer de Ribbing.

Severinus Baat.

Gustavus Bondt.

Arfuidus Forbius.

Johann Kornhau.

Eduardus Ehrenstein.

CCCLXII.

*Littera CAROLI XI. Suecorum Regis, ad PE-
TRUM JULIUM COJETUM, alios-
que Regni Suecici Haga Comitum subsistentes Mi-
nistros, quibus Carolum Gustavum, Parentem
suum, vita excessisse refert, eosque ut in muneri-
bus sibi concreditis strenuam debinc suo nomine
navent operam, clementer hortatur, 1660.*

Caro.

Carolus, Dei Gratia Suecorum, Gothorum, Vandalorumque Rex, Magnus Princeps Finlandiæ, Dux Scaniæ, Esthoniæ, Careliæ, Bremæ, Verdæ, Stetini, Pomeraniæ, Cassubici & Vandalici, Princeps Rugiæ, Dominus Ingridiæ & Wismarici, nec non Comes Palatinus Rheni, Bavarici, Juliaci, Cliviæ & Montium Dux. Dilecto Nostro fideli, Petro Julio Cojet, aliisque Ministris Suecicis in Haga Comitibus, gratiam & favorem Nostrium singularem.

Nobiles Nobis sincere dilecti.

FAcere non possumus, quin Vobis luctuosum casum & obitum Parentis quondam Nostri, recordationis felicissimæ, Serenissimæ ac Potentissimæ Principis ac Domini, Caroli Gustavi, Suecorum, Gothorum, Vandalorumque Regis &c. clementer significemus, ejus quidem excessu Nobis in thronum ejus assurgentibus non exiguum relictum est desiderium. Etenim si dicendum quod res est, meruisset utique diuturniorem vitam, saltem quoad eos, qui necessitatem belli imposuerunt, condignis mediis pacare potuisset. Cum vero superis aliter visum sit, Nos quoque eorum dispositioni, ut acquiescamus, par est: Ac quod nunc superesse videtur, id agemus, quod orbi palam fiat, nolle Nos demissis animis & manibus agere, sed eam adhibere operam, ut immensæ hostium machinationes Nobis intentatæ, sed tales quæ postea etiam in amicos manare possint, avertantur ac pax honesta reducatur. Cui rei cum Vos etiam sub regimine altissime memorati Domini Parentis Nostri fideliter operatos intelligimus, Vobis equidem sin-

gulares agimus gratias, nulli dubitantes, quin sicuti in eum finem Principalis Vestræ Legationis munere Vos adornavit, ut septentrioni pacem revocare studeretis, in tam salutari opere porro pergatis, certi de Nobis, fore Nos paratos ad eas pacis condiciones, quæ tutæ pariter & honestæ fuerint: Quibus Vos Divinæ providentiæ commendamus. Dedicamus Gotheburgi, die 29. Februarii, 1660.

Nomine S. R. Majestatis respectivæ Filii Nostri Charissimi, ut Regis ac Domini Nostri Clementissimi subsignatum.

HEDWIG ELEONORA.

Petrus Brahe, Comes in Wis-
singeborgh.

Axelius Lilje, Comes.

Gabriel Oxenstiern, Comes in
Nabi & Cosa.

Claudius Bielkenstein.

Erik Flemmingh, Thesaurarius.

Thuro Sparre, L. B.

Carolus Mörner.

Carol. Mauritius Löwenhaupt.

Comes de Rusbourg & Tuliskær.

Peer Ribbing.

Johann Rosenhann.

Severin Baat.

Gustav Bonde.

Wilhelm Taube.

Axelius Sparre.

Eduard Ehrenstein.

CCCLXIII.

CCCLXIII.

*Litteræ PLENIPOTENTIARIORUM SUE-
CICORUM, in conventu Olivenſi, ad AN-
TONIUM LUMBRANUM, Gallicum in eo-
dem Legatum Mediatorem, a quo ut ultimam ma-
num operi ad exoptatum ferme finem perducto im-
ponere haud gravetur, obnixè contendunt, 1660.*

Illuſtriſſime atque Excellentiſſime Do-
mine Legate,

Postquam favente hætenus divino numine, res cum Sereniſſimo Rege Reque publica Poloniæ pertractandæ eo jam transactæ fuerint, ut pauciſſima & ea minutissima superſint, quæ in una vel altera conferentia, ſi ſtudio, quod neutiquam præſumimus, haud neceſſetur mora, complanari poſſint, reſtat, quoad ea, quæ Poloniis cum Fœderatis communia ſunt, uti & illa, quæ ſingulos eorum concernunt, progrediamur. Cum autem confœderatorum duo tantum ſint, Sacra Cæſarea Majeſtas & Sereniſſimus Elector Brandeburgicus (quippe concluſa in Seelandia pace, negotium Regis Daniæ, non negante ipſo ipſius Gedani degente miniſtro, plane ceſſat) parum erit difficultatis, quia omnia, quæ rationi & æquitati conſentiunt, acceptavi-
mus, atque in reliquis mentem noſtram, per incluſam hæc declarationem Excellentiæ Vestræ per-
amice notificamus, intra tres quatuorve dies tractui finem imponendi, ac pacem generalem con-
cludendi. Nam qui maximi momenti eſſe viden-
tur, Guarantiæ & generalis fœderum renunciatio-
nis, articuli, tam æquæ ad iſtos (etiãmi præpoſtere
& contra ordinem propoſita illa fuerit, & hæc jam

dadum in primo puncto amicitiae nimirum pertractari debuisset) nos declaravimus, ut quivis actionum nostrarum non iniquus Censor, facile nobis sit adstipulatus. Quid enim desideretur amplius, si aut plane nulla fiat in pacis instrumento foederum mentio, aut ad eum modum, qui in pactis Osnabrugensibus exprimitur, iste articulus concipiatur, ne logomachia inani tempus inutiliter teratur? Quoad Guarantiam vero, liberum Sueciae sit, tum eas in eandem rogare potestates, quae & ipsae volent, & voluntati Regis Regnique placebunt, neque a Statu & Interesse eorum aberunt; tum & eam praestare iis tantum, cum quibus hac de re convenire e resua judicaverit, relicto quoque parti alteri mutuae Guarantiae arbitrio. Committendum igitur Excellentiae Vestrae Curae & Autoritati duximus pro sua dexteritate negotium ad optatum tandem finem promovere, ne gravetur; siquidem elapsis tot mensibus, extendere tempus tractatum ultra octiduum, neque conducit, neque in nostra consistit potestate. Hisce eandem divinae custodiae peramice commendantes. Datis Sobothi d. 17^{to}. April. Anno 1660.

Excellentiae Vestrae

Ad officia paratissimi

Magnus Gabriel de la Gardie.

Benedictus Oxenstierna.

Christophorus Carolus Schlippenbach.

Andreas Guldenklau.

Inscriptio.

Ad Dominum de L^o Ombres.

CCCLXIV.

CCCLXIV.

*Littera CAROLI XI. Suecorum Regis, ad JO-
HANNEM CASIMIRUM, Polonia Re-
gem, quem de Parentis sui obitu certiore reddit,
1660.*

Nos Carolus, Dei Gratia Suecorum, Go-
thorum, Vandalorumque Rex, Magnus
Princeps Finlandiæ &c.
&c. &c.

Serenissime Princeps &c.

Quam acerbum & luctuosum vulnus Deus Ter-
Optimus Maximus superioris Februarii die
duodecimo, hora nocturna propemodum secunda
influxerat, divum parentem nostrum, gloriosissi-
mæ memoriæ, Serenissimum & Potentissimum
Dominum, Dominum, Carolum Gustavum, Sue-
corum, Gothorum, Vandalorumque Regem, Ma-
gnum Principem Finlandiæ &c. &c. ex consortio
mortalium ad beatiores sedes amoliretur, Sereni-
tati Vestræ facile est conjicere, quando & ætatem
nostram, & tanti Principis virtutes, animo saltem
complexi non gravatur. Sed ille quidem procul
hoc mundano strepitu nunc agit, suoque perfritur
gaudio. Cæterum magnum Nobis, suoque
Regno & omnibus ejus Ordinibus reliquit sui desi-
derium. Cum vero divina disponente gratia, vi-
goreque Statutorum Regni, in magni Principis
æthronum evecti simus, redintegratis prospero
Tractatus successu necessitudinis Commerciis, vi-

cisitudinem hanc Serenitati Vestræ significandam arbitrati sumus, Serenitatem Vestram asscurantes, revocata jam inter Nos pace, ac animorum consensu reposito, nihil Nobis fore in hoc solio constitutis quidquam omnino charius aut antiquius, quam eundem omni studio officique genere roborare, atque id agere, ut Serenitas Vestra intelligat, Nos tum demum voti Nostri Nos reos judicare, quando tranquillitate secura frui & gaudere Nobis tuto licuerit. Deus humano generi tam salutare opus fidei vinculis porro arctioribus communiat, ac amicorum invicem sensuum perpetuitatem semper benigniorem largiatur. In cujus divinam protectionem Serenitatem Vestram commendamus, propitiore incrementa ex animo voventes. Dedimus Holmiz, 14. Junii, Anno 1660.

*Nomine altissime memorata S. R. Maj. respective
Filii Nostri Charissimi, ut Regis ac Domini
Nostri Clementissimi*

Subsignatum.

HEDWIG ELEONORA.

Senatores Regni Sueciæ.

CCCLXV.

*Littera SENATORUM REGNI SUECIÆ,
ad SENATORES REGNI POLONIÆ
MAGNIQUE DUCATUS LITHUA-
NIÆ, quibus pacem inter utraque Regna conclu-
sam impense gratulantur, & suavioris dulcis-
simarum pacis gratiarum officia trucibus belli
vicissitudinibus commutanda offerunt, 1660.*

Nos

Nos Senatores inclyti Regni Sueciæ, Reverendis-
simis, Illustrissimis, Reverendis, Illu-
stribus, Magnificis & Generosis Dominis Sena-
toribus Regni Poloniæ, Magnique Ducatus Li-
thuanix, Vicinis & Amicis Nostris observan-
dissimis, salutem & prosperam rerum
incolumitatem.

*Reverendissimi, Illustrissimi, Reverendi, Illu-
stres, Magnifici & Generosi, Domini
Vicini & Amici Observan-
dissimi.*

Bellum supra septuaginta annos, varia fortu-
na, diversisque eventuum vicibus, cum Re-
gibus Reque publica Polona gestum Commissa-
riorum utriusque Regni, indefessa opera studioque
nuper finitum, ac prospero tractatus successu ter-
minatum esse, nos quidem ex animo latamur,
nec facere possumus, quin eo quoque nomi-
ne Illustrissimis Dominationibus Vestris impen-
se gratulemur. Quæ in eo non minimam & labo-
rum gloriam & gaudii partem sibi merito
vendicant. Sane, si omne bellum per se infe-
lix est & horridum, tum vero id magis abomi-
nandum, inque pacis studia quantocyus com-
mutandum est, quod nisi necessitate urgente re-
ciprocari debet. Sicuti ergo serventibus & in-
festis armis jam diu virium ac fortitudinis peri-
culum invicem fecimus; ita reconciliatis ani-
mis hoc superest nunc, ut, sepositis dehinc ini-
micitii ad cultum amicitix & animorum con-

sensum revertamur, trucesque vicissitudines suaviori pacis gratia, meliorumque usu, compensemus. Quod quidem cum Nos apud animum fixum omnino statuerimus, operam dabimus, ut intelligatur in eo nos assidue futuros, quo redintegratæ paci novem semper amicitiae pignus roburque accedat: Ac præterea impense hoc acturos esse, ut quidquid grati a Rege & Domino Nostro Clementissimo adeoque hoc Regno in Regem & Rempubicam Vestram proficisci posse, arbitrati fuerimus, id lubenti volentique animo in usum utriusque populi hinc oblatum prompteque declaratum iri animadvertant. Qua sincera & proluxa animi Nostri propensione desinentes atque pares vices ab Illustissimis Dominationibus Vestris Nobis promittentes, easdem divinæ protectioni commendamus, salutaria & prospera semper incrementa Reipublicæ Vestræ precantes.

Dedimus Holmiæ, d. 14. Jun.

1660.

*Illustrissimis Dominationibus Vestris
ad officia & studia paratissimi*

Petrus Brahe, Comes in Wisingsborg, Regni Sueciæ Drozetus. mppria.

Lars Kagg.

Gustavus Bielke.

Gabri-

Gabriel Oxenstirna, Comes in Korsholm
& Wasa, Regni Sueciæ Mareschallus.
R. Totte, Comes in Laberbosch, Regni
Sueciæ Magnus Stabuli Magister.
Severinus Baat, Regiæ Cam. Collegii
Præses.
Scherninius Rosenhan, Conf. Cancell. &
Castelli Stockholm Gubern.
Thuro Sparre, Dicafterii Regii Consil.
Hermanus Flemming, Reg. Cam. Præf.
Magnus Gabriel de la Gardie.
Canutus Possen, Dicafterii Gothici Præses.
Claudius Bielkenstierna.
Johannes Rosenhan.
Carolus Morner.

CCCLXVI.

Littera CAROLI XI. Suecorum Regis, ad JO-
HANNEM CASIMIRUM, Poloniarum
Regem, cui de pacē secum composita gratulatur,
mutuaque amicitia & necessitudinis studia pollicetur, 1660.

Serenissime Princeps, Frater, 'Consan-
guinee, Vicine & Amice
Charissime.

Quemadmodum bellum, non alio nomine,
quam ob restitutionem pacis, merito susci-
piendum esse putamus; Ita, ex quo fata, sortes
mortalium pro suo beneplacito versantia, Divum
paten-

parentem Nostrum, gloriosissimæ memoriæ, ex hac statione ad beatiores sedes amolita sunt, ne frustra esset pacis negotium, exemplo tanti Principis, nihil Nobis æque cordi esse sivimus, quam diuturnam, Nos inter Regnumque Nostrum ac Serenitatem Vestram Remque publicam Polonam, controversiam, longo bellorum & induciarum tractu agitatam, utrinque optata pace terminare. Atque cum indefesso studio Commissariorum utrinque Nostrorum, adeoque interposita Christianissimi Regis opera, voti summam consecuti sumus, singulari Nos quidem gaudio perfundimur, ac Deo immortales agimus gratias; Sed præterea quoque intermittere non possumus, quin Serenitati Vestræ ob tam evidentem Dei Optimi Maximi benignitatem ex animo gratulemur. Satis utrique iusta subest causa. Etenim si qui eo rerum statu, sive mutuo cognatam necessitudinem, sive quibus præsumus, Regna & populos respicimus, constituti sumus, ut intimo potius amicitiae nexu conjuncti maneamus, quam diuturnioribus, ac internecinis certatim laceraremur odiis; nihil equidem nec statui Nostro, nec causæ communi, nec etiam sanæ consentaneum rationi amplius ageremus. A Nostra ergo parte optamus, inque id unice incumbemus, ut, inimiciis & controversiis procul dehinc habitis, redintegratæ amicitiae gratia ultro succedat, maneatque, ac novis subinde ornamentis fulciatur. Omnium vero primum & antiquissimum Nobis erit, bona id fide observandi, quicquid novissimæ pacis leges præscribunt, quandoquidem de pari ac reciproca Serenitatis Vestræ candida-

didaque voluntate, non continget, ut dubitemus :
Atque operam insuper dabimus, ut Serenitas Vestra
præterea intelligat, ad omne amicitiae sinceræque
necessitudinis genus, & mutuam Regnorum No-
strorum incolumitatem semper promptos ac pa-
ratos Nos fore. Qua officii testificatione finien-
tes, constantiam & diuturnitatem erectæ noviter
pacis, eique robur ac perpetuitatem, Serenitati
autem Vestræ prospera rerum semper incremepta
ex animo vovemus. Quibus Serenitatem Ve-
stram divinæ protectioni commendamus, seros ei-
dem ac prosperos annos ex animo voventes. De-
dimus Stockholmia, die 14. Junii, Anno 1660.

*Nomine altissime memoratæ Sacræ Regiæ Majesta-
tis, respectivè Filii Nostri Charissimi, ut & Re-
gis ac Domini Nostri Clementissimi.*

HEDEWIG ELEONORA.

Petrus Brahe, Comes in Wi-
singsborg.

Gustavus Bielke.

Severin. Baat.

Thuro Sparre.

Gustavus Bosse.

Georgius Flemming.

Claudius Bielkenstierna.

Carolus Morner.

Johannes Rosenhan.

Inscri-

Inscriptio.

Serenissimo Principi Consanguineo , vicino
& amico charissimo , Domino Joanni Ca-
simiro, Regi Poloniæ, Magno Duci Lithua-
niæ &c. &c. &c.

CCCLXVII.

*Responsoria JOHANNIS CASIMIRI, Polo-
niæ Regis, ad præsertas CAROLI XI. Svecor-
um Regis gratulatorias, parem amicitia & fa-
ctæ constantiam spirantes, 1660.*

Joannes Casimirus, Dei gratia, Rex Polo-
niæ, Magnus Dux Lithuanix &c. &c. &c. Sere-
nissimo Principi, Domino Carolo Svecorum, Go-
thorum, Vandalorumque Regi, & Principi hære-
ditario, Magno Principi Finlandiæ &c. &c. &c.
Fratri Consanguineo, Vicino & Amico Nostro
charissimo salutem & prosperos rerum
successus.

*Serenissime Princeps, Frater, Consanguinee,
Vicine & Amice noster Charissime.*

NEc Nobis alia mens unquam fuit, quoties ar-
mis objecimus vel intulimus arma, quam ut
bello pax firma pararetur: Eaque ubi coalescere
tandem posse visa, sepositis ulterioribus dissidiis,
animum votumque ad mutuam transferre cepi-
mus tranquillitatem. Hinc & non alienos a tra-
ctatibus pacis Sueciæ affectus ultro admisimus &
Christianissimi Regis operam gratahæter sumus am-
plexi. Posteaquam vero amicæ compositionis
negotium, optatis utrinque progressibus & even-
tibus est consummatum, & ipsi divinum læti cele-
bramus,

bramus favorem, & Serenitati Vestræ tanquam illius commodis addisti, magnum id cœli beneficium plenis affectibus gratulamur. Nulla certe felicitatis portio manebat diutius belligeratos, læsæque hinc inde necessitudines ac utilitatis rationes molestas, nocivasque iras moderari jubebant, nec cum odiis Regna sinebant exhaustiri: Desitum itaque est & cessatum, gravesque inimicitiae ac violentiae paci cessere. Quam & ipsam pacem ita Nos omnino probamus, nihil ut illi adversum committere vel admittere velimus, daturi satius operam, quo majoribus semper augeatur incrementis. Hinc est, ut constantem Serenitatis etiam Vestræ voluntatem ac Pacis observandæ promptitudinem perquam libenti accipiamus affectu; neque minus animi studii Nobis fore in mutuis Regnorum Nostrorum rationibus, omni-que necessitudinis genere serio protestemur, quam Vestra Nobis Serenitas ingenuæ ac benevole appromittit. Atque ut voto finiatur Epistola, magnum illud Numen veneramus, quatenus firmum & salvum velit saxitque, quidquid ejus ope constitutum est, nec nisi perennibus amicitiiis Regna gentesque Poloniæ ac Sueciæ connectat teneatque: Divinam simul ejus protectionem prosperosque Serenitatis Vestræ successus in omnibus ex animo vovemus. Datum Samboriæ d. 11. Aug. Anno 1660.

Ejusdem Serenitatis Vestræ

Bonus Consanguineus & Frater

Johannes Casimirus Rex.

CCCLXVIII.

CCCLXVIII.

Litteræ CAROLI XI. Svecorum Regis, ad S. R. IMPERII ELECTORES, PRINCIPES ET STATUS Francofurti ad Mœnum in Ordinario Deputationis negotio congregatos, quibus pacem cum Polonis Daniæque conclusam esse nuntiat, eosque ut Paci Polonica auctoritatem totius S. R. Imperii nomine prestare haud graventur, blande compellat, 1660.

Nos Carolus Dei gratia, Svecorum, Gothorum, Vandalorumque Rex & Princeps Hæreditarius, Magnus Princeps Finlandiæ, Dux Scaniæ, Esthoniæ, Livoniæ, Careliæ, Bremæ, Verdæ, Stetini, Pomeraniæ, Cassubiæ & Vandalæ, Princeps Rugiæ, Dominus Ingræ & Wismariæ, nec non Comes Palatinus Rheni, Baviaræ, Juliaci, Clivæ & Montium Dux, Reverendissimis, Celsissimis, Illustrissimis, Reverendis, Illustribus, Magnificis, Generosis & Spectabilibus Sacri Romani Imperii Electoribus, Principibus & Statibus Francofurti in Ordinariæ Deputationis negotio congregatis, Consanguineis & Amicis Nostreis charissimis & Nobis sincere grateque dilectis salutem & prosperos rerum successus!

Reverendissimi, Celsissimi, Illustrissimi, Reverendi, Illustres, Magnifici, Generosi & Spectabiles Sacri Romani Imperii Electores, Principes & Status, Consanguinei & Amici charissimi, ut & sincere grateque dilecti.

Quod a Deo Optimo Maximo assidue precati sumus, opeque omni ac studio affectavimus, ut

ut pax & tranquillitas publica restitueretur, ejusque nunc voti nos reos operisque fructum per pacem tam Polonicam quam Danicam, vicinorumque Regnorum confœderatorum reconciliationem consecutos Nos esse, Dilectionibus Vestris & Vobis significandum duximus; etenim Dilectiones Vestræ & Vos eos esse confidimus, qui publico hoc gaudio haud parum Nobiscum lætabimini, nostraque proposita in S. Rom. Imp. incolumitatem semper directa, ex actionibus tam Nostris, quam Divi parentis Nostri, gloriosissimæ memoriæ, omnium optime judicare potestis. Quidquid jam diu sustinuerimus, id publico condonare ac oblivioni sempiternæ, quam ulla memoriæ refractione amplius contrectare malumus, id sane ut orbi, ita Dilectionibus Vestris & Vobis obscurum esse non potest, quam post terga relictis omnibus propemodum prærogativis utilique alias Nobis debito, propensiones Nostras unicæ salutis publicæ dicaverimus, adeo, ut de Nostro cedere maluerimus, quam irretortis oculis videre, diuturniori bello fatigari & exhauriri tot mortalium vires, sanguinemque aut incendia eo trahi & converti; ubi periculo essent majori, ac vicinorum quoque opibus facile conciperentur. Fuerunt namque Nobis præ oculis semper pacis Westphalicæ leges, non ignaris, quantum sanctimonia earundem Christianæ conducat rei, quamque ex tranquillitate Germaniæ reliquarum juxta sitarum Provinciarum quies expectanda sit. Ergo rebus tam feliciter terminatis non modo lætitiæ Nostre sensum Dilectionibus Vestris & Vobis effuse nunciandum

arbitrati sumus, sed etiam Dilectionibus Vestris & Vobis ac universo Imperio Romano gratulandum censuimus, quod flagrantiori dehinc discrimini exemptum, in hac tranquillitate conterminorum populorum non minimam sibi vendicat felicitatis partem, Deum obnixè rogantes, velit imbuere partes, adeoque eos omnes, quorum in manu Christiana res est, pacis & tranquillitatis publicæ dulcedine ac propitia reciprocar benevolentiar studia, iisdem largiri, quo Christianæ rei tam salutare conatus & successus diuturna semper constantia perseverent. Nobis sane in votis nihil est, eritque charius, quam pace tanto sanguine & impensis studioque parata quam securissime diutissimeque posse frui, quo studio cum ambigere nequeamus, alios Interessentes velle Nobiscum contendere, par est, ut devotissime meliora Nobis promittere audeamus, præsertim persuasi Dilectiones Vestras & Vos ad eundem scopum collimare velle, quibuscum Nobis jam diu est fœdus aut antiquissima amicitia, horum etiam intuitu, cum Nobis vigore pactorum Polonicorum integritum relictum sit, quoscunque vellemus in pacis firmitudinem & Gvarantiam post Regem Christianissimum (cujus in hoc publico bono curando tam in Polonia quam Dania maxime conspicuam fuisse operam, necesse est ut fateamur) nominare & adsciscere Dilectiones Vestras & Vos potissimum ad id officium invitare placuit, speramusque a Dilectionibus Vestris & Vobis impense hoc acceptum iri, quos Nobis amicissimos esse, ac deinceps quoque fore, non ambigua opinione volumus omnari,

nari, id præterea, ut faceremus, flexit nos non modo, quæ Osnabrugi & Monasterii pridem Vobiscum Nos conjunxit pacis copula, sed etiam quæ Nos invicem porro conjungere debet, mutui commodi, causæque & tranquillitatis communis cura, atque hoc ipso profiteri nihil differimus, Pacis publicæ conditionibus in Westphalia ante duodecim prope annos erectæ, reliqua omnia Nos facile posthabere velle, confidentes, Dilectiones Vestras & Vos in eo quoque futuros, ut paribus Nobis respondeatur vicibus, nec commissuros esse, ut si quæ fuerint in oppositum a pacis osoribus molimina & machinationes structa, vim aliquam acquirant, quin potius communi studio ac ardore id agere nitantur, ut alia antevertantur & in herba supprimantur, ne in nervum erumpentes, saluberrimis hisce pacis conservandæ propositis officere queant. Commisimus quoque de hisce & aliis plura, Consiliario & Residenti nostro ad conventum Imperialis Deputationis, Nobili Nobis sincere fideli Georgio Snoilski dicenda, quem ut audire ac benevolum ei responsum impertiri, Dilectiones Vestræ & Vos velitis, erit id, quod etiam atque etiam rogemus. Quibus Dilectiones Vestras & Vos Divinæ commendamus protectioni. Dedimus Holmiæ die 14. Julii 1660.

Nomine altissime memorata Sacra Regiæ Majestatis respectivè Filii Nostri charissimi & Regis ac Domini Nostri clementissimi.

HEDEWIG ELEONORA.

Petrus Brahe Comes in Wisfigburg.
Gustavus Bielcke,

Wilhelm Taube.
 Ericus Flemming.
 Heinrich Horn.
 Canutus Knuk.
 Magnus Gabriel de la Gardie.
 Carl Mörner.
 Arhuidus Forbus.
 Johann Rosenhahn.
 Borsler Horn.
 Georgius Flemming.
 Gabriel Oxenstiern, Comes in Korfch-
 holm & Wasa.
 N. Totte.
 Niclaus Brahe.
 Benedictus Horn.
 Lorenz Creuz.

Eduard Ehrenstein.

CCCLXIX.

*Responsoria a S. R. IMPERII ELECTORUM,
 PRINCIPUM ET STATUUM DEPUTA-
 TIS ad proxime precedentes CAROLI XI.
 Suecorum Regis, literas, 1660.*

P. P.

Regiz Majestatis Vestrz ad Sacri Romani Im-
 perii hic congregatum Deputationis Ordina-
 riz conventum die 14. præteriti mensis Julii exa-
 ratas literas ejus Consiliarius Residens, & ad modo
 dictum conventum Deputatus, Georgius a Snoilsky

& reddidit, & ea, quæ ulterius in mandatis habuit, oretenus Nobis dextre exposuit. Ex quibus Sacri Romani Imperii Electores, Deputati Principes ac Status, Domini nostri, summa cum lætitia intellexerunt, Regiam Vestram Majestatem eos de pace Polonica & Danica feliciter confecta non solum certiores reddere, verum etiam vigore pactorum Polonicorum eosdem in dictæ pacis firmitudinem & Gvarantiam nominare atque adsciscere voluerit, quo ipso, quemadmodum Regia Majestas Vestra suum prolejusdem perennitate totiusque Imperii tranquillitate, studium & curam denuo luculenter testata est; ita eidem debitas amplissimasque agunt gratias. Jucundissimum omnino ipsis accidit, quod Ea, laudatissimis Regiæ Majestatis Divi parentis sui, gloriosissimæ memoriæ, in eadem re, & huic conventui sæpius explicatis desideriis, tam fauste ad effectum perductis, initium Regiminis sui a tantæ Christianitati, cumprimis vero belligerantibus & Germaniæ saluberrimo opere auspicata fuerit. Gratulantur proinde Regiæ Majestati Vestræ dicti Domini Nostri de restaurata pace quam possunt maxime, & ut inter eandem reliquosque pacis consortes in concordiam & amicitiam nunquam intermorituram coalescat, exoptant, & prorsus confidunt, eam singulari studio & zelo eo propendere, sibi que observatione pactorum Monasterio - Osnabrugensium nihil antiquius esse, sicuti tum ex supra dictis ipsius literis, tum etiam Deputati sui propositione abunde constat. Ac quemadmodum Dom. Dom. Nostri non dubitant, Regiam Vestram Majestatem ex ante-

aëtis satis perspexisse, itatim ab erumpente ferali illius belli incendio nihil omiffum, quod ad arcendum illud ab Imperii limitibus idoneum videbatur; sic etiam a tali promovendæ quietis & securitatis publicæ cura nunquam difcedent, confidentes, reliquos Imperii Status tali exemplo incitatos fimiliter ex parte fua non defuturos, quo unanimi confilio, opera & viribus Pax Monafterio-Osnabrugenfis farta tefta confervetur, & quidquid eandem turbare poffit mature præcaveatur. Multum imprimis Regiæ Majeftati Veftræ debere fe profitentur, quod illos ad confortium fancitæ pacis invitaverit, plane perfuafi, Electores, Principes, & Status omnes & fingulos gratiffimo non minus animo illud in acceptis laturos. Quod fupereft Regiæ Veftræ Majeftati & Nos de tam felici Regiminis fui ingreffu, & reddita feptentrioni quiete, humillime gratulamur, & Regiam Veftram Majeftatem cum Sereniffima parente divinæ protectioni, ad profperos rerum fuccelfus, & diuturnam incolumitatem, etiam atque etiam commendamus: Dabantur Francofurti ad Mœnum die 8. Octobris 1660.

CCCLXX.

*Litera CHRISTOPHORI CAROLI, COMITIS
A SCHLIPPENBACH, Senatoris Regni Sue-
cia, ad NICOLAUM IN PRASMOU PRAS-
MOWSKI, Supremum Regni Polonia Cancellarium, a quo, ut fibi mentem fuam circa fœdus inter
utramque gentem communi periculo avertendo
pangendum, candide aperire dignetur, modefte ef-
flagitat, 1660.*

Non

Non vani eventus augurium Excellentia Vestra in novissimis suis expresfit, quo Regnum Sveciæ Poloniæ Regno ad Pacis ratificationem promptitudine haud cessurum præconcepit. Ecce enim triduum jam abiit, ex quo Svecica ratificatio in portum Dantiscanum subducta est, & propediem celebrandum commutationis actum parata præstolatur. Voluit sane Suecia complacentiæ suæ erga pacem Polonicam studium tali testimonio manifestare, unde simul arctioris conjunctionis propensio liquidis emergeret vestigiis. Literæ quippe & Sacræ Regiæ Majestatis & Statuum Regni Sveciæ aperte satis probatum mihi dant, judicare ipsos eum hostem, qui Vestras nunc exercet vires per temerata leviter fœdera & violatam toties induciarum castimoniam justæ vindictæ jam tandem maturuisse. Quoniam vero Svecia, degustatis super ea re suasoriis meis, insuper etiam pondera rationum coram ex me percipere gestit, adeoque mihi propediem adeunda est: Ideo, priusquam hinc solvam, pertentandam solida flagitatione Excellentiam Vestram duxi, ut super toto hoc virium armorumque consociationis negotio mentem mihi suam sufficienter aperire, & communia communis periculi commoda accurato designare penicillo dignetur, quod sic convenienti instructus notitia tanto felicius ex sententia Excellentiæ & utilitatis publicæ Sacram Regiam Majestatem Ordinesque Sveciæ in rem (quod agunt) præsentem deducere possem. Habebit Excellentia Vestra & suæ gravis & meæ qualiscunque operæ non leve pretium, postquam, magno inclyti Regni Poloniæ incre-

mento, Sveciam in eadem Martis area decurrere
fenserit. His consultis cœptisque annuet, ut spe-
ro, supremum Numen, cujus benevolæ protec-
tioni Excellentiam Vestram cum oblatione officio-
rum meorum ardentè recommendo. Dabantur
Gedani die 20. Julii Anno 1660.

Excellentiæ Vestræ

ad officia paratissimus Servitor

Christophorus Carolus, Comes
a Schlippenbach.

CCCLXXI.

*Littera JOHANNIS CASIMIRI, Regis Po-
loniæ, ad FRIDERICUM WILHELMUM,
Electorem Brandenburgicum, quibus eum, ne di-
lationem solutionis aris, tenore Bidgostiana Con-
ventionis sibi solvendi in sinistram partem inter-
pretetur, amice requirit, eamque finitis Comitibus
præstitum iri promittit, 1660.*

Johannes Casimirus Rex &c.

Serenissime,

Quemadmodum nihil antiquius habemus,
quam ut pacta inter Nos Rempublicamque
hanc atque Serenitatem Vestram Bidgostia con-
clusa religiose serventur: ita iniqui hujus tempo-
ris rationem in quibusdam ex æquitate habendam
esse arbitramur. Præsertim vero cum Regnum
hoc tot concussum motibus exhaustum & deser-
tum, magnis adhuc bellis inter potentiam Mosco-
rum & perfidiam Cosacorum pertinaciter huc us-
que

que luctetur, ac tantum non succumbat. Cum porro summa centum viginti millium thalerorum Serenitati Vestrae in hoc, quod se jam proxime convolvit, atque in Mense Novembri labitur, triennio, a Republica solvenda, ob attritas & accisas publici Aerarii vires, numerari non possit, atque vi pactorum arcis & oppidi Drahim (in extremis Regni nostri cum Marchiae finibus sitorum) in casu non numerandae pecuniae apprehensio debeat; Ita persuasi sumus, Serenitatem Vestram concussae hujus, atque laxatae Reipublicae fortunae hac in parte consulturam, ut velit Serenitas Vestra & pro insigni sua prudentia, & pro benevolo in Nos & Rempublicam hanc animo, a capeffenda memorata arce & oppido, postquam praefixa pactis conventis advenerit dies, abstinere, imo imminenti-um in Februario Comitiorum, ex publica necessitate celebrandorum tempus, digna tanto Principe moderatione praestolari. Sane illud potissimum tum temporis, inter gravissimas ad publicam tutelam pertinentes curas, & rerum momenta Ordines Regni habituri sunt & contendunt, ut Serenitati Vestrae debita ex pactis summa exsolvatur, aut ea deficiente, bona obligata ex consensu totius Reipublicae fortiori quasi vinculo & majori securitate jure hypothecae tradantur. Accedit quod & Magnifica Anna Mohilanska, Cracoviensis Palatina, juris sui Adnatalitii in iisdem bonis habiti firmatique recompensationem, tum demum in memoratis Comitibus efflagitabit, cujus rationibus ut ex aequo hac in re Respublica non aliter haud dubie, quam lege publica prospiciet. Enim vero

certo confidimus, Serenitatem Vestram id, quod ab ea amanter flagitamus, facturam, maxime cum id sine dispendio rerum suarum facere; Hoc vero & Rempubicam ad magis merendum de tota Serenissima Brandenburgica Prosapia accendere poterit. Atque his valetudinem successusque prosperrimos Serenitati Vestræ ex animo precati; studia additionemque Nostram eidem libenter offerimus, Samborix, d. 17. Septembris, Anno 1660.

Inscriptio.

Ad Electorem Brandeburgicum.

CCCLXXII.

Littere ejusdem cum præinsertis argumenti a JOHANNES CASIMIRO, Polonia Rege, ad FRIDERICUM WILHELMUM, Electorem Brandenburgicum, data, quibus simul vim incolis Majoris Polonia, a Præsente Colbergenfis illatam imposterum amoveri, & occupationem Capitanatus Drabimensis differri cupit, 1660.

Johannes Casimirus &c.

Serenissime.

DEferuntur ad Nos graves querelæ publico nomine e conventu nupero Srodenfi Palatinatum majoris Poloniæ, Præsectum, seu alias Commandantem Serenitatis Vestræ Colbergensem multalicer & violenter agere, multisque injuriis, Nobiles ac eorum bona in vicino posita afficere,
nec

nec non villas quasdam Capitaneatus Drahimen-
fis plane occupare ausum, ut iusta Nobis causa sit
amicæ compellendi Serenitatem Vestram, ne talibus
attentatis & ausibus, quibus amicitiz & bonæ vi-
cinitatis iuraladuntur, locum esse patiatur. Cum
vero numerandæ pecuniæ, per pacta Bydgosstien-
sia assecuratæ centum viginti millium imperialium,
hypotheçæ loco dimittendæ in manus Serenitatis
Vestrz arcis & Capitaneatus Drahimenfis proxime
tempus instet, oratu eorundem Palatinatum & u-
niversæ Nobilitatis Majoris Poloniæ interponimus
partes Nosttras apud Serenitatem Vestram, ne gra-
vetur tantillum moræ tolerare ad proxima duntaxat
Comitia generalia Regni, in quibus modus conven-
iens satisfactionis Serenitatis Vestrz, sine tradi-
tione arcis & Capitaneatus Drahimenfis (quam
multæ & maximæ difficultates ratione controver-
sorum limitum & aliarum differentiarum conse-
quentur) publico Ordinum Regni consilio adin-
veniatur. Quod Serenitatem Vestram æqui &
boni consulturam speramus, ac eidem optimam va-
letudinem & prosperos rerum successus a Deo pre-
camur, Datum Samboriz d. 18. Septembr. An-
no 1660.

Inscriptio.

Ad Electorem Brandenburgicum.

CCCLXXIII.

*Litteræ FRIDERICI WILHELMI, Electo-
ris Brandenburgici, ad JOHANNEM CA-
SIMI-*

SIMIRUM, Polonia Regem, apud quem negotium tradenda Elbinga illicitis Polonici Commissarii artibus protractum, inopinatusque difficultatibus involutum, graviter conqueritur, 1660.

Serenissime & Potentissime Rex &c.

Cum post alias atque alias, & inexpectatas plane, Nobisque certe Immeritas Deputati ad Elbingæ traditionem Commissarii moras atque tergiversationes, in eo jam essemus, ut delatis super iis ad Regiam Vestram Majestatem iustissimis Nostris querimoniis, conveniens ab Eadem & tenori pactorum conforme remedium quaereremus, supervenerunt Nobis Regiæ Vestræ Majestatis Samboria die 5. præteriti mensis Septembris ad Nos datæ literæ, quibus Nos de continuandi belli ratione edocere & de mittendis juxta eadem pacta supplicis insimul requirere voluit. Quemadmodum igitur pro eo, quo res Poloniæ jam dudum respicimus affectu, inviti omnino accipimus, eam adhuc Reipublicæ impositam esse necessitatem, ut de belli gerendi rationibus agat, atque adversus hostium suorum vim de subsidiiis sibi prospiciendum habeat, eidemque plenam de iis victoriam, aut pacem gloriosam animitus optamus: ita merito dolemus, eas a supradicto Commissario in negotio Elbingensi, contra mentem ac verba pactorum Nobis objici difficultates, quæ eorum vim atque fundamentum, si non penitus convellunt, certe mirum in modum conturbant atque labefactant, ut quid inde expectandum aut præstandum Nobis sit, magis

gis magisque dubii ac fere incerti reddamur. Ne enim Majestatem suam latere possit, quid hactenus super ea re utrinque actum sit, & quam prompta a Nostra parte declaratione ea omnia ubique contulerimus, quæ a Nobis, licet intempestive aut nullo adhuc jure peti aut desiderari posse videbantur, statim ab initio, cum tamen ex lege & verbis pactorum Elbinga absque dilatione vel prætenfione ulla Nobis tradenda esset, in propositas Nobis tam ratione Postæ Gedanensis, quam sumptuum in præsidium Braunsbergenfæ erogatorum conditiones consensimus, atque passi sumus, ut ad eas, licet nondum debite verificatæ, nec nostræ contra rationes auditæ essent, ita se Nostri declarent, ne ipse Regiæ Majestatis Vestræ Commissarius amplius quidquam in istis Articulis desiderare possit. Cum autem nec hic substititisset sæpius dicti Commissarii conatus, ac plus semper petendi licentia, is nova subinde ac plerumque impertinentia cumularet, ea in accipiendis atque complanandis iis Nostra fuit æquitas & patientia, ut satis appareat, Nos rei quovis tolerabili modo finiendæ omnem operam impendere voluisse. Quo tamen ipso haud aliud effectum, quam ut is in proposito suo magis magisque fieret pertinacior & post vix ac ne vix quidem compositas, quæ Legatis Nostreis intercedebant cum ipso, controversias, easdem tandem ad alios cum civitate Elbinga tractatus rejiceret, novam scilicet porrecturus altercandi materiam, quam vix mensium aliquot spatium absolvere queat, imo quæ fortassis nunquam finem accip-
ptu-

ptura sit, quippe cum talia jam immisceantur postulata, quibus salvis pactis assentiri minime Nobis integrum est. Atque hæc quidem omnia licet per se gravia atque indigna, tamen eo usque toleranda Nobis visa fuerunt, quod sæpius dictus Legatus alio Nobis principio agere visus ac spes fuit, eum tandem melioribus rationibus locum facturum. Verum cum is destinatis suis inhærere atque id plane intendere videatur, ut neutiquam ad possessionem dictæ urbis perringere possimus, nescimus sane, quo pacto in eo negotio ulterius progredi, aut quid ad ejus consummationem amplius suscipere debeamus. Et licet tam alienis, tam bonæ fidei contrariis, tam non solum Nobis vere injuriis, sed etiam Regia Vestra Majestate indignis, aures accommodare & Legatos porro Nostros adhibere minus e re & dignitate nostra videri possit; Vocat tamen nos alias concepta erga Regiam Vestram Majestatem fiducia, apud quam quærelas hæc & gestæ rei modum deponere, & ejus desuper responsum medelamque expectare volumus, haud dubitantes, talem Regiæ Vestræ Majestatis voluntatis futuram significationem, ex qua tradita Nobis absque protelatione ulteriori Urbe, constare possit, Legatum suo potius ductu, quam Regiæ Vestræ Majestatis mandatis, rei, quæ jam dudum confici debuerat, inutiles & non necessarias remoras iniecisse. Non permittet Regia Majestas Vestra speramus, ut interceptum tandiu juris Nostri fructum, neque tantum valuisse & gesti simul belli & pacis una condita

ditæ memoriam, quantum minutorum quorundam respectum & unius civitatis, cui tamen in iis, quæ ipsi jure competunt, nihil detractum cupimus, prætenſa commoda, doleamus: imo pro innata ſua prudentia facile judicabit, quo id orbis, & præcipue eorum, qui his tractatibus interfuerunt, judicio futurum ſit; Polonia certe veteres amicos & ſocios in dolorem curamque conjiciet, ac novos vix acquireret, ſi communem cauſam in hac Noſtra tantopere vulnerari animadverterint. Imo periculum eſt, ne ipſe tandem Deus vindex & ultor fœderum, malis, quibus alias citiſſime Nos omnes exſolvi atque penitus liberari ex animo optamus, remedium afferat. De Regia autem Majeſtate Veſtra firmiter atque plene perſuaſi ſumus, eam ſolenniter antea pactorum & verbo quoque Regio erga Legatos Noſtros poſthac firmatorum memoriam, haud paſſuram, ut illis cujuſquam hominis arbitrio quicquam decedat; quin potius facturam, ut ea in ſuo robore atque vigore perdurent, & ad ſeram uſque poſteritatem inviolata permancant. Quo ipſo, ſicut Regia Majeſtas Veſtra acquiſitam fidei & conſtantia laudem tuebitur & augebit; ita nos viciffim non ad ea tantum, quæ ex pactis Nobis incumbunt, ſed alia etiam & majora quoque boni vicini & amici ſtudia ac officia paratiſſimos habebit, neque commitemus unquam, ut Regia Majeſtati Veſtræ & Reipublicæ Poloniae neceſſariis eis temporibus deſuiſſe jure argui poſſimus. De cætero eandem divinae protectioni fideliffime commendamus, atque Regia Majeſtati Veſtræ omnia felicitatis incrementa
appre-

apprecamur. Dabantur Coloniz ad Spream octava Octobr. Anno 1660.

Regiz Majestatis Vestraz &c.

*Cognatus, Affinis & Frater
studiosissimus*

Fridericus Wilhelmus, Dei
Gratia Marchio Brandenburgensis &c.

CCCLXXIV.

Responsoria JOHANNIS CASIMIRI, Poloniae Regis, ad preinscriptas FRIDERICI WILHELMII, Electoris Brandenburgici, literas, quibus ipsi par pari refert, 1660.

Serenissime.

COincidit in idem ferme tempus, ut & Commissarius Noster Generosus Uladislaus Naglovice Rey, Thesaurarius Curiz Regni, a commissio sibi munere Elbinga redierit, literarumque ad manus Nostrias delatarum essent, a Serenitate Vestra prolixam incusationem predicti Commissarii Nostri continentes; quasi ab ipso studiose conquisitis difficultatibus, dictarum civitatis traditio Commissariis Serenitatis Vestrae hucusque esset prepedita. Pronum & facile fuit dicto Commissario ea omnia, quae eidem imponebantur, apud Nos diluere, eamque ipsam retardationis hujus culpam in ipsosmet Commissarios Serenitatis Vestrae regerere, per quos, in confesso est, hanc ipsam, qualis qualis negotii hujus protelatio secuta est, stetit: ut jure magis mento ii ipsi a Serenitate Vestra hujusce
moræ

moræ damnari debuissent, quam Noster Minister ob eam incusari, qui intra cancellos suorum mandatorum sese continens, ita ibidem gessit, ut omni prorsus culpa vacuum sublimi suo Serenitas Vestra eundem iudicio absolutura sit, ubi rei gestæ seriem plane perspectam habuerit, qui nostro quidem arbitrio innocens est. Enimvero si ea mens Commissariis Serenitatis Vestræ ex æquo respondendi fuisset, æquisimis postulationibus Nostri tam vigore amotionis Magistri Postarum e Civitate Gedanensi, quam restitutionis Braunsbergæ in defalcatione meritisima eorum, quæ in præsidium Civitas illa erogavit, & in abrogatione insoliti hæcenus trajectus per Vistulam aliisque similibus, in quibus æquisissimam Serenitatis Vestræ expectavimus satisfactionem, opus illud e voto confectum fuisset. At cum complacere sibi in eo visi sunt, ut partim procrastinationibus declarationum, partim earundem immutationibus vel absonis interpretationibus concessa semel iterum revocando, aut constitutorum vigorem elevando, ludificantibus similes, in septimanas & menses propria libidine semper inutilibus & Serenitate Vestra indignis concertationibus producerent, omnis ab illorum parte culpa stetit. Negotium certe, cujus causa solius sæpe dictus Commissarius Noster illic tædiosas ducebat moras, jam oblatum habuisset exitum, brevique dierum curriculo terminatum fuisset, si par studium conservandæ amicitiae semper vicinis opportunæ, contulissent ipsi. Post tot enim interpositas moras & tergiversationes in promptu erat Commissario Nostro tradere

Elbingam, quod se facturum obtulerat, Magistratumque præsentem Commissariorum Serenitatis Vestræ Secretario eam ob rem monuerat, qui pariter iussa sibi a Nobis proposita, nil detrectando nonnulla tantummodo postulata, utpote securitatem iurium & immunitatum suarum, quæ illis lege quoque pactorum provisâ est, concernentia porrexere, a quibus se ita alienos, ita difficiles Commissarii Serenitatis Vestræ præstitere, ut ne responso quidem huiusmodi propositiones incolarum dignati, inanes votorum supplices dimiserint, tamen si idem sæpèdictus Commissarius Noster operam suam componendis e pactis utriusque commodo intercedentibus difficultatibus offerret. Ex quo Commissariorum Serenitatis Vestræ processu nemo non iudicabit, penes eos culpam moræ huius stetit, se, cujus noster adeo arguitur. Ita porro velimus sibi persuadeat Serenitas Vestra, nil antiquius esse, foreque semper Nobis, quam fidem semel datam retinere & conservare cuivis, utpote cujus nunquam naufragium fecimus, nec iudicium cuiusque tribunalque famæ hac in re formidamus, nil talium conscii, quæ vel minimo existimationis Nostræ dispendio pensanda forent. Inviolata retinere pacta cum Serenitate Vestra Nobis animus semper est erique, ac eundem Serenitati Vestræ inspirari e cælo optamus, ut maiorem in observandis porro fœderibus diligentiam, quam hætenus, adhibere velit, in qua nonnihil interea desideratum est, cum nec præterito bello Suecico, exercitu 6000. armatorum in Prussia, fide dictorum pactorum promissa, unquam assistere Serenitatem

Ve-

Vestram Nobis Reique publicæ Nostræ viderimus, & cum a tanto tempore mille quingentos pedites pro Moscovitico præstolamur bello. Quæ Serenitati Vestræ insinuanda censuimus, amice & christiane commonefactam cupientes, ne merito ira Numinis illi ob minus religiose servatam fidem pastorum, incumbat. Nobis certe nihil est, eritve magis curæ & sollicitudini, quam in Nostris semper partibus Serenitatem Vestram conservare, ad quas suscipiendas nulli paritum est pretio. Quibus Serenitatem Vestram Divini Numinis tutelæ ac curæ commendamus, prosperosque rerum successus ex animo aprecamur. Dat. Cracoviæ, die 18. Octob. Anno 1660.

CCCLXXV.

Litera commendatitia Wolsfango Casparo Clengelio, a JOHANNE GEORGIO II. Saxonie Electore, ad FERDINANDUM II. Magnum Hetruria Ducem tradita, 1660.

P. P.

EX mandato Nostro, iter in Italiam facienti dilecto Nobis ac fideli Nostro, inter Nobiles cubicularios & Architecturæ civilis ac militaris supremo Inspectori Wolsfango Casparo Clengel specialiter injunximus, ut Dilectioni Vestræ officiorum Nostrorum studia & integerrimi affectus sedulam continuationem declararet, deque sanitatis suæ statu se diligenter informaret, sperantes non nisi lætum & exoptatum de hoc nuntium accepturos, qui fœusta quævis ac salutaria Ei quam

Q 2

ple-

plenissime apprecamur. Placeat igitur Dilectioni Vestrae accessum prædicto Clengelio benevolenter permittere, ipsiusque personam omni gratia fovere, quod uti gratissimum certe Nobis eveniet; ita desideriis Dilectionis Vestrae pari officiorum promptitudine Nos responsuros fore hisce constanter pollicemur. Dilectionem Vestram, quod superest cum serenissima familia, divinæ Protectioni ex animo commendantes. Dabuntur in Electorali Nostra Dresda, die 15. Mensis Octobris, Anno Christi millesimo sexcentesimo sexagesimo.

CCCLXXVI.

Literæ LEGATORUM BRANDENBURGICORUM, ad ULADISLAUM NAGLOVICE RET, Polonicum in tradenda Elbingæ negotio Commissarium, quem, ne discessu suo adhuc conventis moram injiciat, amice monent, 1660.

Illustissime & Excellentissime Domine
Legate.

Siquidem ex contentis literarum Excellentissimi Domini Supremi Regni Cancellarii, Secretario Legationis Nostræ communicatis, evidenter patet, Excellentia Vestrae traditionem Elbingæ denovo esse demandatam: tanto major subit animum nostrum admiratio, quod Excellentia Vestra post bimestres tractatus, accelerato discessu suo ad aulam Sacrae Regiæ Majestatis, negotium abrumpere velit. Nos non detrectabimus omnia conventiona non tantum manuum nostrarum subscrip-

ptione firmare, sed & sine mora exequi, quam primum traditionis Elbingæ, sub qua conditione omnia stipulata conclusaque fuere, certi erimus. Hac vero denegata, nemo nobis rei male gestæ culpam imputare poterit, si ad ea, quæ vice verâ promissa sunt, nos non obstringamus. Speramus autem, Excellentiam Vestram pactorum publicorum exindeque dependentis salutis patriæ communisque quietis & tranquillitatis potiore, quam privatorum judiciorum rationem habituram, neque nisi peracto hoc negotio publico, hinc discessuram. Si vero immota stet sententia, hoc tamen fruemur solatio, non per nos stetisse, quin omnia pro firmanda magis magisque Principum nostrorum amicitia perfecta fuerint, neque si quidquam adversi exinde emergat, nobis ulla ratione imputari posse, qui votis desiderisque Excellentiae Vestrae eousque detulimus, quod in negotio citra ulla dilationes & prætensiones præstanda plurima obtinuerit. Insuper si quid ultra privato nomine præstari poterit, nihil a nobis desiderari passuri sumus. Dab. Mense Octobr. Anno 1660.

Legati Brandenburgici.

Superscriptio.

Ad Illustriss. Dominum Uladislaum Naglovice
Rey, Legatum Polonicum.

CCCLXXVII.

*Littera SENATUS ROSTOCHIENSIS, ad
GENERALES FOEDERATI BELGII
ORDINES, quibus sibi litteras intercessionales*

Q3

ab

ab eis ad Regem Suecia sue civitatis causa datas, ob vitium in titulo Regis observatum remissis esse nuntiat, seque aliis in optima forma scriptis ab onere per velligat Warnemundense sibi incumbente levari, humiliter precatur, 1660.

Præpotentes Ordines &c.

QUAS ad Serenissimam Regiam Majestatem Suecicam, Telonii Warnemundensis abrogandi causa a Præpotentibus Dominationibus Vestræ ita pridem impetravimus intercessionales, humillimo ac gratissimo non solum suscepimus animo, sed etiam protinus Stockholmiæ misimus, earumq; decentem insinuationem alicui nobis noto demandavimus, magna spe freti, fore ut haud minimum ex iis afflictissima nostra civitas sentiret commodum atque emolumentum. Oblatæ quidem a mandatario nostro præfatæ intercessionales debito loco, sed infelici fato post eandem a Secretario Regio integræ restitutæ fuere, hac allegata causa, quod inscriptio earundem præ se ferret titulum Regium minus rite conceptum. Remisit itaque mandatarius nobis inopinato ipsum originale, una cum notula quadam tituli Regii novissimi, ex cujus collatione deprehendimus in rubrica intercessionalium omissem esse voculam Livoniæ, quam aliter ille titulus Careliæ proxime subjunctam exhibet. In cæteris vero nullam conspicerè potuimus differentiam. Quid jam factò porro opus sit, præ nimia animi perturbatione, ex insperata remissione suborta, hæsitamus: navis illa interea bellatoria Suecica portum nostrum

War-

Warnemundenſem hodiernum oclufum tenet, & duriffimum veſtigal a præternavigantibus in libero mari extorquet, inſuper vice impenſarum, quas pro retinenda navi facere coguntur, augmentum, (quod Laſtgeld vocitant) nunc duplicatum a ſingulis navibus tam vacuis quam onuſtis exigit, adeo ut ni juſtiſſimæ noſtræ cauſæ interpellatione & interceſſione Superiorum Deo ſic diſponente ſuccurratur, Roſtochii Civitatis inter Hanſeaticas quondam florentiſſimæ interitus ipſo pacis tempore ſit metuendus. Ad Præpotentes itaque Dominationes Veſtras velut libertatis Commerciorum amantiſſimos. denuo accedimus, & ut miſerriſſimæ atque afflictiſſimæ conditionis noſtræ intuitu vel priores interceſſionales, quarum authenticum penes nos aſſervatur, immutare, vel etiam alias de novo in optima, quod dici ſolet, forma ad Sereniſſimam Regiam Majeſtatem Suecicam exarare haud gravatim velint, anxie contendimus. Facient hoc ipſo rem non ſolum nobis gratiſſimam, ſed & poſteritati nunquam ſatis deprædicandam, noſque viciffim cum poſteritate noſtra omni officiorum genere hanc nobis exhibitam gratiam demereri ſtudebimus. Datum Roſtochii, die 9. Novembris, 1660.

Præpotentium Dominationum
Veſtrarum

Humillimi

Conſules, Præconſules & Senatores
Roſtochienſes.

Q 4

CCCLXXIIX.

CCCLXXIIIX.

Litteræ FRIDERICI WILHELMI, Electoris Brandenburgici, ad JOHANNEM CASIMIRUM, Polonia Regem, quibus ipsi destinatum sibi iter in Ducatum Clivensem eique adscriptas Provincias significat, ac Elbingæ confestim tradende suarumque Provinciarum curam & protectionem amice commendat, 1660.

Serenissime ac Potentissime Rex &c.

TEnuit Nos per hos dies continua eaque indubia plane spes, fore, ut de tradenda Nobis absque mora & cunctatione ulteriori Elbinga, propiora a Regia Vestra Majestate mandata accederent, eademque Nobis adhuc in præsentiarum causâ esse poterat, destinatum nobis in Ducatum Nostrum Cliviæ eique adjacentes provincias iter eousque differendi, donec ei negotio suprema antea manus imposita fuisset. Verum cum eatum hyberni temporis tum etiam status nostri ratio sit, ut nisi magno cum rerum nostrarum dispendio illi itineri amplius supersedere minime possumus, Deo duce, illud propediem ingredi parati sumus, præsertim cum eo proposito, Nos minime cunctari, quin potius omni ex parte securos esse jubeat Regiæ Vestræ Majestatis perspectus Nobis benevolus, & ut pactorum fidei ac religionis tenacissimus, sic ab omni prorsus vel minima injuriæ specie abhorrens animus, de quo uti jure merito optima quæque Nobis pollicemur; ita superfluum plane existimamus, pluribus hic repetere, quæ jam

jam super ea re prolixius ad Regiam Vestram Majestatem perscripsimus, ad quæ tale omnino responsum expectamus, quod Nos in realem dictæ civitatis possessionem inducere, omniq; prorsus necessitate, non tantum toti orbi rem, quomodo gesta est, publice demonstrandi, sed etiam iis, ad quos id spectat, querelas Nostras exponendi liberare queat. Quod reliquum est, Regiæ Vestræ Majestati durante hac Nostra absentia, vicinarum sibi provinciarum Nostrarum curam ac protectionem de meliori commendantes, ei vicissim omnia, quæ a Nobis proficisci possunt studia & officia deferimus, & a Deo Optimo Maximo cum longæva ac prospera valetudine felicem Regni & fortunarum decursum ex animo optamus. Dabantur Coloniz ad Spream die 12. Nov. Anno 1669.

Regiæ Majestatis Vestræ

*Cognatus, Affinis & Frater
studiofissimus*

Fridericus Wilhelmus,
Elector &c.

CCCLXXIX.

Responsorie JOHANNIS CASIMIRI, Polonia Regis, ad FRIDERICI WILHELMI, Electoris Brandenburgici, præsertas literas, 1660.

Nuperrimæ Serenitatis Vestræ literæ 12. Nov. perscriptæ duplex Nobis exhibuere argumentum; alterum, quod Serenitas Vestra de præproprio itinere suo in Cliviam Nos reddit certiores, alterum, quo postulat, mora omni seclusa tradi si-

Q 5 bi

bi Elbingam. Utrumque Nos accepimus eo sensu, quem in Nobis excitat & cognati animi, frater-
næque necessitudinis in Serenitatem Vestram sem-
per propensissima voluntas, tum etiam sacrosanctæ
firmatorum fœderum nullum unquam a parte No-
stra vitium passura memoria. Unde sicuti reces-
sus hic Serenitatis Vestræ non potuit esse Nobis
non injucundus, cujus proprio vicinia semper
gaudemus, ita hoc Serenitatis Vestræ iter votis
prosequimur, ut Deus ter optimus ter maximus,
illud quam maxime prosperet, & eandem quantocumque
feliciter huc reducat. Cæterum cum non exi-
gua hæcenus intercesserint impedimenta, per
Commissarios Serenitatis Vestræ causata (prout
id literis nostris proxime præteritis Serenitati Ve-
stræ aperuimus) quo minus præfatum Elbingense
negotium, ad optatum finem perducipotuerit, tum
hoc ipsum iter Serenitatis Vestræ nequaquam No-
bis ex usu venit, longiora utique responsa, super
eorundem resolutione, a Serenitate Vestra præsto-
laturis. Quandoquidem neminem ex Ministris
Serenitatis Vestræ præsto habemus, cum quo e propinquo
conferre possimus, ut Dominus Overbeck (qui paucos ante dies in aula nostra comparuit)
nullis se instructum a Serenitate Vestra asserit man-
datis, mirantibus pene Nobis, qui fieri possit, ut
Serenitas Vestra urgendo tantopere rerum suarum
exitum, & tamen media, quæ ad facilitandum ne-
gotium omnino habentur necessaria, declinet;
Nos uti rectæ ac optimæ intentionis Nostræ secu-
ri existimus; ita non Orbis duntaxat, sed ipsius
quoque Serenitatis Vestræ censura, ab omni prorsus

fus suspicione conquistæ moræ absolutos Nos for-
 resperamus, si Serenitas Vestra plusculum cognatæ
 necessitudini, justissimisque rationibus Nostri-
 quam suo ipsius desiderio liberaliorem sese exhibebit,
 nec querelarum sed æquitatis adminicula causæ suæ pondus ad-
 jicere velit. De cætero qua Serenitatem Vestram
 complectimur benevoli animi teneritudine, pari affectu
 ditionibus Serenitatis Vestræ non deerimus, si per
 modernam ejusdem absentiam, quapiam in re Nostro
 indiguerit favore, protectione. Optimam interim a Deo
 valetudinem & prosperos successus Serenitati Vestræ
 ex animo precantes. Dabantur in Regia Nostra
 Cracoviensi die 21. Mensis Decembr. Anno 1660.
 Regnorum &c. &c.

Johannes Casimirus Rex
 Polonia &c. &c.

CCCLXXX.

*Litteræ CAROLI II. Magnæ Britannie Regis, ad
 FRIDERICUM III. Dania Regem, cui de Regno
 Dania hereditario jure in ipsum posterosque
 ejus translato impense gratulatur, 1660.*

Carolus Dei gratia, Magnæ Britannia,
 Franciæ & Hiberniæ Rex, Fidei Defensor &c. &c.
 Fratri, Consanguineo & Amico Nostro charis-
 simo, salutem perpetuamque felicitatem!

*Serenissime & Potentissime Princeps, Frater,
 Cognate & Amice charissime.*

Quamvis post felicem & pacatum Nostrium
 ad avita Regna & Dominia reditum, lætitiæ &
 gra-

gratitudini Nostræ erga propitium Numen effusissimæ nihil fere accedere posse videretur, eosdem tamen effectus in animo Nostro luculentius accendi & majorem in modum augeri sentimus, ex nuncio illo e Dania Nobis acceptissimo, nempe Ordines Regni in ejusmodi consilia sana & honorifica tandem consensisse, ut Coronam Serenitati Vestræ posterisque Regiis hæreditariam fore pruden- ter consenserint, unanimiter statuerint. Ita quidem, ut a natura & amicitia comparatum est, ut pro conjunctissimis rerum Nostrarum rationibus bonorum & malorum, quæ ad Serenitatem Vestram pertinent, expertes esse nequeamus, eo- que impensius gratulamur, quod post tot labores ac difficultates, a Serenitate Vestra forti & constanti animo superatas, hanc quasi mercedem retulerit Deus, ut populus Vester sponte declararet, neminem præter Serenitatem Vestram atque ex Ipsius genere oriundos sibi unquam placere posse, adeoque æterna lege sanciret, se Vobis solum fide immutabili semper obnoxium fore. Quod in pacem Regnorum Vestrorum & Evangelicæ rei utilitatem, felix, faustum ac perenne Serenitati Vestræ Suxque Regiæ Familiæ, faxit Deus, precamur. Dabantur e Palatio Nostro Westmonasteriensi die 3. Decembris Anno Domini 1660. Regni- que Nostrî duodecimo

Serenitatis Vestræ

bonus Frater & Cognatus

Carolus.

CCCLXXXI.

CCCLXXXI.

*Litteræ SENATUS CIVITATIS MONASTERI-
ENSIS, ad PLENIPOTENTIARIUM SUUM
Hagæ Comitum agentem, cui curam rerum sua-
rum sollicitè committit, 1660.*

Accepimus & cum summa tristitia legimus ex-
tractum Registri de 28. Octobr. quia vero præ-
cipue tuæ & Statuum Generalium literæ cum aliis
interceptæ sunt ab Episcopo, nec nobis possibile
quenquam e gremio nostro emittere, Doctori
Marle vicino commisimus, ut te humanissime sa-
lutet & de statu nostro inquirat, rogantes fidelem
constantemque operam suam nobis impertiri di-
gnetur ulterius: quippe durissimum, iniquissimum
& sanguineis lachrimis deplorandum censemus,
si hæc Civitas pace & bello famosa, tot avitis pri-
vilegiis clara, per projectum nobis inauditis con-
ceptum, quod certo pro pacto aut mutuo contra-
ctu non haberi, minus exequi potest facto Ordini
Generalium, in turpissimam ac perpetuam
servitutem redigi debet. Episcopus sæpius dixisse
fertur: Ordines vel me, vel urbem decipient. In
nos, proh dolor! cecidit. Vox populi est & si-
ne gravi & injustissima injuria denegari non po-
tuit: audiri debuimus, nec innocentes & inauditi
per projectum condemnari. Sed quod si a Cæsare
nondum arctiora mandata advenerint, nec propinqua
spes eorum affulgeat, nos de his primitus avisati
mentem nostram super projecto finaliter sine mora
aperiemus, petentes, ut si fieri possit, salvus
conductus pro uno aut altero ex gremio
nostro

nostro ad vos deputando, ad tractandum & transigendum super projecto per Ordines, vel Residentem Cæsaris ab Episcopo obtineatur; Interim via ad hoc ibidem aperta conservetur, nec noceat, si forte hic cum Episcopo nos tractare spargeretur. Optaremus quoque scire tenorem literarum Ordinum aliarumque interceptarum. Valeat & faveat constanter. Monasterii die 13. Dec. Anno 1660.

CCCLXXXII.

Litteræ JOHANNIS GEORGII II. Saxonie Electoris, ad FERDINANDUM II. Magnæ Heiruræ Ducem, cui de feliciter contracto filii primogeniti cum Principe Aurelianensi matrimonio gratulatur, 1661.

P. P.

QUO evidentiore mutuae inter Nos benevolentiae extant monumenta; eo Nobis auditu jucundiores sunt, quas florentissimæ Dilectionis Vestrae Domui majores indies magnitudinis precamur accessiones. Accepto igitur de lætioribus inter Serenissimam Margaritam Aloysiam Galtonis Ducis olim Aurelianensis Filiam & Serenissimæ Domus Vestrae Principem primogenitum matrimonii non sine Numinis divini providentia ineundi auspiciis nuncio exhilarati, Eidem de prospero cœpti operis successu magnopere gratulamur, atque adeo ut fausta ex omni parte connubii vota esse jubeat, qui omnis boni autor est, animitus vovemus. Agnoscimus sane in eo, quod rem adeo gratam communicandam Nobiscum duxit, Dilectionis Vestrae haud vulgaris in Nos affectus argu-

argumentum; Nostræque vicissim in se voluntatis integerrimæ, pro antiquo illo necessitudinis jure, probandæ occasionem nullam unquam a Nobis omissum iri, persuasum sibi, velimus, habeat. Quam de cætero salvam ex voto florentemque cum serenissima Domo divinæ protectioni officiose juxta & sedulo commendamus. Dabantur Dresdæ die 7. Maji Anno 1661.

CCCLXXXIII.

Litera ab ORDINARIA S. R. IMP. DEPUTATIONE, ad LUDOVICUM XIV. Gallie Regem, cui causam Comitum de Nassau Saarbrücken & Baronum de Sickingen, restitutionem Comitatus Saarwerdensis &c. a Duce Lotharingico præstandam spectantem, sollicitè commendant, 1661.

Serenissime & Potentissime Rex Christianissime, Dómine clementissime.

Christianissimæ Regiæ Maj. Vestræ hisce humillime exponimus, Sacri Rom. Imp. Electoribus & Deputatis Principibus & Statibus, Dominis nostris ex ulteriori Comitum de Nassau - Saarbrücken hic exhibito memoriali innotuisse, quod ratione restitutionis iis & Baronibus ac Nobilibus de Sickingen ex Instrumento pacis Monasterio - Osna-brugensis debitæ in tractatu inter Regiam Majestatem Vestram, & Serenissimum Lotharingæ Ducem, Parisiis nuper concluso aliquid contineatur, & quemadmodum Regia Majestas Vestra eum ad executionem modo dictæ restitutionis obstringere quidem voluerit, deinde vero sua Serenitate quædam

dam a Vice-Cancellario Imperii, Comite Curtio, subscripta pacta allegante, eaque nomine Statuum in novissimis Comitibus Ratisbonensibus conventa secum & approbata asserente tandem acquieverit, reservata tamen libera sibi facultate cum Statibus Imperii in iis, quæ ad promovendum hoc negotium adhuc decernere possent, juxta memoratæ pacificationis dispositionem concurrendi. Prout tamen hæc Reg. Majest. Vestra reservatio modo dicto Instrumento Pacis consentanea, & evidens laudatissimæ suæ, pro ejusdem plenaria executione & conservatione, sollicitudinis & studii argumentum est; Ita non dubitamus, quin etiam Reg. Maj. Vestra ex nostris, 13. Octobris anni proxime elapsi, exaratis literis probe intellexerit, supra dictum Tractatum Ratisbonensem ex causis allegatis imperfectum, totumque negotium penes dispositionem Instrumenti pacis mansisse, ac Status Imperii ab omni obligatione prorsus liberos esse: E contra vero Serenissimum Lotharingæ Ducem, tanquam Con-Statum Imperii legibus obnoxium, & consequenter ad executionem pacis Monasterio-Osnabrugensis, pro sanctione pragmatica in dictis Ratisbonensibus Comitibus recepta, absque ulla contradictione & exceptione teneri. Cum itaque eidem Serenissimo Duci remorata tractatio Ratisbonensis nihil juris tribuat, ac præfata restitutio Comitum de Nassau & Baronum Nobiliumque de Sickingen tam in Castrum Homburg & Comitatum Saarwerdanum quam in Oppidum & Castrum Landstul, in instrumento pacis decisa sit, eamque Legati Gallici, tam Norimbergæ, quam
Ratis-

Ratisbonæ instantissime urserint, & præacta transactioni tanquam Instrumento pacis repugnanti, semper contradixerint, nec dubitemus, eandem mentem Majest. Vest. adhuc fore. Hinc pro ampliori informatione cum suo hic Residente Consiliario Status & Deputato de Gravell hoc de negotio agere, nec non ad Majest. Vestram supra dictorum Dominorum nostrorum sensa per illum deferre & re visum fuit. Ac velut iidem sibi plane pollicentur, Regiam Majestatem Vestram quibusvis, ad promovendam sæpe memoratam restitutionem, idoneis mediis ex sua parte non defuturam; sic & gloriæ suæ hoc reliquum accedet, & Principes nostri propensissimam Majest. Vestræ pro pace voluntatem iterum agnoscent, dicti vero Comites, Barones atque Nobiles humillime demerebuntur. Quo Christianissimam Regiam Majestatem Vestram, divinæ protectioni obnixè commendantes, ei prosperos rerum successus, cum perenni incolumitate, animitus apprecamur. Dabantur Francofurti ad Mœnum XIX. Maji Anno 1661.

CCCLXXXIV.

Littere JOHANNIS CASIMIRI, Polonia Regi, ad LEOPOLDUM, Romanorum Imperatorem, quibus ab eo, ut Franciscum de Lisola. Legatum suum, sibi rationibusque suis valde molestum, revocare baud gravetur, obnixè contendit, 1661.

P. P.

A Liquot jam effluxere menses, ex quo apud Majestatem Vestram institutus, ut generosum

PARS II.

R

Fran-

Franciscum de Lifola, qui negotia Majestatis Vestræ in aula Nostra hætenus curavit, submisso in locum ejus alio Ministro, revocaret. Quod ardentius Nobis apud Majestatem Vestram iterandum venit, postquam tum alias, tum præcipue sub tempus moderni conventus (a quo per leges Regni submoveri poterat, nisi Majestatem Vestram respexissemus) adeo se negotiis consiliisque Nostris immiscuit, ut non solum infcisiis Nobis, sed contra Nosmet ipsos Domumque Nostram multa inconsulte vel malo consilio dixerit feceritque. Cum tamen utut in Regno ex pluribus Statibus composito, is apud Nos a Principum Legatis servatus sit mos, ut omnia ad Nos ipsos legibus sic volentibus referrent. Sed aliter agendum erat homini contra Nos Serenissimamque Reginam, Consortem Nostram charissimam, loquuturo, nec nisi clandestine proponi poterant ea, quibus dissentum inter Principes & Ordines Regni parabat. Atque omnem hunc illicitum eo direxit conatum, ut infracta inter Nos & subditos confidentia negotium electionis intervertat, a quo tamen & salus Regni Nostri pendere videtur, nec spes Augustæ Majestatis Vestræ Domus excludentur. Nec minus Nos movet, quod eadem proponendi & retractandi felicitate omnem jam verecundiam consumserit: Certe fidem apud Nos consumpsit. Exinde ipsi significare curavimus, ut Nos in posterum scripto tantum adiret, quo firmitus super ab eo propositis consultari posset, nec Nobis gravis sit, & grandibus rebus tractandis detrahat præsentiam hominis, cujus infestum animum experimur. Major

jorem itaque in modum a Majestate Vestra postulamus, ut dictum generosum Lifolam ab aula Nostre revocare velit, substituto alio, qui ex mente Majestatis Vestre negotiis incumbens proprii affectus impetu per transversum non agatur. Cæterum in hoc Nostro postulato, non minus rem Majestatis Vestre, quam Nostram agimus, ita constanter speramus & cupimus Majestatem Vestram esse persuasam, nihil Nos facere aut unquam facturos, quod mutuam inter Nos observantiam & consanguinei amoris nexum quoquo modo invalidare possit, quod primum venturo Majestatis Vestre Ministro plenius & efficacius testabimur. Interea Majestatem Vestram divinæ protectioni commendamus. Dabantur Varsoviæ die 18. Junii Anno 1661.

CCCLXXXV.

Litteræ GUSTAVI ADOLPHI, Ducis Megapolitani, lineæ Gustavoviensis, ad CAROLUM XI. Specia Regem, apud quem inhibitionem operis ad Ostium Warne jussu Regio extruendi, & abrogationem telonii ibidem constituti instanter urget, 1661.

Serenissime ac Potentissime Rex, Domine
Consanguinee & Amice charissime plurimum-
que honorande.

ET si non dubitamus, quin Regiæ Vestre Dignitati in recenti adhuc vigeat memoria, quoties super nimis duro telonii onere, quod civitas nostra Rostochium multos abhinc annos sustinuit,

conquetti apud Eandem simus : necessitatem tamen hanc justissimas Nostras querelas hac de causa repetendi , imposuit Nobis novi operis in nostro territorio prope Warnemundum exstructio, quod non ita pridem Gubernator Wismariensis, Dominus Mardefeldt, terras Nostras armata manu ingressus, ad expressum, uti dicit, Regiæ Vestræ Dignitatis mandatum moliri cœpit, eo ipso tempore, quum persuasum Nobis haberemus, Nostras tot vicibus in justissima hac causa iteratas justissimas preces apud Regem justissimum locum tandem inventuras. Verum, cum Regia Vestra Dignitas non solum desiderio Nostro æquisimo adhuc dum attendere, sed præterea quoque fortalitium, ad exigendum porro telonium in territorio Nostro extruendum curare voluerit, non possumus, quin contra inceptum hoc novum opus quam solennissime protestemur, & Nobis omnia jura, jurisque remedia, adversus id ipsum hisce expresse reservemus : Regiam autem Dignitatem vestram iterum rogemus, ut pro sua innata generositate, pro Nostra justa causa in nostram gratiam opus hoc inhibere, & Civitatem nostram Rostochium durissimo hoc telonii onere, quod juxta ac singuli Nostri subditi, cum præfecturis præsertim Nostri Ducatus, persentimus, liberare velit. Respiciat igitur Regia Vestra Dignitas petitem Nostrium, quod nonnisi summo jure & æquitate nititur, neque permittat, ut contra Sacri Romani Imperii constitutiones & inveteratam inter inclytæ Sveciæ Reges Nostrosque progenitores, amicitiam tali modo tractemur. Etenim certi sumus,

mus, si præsens hæc Civitatis Nostræ, omniumque Nostrorum subditorum calamitas Regiæ Vestræ Dignitatis æquitate & matura inhibitione sublevetur, summum ejus nomen & gloriam non parum auctum iri, & Deum insuper (justum omnium judicem) pro exhibita hæc Nobis justitia justum aliquando præmium Regiæ Vestræ Dignitati elargiturum: Quem ex animo precamur, ut Regiam Vestram Dignitatem longissimis annis, optatisque rerum successibus beare dignetur. Dabantur ex arce nostra Gustrovii, die 19. Junii Anno 1661.

Regiæ Dignitatis Vestræ

Observantissimus Consanguineus
Gustavus Adolphus.

CCCLXXXVI.

Responsoria CAROLI XI. Svecorum Regis, ad præfatas GUSTAVI ADOLPHI, Ducis Megapolitani literas, quibus sibi in portibus & litoribus Megapoleos omnibus singula telonii jura vigore Pacis Westphalica competere, demonstrare conatur, 1661.

Carolus, Dei gratia, Svecorum, Gothorum, Wandalorumque Rex & Princeps Hæreditarius &c.

Illustrissime,

Literas Dilectionis Vestræ de die 19. Junii nuper præterlapsi in arce Gustrovio datas, ante hos paucos dies accepimus, quibus Dilectio Vestra
R 3 non

non modo de duro nimistelonii onere, quod civitas ejus Rostochium multos abhinc annos sustinuit, conqueritur, sed etiam de novi, ut vocat, operis Nostri prope Warnemundum extrucone querelas suas fundit, quasi telonii in territorio ejus porro exigendi causa fortalitiu extruere curemus; quo nomine quam solennissime protestatur, & omnia jura jurisque remedia sibi reservat, Nosque rogat, ut sicuti petitu ejus non nisi summo suo jure & æquitate nitatur, non permittamus, ut contra Sacri Romani Imperii constitutiones & inveteratam inter inclytæ Svedicæ Reges ejusque progenitores, amicitiam tali modo tractetur, quemadmodum dictæ literæ hujusmodi pluribus indigitant. Quibus ut ordine respondeatur, fatendum est, non sperasse Nos futurum, ut in re omnium clarissima & de jure Nobis debita, a Dilectione Vestra vel ejus Domo, de qua Antecessores Nostri nihil non meriti videri possint, controversia Nobis moveretur, sed eam saltem gratiam habituram fuisse, ut, quod Imperator de consensu totius Imperii Nobis concessit, ejus quietum saltem usum Nobis non invideret. Cum vero res eo provehatur, ut beneficiis præstitis non modo nulla gratia rependatur, sed etiam odium pro meritis referatur, adeoque juribus nostris perpetuis velutivis palam inferatur, necessitas Nobis imponitur, id prolixius hac occasione explicandi, quod æquitas causæ Nostre meretur. Duo vero insimul hic Nobis, si controversiæ, quam nobis Dilectio Vestra facit, statum inspicimus, objiciuntur: primum, quod ejus subditos & præfecturas, impri-

imprimis Civitatem Rostochiensē, duro telonii onere aggravemus : deinde etiam quod fortali-
tium, tanquam novum opus, incipiamus. Ad am-
bo ut efficienter reponatur, omnium primum de
Nostro telonii jure, postea vero de sequenti con-
troversie membro disquiramus. De priori ut ve-
ritas & meritum causæ sibi constet exemplo, ad
instrumentum pacis Westphalicæ tanquam ad
normam & cynosuram nobis recurrendum est.
Monstratur autem ibidem evidentissimis verbis,
concessa Nobis esse moderna vectigalia (vulgo Li-
centen vocata) ad littora portusque Pomeraniæ &
Megapoleos, jure perpetuo ; sed ad eam taxæ mo-
derationem reducenda, ne commercia in iis locis
interdicant. Qui paragraphus, quamquam nul-
la sua vocula obscurus esse videatur, ut tamen a
Dilectione Vestra melius intelligatur, nonnulla ve-
ritatis eliciendæ & roborandæ causâ, putavimus
hic repræsentanda esse. Ea vero consistunt in ipsius
paragraphi sede & loco, qui hic merito ad genui-
num ejus intellectum venit considerandus ; tum in
verbis ipsis, quæ utique sunt apertissima ; & deni-
que acuitatæ controversiæ in tractatu tam circa
concinnationem satisfactionis Svedicæ, quam postea
in solemnibus ipsius tractatus actibus. Quod
locum concernit, mox observandum venit, præ-
missa, & in præcedentibus paragraphis articuli X.
Instrumenti pacis concessa, pro Svecis non fuisse
in sufficientem & plenam satisfactionem recensita
& agnita, ac proinde nonnulla additamenta &
auctaria fuisse apposita, interque ea telonii hanc
concessionem fuisse numeratam, quæ defectum

superiorum supplere juvaret. Est ergo hujus paragraphi locus ab ipsius Civitatis & portus Wis-
mariensis concessione, quæ §. 2. Imperator &c.
exprimitur, singulariter distinctus, ut inique plane
adeoque sinistre agant, qui eundem sic explicant,
ut vectigalia tantum intelligenda esse in locis cessis,
eaque ad WisMariensem portum ita restringenda
censent, ut pro restitutione locorum, in bello a
Svecis tunc occupatorum, & pacis obtinendæ cau-
sa, acquisitorum præterea ad reliqua littora & por-
tus Megapoleos, jure Nostro Nos privare conten-
dant. Plane ii quidem contra veritatem para-
graphi pugnant, quandoquidem porro in ipsis pa-
ragraphi verbis clarissime conceduntur, moderna
vectigalia, hoc est, omnia ea, quæ tempore belli
ad omnia littora & portus fuerunt imposita, aut
imponi potuerunt. Horum verborum perspicui-
tate nihil omnino esse potest dilucidius: expli-
cantur tamen præterea per verba pluralis numeri,
ad littora nempe & portus, non duorum tantum,
WisMariensis & Warnemundensis, ut initio hujus
negotii tractabatur, nec etiam solius Civitatis
WisMariensis, quæ cum sui portus liberrima dis-
positione in superiori paragrapho separatim con-
cessa fuit, sed Megapoleos in genere, &, ne meri-
tis Regni Sveciæ in tranquillitatem communem,
adeoque Domum Megapolitanam, fraus fieret,
cum manifesta sua extensione ultra loca in Mega-
poli cessâ: adeo, ut nullum littus aut portus Me-
gapoleos hodie sit, vel dehinc commercii exer-
cendis institui possit, qui non Nobis & Regno Sve-
ciæ vigore hujus paragraphi vectigal debeat; Ac-
cipi-

cipienda enim sunt verba ob compensationis favo-
 rem (quo modo de hoc jure merito hic loquen-
 dum est) in populari suo sensu & propria signifi-
 catione, nec restrictio ulla admittenda est, nisi quæ in
 Instrumento pacis expresse ostendi, aut ibidem ad-
 missa probari possit. Etenim, si talis restrictio
 vel exceptio admittenda fuisset, ejus utique vestigium
 aliquod in unica nostra regula & norma, hoc est,
 publicæ pacis tabulis, quæ a tot Interessentibus &
 in conspectu totius Europæ, condebantur, omni-
 no apparet: nunc vero deficiente tali clausula
 salvatoria, cujusmodi in instrumento pacis alias
 non est, ubi iusta & necessaria visa est, non solen-
 nis & frequentissima, mirum est, Dilectionem Ve-
 stram velle imaginaria & mentali quadam exce-
 ptione manifestum Nobis & in Legibus pacis radi-
 catum jus restringere & disputare. Notum qui-
 dem est, quod perfectionem & subscriptionem
 negotii satisfactionis æquivalenti etiam Ducibus
 Megapoleos proviso nonnullos Mechlenburgi-
 cos Deputatos (ac inter eos præcipue Rostochien-
 sem) tam perse, quam per alios, non quidem in
 modum contradictionis, sed amicæ commenda-
 tionis, Legatis Svedicis persuadere conatos esse, ut
 paragraphus Ad hæc &c. ita secundum sensum eo-
 rum formaretur, ut vestigialia in locis tantum ces-
 sis caperentur: sed cum post subscriptum satisfactio-
 nis punctum Legatis Svedicis integrum non esset
 quicquam immutare, nec talis immutationis, post-
 quam Domus Megapolitana reddito æquivalente
 paulatim sedaretur, ut subesset ratio, nihil, ac ne-
 rum quidem, cum Instrumentum pacis suis jam

partibus integratum omnibus prælegeretur (unicuique tamen copia facta de suis necessariis admonendi) vel subscriptione facta communicaretur, amplius quod ad essentiam rei aliquid faceret, motum est quidpiam. Cum ergo & sede ipsa in instrumento pacis, a concessione Wismar-
iensis portus diversa, hoc jus Nobis ut supra additum quoddam concessum sit, verbis vero tam liquidis, ut nec circa tractatum contraria conantibus ullus relictus sit locus; credimus hinc satis liquere veritatem paragraphi, & qua æquitate Dilectio Vestra protestetur, juraque telonii Nostri ad littora & portus Megapoleos sua contradictione impedire insistat, ac ad summum quoddam jus suum, quod per se, in literis suis tantopere provocet. Justior omnino Nobis causa subest, de iniquitate Domus Megapolitanæ & inprimis civitatis Rostochii, querendi, quod videntes causæ Nostræ justitiam, eidem tamen principalium paciscentium conventionem & totius Imperii judicio & consensu æquisimæ judicatæ, nihilominus imminuere & detrahere, quantum in iis est, tranquillitatis publicæ custodiam & usum, quæ in unico pacis instrumento unice requiescit, concutere aggrediantur, dicto tantum argumento a tolerabilibus quibusdam suorum subditorum incommoditatibus, cum æquum potius sit, ut respiciant, quid a Nobis jure fiat, & quid Nobis per pacem competat, quam, quod ipsorum subditis ex integro usu fiet. Cautum vero est, pacis publicæ legibus, adeoque a Nobis danda opera, ne per immoderatam taxam commercia intercidant, quin, quo fuerint fre-

frequentiora, hoc juri nostro majoribus commodis
conducerent. Nunc igitur, ex quo, quod demon-
stratum fuit, juris Nostri vectigalium, ad littora &
portus Megapoleos perpetuo possidendorum, li-
quidissimas rationes exposuimus, ad alterum epi-
stolæ momentum veniamus. Non existimamus,
excidisse Dilectioni Vestræ memoria præteritorum
nuper temporum acta, & quanta cum modestia &
amicitiæ testificatione antecessores Nostri in hoc
sefē negotio semper gesserint; eamque rogamus,
velit apud se Dilect. Vestra justa pensitare lance,
quanta Nobis fiat injuria, si quæcunque muni-
mentum hoc juris Nostri contra prætensum jus
suum, contra constitutiones Imperii & invetera-
tam Regum Sueciæ cum progenitoribus ejus ami-
citiam interpretetur. Etenim hoc fortalitium
non novi inceptum operis est, utpote quod ante
complures annos in defensionem juris Nostri, us-
que ad proxime præteritos ratione motuum Polo-
nicorum tumultus, & donec de tuto exercitio isti-
usmodi juris certiores foremus, retinuerimus. At-
que ejus rei non unica subest causa. Præterquam
enim quod tenore instrumenti pacis & Recessus
Norimbergenfis sancitum est, ut locorum restituti-
o tum demum fieret, cum vicissim instrumento
pacis justa essent facta, & ad peculiare con-
ventiones minutiora remissa obstacula complanaren-
tur; natura ipsa & rei ratio postulat, ut priusquam
certi simus de securo & commodo juris Nostri usu,
solita & in hoc tempus usitata securitate Nobis
provideamus. Nunquam autem in causa fuimus,
ut hæc res non amice complanaretur, imo multis
vici-

vicibus antecessores Noltri pronos se exhibuerunt ad justam compositionem. Per Dilectionem Vestram atque ejus Consortes hætenus stetit, quo minus votis Nostreis & antecessorum Nostrorum ex sententia succederet; quandoquidem & tempore Serenissimæ Reginæ Christinæ & Divi Parentis Noltri, Regis Caroli Gustavi, frequenter omnino actum est de horum obstaculorum remotione; & quamquam res videretur exiguæ difficultatis, hætenus tamen non licuit id obtinere, quin iniquo quoque tempore Nostro, cum tot hostibus premeremur, desuper ea Nobis a Rostochiensibus illata est injuria, ut eorum, & consilio & auxilio (atque, ut vulgatum est, certis etiam subsidiiis suis) Fortalitium, quo ad tuendum jus Nostrum, donec aliud mutuum statueretur, usi sumus, solo æquaretur: non alio fine, quemadmodum illorum literis proditum est, quam, ut destructione Fortalitii facta jus telonii contra planissima Instrumenti pacis verba Nobis pariter everterent, aut si leges & fides publica id minus permetterent, saltem hoc efficerent, ut quod Nobis jus acquisitione per quam magnis constitit impensis, majoribus dehinc defensione & usu ipso constaret. Sed pace Olivenſi cum nihil in Imperii Romani rebus immutatum sit, controversiæ vero ejus in pristinum statum reverterentur, locaque priora, tam in Megapoli quam Pomerania, art. 22. Nobis restituerentur, utique sine prævia communicatione Nobis licuisset, pristinam, unde per iniquitatem temporis, & injuriola Rostochiensium cooperatione, præsidium Nostrum ejectum fuit, occupare posses-

sio-

sessionem, donec de loco exigendorum vectigalium rite conveniretur. Alium enim, quam Warnemundum, ut Cæsareani restituerent, nullus in Megapoli locus occupatus erat. Sed vero, ut omnia amicabilia prius experiremur, camque quam cum Vicinis par est colere, amicitiam requireremus, hoc dedimus propinquitati communi, ut per tribunalis Wismariensis Protonotarium Fridericum Pascovium rursus id flagitarem, quod alias rei ratio Nobis decrevit. Nihil autem aliud requisivimus, quam ut locus Nobis designaretur, ubi dicta telonia tuto & commode exigi possint, & de hac re tandem finaliter dispensaretur. Tantum vero abfuit, ut talis propositio in animum Dilect. Vestrae admitteretur, ut ingrata potius deprehenderetur adeo, ut non modo justissimæ requisitioni Nostræ nulla omnino gratia fieret, sed & hoc ageretur, ut ipsum jus Nostrum in periculo constitueretur. Ergo faciendum utique fuit, ut juris Nostri exercitio antiqua tuitione consuleretur. Optassemus, Rostochienses hanc Nobis necessitatem non imposuisse, ut destructione veteris fortalitii ad labores & impensas novas Nos cogerent, sumptibus Nostris utilius fuisset consultum: Nunc vero super illatam Nobis injuriam, & pragmaticæ Imperii Constitutionis contemptum, hujus insuper incommodi Nobis causa fuerunt. Superessent per Dei gratiam media, quæ vindictæ copiam facere possent; Sed quemadmodum Fortalitii reparatione aliud nihil intendimus, quam ut navigantium debitum solvatur, & juris Nostri aliqua ratio habeatur, ita hisce profitemur & protestamur, Nos quo-

quoque nil contra tranquillitatem publicam molituros, nec contra Imperii Romani constitutiones aliquid commissuros esse, aut antiquius habituros quidpiam, quam præscripto Instrumenti pacis tenaciter inhaerere. Quod vero antiquam inter Antecessores Nostros Reges Sueciæ & suos progenitores amicitiam recordari amet, hoc quidem auditu & perceptione Nobis est jucundum, ac eandem quidem Nos etiam, ut & necessitudinem sanguinis, aliaque amici animi pignora magni omnino facimus, nec charius aliquid habemus, quam eandem, Majoribus Nostris mutuis officiis & beneficiis traductam, in posteros transmittere posse: Et, si virtutem Dilectionis Vestræ conjectura assequi licet, fas est, ut credamus, apud eandem adhuc oblivione non deleta esse merita Regum, Gustavi Adolphi patris, & filiæ ejus Christiæ, in Domum Megapolitanam. Judicet orbis, utrum aliqua Domui Vestræ amicitia argumenta denegarint. Sane, si mortalium vices animo altius reputare sustinuerit, causam haud dubie habitura est, cur antiqua beneficia grati memoria animi replicet. Non libet eadem nunc repetere, saltem cuperemus, Dilectionem Vestram in memoriam vocare velle, quanto cum periculo & sumptu Regni Nostri Dilectionis Vestræ patri & patruo Ducatibus suis ejectis, cum Princeps alius in locum eorum esset investitus, restitutionem procuraverint. Si in vicem memoris animi telonii jus amplissima sua extensione Antecessoribus & Regno Nostro sponte obtulisset, haudquaquam in debitam meritis gratitudinem eandem peccasse quispiam a studio par-

partium paulo remotior facile dixerit. Eam tamen ubique adhibitam esse ab hac parte moderationem & benignitatem ipsa, necesse est, fateatur, ut non modo pristinae suae Dignitati Domus ejus restituta sit, sed etiam, ne periisse ei quidpiam conquerendi causam haberet, sub titulo æquivalentis, duo insuper hæreditarii principatus, totidemque commendæ, bina ad Albim vectigalia, bini Canonicatus & superpondii loco ducenta thalerorum Imperialium millia addita sunt, non ullo de publica re Domus Vestrae merito, sed ut Regni Sueciæ benignitatem & locupletem compensationem experiretur, ac patientius ferret, quæ Nobis & Regno Nostro concessa essent exigua ad Ducatus sui Littora & portus vectigalium jura. Cum itaque hisce meritis hocce periculo, & impensis jus Nostrium acquisitum sit, atque in legibus Pacis sub cautione fidei publicæ palam fundetur, alienum utique a Justitiâ nemo æquanimis censuerit, si illud, quod perpetuo Nobis datum est, porro exerceamus, & consueto modo, donec aliter convenire licuerit, conservare & manutenere persistamus: Pollicemur tamen, & denuo atque ultro hisce Nos offerimus, sicuti intuitu alio nullo Fortalitii possessionem circa Warnemundum, quam obtuitionem juris Nostri recuperamus, ita simul a Dilectione Vestra & ab ejus Domo facta Nobis de eo controversia mutua transactione, si cessaverit, ut in certo aliquo loco vectigalia tuto & commode exigi possint, Nos idem Fortalitium destructum rursus evacuare, atque seposita dehinc omni inutili inter Vicinos & Consanguineos contentione,

ami-

amicitiā, tot retro seculis Nostros Antecessores Reges Sueciæ inter & progenitores Dilectionis Vestræ non sine commodis maximis cultam, eodem tenore & decentibus studiis porro prosequi velle; Idque facturi sumus tanto propensius, quanto & vicinas utriusque Nostrum ditiones & sanguinis maxime necessitudinem Nos eo per officiorum reciprocationem merito sollicitare intelligimus. Quibus Dilectionem Vestram Divino Numini commendamus. Dedimus in Arce Nostra Holmensi, die 13. Julii, Anno 1661.

Nomine altissime memorata Sacra Regia Majestatis respective Filii Nostri Charissimi, ut & Regia ac Domini Nostri Clementissimi

HEDWIG ELEONORA.

Petrus Brahe, Comes in Wifingsborg, Reg. Suec. Droctetus.

Magnus Gabriel de la Gardie,
R. S. Cancellarius.

Lorenz v. der Linde, loco R. S.
Mareschall.

C. G. Wrangel, R. S. Archithalassus.

Gustavus Bonde, R. S. Thesaurarius.

Eduardus Ehrenstein.

CCCLXXXVII.

Litera LEOPOLDI Rom. Imperatoris, ad FRANCISCUM DE LISOLA, Legatum suum, qui-

quibus ipsum, qualem se circa differentias inter semetipsum & Aulam Polonia exortas gerere debeas, instruit, dulcique constanti gratia sua promissione solatur, 1661.

Leopoldus, Divina favente clementia, electus Romanorum Imperator, semper Augustus &c.

Honorabilis, fidelis, dilecte.

Literas tuas undecima hujus datas accepimus, & Lex iisdem fusius percepimus, quod nomine Serenissimi Regis Poloniæ Episcopus Varmienfis & Palatinus Pomeraniæ te convenerint, dictusque Episcopus tibi objecerit primo Gerardinum nomine tuo Palatino Plocensi significasse, a Serenissima Regina in Successorem filium Principis Condæi destinatum esse: Secundo Serenissimam vim meditari & minus intentare ad procurandam decisionem istam: Tertio adesse illic Condæi Secretarium: Quarto, Serenissimam velle Gallis Prusiam tradere, & quinto eandem convenisse cum Suecis. Cumque nomine dicti Serenissimi Regis idem Episcopus requisivisset, an, quibusque indiciis, & quo fine ista dixisses? ac tu ad singula respondendo modum & rationem dictorum vel non dictorum ultro ipsi explicasses, idem tibi denunciavit: Serenissimum Regem apud Nos eo nomine querelas suas depositurum, qui desideret, ut interim a conspectu ejus abstineas, donec tota res elucidata fuerit: Cumque ulterius rescivisses, a Serenissimæ Reginæ clientibus etiam alia, de quibus a dictis

Commissariis nulla fuisset facta mentio, quasi a te dicta in vulgus spargi : exegisse te a Gerardino, ut sub juramento consignaret, quid tu eidem ad dictum Palatinum Plocensem deferendum commississes, idque is præstitisset, amandasse te cum ea depositione virum minime suspectæ fidei ad dictum Palatinum Plocensem, qui eundem requireret attestari, an quid plus minusve, quam illa depositione contineretur, ad ipsum per memoratum Gerardinum fuisset delatum : Cumque is negasset, plus minusve, quam sibi communicatum fuerat, ea contineri, prout relatio a delegato tuo subscripta demonstret : subinde misisse ad binos supra nominatos Senatores, & novum cum ipsis colloquium super prædictis proposuisse : Et cum productis dictis instrumentis apud eosdem non modo quoad prædicta objecta, sed alia etiam in vulgus sparsa te purgasses, requisivisse, quandoquidem totum fundamentum querelarum Regiarum in relatione Palatini Plocensis sit positum, tamen id quidem dicta depositione Gerardini, & agnitione Palatini Plocensis sit dilutum ; ut ipsi tamen pro majore rei dilucidatione unum ex suis ad eundem Palatinum Plocensem cum dicta depositione & declaratione mitterent, rei penitus explorandæ causa : de quo cum ipsi defectu mandati se excusassent, remque minime necessariam judicassent ; suassissent tamen, ut potius Regi ipsi dictam declarationem Gerardini consignandam curares : huic te consilio non defuisse : Et expectare etiamnum Serenissimi Regis super ea sensum. Demum cum dubitares, an Serenitas sua per præmemoratum interdi-

dictum intenderet te, etiam quatenus Legatum & Ministrum Nostrum, a functione tua excludere; petiisse ab eodem audientiam, ad quædam ex mandato Nostro ad illum referenda: quæ audientia negata tibi fuerit, addito responso, quod si quid referendum haberes; id scripto faceres: a quo tamen tibi abstinendum putaris: ac de his omnibus ad Nos referendum duxeris. Quemadmodum igitur recte & ex officii tui ratione fecisti, quod de his omnibus accurate & sine mora edocere Nos voluisti; ita miramur sane, quod cum jam ante octiduum fama ipsa nuncia de hoc facto aliquid huc delatum sit, a Serenissimo Rege tamen vel ejus nomine de eo hactenus nihil ad nos fuerit perscriptum, magis autem id mirum Nobis accidit, quod Serenissimus Rex cum literis suis vigesima tertia Maji proxime elapsi ad Serenissimum patrum Nostrum Archiducem Leopoldum Wilhelmum perscriptis in genere aliquid de aversione contra te concepta insinuasset, non expectato ullo responso tam grave contra te decretum, antequam auditus esses, decernere, & de facto exsequi voluerit, contra plane non modo amicitie illius tam cordialis, & tot necessitudinum tam artibus inter Nos vinculis colligatarum rationem; sed morem etiam quoad publicas hujusmodi legatorum personas ubivis gentium usitatum: ut jam taceamus, quod ne tu quidem ex propria persona tua ejusmodi aliquid improprium commeruisse censi possis apud quenquam Regiminis publici in illo Regno participem, quippe quorum nemini tui pro eodem Serenissimo Rege Reginaque & Regno gravissimis ipsorum

temporibus exantlati labores, adita gravissima pericula, superata feliciter plurimæ gravissimæ difficultates possunt esse ignotæ. Verum de his memorandi tum erit tempus opportunius, quando Serenissimi Regis querelæ ad Nos deferentur. Nunc cum non videamus, quo fundamento illud tam grave contra non te magis, quam Nosmet ipsos latum decretum sustinere queat: Omnino autem censeamus recte & prudenter a te factum esse, quod quæ ad salutem & tranquillitatem conservandam non modo inclyti illius Regni, sed vicinorum quoque & totius Christianitatis pertinere visa sunt, modeste cum apud primarios ipsiusmet Regis & Regni Ministros, tum apud Regem Reginamque ipsam citra ullius hominis justam offensionem monuisti: Ita te in eo officio tuo porro dextre & modeste continuare, & quoad apud Serenissimum Regem Reginamque coram agere tibi interdictum est, id apud eosdem Ministros & Senatores ac hoc imprimis agere volumus, ut si quid, quod non speramus, contra bonæ vicinæ & securitatis Nostræ rationes a quoquam agitari sentias, ei evertendo, omnem operam naves, ac Nos quam sapissime & accuratissime de occurrentibus certiores facias; Prout in fide & rerum usu tuo omnino confidimus. Cæterum celandus non es, quod cum cursor ille, quem tu cum literis quarta hujus exaratis ad Nos expedituisse significas, in Polonia ipsa spoliatus fuerit, etiam dictæ literæ tuæ eidem ereptæ fuerint. Quod reliquum est, gratia tibi Nostra Cæsarea constat. Dabantur in Civitate Nostra Viennæ, die vigesima quarta Junii, Anno Domini

mini millesimo sexcentesimo sexagesimo primo,
Regnorum Nostrorum, Romani tertio, Hungarici
sexto, Bohemici vero quinto.

LEOPOLDUS.

*Ad mandatum Sac. Cæs. Majest.
proprium.*

J. Walderode.

CCCLXXXIIX.

*Litteræ WENCESLAI COMITIS DE LES-
NO, Archipraefulcis Gnesnensis, ad FRIDE-
RICUM WILHELMUM, Electorem Bran-
denburgicum, quibus dilatarum denuo Elbingæ tra-
ditionem excusare satagit, 1661.*

Serenissime Princeps Elector, Domine &
Amice Colendissime.

Quæ pro consueta Nobis totique huic amplis-
simæ Reip. in Serenitatem Vestram observan-
tia & propensione, de tradenda Elbinga, in proxi-
me præteritis Regni Comitibus egimus, ea Serenitati
Vestrae Illustrissimos & Excellentissimos Dominos
Legatos relatueros non dubitamus. Huic tamen,
quæ facta est, prorogationi, dedit causam ingens
Reipublicæ hujus gravissimorum negotiorum mo-
les, & præsertim imminens exercituum, ob dilata
stipendia, confœderatio, cum Amplissimi & Nobil-
issimi Ordines intestino huic periculo & malo pri-
us & ante omnia alia, præsentis rerum temporum-
que motu, medendum, & quantocyus obviandum

esse, prudenter censuerint; Nobis sane nihil serius antiquiusque erit, quam amicitiam Serenitatis Vestræ omni meliori ratione tueri, & iis rebus studere, quæ vicinitatis leges, & sacrosancta pactorum fides sibi de jure vindicare videntur; Prout etiam confidimus Serenitatem Vestram, paria semper Serenissimo Regi Domino Nostro Clementissimo & toti Reipublicæ relaturam, affectumque eisdem suum conservaturam. De cætero Serenitatem Vestram divinæ tutelæ ex animo commendamus, & studia officiaque Nostra Eidem Serenitati Vestræ prolixè deferimus. Dabantur Varlaviz, die 15. Augusti, 1661.

Serenitatis Vestræ

Ad officia Paratissimi Amici

Wenceslaus, Comes de Lesno,
Archiepiscopus Gnesnensis, meo
& totius Senatus nomine.

CCCLXXXIX.

*Littera JOHANNIS GEORGII II, Saxo-
num Electoris, ad FERDINANDUM II.
Magnum Heiruria Ducem, quibus ipsi pro trans-
missis sibi variis muneribus ingentes grates refe-
rens, paria, data occasione, sincerè amoris docu-
menta promittit, 1661.*

Serenissime Princeps, Domine & Amice
Charissime.

Intentos Nos ac sollicitos, quibus mediis ob ele-
gantissima ista munera Nostram probaremus
gra-

gratitudinem, quæ Nobis Dilectionis Vestræ Nominine Consiliarius Noster ac Status Secretarius, Gabriel Voigt, ex commissione per Literas Domini Abbatis Marchetti parisi officii apud Dilectionem Vestram Ministrum, egregium Virum, sibi facta, nuper tradita fuerunt, supervenit novum aliud idque non minus valde gratum ac rarum Nobis donum, duo nempe Leones, pulchra & generosa animalia, quæ Theriotropheum, quod in Electorali Nostri Dresda habemus, singulariter decorabunt, sicut & superius memorata arte simul ac pretio suo æstimanda munera, pro eximio Nostri Technophilacii ornamento asservanda curabimus. Cum igitur Dilectioni Vestræ Nos, qui alias affectus sui ac benignitatis præclara experti sumus testimonia, ita devincire placuerit, Nostrium est gratissima semper hæc recolere memoria, omnibusque invigilare occasionibus, quibus aliquo gratitudinis argumento parem animi indefessi ac officiorum promptitudinem declarare poterimus. Interea Dilectioni Vestræ optimam incolumitatem ac serenissimæ suæ Domui prosperrima quæque animatus apprecamur. Dabantur Zabeltitzii, die 1. Octobris, Anno 1661.

CCCXC.

Litteræ recedentiales, à LEOPOLDO, Romæ Imperatore, Legatis Suecicis, recipienda Investitura Germanicarum Provinciarum ergo missis, ad CAROLUM XI. Suecorum Regem tradita, 1662.

LEOPOLDUS, Divina favente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclavoniæ &c. Rex, Archidux Austriæ, Dux Burgundiæ, Brabantæ, Styriæ, Carinthiæ, Carniolæ, Marchio Moraviæ, Dux Luxemburgiæ, ac superioris & inferioris Silesiæ, Wurtembergæ & Teckæ, Princeps Sueviæ, Comes Habsburgi, Tyrolis, Ferretis, Kyburgi & Goriziæ, Landgravius Alsatæ, Marchio Sacri Romani Imperii, Burgoviæ, ac superioris & inferioris Lusatæ, Dominus Marchiæ Sclavonicæ, portus Naonis & Salinarum, &c. Serenissimo & Potentissimo Principi, Domino Carolo, Suecorum, Gothorum, Vandalorumque Regi, Magno Principi Finlandiæ, Duci Scaniæ, Esthoniæ, Livoniæ, Careliæ, Bremæ, Verdæ, Stettini, Pomeraniæ, Cassubiæ & Vandalæ, Principi Rugiæ, Domino Ingridiæ & Wismariæ, Comiti Palatino Rheni, Duci Baviaræ, Con-
sanguineo & Fratri Nostro Charissimo,
salutem cum omnis boni incremento.

Serenissime & Potentissime Princeps, Consanguinee & Frater Charissime.

Literas Nobis Serenitatis Vestræ, die secundæ mensis Octobris anni proxime præteriti, exaratas, quibus Nos imprimis de suo in nos propensissimi animi affectu certiores facere, ac præterea promptum suum Nobis & Sacro Romano Imperio, ea, quæ sibi ratione feudorum ab iisdem Nobis & Sacro

cro Romano Imperio dependentium incumbunt, præstandi desiderium exponere voluit, ejusdem Ablegati Plenipotentiarum Magnificus & honorabilis, sincere Nobis dilecti, Petrus Sparre, Baro in Engloö, supremi Judicii Regii, quod est Stockholmiæ, Vice-Præses, David Mevius, summi Tribunalis Wismariensis Vice-Præses, Hæreditarius in Zarrenthin & Baggendorff, & Suederus Theodoricus Kleyhe, Regiminis Ducatum Bremensis & Verdenensis Consiliarius, Hæreditarius in Coravia &c. decenter reddiderunt, simulque qua viva voce, qua scripto, quæ eo pertinebant, quam accuratissime explicaverunt. Quemadmodum igitur Nos Serenitatis Vestræ optimam erga Nos contestatam voluntatem perquam grato animo accepimus, eidemque omnibus mutæ amicitie & benevolentie officiis respondere admodum cupimus: Ita ad negotium Investituræ quod attinet, nulla sane in Nobis, quin actum compleretur, erat difficultas, nisi quædam circa id postulata fuissent, de quibus utpote inevitabilem Instrumenti pacis interpretationem incurrentibus, cum Nostri & Sac. Rom. Imperii Statibus conferre necesse fuisset visum: Prout Serenitas Vestra cum ex prædictis Ablegatis suis (quibus sane nulla in explicandis urgendisque rationibus suis cura vel solertia defuit) tum ex responsis Nostri iisdem datis uberius intelliget. Et cum hic de exigui temporis dispendio agatur, quo consultatio prælibata cum Statibus, in Comitibus jam præsentibus peragatur: Omnino confidimus, exiguam illam & necessariam moram a Serenitate Vestra non aliter quam a nobis inten-

tia extraordinarium aliquem Legatum sufficienti instructione & Plenipotentia munitum mittere statuimus, ut de negotiis ibidem incidentibus tractare & concludere queat; interim vero dum ille ad locum Comitibus destinatum pervenire possit, esse duximus, ad eundem locum præmittere Dominum de Gravell consilii Nostri Status Secretioris consiliarium, quem ad Vos mittimus, mandato & plenipotentia instructum, ad tractandum Nostro nomine, de omnibus iis rebus, quæ tam executionem & conservationem supradictæ pacis quam Nos concernere poterunt, & sicuti ad hanc functionem ei injungendam non tantum Nos permovit cognitio & praxis, quam de Germaniæ rebus sibi acquisivit, verum multo magis, id studium, quod juxta mandata Nostra ad ejusdem utilitatem & quietem promovendam ubique palam fecit; Ita Nobis pollicemur, quod eandem ob causam amicabiliter Vobis suscipietur & audietur, quod ut faciatis, Vos rogamus, nec non fidem integram ei præstetis, omnibus iis in rebus, quæ Nostro nomine vobis significabit, vel maxime cum sinceram nostram intentionem, in omni eo, quod pacis in imperio observationem vestrorum privilegiorum & libertatis uniuscujusque ejusdem membri, secundum Imperii Constitutiones & Westphaliæ pacis tractatus conservationem concernere videbitur. Qua in re referentes Nos ad ea, quæ dictus Dominus de Gravell fufius Vobis exponet, has literas ulterius excrefcere non patiemur, Deum rogantes, ut Vos, charissimi & magni amici, custodi-

stodire & protegere dignetur. Datum in St. Germano in Laya, die 1. Sept. Anno 1662.

Signatum

LUDOVICUS.

De Lomenie.

CCCCXIII.

Littera JOHANNIS GEORGII II. Saxonie Electoris, ad MARCHIONEM DE LA FUENTE, Hispaniarum Regis Extraordinarium ad Aulam Casaream Legatum, cui pro fida status sui relatione gratias agit, ac res in Gallia e voto gestas gratulatur, 1662.

Serenissime Hispaniarum Regis Legate
Excellentissime.

PRistinam in aula Casarea Legati Extraordinarii Provinciam placitis Regiis Excellentiae Vestrae decretam esse, ex literis Vestris eo libentius cognovimus, quo propiores inde Nobis voluntatis Nostrae Eidem declarandae nascentur, occasiones. Quas ut frequentiores subinde desideremus, cum regia ipsa quae a Vobis jam diu praeclare agitur causa, tum vel maxime agentis facit dexteritas, & quae meritorum Vestrorum in orbe extant vestigia. Quod autem edoctos Nos de statu suo Excellentia Vestra voluit, in eo agnoscimus studiosi in Nos animi Vestri perseverantiam, Eidemque de fausto propediem in Germaniam Nostram reditu, non minus ac de rebus hactenus in Gallia feliciter gestis benevole gratulamur. Quam simul divinae Protectioni commendatam volumus. Dabuntur Dresdae die 3. Octobris 1662.

CCCXCIV.

CCCXCIV.

*Litteræ PHILIPPI IV. Hispaniarum Regis, ad
AUGUSTUM, Ducem Brunsvigo - Lunebur-
gensem, cui filiam suam, MARGARETAM,
LEOPOLDO, Rom. Imperatori, proxime ma-
trimoniali junctum iri vinculo, amice refert, 1663.*

**Philippus Dei gratia Hispaniarum, utrius-
que Siciliæ, Indiarum &c. Rex, Archidux Austriæ,
Dux Burgundiæ, & Mediolani, Comes Habs-
purgii, Flandriæ, Tyrolis &c.**

*Illustrissime Princeps, Domine Dux Brunsvi-
censis, ac Lunemburgensis, Consanguinee
noster charissime.*

Nullam occasionem præterlabi patiemur, quin
Dilectioni Vestræ attestemur affectum illum,
quem erga ipsam addictissimum Regio Nostro ani-
mo alimus, Atque adeo in hoc felicissimo eventu,
quod Serenissimi Imperatoris Leopoldi, Nepotis
nostri, assentimur optatis ducendi Uxorem Serenis-
simam Principem, Dominam Margaritam, filiam
Nostram charissimam, nostri muneris esse judica-
vimus, hujusce Connubii Dilectionem Vestram
certiorem facere. Nec in dubiis Nobis est, eo sui
animi gaudio a Dilectione Vestrâ hanc felicitatem
celebratum iri, quod par est eidem ex ipsa a No-
bis percepto. Haud aliter ergo voluntas Nostra
in Dilectionem Vestram plenissime propensa, &
peculiaris existimatio, qua Dilectionem Vestram,
suamque Domum illustrissimam prosequimur, sibi
hoc fieri vindicant. Deus Opt. Max. Dilectio-
nem

nem Vestram servet incolumem. Dat. Madriti die
XX—Anno Domini M. DC LXIII.

PHILIPPUS.

D. Blascus Aloyolo.

Inscriptio.

Illustrissimo Principi, Domino Augusto, Duci Brun-
suicensi, ac Lünemburgensi, Consanguineo No-
stro charissimo.

CCCXCV.

*Litera JOH. GEORGII II. Electoris Saxonie,
ad Regis Hispaniarum in Aula Casarea Legatum,
MARCHIONEM DE LA FUENTE, cui
felicem itineris in Galliam resumendi gratulatur
exitum, ac officia benevoli animi nunquam in se-
cessatura promittit, 1663.*

Serenissimi Hispaniarum Regis Legate
Excellentissime.

Quemadmodum Regis ac Domini Vestri in pa-
cem & salutem publicam studia haud vulga-
rem gloriam merentur: Ita perquam gratæ No-
bis extitere, quæ de Consilio Regio componen-
dorum inter Franciæ & Navarræ Regem Curiam-
que Romanam gliscentium modo motuum, de-
que demandata sibi eo nomine denuo in Galliam
redeundi provincia per literas ad Nos Excellentia
Vestra retulit. Cui proinde non minus suscepti
itineris & muneris felicissimos quoscunque pro-
gressus, quam orbi Christiano quietem diuturnam
cœlitus cupimus. Nunquam non daturi operam,
ut quo jugiter apud Nos loco sit, & comprobata
jam

jam diu orbi meritorum Vestrorum dexteritas, & quam ex præsentis quoque instituti nuntio agnoscimus studiorum atque affectus in Nos firmitudo Excellentia Vestra ex Nostreis vicissim in sese benevolentia experimentis ubique sentiat. Quam divinæ interim protectioni prolixè commendamus. Dabantur Dresdæ die 17. Martii Anno 1663.

CCCXCVI.

Litteræ commendatitiæ, a JOHANNE GEORGIO II. Saxonie Electore, Domenico Melani, iter in Italiam paranti, ad FERDINANDUM II. Magnum Hetruriae Ducem datae, 1663.

P. P.

Quemadmodum nullum unquam conservandæ mutuae nostræ necessitudinis momentum facile omittendum ducimus; ita & hac imprimis vice integerrimi Nostri in Dilectionem Vestram affectus argumentum extare, deque Valetudinis ejus & exoptata status incolumitate sedulo cognoscere volumus, qua Nostrium Cubiculi interioris Administrum primarium Domenicum Melani, iter denuo in Patriam parantem, gratiosæ Dilectionis Vestrae Protectioni simul ex omni parte commendamus, sperantes de florentissimis Serenissimæ Domus Vestrae rebus lata semper atque exoptata nuntia Nobis apportatum iri. Quo nomine quidem votis Nostreis Deum interpellare haud intermittimus. Cujus divinæ Protectioni Dilectionem Vestram ex animo iterum iterumque commendamus. Dabantur in Electorali Nostra Dresda, die 30. Martii 1663.

CCCXCVII.

CCCXCVII.

*Litteræ GEORGII LUBOMIRSKII, Mar-
scalli Poloniæ, ad DUCTORES EXERCITUS
POLONICI, tumultuario conatu residua poscen-
tis stipendia, quibus ipsis saniora consilia & con-
cordiam oblatamque cum Rege Reque publica re-
conciliationem graviter svadet, 1663.*

Magnifici Domini & Fratres,

E præsenti, quem celebrare debebitis, generali
Circulo, criticus Patriæ pendet dies, ab hoc
die, si Dominationes Vestræ sana amplectentur
consilia, optatæ Regno huic in subsequenda secula
decurrent felicitates, aut si e contra in devia sedu-
ci patiemiini, imminet Regno formidanda illa Nu-
minis maledictio: Divisum desolabitur. Hac in-
pulsus consideratione, quando video Domination-
es Vestras, extrema arripere consilia, tertium jam
tanquam Senator & Officialis ad Fratres, tan-
quam Dux ad demeritos Milites scribo ad Domina-
tiones Vestras, utroque hoc titulo Nobilia com-
pellando pectora, quatenus Dominationes Vestræ
& tanquam genuini Patriæ hujus filii, debita erga
eamdem moti charitate, habito ad integritatem
Patriæ respectu, Vestras attemperetis propensio-
nes, & tanquam milites protectores ejusdem non
in ruinam (quod Deus avertat) Rempublicam præ-
cipitetis, verum de subsidio, tutela & conservatio-
ne illius cogitationes ineatis. Nec vero ullis, qui
in contrarium jactantur, Dominationes Vestræ pa-
tiantur constantiam suam abduci rumoribus (hi
enim sunt frequentes & infelices temporum ho-

PARS II.

T

rum

rum partus.) Non expedit ponere rumores ante salutem, sed totam consiliorum vim oportet in eo defigere, penitius considerando, quod Respublica tot malis fessa, quantum potest, confert, & per consequens ultra possibilia durum & arduum, quatenus hoc respectu permoti desideratam (quemadmodum in primo Olboriensi tractatu conclusum & mutuis ratificatum fuit juramentis) cum eadem velitis amplecti concordiam. Ita fiet, ut Dominationes Vestræ & justissimam partorum tanto sanguine meritorum recipient contentationem, & ad perennem posteritatis memoriam, nominis sui famam propagent, quando conservabitis Patriam, in qua Gloriam primario Dei, Sacrum deinde Sacræ Regiæ Majestatis nomen, avitas libertates, communem totius Patriæ & privatam cujusvis in ea degentis securitatem, Majorum Vestrorum posterorumque immortalem memoriam præ oculis habere debetis. Hæc omnia quemadmodum conservationem suam a moderno consilio (faxit Deus sano) Dominationum Vestrarum habent. Ita nisi prudens rerum temperamentum intervenierit, hæc eadem cuncta incomparabili succumbent damno. Velint ergo Dominationes Vestræ viriliter sane inducere mentem, ut super omnia pretia Integritas salusque Patriæ apud Dominationes Vestras præponderet, & summam impleat æstimationem, nec tam rigidi exactores, quam discreti & amantes ejusdem filii videri velitis, & providendo, ne (quod absit) interno conflaret incendio, quo grassante omnia in pulvere subsidere deberent, felicem tandem æstibus hisce

ter-

terminum ponatis, Patriamque integra beare tranquillitate per reassumptionem in hoc generali circulo sancitæ jam ante concordia dignemini. Quoniam vero ad concernentem Dominationes Vestras satisfactionem præstandam non modicum hinc ortum est impedimentum, quia per literas universales recens in præterito militari circulo editas, pecuniæ in Palatinatibus restantes sunt interceptæ & extradi inhibita. Opto, ut Dominationes Vestrae justam hic adhibeant reflexionem, quandoquidem sunt plerique ex privatis, qui hac occasione supprimunt interim, nec ad Commissionem pro debito officii devehunt extraditas jam a populis contributiones, & consequenter pecuniæ, quæ per Palatinatus inhibitivo freno sunt coercita, Leopoli Dominationibus Vestris, juxta conclusa in primo Olborienti promissa non possunt exhiberi. Extorsit has a me ad Dominationes Vestras amor Patriæ, a qua dum jamjam incumbentem perniciem averti opto, oro Dominationes Vestras & obtestor, ne qui per tot discrimina ejusdem conservatores fuistis, repente parricida facti, manibus eam propriis stranguletis. Expressit zelus, quo provisum cupio Dominationum Vestrarum reputationi tot gloriosis gestis, non modo per Poloniam, sed orbem universum clarescenti; quatenus potius generose, tanquam milites, & filialiter, tanquam cives, cum matre Republica transigentes, talibus, qualia in hac publica egestate corradi possunt, stipendiis acquiescatis, & perennem ad Posteris nominis Vestri gloriam extendatis, quam armis (averat Deus) Civibus & Patriam & merita Vestra, &

ditur, in optimam nempe partem acceptum iri. Qui de cætero eidem affectum benevolentia noſtræ Cæſaræ quam propenſiſſime confirmantes, omnia quam proſperime evenire ex animo vovimus. Dabantur ex arce Noſtra Regia Poſonii, die vigefima nona Junii, Anno milleſimo ſexcentefimo ſexageſimo ſecundo, Regnorum Noſtrorum Romani quarto, Hungarici octavo, Bohemici vero ſexto.

Serenitatis Veſtræ

Bonus Conſanguineus & Frater

LEOPOLDUS.

CCCXCI.

Litteræ, quibus JOHANNES GEORGIUS

II. Saxonum Elector, MARCHIONI DE LA FUENTE, Hiſpaniarum Regis in Gallia Legato, gratias agit, pro relato ſibi auſpicato Regis ſui armorum ſucceſſu, 1662.

Sereniſſimi Hiſpaniarum Regis Legate Excellentiſſime.

Libenter omnino accepimus, quæ de Sereniſſimi Regis ac Domini ſui proſpero victricium armorum curſu, nec non ſtatu in Gallia tranquillitate proxime Pariſiis ad Nos Excellentia Veſtra perſcripſit. Quemadmodum itaque pro ſanctiore Noſtra cum ſereniſſima Auſtriaca Domo conjunctione, eidem de quibuſcunque exoptatæ felicitatis progreſſibus, rebusque glorioſe geſtis animus gratulamur; Ita quoque Excellentia Veſtræ indefeſſa Noſtri ſtudia, quorum condignam æſti-

ma-

mationem novis subinde experimentis cumulare non desinit, ceu par est, grata mente agnoscimus, Eandemque de constanti Nostra in se animi propensione quovis tempore securam bene uique & prospere porro agere etiam atque etiam cupimus. Dabantur Dresdæ die 25. Julii 1662.

CCCXCII.

Littera fiduciaria, Domino de Gravel a LUDOVICO XIV. Gallie Rege, ad STATUS S. R. IMPERII, in Comitibus Ratisbonensibus congregatos, data, 1662.

Charissimi & magni Amici.

Cum nihil Nobis æque cordi sit, ac ad pacis in Imperio conservationem collaborare, nec quidquam antiquius habuerimus ab eo tempore, quo tractatus pacis in Westphalia conclusi sunt, quam omnem operam & studium impendere ad tollenda e medio (id quod feliciter consecuti sumus) omnia ea dissidia, per quæ bellum inter vicinos Reges & Principes exortum fuerit, quæque successu temporis novos motus & turbare in Germania potuissent; Ita nec in futurum ullam occasionem præterire patiemur, id omne, quod in Nobis erit, contribuendi, quo eadem in Germania pax & quies magis firmari & stabiliri queat; Et sicuti reassumptio Comitiorum Ratisbonensium hunc maxime ob finem ab omnibus Imperii Statibus exoptata esse videtur, nec non ut iis malis & calamitatibus obviaretur, quæ toti Christianitati minitare, & imminere cognoscuntur, ad eadem Comit

tia extraordinarium aliquem Legatum sufficienti instructione & Plenipotentia munitum mittere statuimus, ut de negotiis ibidem incidentibus tractare & concludere queat; interim vero dum ille ad locum Comitii destinatum pervenire possit, e resse duximus, ad eundem locum præmittere Dominum de Gravell consilii Nostri Status Secretioris consiliarium, quem ad Vos mittimus, mandato & plenipotentia instructum, ad tractandum Nostro nomine, de omnibus iis rebus, quæ tam executionem & conservationem supradictæ pacis quam Nos concernere poterunt, & sicuti ad hanc functionem ei injungendam non tantum Nos permovet cognitio & praxis, quam de Germaniæ rebus sibi acquisivit, verum multo magis, id studium, quod juxta mandata Nostra ad ejusdem utilitatem & quietem promovendam ubique palam fecit; Ita Nobis pollicemur, quod eandem ob causam amicabiliter a Vobis suscipietur & audietur, quod ut faciatis, Vos rogamus, nec non fidem integram ei præstetis, omnibus iis in rebus, quæ Nostro nomine vobis significabit, vel maxime cum sinceram nostram intencionem, in omni eo, quod pacis in imperio observationem vestrorum privilegiorum & libertatis uniuscujusque ejusdem membri, secundum Imperii Constitutiones & Westphalicæ pacis tractatus conservationem concernere videbitur. Qua in re referentes Nos ad ea, quæ dictus Dominus de Gravell fusiùs Vobis exponet, has literas ulterius excrefcere non patiemur, Deum rogantes, ut Vos, charissimi & magni amici, custodi-

stodire & protegere dignetur. Datum in St. Germano in Laya, die 1. Sept. Anno 1662.

Signatum

LUDOVICUS.

De Lomenie.

CCCCXIII.

Littere JOHANNIS GEORGII II. Saxonie Electoris, ad MARCHIONEM DE LA FUENTE, Hispaniarum Regis Extraordinarium ad Aulam Caesaream Legatum, cui pro fida status sui relatione gratias agit, ac res in Gallia e voto gestas gratulatur, 1662.

Serenissime Hispaniarum Regis Legate
Excellentissime.

PRistinam in aula Caesarea Legati Extraordinarii Provinciam placitis Regis Excellentiae Vestrae decretam esse, ex literis Vestris eo libentius cognovimus, quo propiores inde Nobis voluntatis Nostrae Eidem declarandae nascentur, occasiones. Quas ut frequentiores subinde desideremus, cum regia ipsa quae a Vobis jam diu praeclare agitur causa, tum vel maxime agentis facit dexteritas, & quae meritum Vestrorum in orbe extant vestigia. Quod autem edoctos Nos de statu suo Excellentia Vestra voluit, in eo agnoscimus studiosi in Nos animi Vestri perseverantiam, Eidemque de fausto propediem in Germaniam Nostram reditu, non minus ac de rebus hactenus in Gallia feliciter gestis benevole gratulamur. Quam simul divinae Protectioni commendatam volumus. Dabantur Dresdae die 3. Octobris 1662.

CCCXCIV.

CCCXCIV.

*Literæ PHILIPPI IV. Hispaniarum Regiæ, ad
AUGUSTUM, Ducem Brunsvigo - Lunebur-
gensis, cui filiam suam, MARGARETAM,
LEOPOLDO, Rom. Imperatori, proxime ma-
trimonialijunctum iri vinculo, amice refert, 1663.*

**Philippus Dei gratia Hispaniarum, utrius-
que Siciliae, Indiarum &c. Rex, Archidux Austriae,
Dux Burgundiae, & Mediolani, Comes Habs-
burgii, Flandriae, Tyrolis &c.**

*Illustrissime Princeps, Domine Dux Brunsvi-
censis, ac Lunenburgensis, Consanguinee
nosæ charissime.*

NUllam occasionem præterlabi patiemur, quin
Dilectioni Vestrae attestemur affectum illum,
quem erga ipsam addictissimum Regio Nostro ani-
mo alimus, Atque adeo in hoc felicissimo eventu,
quod Serenissimi Imperatoris Leopoldi, Nepotis
nostri, assentimur optatis ducendi Uxorem Serenis-
simam Principem, Dominam Margaritam, filiam
Nostram charissimam, nostri muneris esse judica-
vimus, hujusce Connubii Dilectionem Vestram
certiorem facere. Nec in dubiis Nobis est, eo sui
animi gaudio a Dilectione Vestra hanc felicitatem
celebratum iri, quod par est eidem ex ipsa a No-
bis percepto. Haud aliter ergo voluntas Nostra
in Dilectionem Vestram plenissime propensa, &
peculiaris existimatio, qua Dilectionem Vestram,
suamque Domum illustrissimam prosequimur, sibi
hoc fieri vindicant. Deus Opt. Max. Dilectio-
nem

nem Vestram servet incolumem. Dat. Madriti die
XX— Anno Domini M. DC LXIII.

PHILIPPUS.

D. Blasus Aloyolo.

Inscriptio.

Illustissimo Principi, Domino Augusto, Duci Brun-
suicensi, ac Lünemburgensi, Consanguineo No-
stro charissimo.

CCCXCV.

*Litteræ JOH. GEORGII II. Electoris Saxonie,
ad Regis Hispaniarum in Aula Casaræ Legatum,
MARCHIONEM DE LA FUENTE, cui
felicem itineris in Galliam resumendi gratulatur
exitum, ac officia benevoli animi nunquam in se
cessatura promittit, 1663.*

Serenissimi Hispaniarum Regis Legate
Excellentissime.

Quemadmodum Regis ac Domini Vestri in pa-
cem & salutem publicam studia haud vulga-
rem gloriam merentur: Ita perquam gratæ No-
bis exitere, quæ de Consilio Regio componen-
dorum inter Franciæ & Navarræ Regem Curiam-
que Romanam gliscentium modo motuum, de-
que demandata sibi eo nomine denuo in Galliam
redeundi provincia per literas ad Nos Excellentia
Vestra retulit. Cui proinde non minus suscepti
itineris & muneris felicissimos quoscunque pro-
gressus, quam orbi Christiano quietem diuturnam
cœlitus cupimus. Nunquam non daturi operam,
ut quo jugiter apud Nos loco sit, & comprobata
jam

jam diu orbi meritorum Vestrorum dexteritas, & quam ex præsentis quoque instituti nuntio agnoscimus studiorum atque affectus in Nos firmitudo Excellentia Vestra ex Nostreis vicissim in sese benevolentia experimentis ubique sentiat. Quam divinæ interim protectioni prolixè commendamus. Dabantur Dresdæ die 17. Martii Anno 1663.

CCCXCVI.

Litera commendatitia, a JOHANNÉ GEORGIO II. Saxonia Electore, Domenico Melani, iter in Italiam paranti, ad FERDINANDUM II. Magnum Hetruriae Ducem data, 1663.

P. P.

Quemadmodum nullum unquam conservandæ mutæ nostræ necessitudinis momentum facile omittendum ducimus; ita & hac imprimis vice integerrimi Nostri in Dilectionem Vestram affectus argumentum extare, deque Valetudinis ejus & exoptata status incolumitate sedulo cognoscere volumus, qua Nostrium Cubiculi interioris Administram primarium Domenicum Melani, iter denuo in Patriam parantem, gratiosæ Dilectionis Vestræ Protectioni simul ex omni parte commendamus, sperantes de florentissimis Serenissimæ Domus Vestræ rebus lata semper atque exoptata nuntia Nobis apportatum iri. Quo nomine quidem votis Nostreis Deum interpellare haud intermittimus. Cujus divinæ Protectioni Dilectionem Vestram ex animo iterum iterumque commendamus. Dabantur in Electorali Nostra Dresda, die 30. Martii 1663.

CCCXCVII.

*Litteræ GEORGII LUBOMIRSKII, Mar-
scalli Poloniæ, ad DUCTORES EXERCITUS
POLONICI, tumultuario conatu residua poscen-
tis stipendia, quibus ipsis saniora consilia & con-
cordiam oblatamque cum Rege Reque publica re-
conciliationem graviter svadet, 1663.*

Magnifici Domini & Fratres,

E præsentî, quem celebrare debebitis, generali
Circulo, criticus Patriæ pendet dies, ab hoc
die, si Dominationes Vestræ sana amplectentur
consilia, optatæ Regno huic in subsequenti sæcula
decurrent felicitates, aut si e contra in devia sedu-
ci patiementi, imminet Regno formidanda illa Nu-
minis maledictio: Divisum desolabitur. Hac in-
pulsus consideratione, quando video Domination-
es Vestras, extrema arripere consilia, tertium jam
tanquam Senator & Officialis ad Fratres, tan-
quam Dux ad demeritos Milites scribo ad Domina-
tiones Vestras, utroque hoc titulo Nobilia com-
pellando pectora, quatenus Dominationes Vestræ
& tanquam genuini Patriæ hujus filii, debita erga
eamdem moti charitate, habito ad integritatem
Patriæ respectu, Vestras attemperetis propensio-
nes, & tanquam milites protectores ejusdem non
in ruinam (quod Deus avertat) Rempublicam præ-
cipitetis, verum de subsidio, tutela & conservatio-
ne illius cogitationes ineatis. Nec vero ullis, qui
in contrarium jactantur, Dominationes Vestræ pa-
tiantur constantiam suam abduci rumoribus (hi
enim sunt frequentes & infelices temporum ho-

rum partus.) Non expedit ponere rumores ante salutem, sed totam consiliorum vim oportet in eo defigere, penitius considerando, quod Respublica tot malis fessa, quantum potest, confert, & per consequens ultra possibilia durum & arduum, quatenus hoc respectu permoti desideratam (quemadmodum in primo Olboriensi tractatu conclusum & mutuis ratificatum fuit juramentis) cum eadem velitis amplecti concordiam. Ita fiet, ut Dominationes Vestræ & justissimam partorum tanto sanguine meritorum recipient contentationem, & ad perennem posteritatis memoriam, nominis sui famam propagent, quando conservabitis Patriam, in qua Gloriam primario Dei, Sacrum deinde Sacræ Regiæ Majestatis nomen, avitas libertates, communem totius Patriæ & privatam cujusvis in ea degentis securitatem, Majorum Vestrorum posterorumque immortalem memoriam præ oculis habere debetis. Hæc omnia quemadmodum conservationem suam a moderno consilio (saxit Deus sano) Dominationum Vestrarum habent. Ita nisi prudens rerum temperamentum intervenerit, hæc eadem cuncta incomparabili succumbent damno. Velint ergo Dominationes Vestræ viriliter sane inducere mentem, ut super omnia pretia Integritas salusque Patriæ apud Dominationes Vestras præponderet, & summam impleat æstimationem, nec tam rigidi exactores, quam discreti & amantes ejusdem filii videri velitis, & providendo, ne (quod absit) interno conflageret incendio, quo grassante omnia in pulvere subsidere deberent, felicem tandem æstibus hisce

ter-

terminum ponatis, Patriamque integra beare tranquillitate per reassumptionem in hoc generali circulo sancitæ jam ante concordia dignemini. Quoniam vero ad concernentem Dominationes Vestras satisfactionem præstandam non modicum hinc ortum est impedimentum, quia per literas universales recens in præterito militari circulo editas, pecuniæ in Palatinatibus restantes sunt interceptæ & extradi inhibita. Opto, ut Dominationes Vestrae justam hic adhibeant reflexionem, quandoquidem sunt plerique ex privatis, qui hac occasione supprimunt interim, nec ad Commissionem pro debito officii devehunt extraditas jam a populis contributiones, & consequenter pecuniæ, quæ per Palatinatus inhibitivo freno sunt coercita, Leopoli Dominationibus Vestris, juxta conclusa in primo Olborienfi promissa non possunt exhiberi. Extorsit has a me ad Dominationes Vestras amor Patriæ, a qua dum jamjam incumbentem perniciem averti opto, oro Dominationes Vestras & obtestor, ne qui per tot discrimina ejusdem conservatores fuistis, repente parricidæ facti, manibus eam propriis stranguletis. Expressit zelus, quo provisum cupio Dominationum Vestrarum reputationi tot gloriosis gestis, non modo per Poloniam, sed orbem universum clarescenti; quatenus potius generose, tanquam milites, & filialiter, tanquam cives, cum matre Republica transigentes, talibus, qualia in hac publica egestate corradi possunt, stipendiis acquiescatis, & perennem ad Posteris nominis Vestri gloriam extendatis, quam armis (aver-
tat Deus) Civibus & Patriam & merita Vestra, &

Majorum famam & Populorum sub hac Corona
degentium securitatem, Majestatis denique Divi-
næ gloriam intervertatis. His pro mea erga Do-
minationes Vestras propensione amoreque boni
publici scriptis fraterna mea obsequia gratiæ Do-
minationum Vestrarum diligenter commendo.
Lancuthi die 10. Aprilis Anno 1663.

Magnificarum Dominationum
Vestrarum

Additissimus Frater & Servus

Georgius Lubomirski, Mare-
schallus & Dux Exercitus
Regii.

CCCXCVIII.

*Literæ GEORGII LUBOMIRSKII, Magni
Regni Pol. Mareschalli, ad DUCTORES EX-
ERCITUS POLONICI, stipendiorum re-
stantium ergo tumultuantis, quibus denegatam Re-
gis Commissariis colloquendi secum copiam vehe-
menter exprobrat, eosque per Patriæ amorem &
omnia sanioris rationis argumenta obtestatur, ut
perrupto seditiosi nexus vinculo ad pristina obse-
quia redeant, 1663.*

Magnifici Domini & Fratres.

STupefacta ac emarcida pene manu ad has Do-
minationibus Vestris scribendas descendo Li-
teras, dum attendo, quod extrema aggressi estis
consilia, quandoquidem amicabile colloquium
(quod etiam hostes admittunt) nobis civibus, Se-
natoribus, officialibus Regni, Commissariis hujus
pa-

patriæ, titulo & jure Legationis autorifatis, contra fas & jus gentium denegastis. Horret animus meminisse eorum, quæ sequentur; Nam subditis Domini sui, Civibus Reipublicæ, Legatis dedignantibus, & milite Ducem alloqui aspernante, quid ultra spei? quandoquidem omnia insumpta hætenus per Rempublicam hoc uno Dominationum Vestrarum facto spreta calcataque sunt media. Me equidem non lex, aut obligatio muneris mei (hæc enim Intermedium me magis exercitus ac commissio, quam Commissarium statuit) ad id strinxit, quod me huic accinxerim viæ, veneratio Majestatis ita ordinantis hoc evicit, affectus propensioque mea solita erga exercitum effecit, & super omnia amor patriæ, quam periclitantem, vitæ fortunarumque mearum dispendio fulcire, & cujus causa omnes invidias, offensiones, ingrattitudinesque, exporrecta fronte subire paratus sum ac teneor, adegit. Impellor ad eadem exemplis prætorum Ducum, quæ nec in mea delunt Domo, quando Chocimensem nexum Parens meus Dux ad Chocimum totius exercitus, æquali Reipublicæ ac Exercitus contentatione, pacificavit. Hoc ergo zelo boni communis ac exemplis antecessorum in officio meo, sanguinisque mei incitatus, aggressus fueram laborem istum, præsertim tam illustribus in hac Patria viris adjuvantibus; cum quanto dolore regredi cogimur, Regiæ Majestati & Reipublicæ tam impium Nobiscum processum denunciaturi, difficile est explicare. Adhuc nihilominus semel (quandoquidem Dominationes Vestræ colloquia non admittunt) placuit literaliter

Dominationes Vestras obtestari per amorem Patriæ & illas omnes, quas in se bonorum Civium complectitur charitates, velitis ad temperata, iusta, possibilia cum Republica paciscendi flecti media. Deservescat non nihil hæc animorum tempestas Interitum Patriæ & Dominationum Vestrarum procul dubio allatura; Ego autem assecuro brevi Dominationum Vestrarum merita fuso cruore parta, iustissima repensum iri satisfactione. Hoc Sacra Regia Majestas Dominus meus vigili cura & paterna satagit sollicitudine; Dominus ille, qui veluti in commilitum Nostrum adjectus esset, dies auspicate Dominationis suæ, melius castris, quam annis numerat, quem sæpius vidimus in Equo quam in throno, sub tentoriis quam sub aulæis, in cuius vultu quis unquam militum tristis abscessit? Sub tanto militaris virtutis promotore, quis de stipendiorum solutione dubitet? Idem commissio allaborat, velint Dominationes Vestræ ad eam, quam in priori tractatu declarastis, reverti Patriæ charitatem. Concedant Nobis quantocyus debitum ad ineundas consequentias tempus; Confidimus in Domino, ut & Patriæ tranquillitas expedita, & Dominationibus Vestris æquisima brevi reddatur satisfactio. Prorektor coram Deo, Patria & Ipsismet Dominationibus Vestris, quia omnia ea, quæ Reipublicæ, charissimæ meæ Patriæ, tanquam Senator, Dux & Civis, fide, zelo & conscientia recta debeo, explevi amore illius, explevi amore vestri; Cohibui faces incendiarias, quam diu media suppetebant, providi, ne quid detrimenti Respublica, ne quid Exercitus

citus caperet. Mea interim solita obsequia Dominationibus Vestris defero. Dat. Anno 1663.

Magnificarum Dominationum
Vestrarum

Additissimus Frater & Servus,
Georgius Lubomirski,
mppr.

CCCXCIX.

Litteræ WENCESLAI LESZCZINII, Archiepiscopi Gnesnensis, ad GEORGIUM LUBOMIRSKIUM, Magnum Regni Poloniae Marescallum, quibus se Censuram Suffragio ipsius ab Anonymo superadditam animo tulisse egerrimo, meritaque ejus æterno encomio digna in animo suo penitus defixisse testatur, 1663.

Illustrissime Domine Mareschalce Major
Regni, Domine & frater colendissime.

Succensui statim temeritati ejus (quisquis autor fuit) qui non est veritus Censuram adhibere voto & suffragio Celsitudinis Vestræ, tanti in Patria Civis, cui soli tempore Incurfionis Sveticæ (fateri id uno consensu cogimur) defixis stupore omnibus spes & ratio salvandæ Patriæ, in tam subito casu succurrit. Hoc autem intentissima circa Majestatem Dominantis & salutem Patriæ Celsitudinis Vestræ operabatur Resolutio, quam & patruelis meus piæ memoriæ, in munere archiepiscopali Antecessor, debito prosecutus est Encomio, & ego veneror palamque recognosco. Quod succedanea per manus sibi invicem tradent secula, sera-

que stupebit posteritas, dum audiet tantum prudentiæ ac efficacium mediorum suggerente Numine superfuisset Celsitudini Vestræ, ut incubantem toti Poloniæ Svecorum Regem in medio votorum ambitu intervertere potueris, & Serenissimo Regi Domino nostro clementissimo de tali prospexeris securitate, quæ in hæc usque tempora ejusdem Majestatis Regium firmat thronum. Assécuro Celsitudinem Vestram æque mihi hæere cordi honorem Celsitudinis Vestræ ac meum proprium, qui sum

Illustrissimæ Celsitudini Vestræ

Dat. Lyskoviciis 14. Maji 1663.

Additissimus frater & servus

Wenceslaus Lesczinsky, Archiepiscopus Gnesnensis.

CCCC.

Litteræ JOHANNIS GEORGII II. Saxonum Electoris, ad PHILIPPUM IV. Hispaniarum Regem, cui felix faustumque filia sua cum Leopoldo, Rom. Imperatore, gratulatur matrimonium, 1663.

P. P.

Divino favente Numine Regiam Vestram Serenitatem consilium conditionesque fœderis sponsalicii, de contrahendo inter Serenissimum Potentissimumque Imperatorem Romanum, Dominum Leopoldum, Dominum Nostrum clementissimum, & Regiam Filiam Vestram, Serenissimam Principem, Dominam Margaretam, matrimonio feliciter iniisse, ex Regiæ Vestræ Serenitatis Literis sane

sane quam libentissime vel eo accepimus, quod non minus ad salutem publicam, atque ad inclytæ Domus Austriacæ decus & incrementum pertinere persuasum Nobis habeamus, arctionibus subinde nexibus & Jura sanguinis & conjunctionis studia inter suprema Familiæ capita mutuo renovari. Læti igitur de quibuscunque Cæsareæ Romanæ Majestatis juxta & Serenitatis Vestræ Regiæ secundis rerum eventis, utrique de condignis hisce auspiciis serio gratulamur, supremum Numen venerantes, ut connubialia hæc contrahentium vota & rata & prospera ex omni parte esse jubeat, magno inde gloriæ divinæ, Austriacæ Domus & Rei demum publicæ emolumento. Nobis equidem tantum fiduciæ de Regio Vestro in Nos affectu ejusque perseverantia ex hoc tam jucundæ rei nuntio accessit, quantum Nos comprobandi vicissim animi Nostri illo nomine Regiæ Serenitati Vestræ jam diu debere profitemur. Cui ab immortalis Deo prosperam porro valetudinem ingentemque rerum & Domus Regiæ florem ex animo precamur. Dabantur Dresdæ die 11. Junii 1663.

CCCCI.

Litteræ WENCESLAI LESZCZYŃII, Archiepiscopi Gnesnensis, ad GEORGIUM LUBOMIRSKIUM, Magnum Regni Polonia Mareschallum, a quo, ut consilia secum de soperendis in exercitu excitatis periculosis motibus quantocius conferre haud gravetur, obnixè contendit, 1663.

*Illustrissime Domine Magne Regni Mari-
schalce, Domine & Frater colen-
disime.*

Incredibiliter doleo, quod Illustrissimus Domī-
nus Castellanus Sandomiriensis valetudine tar-
datus non poterit prosequi cœptum ad Celsitudi-
nem Vestram iter, quod tanta urgebant momen-
ta, ut ab eodem integritas Patriæ pendere videat-
ur. Utinam meliori omine viam ineat meus
Reverendus Silnicki & Celsitudinem Vestram de-
missis precibus flectat, quatenus ad me fratrem
& servum quantocyus festines. En denuo iteratis
Literis compello Celsitudinem Vestram, & per
omnia sacra peto, dignetur quantocyus convō-
lare ad sopiendam hanc flammam, quæ jam bi-
ennio grassatur, & nunc propemodum in id ten-
dit, ut patriam in favillam & cineres redigat.
Jam mihi media non succurrunt & deficio in his
tractatibus ac modis conciliandæ domesticæ tran-
quillitatis. Tota spes & ratio in sola Celsitudine
Vestra consistit, cui de industria numen hanc ser-
vat gloriam partæ in Patria malaciæ, & id certo
succeedet data Celsitudinis Vestræ præsentia, mo-
do dignetur saluti Patriæ & meis submissis po-
stulatis hanc donare fatigationem; alias instat
propinquus Patriæ interitus & fatalis periodus.
Expecto cum ingenti alacritate Celsitudinem Ve-
stram, magnoque cum desiderio præstolor ejus-
dem Celsitudinis præsentiam hic in loco meæ con-
sisten-

sistentiæ. Cujus gratiæ me cum propensionibus
meis diligentissime commendo.

Illustrissimæ Celsitudini
Vestrae

Janovia 27. Junii,
Anno 1663.

Additissimus Frater &
Servus

Wenceslaus Leszczyński, Archie-
piscopus Gnesnensis.

P. S. Mi Illustrissime Domine Frater,
peto digneris hanc subire fatigationem,
quam flagito & venire; momentis res con-
stant; præsentia Celsitudinis Vestrae omnia
certo componet.

CCCCII.

*Litteræ WENCESLAI LESZCZYŃII, Ar-
chiepiscopi Gnesnensis, ad GEORGIUM LUB-
OMIRSKUM, Magnum Regni Poloniae
Mareschallum, quem Javoroviam ad habendam
secum de diffuendo Exercitus periculosa nexu con-
sultationem amice invitat, 1663.*

Illustrissime Domine Magne Regni Ma-
rischalce, Domine Frater Co-
lendissime.

Redit meus Reverendus Silnicki cum con-
testatione fraternæ a Celsitudine Vestra pro-
pen-

pensionis & literis, quibus ut respondeam opportunitiori tempori reservo. Per amorem Patriæ demissa mea postulata Celsitudini Vestræ offero, dignetur die Sabathi Javoraviam ad horam decimam antemeridianam descendere, ad quam horam ego quoque convolabo, cooperabimur mutuo, ut hunc nexum possimus dissuere & ad obsequium Regiæ Majestatis reducere. Non diffido, quin Celsitudo Vestra ad tantam gestorum gloriam, quæ sera posteritas perenni consignabit memoriæ, hanc quoque additura sit coronidem, ut in tam terribili æstu salves & serves Patriam, quod iterum enixe observando, Fraternali Celsitudinis Vestræ amor cum omnimoda propensione diligenter me commendo.

Illustrissimæ Celsitudini
Vestræ

Janovia 28. Jun.
A. 1663.

Additissimus Frater &
Servus

Wenceslaus Leszczyński, Ar-
chiepisc. Gnesnens.

CCCCIII.

*Litera, quibus JOH. GEORGIUS II. Saxonum
Electior, FERDINANDO II. Magnæ Es-
suria Duci de nato ipsi & Filio primogenito Ne-
pote gratulatur, 1663.*

P. P.

P. P.

Dilectioni Vestræ Nepotem in spem Serenissimæ Domus, benedictione cœlesti, ex Filio primogenito Serenissimaque Ejus Conjuge, Principe Aurelianensi feliciter natum esse, perscriptis ad Nos literis quam jucundissimis læti accepimus. Quare cum nihil Nobis pro mutuis conjunctionis studiis, gratius accidere potuisset, ex eo quod communem Nobiscum gaudii partem voluerit, sinceri Dilectionis Vestræ in Nos affectus constantiam, veluti par est, agnoscimus, Eidemque de tam felici florentissimæ Domus incremento magnopere gratulamur, atque ut magno olim Christianæ Reipublicæ bono, in stemmatis inclyti decus feliciter indies succrescat soboles & augeatur, animus vomemus. Quibus Dilectionem Vestram una cum universa Serenissima Domo salvam diu atque incolumem divinæ protectioni serio commendatam volumus. Dabantur Dresdæ, die 31. Augusti, 1663.

CCCCIV.

Litteræ STANISLAI POTOCKII, Palatini Cmcovia, ad GEORGIUM LUBOMIRSKIUM, Magnum Polonia Marescallum, quibus ipsi nomine Regis defensionem Regni Polonia, cui invasionis a Turcâ periculum immineret, committit, 1663.

Illustrissime Domine Marischalce Regni
Major, Domine & Frater.

Pro communicatis ab Illustrissimo Domino Patrone Hungariæ literis gratias Celsitudini Vestræ

stræ habeo. Didici ex illis, Turcam liberrime grassari per ditiones invidiissimi Christianorum Imperatoris, quando nemo ad dandam repulsam accingitur, imo unusquisque deditione salvari destinavit. Quod attinet securitatem Regni, hæc stipendiario milite, (qui sine comitiis legi nequit) firmari non potest; Celsitudinis ergo Vestræ curæ & dexteritati Sacra Regia Majestas id committit, tametsi etiam Palatinatum Incolæ ad ostentationem armorum exciri & in procinctu haberi deberent, dummodo pericula pulsari a finibus Regni possent; Nam cum belli munia jam cessent, per necessitatem indulgere exercitibus quietem cogetur Turca, & interim quoque Sacra Regia Majestas (prout intendit) feliciter dante Deo regredietur, & per se ipsam consulere integritati Provinciarum suarum dignabitur. Nunc autem Celsitudinem Vestram, ut pro dexteritate sua velit communi invigilare bono, obsecro: Addictissima interim obsequia mea Celsitudini Vestræ defero.

Illustrissimæ Celsitudini Vestræ

In Castris ad Ryszczewo, die

9. Novembr. Anno

1663.

*Addictissimus Frater & promptus
Servus*

Stanislaus Potocki, Palatinus
Cracoviæ, Generalis Exercituum Dux.

CCCCV.

CCCCV.

*Littera SENATUS & COMMUNITATIS
ERFORDIENSIS, ad CAROLUM XI.*

*Suecorum Regem, quibus ipsi miseram urbis sue
conditionem, in qua per artes Archipresulum
Moguntinorum jam duo per secula libertati ipsius
inbiantium conjecta, alieni auxilii indigens lan-
gueret, exponunt, eumque quo conatus Mogunti-
norum ea, qua apud Galliarum Regem amicitia &
in Imperio Rom. valeret autoritate, irritos redde-
re dignetur, supplices precantur, 1664.*

**Serenissime ac Potentissime Rex, Cle-
mentissime Domine.**

Quemadmodum res bello paceque a Serenis-
simis Sueciæ Regibus Majestatis Vestræ lauda-
tissimis Antecessoribus pro Religionis & libertatis
Germanicæ incolumitate proximis abhinc annis
gestæ, pariter & curæ singulares pro Civitatis No-
stræ securitate, ante hac impeniæ, recenti adhuc
memoria Nobis observantur; Ita non dubitamus
pari Majestatem Vestram affectu tam publicam Im-
perii, cujus jam primarium membrum est, salu-
tem, quam Nostram civitatem, utpote quæ belli
Suecici tempore communem fortunam experta
est, & majorum Vestrorum beneficio ex temporis
istius turbis ac procellis salva emerfit, prosequi.
Neque id Regibus indignum, Deorum exemplo,
inter res maximas, minorum quoque curam gere-
re, & miseros, pressos, contemptos imo damnatos,
alloquio solatioque aliquo dignari. **Composi-
tum**

tum erat Germaniæ bellum, læti undique exurgabant animi, & hæc ipsa Civitas in securo salutis portu se putabat constitutam, sed heu! potentibus Adversariorum Nostrorum artibus publice res Nostræ turbantur, convelluntur, & quo magis commissiones Cæsareæ, quarum quatuor parvo annorum spatio hæcenus experti sumus, quietem nostram firmare satagunt, tanto majoribus implicamur disidiis & difficultatibus, adeoque belli publici finis nihil aliud, quam internorum malorum & quidem longe majorum Nobis ansa & initium fuit. Cujus rei causas & fundamenta, si cum venia Majestatis Vestræ paulo altius repetere licet, sciendum, Majores Nostros pluribus abhinc seculis, certa quædam in hac civitate jura particularia Eminentissimi Archiepiscopi Moguntini, quibus nec ipsi quidquam derogatum volumus, agnovisse; sed propria quoque Regalia plurima, indubitatas antiquæ libertatis regulas & Civitatis Imperialis tesseras, nemine olim contradicente, ultra omnem hominum & tot seculorum memoriam obtinuisse; Verum enim vero ut prout sunt ad extendenda jura sua Principum animi, ita duobus abhinc seculis Moguntinorum Consilia ad vellicandam libertatem Nostram cepta, gliscere ceperunt, resque eo devenit, ut Anno 1521. annitente Alberto, Archi-Episcopo & Archi-Cancellario Imperii, nullo nostro merito, & insciis nobis, nomen Erfurdix ex matricula Imperii, quamvis in Aurea Bulla id hodieque expresse contineatur, eximeretur, lisque apud Cameram Imperialem super quam pluribus nostris juribus nobis moveretur; Cujus even-

eventus, quamvis eo usque satis prosper nobis fuerit, ut inter varia capita, quorum aliqua minoris momenti, pro Moguntino fuerunt decisa, majora tamen & Regalia nostra propius spectantia nobis adjudicarentur, tamen eo usque non quieverunt Moguntinorum Consilia, quin recrudescentibus Imperii disidiis, sub initium belli Germanici, varia pro stabiliendo universalis principii jure adeoque evertenda libertate nostra machinarentur. Hac occasione Senatus, majorem potentiam metuens, securitatique suæ melius prospiciens, eo alaboravit, ut occasione Tractatum Pacis Osna-brugensis in Ordinem Civitatum Imperialium vel restitueretur, vel speciali denominatione ita Tractatui Pacis includeretur, ne sibi quidquam periculi in libertate sive Ecclesiastica sive Politica remaneret metuendum. Quem in finem, tum temporiscripto publice edito, & in Archivo Majestatis Vestræ dubio procul reposito jura nostra uberius deduximus, Illustrissimosque Sueciæ Legatos, variis tam Gloriosissimi Regis Gustavi, quam aliorum belli Ducum promissis nixi, sollicitè imploravimus, ut salutis nostræ prædicto modo consulere-
retur. Sed eo usque valuit adversariorum nostrorum oppositio & autoritas, ut aliter nobis consultum non fuerit, nisi scripto speciali in forma solenni edito, quo Legati Suecici testabantur, se non alia conditione Tractatus Pacis subsignasse, quam ut Civitas Erfurtensis beneficio eorundem non minus, ac si expressa ejus in Instrumento Pacis mentio facta esset, gauderet, & juxta tenorem ejus nullam aliam controversiæ cum Moguntinis ven-

tilandæ viam, nisi consuetum Cameræ Spirensis forum, sequi cogeretur, prout ex Copia Num. I. notata latius patet: Quæ declaratio ab Illustrissima Legatione Suecica Legatis Moguntinis proptinus denunciata, ab iisdem approbata, & loco Instrumenti publici, Actis Imperii, attestante Num. 2. tum temporis annexa est. Quantum vero præsidii ex hoc remedio nobis accesserit, non solum literæ a Reverendissimo Electore ad varios Principes missæ, quibus nempe nos tanquam non Status Imperii, sed suos absolute subditos beneficii Instrumenti Pacis non plenarie capaces, expresse asserit, ostendunt, verum etiam experientia ipsa testatur, nobis, inter tam varias hæcenus moras controversias, omne juris ordinarii remedium præclusum & ex præsupposito fundamento pleni dominii solam executionis viam præscriptam. Potissima nobis lis & difficultas fuit circa preces solennes pro Reverendissimo Electore Moguntino, quas tanquam rem ante motus bellicos usitatam, & vigore instrumenti pacis restituendam strenue semper urgebant Moguntini. Quemadmodum autem ante motus bellicos, certo parvoque annorum spatio, quandiu scilicet de componendis cum Moguntino controversiis agebatur, pro causæ felici nempe tractatum successu, nullatenus vero pro persona, & quidem libere, sine ullius iussu sic ordinante & disponente solummodo Magistratu Civitatis, preces fiebant; Ita nulla mora fuit, quin præsentibus Anno 1650. Commissariis Cæsareis, iisdemque nihil aliud exigentibus, ad eadem præstanda parati essemus, ut nimirum preces eadem intentione-

tentione & modo, quo superioribus annis factum esset, apud nos, ad formulam sub Num. 3. appositam inter sacra prælegerentur. Quod idem in confecto tum temporis Instrumento seu Recessu Restitutionis, certa quadam clausula etiam sancitum, simulque factum est. Cum autem hoc modo desiderii Moguntinorum non videretur satisfactum, quippe qui contra, quam olim usu receptum esset, non tam preces, quam potius Principis Territorialis notam & tesseram, per verba precum satis significatam desiderabant, per subsequentes Commissiones, quarum impetrandarum occasiones avide vel quærebantur vel arripiebantur, attentius quæsitum fuit, qua formula preces continue pro persona Electoris inter nos fierent; Ast illi ipsi, qui plebis favore ad munia aliqua publica evecti erant, & firmandæ dignitatis suæ studio secreto Moguntinorum partibus favebant, hæcenus metu maximæ invidiæ non ausi erant, novas preces populo obtrudere, sed Schmidburgius tertiæ commissionis causa Anno 1660. ad nos missus, tanquam singulari pacis & gratiæ apud Electorem Moguntinum incundæ & conciliandæ studio rem singularem industria aggressus, ne primo intuitu precum, animi Senatorum averterentur, mitissima aliqua formula, cujus copia Num. 4. signata, in qua vix discerneres, an pro causa, an pro persona preces fierent, quæque pro ipsis nominis Christiani hostibus uti liceret, viam sternit. Postea ubi Senatores, quamvis sub certa conditione, non aspernantes vidit, aliam ex Moguntinis scriniis eorumque voto conformem depromit, & obtinendi consensus, Mini-

sterio Limprechtii, summi Tribuni, quem, brevi ante graviter a nobis accusatum, innocentem haberi, & pristinae dignitati restitui jusserrat, utitur; Sed hic quamvis magno beneficio obstrictus, Moguntinusque partibus addictus, nullam aliam officii obeundi viam reperit, nisi solum qua, appposito clanculum Civitatis Sigillo, formula sub num. 5. apposita, perquam suspecta & periculosa, pro transacta haberetur, prout hactenus secuta ejus confessio sub Num. 6. his literis addita, perspicere ostendit. Interim Schmidburgius tanquam re salva & unanimiter conclusa, urget Senatum, modo tribunos, modo Ecclesiae Ministros, ut nova hac formula precum uterentur. Subsequuntur mandata Caesarea, & quidem in dies duriora, frustra quæ Civitas defectum Consensus & legitimæ transactionis ostendit, frustra Electores & Duces Saxonici tanquam Protectores nostri intercedunt; Tandem deficiente omni juris, humillimarum precum & intercessionis auxilio, impulsu suasuque Celsissimæ Domus Saxonicæ moti cedere & remittere aliquid de jure nostro decernimus, primumque die Paschatos anni præteriti pro persona Electoris Moguntini, ægerrime quamvis annuente populo, preces, quarum Copia Num. 7. notata, factæ sunt, prout tandem tota negotii ratio scripto publice edito & sub Num. 8. hic addito explicata fuit. Verum nec hoc quidem Pacto Schmidburgius seu Moguntini sibi putabant satisfactum, dum quoad titulum Electoris, & specialem Archi-Episcopatus mentionem & precandi intentionem plura desiderabantur. Itaque archiora nobis parantur man-

mandata, plura alia capita, quæ novis precibus seu
Moguntinorum desideriis promovendis idonea pu-
bantur, eadem severitate nobis inauditis injun-
untur, & Civitas tota tandem proscribitur, prout
erba sub Num. 9. expressa sonant. Hujus tem-
estatis declinandæ causâ, quamvis etiam ad du-
ora subeunda, & ad plenam partitionem præstan-
am Senatus paratus esset, non tamen efficere po-
uit, ut apud populum religionis & liberta-
is zelo jam plane correptum & exacerbatum
otior prudentiæ quam justitiæ & prisca moris ra-
tio haberetur. Hinc tandem interni dissidii se-
ren, hinc collapsa Magistratus autoritas, ut ap-
propinquante feciali Cæsareo furiosam plebem,
icri hujus nominis ignaram seu incredulam, co-
ibere nemo potuerit, quin, data tamen a suspectis
liquibus occasione, injurgiis quibusdam afficere-
ar. Quamvis autem ægerrime hoc habuerit,
um Senatum quam saniolem majoremque Civita-
s partem, imo plures ex populo salutis & receptui
ecialis omni conatu consuluerint: Omnes tamen
quasi ejusdem criminis participes, jam per totum
imperium evulgatur, jam perduelles Cæsari to-
ique Imperio audimus, & dum non speciose satis ex-
recibus Anno 1660. putative transactis, sed sum-
mo studio ad executionem Instrumenti Pacis de-
ortis, nobis invadendis ansa quæri poterat, jam la-
ius adversus nos, tanquam Barbaris pejores, undi-
que animi copiarque Germanorum Principum imo
& Regum Moguntino confœderatorum, Galliar-
que inprimis (ut constans rumor fert) concitan-
ur, ut certe nisi apud Imperatorem Justitiæ noxi-
um

rum & tot innocentium discrimen, apud Celsissimos Imperii Principes pacis publicæ, apud Serenissimam Domum Saxonicam antiquæ protectionis, Religionis, libertatisque in vicinia periculi, imo apud exteros etiam Reges æquitatis, charitatisque Christianæ & commiserationis erga miseros ratio habeatur, sine dubio nobis plane sit pereundum. Cœpta jam erat vis hostilis contra nos immissa, sed gratias hæcenus Deo reddimus immortales, quod obortis aliis impedimentis imminenti procellæ mora quædam injecta sit. Pariter & Majestati Vestræ maximo beneficio obstricti sumus, quod per Ministros suos ad Circuli Saxonici Conventum missos literas pro Salute nostra Circuli nomine conceptas, & subscriptas ad Imperatorem transmittere voluerit. Grates immensas quoque rependimus Serenissimæ Domui Saxonicæ, quæ cum diversis Imperii Principibus Banno Imperialis vim atque effectum tam per ea, quæ validitati Banni opponi possunt, & quæ ipsi sub Num. 10. publice exposuimus argumenta, quam per alia intercessionum officia, hucusque remorati sunt, & jam in Comitibus Ratisbonensibus salutis nostræ querendæ consilia ineunt. Superest, quo tantum negotium eo facilius & felicius, Deo juvante, superetur, ut & alii cordati Status Imperii, quorum veterem amicitiam & Religio & libertas publica, & hæc ipsa Civitas experta est, manum operi admoveant, nosque favore suo adjuvent, impetus & fulmina contra nos parata avertant, eoque allaborent, ut per viam juris aut amicabilis compositionis res nostræ, totiusque vicinæ salvæ sartaque man-

maneat, atque vires potius contra communem hostem quam contra nos ipsos converti queant. Quod ut Serenissima Majestas Vestra eo, quo est apud Christianissimum Regem amicitiae loco, quaque apud Imperii Status autoritate valet & dignitate, per Legatos suos magno nostro commodo præstare poterit, ita ad obtinendam hanc Regiam gratiam clementiamque simul ac Christianam commiserationem supplices coram Majestate Vestra ad genua provolvimur, sperantes fore adhuc aliquem pristinis meritis nostris communique olim fortunæ locum, fore item inter summos Principes pro miseræ Civitatis salute & æquo jure eum affectum, ut interitus noster & tot innocentium provide & mature avertatur. Si ulla pro Majestate Vestra & prospera fortuna solvi seu præstari poterunt vota & officia, glorioso nomini Vestro humillime & perpetuo manebimus obstricti & devincti. Dabantur Erffurti, d. 12. Jun. Anno 1664.

Serenissimæ Majest. Vestræ

humillimi ac subjectissimi

Senatus & Communitas
Erffurtensis.

CCCCVI.

Litere STATUUM S. R. IMP. IN COMITIIS RATISBONENSIBUS DE GENTIUM LEGATORUM, ad LUDOVICUM XIV. Gallie Regem, quibus Ministros Gallicos multa in decem liberarum per Alsatiam Imp. Civitatum præjudicium conari, graviter conqueruntur, 1664.

Serenissime, ac Potentissime Rex.

COnquestæ sunt Nobis Civitates Imperiales in Alsatia unitæ, Sacræ Regiæ Maj. Vestræ Christianissimæ Præfecturam Hagenoensem certa lege agnoscentes, se contra immediatatem in Instrumento Pacis Iplis & Imperio reservatam Juribus in-fuetis & incognitis minusque paci Monasteriensi convenientibus ab ejusdem Præfecturæ Regiæ Ministris premi & a jurisdictione & tribunali Imperii evocari & eximi, aliaque varia præjudicia inferri, eorumque approbationem Civitati Colmariensi & aliis, sub evertendæ urbis & gravissimæ persecutionis comminatione quin & manuum injectione & captura severius intendi. Novimus quidem Nos Sacræ Regiæ Majestati Vestræ pacis Monasteriensis conservandæ studium adeo curæ esse, ut omnino incredibile sit, velle Eandem novos in limine Imperii excitare motus, dum de propulsando Christiani nominis hoste Imperium laborat; Idcirco optime confisi de Regiæ Majestatis Vestræ æquanimi Magnanimitate Eandem decenter & instantissime rogamus, ut dictos suos Ministros propediem a tanti præjudicii conatu abstinere atq; negotium eo remittere velit, quo inter Imperii Deputatos extraordinarios, quos jam pridem isti operi destinavimus & inter eum, quem Regia Majestas Vestra ad præsentia Imperii Comitia ablegavit Plenipotentiarium ex præscripto Pacis Monasteriensis æquo jure amice agi ac statui possit, quippe qui jam tum dicto Regiæ Majestatis Vestræ Plenipotentiarario querimonias & documenta Civitatum præ-

præactarum eum in finem Imperii nomine offerri fecimus, Regiæ Majest. Vestræ perpetuum Regni decus ac gloriam, cum longæva vita animitus exoptantes, Ejusdemque benevolentia Nos impense commendantes. Ratisb. 28. Aprilis Anno 1664.

CCCCVII.

Litteræ MECHMET GERET, Chami Tartaria, ad GEORGIUM LUBOMIRSKIUM, Magnum Regni Poloniae Marescallum, quibus ipsum, cur auspicia exercitus Polonici hostem versus non sit secutus, interrogat, eique turbulentia in Patriam consilia dissuadet, 1668.

Illustrissime Domine Campiductor,
Amice noster.

REX Serenissimus Frater Noster motis Exercitiis intravit terram hostilem. Nos etiam notam habentes Vestram fortitudinem & resolutionem, cur domi hæreatis, opportunitate postposita, scire non possumus. Vicini nobis suggerunt, quod Campiductor propter contumaciam remanserit; quod si ita esset, quemadmodum Vobis, ita etiam Regno Vestro bene cedere non posset. Est Vestra Dominatio Vir in Regno Poloniae inclytus, cum quo & juramento amicitiam sancivimus; incumbebat ergo cum tota Republica Polona sub tale tempus omnibus Nobis unanimiter belli tractare negotia. Tu vero, Amice Noster, alias tibi adinvenis occupationes. Nos providemus, ut Regnum Vestrum pace struatur; Vos autem aliorum hominum incitamentis abripimini. Unde nunquam

U 5

quam bene esse potest. Rex Serenissimus Frater noster ipsemet Danubium transiit; tumultus graves concitavit in Ukraina Syrko. Nos igitur licentiæ huic obviantes destinavimus Szerem Beiam cum triginta millibus in Ukrainiam, & Tibi incubit, Amice Noster, junctis cum Legionibus nostris viribus compescere hanc licentiam; Nos quoque in persona Nostra brevi illas legiones consequemur. Quod si vero Dominatio Vestra aliis disticta sit occupationibus amice poscimus, velis quod primum significare de omnibus per Tuum Abbatem agatur. Cui Nos Valetudinem & omnem felicitatem precamur.

Vestræ Dominationi

Bakeysarai 28. Maji 1664.

Addictus Amicus

Mechmet Gerey Cham, mpp

CCCCVIII.

Litteræ GEORGII LUBOMIRSKII, Magni Regni Poloniae Marescalli, ad JOHANNEM CASIMIRUM, Regem Poloniae, quibus supplicat ut gratiam ipsius implorat, 1664.

Serenissime & Potentissime Rex, Domini clementissime.

ITa per omne tempus deservii Sacræ Majestatis Vestræ, ut non modo opere, sed ne cogitatione quidem deliquerim contra Regiam Majestatem Vestram, sic me Deus adjuvet! Agnoscebam enim semper esse facturam Regiæ Majestatis Vestræ, Domunculamque meam Serenissimorum Regum Parentis & fratris Antecessorum Regiæ Ma-

statis Vestræ gratia & benignitate, in tantum fortunis & honoribus auctam, ut nunquam rea tantorum beneficiorum in me expirare possit gratitudo. Acceperat Regia Majestas Vestra antea clementer addictissima mea obsequia, & digna censebat confidentiæ munificentiaque tam eximia. Quo pacto in hanc inciderim Sac. Reg. Majestatis Vestræ aversionem, qua eum, quem elevasti, allidis, quem creasti, annihilas, quem paulo ante posuisti in spectaculum gratiæ, nunc præbes in exemplum iræ & alienationis, scire nequeo & scrutari non audeo. Supplico tantum Sacræ Regiæ Majestati ad pedes provolutus, non intres in iudicium cum servo tuo: Opus manuum tuarum sum, faciat de me Sacra Regia Majestas Vestra, tanquam Dominus de servo, tanquam Rex de subdito, tanquam formator de creatura sua justitiam, illo tantum nomine rea, quia infelici, nec aliud crimen (Deum testem appello!) in me recognoscenti. Quod si ut homo per inconsiderationem offendi aliquantum Sacram Regiam Majestatem Vestram, Dominum & Benefactorem meum; mendico humillima prece, prostratus ad genua Regiæ Majestatis Vestræ, velis condonare errorem, & hac benignitate Duce, qua per totum clarescis orbem, me ad Regalem gratiam admittere. Datum Anno 1664.

Sacræ Regiæ Majestatis Vestræ, Domini mei clementissimi

Fidelis subditus

Georgius Lubomirski.

CCCCIX.

CCCCIX.

Litteræ GENERALIUM FOEDERATI BELGII ORDINUM, ad LEOPOLDUM, Romanorum Imperatorem, quibus ipsi, Christophorum Bernhardum, Episcopum Monasteriensem, in terra Orientalis Frisiae executionis ipsi demandata munere non rite defungi, sed subditos ejusdem hostilem in modum habere significant, ac ut prædictam executionem moderatiori committere Principi dignetur, obnixè ab eo contendunt, 1664.

Serenissime, Potentissime & Inviçtis-
sime Imperator.

PROculdubio ad aures Cæsareæ Vestrae Majestatis ad singula temporis momenta perlatis fuisse nuntii, de iis, quæ facta sunt per Dominum Episcopum Monasteriensem, & quomodo sub prætextu executionis judicialis, abutens auctoritate ex mandatis sibi a Cæsarea Vestra Majestate indultis, non præsumserit tantum, sed & actu ipso per modum subitanæ oppressionis in hujus Status limitibus Ost-Frisiæ Principem hostiliter fuerit aggressus. Dum in eo laboramus, ut negotium hoc æquo, moderato & pacato animo componatur, distulimus, justas & bene fundatas querelas nostras ad Majestatem Vestram Cæsaream deferre, sperantes litem hanc per amicam compositionem ad satisfactionem partium, quarum interest, feliciter posse terminari. Sed præter omnem expectationem frustrati spe nostra, propter insolitum & inusitatum Domini Episcopi agendi modum, diutius differre nequivimus, quo minus Majestati

Vc-

Vestræ Cæsareæ clare ostendamus, prædictum Dominum Episcopum in hac lite transigenda non se gerere, uti legitimus debeat executor, sed instar hostis manifesti & usurpatoris injusti; quapropter exigit officii nostri ratio, ut Cæsaream Vestram Majestatem obnixè & ex toto affectu rogemus, ut mandata, quæ ad executionem debiti Lichtenstienensis Cæsarea Vestra Majestas prædicto injunxit Episcopo, conferantur in alium, qui sit majoris moderationis & modestiæ, & ut in posterum prædictus Dominus Episcopus a Majestate Vestra Cæsarea excusatus habeatur, ab omnibus executionibus judicialibus, præsertim illis, quæ in finibus hujus Status debeant institui. Non jam hic prolixè commemorabimus, quomodo prædictus Dominus Episcopus eo ipso tempore, quo illum certior feceramus, nos in eo esse, ut rationem aliquam comminisceremur ad colligendas pecunias, quæ mitterentur Principi Frisiæ Orientalis ad solutionem ejus summæ, quam Principi de Lichtenstein persolvere tenebatur, quomodo illum rogaverimus, ut ab executione, quam minabatur Principi Ost-Frisiæ, tantisper cessaret, quomodo item cum literis nostris ita rescripserit, ut de illo securi esse possemus, nihilominus copias suas militares ad limites nostros promoverit, faciens eas procedere in conspectu præsidiariorum nostrorum, nec solum invadere & occupare prædicti Principis Ost-Frisiæ munimentum, situm & inclavatum inter tria alia munimenta hujus Status, idque in tali loco, qui merito suspicionem nobis movere debet; verum etiam cum omni diligentia munire prædictum locum

cum tam foris quam intus, prospiciens illi de timentis & omni apparatu bellico & copioso comatu, ita ut universus mundus satis colligere potuerit, voluisse eum locum hunc sibi servare, hic figere possessionem. Equidem omnia hæc eo facta sunt nobis inconsultis, multo minus causam nobis communicarit, cui fini & cui bo attentaret pleraque isthæc, directe adeo contrariis, quæ & civilis ratio & bonorum vicinorum exigat officium, illorum præsertim, quibus curæ omnes umbræ & suspicionis causas tollere & provenire.

Quamvis autem propter hæc, quæ diximus, non deerat causa iusta & legitima, ita neque deesse oportuna commoditas submovendi illo ipso temporis articulo, militares istas copias, præcipue cum violentia hæc committeretur in Comitatu Ofrisæ, quæ Regio a multis retro annis tot foederibus & tractatibus adeo annexa est Provinciis Ultratis, ut limitis loco sit habenda; cumque præter prædictus Comitatus in quacunque occasione semper a nobis fuerit protectus, insuperque arbitrium in componendis controversiis, quæ inter Principem & Ordines ejusdem Comitatus oriuntur, nobis fuerit delatum; Nos nihilominus scilicet nostra moderatione & patientia ordinaria (quod prædictum Dominum Episcopum ad quidlibet impune audendum invitasse videtur) benigne habita omnia interpretati sumus, & plerasque istas irregularitates susque deque habentes, ita animi videri volumus, ac si prædictus Dominus Episcopus, ea solum intentione hæc patrasset, quo tan-

facilius disponderet & adigeret Principem Ost-Frisiæ ad persolvendum debitum Principi de Lichtenstein. Quin etiam, quod majoris est momenti, nos ipsi amore pacis, ad aliquod tempus quodammodo renunciare voluimus juri nobis competenti, quippe (ut Cæsarea Vestra Majestas ignorare non potest) ipsa hæc terra, quam eo, quo exposuimus modo invaserat prædictus Dominus Episcopus, nobis jam erat oppignorata, & hypothecis obstricta pro multis & conspicuis satis pecuniæ summis, præstitis tam Principi quam Ordinibus illius terræ.

Persuasissimi sumus, Cæsaream Vestram Majestatem æque ac nos, nunquam credituram fuisse prædictum Dominum Episcopum eo unquam progressurum injustitiæ, nec tantam commissurum imprudentiam, ut universo orbi notum faceret, eam esse intentionem suam, ut quem invalisset locum per fas aut nefas sibi vellet asservare, & velle perseverare in prætenso executione, quamvis nummi, quorum gratia ista executio quoad speciem instituebatur, effective & formaliter ipsi essent oblatis. Quod nos attinet, libenter fatemur, hunc agendi modum haud aliter a nobis æstimatum fuisse, quam oppressionem & intolerabilem Principis Ost-Frisiæ & velut insupportabilem contemptum & contumeliam huic Statui illatam. Quamobrem propter rationes & considerationes, quas paulo ante attigimus, non potuimus cum bona conscientia temperare nobis, quin totis viribus juvaremus, & liberaremus prædictum Principem & prædictam Regionem ab ista oppressione, simulque conser-

vemus

vemus & tueamur nostrum jus, nostram securitatem & denique nostram existimationem, prout facere tenemur.

Veruntamen ad majorem etiamnum ultimæ patientiæ nostræ significationem, non dubitavimus, antequam reipsa propositum exequeremur, per litteras repræsentare Domino Episcopo injustitiam, quam faceret, & satis huic ampliter demonstravimus, nullo modo excusari posse, quod discedens ex Episcopatu Monasteriensi, mandata & potestatem dederit per modum executionis exigendi & extorquendi a villicis & rusticis Ost-Frisiæ terminum elapsum debiti Lichtensteiniani, cogens eos minaciter, ut intra mensis spatium in munimento de Deil jussam summam persolverent. Quamvis vero universa summa, quæ militari isthac executione exigebatur, ante expirationem temporis tam in prædicto munimento, quam in loco, ubi secundum pacta conventa, solutio fieri debebat, æquiter offerebatur; nihilominus illi, qui potestatem exigendi ab eo acceperant, negantes se habere mandatum recipiendi pecunias, quæ offerebantur, multoque minus potestatem differendi jam inceptam executionem, aut removendi copias militares ex munimento, quod occupant, flocci habebant judicia totius orbis, qui actionem hanc reputabant velut intolerabilem, cum inauditum sit vastare terras & perdere habitatores violenta pecuniæ exactione, & interim recusare eandem pecuniæ summam, quæ aliunde pacate illis offerebatur, dummodo possint, sub quocunque colore per-

perseverare in injusta executione & possessione loci, quem invaserant.

Serio rogavimus prædictum Dominum Episcopum propter has & complures alias rationes latius explicatas in ea, quam misimus, epistola, tum ut rationi & justitiæ satisfiat, tum etiam ut præveniantur mala & calamitates, quæ exinde oriri possint, ut mediante solutione prædictæ summæ, quæ offerebatur, ipsi placeret intra breve spatium signatum in prædictis literis prædictum munimentum evacuare. Quin etiam eidem Episcopo ad majorem suam confusionem & convictionem promissimus etiam ante evacuationem prædicti munitimenti annumerare secundi termini summam, quæ secundum pacta conventa intra paucos dies repræsentari debebat. Quamvis vero firmiter credebamus, tam liberales & splendidas oblationes sine mora acceptari debere, protinusque evacuationem, quæ postulabatur, secuturam, proptereaque copias nostras militares in limitibus Status nostri inhibuerimus, usque quo præstitutus dies exspiraret, nihil tamen a prædicto Domino Episcopo obtinuimus, nisi quod demum elapso hoc die, quum jam procederent copię nostræ, Dominus Brabech, Decanus Ecclesiæ Cathedralis missus Episcopi huc advenerit, qui postquam in conferentiam admissus est, cum quibusdam Deputatis nostri corporis, fecit instantiam, ut inhiberemus copias nostras, & armistitium indiceremus, donec totum negotium pacate transigeretur, affirmans se hoc nomine attulisse potestatem sufficientem & bonam dispositionem: satis nihilominus decla-

rans, non esse suam intentionem, ut directe nobiscum tractaret, sed solum cum Dominis Deputatis Principis Ost-Frisiæ, qui hic aderant. Facta itaque copia quorundam articulorum, quos dicto tractatui inseri gestiebat, rogavit Nos, ut adjuvare illum vellemus in disponendis prædictis Dominis Deputatis Ost - Frisiæ ad acceptandos & admittendos istos articulos. Prædicti autem Domini Deputati non tantum promptos paratosque se esse testati sunt ad hanc petitionem, quatenus nempe isti articuli erant conformes sententiæ & consilio aulico Cæsareæ Vestræ Majestatis ac conventioni pactæ 4. Septembris proxime elapsi, sed observantes a parte Episcopi aliquem etiamnum superesse scrupulum, ac si fieri posset, ut a nobis in posterum nonnihil interjiceretur impedimenti ad eludendam executionem, quæ statim temporibus fieri deberet, donec summæ residuæ in prædicta conventionem stipulatæ plenariæ persolverentur: idcirco nostri Deputati obtulerunt, nos per promissionem solemnem signatam magno hujus Status sigillo paratos esse securitatem præstare Domino Episcopo, ne tale quid accidat. Postquam vero Dominus Decanus gemina hac oblatione contentum se esse ostendisset, tandem etiam adjecit, omnibus his ita compositis & conventis, debere se nihilominus de alio quoque loqui articulo, quem tamen, ut eadem illa conferentia exponeret, nullo modo a nobis induci potuit, quamvis negotium dilationem non pateretur. In sequentibus autem conferentiis ex communicatione facta, invenimus articulum istum reservatum eo tendere, ut nos obligaret ad relaxan-

xandam partem securitatis, quam expresse stipulati essemus a Principe Ost-Frisiæ per tractatum solennem pro summa effective eidem Principi annumerata, quo primum hujus debiti terminum persolveret. Postquam igitur prædicto Domino Decano evidenter demonstratum esset, hunc articulum nihil quidquam pertinere ad Episcopum Dominum suum, utpote qui nihil aliud curare deberet, nisi ut nummi debiti Principi de Lichtenstein secundum latam sententiam & prædictam conventionem effective persolverentur, ipsius vero munus esse, ut munimentum, quod occupasset, penitus evacuaretur & restitueretur Principi Ost-Frisiæ, eis dehinc stipulatis conditionibus, ut ipse sibi molestus non esset, rebus nihil quidquam ad se spectantibus, denique ut hujus rei curam & administrationem iis relinqueret, quos negotium hoc tangeret, visus est tandem persuaderi & a proposito desistere, paratumque se ostendere, ut componeretur & concluderetur totum negotium cum Dominis Deputatis Ost-Frisiæ ea conditione, ut prædictam promissionem scripto sibi committendo consignaremus: simul rogans, ut illico copiis nostris militariibus, quæ jam progressæ erant, ad munimentum de Deil, armistitium indiceretur. Veruntamen cum propter evidentes rationes ipsi significaremus, tum demum id fore, quando prædictum negotium conclusum esset cum Dominis Deputatis Ost-Frisiæ & non ante; Dominus Decanus videns se non posse id ipsum impetrare per anticipationem, significavit expectare se etiamnum aliud mandatum magis particulare ab Episcopo Domino suo per

cursorem jamjam adfuturum. Quod si istud man-
 datum istiusmodi esset, ut cum ante conventis p-
 ctis concordari non posset, tunc priorem conver-
 sionem fore irritam. Hæc iterata Reservatio
 quamvis Deputatis merito mirifica videretur, nec
 tamen in causam inquisiverunt, sed recte se facti
 ros existimarunt, si non obstante eo negotium
 componetur cum Dominis Deputatis Principi
 Ost-Frisiæ, qui tunc in loco aderant, credebant
 quippe, omnia hæc bona fide fieri, & impossibili
 judicabant, postquam satisfecissent omnibus iis
 quæ Dominus Episcopus aut potuisset aut debu-
 isset desiderare ad securitatem summæ persolvendæ
 Principi de Lichtenstein, alia posse expectari man-
 data, nisi illa, quæ omni modo accelerarent con-
 clusionem istius negotiationis, nec velle cursu
 litium morari interpositione rerum, quæ nihil ad
 ipsum pertinerent. Sed magna cum admiratione
 paulo post intelleximus, prædictum Dominum
 Decanum declarantem, accepisse se mandata a
 Episcopo Domino suo, quæ absolute ipsum imp-
 dierent perficere ea, de quibus jam convenisset, i-
 ut hac ratione tota negotiatio denuo interrup-
 fuerit, quamvis inter prædictum Dominum Dec-
 anum & Deputatos Ost-Frisiæ descriptum jam esset
 conventionis protocolium. Illud vero accedente
 te aliqua correctione & amplificatione, præse-
 tim quoad apocham, qua mediante prædicti num-
 mi annumerarentur, & item quoad cautionem ad
 securitatem præstandam Principi Ost-Frisiæ, quæ
 immunis fieret contra quodcunque aliud postula-
 tum; conclusum & signatum fuisset tam per Do-

minum Decanum, nisi sequentia quæ accepisset mandata id ipsum impedissent, quam per prædictos Dominos Deputatos Ost-Frisiæ. Simul quoque indicta fuisset armorum suspensio, quæ a nobis postulabatur. Quænam vero causæ & cogitationes movere potuerint prædictum Dominum Episcopum ad actiones adeo exorbitantes, prorsus nescimus, ita ut illas mirari potius quam intelligere potuerimus, præsertim, quando octiduo circiter serius unus e Secretariis prædicti Domini Episcopi nobis apparuit, missus cum prætenfa ratificatione conventæ formulæ, quam prædictus Dominus Decanus propter rationes superius allatas, concludere & subscribere recusarat, absque tamen eo ut prædictus Secretarius ulla credentiæ literas aut alias notas, quibus qualitatem suam testaretur, nobis exhiberet. Non dubitamus, quin Vestra Majestas Cæsarea æque ac complures alii, damnent credulitatem, qua usi sumus, verum certo nobis persuademus, Majestatem Vestram æque ac universum mundum facili e hinc intellecturam, quousque condescenderimus, respectu intercessionis Ministri Vestræ Majestatis, qui apud nos residet, & propter singularem inclinationem ad conservandam bonam vicinitatem cum Imperio Romano universim & sorsim cum singulis ejus membris, quod neglectis omnibus ordinariis formalitatibus, ut evitaremus omnia hostilia & extrema contra prædictum Dominum Episcopum, receperimus istam prætenam ratificationem e manibus hominis nullis credentiæ aut qualitatis notis instructi. Quamvis vero postquam ista ratificatio

lecta esset in nostro confesso, præter inconveni-
tiam palpabilem, quæ consistebat in eo, quod
nulla posset ratificatio esse, ubi nulla præce-
dat conventio, etiam id observaremus, quod
non admodum bona fide nobiscum ageretur, ut-
pote cui specimen conventionis non esset inser-
tum, ita uti hic erat conceptum, sed cum muta-
tione essentiali, & omissione integræ periodi: ni-
hilominus amore pacis ad omnia hæc conniven-
tes, effecimus, ut aliqui e Deputatis nostris parti-
cularius loquerentur cum prædicto Secretario, cui
postquam ea, quæ diximus, demonstrata essent,
produxit aliam etiamnum prætensam ratificatio-
nem, in qua prædictæ conventionis specimen ver-
botenus insertum legebatur. Postquam vero huic
significatum esset, si prædictus Dominus Brabech
ante discessum induci potuisset, ut perficeret præ-
dictam conventionem, aliqua nos correcturos fuis-
se, præsertim circa duos præfatos articulos, quo-
rum unus apocham, alter cautionem exhibendam
spectaret, idque adstipulante & acquiescente Do-
mino Brabech, speciatim huc declarantes absque
istac correctione & ampliatione nos non posse
suadere Principi Ost-Frisiæ, cujus Deputati interea
hinc discesserant, ut conventionem hanc admitte-
ret aut signaret. Prædictus missus Secretarius in-
super adfirmabat, sufficienter se de his esse instru-
ctum, & Episcopum Dominum suum permissu-
rum, ut dictæ correctiones & ampliationes, quæ
postulabantur, inserantur, ei conditione, ut inter-
positione securitatis & fidei quam exhibiturus es-
set, nobis placeret indice armorum suspensio-
nem,

nem, uti postulabatur, inque hujus rei testimonium, ostendit prædictis Deputatis nostris scriptum Originale Episcopi, quo expressam sibi potestatem concedebat id ipsum declarandi, & prædictam securitatem exhibendi. Hæc ubi nobis renunciata fuere, penitus acquievimus. Curavimus deinceps communicari Secretario huc misso prædictam conventionem correctam & ampliatam cum præfatis annotationibus, & postquam ipse adfirmasset esse illam conformem sententiæ & bonæ intentioni Domini Episcopi, 25. mensis præteriti conclusimus armistitium postulatum, & expressis literis iussimus Principi Gvilhelmo de Nassau, quem Generalis titulo præfecimus copiis militaribus, quæ erant prope munimentum de Deil, ut illud custodiret, in gratiam promissi facti per Secretarium, quod nempe prædictus Dominus Episcopus dictam conventionem ita correctam & ampliatam vel ante, vel saltem ultimo ejusdem mensis die per suos Deputatos ac item illos Principis Ost-Frisiæ illic eodem tempore convocandos in castris munimento viciniis perfici curaret, & speciatim ut Deputatis suis daret potestatem absolutam concludendi & signandi conventionem eo, ut diximus, modo correctam, & ut propterea prædicta conventio ita correctæ & ampliata ab utraque parte verbotenus instrumentis plenariæ potestatis infereretur, ita ut peracta signatura & prædictis originariis instrumentis utrinque permutatis opus non esset aliam postulare ratificationem, sed ut totum negotium eodem temporis momento, absque ulla difficultate perficeretur, uti, si placueris, Vestra Cæsarea Majestas ampliter poterit cognoscere ex nostro De-

creto, quod 25. ejusdem mensis in eodem sum-
mus negotio, idque consentiente dicto Secreta-
misso, cui verbotenus communicatum fuit, an-
quam confirmaretur. Resolutionis hujus Ar-
graphum literis his adjunximus, in qua illud pra-
pue placeat Majestati Vestrae notare, quod in re-
jorem praedicti Domini Episcopi securitatem cu-
vimus confici scriptum solemne, promissionem
fidejussionem nostram complectens, ut si im-
sterum contra spem nostram Princeps Ost-Fri-
non satisfaceret huic conventioni, ita, ut ad huius
consummationem quocunque tempore & lo-
executio contra ipsum instituenda esset, nos pra-
dictam executionem non impediremus, nec
huius vel ipsi, vel per alios, directe vel indirecte
quocunque modo opponeremus. Sed exitus
cui, bonitatem & benignitatem nostram nimi-
pervicaciae, & obstinationi causam dedisse, et
constituto tempore a parte Domini Episcopi, ni-
lus comparuerit obtuleritve se vel Deputatis
stris, qui in loco aderant, vel Domino Prin-
Gvilielmo de Nassau copiarumstrarum pra-
cto. Verum quidem est, die ultimo mensis
vesperam advenisse nonnullos, qui oretenus
clararent esse se Deputatos praedicti Domini
scopi, sed nullas habebant literas vel ad Deput-
nostros, vel ad Dominum Principem de Nassau
nec etiam offerebant se Deputatis nostris ad
loquium & conferentiam, nedum ut illis osten-
rent auctoritatis suae literas, quibus specimen
conventionis esset insertum, sed positive affirmabant
tantum se missos esse, ut cum solis Principis

Frisiæ Deputatis tractarent. Admissi autem in conferentiam cum illis, deprehensum est, illos non esse instructos istiusmodi literis, quales superius designavimus, imo ne Apographum quidem bonæ & sufficientis Apochæ proferebant, qualem talem formula seu specimen prædictæ conventionis exigebat, ita ut salutaris conventio fuerit etiamnum hac vice neglecta & subversa per prædictum Dominum Episcopum.

Per-suasissimi sumus, Majestatem Vestram ex iis, quæ hætenus retulimus, facile intellecturam, cum quanta condescendentia & pacifica inclinatione nos gesserimus jam a principio hujus negotiationis, & quod nihil omiserimus eorum, quæ fieri possint ad evitandam ultimam necessitatem, quæ nos coëgit tandem, eo, quo diximus, modo, uti armis, & efficere, ut Episcopales copiæ e prædicto munimento migrarent. Et tamen etiam, postquam necessitas huc nos compulisset, prætermisimus & transcurrimus omnes istas informalitates, eo fine, ut hostilitates jam exorsæ amice sopirentur. Omnia vero hæc egimus, non tam ex consideratione prædicti Domini Episcopi, quam ut Majestati Vestræ Cæsareæ, & toti mundo notum faceremus, quanti faciamus intercessionem, quas Minister Vestræ Majestatis hic residens in hoc negotio nomine Vestræ Majestatis coram nobis egerit, & quantum nobis cordi sit bona vicinitas & bona intelligentia cum Imperio Romano & singulis ejus membris. Ea nostra fuit fortuna, ut præterito tempore vixerimus in bona amicitia & correspondentia cum præcedentibus Episcopis & Principi-

bus Monasteriensibus, qui majori ex parte erant Principes natura, & ex illustrioribus oriundi familiis. Quamvis autem tantundem, si non amplius obstrinxerimus præsentem Dominum Episcopum, quam aliquem ex præcessoribus ejus, idque complacentiæ nomine, quam erga illum testati sumus, tam in negotio de Bevergarde, quam in multis aliis haud contemnendis occasionibus, ab aliquo nihilominus tempore deprehendimus, quod ipsius genius ipsum reddat incompatibilem, si non subditis suis, at saltem omnibus suis vicinis. Istam tamen animi intemperiem conniventibus sæpe oculis dissimulavimus respectu Cæsareæ Vestræ Majestatis & Imperii Romani, ac præterea pacis amore. Sed experientia demum edocti, complacentiam hanc, quæ efficere debuerat, ut nos impensius amaret, ipsum superbum & iracundum reddidisse, constituimus exorbitantias ejus, a quibus impostero nos immunes fore speramus, non ulterius perpeti, sed tempestive & fortiter illis occurrere.

Quandoquidem vero Cæsarea Vestra Majestas ex iis, quæ hæctenus dicta sunt, palpabiliter possit intelligere, Dominum Episcopum ab usum commissione, qua Cæsareæ Vestræ Majestati placuit ipsum honorare, non executoris judicialis, sed usurpatoris & manifesti hostis instar se gessisse, obnixè illam rogamus, ut dicta commissio non amplius huic prorogetur, sed ut in alium majoris moderationis & humanitatis virum conferatur, utpote qui superflue nimis de conatibus ejus jam edocti, aggressiones istas violentas in limitibus nostris ulte-

ulterius sustinere non possumus, sed necessitate compulsi fortiter nos opponere cogamur. Quapropter iterum tanquam boni amici & vicini rogamus, ut impofterum a similibus executionibus excusatus habeatur. Insuper rogamus Cæsaream Vestram Majestatem, ut huic ex vera hujus negotii commemoratione lubeat cognoscere, quam faventi & prompto animo intentionem Majestatis Vestrae adjuverimus, in promovenda executione decreta in favorem Principis de Lichtenstein contra Principem Ost-Frisiæ, & quidem eo usque, ut nisi prædictus Dominus Episcopus per suas actiones irregulares interpellasset satisfactionem dictæ sententiæ, quam secundum ordinem & commissionem datam exequi tenebatur, prædictus Princeps de Lichtenstein effective, sine difficultate ulla & sine ullis expensis executionis, jam obtinisset summam ducentorum & octoginta quinque milium Imperialium Thalerorum, residuumque hujus summæ successive & statuto tempore sine strepitu armorum plene esset consecutus. Et quidem illud Cæsareæ Vestrae Majestati affirmare possumus, tantam apud nos esse justitiæ rationem atque venerationem, ut ne minimum quidem impedimentum unquam conferre velimus, quo minus etiam aliorum negotiorum instituatur & terminetur executio, secundum sententiam a Vestra Majestatis aut Imperii iudicibus rite & competenter latam atque decisam: quin potius totis viribus allaboraturos, ut istiusmodi executiones semper & ubique & in omnibus convenientem sortiantur exitum. Insuper & hoc rogamus, ut Cæsarea Vestra Majestas
per-

persuasissimum habeat, nihil nobis æque cordi fore, quam ut cum Majestate Vestra omnibusque Imperii Romani membris, bonæ amicitiae & vicinitatis jura excolamus: Nos quidem a parte nostra sancte & inviolabiliter illa conservabimus & tuebimur: In cujus rei fidem mandavimus Hameli Bruininx, ut in manus proprias Cæsareæ Majestatis præsentem tradat literas. Datum Hagæ, die 10. Junii, 1664.

CCCCX.

Littera S. R. IMP. ELECTORUM, PRINCIPUM & STATUUM AD COMITIA RATISBONÆ INSTITUTALEGATORUM, ad PROCERES & ORDINES REGNI HUNGARIÆ, quibus suppetias contra Turcas promittentes, concordiam suadent, suoque militi necessaria vita sustentande media pro præsentem pecunia, a quo pretio suppeditari cupiunt, 1664.

Reverendisimi, Illustrisimi, Magnifici & Generosi Regni Hungarici Proceres & Ordines.

EA, quæ a multis retro annis inter Sacrum Romanum Imperium ac inclytum Hungariæ Regnum coaluit necessitudo, nunc quoque nos permovet, ut in præsentem a Turcis bello nostra Vobis arma & auxilia haud deesse pateremur, idque ipso opere hactenus testati apertius demum declarare Nostrasque consultationes in his, quæ adhuc durant, Comitibus, eo præcipue dirigere volumus, quo communi

muni omnium suffragio Vobis ceu Vicinis nostris & amicis valida & diuturna contra communem hostem auxilia decernerentur. Etenim cum mutuae humanitatis ac vicinitatis jura Christianae Religionis praeterea amor, tum commune & instans periculum, id a Nobis exigant, non potestis non de hoc nostro proposito bene ac amanter sentire omnemque vobis circa Ejus executionem polliceri fidem & constantiam. Augustissimo enim Caesari nostro, Eidemque Regi Vestro gloriosissimo hoc ipsum pro salute vestra & paterna sua cura & solitudine enixissime efflagitanti & urgenti unanimi omnium voto, sancte promissimus, neque est, quod ab his suppetiis nostris vel Religioni vel libertati ac privilegiis vestris quicquam adversi suspicemini, cum Sacrae Majestatis Suae & Nostri omnium mens ac voluntas alia non sit, quam junctis consiliis & armis barbarae infidelium Tyrannidi obviam ire, nobilissimumque Hungariae Regnum ab ulteriore clade defendere, minime vero Ejus immunitates ac jura vel in levissimo labefactare aut imminuere; Proinde in hoc unum intenti dignos Christiano nomine spiritus sumamus, junctoque animorum & armorum robore, feralem in nos barbarorum impetum ac ferociam sistere ac retundere tandem conemur. Aderit hac pura intentione operantibus divini numinis favor, & nos quidem sacratissimi Caesaris Nostri auspicia secuti armis, viris, pecunia semper periculi & necessitatis rationem habituri, nos Eum juvare non cessabimus. De vestra autem fortitudine & constantia cum injuriosum sit vel minimum dubitare, hoc unum tantum

tum hortamur, ut inter vos concordiam alere & de-
 positis utrinque religionis causa conceptis odiis &
 suspicionibus ad propulsandum communem ho-
 stem fraterne concurrere, militem nostrum pro
 vestris aris focusque pugnare paratum omni vicis-
 sim humanitate & benevolentia excipere & tra-
 ctare, eique pro præsentis imprimis pecunia justo
 & tolerabili pretio necessaria suppeditare velitis,
 hocque semper cogitetis, quamvis Duces nostri of-
 ficio suo juxta leges disciplinæ militaris non sint
 defuturi, nullum tamen bellum tam sancte geri
 posse, quin sua secum trahat incommoda, sed ea
 abunde pensari, defensæ patriæ gloria & ex hosti-
 bus parta victoria, quam dum vobis a Deo, omni-
 um bonorum largitore precamur, Nostra Vobis
 studia, ac amicitiam petamenter offerimus.

Reverendisim arum, Illustrissima-
 rum, Magnificarum & Genero-
 farum Dominationum Vestra-
 rum

Datum Ratiubona ex Comitibus
XI. Junii, 1664.

Paratissimi & studiosissimi

Sacri Romani Imperii Electo-
 rum, Principum ac Statuum ad
 præsentia Imperii Comitia Le-
 gati.

Inscri-

Inscriptio.

Reverendissimis, Illustrissimis, Magnificis & Genetosis Dominis, Dominis Regni Hungariæ Proceribus & Ordinibus.

CCCCXI.

Littera FRIDERICI WILHELMI, Electoris Brandenburgici, ad JOHANNEM CASIMIRUM, Polonia Regem, quibus cum, ne Tartaris desideratum per Regnum Polonia in Silesiam transitum concedat, enixe rogat, 1664.

Serenissime & Potentissime Rex, Domine Cognate, Affinis & Frater Colendisime.

EIdem digno relatum habemus nuncio, Tartaricum ad Regiam Majestatem Vestram id inprimis in mandatis habere Legatum, ut gentis suæ copiis Imperatori Turcico in moderno, quod cum Sac. Cæs. Majest. sacroque Romano Imperio gerit, bello, militari perditione Regnorum assistentibus in Silesiam finitimasque Provincias transitum ab eadem petat; Et si quidem irritum penitus conatu hæc suscipi certi simus, quin imo Regiam Majestatem Vestram non sine gravi animi indignatione offensaque laturam confidamus, eo usque profectam barbarorum vesaniam, ut talia tentare audeat, quæ non nisi ruptis Societatis Christianæ vinculis a Regia Majestate Vestra concedi possent. Ne tamen ulla in re præcaventes Principum Statuumque Superioris Saxonie circuli indemnitati debuisse ali-

aliquid videamur, pro consortio Directorii, quo in eo fungimur munerisque, absente pro tempore extra eundem Serenissimo Electore Saxonæ, peramanter obnixæque rogamus, ut Regia Majestas Vestra, quod ultro, suaque sponte pro sua pietate, zeloque factura fuerat, ad Nostram ex sententia præmemoratorum Principum ac Statuum amicorum requisitionem lubens meritoque præstet, avertatque ea omnia, quæ non tantum Nobis in summum detrimentum vergerent, verum etiam subditos Regiæ Majestatis Vestræ innumeris malis ac calamitatibus involutura essent. Constat pari ratione vetustissimis, quorum fide securi hactenus utrinque vixerunt, inter Imperium Remque publicam Polonicam, pactis sua integritas, constabunt quoque vice versa Regiæ Majestati Vestræ non solum hujus Nostræ, sed & vicinorum circulo- rum quacunque occasione promptissima studia. Cæterum summum veneramur Numen, ut Regiam Majestatem Vestram ea cumulet ex ejusdem voto, gloria, ut reducta populis suis plena pæce tranquillitateque, junctis cum Sacro Romano Imperio, aliisque Regibus animis viribusque imminentia ab infidelibus toti Orbi Christiano propulset pericula, omnigenaque perpetim fruatur felicitate. Dat. in arce nostra Coloniz ad Spream, die 23. Junii, 1664.

CCCCXII.

*Litera NICOLAI, COMITIS a ZRIN,
ad CONSILIARIOS CÆSAREOS,
Gracii commemorantes, quibus novum fortalitium
suum*

suum in conspectu Casarei Exercitus occupatum esse, graviter conqueritur, 1664.

P. P.

Quod a nullis historiis memoratum & planè inauditum Vestris Excellentissimis Dominationibus magno animi dolore scribo, quod meum novum fortalitium planè integrum, non tormentis conquassatum; nec cuniculis subfossam inimicus hodie mane, sola quasi framea, in præsentia majoris Nostri exercitus, qui se ibi habet, ceperit & occupaverit. Hic est itaque ille semper speratus & desideratus succursus. Dominus Montecuculi certe pro defensione hujus arcis nunquam gladium evaginari permisit, quæ etiam me coegerunt; ut ad suam Majestatem per postam properarem; sed hodie iterum a Magnatibus Hungaris & ab ipso Domino Montecuculi multum exoratus sum, ut redirem: dum hic subsisto & reverti cogito, hæc infauusta arcis perditæ novæ accipio. Provideant Vestræ Excellentiæ cito, ut Clementissimo Domino Nostro demonstretur, quod nullus in mundo tam potens exercitus sit, qui plura fortalitia & Regna amittat, si semper sic bellabitur. Ego hic iterum revertar ad castra, quæ jam tota consternata esse dicuntur, & passum Muræ, quantum potero; etsi solus esse deberem, defendam, nec recedam usque ad novissimam guttam sanguinis mei, ibi enim unicuique Patriæ Civi locus & tempus moriendi est, de futuro nihil scribam, curam ipsi de omnibus habeant. Deus Vestræ Excellentias servet

PARS II.

Y

feli-

felicissimas. Datum Tschakathurni, die 30. Junii, 1664.

CCCCXIII.

*Litera SENATUS COMMUNITATIS-
QUE ERFORDIENSIS ad CARO-
LUM XI. Suecorum Regem, cui, quibus in
angustiis res sua versentur, submissee exponunt,
ejusque inter Electorem Moguntinum & semper
interpositionem supplices implorant, 1664.*

Serenissime ac Potentissime Rex, Cle-
mentissime Domine.

Quantam ex Clementissimis Majestatis Vestrae
iteris spem, quantamque in afflictis rebus
nostris perceperimus consolationem, vix animo
satis reputare, nedum verbis sufficienter prædica-
re possumus. Quid enim merita est tenuitas no-
stra, quod Majestas Vestra inter gravissimas Regni
curas, nostri memor esse, nostræque Civitatis non
obstantibus Eminentissimi Moguntini prætension-
ibus rationem habere clementer voluerit? nisi
justitiæ pacisque studio per orbem Christianum ce-
lebratissimo, permota fuisset. Certa autem esse
potest Majestas Vestra & secura, nos neque Ar-
chiepiscopatui Moguntino, neque alii Romani Im-
perii Statui quidquam de jure suo detractum vel-
le. Nec etiam ejusmodi suspicio in nos afflictos
& ab initio belli Germanici ad hæc usque tem-
pora magis magisque exhaustos, cadere potest, ut
qui satis habeamus, si jura nostra prisca & a ma-
joribus nostris extra Archiepiscoporum Mogunti-
norum

norum gratiam in nos derivata, conservare atque tutari possimus. Cessimus potius in omnibus cum dicto Archiepiscopatu hucusque habitis tractatibus, cessimus etiam in honorem Sacræ Cæsareæ Majestatis in ipsa de precibus controversia, Protectoribus nostris Saxoniarum Ducibus ita suadentibus, easque, secundum vexatissimam illam formulam, quam transactam ferebat Schmidburgius Baro, introducere decrevimus, sed plebis vi prohibiti, id effectui dare nequivimus, & tamen, ceu in contumaces, atrocissimæ proscriptionis fulmen, sine ulla distinctione, a Commissariis Cæsareis, Mülhusæ tum agentibus, emissum fuit. Cæterum celare Majestatem Vestram nolumus, nobis hæcenus nihil magis curæ cordique fuisse, quam ut oblectantes & refractarios aliquos e plebe compeceremus, quo & libere consultare & consulta nostra executioni mandare possemus; Quod, ubi, annuente Divina gratia, nuper admodum feliciter successit, ac seditiosi nonnulli in vincula conjecti fuerunt, statim preces præscriptas, salvo tamen jure nostro (prout ex instrumentis tam partitionis quam protestationis, hic simul missis, Majestati Vestræ abunde constare potest) fieri jussimus, & insuper refractarios ac tumultuantes pæna promerita affici curabimus, non dubitantes, postquam hoc pacto auctoritati Cæsareæ satisfactum & contumacia, vitio nobis data, secuta nunc partitione, emendata fuit, abolitionem proscriptionis nobis deberi, nosque ad purganda reliqua crimina, ab adversariis nobis objecta, defensionemque necessariam coram Cæsare & Statibus Imperii admittendos

esse. Quia in re, nisi & patrocínio Majestatis Vestræ & aliorum correlatorum atque pacificorum Imperii Statuum sustentemur, verendum nobis est, ne ut imbecilliores succumbamus. Eminentissimus & Reverendissimus Elector Moguntinus semper quidem justitiæ & pacis studiosus Princeps audit, neque nos decet de Eminentissimo ejus animo aliter sentire: Verum cum maximo nostro damno experiundo didicimus, plus apud Eminentiam ejus valere nonnullorum Ministrorum adversas suggestiones, quam submissas nostras preces & humillimas contestationes: Neque enim auditi fuimus, cum sub exordio horum malorum & dum in herba opprimi potuissent, justas nostras querelas contra insolentiam quorundam officiariorum Moguntinorum, & contra illum ipsam perfidum Limprechtum, omniumstrarum calamitatum autorem, exponeremus: Quin etiam nunc vitio nobis vertitur, quotiescunque pro necessitate nostra liberius loqui & causas afflictionis nostræ apertius profiteri cogimur. Profecto offensionum cupidi non sumus, neque etiam id Status nostri ratio patitur; Sed potius, quovis honesto & æquo modo, cum Eminentia Sua in gratiam redire paramus, & eam ob rem compositionem æquam, interventu Statuum Imperii, quorum nihil interest, optaremus. Nam si res denuo in judicium aulicum Cæsaris ducatur, non videmus, quomodo vel sine ruina nostra tacere vel sine offensione loqui possimus, siue causæ merita, siue ipsum processum spectemus, & vel ad Instrumentum pacis, vel ad Capitulationem Cæsaream

vel

vel adRecessum nuperum Imperii, atque in eo præscriptum modum procedendi in causa contumaciæ provocemus, & nobis illata gravia damna urgeamus. Verum nos humillima erga Majestatem Vestram fiducia longius provecti, id unum flexis genibus Majestatem Vestram oramus, ut pro summa, qua inter Imperii Status dignitate & autoritate pollet, per Legatum suum in Comitibus Imperialibus, prout hætenus laudabiliter factum, causam nostram porro tueri, & ad æquam & tolerabilem transactionem dirigere atque promovere dignetur. Imo nihil gratius nobis futurum esset, quam, si res ita ferret, ut Majestati Vestræ cum alio quodam Statu Imperii harum controversiarum non particeps, compositio illarum committeretur. Eam enim de integritate, prudentia atque justitia amplissimorum coronæ ministrorum, spem opinionemque habemus, atque talia de eventu ejusmodi interpositionis nobis promittimus, ut sicuti a gloriosissimis Majoribus Vestrīs tempore belli, ita a Majestate Vestra in non minoribus periculis tempore pacis civitas nostra salva & incolumis conservata dici possit. Nos interim vota pro salute & incolumitate Regiæ Majestatis Vestræ nuncupantes clementiæ atque gratiæ Regali nos submitte commendamus. Dabantur Erfurti Calend. Julii, 1664.

Serenissimæ Majestatis
Vestree

Humillimi ac subiectissimi
Senatus & Communitas
Erfurtensis.

Y 3 CCCCXIV.

Littera a S. R. IMP. PRINCIPUM FOEDERATORUM LEGATIS, ad ROBERTUM DE GRAVEL, Christianissimi Regis Legatum data, quibus ab eo, ut Erfordiam a Gallicis Lotharingicisque copiis circumfessam, facta Regi Christianissimo adequata rei gesta demonstratione, obsidione liberari curet coneturque, obnixè contendunt, 1664.

Serenissimi ac Potentissimi Galliarum ac Navarræ Regis Christianissimi

Illustrissime Domine Legate.

Quinam repentini motus animos hominum hisce diebus hic loci occupaverint, & quam eorum causa sit, Illustrissimam Vestram Dominationem latere minime potest. Inopinato nimirum percussis nuncio præsentibus Ordinum Imperii Legati, de Eminentissimi Electoris Moguntini proposito, civitatem Erfordiensensem non solum suis, sed & Christianissimi Regis, Ducis Lotharingæ & foederatorum quorundam Electorum & Principum copiis oppugnandi, non potuerunt non tranquillitati & securitati publicæ magnopere metuere. Quamvis & imminetia hinc Germaniæ mala & a Sacra Christianissima Regia Majestate expectanda remedia Illustrissimæ Vestræ Dominationi a Protestantium Electorum Principum & Statuum Deputatis jam exposita sint: Cum tamen inter Sacram Regiam Majestatem Christianissimam & Serenissimos nostros Principes præter

com-

commune pacis Westphalicæ Consortium, arctius adhuc peculiaris fœderis vinculum intercedat; eroduxerunt fœderis hujus consortium Principum hic præsentēs Legati Illustriss. Vest. Dominat. etiā hisce seorsim compellare. Et quandoquidem Sacra Regia Majestas literis suis d. 25. Julii datis, quibusdam e Clementissimis nostris Dominis jam significaverit, se Eminentissimo Domino Electori Moguntino ad compescendos rebelles suos subditos Erffordientes certum numerum militum ex formula fœderis auxilio misisse; laudandum quidem magnopere Sac. Reg. Majest. cum optima præcudubio intentione junctum studium & enixa voluntas servandi leges; Cum tamen inter eas etiā hæ contineantur, ut fœderati de omnibus rebus, ex quibus motus oriri, & ad eos compescendos auxilium fœderatorum requiri possit, mature inter se communicare, nec non præsentē jam ipso periculo de eo depellendo consilia inter se conferre debeant: Optassent sane Principes nostri Clementissimi, tanti momenti negotium jam statim ab initio in consilio fœderis fuisse propositum, quo & omnia, imprimis an Celsitudini Suae Electorali auxilium ex fœdere præsentī casu debeat, rectius perpendi & de aliis mediis, citra arma ab Erffordiensibus jus & officiū obtinendi consultari potuisset. Posterius sane hætenus inter fœderatos non sine fructu observatum nupera exempla a Statibus Episcopatum Leodiensis ac Hilfesiensis suppeditata ostendunt, prius vero quod attinet, omnis in eo vertitur quæstio, an Erffordenses sint Domini Electoris Moguntini sub-

diti rebelles, cum ea ratio, & a Domino Electore Moguntino petiti & a Sacra Regia Majestate promissi auxilii unica sit. Non jam hinc disquiremus, quousque Urbs Erffordiensis Electorem Dominum & Superiorem agnoscat, cum hæc sit controversia a seculis agitata. Necan & quatenus ea, quæ hætenus cum civitate illa gesta sunt, eique intentata, proscriptio, juri & justitiæ congruant, cum ea de re Illustrissima Vestra Dominatio jam a supradictis Protestantium Ordinum Deputatis edocta sit. Id modo, quod ad res fœderis propius attinet, videndum, an Erffordia rebellis censi possit? Quo minus id certo affirmare liceat, rationes hic illic allatas vidimus haud leves, 1.) nimirum, quod ea Urbs Celsitudini Sux Electorali vim nullam neque in personis, neque in bonis intente-rit, 2.) in iis, quæ sibi cum Domino Electore intercedunt, controversiis, licita via juris, quam ipse Dominus Elector optaverit, usa sit, & quidem 3.) ad conservanda saltem sua, quæ competere sibi putat, jura & Privilegia, unde nec 4.) ipsa proscriptionis sententia rebellem eam, sed contumacem saltem pronunciet, quæ diversissima sint, nec posse civitatem illam alterius, & quidem gravioris criminis a fœderatis damnari, quam a competente Judice factum sit, 5.) Contumaciam illam non parendi rebus judicatis, quamvis a rebellionis crimine absit, non posse universæ civitati, sed saltem tumultuanti plebi imputari: nullo ergo jure totam civitatem eadem culpa involvendam. 6.) Id quod contumaciæ fuerit, jam sublatum esse, cum tota civitas sententiæ Imperatoriæ de recipienda formula

mula precum satisfecerit, & si quid ulterius sibi præstandum incumbat, vel legitima præcedente cognitione judicis vel facta transactione præstare parata sit; Quo quidem casu 7.) ab hisce præstitis proscriptos a banno absolvi & in integrum restitui, jura Imperii decernere, sicut id superioribus annis Urbs Bremensis haud difficulter obtinuerit. Hæ rationes, quemadmodum ejus videantur ponderis, uti non sine causa, urbem Erfordiam pro rebeli haberi posse, dubitandum sit: Ita & Dominos fœderatos ad auxilium ex legibus fœderis Celsitud. suæ Elect. ferendum teneri æque dubium merito habetur. Quod & ipsam Celsitudinem Electoralem satis agnoscere vel inde patet, quod nec cum fœderatis Principibus quicquam ea de re ante hac communicaverit, nec auxilium eorum hætenus exquisiverit, aut Christianissimj Regis literas ea de re scriptas dudum exhibuerit; Quod vero id nunc demum composita jam omni operis scena, decreto adversus Erffordientes bello, & pergentibus ad oppugnandam urbem Christianissimj Regis, nec non Ducis Lotharingæ copiis fiat, id quo animo a Principibus nostris accipi possit, Illustrissimæ Vestræ Dominationi arbitrandum relinquimus. Quicquid ejus sit, quemadmodum ad jungenda sua arma ex fœdere se obligari sibi persuadere vix possunt, præsertim cum id communi fœderis consilio non sit decretum; Ita num a reliquis fœderatis bellum istud juste ac e re fœderis suscipi possit, magnopere dubitant. Conqueritur Civitas Erffordiensis suscipi adversus se bellum, cum tamen, quamvis, ob contumaciam proscripta, in eo

res sit; ut facta jam partitione contumaciam purgarit, & ad reliqua præstanda parata sit. Quales proscriptos habita cognitione Judicis absolvendos Leges imperii velint. Suscipi id adversus supplices & imperata sine vi facere paratos, quibus parcere & naturalis æquitas & Christiana lex jubeat. Suscipi id adversus totam Civitatem, quæ nunquam peccaverit, adeoque adversus tot millia hominum innocentum. Suscipi denique ab ipsa parte astrictæ, & quæ restitutionem vi Instrumenti Pacis efflagitet, Eminentissimo scil. Domino Electore Moguntino, cum tamen tabulæ pacis Westphalicæ ejusmodi Executores haud idoneos pronuncient. An vero illud bellum rebus fœderatorum non futurum sit magnopere noxium, prudentibus dijudicandum relinquitur. Imputabitur ipsis culpâ turbatæ quietis & tranquillitatis publicæ alienissimo præsertim tempore, quo cum Turca bellum gerendum incumbit; unde fiet, ut reliqui Ordines Imperii, quas copias hosti profligando in Hungariam mittere potuerint, ad sua tutanda domi servare cogantur. Transitu militum vexabuntur Seatuum subditi bello hoc Turcico satis jam exhausti. Vicinæ circa Erffordiam Provinciæ prædis ac aliis, quas bellum adfert, injuriis & molestiis exponuntur. Et quod maxime atrox nova fax bello Germanico iterum accendetur. Ut jam omittamus, non temere quoque verendum, ne Principes ac reliqui Ordines Protestantes, qui plerique Justitiam a parte civitatis Erffordiensis stare, eamque contra leges pacis gravari, persuasum habent, exemplum hoc ad se pertinere existimantes, omnem in fœderatos

ratos facti invidiam derivent, & de ea, quam in Christianissima Regia Majestate haftenus exemplo Majorum positam habuerunt, tuendi eos in juribus suis sacris & profanis ex Instrumento pacis debitis, fiducia plurimum ipsis decedet. Quin & Catholici Principes & Status, idem si ad illos aliquando pertingat casus, foederatos ejus rei culpa onerare poterunt. Paulo pluribus Illustr. Vestr. Dominat. hoc ut exponeremus, fecit Serenissimorum Nostrorum Principum servandæ pacis & tranquillitatis publicæ, nec non ipsorum Foederatorum existimationis, concordia ac utilitatis studium. Fecit idem ea, quæ ab ipsis nobis demandata est, hujus rei cura & sollicitudo. Et cum petitio nostra eo tendat, ut Sacra Christianissima Regia Majestas non solum copiis suis, ne ulterius progrediantur, ut propositæ expeditioni intersint, in mandatis dare: Sed etiam apud Eminentissimum Dominum Electorem Moguntinum autoritate & officiis suis id efficere dignetur, quo suæ Celsitudini Electorali placeat jure potius aut aliis lenioribus remediis, quam vi armorum a Civitate Erfordiensî ea, quæ jus exigit, obtinere, in quod omnem operam suam conferre Principes Nostri paratissimi sunt. Illustr. Vestr. Dominationem rogamus, non solum diligenter hæc omnia ad Christianiss. Reg. Majestatem perscribere, sed de meliori nota commendare velit. Adjiciet hoc ipso prioribus suis egregiis sane erga Imperium & Foederatos præsertim Principes meritis magnum cumulum, Dominisque nostris Clementissimis faciet rem admodum gratam & omni benevolentia & affectu pensandam.

sandam. Nos vero Illustrissimæ Vestræ dominationi ad omnia officia & studia semper exhibebimus promptissimos.

Illustrissimæ Vestræ Domi-
nationis

Dab. Ratisbonæ 16. Aug.

10. Septemb. 1664.

Studiofissimi

Fœderatorum Principum
Legati.

CCCCXV.

*Litera, quibus PETRUS COMES a ZRIN
Protectionem JOH. GEORGII II. Saxonia
Electoris sibi humillime vendicatum it, 1664.*

Serenissime Princeps & Domine
gratiosissime,

OB benignissimum affectum, quo Serenitas Vestra dilectissimum meum Fratrem, Nicolaum Comitem a Zrin prosequabatur, & ob summam venerationem & cultum, quo ille Serenitatem Vestram suspiciebat, intermittere nec debui nec potui, quin eandem certiolem facerem, de infelici & insperato Ipsius obitu, qui 18. elapsi in aporum venatione contigit, rogans humillime Serenitatem Vestram, ut quam defuncto fratri meo protectionem ac patrociniū impertiri dignata est, eandem mihi & toti familiæ meæ gratiose exhibere non gravetur. Nos vicissim obligationis Nostræ & beneficiorum memores iis Legibus nos teneri
semper

semper profitebimur, quibus servi erga suos Heros
& Patronos obstricti esse debent, & ego omnem
prosperitatem Serenitati Vestræ augurans maneo
Serenitatis Vestræ

Ciacktoria die 8. Decemb.

1664.

Humillimus servus

Comes Petrus a Zrin.

CCCC XVI.

*Litteræ JOHANNIS GEORGII II. Saxo-
num Electoris, quibus MARCHIONI DE CA-
STEL RODRIGO collatam ipsi Regii Belgica-
rum Provinciarum Præsidis functionem gratula-
tur, 1664.*

P. P.

Serenissimum Hispaniarum Regem Belgii sui Gu-
bernationem Generalem Excellentiae Vestræ
decreto Regio delegasse, ex literis Vestrīs, cum
memoria pristini cultus, quo Domum Nostram
Electoraalem jam ante abunde estis profecuti, tum
integerrimi etiam affectus testificatione plenissi-
mis vel eo libenter accepimus, quod cum propio-
res habeamus probandæ Vobis benevolentiae No-
stræ causas, frequentiores itidem ex animi senten-
tia Nobis inde obtingant occasiones & merito-
rum Vestrorum simul in Germania Nostra gloriæ
Vestræ condigna extent documenta. De tam
insigni igitur demandata Excellentiae Vestræ pro-
vincia animitus Eidem gratulamur, Ipsamque de
propensionis Nostræ constantia securam, pro an-
tiquis-

tiquissimis Nostris in alte memoratum Regem Vestrum necessitudinis mutux studiis, res rationesque Regias bene porro prospereque gerere, nec non recte semper valere cupimus. Dabantur in Electorali Nostra Dresda die 30. Decembr. An. 1664.

CCCCXVII.

Litera JOHANNIS GEORGII II. Saxonum Electoris ad JOANNEM CASIMIRUM Polonia Regem, quibus ab eo, ne nova civitatis Thoruniensis incolas, templi Divo Jacobo consecrati juxta possessione privari permittat, sollicite efflagitat, 1665.

Serenissime Rex, Regiæ Vestræ Serenitati salutem dicimus, & operam Nostram in omni officiorum genere paratissimam offerimus,

Domine & Cognate charissime,

ABunde satis per orbem constat, quam Regio plane animo Regia Vestra Serenitas laudabili Antecessorum suorum exemplo confessionis Nostræ Augustanæ Domesticos inter fideles suos subditos tueri, iisdemque focum simul & aram ad peragenda sacra, augendamque Divini Nominis gloriam in gremio Regni sui adjunctisque ditionibus publice juxta & privatim benigne indulgere hucusque dignata sit. Quo quidem æquisimo facto ipsa non modo immortalem glorioso sceptro suo famam acquisivit, verum etiam spem nobis firmissimam injecit, fore ut eodem semper erga præfatam Augustanæ Confessionis doctrinam animo sit persevera-

veratura ejusdemque Confessoribus constans ibidem, ceu fidelibus subditis, locus futurus sit reliquus. Cum itaque fidelis Borussiae Vestrae Civitas Thorunienſis expoſito nobis imminente cauſae ipſorum periculo, ne novae ibidem Civitatis Eccleſia ſeu templum divo Jacobo dicatum, memoratae Confefſioni Auguſtanae addictis Poſſeſſoribus, vigore emanati cujuſdam Decreti adimatur, conventuique Monacharum deſuper litigantium tradatur, haſce noſtras interceſſorias quam humillime efflagitaverit, nos autem perſuaſiſſimum nobis habeamus, duram iſtam ſortem fideles hoſce Regiae Veſtrae Serenitatis ſubditos ullo forſan ſuo facto minime promeruiſſe, quin etiam cauſam ipſam inter litigantes ita eſſe comparatam, ut adhibito amabili quodam remedio, ſuis utrique parti ſacris ſuiſque bonis & commoditatibus, quemadmodum haecenus, ita & impoſterum ex æquo & bono uti fruique liceat: ſupplicantium precibus pariter & æquitate cauſae ducti antiquiſſimae illius, quam Regna Veſtra & Noſtra Domus Electoralis ſancte invicem ſemper coluere neceſſitudinis memoriam, hac in parte interponere non dubitavimus, Regiam Veſtram Serenitatem peramanter rogantes, ut pro ſolita erga fideles ſubditos ſuos clementia, miſſo ſententiae rigore, decreti iſtius (ad importunas procul dubio alterius partis preces, contra præfatos novae Civitatis Thorunienſis incolae promulgati) exequendi gratiam ipſis facere, & quod tam diu haecenus quiete & ſine ulla contradictione poſſedere ſancti Jacobi templum, iisdem porro cum omni jure ac dote nec non libero Religionis

&

& sacrorum exercitio possidendum, ex Regia gratia concedere velit, omnique ope & benignitate eos, qui pro vita & incolumitate Regiæ Vestræ Serenitatis vota apud Deum veluti par est publice & privatim juxta nuncupate non desinunt, constanter tueri, quò intercessionis Nostræ fructum semper & ubique ipso facto experiri valeant. Faciet in eo Regia Vestra Serenitas rem Majorum subrum gloria condignam. Cui diuturnam valetudinem & prospera omnia ex animo precamur. Dabatur in Electorali Nostra Dresda die 15. Februarii 1665.

Johannes Georgius II.
Electör.

CCCCXIIIX.

Litera LEOPOLDI, Romanorum Imperatoris, ad CAROLUM XI. Svecorum Regem, quibus ab eo, ne Civitatis Bremensis jura, per Instrumentum pacis Westphalica extra omne impetendi periculum constituta, a Ducatus Bremensis Regimine tentari & ladi permittat, sed potius ejusdem injustos conatus impediatur, amice efflagitat, 1665.

Leopoldus Divina favente clementia Electus Romanorum Imperator semper Augustus &c. Serenissimo & Potentissimo Principi, Domino Carolo, Svecorum, Gothorum, Wandalorumque Regi &c. Consanguineo & fratri nostro charissimo, salutem cum omnis boni incrementum.

Sere-

*Serenissime ac potentissime Princeps, Con-
sanguinee & frater charissime.*

CElare Serenitatem Vestram nolumus, dolen-
ter Nobis a Nostra Sacrique Imperii Civitate
Bremensi expositum fuisse, quem in modum non
minus contra instrumenti Pacis Osnabrugensis te-
norem, quam usum possessionemque suam anti-
quisimam non solum oppositionibus, sibi a Sere-
nitatis Vestræ Regimine Ducatum, seu Episcopa-
tum Bremensis & Verdenfis factis, quominus ad
conventum circularem inferioris Saxoniae anno
proxime superiore Brunsvigæ habitum, admittere-
tur impedita; quin ab eodem quota, quam ad
Imperii usus necessitatesque immediate confert, ad
Ducatus Bremensis contingens pertrahi, ac occa-
sione nuperrimi contra hostem Turcam belli a qui-
busdam suis Civibus Curiarum Canonicalium ibi-
dem inhabitatoribus personalis census exigi volue-
rit: verum etiam qua novitate atque attentato con-
tra praefecturas suas Blumenthal & Neukirch, non
solum ad Statuum ejusdem Ducatus Bremensis
implorationem indicto arresto quodam, supra me-
moratae quotæ summam quoad anticipationem a
dictis Statibus pro eadem Civitate prætense per-
solutam in ducale ærarium refundendam eo-
dem conatu adigatur, sed porro, ut omnes dicta-
rum praefectarum redditus Regio Serenitatis Ve-
stræ Quæstori adnumerentur decretum edictum-
que, nec minus etiam contra subditum quendam
suum Joannem Hupolt, in territorio suo, ipsoque

PARS II.

Z

quasi

quasi Civitatis limine, a Burgii Præfecto ejusdem que complicibus, dicto approbante Regimine, via facti processum fuerit, nunc quoque a quibusdam Serenitatis Vestræ Deputatis iis postulatis, quæ statum suum, per Instrumentum Pacis extra omnem impetitionem constitutum, lædant, urgeantur; humilime supplicando, ut pro Imperatorio Nostro munere Nostras apud Serenitatem Vestram partes prædictis quantocyus antiquandis gravaminibus atque attentatis interponere, eandemque, ut suos ab omni via facti dehortaretur, benevole requirere vellemus.

Quemadmodum igitur hæc ipsa Serenitate Vestra aut mandate aut approbante a dicto ejusdem Regimine suscepta factaque fuisse eo quidem minus Nobis persuadere possumus, quo sincerius ipsa accuratiusque non unis suis amantissime scriptis literis Nobis suam ad memoratæ pacis Osnabrugensis observationem, juxta ac conservationem publicæ tranquillitatis in Imperio studium atque zelum testatum reddere, in eundemque finem nuperrime adhuc Ratisbonæ, ut investituræ ejusdem super prædictis Bremensi & Verdensi Ducatibus pro majori dictæ Civitatis territoriique sui ac Privilegiorum, juriumque ac libertatis stabilimento peculiaris paragraphus (Civitati vero Bremensi) infereretur, adeoque ex hoc quo inter cætera etiam, contra benevolam propensionem Nostram, ab infeudatione investituræque collatione præpediebamur, obstaculum removeretur, amanter convenire voluit:

Ita

ita cum haud difficile sit conjicere, nisi iis, quæ toties sancte conventa, firmiter insistatur, quantum hic tranquillitatis publicæ pertimescendum periculum aut præjudicium, benevole Serenitatem Vest. planeque amanter ac fraternæ de eo admonendam requirendamque hisce duximus, ut pro laudabili eo suo Pacis tranquillitatisque in Imperio conservandæ zelo, missis quam primum mandatis præfata Regimini suo attentata non solum inhibere, sed & serio injungere velit, ut ab ulteriori via facti desistendo omnia in pristinum statum citra moram restituat, dictamque Civitatem in iis, quæ Instrumento etiam pacis ipsi intacta relinquuntur, amplius non impetat, neque perturbet. Enim vero, sicuti eadem Serenitas Vestra nulla non re hucusque affatim compere-rit, quam Eidem de iis, quæ dicta ipsi pax tribuit, haud quidquam demere intendamus; Ita nec imposterum quoque, si prætensioni cuicunque sibi insistendum, jureque & ex ejusdem Instrumenti Pacis Constitutionumque Imperii præscripto contra sæpe dictam Civitatem experiundum duxerit, partium nostrarum quidquam desiderari patiemur, quominus omni differentia citra gravio-rem aliquem motum sopita, pax mutuaq; inter Nos Imperiumque & Serenitatem Vestram ejusdemque Regnum & ditiones correspondentia sancte omnibusque sincere amicitiae officiis colatur, atque propagetur. De quo Serenitatem Vestram simul hisce benevole asscurare volumus. Qui de cætero eidem prosperos rerum successus ex

Z 2

ani-

animo vovemus. Dabantur in Civitate Nostra
Viennæ d. 30. Martii Anno 1665.

Serenitatis Vestræ

*Bonus consanguineus &
Frater*

LEOPOLDUS.

Ut. W. Baro de Waldersdorff,
Vice-Cancellarius.

J. Walderode.

Inscriptio.

Ad Sacram Regiam Majestatem Sveciæ.

CCCCXIX.

*Responsoria a CAROLO XI. Svecorum Rege, ad
LEOPOLDI Romanorum Imperatoris præin-
sertas, exarata, 1665.*

P. P.

Literæ Majestatis Vestræ, Viennæ, die 30. Mar-
tii, scriptæ, non ita pridem Nobis redditæ sunt,
quibus edocemur, quemadmodum Civitas Nostra
Bremensis nonnullas accumulavit criminationes,
quibus, ut alibi, ita apud aulam Majestatis Vestræ
nos traducere non erubescit, existimans ad sa-
lutem & prætensi status sui stabilimentum pluri-
mum pertinere, si jura Nostra quovis modo fo-
dicare atque actiones Nostras in liquido fundatas
insuper vellicare possit; Illa vero ipsa nihil interea
penſi habeat, injurias antiquas nova audacia au-
gere, posthabita omni debitæ devotionis, fidei,
æqui-

æquitatis & dignitatis reverentia. Fecimus tamen super iis, quæ in Majestatis Vestræ literis enumerentur, Nos a Regimine Nostro Ducatum Bremensis & Verdenſis plenius informari, deprehendimusque ea pro more relationum Bremensium, partim a vero declivia, partim adeo levia, ut Majestatis Vestræ oculis & auribus non satis digna sint, quæ exhibeantur, nedum ut literis Nos inter & Majestatem Vestram commeantibus reciprocentur. Quæ autem a Nobis justè facta sunt, ab iis adeo inique proponuntur & explicantur, ut in eum finem, sicuti apparet, instituta videri possint, quasi tentando auctoritatem Majestatis Vestræ in subigendis juribus Nostriſ intentionem suam solidius figere queant. Prolixa vero illa, quæ congesserunt, gravamina si respondendo ordine exequeremur, utramque facile paginam implerent. Igitur ut Majestati Vestræ satisfaciamus commodius, jussimus Ablegatum Nostrium, qui hoc tempore Ratisbonæ residet, omnia ista querelarum Bremensium capita Majestati Vestræ, aut ejus Ministris, uti comparatæ sunt, exponere, certi, Majestatem Vestram inde temeritatem istius Civitatis, Nostram vero æquitatem clare & facile perspicere posse. Non possumus tamen, quin Nobis magnopere gratulemur, quod Majestas Vestra eorum, quæ virtute Instrumenti Pacis Westphalicæ comprehenduntur, quæq; circa investituræ collationem tacta sunt, amice Nos admonere voluerit, siquidem Nobis nihil sit gratius, quam in omnibus ad res Imperii Romani spectantibus dictæ pacificationis leges, tanquam unicam ac solam

normam & Regulam Nobis proponere, omnique sanctimonia colere & servare: Nec novum quidquam circa investituræ Nostræ solennia, quod aut legibus pacis derogare, aut juri cujusquam addere vel demere aliquid possit, peractum esse, Nobis in memoriam revocare possumus. Stant stabuntque illæ per omnia ubique illæ & immotæ, Paragraphum autem Civitatis Bremensis aliaque nonnulla aliorum interesse concernentia, ac in ipsis præterea pactis satis provisæ, initio superflua quidem putavimus, quod literis ipsis investituræ infererentur; cum tamen omnia artic. X. puncta ipsis quoque literis inferenda Majestas Vestra judicaret, nihil inde repugnâvimus, cum in hoc juri Nostro nec adimi quicquam, nec adjici posse perspiceremus. Quod vero eo quoque tempore, sicuti alias semper, Civitas quoque Bremensis insolentiam suam prodere, ac contra actum investituræ sese opponere auderet, quasi ad illum actum, nisi prius Civitate illa libera, i. e. immediate Imperiali declarata, Nostri Deputati non admitterentur, id vero quantam sapiat iniquitatem & protervam audaciam, vel ipsa Majestas Vestra pervidere potest. Consimilia aut minora attentata aggredi ei facile erit, quæ hæcce tum in facie Imperii agere non est verecundata. Quantum vero in eo pacta Osnabrugensia, quæ ne vestigio quidem ullo hanc figuratam Imperii Immedietatem concedunt, adeoque particularem Nobiscum Recessum Stadæ erectum, qui hanc controversiam, salvis nostris super prætenfa immedietate juribus, in alia tempora differt debitumque homagii vinculum aliaque multa

ta interea injungit, quibus Civitas nimium quantum per hos annos prævaricata temerari & læserit, nemini a partium studio alieno obscurum esse potest.

Atque ut fundamentum ipsum, unde insolentiæ hujus robur perperam mutuari conantur, paulo altius attingamus; Notum est Majestati Vestræ usque ad subscriptionem Pacificationis Osnabrugomasteriensis Civitatem Bremensem inter liberas Civitates Imperii non fuisse rite unquam numeratam: Imo a divo Majestatis Vestræ parente gloriosissimæ memoriæ, cum clanculum per temporum confusionem in Collegium Civitatum Imperialium temere irrepsisset, jure rursus extrusam ac ad suum Archiepiscopum, modernum videlicet Serenissimum Daniæ Regem, cui etiam de novo solitum homagium, ut Civitas mediata, præstitit, remissam fuisse. Sub ea qualitate plane permansit, cum virtute Instrumenti Pacis Ducatus Bremensis atque in eo expressa jura, quæ ultimi Archiepiscopi habuerant, pacis publicæ causa & in satisfactionem Serenissimæ Reginae Christianæ, Regibus & Regno Sveciæ concederentur. Tentatum equidem tunc est circa Pacis negotium projectis quibusdam, ut titulus Civitatis Imperialis oblique ipsis attribueretur, sed vigilantia Legatorum Svecicorum negatum hoc est. Præsens vero status, qui non alius, quam mediatus erat, concessus est, etiam si per tractatum denique illum consequi allaborarit immediatæ Civitatis characterem, utique antea ejusmodi qualitate non gaudebat. Atque si postea beneficio tractatus non aliud jus, quam qui præsen-

tem, i. e. mediatum concerneret statum, §. in pacificatione impetravit, utique plura eam sibi nunc arrogare, quam quæ debeantur, in confesso est. Constat etiam in Recessu Stadenſi componendo publicæ tranquillitatis cauſa, tumultu quaſitam hanc Bremenſibus immedietatis controverſiam in aliud tempus dilatam ac in ſuſpenſo relictam eſſe. Cumque circa inveſtituræ Ceremonias oppoſitionem moliri Civitatis ejusdem Deputati aggreſſi ſunt, non alio, quam Inſtrumenti Pacis §. acquieſcere ruruſ juſſi ſunt, adeo ut variis vicibus titulum Civitatis immediatæ affectantibus duntaxat re-poſitum ſit, præſens ille in inſtrumento Pacis expreſſus Status, qui qualis tempore concluſæ pacis fuerit, in ſuperioribus indigitatum eſt.

Igitur cum reſita comparata ſit, uti revera conſtat, Majeſtatem Veſtram amanter rogamus, ut pro ſua juſtitia, fide & æquanimirate penſitare velit, qua fronte quidam ex Magiſtratu Bremenſi nunc hiſce, quæ fide Imperiali & Regum, ut & Electorum, Principum & Statuum tam rite & palam acta ſunt, contravenire, ac a debito Nobis, ut Duci Bremenſi obſequio obligationeque antiqua, & tenore pacis publicæ firmata, ſeſe eximere & vindicare tentent. Sane ſi Majeſtas quoque Veſtra huic eorum inſolentia, & libidini frena adhuc laxaverit, nec eos Inſtrumenti Pacis, quod ſolum a Nobis legem eſſe & Cynofuram voluerit, obſervantes eſſe juſſerit, majora inde timenda ſunt mala, quandoquidem hoc ipſo non ſolum in obſtinatione confirmabuntur, ſed etiam jura poſſeſſionesque Noſtras, quod hætenus aſſidue fecerunt quotannis

nis plus ultra involare, eaque sibi supra modum asserere ac cum alicubi fastus eorum reprimatur, nomen Nostrium cum omni cavillatione apud Majest. Vestram ac alibi passim in aulis traducere non superfedebunt. Hinc vero illud pertimescendum est tranquillitati publicæ periculum, quod Majestas Vestra in suis literis amanter monere voluit, ac Nos, quantum in Nobis est, etiam tum, cum occasio satis bona offerretur insolentes castigandi, publicæ quietis causa avertere conati sumus, ac deinceps etiam cum bono Deo avertemus, si jura Nostra sine imperitione intacta relictæ fuerint, ac Civitas illa a Machinationibus circa quamvis periculi, Nostro Statui accelerandi, occasionem hætenus intentatis dehinc abstinerint.

Etenim habemus rationes non exiguas, cur Imperii Romani tranquillitatem conservare studeamus, utpote in qua pars non minima salutis proprii Regni innexa est. Honor etiam pertractatæ conservandæque pacis, tum etiam vicinitatis, amicitiae & sanguinis necessitudines, quæ Nobis cum præcipuis Imperii Romani membris intercedunt: Potissimum vero illa, quam cum Majestate Vestra novis benevolentiae vinculis instituire, ac in securitatem publicam condere non detretabimus, alias rationes Nobis non subministrat, quam ut cum Majestate Vestra tranquillitatis & securitatis conservandæ studio certatim contendamus. Speramus etiam Majestatem Vestram amicitiam Nostram sic æstimaturam esse, ut cum benevolam mutuum foveamus inclinationem, quorundam ex Magistratu Bremensi, plebem propter

aliquam suam gloriolam ad obstinationem contra Nos & Pacem publicam incitantium vanas insolentias Pacis beneficio, & tam salutari operi reciprocè instituendo, facile posthabeat.

Iustum est, quod Bremenses apud Conventum circularem admissi non sint, & si rationes Nostræ tam superioribus quam præsentibus Comitibus Ratisbonensibus locum aliquem inveniissent, iustum quoque ibi fuisset, ut in Collegium Civitatum Imperialium non fuissent admissi, quemadmodum contra id quoque meliori forma protestati jura Nostra porro servaturos Nos esse confidimus. Atque ut tam a dietis Imperialibus, quam Circularibus, in totum deinceps quoque excludantur, sicuti cum tenore & legibus pacis hoc tam est congruum, ut a sana ratione negari non possit, ita sententia aliqua unius partis, ad quam sola interpretatio pactorum non pertinet, jura in Civitatem illam evelli, Majestas Vestra, quod confidimus, facile non permittet, utpote cui ex promisso & virtute legum pacis incumbit jurium Nobis concessorum securitatem præstare atque in possessione quietæ contra quemcunque inviolabiliter conservare & manutenere. Quæcunque autem Privilegia Libertatis & jura Civitati Bremensi, cum Pax Westphalica concluderetur, legitime compete-
bant, tam in Ecclesiasticis, quam in Politicis, ea non modo sine impetitione hætenus reliquimus, ac porro relinquemus, sed etiam tantum aberit, ut aliquid eis detrahamus, ut, ubi ad debitum redierit officium, majoribus ornare parati simus. Qua declaratione Majestatem Vestram contentam fore confidimus.

fidimus, obtestantes eandem quam amantissime, ut perceptis a supradicto Legato Nostro rationibus actionum Nostrarum iustissimis, causæ potius Nostræ, quam insolentis Civitatis criminationibus fidem favoremque adhibere sustineat, & sæpeditam Civitatem Bremensem ad pacta & statum præsentem, i. e. conditionem Civitatis Ducalis, cum mandato remittere velit, ut Nostra jura actionesque iustas porro fodicare & traducere desinat. Quemadmodum in eo ex præscripto pactorum Majestatem Vestram acturam esse expectamus; Ita non omittemus ullam occasionem, ubi sinceram erga Majestatem Vestram prolixumque affectum nostrum rursus declarare poterimus. Qui Majestatem Vestram de cætero divinæ commendamus Protectioni. Dedimus in Arce Nostra Holmensi die 10. Julii, Anno 1665.

*Nomine altissime memoratæ S. Reg. Majestatis
respective filii Nostri charissimi, ut &
Regis ac Domini Nostri Clementissimi*

HEDWIG ELEONORA

Petrus Brahe, Comes in Wisingborg, R. S. Drotzetus.

C. G. Wrangel, R. S. Mare-
scallus.

Magnus Gabriel de la Gardie,
R. S. Cancellarius.

Gustavus Otto Steinbock, R. S.
Architalassus.

Gustavus Soop, loco R. S.
Thesaurarii.

Eduard Ehrenstein.
CCCCXX.

CCCCXX.

*Literæ EPISCOPI CRACOVENSIS, ad
GEORGIUM LUBOMIRSKIUM, Ma-
gnum Regni Poloniae Mareschallum, Patria pul-
sum, cui, ut omiſſis violentis vindicta mediis cu-
ram cauſæ ſuæ amicis committat, candide ſuadet,
1665.*

Illuſtriſſime Domine Magne Regni Mari-
ſchalce, Domine & Frater colendis-
ſime.

PRout in principio ſtatim exortæ contra Excel-
lentiam Veſtram tempeſtatis ex corde & quam
diligentiſſime curavi, ut illas avertere potuiſſem,
quod non dubito vel ipſa Excellentia Veſtra agno-
ſcit, ita non deſiſto hucusque operari, ut videam
Excellentiam Veſtram priſtino ſtatui reſtitutam &
charam ſimul Patriam pacatam; ideoque Varſavia
redeundo ex itinere ſtatim miſi meas ad Excellen-
tiam Veſtram literas Vratiſlaviam, confidenter ne-
gotio compoſitionis conferendo. Sed cum heri
notitiam acceperim, quod Excell. Veſtra 2. Aprilis
Vratiſlavia moverit & Lubomliam tendat; illuc
quoque occurro meis ad Excellentiam Veſtram li-
teris & ſignifico, quod res per Dei gratiam ſint
optime inclinatæ, ad ſatisfactionem Excellentia
Veſtræ. Proinde quam diligentiffime obſecro, ut
Excellentia ſua dolorem moderari velit, nec ad
violenta recurraſſet media; Non tantum parcendæ
Reipublicæ, quæ acriori alias progreſſu commo-
veri deberet, plurimiq; innocentes multa innocen-
ter perferre deberent mala, ſed etiam ſui ipſius ra-
tio

tio habenda est. Omnia enim violenta consilia improspere terminari solent, & si in principio bonum aliquando videantur habere successum, tragico tamen semper & funesto eventu recidunt in autorem. Dignetur itaque Excellentia Vestra Nobis amicis suis committere curam causæ istius suæ & assecuro, quod Excellentia Vestra celeri satisfactorio effectu lætabitur. Quæ omnia uberius domesticus meus familiaris, quem ad Excellentiam Vestram mittam, exponet, nunc vero per literas ante ipsius adventum præcursorias hoc tantum significo, quod res sint bene dispositæ ad mutuam compositionem, quam Excellentia Vestra aunitus pastoralique & fraterno affectu, optandæque ejus gratiæ me recomendo. Datæ Bozein 12. April 1665.

P. S. propria manu: Nemo prudens & bene propensus potest Excellentia Vestra suadere media violenta ibi adhibere, ubi civilibus artibus transigi potest, Deusque avertat, ut postpositis pacatis consiliis Excellentia Vestra turbidis uti debeat; Non possum tantum sinistrum sed & infauustum eventum ominari: recte enim quasi digito monstravit Deus per istos 17. annos peculiari sua interpositione Regem esse, quando illum ex tot tantisque liberavit periculis, & tot personas, quæ ipsi capitales erant hostes, sustulit. Quid igitur faciendum? ut cœli injurias & tempestates patienter toleramus, ita & Dominos, quales Nobis a Deo dantur, & illud quod ab ipsis provenit, tolerare necesse est; Habeo spem, quod Excellentia Vestra brevi satisfactio fiet.

CCCCXXI.

*Responsoria GEORGII LUBOMIRSKI, Maxschalli Regni Polonia Magni, ad præinsertas
EPISCOPI CRACOVENSIS literas
1665.*

P. P.

Literis Excellentia Vestrae lectis, quæ de Bozzein de dato 12. Aprilis erant, in magnam debui admirationem rapi, quod Excellentia Vestra persuadeat mihi, ne ad violenta descendendo media inauditam meam Justitiæque injuriam, alio modo quam per intervenientem Amicorum interpositionem componi permittam. Cui enim melius quam Excellentia Vestrae patet, quantopere alienus semper fui non tantum a violentis, sed etiam fervidioribus consiliis, quantaque humilitate, & qualibus supplicationibus, quamvis non tantum innocens, sed (si livor absit) bene meritis Cives ad pedes Sacrae Regiæ Majestatis prostratus gratiam mendicare volui. Audivit vel ipsa Excellentia Vestra cum ignominiosum illud non mandatum, sed libellus pasquinatorius mihi objiceretur, cum voce præconis horribilis illa & nunquam solita in templo Proszoviensi promulgaretur meæ personæ publicatio, quam innocentem in concursu Nobilitatis, humilitatisque erga Majestatem Regiam debitæ plenam dederim satisfactionem. Vidit Excellentia Vestra meas lachrymas ruinæ Reipublicæ prænuncias & futurorum malorum divinatrices non imbelles; nam forsan alia possent mihi non deesse media, nisi illa mihi a veneratione erga Regi-

Regiam Majestatem & ab amore in patriam ex manibus extorquerentur, sed luctantium inter affectum vi expressa: Legit Excellentia Vestra meas ad se, ad Senatus, ad Conventus particulares, ad Comitia, ad Regiam Majestatem, ad inimicos denique meos, qui me non christiana humanitate & per interitum ipsius Patriæ persecuti sunt, literas submissionis, humilitatis, patientiæ plenas. Habeo itaque jam testimonia per totum orbem publica, quod per civilia volui agere media, denique vix non per proprium honorisque mei exitium placare Dominum, pacare Patriam. Quæro, utrum possit aliquid inveniri erga Regiam Majestatem humiliter, erga hostes æquanimiter? Quid non explevi? Innocens deprecari volui, prostratus ad pedes injuriatus meo cum damno Patriæ tranquillitati satisfieri exoptabam, diffamatus adeo graviter, literis per Poloniam satis modestis honorem meum sum tuitus, contra processum perjuratorum plenum, per Europam divulgatum, manifestationem meam, falsitates & injustitias hujus judicii aperte declarantem, adhuc ad Christianam recollectionem supprimo. Judicet me itaque Excellentia Vestra, utrum violentorum tam cupidus, utrum motibus civilibus & interitu Patriæ cupiam sanare injurias meas, utrum quid contra Principem Dominum meum delinquo, cujus, etsi Regia est, hominis tamen in homines limitata justitiæque finibus & legibus circumscripta potestas. Sed altera ex parte non minus mirari quoque debeo, quod mihi Excellentia Vestra spem pacis & restitutionis honoris mei gratiæque polliceatur,

ego

ego vero hic exul aliena oberrando Dominia securus etiam contra patriam esse a persecutionibus non possim. Empti in vitam meam sicarii & a Pseudo-Theologis dispensati (prout & ille impius delator emptus erat) modum & occasionem tollendi me rimantur, cibum nedum potum sine singulari cautela sumere non possum: nunc mihi per montes in Scepusium transeunti insidiæ structæ, & colluvies montanorum latronum ad id appetiata. Brion aliquis ubique meos itineris passus observat & intercipit, irritat & necessitat descendere ad aliquid violentum. Compendio complector. Nihil est non tentatum violentorum mediorum in vitam meam. Hæcine sunt pacis, hæc civilia media? Illa ne est fides nuper mihi per Dominum Vexilliferum Ruensem data, quod non tantum Lubomliam, sed & in Poloniam & ad ipsum exercitum, tanquam Generalis securus ire possim? Recipio nihilominus ea, quæ suadentur mihi ab Excellentia Vestra, tanquam a Pastore meo, cujus integritatem & eximias virtutes semper veneratus sum, & veneror debita observantia, pacatæ compositionis media; Protestorque coram Excellentia Vestra, quod Patriæ nihil adversum molior, & quod per civilia media meam hanc & Patriæ injuriam componi ex totis opto præcordiis, & quod certo certius quicquam violenti non tentabo, nisi ultima necessitate adactus & inculpatæ tutelæ jure naturali munitus. Adinveniat Excellentia Vestra aliquid ita efficax (quod ego ruptis Comitibus, sprete totius Reipublicæ Principumque exterorum tam fervida tantotiesque repetita interpositione spera-

operare non possum) ut securitati imprimis meæ, honorique tam crudeliter enecato, violatæ denique libertati & justitiæ satisfieri possit: Ego omne tale medium paratus sum manibus pedibusque amplecti. Datæ in oppido Zelina, die 22. April. 1665.

CCCCXXII.

Litera JOH. GEORGII II. Electoris Saxonia, ad ROBERTUM DE GRAVEL, Legatum in Germania Gallicum, cui Regis Christianissimi literas & oblata sibi ipsius studia gratissima fuisse, refert, 1665.

Johannes Georgius II. Dux & Elector Saxoniz, Sacrique Romani Imperii Princeps, Salutem & benevolentiam Nostram Excellentiz Vestræ adscribimus.

Excellentissime Domine singulariter Nobis dilecte.

Reditæ sunt Nobis literæ Excellentiz Vestræ una cum illis, quas Regia Sua Majestas ad Nos dare dignata est. Charum Nobis fuit intelligere Excellentiz Vestræ erga Nos studium, & nullam occasionem prætermitemus promptam hanc animi sui Declarationem debito modo rependendi, unde egregia sua merita, ut par est, æstimantes, Ipsi benevolentiam Nostram perpetuam pollicemur, Eandemque divinæ gratiæ commendamus. Datum in Electorali Nostra Dresda, die 1². Maji, 1665.

Excellentiz Vestræ

Amicus

Johannes Georgius, Elector.

CCCCXXIII.

Litera CAROLI XI. Suecorum Regis, ad CAROLUM LUDOVICUM, Electorem Palatinum, quibus gliscientes inter ipsum & Moguntinum Electorem animorum similitudines in apertas belli flammæ eruptas dolet, seque omni conatu in id sedulo enixurum pollicetur, ut amicabili eas compositione opprimere valeat, 1665.

Nos Carolus, Dei Gratia Suecorum, Gothorum, Vandalorumque Rex & Princeps hæreditarius, Magnus Princeps Finlandiæ, Dux Scaniæ, Esthoniæ, Livoniæ, Careliæ, Bremæ, Verdæ, Stetini, Pomeraniæ, Cassubiæ & Vandalæ, Princeps Rugiæ, Dominus Ingridiæ & Vismariæ; Nec non Comes Palatinus Rheni, Baviariæ, Juliaci, Cliviæ & Montium Dux &c. Serenissimo & Celsissimo Principi Consanguineo & Amico Nostro Charissimo, Domino Carolo Ludovico, Comiti Palatino Rheni, Sacri Rom. Imperii Archithesaurario & Electori, Duci Baviariæ &c. Salutem & prosperos rerum successus!

Serenissime & Celsissime Princeps, Consanguinee & Amice Charissime.

EManarunt antea ad Nos etiam per relationes ex Germania nobis factas dissidia & similitudines, quæ inter Celsitudinem Vestram Electoralem ac Dominum Electorem Moguntinum in vicinia subnatæ perhibebantur, non tamen eo profectum iri putabamus, ut in belli flammam erumperent, priusquam hoc docerent nunc literæ Celsitudinis Vestræ Electoralis Friderichsburgi, die 27. Maji pro-

proxime præcedentis scriptæ. Sicuti yero hoc cum propter communem necessitudinem amicitia, quam ubivis in Imperio Romano sartam tectam cupimus, tum etiam ob arctum Nos inter & Celsitudinem Vestram Electoralem sanguinis vinculum Nos haud parum afficit, ita aliquo remedio occurrendum tentandumque putavimus, utrum simulatibus & armis inter tam egregia Imperii membra rursus positis, bona ac fida amicitia redintegrari possit; Quemadmodum in eum finem ac in antecessum literas Nostras monitoriales ad Electorem Moguntinum tales præscripsimus, quales adjunctum exhibet exemplum. Apprime itaque gratum Nobis foret, si Celsitudo quoque Vestra Electoralis quemadmodum hætenus egregie fecit, ita porro omni possibili ratione, Nostri quoque causa, quantumque æquitatis ac reconciliationis unquam suaserint aut permiserint, sese pariter sic comparare & accommodare sustinuerit, ut Nostrum tranquillitatis restaurandæ studium locum aliquem reperire queat. Si vero præter spem contigerit, ut remedia Instrumenti pacis & Constitutionibus Imperii consentanea nihil juverint, sed foudicationem pactorum ruinamque Status Celsitudinis Vestræ Electoralis intentari experti fuerimus, profitemur, eam esse debere & pactorum & Necessitudinis Nostre cum Celsitudine Vestra Electoralis curam, ut nec tranquillitatem publicam, nec vinculum sanguinis Nostri derelictum videri debeat. De quo assecurantes Celsitudinem Vestram Electoralem expectabimus, quid commissiones ad compositionem destinatæ efficere valuerint. Nos

interca per literas ac per Legatum Noſtrum nihil omitemus in Gallia, quod boni rationes officii erga Celſitudinem Veſtram Electoralẽ demonſtrare poterit; Deus Celſitudinem Veſtram Electoralẽ ſtatumque ejus diu conſervet integram & incolumem. Dedimus in arce Noſtra Holmenſi die 6. Julii, Anno 1665.

Nomine altiffime memorata Sacra Regia Majeſtatis reſpective Filii Noſtri chariſſimi, ut & Regis ac Domini Noſtri Clementiſſimi

HEDWIG ELEONORA.

Petr. Brahe, Com. in Wiſſingsborg. R. S. Drotzetus.

Carol. Guſtav. Wrangel, R. S. Archiſtrategus.

Guſt. Otto Steinbock, R. S. Architalaſſus.

Magnus Gabriel de la Gardie, Cancellarius.

Guſtavus Bonde, R. S. Theſaurarius.

Eduard. Ehrenſtein.

CCCCXXIV.

Litera CAROLI XL. Suecorum Regis, ad LUDOVICUM XIV. Gallia Regem, quem amice requirit, ut Electorem Moguntinum, Palatinas ditiones armis infeſtantiem, a facti injuriis viam deducere haud gravetur, 1665.

Nos

Nos Carolus, Dei Gratia Suecorum, Gothorum, Vandalorumque Rex & Princeps hæreditarius, Magnus Princeps Finlandiæ, Dux Scaniæ, Esthoniæ, Livoniæ, Careliæ, Bremæ, Verdæ, Stetini, Pomeraniæ, Cassubiæ & Vandaliciæ, Princeps Rugiæ, Dominus Ingriæ, & Vismariæ; Nec non Comes Palatinus Rheni, Bavarici, Juliaci, Clivici & Montium Dux &c. Serenissimo & Potentissimo Principi, Domino Ludovico XIV.

Franciciæ & Navarriæ Regi &c.

Salutem!

Serenissime ac Potentissime &c.

NON dubitamus ad aures Majestatis Vestræ dudum perlatum esse, quemadmodum inter Serenissimum & Celsissimum Principem, Dominum Electorem Palatinum, & Dominum Electorem Moguntinum nonnulla antehac dissidia orta sint, quæ nuper in ipsam quoque flammam belli erupisse audiuntur, armis nimirum Electoris Moguntini in jura, terras ac ditiones Electoris Palatini inductis, modo ac via longe diversa, quam instrumentum pacis præscribit, si quando simultates & controversiæ aliquæ suborirentur. Cum igitur plurimum intersit amborum respectivè Regnorum Nostrorum, ut talia in tempore bono consilio fiant, & tranquillitas Germaniæ, utriusque coronarum mutua opera restabilita, porro facta tecta conservetur, ne novæ subinde suscitentur lites & tumultus, præsertim, cum Elector Palatinus ad leges pacis & Constitutiones Imperii provocet. Proinde causam alte memorati Electoris Palatini

Majestati Vestræ majorem in modum commendare volumus, eandem amice obtestantes, velit intuitu æquitatis causæ, tum etiam commendationis Nostræ, dehortari Electorem Moguntinum a via facti, demonstrareque, illi licitum non esse, quodcunque præensum jus suum vi vel armis persequi, vel alienum oppugnare, Eundemque, si consiliis & admonitionibus Regiis non paruerit, aliis mediis ab iniquitate ad juris viam abstrahere, ne commisso rursus contra leges publicæ pacis exemplo, misceantur porro illa, quæ haud dubie ingens publicæ tranquillitati tandem acceleratura sint periculum. Quicquid vero favoris Majestas Vestra sæpe alte memorato Domino Electori Palatino, Consanguineo Nostro, propinqua necessitudine Nobis devincto, declarare dignata fuerit, illud in acceptis Majestatis Vestræ sic referemus, quasi Nobismet ipsis hoc præstitum esset. Qui Majestatem Vestram protectioni divinæ commendamus, felicia eidem Imperii incrementa ex animo optantes. Deditimus in Arce Nostri Holmensi, die 6. Julii, Anno 1665.

Nomine altissime memorata Sac. Reg. Majestatis respectivè Filii Nostri Charissimi, ut & Regis ac Domini Nostri Clementissimi

HEDWIG ELEONORA

Petr. Brahe, Comes in Wisingsborg. R.S. Drotzetus.

Carol. Gust. Wrangel, R.S. Archistrategus.

Gust.

Gust. Otto Steinbock, R. S. Archita-
lassus.

Magnus Gabriel de la Gardie, Can-
cellarius.

Gustavus Bonde, R. S. Thesaurarius.
Eduardus Ehrenstein.

CCCCXXV.

*Litera CAROLI XI. Suecorum Regis, ad JO-
HANNEM PHILIPPUM, Electorem,
Moguntinum, quibus eum hortatur, ut armis de-
positis, controversias cum Palatino Electore gli-
scentes, amico componere modo haud renuat, 1665.*

Nos Carolus Dei gratia Suecorum, Go-
thorum, Vandalorumque Rex & Princeps hære-
ditarius &c. Eminentissimo & Celsissimo Prin-
cipi, Amico & Fœderato Nostro Charissimo, Do-
mino Joanni Philippo, Archiepiscopo Mogunti-
no &c. Salutem & prosperos rerum
successus!

*Eminentissime & Celsissime Princeps, Amice &
Fœderate Charissime.*

Relationibus ex Germania Nobis subinde fa-
ctis ad aures Nostras pervenit, inter Dilectionem
Vestram & Consanguineum Nostrum Domi-
num Electorem Palatinum in vicinia nonnullas
primum controversias & dissidia suborta esse, quæ
postea in quandam animorum acrimoniam, nunc
etiam armorum strepitum præter spem erupisse in-
telligimus; Ita ut Dilectionem Vestram conquisi-

to undique milite, arma in ditiones alte memorati Electoris intulisse constans fama sit. Ea res cum non possit non per se paci publicæ tranquillitati- que communi damnosa videri, quandoquidem ne- mini Statuum Imperii jus suum, siue vere tale, si- ve præsumum, vi vel armis persequi licet: facere non possumus, quin Dilectionem Vestram cer- tiorem faciamus, quantum hoc nos afficiat, & quam gravem porro & discriminis in futurum plenam consequentiam secum tracturum sit, si pro lubitu adversus præscriptum Instrumenti pacis, & contra eum, qui ad illud legesque & Constitutiones Impe- rii provocat, arma arripere cuique integrum sit. Putavimus nuper perpetratum exemplum si non alio, saltem tranquillitatis dehinc studio & absti- nentia armorum complanatum iri, nunc vero res cum induere habitum videntur, quasi bellum ex bello seri intendatur. Verum enim vero si pax publica pluribus tentaminibus perstringa- tur, haud dubie fieri possit, ut ex hujusmodi scin- tillis incendium ipsum non sine detrimento in- genti Imperii Romani timendum sit. Non du- bitamus equidem, videri causam Dilectionis Vestræ credique ab eadem æquam, neque Nobis hac vice propositum est, controversiam illam determina- re, id tamen Dilectioni Vestræ judicandum relin- quimus, utrum Eidem competat jus vel suum vin- dicare vel alienum oppugnare, posthabitis, quæ in legibus pacis præscripta sunt, amicæ compositio- nis mediis. Nos vero in hoc casu reputantes ar- ctam sanguinis necessitudinem, qua Domui Pala- tinæ, imprimis Celsissimo Domino Electori mo- derno

derno obligamur, non possumus eidem nos meliores vices optare, quemadmodum & ob multas rationes intermittere non debemus votis ipsius, justis quidem & æquis, hoc est, in Instrumento pacis, jure ac Constitutionibus Imperii fundatis, imprimis si bello præter meritum & contra definitum pacis modum pressus fuerit, quantum licuerit, ope nostra favere: Neque perspicere possumus, quid Dilectionis Vestræ Statui hujusmodi inimicitia, nedum bellicæ persecutionis in præsens aut in futurum conducant, præsertim si concepta odia in se & posteros derivari patiatur. Proinde ad amicitiam, quam cum Dilectione Vestra non minus, quam cum Domino Electore Palatino constanter colere insistimus, plane sinceram pertinere putavimus, ut ab eadem requireremus, quemadmodum hisce amice & studio omni requirimus, ut depositis armorum minis, omni violentia dehinc abstinere, cunctaque in priorem restituere statum, ac eam rursus amicitiam redintegrare velit, quæ bonos vicinos & unius commembra Collegii decet, hoc est, talem, quæ in posterum solida, publicisque legibus & juri cujusque conformis haberi possit. Ut autem hæcce suadeamus, propterea adducti sumus, quod inter Amicos Nostros, præcipuos Imperii Romani Con-Status, amice convenire cupiamus. Et sicuti hoc non modo ad communem publicæ Rei tranquillitatem, sed etiam ad utriusque terrarum & ditionum Electoralium salutem quoque facere arbitramur: Ita si secus factum fuerit, consanguinei-que Nostri Statum armis pro libidine obruere fixum esse cognoverimus, mirari non debet Dile-

ctio Vestra, si in eundem propensionem Nostram sic testatam reliquerimus, ut nec præscripta pacificationis media prorsus dereliquisse videamur. Speramus autem a Dilectione Vestra meliora, ut sicut ad componendum quondam pacem publicam, eandemque per complures hos annos egregie conservandum magnum habita est instrumentum, ita porro allaboret, ut eadem gloria ad sera Dilectionem Vestram maneat tempora sibi que persuadeat, quod hæc benevola hortandi intentio nostra ex sincero plane proficiscatur animo. Deum precamur, ut Dilectionis Vestræ tranquillum animum statumque largiatur, ac eandem diu incolumem conservare velit. Dedimus in Arce nostra Holmenfi die 6. Julii Anno 1665.

CCCCXXVI.

Responsoria JOHANNIS PHILIPPI Electoris Moguntini ad præinsertas CAROLI XI. Suecorum Regis literas, quibus totam ipsi controversiarum a Palatino Electore excitatarum seriem explicat, 1665.

Serenissime & Potentissime Rex, Domine
& Amice observandissime.

EX literis Regiæ Vestræ Majestatis in Arce Holmenfi sexta Mensis Julii die anni hujus currentis ad Nos datis intelleximus: Relationes ex Imperio & famam insinuasse, ac si inter Nos & Electorem Palatinum controversiæ & dissidia suborta in armorum strepitum erupissent, & conquisito undique milite diuiones Palatinæ a Nobis essent petita;

ta; Percepimus quoque, quibus rationibus Regiæ Vestræ Majestati, ut armis depositis & violentiarum timore sublato, omnia in pristinum restitueremus statum, suadere placuerit. Mirum Nobis non est, si justissimæ Nostræ & inculpatae actiones sinistris insimulationibus perstringantur, quandoquidem perspectum habeamus, Domino Electori Palatino id moris esse, ut aliena jura & territoria violenter invadens, si legitima & omni jure licita opponantur defensionis media, sibi vim fieri, pacem publicam turbari, clamitet. Fama, quæ Regiam Majestatis Vestræ intravit aulam, quemadmodum specialem de Nostris actionibus non attulit querelam, sed in incerto rumore stetit, ita ut ut constans sit, iniqua tamen est: longe scilicet aliter sese res habet, quam ut alicujus moliminis paci Monasteriensi vel aliis Imperii sanctionibus adversantis accusari possimus. Quandoquidem Sacrum Romanum Imperium pristinae tranquillitati restitutum est Coronæ Sueciæ indefessa cura & Nostra qualicunque cooperatione; Ita persuasum sibi habere velit Regia Vestra Majestas, Nobis nunquam in mentem venisse, contra pacem conciliatam ulli ex Statibus Imperii vel minimam intendere offensionem; sed tantum eo Nos laborare, ut violentia injusta a Nostris territoriis & possessionibus avertatur. Ut autem Regiæ Vestræ Majestati pateat, quæ controversiæ subortæ origo sit & ratio: paucis id recensendum est. Tentare ceperunt superioribus annis Electores Palatini sub prætextu quidem informis cujusdam & invalidi privilegii, sed tamen contra tenorem ipsius, in circumjacentibus ditionibus homines

mines aliunde adventantes inquirere, illosque tanquam Wildfangios, sibi violenter adscribere proprios: tentarunt etiam suos proprios homines in Palatinatu jam ante collocatos in vicina territoria intrudere: conabantur deinde in hos homines, etiamsi in alieno habitarent territorio, superioritatis territorialis jura exercere: Quam molestiam vicini Electores, Principes, Comites & Nobiles immediati cum ferre nec possent nec deberent, impetrato summo Tribunali facile Processus contra violentias obtinebant, qui talem semper sortiebantur finem, ut Electores Palatini in Possessorio ubivis succumberent, petitorio autem ob defectum legitimi tituli jus intentum prosequi non auderent. Vix semel atque iterum privilegium, quod tamen iudex non attendit, allegarunt, & ubi id fecerant, liti judicialiter renunciavere, contradicentibus adversariis, quibuscunque lis erat, & eandem prosequi urgentibus. Ita judiciali auctoritate Palatini Electores a tentata invasione alieni juris ejusque possessionis semper repulsi, vicini vero in sua possessione vel quasi libertatis firmati fuerunt. Inauditum quippe in Imperio est, ut aliquis in Territorio ad se non pertinente subditos sibi creet, in eosque jura superioritatis exerceat; Unde etiam Electoribus Palatinis non jure experiri, sed vim vi cumulare potius placuit, quibus tamen conatibus & juris & facti remedia semper fuerunt opposita. Post pacificationem Monasteriensem modernus Elector Nobis aliisque Vicinis molestissimus esse coepit: ab aliis potentioribus vis vi contraria repulsa est: Et quamquam exercitium jactati privilegii

nun-

nunquam admissum, sed potius in summo tribunali contra Electores Palatinos desuper judicatum fuerit, Nos tamen amore tranquillitatis & stabilien-
dæ amicitiae ac bonæ vicinitatis gratia, neutiquam vero juris Imperio adducti, relictis ultro aliquot pagis molestiam amovimus, confisi, fore, ut etiam cum reliquis imbecillioribus amice & respective benigne Elector Palatinus conveniret. Sed contra spem conceptam non cessavit sua Dilectio Vicinorum Statuum & immediatorum nobilium territoria violenta manu continue invadere sub obtentu privilegii sui, in judicando nunquam recepti, recenter adventantes & domicilia in pagis devastatis figentes, plerumque etiam de uno tantum pago ad alium in eodem unius domini territorio migrantes, mares & foeminas sibi proprias adscribere, easque, ut mancipatui nomina darent, vi cogere, suos etiam proprios homines in vicinorum ditiones intrudere: postea proprietatem corporis ad jurisdictionem, jura territorialia atque Regalia extendere, adscriptos sibi jurejurando conceptis verbis adigere, & sibi asserere jus delectus, lustrationis, sequelæ, collectarum Imperialium & provincialium, protectionis, personalis & realis citationis, evocationis, vetandi, jubendique, mulctandi, cognitionis in rebus controversis, constitutionis tutorum, inventarii conficiendi, hæreditatis dividendæ, operarum angariarumq; exigendarum, & alia jura quamplurima, quæ tamen cum proprietate corporis nihil unquam commune habuerunt aut habere potuerunt, quorum etiam privilegium (quod tantum exteros & dominum persequentem non habentes, tan-

tanquam Wildfangios, sibi adscribendi proprios facultatem Electori dare intendit) nullam ullibū unquam mentionem facit. Præterea in locis, ubi proprios sibi adscripserat, sub prætextu sui privilegii jus Conductus publici vi exercuit, eoque ex principio quibusdam in locis jurisdictionem Criminalem, Jus Assisiarum & Religionis arbitrium etiam contra Augustanam Confessionem sibi asseruit, vectigalia nova pro lubitu erexit, aliisque mille modis contra vicinos in illorum territoriis grassatus est, nullo alio, quam propriæ voluntatis & potentiae prævalentis titulo. Et cum Elector Palatinus numerum propriorum hominum in alienis territoriis quotidiana vi augetet, atque pro subditis suis habere soleret, res eo fere devenit, ut Status & Nobiles Vicini possiderent terras sine subditis, territoria sine jurisdictione, superioritatem & regalia sine exercitio, uno verbo: ut status & immediata Imperii membra essent, destituti tamen omni illo, in quo dignitas illa consistit, & sine quo ea consistere nequit. Hæ factorum enormitates, quamquam in Comitibus superioribus Ratisbonensibus ad Imperatorem Ferdinandum III. gloriosissimæ memoriæ delatæ fuerint, & sua sacra Cæsarea Majestas, præhabito Ordinum Consilio, Commissarios qui causa cognita controversiam dirimerent, constituerit, inhibitis interea grassaturis ulterioribus; Elector tamen Palatinus neque Commissioni sese submisit, neque inhibitione acquievit; & quæcunque postea a laudatissimo Imperatore hac in causa decreta fuerunt, contemptui habuit, forum semper declinavit, Judicium Camerale tanquam suspe-

ſuſpectum recuſavit propter emiſſos tantum ſemel contra ipſum proceſſus, Aulæ vero Cæſaræ juris-
dictioni ſe nunquam ſiſtere, neque ullam cauſæ cognitionem ferre voluit, juſtitiam omnem & ju-
dicem aſpernatus eſt: Loco reſponſionis in jure minatus & minas executus eſt, ſævitiam ſævitiz addidit, ſpolia ſpoliis, tantamque violentiam exercuit in territoriis Vicinorum, ut inſenſus eorum hoſtis videri poſſet, cum quæ hoſtium ſunt, indefinenter patraret. Quomodo afflixerit & laceraverit Elector Palatinus Noſtrum Episcopatum Wormatiensem, ex eo patet, quod ex bis mille ſeptingentis viginti duabus animabus certos per pagos habitantibus, vix quadraginta & octo hac lue non infectæ Nobis ſuperſint, in reliquas omnes, violento mancipatu ſubactas, jura ſuperius recitata (quæ tamen utpote territorio inhærentia jure territorii ad Nos ſpectant) ipſe contra Nos hoſtilem in modum exercet: hoc ſcilicet eſt, totas ditiones abſorbere, & Principes Imperii ſubditis ſuis & Regalibus deſtitutos in exilium agere. In oppido Noſtro Hemſpach, ubi Palatinus Elector proprium hominem non habet, ſed certo tantum pacto, telonium, hoſpitationem militarem Nobis negat, præterlapſa hyeme equites eo miſſos & per hoſpitia diſpoſitos turbavit inde & ejecit: ita Nobis non licet recipere hoſpitia in Noſtro territorio per vicinum inquietum. Urbem Laudenburgum ad Episcopatum quoque Noſtrum Wormatiensem pertinentem, repetitis vicibus magno armatorum equitum peditumq; numero invaſit, aulam Noſtram Episcopalem ingreſſus, portisque parum revulſis,
partim

partim oclusis, ministris liberum interdixit exitum atque accessum, hortum Nostrum prope aulam qui est, devastavit, muros urbis diversis in locis perruptos in fossas projecit. Arcem Nostram Stein injuria bellorum semidirutam ex fundamento evertit. Quo jure? dictam urbem Laudenburgum cum pertinentiis Elector Palatinus pro parte quidem dimidia Nobiscum in communione indivisa (excepta aula & nonnullis juribus) ut pignus possidet: Sed possessori pignoris ejusmodi licere etiam contra pactorum leges, quis unquam audivit. Enormia sunt, non tamen sufficiunt: omnes quippe homines in tota hac communione habitantes, quasi essent Wildfangii seu exteri, dominum non habentes sibi proprios violenter adscripsit: Jurisdictionalia inter Nos & ipsum communia pleraque ipse solus usurpavit, novos cives, ne Nobis homagium præstarent, & omnes alios, ne citati a Nostris officialibus, in aula posthac comparerent, prohibuit: Atque, ne careat titulo, jus præcipuum allegat sua Dilectio: cum tamen de ejusmodi jure ex Instrumento contractus non appareat, nec pignoris possessionis titulum præbeat, contra Dominum proprietatis (a quo omnis habetur causa & quo cum res obligata possidetur in communione) præcipui quid juris effingendi. Sola integrum Nostrum Episcopatum occupandi libido & eam concomitata hætenus vis prævalens pro titulo est. Utrum autem Sacra Cæsarea Majestas cum Sacro Imperio ferre possit aut debeat, ut tam illustri Status, cui dignitas Directorii in Circulo superiori Rhenano annexa est, subvertatur & ex matricula

Impe.

Imperii deleatur a Constatu, rogamus, Regia Vestra Majestas pro animi sui magnitudine & æquitate consideret. Certe pax publica, tranquillitas & salus Imperii atque quæ eo tendunt, Constitutiones id non sinunt. Omnia gravamina recensere nec hujus loci est, nec possibilitatis, ex paucis, quæ in specie attulimus, colligere licet, aliis Vicinis quid contigerit: Et hæc est egregia illa ad Instrumentum pacis, ad leges & Constitutiones Imperii ab Electore Palatino ingeminata provocatio, quæ Regiæ Vestræ Majestati in tantum laudata est. Cum igitur vicini Status re ipsa hætenus & magno suo dispendio essent comperti, neq; Imperatoriæ Majestati neq; Justitiæ, nec amicitiae, nec deprecationibus & supplicationibus hic locum dari, sed exitiale propositum longius latiusque grassari: Igitur gravati Electores Trevirenses ac Colonienses, Dux Lotharingæ, Episcopi Spirensis & Argentinenfis, Rheingravii & immediata Imperii nobilitas, alii propter semetipsos, alii propter suos Vasallos, de resistentia reali & defensione mutua sui cujusque territorii consilia necessaria susceperunt; quibus Nos, ut Episcopus Wormatiensis ac Herbipolensis, cujus ditiones etiam invadere cœpit, quin subscriberemus, nec potuimus nec debuimus intermittere. Militem igitur Nostrum postquam Elector Palatinus de sistendis violentiis & restituendis spoliis frustra requisitus esset, in suo quisque territorio disposuit (neutiquam vero in ditiones Palatinas, ut fama fallax sparsit, deduxit) seque ac suos, cum sua jurisdictione, superioritate territoriali ac Regalibus antiquissimis adversus insultus Pala-

tinios defendere atque tutari constituit. Qua enormitate facinorum ad hanc necessitatem fuerimus omnes compulsi, quam justa & naturalis sit defensio, quantum Imperii intersit, tot & tam præclara ejusdem non lacerari, avelli & absorberi membra, publico hoc scripto, quod hæc Nostra secum adfert epistola, delaramus: & non solum Sacræ Cæsareæ Majestati & Imperio, sed etiam omnibus totius Europæ Principibus, imprimis autem Regiæ Vestræ Majestati dijudicandum relinquimus, quid sibi quisque consultum putaret, aut quæ alia defensionis contra vim summam media alicui superesse possent, si contra dignitatem suam tam indigno tractaretur modo; Esto, nemini Statuum licere jus suum armis prosequi, vel alienum oppugnare posthabitis compositionis remediis: Quomodo igitur licere potuit Electori Palatino, fracta tot infinitis vicibus pace Imperii publica, aliena territoria armata manu invadere, subditos alienos, ut mancipatui nomina darent, vi cogere, jus deinde Mancipatus extortum ad omnia superioritatis jura & Regalia propria auctoritate extendere? Rem hanc esse gravem, scandali publici & pessimæ consequentiæ plenissimam, atque ad internecionem tot præclarorum Statuum & membrorum Imperii, adeoque ad diminutionem ejusdem summo studio directam, nemo non videt. Ut ut jus suum armis prosequi Instrumentum pacis vetet, se tamen atque sua adversus invasiones hostiles armis defendere, vim vi contraria repellere nunquam vetuit, nec vetare potest; cum & privato cuilibet a possessionibus suis violent-

lentum aggressorem rejicere liceat, jure Naturæ id permittente, imo dictante & jubente: Cum Elector Palatinus in Hassio - Darmstadina, Badensi, Wurtembergiæ, nec non in Regiæ Vestræ Majestatis dilectissimi Patruī ditionibus prope Weissenburgum proprios sibi tentaret adscribere homines, vim repulsivam certe sustinuit, & eam passus deinceps abstinuit, neque de injuria illata unquam conqueri fuit ausus, annon eadem defendendi facultas penes Nos erit? sane! eodem Nos jure utimur, qui non minori dignitate ab Imperio sumus condonati. Hæc plana sunt & certa: Quemadmodum autem atrocitas violentiarum gravatis Nobis defensionis necessitatem imperavit, ita nil magis optamus omnes & singuli, quam si cessantibus violentiarum minis defensionis tolleretur necessitas: Unde etiam auctoritatem Sacræ Cæsareæ Majestatis, quæ etiamnum hac in causa Cæsareo suo fungitur officio, humiliter imploravimus, & Domini Electoris Brandenburgici interpositionem libenter admisimus; quin imo propter evidentissimam causæ Nostræ justitiam judicem quemcunque sustinere non veremur. Bellum ex bello serere, uti nec moris Nostrī est nec genii, ita longius a Nobis abfuit hactenus, aberitque in futurum. Exemplum cujus mentio fit, non fuit injusta offensio, sed justa rei legitime judicatæ executio, & rebellium subditorum justissima, necessaria & saluberrima, sine damno tamen cujuscunque facta, coercitio. Et cum certo Nobis constet, Regiæ Vestræ Majestati tanquam præcipuo Imperii Con-Statui imprimis.

curæ cordique fore, ut præcaveatur omnibus modis, ne quid Respubl. detrimenti capiat; Imperio autem Romano detrimentosum maxime & ignominiosum esset, si media pace Status Imperii a Constatu supprimerentur, delerentur, atque ex Electoribus, Principibus, Comitibus ac Nobilibus immediatis Landsassii, Servi, Mancipia efficerentur: Ideoque non volumus Nobis persuadere, Regiam Vestram Majest. fauturam illi, qui talia contra pacem publicam & Constitutiones Imperii conatur; neque credimus Reg. Vest. Majestatem non meliores optaturam vices illis Sacri Imperii Statibus & immediatis membris, qui vim injustam propulsant, conservationemque sui & Imperii incolumitatem unice quæsitam volunt, quam quibus hætenus ab Electore Palatino afflictis fuerunt & divexati. Quam ob rem Regiam Vestram Majestatem debite & officiose obtestamur, dignetur Electorem Palatinum cohortari, ut territoria Jurisdictionalia & Regalia gravatorum dehinc invadere & violare desinat, a violentiis & offensionibus abstineat, Constitutionibus Imperii & Instrumento pacis, juribus denique Gentium & naturalibus Nos frui sinat: sin autem quid prætensionis sibi superesse crediderit (si quidem concordie displicuerit Tractatus) jure experitur, & eo, quod coram Tribunali definitum fuerit, contentus vivat. Hoc si fecerit sua Dilectio, amicissime, prout ex animo optamus, conveniemus invicem, Nostræque omnium tranquillitati ex voto erit prospectum: Regiæ autem Vestræ Majestati immensas debebimus gratias nunquam

quam non pro possibilitate Nostra operose exhibendas. Tentat modo Sacra Cæsarea Majestas, quod æqui judices facere solent, amicabilem controversiæ ab Electore Palatino Nobis motæ, compositionem. Gravati Nos omnes proni sumus, atque ut conveniatur amice, propensi; sed Elector Palatinus ad hanc compositionis metam hætenus flecti nullo prorsus modo, nulla ratione potuit: Insistit modo Delegatus ad istud negotium Cæsareus: Quod si sua Dilectio in sua sententia inflexibilis hære perrexerit, sacra tunc Cæsareæ Majestati ratione officii incumbet, ut, utrum Elector Palatinus prætensum privilegium habeat, & in præjudicium jurium Con-Statibus quæditorum & firmatorum habere possit, deinde, utrum id ipsum ad exercendas jurisdictiones, jura superioritatis & Regalia in alienis territoriis atque sic ad absorbenda integra territoria, ad evertendos & ex Matri-cula eliminandos Status & Membra Imperii extendi possit aut potuerit, definiat. Hoc scilicet æquo animo ferre debet Elector Palatinus per legem Imperii. Regiæ autem Vestræ Majestati nos totum negotii hujus statum quin exponeremus, non potuimus nec debuimus ad literas acceptas intermissum linquere; Cui interea florentissimum Regnorum statum & incolumitatem perpetuam officiose precamur. Dedimus in Arce nostra Sancti Martini Moguntiæ 20. Mensis Augusti die, Anno 1665.

CCCCXXVII.

*Litera S. R. IMP. ELECTORUM, PRINCIPUM
ET STATUUM LEGATORUM, in Comitibus*

Bb 3

Ra-

Ratisbonensibus degentium, ad LUDOVICUM XIV. Gallie & Navarra Regem, quibus ipsum, ut controversias inter ipsius in Præfectura Hagnoënsi Ministros & Civitates ac Nobiles per Alsatiæ liberos de jure feudali gliscentes, amicabili Ratisbonæ conventionem componi permittat, submissee requirunt, 1665.

P. P.

Conquestæ sunt tam Sacræ Cæsareæ Majestati ejusdemque ad hæc Comitia constituto supremo Commissario, Celsissimo principi Domino Archiepiscopo Salisburgensi &c. quam Nobis decem Civitates Imperiales in Alsatia unitæ, Regiæ Majestatis Vestræ Christianissimæ Præfecturam Hagnoënsensem certa lege agnoscentes, se contra immedietatem in Instrumento Pacis, ipsis & Imperio reservatam, variis viis ac modis Paci Monasteriensibus convenientibus ab ejusdem Præfectura Regia & aliis Ministris Regiis premi, quin & insolitum juramentum fidelitatis ipsis præscribi, aliaque præjudicia inferri, eorumque approbationem a Civitatibus juxta tenorem adjunctorum Memorialium severius exigere, nec non insueta majorumque in modum aucta Vestigalia contra privilegia Civitatum, a Conductoribus Regionum vestigalium vulgo Admodiatoribus imponi. Sunt præterea alii Imperii Status, Nobiles & Subditi, qui conquerruntur sibi ob feuda, quæ recognoscunt a Metensi, Tullensi & Virodunensi Episcopatibus varia gravamina & impedimenta contra jura immedietatis in
dispen-

dispendium tam sibi, quam Imperii intentari, & sub nomine supremi Dominii in dictos Episcopatus per allegatam pacem concessi, Regiam Jurisdictionem ultra horum districtum & territorium extendi, quantumvis his ante dictam pacem extracausis jure communi Feudali determinatos nulla in memorata feuda, sed tantum Romano Imperio competierit, & adhuc competat jurisdictio. Verum prout novimus Regiæ Majestati Vestræ pacis Monasteriensis conservandæ studium adeo curæ esse, ut omnino incredibile sit, ipsam ulla Instrumenti pacis Contraventiones suis Ministris permitturam esse, ita optime confisi de Regiæ Majestatis Vestræ æquanimitate, eandem pro muneris nostri ratione decenter & instantissime rogamus, ut controversias, quæ ratione jurium Imperialium & eorum, quæ Præfecturæ annexa sunt, ex Interpretatione Instrumenti pacis ad amicabilem compositionem, quæ in hisce Comitibus commodissime peragi posset, remittere, eumque in finem sua ex parte, quod idem ab Imperio & dictis Civitatibus fiet, arbitros denominare, & ne ratione memoratarum Civitatum, nec non allegatorum Vasallorum, vel a Ministris Regiis aut ullo alio modo contra prædictum Instrumentum pacis aliquid fiat, pro sua Regia autoritate providere velit. Quæ omnia ut inter Sacram Cæsaream Majestatem ejusdemque Celsissimum Commissarium ac Nosmet ipsos totius Imperii Statuum nomine in his Comitibus convenerunt, ita Regiæ Majestati Vestræ exponenda esse duximus; cui perpetuum Regni decus & gloria

riam cum longæva vita & animitus exoptamus; eisdem nos impense commendantes.

Regiæ Vestræ Majestatis

Ratisbonæ e Comitibus 19. Aug.

Anno 1665.

Humillimi

S. R. Imperii Electorum, Principum
& Statuum Consilarii & Legati ibidem congregati.

CCCCXVIII.

Littera JOHANNIS GEORGII II. Electoris Saxonie, ad LUDOVICUM XIV. Gallie Regem, cui pro candida animi sui benevoli erga familiam Saxonicam declaratione ingentes grates, Dominumque de Gravel, Legatum ejus muneri sibi concredito omni ex parte satisfecisse refert, 1661.

P. P.

Litteræ, quas Regia Vestra Majestas sub die 1. Septembris ad Nos dare dignata est, a suo Consiliario Status & per totum Imperium Plenipotentiaro Domino de Gravel, recte traditæ Nobis sunt, & ut ex earum tenore summa lætitia perfusi libenter percepimus, Regiam Vestram Majest. benevole de Nobis sentire, & animum suum pro innata sua generosa propensione satis abundeq; declarasse, ita conceptum hoc Nostrum gaudium, non mediocriter auctum fuit, cum ex ore prædicti Domini de Gravel prolixè audivimus, quam confiden-
ter

ter & amice Regia Vestra Majestas Nostri Nostorumque curam gerat, communisque boni ac salutis rationem habeat, pro quo Regio beneficio non possumus, quin illi condignas agamus gratias, atque vicissim omnia studia & officia promptissima polliceamur, id certe, si quando contigerit occasio, re ipsa & in effectu comprobaturi: Nec dubitamus fore, ut Dominus de Gravel pro sua consueta & ubique cognita dexteritate ac prudentia pluribus relaturus sit omnia illa, quæ ad proposita ab ipso negotia juxta Nostram in Regiam Vestram Majestatem propensionem respondimus. Præstat enim ille sese egregium aptissimum & faustum in promovenda publica utilitate instrumentum, ita ut & hoc nomine plurimum Regiæ Vestræ Majestati Nos devinctos profiteamur, quod nimirum Ipsi collibitum fuerit, talem Ministrum ad Nos ablegare. Hisce divini Numinis Protectioni Regiam Vestram Majestatem pro diuturno & felicissimo regimine quam optime commendamus. Datum in arce Nostra prope Zwiçcau die 17. Septembris 1665.

CCCCXXIX.

Breve ALEXANDRI VII. P. P. ad CHRISTOPHORUM BERNHARDUM, Episcopatus Monasteriensis Prasulem, cui persuadere satagit, ut sibi Coadjutorem substitui patiatur, 1665.

Alexander VII. Papa.

*Venerabilis frater, Salutem & Apostolicam
Benedictionem!*

Quanto cum animi Nostri gaudio acceperimus, Fraternitatem tuam ab initio commissi sibi gregis, omni cura ac industria in firmanda ac promovenda Religione catholica laborare, tum Civitatem Mōnasteriensem diu tumultuantem ad obedientiam pristinam reduxisse, testes Tibi esse possunt literæ nostræ antehac ad Te missæ. Porro autem ex antea actis rebus & annalibus constat, non valde gloriosum esse vincere, nisi & parta tueamur, eaque remedia usu malisque edocti adhibeamus, quibus imposterum Religio ac pax publica in tuto consistere possit. Timendum vero, ne Te quondam ad æterna præmia vocato, cum de successore agetur, dissensio & paucorum ambitio, prioribus malis denuo latus aperiant, illaq; bona & comoda, quæ multo auro & sanguine parta sunt, perdantur, ac partibus in diversa scissis, patria novis motibus involvi possit: Cum autem opportunius remedium non occurrat, quam ut de Coadjutore cum futura successione deliberes, illaque ratione omnem aditum ambitioni & discordiæ præcludas, serio te in Domino adhortamur, ut quanto citius cum tuo Capitulo de Coadjutore cum futura successione eligendo agas, Nobisque rei gestæ seriem deinde exponas; interim Te, si fortassis more aliquorum Capitulorum Germaniæ Capitulatione inita de Coadjutore invito, aut nisi tractatu præcunte cum capitulo non petendo in-

noda-

nodatus existas, ab istiusmodi vinculo per praesentes absolventes, Fraternitati Tuae benedictionem Apostolicam peramanter impertimur. Datum Romae apud sanctam Mariam Majorem sub annulo piscatoris, die 26. Septembris M. DC. LXV. Pontificatus Nostri anno undecimo.

J. Florentin.

CCCCXXX.

Breve ALEXANDRI P. P. VII. ad CAPITULUM MONASTERIENSE, quo ei curas de eligendo quamprimum Coadjutore Praesuli suo substituendo habendas sollicitè injungit, 1665.

Alexander VII.

Dilecti filii, salutem & Apostolicam benedictionem!

Non mediocrem certe laudem promeriti estis, quod Episcopo Vestro in pacanda Civitate Monasteriensi & stabilienda Religione Catholica ope & auxilio adfuistis, majoribus encomiis digni, si quae feliciter parta sunt, unanimi consilio perficiantur & consolidentur. Cum vero in comperito sit, prospere finita navigatione, nullum majus periculum, quam in ipso ingressu portus esse; sic & Vobis timendum, ne rectore & Episcopo Vestro e vivis posthac sublato, si de alio successore in ejus vita Vobis provisum non sit, discordiarum & ambitionis venti navem Vestram in periculosos scopulos adigant, & quod multo sudore ac labore partum est, undis hauriatur. Quare Vos in Domino hortamur, ut Nostrae & Antistitis Vestri volun-

luntati, cui hac de re quoque mentem Nostram motu proprio aperuimus, annuentes, rejectis partium studiis, in commune consulatis, illumque Coadjutorem, cum futura successione quantocytus eligatis, qui virtute meritisque ornatus, tanto oneri ferendo par sit. Vobis, dilecti filii, benedictionem apostolicam paterne largimur. Datum Romæ, apud sanctam Mariam Majorem, sub annulo piscatoris, Die vigesima sexta Septembris M. DC. LXV. Pontificatus Nostri anno undecimo.

J. Florentin.

CCCCXXXI.

Littera JOHANNIS GEORGII II. Saxonum Electoris, ad CAROLUM EMANUELEM II. Ducem Sabaudia, cui secundum ad secundas nuptias transitum magnopere gratulatur, 1665.

P. P.

Divinis auspiciis Regiam Vestram Celsitudinem augendæ Domus & subditorum bono ad secundas nuptias cum delecta in Uxorem Nemo-rosia Principe, propinqua sanguinis gloria non minus ac animi dotibus insigni, feliciter transisse, pro antiquissimis Nostris in Eandem benevolentia studiis, hoc impensius gaudemus, quo uberius ex tam gratæ rei nuncio pristinae olim inter utramque Domum necessitudinis vigor & singularis Regiæ Vestræ Celsitudinis erga Nos humanitas eluxit. Quo ipso quidem, sicuti pro mutuo conjunctionis cultu jucundius Nobis nihil accidere potuisset; Ita equidem Eidem de tam secundo con-

nubii

nubii successu magnopere gratulamur, atque ut proluxa inde omnigenæ felicitatis incrementa summat inclýta Domus Vestra, in quam conjunctissimi animi zelus, sinceritas & studia nostra vicissim omni tempore constabunt, cœlitus etiam atque etiam vovemus. Dabantur Dresdæ die 26. Septembris Anno 1665.

CCCCXXXII.

Litera GENERALIUM FOEDERATI BELGII ORDINUM, ad CHRISTOPHORUM BERNHARDUM, Præsulem Monasteriensem, de similitatibus & belli inde inter se exorti motibus agentes, 1665.

Litera Celsitudinis Vestræ scriptæ Lutgersburgi 14. hujus mensis, redditæ nobis sunt fideliter per Tubicinem, & inviti omnino ex iis intelleximus querelas de damnis, contumeliis & immerita hostilitate, quibus Celsitudo Vestra se a Nobis affectam esse affirmat, quasque huic ex superabundanti & ad majorem satisfactionem nobis repræsentare & significare placuit, idque cum certa & vicinis digna confidentia, fore ut Nos ad præcavendas calamitates, inimicitias & molestias exinde orituras, promptum adhibeamus remedium, eoque nomine illico, & sine ulteriori dilatione pro illata hostilitate, damno & contumelia convenientem satisfactionem, restitutionem, & præ omnibus certam & sufficientem in futurum præstemus securitatem, talemque declarationem sine mora per prædictum remittamus Tubicinem: sin minus, Celsitudinem Vestram excusatam esse velle ab omni-

omnibus damnis, calamitatibus & molestiis inevitabiliter exinde proventuris, utpote quæ copiis suis militaribus jam bellicum cani jusisset. Quamvis vero prædictam epistolam plerique contemplati fuerimus haud aliter ac sonum classici & manifestam provocationem ad bellum, nos nihilominus in signum moderationis & sinceritatis nostræ, quo non solum cum universo Imperio Romano, omnibusque ejus membris, sed etiam sigillatim cum Celsitudine Vestra in bona & segura amicitia vivere possemus, post habitam deliberationem recte nos facturos judicavimus, literis hisce significare, Nos prædictam Epistolam, utpote complectentem multos & discrepantes admodum articulos & positiones variarum rerum, quæ non proxime tantum elapsis annis, sed etiam ante annos quadraginta & plures, nonnullæ etiam ante hominum contigissent memoriam: tradidisse in manus D. D. Deputatorum e corpore nostro, & item e Collegio Statuum Fœderati Belgii, ut inquirerent & examinarent in ea, quæ olim circa hoc negotium gesta essent, ac item ut formulam rescriptionis quam citissime chartæ mandarent, quæ Celsitudini Vestræ una cum declaratione nostra ad requisitos articulos satisfactionis, restitutionis, & securitatis in futurum quamprimum transmitteretur. Non jam sigillatim commemorabimus omnes litis articulos, qui nobis in prædicta epistola intentantur, verum ad nostram defensionem illud obiter monebimus, nos sancte testari, quod minime nobis conscii simus ullius belli aut hostilitatis illatæ Celsitudini Vestræ aut terris huic sub-

jectis,

jectis, aut ita unquam animatos fuisse, ut vel damno vel contumelia aliqua illam afficere voluerimus; sed illud libenter agnoscere, quod superiori anno cum Celsitudo Vestra vi armata occupasset munimentum de Deiler situm in Ost- Frisia extra Jurisdictionem & limites suos, copiis nostris coacti fuerimus efficere, ut milites Celsitudinis Vestræ relicto munimento alio migrarent, ad hoc ipsum compulsi multis justissimis & peremptoriis rationibus, quas non tantum Celsitudini Vestræ, sed & Cæsareæ Majestati jam ante exposuimus: præcipue cum teneamur terram Ost- Frisiam contra omnem vim & invasionem pro viribus nostris defendere, utpote, quæ a multis retro annis, diversis tractatibus & aliis obligationibus Fœderato Belgio ita annexa sit, ut pro limite hujus Status haberi debeat, ac præterea quod prædicta terra in omnibus occasionibus a nobis protecta fuerit, & insuper quod huic statui arbitrium delatum sit componendi controversias inter Comitem & Ordines illius Territorii, uti Celsitudini Vestræ ac toti Imperio Romano notum est: Nec non quod prædicta regio, quam Celsitudo Vestra ita, ut diximus, invaserat, jam antea nobis oppignorata & hypothecata fuerit, pro magnis pecuniæ summis, quas tam prædicto Comiti, quam Ordinibus hujus terræ annumerari curavimus. Itaque prætermittere non potuimus, quin prædictam regionem liberarem ab oppressione, quam prætermittendo, merito ipsi pro oppressoribus haberi potuissemus: continuatione quippe executionis terræ & subditi defuncti Principis Ost- Frisiam præmebantur, non obstante
prom-

prompta & sincera oblatione earum pecuniarum, quæ nomine Principis de Lichtenstein demum elapso præstito tempore exigi debebant. Et mirum sane Celsitudinem Vestram auctoritatem & mandata dedisse, ut prædicti nummi per executionem a villicis & rusticis Ost-Frisiæ exigenterentur, adjunctis gravioris executionis minis, nisi spatium mensis postulas summas ad munimentum Deiler prompte deferrent. Et quamvis integra summa, quæ militari executione exigebatur, etiam ante expirationem præfixi temporis sincere & legitime offerebatur, nihilominus illi, qui auctoritate Celsitudinis Vestræ erant instructi, declarabant se nulla mandata habere oblatas pecunias accipiendi, multo minus, ut ab incepta executione desisterent, aut milites ex prædicto munimento Deiler reducerent. Ita ut pecuniæ moleste & operose cum pernicie agrorum & hominum exigenterentur, quæ aliunde pacate & benevole oblata recusabantur: & non obstante isthac oblatione, continuabatur executio, ut nempe hac ratione possessio munimenti Deiler stabiliretur, cum tamen jus gentium doceat oblatione debiti pignus solvi. Atque hæc quamvis breviter, paulo tamen fusius, quam propositum fuerat, visum nobis fuit explicare, quoniam Celsitudinis Vestræ querelæ maxime provenire videntur ex iis, quæ anno præterito ad munimentum Deiler gesta fuere, quo tamen in negotio scopus noster unicus fuit, ut Comitatum Ost-Frisiæ contra omnem oppressionem & invasionem protegeremus, speciatim vero ut munimentum Deiler, magnis & conspicuis pecuniæ summis Nobis
a Prin-

a Principe Ost-Frisiæ oppignoratum, tueremur, absque ut animus nobis fuerit Celsitudinis Vestræ personam ulla afficere contumelia, aut subditis hujus damni aliquid inferre. Illud quidem agnoscimus, copias nostras per angulum terrarum Celsitudinis Vestræ iter instituisse, verum etiam hoc sincere possumus affirmare, nunquam nos mandata dedisse, ut in prædicto terrarum angulo aliquid hostile patrarent, aut quemquam habitatorum læderent, sed e contrario, Generali copiarum nostrarum expresso mandato injunximus, ut militarem disciplinam exactissime observaret, & diligenter & sub pœnavitæ caveret, ne cui aliqua infligeretur injuria. Et quidem, quoad fieri potest, executus est hoc mandatum, & inter alias pœnas culpæ alicujus obnoxiiis inflictas etiam equitem in conspectu totius exercitus morte multavit, quemadmodum ipse literis 27. Junii annó præterito scriptis, in testimonium bonæ nostræ intentionis & mandatorum exacte a se observatorum indicium, nobis significavit. Celsitudini Vestræ pro sua magna experientia optime constat, incessum militarium copiarum per quascunque terras aliquid semper afferre incommodi, verum ut istiusmodi injuriæ a nostris illatæ fuerint, quales Celsitudo Vestra in suis commemorat literis, ægre admodum propter præfatas rationes possumus persuaderi. Quin potius existimamus prætextus gratia hæc dici, ut aliquem conatibus suis affingat colorem. Quod si nihilominus hac in parte aliquid contra intentionem nostram commissum fuerit, in tempore, & non post expirationem sesqui anni propemodum reparatio &

compensatio illati damni postulari debuerat : quod tamen postulatum secundum iudicium æquorum iudicum nobis potius compete-
bat, in compensationem impensarum, quas provocati facere necesse habuimus, utpote qui ad recuperandum pignus nostrum, munimentum nempe de Döler, exercitum conscribere coacti fuerimus, quam Celsitudini Vestræ, quæ moderationem & facilitatem nostram exinde facile potuit colligere, quod eum præsens nobis adesset facultas, qua impensarum belli compensationem in ipsius Celsitudinis Vestræ terris quærere potuissemus, id tamen facere noluerimus, sed copias nostras ad sua præsidia illico remiserimus. Satis præterea Celsitudini Vestræ constat, quam longe a majoribus nostris absit, ut cuiquam injuriam faciamus, aut cuiquam, quod suum est, detineamus, ut in negotio Bevergardensi Celsitudinem Vestram spectante indulgentiam nostram satis testati sumus. Quapropter impensius miramur, Celsitudinem Vestram ita mentionem facere de negotio Borkloënsi, ac si aperta vi Dominium hoc detineremus, cum tamen unicuique notum esse possit, Dominum Comitem de Stirum per competentes iudices ad possessionem hujus Domini legitime esse admissum, quod literis nostris scriptis anno præterito 17. Junii, illud unice impetrare conati simus, ut Celsitudo Vestra summam juste debitam Comiti de Stirum persolveret, secundum sententiam curiæ Gelricæ aliorumque Consiliariorum in aliis iustitiæ Curiis Anno 1613. 1615. & 1622. legiti-
me

me decisam, non incompetenter & nulliter, sed postquam partes utraque judicio voluntarie se submisissent & in causa litis contestationis ac proinde cum renunciatione ulterioris productionis iuste conclusa. Quod Monasteriensem civitatem attinet, vere possumus testari, quod ex postulato hujus civitatis, & communis commercii gratia, nihil aliud conati fuerimus, quam ut inter Celsitudinem Vestram & dictam Civitatem, uti bonos decet vicinos, æquam & Christianam pacem stabiliremus, & omnem sanguinis effusionem & vastationem agrorum præveniremus, quod etiam præstitimus, absque eo ut postmodum consecutis controversiis & contentionibus nos immiscuerimus, nisi amice nos interponendo ad reducendam pacem & concordiam salutarem, ita ut iniquissima & injustissima sit exprobratio, quod præsentī etiamnum tempore secretum & periculosum cum hac civitate habeamus literarum commercium. Quod Domini Ordines Gelriæ ad detegendas clancularias conspirationes & proditioes ad securitatem Provinciæ & Urbium suarum facere aggressi sunt, id a nemine potest culpari, nisi ab illis quorum interest, ut istiusmodi conspirationes succedant. Quod tamen a functione & generositate Celsitudinis Vestræ alienissimum fore libenter credimus, confidimusque illam æque ac Nos, & quotquot veri sunt Christiani, istiusmodi conspirationes & proditioes detestaturam, ac reos hujus criminis, qui in ditionem Celsitudinis Vestræ se receperunt, examini & supplicio tradituram, aut remissuram nobis, ut de illis, quod æquum

fit, statuatur. Quid autem de hac conspiratione sentiendum sit, tempus & veritas propius revelabit: nos quidem istam inquisitionem iudicibus ordinariis, ipsam vero averruncationem Deo Omnipotenti & æquitati causæ nostræ committimus. Interim Celsitudini Vestræ istud affirmamus, nihil in hoc negotio a nobis fieri odio religionis, sed unicam nostram curam & supremam legem esse salutem, conservationem & prosperitatem patriæ, cui omnes magistratus obstrictos & obnoxios esse decet. Quid vero seu de hoc, seu de aliis negotiis in nostris terris typis divulgatum est, de iis aliud nihil dicemus, nisi illud solum, non tantum hic, verum passim in aliis quoque regionibus ægre admodum frenari & inhiberi posse typographicas licentias, quantumvis diligens fuerit cautela: Nosque ipsi contra istiusmodi abusus severa sæpe promulgaverimus edicta, eademque sævis & rigidis confirmaverimus executionibus. Reliquos accusationis articulos, quod nempe præteritis temporibus Comitatum Ost-Frisiæ per admissionem copiarum Mansfeldicarum ac postmodum Hassiacarum, ac insuper fovendo discordiam inter Principem & Ordines territorii opprimere studuerimus, alio reservamus loco: nunc hoc solum obiter monemus, nos etiam media & pecunias hujus Status promte obtulisse & contulisse ad liberandum hunc Comitatum a copiis Mansfeldicis, & remotissimum esse ab omni verisimilitudine, ut contra propriam nostram utilitatem alias postmodum copias introduxerimus, quarum admissione prædictus Comitatus minus idoneus fuisset redditus ad refunden-

fundendum eas pecuniæ summas, quas in levamen maximæ suæ indigentiae erogaveramus, quarum compensationem, non per intromissionem alienarum copiarum, nec per fomentationem discordiarum inter Comitem & Ordines Provinciae, sed per evacuationem externæ militiæ & instaurationem mutui amoris & concordiae inter Principem & Ordines regionis multo facilius & verosimilius consequi poteramus. Quod postremum ita feliciter nobis assecuti videmur, ut totus Comitatus & hujus membra salutaris hujus remedii effectu præsentis etiamnum tempore gaudeant & acquiescant, cum nihil nobis æque cordi esset, quam ut ille Comitatus constanti pace & prosperitate semper frueretur. In cujus rei testimonium complures in Graphiario nostro conservantur literæ, tam a Comite, quam ab Ordinibus hujus Provinciae scriptæ, in quibus expresse & signanter pro officiis successive præstitis summas nobis referunt gratias. Hac omnia expedire censuimus, quæ Celsitudinis Vestræ literis in antecessum rescriberemus, cum certa affirmatione, nos nequaquam defuturos fuisse, in conservanda bona & vicinis digna amicitia & concordia, si Celsitudini Vestræ parem animum & affectum conferre placuisset; sed quandoquidem illa præsumpsit diversa Status nostri loca & oppida inexpectato & hostiliter militaribus suis copiis invadere & vastare, Celsitudinem Vestram præsentibus hisce admonere volumus, Nos a parte nostra nequaquam otiosos fore, quin potius iis usuros mediis, quæ Deus Opt. Max. nobis suppeditare dignabitur, donec aspirante ejus Divina

gratia Celsitudinem Vestram compescamus, & pro illatis damnis & contumeliis justam consequamur satisfactionem. Tunc ut confidimus, Celsitudo Vestra memor fiet, quod qui se accingit, non debeat æque gloriari atque is qui arma deponit. Datum Hagæ, die 29. Septembr. 1665.

CCCCXXXIII.

Litera JOHANNIS GEORGII II. Saxonie Electoris, ad ISABELLAM CLARAM, CAROLI III. Ducis Mantuæ Viduam, quam ob inopinatam Serenissimi Mariti mortem impense solatur, 1665.

P. P.

Nondum superato ex gemina non ita pridem Serenissimorum Fratrum Archiducum Austriæ jactura percepto dolore, Dilectionem Vestram graviori adhuc mœroris vulnere ex obitu Serenissimi quondam Mariti sui Domini Caroli, Mantuæ Ducis, inclytæ memoriæ, afflictam esse, molesto animo tulimus. Pro Nostro enim in Serenissimam Dolum Vestram singulari affectu non sine animi perturbatione accepimus funestum istum casum, cujus Nos Dilectio Vestra participes reddere voluit: Verum enim vero cum Nostre mortalium sortes in benigna Dei manu sitæ sint, in divino ejus beneplacito Eandem amice acquieturam confidimus. Nihil quidem pro mutua utrinque necessitudine omissuri, quod muneris Nostri pro rerum exigentia esse, atque ad Vestri consolationem pertinere videbitur: Deum optimum maximum

ximum precati, ut ab ejusmodi luctuoso eventu
imposterum Serenissimam Domum Vestram be-
nigne tueatur. Cujus protectioni Dilectionem
Vestram etiam atque etiam benevole commenda-
mus. Dabantur Torgaviæ, die 5. Octobr. 1665.

CCCXXXIV.

Littera CAROLI XI. Suecorum Regis, ad LEOPOLDUM, Romanorum Imperatorem, quibus ab eo, ne Electoris Palatini evidentia jura, per adversas Electoris Moguntini machinationes vellicari permittat, sed potius ejusdem cause parocinium in se suscipiat, obnixè contendit, 1665.

Nos Carolus, Dei Gratia Suecorum, Gothorum, Vandalorumque Rex, Princeps Finlandiæ &c. Serenissimo & Potentissimo Principi Domino Leopoldo, Romanorum Imperatori, Semper Augusto &c.

Serenissime & Potentissime Imperator, Domine Frater, Consanguinee & Amice Charissime.

FAma primum, deinde justa notificatione Nobis expositum est de armata invasione Domini Electoris Moguntini in ditiones, Terras & Jura Domini Electoris Palatini. In causas rei inquirere nihil hac vice attinet, cum illæ ab utraque controvertentium parte Majestati Vestræ haud dubie ante hac insinuatæ sint; Illud tamen reticere non possumus, videri hoc factum modo & via longe diversa, quam instrumento pacis Westphalicæ præscribitur, perpetratum esse. Provocavit hac-

tenus Dominus Elector Palatinus ad Majestatem Vestram, ad Imperii Constitutiones & legitimas instantias, dicitque non alio se uti nunc Privilegio, quo Dominus Elector Moguntinus tanquam Episcopus Wormatiensis offenditur, quam quod Antecessores ipsius, imo & Electoratus sub priori bello Detentores exercuerunt, nempe illo, quod virtute Pacificationis Westphalicæ Domui suæ restitutum sit, ac postea Divus Parens Majestatis Vestræ gloriosissimæ memoriæ, more antea consuetopere investituram ei contulit. Deinde in Civitate Ladenburg, sesquimilliari ab Heidelbergâ distante, a longa temporum serie & communionem possessionis, & præcipuum præsidii armorumque jus se habuisse profitetur, nec aliud superesse, cur violentis injuriis adeoque & militum transitu, ac postremo etiam aperto bello gravetur. Utut vero illa comparata sint, saltem constat legibus pacis publicæ interdici, ut advocatis copiis de controversia armis mox decernatur, via juris & amica-bilis compositionis patente. Augeturque rei gravitas, quod ab Archicancellario Imperii ea committantur, quem legum publicarum, & recti custodem esse convenit. Proinde cum talia exempla haud dubie compluribus quasi pacis virtute incertis de juribus per instrumentum pacis acquisitis suspicionem aliquam injicere possint, e re tranquillitatis publicæ foret, ut in tempore occurratur, ne latius serpendo, arma aliorum quoque excitent, & sic majus quieti communi periculum acceleretur. Putavimus ergo ad Nos tanquam unius partis custodem & vindicem pacificationis West-

Westphalicæ pertinere, ut a Majestate Vestra hac vice peramanter requireremus, quo sicut hætenus per suos Commissarios rei necessitati obviam ire cœpit, porro contendat, ac Dominum Electorem & Archiepiscopum Moguntinum eo adducat, non modo ut armis, restituta re, plane in priorem statum, damnumque per turbatam tranquillitatem publicam datum compenset, sed etiam quæ Domino Electori Palatino, per superiora bella satis attrito, beneficio instrumenti pacis competunt, imposterum intacta relinquat. Sicuti æquitati Majestatem Vestram hoc daturam speramus, ita si commendatione Nostra Domino Electori Palatino, sanguinis necessitudine Nobis devincto, ad exemplum Divi Parentis sui, justum circa institutos Spiræ ultiores tractatus favorem quoque commodare insuper non habeat, illud ita interpretaturi sumus, ac si Nobismet ipsis præstitum videretur; Qui Majestatem Vestram Divinæ commendamus protectioni, felicia semper Imperii incrementa eidem optantes. Dedimus in Arce Nostra Holmensi, d. 24. Octobris, Anno 1665.

*Nomine altissime memorata Sacra Regia
Majestatis*

HEDWIG ELEONORA

Petrus Brahe, Comes in Wifingsburg, R. S. Drozetus.

Claudius Tott, loco R. S. Marefchalli.

Gustavus Otto Steinbock, R. S. Architalassus.

Magnus Gabriel de la Gardie , R. S.
Cancellarius.

Gustavus Bonde, R. S. Thesaurarius.

Eduard. Ehrenstein.

CCCCXXXV.

*Litera OMNIUM PALATINATUM IN
POLONIA NOMINE, ad JOANNEM
CASIMIRUM, Polonia Regem, quibus cam-
pestrium comitorum institutionem medendis Pa-
tria malis proficuum, supplices postulant, 1665.*

P. P.

NON est quæpiam adeo subtilis inventio, quæ
posset debitam Nostram erga Sacram Regiam
Majestatem Vestram mutare observantiam, quam
toties reipsa non tantum per Nuntios Nostros su-
mus contestati: Unde & præsentia Domini Mare-
schalli Regni in Castris Nostris ne vel minima qui-
dem in parte Nostram mutavit constantiam. Et si
enim oblatam ab exercitu legum libertatumque
avitarum gratissime suscepimus tuitionem, Jurium
nihilominus Majestatis & sacrosanctæ personæ Ve-
stræ Sacræ Regiæ Majestatis auctoritatem securita-
temque optime munitam cautamque volumus.
Secura igitur Vestra Sacra Regia Majestas sit, quod
non quidquam aliud ferimus ad Majestatem Ve-
stram Regiam, quam humilem supplicationem, ut
per Comitia campestria mederi eis omnibus cle-
mentissime velit, quæcumque per injuriam Ministro-
rum

rum Vestræ Sacræ Regiæ Majestatis ex orbita legum sunt elapsa. Tantoties agnita Vestræ Sacræ Regiæ Majestatis benevolentia paterna firmam Nobis facit fiduciam, quod his supplicibus votis, postulatisque Nostreis clementissime annuere dignabitur; Proni interim & supplices manum Sacræ Regiæ Majestatis Vestræ deosculamur. Datum in Castris apud Gembice, die 27. Octobris, 1665.

CCCCXXXVI.

Litteræ GEORGII LUBOMIERSKII, Magni Marescalli Regni Poloniae, ad EPISCOPUM CRACOVIANSEM, cui conclusam inter Regem Joh. Casimirum & semetipsum pacem esse, amice nuntiat, 1665.

EN tandem quod Excellentia Vestra tam anhelantibus optavit votis, quodque tam laboriosè egit, reddita est Patriæ ad præsens tranquillitas. Qualem ego ad hoc opus adhibui contulique conatum, palpabile est per se unicuique, qui trutinabit me propria omnia commoda in hoc tractatu posthabuisse, ut tantum publica pro posse meo salvari possint. Potior mihi erat Majestatis veneratio, quam restitutio injuriosè mihi ademptorum honorum & ablatarum fortunarum, integritatemque Reipublicæ meæ prætuli propriæ, & ne viderem torrentem sanguinis Civium, proprias malui perferre adhuc ad tempus infelicitates, meque mole amaritudinum adhuc premi, quam patriam pelago lacrymarum pauperum ac cruore interno obrui elegi. Non moverunt me tot promissa tan-

tantoties mihi & exercitui non servata, non movit violata Strzelenensis Tractatus manu Excellentię Vestrę subscripti fides; non movent denique tam privatę in vitam meam, quam publicę pacis ad pręsens pactę in atrox bellum futuro Vere renasciturę comminationes. Fui & sum autor pacis, permittendo Excellentię Vestrę & omnibus Patrię zelantibus bonis Civibus spatium, ut agatis & firma pace muniatis Rempubicam. Quod dum & opto ex animo, & Excellentiam Vestram, ut ad idem cooperetur, flagrantissime rogo; uberius plura Domino Bieyscowskio, quem mitto, Excellentię Vestrę proponenda commisi. Dat. ex loco, ubi conclusa pax est, die 10. Novembris, Anno 1665.

CCCCXXXVII.

Litera JOHANNIS GEORGII II. Saxonium Electoris, ad MARIAM ANNAM, PHILIPPI IV. Hispaniarum Regis nuper defuncti Viduam, quibus ipsam ob męstissimum dilectissimi Conjugis obitum consolatur, ac Infanti Regio, Carolo II. faustissima gloriosi Regiminis auspicia ex animo gratulatur, 1665.

P. P.

Regię Serenitatis Vestrę literas, tam Serenissimi Regis Caroli II. Hispaniarum Hęredis, Filii ac pupilli sui dilectissimi, quam Regię Serenitatis Vestrę nomine Mantuę Capetanorum die tertio mensis Octobris pręteriti ad Nos exaratas recte accepimus, męroris indices sane quam lugubres, quem

quem ex obitu Serenissimi ac Potentissimi quondam Hispaniarum atque Indiarum Regis, Conjugis sui desideratissimi pie nuper defuncti Regia Vestra Serenitas merito capit intimum acerbissimumque. Quanquam autem funestus hic casus ad publicam potius calamitatem, quam ad privatam jacturam pertinere omnino censendus sit, quippe eo Principe ac Rege humanis exempto, de cujus incomparabili virtute, sapientia atque heroica animi magnitudine tanto fastigio dignissima (quibus Ille de re Christiana universa præclarissime pace belloque mereri toto vitæ Regnique exacti tempore nunquam destitit) nulla neque præsens neque postera conticescet ætas. Facere tamen non possumus pro arctissima inclytam inter Hispaniæ coronam atque Electoralem Saxoniam Domum inde usque a Majoribus quasi per manus tradita necessitudine, proque eximio quo Regiam Illius Serenitatem prosecuti perpetuo sumus, honoris, amicitiae & observantiae cultu, quin partem hujusce luctus non postremam peculiari quodam jure Nobismet vindicatum præ aliis eamus. Interim gratiæ immortalis Deo debentur summæ, quod, cum Ei visum fuerit, laudatissimæ memoriæ Regem e terris ad beatorum sedes evocare, ejus loco filium Successorem Regiæ Serenitati Vestræ superstitem dederit, non modo Regnorum ac ditionum, sed multo etiam magis paternarum Virtutum hæredem futurum procul dubio (ita vovere atque augurari liceat) longe gloriosissimum. Quo quidem nomine non minori utique jure, ac de suscepta ex ultimæ Regiæ Voluntatis tabulis, atque publi-

publico omnium applausu feliciter inita Regis impuberis tutela, Regnorumque simul cunctorum gubernatione exoptatissima, sicut Regiæ Vestræ Serenitati Nos peramanter gratulari officio Nostro par esse consentaneumque ducimus; Ita utriusque porro Regium statum, incolumitatem, amplitudinem atque decus divino ejus tutamini etiam atque etiam serio commendamus, toto pectore cœleste Numen precati; Regiæque Serenitati Vestræ Regique Infanti vividum vegetumque integerrimæ valetudinis vigorem, tranquilla atque inoffensa vitæ longævæ spatia, Gubernationis auspiciatissimæ pacatam semper & inturbidam serenitatem, tum quæcunque præterea voto expeti fas est, Regiæ felicitatis incrementa prospera mutationis cujusvis ac vicissitudinis prorsus nescia clementer diutissimeque concedere ac largiri dignetur. Quod superest Regiæ Vestræ Serenitati, nec non perinclytæ ejusdem Domui quicquid a Nobis studii, honoris atque amicitiae præstari ullo modo potest, sincero atque germano affectu perofficiose atque prolixè addicimus ac pollicemur. Dabantur Lipsiæ, die 6. Decembris, Anno 1665.

CCCCXXXIIX

Litera JOHANNIS GEORGII II. Saxoniae Electoris, ad ROBERTUM DE GRAVEL, Gallicum in Germania Legatum, de pactorum Galliam seque inter initorum ratificationumque permutatione agentes, 1666.

P. P.

P. P.

EX literis Excellentię Vestrę die $\frac{4}{14}$ Decembris præteriti anni datis percepimus, Christianissimam suam Majestatem transmisisse nunc ratificationem eorum articulorum, qui in exacto proximo anno Zuiccavię nomine Ejusdem Majestatis & Nostro conclusi fuerunt, & præterea nihil reliquum esse, quam ut de commutatione exemplorum originalium utrinque conveniret. Quemadmodum igitur hujus rei intimatio Nobis accidit gratissima, ita non vulgari gaudio Nobis est, quod altissime memoratę Majestati libuerit, iterum hac occasione benevolentiam Suam erga Nos testatum facere, semperque erit Nobis curę, ut omnia ea ex parte Nostri sedulo impostero observentur & præstentur, quę ad conservationem arctioris jam inter Nos initę conjunctionis & unionis ullo modo conferre queant. Quod attinet mutuam prædictorum articulorum traditionem per præsentem Latorem exhibere volumus ratificationem Nostram secundum ea, quę ipsi in mandatis dedimus, arbitrio & dextertati Excellentię Vestrę simul committentes; quid de cætero disponere velit. Hisce propensum ac benevolum animum Nostrium Excellentię Vestrę certo pollicemur & divinę protectioni illam commendamus. Dabantur in Electorali Nostri Dresda die $\frac{2}{19}$ Januarii 1666.

CCCCXXXIX.

Litera CAROLI II. Magna Britannia Regis ad CAROLUM LUDOVICUM, Electorem Palatinum, cui fausta novi anni auspicia gratulatus,
Prote-

*Protestantibus e fœdere se inter & Prasulatus
Monasteriensis Antislitem inito nihil periculi me-
tuendum esse asseverat, 1666.*

Carolus DEI Gratia Magnæ Britanniaë,
Franciaë & Hiberniaë Rex &c. Serenissimo Prin-
cipi Domino Ludovico, Comiti Palatino ad Rhe-
num, S. R. Imp. Archi Thef. & Electori &c.

Cognato & Consanguineo nostro
charissimo, salutem.

*Serenissime Princeps, Cognate, & Con-
sanguineæ charissime.*

Literæ Celsitudinis Vestræ 25. die Decemb. scri-
ptæ, ut felicem anni nuper elapsi exitum obfi-
gnarunt; ita gratissimum insequentis anni præsa-
gium nobis attulerunt. Nec enim aliud quicquam,
excepta solum propitiæ Numinis benedictione,
novimus, quo Principum tempora conservantur,
quam piis amicorum votis & sinceris gratulationi-
bus. Nos igitur, eodem effectus erga Celsitudinem
Vestram libentissime proferimus, referimusque.
Et quamvis mallems, ut crederetur, hæc bo-
næ voluntatis significationes, a nobis, sponte pro-
fluxisse; quam reciprocæ amoris vestri imitationi
tribuendas esse: Tamen prioris officii laude Cel-
situd. Vestræ relicta, gratitudinem saltem nostram
esse merito contendemus. Verum, ut aliquid
etiam in proprio expromamus, & novi anni augu-
rium peculiari quadam amicitiaë tessera illustre-
mus; Celsitud. Vestram in partem consiliorum
nostrorum vocabimus, & fatebimur: Episcopum Mo-

Monasteriensem, nobis scientibus annuentibusque arma sumpſisse: ejusmodi tamen fundamentis hæc Confœderatio Noſtra ſubnixa eſt, ut verbo regio affirmare, ideoque in nos ſuſcipere audeamus: dictum Principem nihil ad minimum, in religionis Proteſtantium, ejusve Profeſſorum noxam molitum vel moliturum eſſe. Quod, ut omni ſuſpicionē amota certiffime credat Celſitudo Veſtra, atque hanc ſponſionem noſtram, vicinis Principibus Evangelicis, amicisque communibus noſtris, impartiri velit, amice rogamus: Celſitudini autem Veſtræ & annum recentem proſperum labi & longam inſequentium ſeriem cum felicitatis incremento ſuperaddi, indefinenter optabimus. Datum in noſtra Civitate Oxoniënſi die 15. Januar. 1666.

Celſitudinis Veſtræ

Bonus Cognatus

Carolus Rex.

CCCCXL.

Litera CAROLI LUDOVICI, Electoris Palatini, ad CAROLUM XI. Sueciæ Regem, quibus ipſi controverſiam de Wildſangiarum juribus inter ſe vicinosque Principes motam e lege Transactionis Oppenheimenſis in compromiſſum devolutam eſſe nuntiat, ac ut arbitri in eo munus nomine ſuo ſuſcipere haud gravetur, amice injungit, 1666.

Sereniſſime &c.

Non dubitamus, quin Regiæ Veſtræ Majeltati ex relationibus ei factis conſtet, quid inter Mo-

PARS II,

D d

gun-

guntinum ut Episcopum Herbipolensem & Wormatiensem, Trevirenses ac Colonienses Electores, nec non Spirenses & Argentinenfes Episcopos, Ducem Lotharingæ, ut & interessatos Rhin-gravios Comites aliquos e Rhenana, Suevica, Franconica eique conjuncta Nobilitate ab una, & nos ab altera parte super Wildfangiatu & aliis Domui Nostræ Palatinæ ab antiquo competentibus, & continua Majorum serie ad Nos transmissis juribus, subortum sit controversiæ, & quomodo dicti confœderati Nos illorum jurium possessione & exercitio exuere sint aggressi; Quæ frustra prius in urbe Spirensi tentata, Majestatis Cæsareæ interventu Electoris-que Brandenburgici cooperatione, amicæ compositionis via, in apertum cum exarsisset bellum, transactioni tandem Oppenheimii 21. 31. Octobr. initæ ansam præbuit, qua cautum, ut cæpta Spiræ tractatio amicabile ad dirimendam super dicto Wildfangiatu non solum & vectigalibus, jure conducendi & ad ea pertinentibus enatam litem, redintegraretur, quæ si intra duos menses successu caruerit, res per Compromissum intra quatuor mensium spatium terminandum decideretur, utrique litigantium parti libera duos nominandi arbitros, nec non conveniendi de arbitratore vulgo Obman dicto, facta potestate. Cum igitur amicali compositioni, quam Nos vel maxime in votis habuisse non uno ostendimus argumento, præfixum bimestre, ob partis adversæ postulatorum non minus, quam a se oblatoꝝ iniquitatem omnino evaserit infructuosum, nihilque supersit, quam ut dictæ transactionis Oppenheimensis lege res ad Compromissum

ssum devolvatur; Nosque persuasi Regiam Vestram Majestatem, ut almæ justitiæ amantissimam, ita cum primis pacificationis Westphalicæ unum exprimiis Custodibus, ac acerrimum vindicem esse, eo firmiorem in ejus bonitate atque æquanimitate collocemus spem ac fiduciam; Idcirco in tanti momenti controversia, ubi de antiquissimis Electorali Nostræ Domui competentibus, ab omni tempore exercitis, Pacificationisque Westphalicæ lege, adeoque Regiæ Majestatis Vestræ, utpote partis compaciscentis opera Nobis restitutis juribus, Privilegiis ac Régalibus, ac proinde non exigua, residuarum Nobis ditionum, hominum, reddituum, possessionum & pertinentiarum parte agitur, Regiam Vestram Majestatem una cum Rege Christianissimo ad hoc arbitrium eligere consultum duximus. Illudque adversæ Nostræ parti per suos Deputatos significari fecimus, Regiam Majestatem Vestram decenter ac enixe rogantes, ut in Nostræ gratiam hujus arbitrii onus suscipere non dedigne- tur, eoque fine suos subdelegatos, qui juris periti, rerumque Imperii Romani Statuumque ejus jurium privilegiorumque probe gnari, nec vel ob conditionis aut sacrorum communionem, nec cognationis beneficiorumque vinculo cuiquam obstricti, sed ab omni partium studio alieni sint, quique singulare, sicut moris est, juramentum desuper præstent, quod secundum acta & probata, citra ullius gratiam aut odium, ex juris præscripto, materias in recessu Oppenheimensi art. i. expressas ventilare ac Principalibus suis cum voto referre velint, necessariis munitis mandatis, quamprimum

feri potest, Spiram, aut ubi inter Dominos arbitros convenerit, amandare, eorumque opera curare, ut secundum tenorem præfati Recessus Oppenheimensis prævia Arbitrorum Arbitratorisque vulgo Obman, nominatione ac electione, intra præstitum quadrimestre controversiæ in dicto recessu art. 1. expressæ, decidentur, sententia lata a Cæsarea Majestate confirmetur, eaque non minus ac Domini Arbitri Arbitratorque vulgo Obman, ad tuitionem eorum, quæ gesta erunt, præstandamque Guarentiam debite requirantur, & omnia ab utraque parte sine ulla exceptione aut appellatione religiose serventur. Hoc novo Regiæ suæ benevolentiae documento Regia Majestas Vestra Nos Nostramque Domum Electoralem perpetuæ gratitudinis vinculo sibi obligabit; Quam cæteroquin præsidio Dei Opt. Max. etiam atque etiam commendamus. Dabantur Heidelbergæ die 19. Jan. Anno 1666.

Carolus Ludovicus &c.

CCCCXLI.

Litera LEOPOLDI, Roman. Imperatoris, ad HELENAM, Georgii Ragoczii II. Principis Transylvania viduam, de negotio Patatchiensis agentes, 1666.

Leopoldus

Illustrissima Principissa, Amica nobis honoranda.

A Cceptis Sinceritatis Vestræ literis d. 29. mensis Novembris anni proxime præteriti ad nos datis,

datis, ea quæ nobis in iis circa negotium illud Patachiense denuo perscribenda habuit, benigne intelleximus. Cum itaque idem negotium (quemadmodum ex demissa etiam adversæ partis informatione & ipsius quoque Comitum Palatini desuper facta expositione manifestum evaderet) nec dum finem suum sortiri potuerit, ad evitandas ulteriores, quæ inde oriri possent, difficultates, omnino expediens fore judicavimus, quo tam eadem pars adversa proventus illos, quos in specie ac etiam per transumptum vere Parochiales agnosceret, a personalibus, separando Majestati Nostræ liquidatos & consignatos una cum Documentis aliisque instrumentis superinde habitis transmittat, quam Sinceritati Vestræ in quantum ejusmodi Parochiales personalibus etiam mixtos esse adverteret, liquidando & sequestrando, oblata cum restitutione, denominet. Quo circa Sinceritatem Vestram etiamnum benigne requirendam & simul hortandam esse duximus, clementer cupientes, ut sese benigne huic resolutioni & ordinationi nostræ haud gravatim accommodare velit, quo & Nos demum productis & liquidatis coram a vobis præmissis, id, quod communi justitiæ & æquitati consentaneum esse videbitur, facere ac determinare valeamus. De reliquo autem Sinceritatem Vestram bona frui valetudine exoptamus. Viennæ die 14. Mensis Februarii 1666.

CCCCXLII.

*Literæ LEOPOLDI, Romanorum Imperatoris
ad ORDINES TRANSYLVANIAE, negotium Pachimense attinentes, 1666.*

Dd 3

Lco.

Leopoldus

Egregii fideles nobis dilecti,

Acceptis literis vestris per fidelem nostrum Egregium, Andream Radics, Majestati Nostræ transmissis ea, quæ tam iis, quam etiam alio quodam scripto, nomine Principalium vestrorum, illius Patachiensis negotii ratione confecta, medio ejusdem Radics, nobis exhibita declarataque esse voluistis, clementer intelleximus. Cum itaque idem negotium nec dum finem suum sortiri potuerit, consultum omnino & expediens fore judicavimus, ut ab utrinque necessaria superinde requisita seu harum instrumenta penes illud ipsum negotium nobis, ut exacte revideri liquidarique valeant, transmittantur. Proinde vobis ac per vos prædictis Principalibus id ipsum intimare benigne volumus, quatenus ejusmodi requisita necessaria, liquidationesque insignatum nobis transmittere ne prætermittatis, quo & nos visis & ruminatis iisdem facere possimus, quod communi justitiæ & æquitati consentaneum esse judicaverimus. Gratia nostra Cæsarea & Regia vobis in reliquo propensimæ manentes. Datum in Civitate Nostra Vienna 18. Februarii Anno 1666.

CCCCXLIII.

Littera JOHANNIS GEORGII II. Electoris Saxonie, quibus LUDOVICO XIV. Franciæ Regi, dolorem suum de Matris Regiæ ANNAE MARIAE MAURITIÆ tristissimo testatur obitu, 1666.

P. P.

P. P.

Non sine animi ægritudine ex perscriptis ad Nos Regiæ Majestatis Vestræ Literis accepimus, inclytam Dominam & Reginam Matrem Vestram, postquam vehementi morbo, Regio plane constantiæ Christianæ ac pietatis exemplo diu esset conflictata, Dei nutu rebus humanis exemptam esse, atque inde oppido quidem colligere possumus, quam gravi dolore, cujus haud exiguam partem jure meritoque Nostram simul fecimus, perculsus existat funesto illo casu Regius animus. Haud parum tamen eundem vel ex eo levaturum iri confidimus, quod beneplacito divino, in quo Nobis unice acquiescendum, suis veluti terminis circumscripta sit Nostra mortalium vita; quam gloriose in his terris actam cœlo recepta Regina Mater cum æterna illa Eique minime invidenda beatitudine commutavit. Facti autem præsentis nuntii quantumvis luctuosi participes, Regium Majestatis Vestræ in Nos affectum, pro eo ac par est grate agnoscimus, Eodemque perpetuo freti Deum veneramur, ut resarcita lætioribus eventis tanti boni jactura, Regiam Majestatem Vestram ab omni porro calamitate immunem rebus florentissimis diu feliciterq; superesse finat. Nobis autem frequentiores præbeat occasiones, quibus Eidem animum Nostrum addictissimum condignis studiorum experimentis comprobare valeamus. Dabantur Dresdæ, die 20. Februarii 1666.

CCCCXLIV.

*Litera GEORGII LUBOMIRSKII, Magni
Regni Poloniæ Marecalli exulis, ad ORDI-*

Dd 4

NEM

NEM SENATORIUM Regni Polonia, a quo, ut sibi gratiam Regiam reconciliare omni studio annitatur, anxie contendit, 1666.

Illustrissimi, Illustres ac Magnifici Domini & Fratres.

Talis est Reipublicæ Patriæ Nostræ conditio, statusque illius Naturæ, ut quicquid sive publice sive privatim emergat detrimenti, ad Senatum præcipue, qui intermedius est inter Majestatem & Libertatem Ordo, non numero, sed prærogativa prævalens, spectet. Quocirca ego manu ducente lege ad Dominationes Vestras tanquam collegas & fratres recurro exul, omnium malorum summam in uno hoc complexus verbo: ex hac enim Patria, cui juxta vires semper profui, cujus causa omnes fortunas & vitam ipsam libens profudi, in qua tot honores de benignitate Serenissimorum Regum Dominorum meorum merui, tot Majorum meorum decora per Dei gratiam recensui, in qua tam late ad invidiam tabescentium æmulorum possessiones extendi, exul recurro ad Dominationes Vestras, ut supplici gratiamque ad pedes Regiæ Majestatis mendicanti assistere interpositione Vestra dignemini. Exigit hoc officii a Dominationibus Vestris suum cuique tribuens justitia, exigit Patriæ amor & tranquillitatis publicæ studium, denique tam enormis innocentis & sine demerito concivis Dominationum Vestrarum in hac patria spectata calamitas, ipsumque humanitatis ac Christianæ professionis Jus. Non descendo in disquisitionem meritorum vel demeritorum meorum; sufficit quia

quia innocens aperto omnium Palatinatum scrup-
tino & jurato exercitus testimonio proclamatus
veniam efflagito; Bene meritus (hanc enim gloriam
nulla mihi demere potest invidia) gratiam mendi-
co; per totam vitam ad usque provectæ ætatis
senium intemerate actam, omnium vel minima-
rum suspicionum immunis, misericordiam & re-
stitutionem Patriæ supplex depono. Equidem
indulget mihi ipsamet justitia facultatem que-
rendi coram tota Republica, de illato gravami-
ne. Verum illibata mea erga sacram Regiam
Majestatem, & nullis fracta adversitatibus ve-
neratio, per preces ac supplicationes clementi-
am sollicitare elegit: concedit mihi Jus naturale
inculpatæ moderamen tutelæ, ac præsidium op-
pressæ innocentæ; Verum conservationis Reipu-
blicæ tranquillitatisque internæ cura, mavult sibi-
met quam patriæ incumbere gravis & deponere
inurias in sinum matris, satius quam legitima per-
sequi vindicta præoptat. Ad hoc igitur maternum
totius Patriæ suffragium, tanquam amantissimus
semper ejusdem filius, totum meum dirigo recur-
sum: Statuat veluti benigna parens de me quid-
quid vult. Non moretur publicam felicitatem
privato meo Interesse, si tamen in hac infausta cau-
sa censeretur aliquid potest meum privatum, & non
potius totam Rempublicam afficiens. Utcunque
est, civis illius æ filius sum, mala bonaque mea eo
magis Rempublicam concernunt, quo magis ne
quid illa detrimenti caperet, pro munere semper
& amore meo zelose prospexi. Præstolor itaque
quemadmodum fraternam super adversitate, qua

innoxius premor, Dominationum Vestrarum compassionem, ita efficacem præterea per interpositam auctoritatem succursum. Confidens, quod Dominationes Vestræ Clementiam Regiæ Majestatis propitiare mihi dignabimini, ac eidem Majestati subditum & famulum Reipublicæ ad continuanda, quoad vita suppetet, obsequia civem, vobismet fratrem & servum restitutum præstabitis. Ego in omnibus fraternæ, justæ & æquitati consonæ, specialiter vero tali, quæ conservationem Status Patriæ hujus respiciat ac complectatur, meipsum subjicio decisioni, paratus existens reliquum vitæ meæ obsequiis Regiæ Majestatis & tranquillandæ patriæ impendere ac devovere. Mea interim demissa obsequia fraterno Dominationum Vestrarum commendo favori. Dat. Vratislaviæ Anno 1666. 28. Mens. Februarii.

Illustrissimarum, Illustrium ac Magnificarum Dominationum Vestrarum

Addictissimus frater & servus

Georgius Lubomirski, Marefcallus Regni.

CCCCXLV.

Litera GEORGII LUBOMIRSKII, Magni Regni Polonia Marefcalli, ad JOANNEM CASIMIRUM, Polonia Regem, quibus iteratis precibus sibi gratiam ipsius conciliare conatur, 1666.

Sere-

Serenissime ac Potentissime Rex,
Domine clementissime.

Iterato exula Patria procumbo ad pedes Regiæ Majestatis Vestræ, cum humillima supplicatione, ut solita Serenissimis antecessoribus benignitate, abjecti gratiamque mendicare non desinentis famuli sui, misereri tandem clementissime dignetur, Regem Regum & Dominum Dominantium supplici, verum secuta testem appellando conscientia, quod nihil unquam deliquerim in Regiam Majestatem Vestram, non modo opere, sed ne quidem cogitatione; Quod si in aliquo, errore accidente, uti homo lapsus sum, cum omni, qua possum humillima demissione precor supplex veniam, Velit Sacra Regia Majestas meminisse, quod eandem gratiam, quam mihi præstare dignabitur, rependet Majestati Vestræ cælum, & tunc primum dimittet errata Regiæ Majestati Vestræ, cum Majestas Vestra dimiserit supplicanti, & per omne poenarum genus castigato famulo ac subdito. Supplicat pro parte mea patria, tanquam parens benevola filio; Exercitus, cui fraternæ meæ innotuere preces (cæterum totius etiam appello fidem, honorem & conscientiam, ut deponat, utrum vel tantillum objectorum reus sim) perhibet juratum coram sacra Regia Majestate Vestra totaque Republica innocentæ meæ testimonium: Vita mea ad usque canos non inglorie transacta, & ab ipsamet Regia Majestate Vestra tantis honoribus benignissime decorata, probat intaminatam erga Regiam Majestatem Vestram fidem, & continuam, quam a
majo-

majoribus meis hausi, Majestatis Vestræ reverentiam debitamque fidelitatem. Cum his omnibus procido ad Thronum Regiæ Majestatis Vestræ, Thronum Justitiæ pariter ac clementiæ, Thronum pacis, concordiæ ac unitatis (in una namque Regalis Majestatis Vestræ persona, omnium Civium capita, felicitas, tranquillitas, securitas continetur) dignetur Majestas Vestra impertiri mendicanti gratiam. Quod si fracta tot ærumnis ætas permiserit, exsolvam ad novissimam usque residui sanguinis guttam, omnimoda gratitudine debitam obligationem meam Regiæ Majestati Vestræ, aut saltem pro Imperio Majestatis Vestræ preces ad Omnipotentem fundere non desistam, ut diu fortunato perennet, & denique ut sacra Regia Majestas Vestra impressum cordibus subditorum suorum relinquat, illud fortunæ casibus impervium, magnificentissimum maximeque immortale post sera facta monumentum, non fucatum nempe sui desiderium & gloriam, deosculor interim humillime non jam iratam dexteram, sed ipsa Regiæ Majestatis Vestræ vestigia. Dat. Vratislaviæ 1666.

Sacræ Regiæ Majestatis Vestræ

Fidelis subditus & servus

Georgius Lubomirski.

CCCCXLVI.

Litera JOHANNIS GEORGII II. Electoris Saxonie, ad CAROLUM EMANUELEM II. Sabaudie Ducem, cui de concepta & graviditate dulcissima Conjugis augenda inclita Domus sua spe ex animo gratulatur, 1666.

Sere-

Serenissime Princeps, Domine Agnatè
charissime.

Postulabat communis necessitudinis ratio, ut factis semestri ab hinc elapso pro inito Regiæ Vestræ Celsitudinis cum Principe Nemorosa matrimonio votis benevolum testatum iverimus animum, & merito quidem etiamnum præcipuum communis gaudii fructum ex intellecta Serenissimæ Conjugis Vestræ graviditate consequi Nobis videmur. Singulares autem pro tam jucundæ rei non minus atque conjunctissimi animi significatione gratias agimus, vovemusque, ut læta per Dei gratiam subnascente sobole uberior subinde Regiæ Vestræ Celsitudini affulgeat augendæ inclytæ Domus spes; Nobis autem materies Eidem inde congratulandi probandique affectum Nostrum sæpius nascatur. Cui ab omnipotente Deo prosperos quoscunque rerum successus & Domus incrementa etiam atque etiam precamur. Dabantur
Dresdæ die 12. Aprilis 1666.

Regiæ Vestræ Celsitudinis

deditissimus Agnatus

Johannes Georgius II.

Electoꝝ Saxoniz &c.

CCCCLVII.

Litera CAROLI II. Magnæ Britannia Regis, ad LEOPOLDUM, Romanorum Imperatorem, a quo, ne veteratoris Hamburgensium artibus nimium, sed sibi Germanorum negotiationem cura cordique esse tuto credat, amice efflagitat, 1666.

Caro-

Carolus, Dei gratia Magnæ Britanniaë,
Franciaë & Hiberniaë Rex, Fidei
defensor, &c.

*Serenissime atque Inviſtiſſime Princeps;
Frater, Conſanguinee & Amice
chariſſime.*

TAmingenio noſtro ad jura Societatis humanæ
conſervanda promptiſſimo, quam literis Cæſa-
reæ Veſtræ Majeſtatis in gratiam communis
Hanſeaticæ ad Nos aliquando ſcriptis ita affecti ſu-
mus, ut potentiam navalem, Nobis a Deo Optimo
Maximo conceſſam negotiantibus tutelæ atque in-
columitati potius quam noxæ aut diſpendio eſſe
poſſe cupiamus: Idque enim hodierno inter Nos
Fœderatasque Belgii Provincias flagrante bello,
quantum fieri potuit, & optavimus ſerio & ſedulo
curavimus: quo magis miramur Hamburgenſes
præ aliis importune querulos eſſe, (uti per literas
Cæſareæ Veſtræ Majeſtatis 10. die Aprilis noviffi-
me elapſi datas perſpicimus) quaſi Albim fluvium
infeſta claſſe ingreſſi eorumq; naves per mare tran-
ſeuntes ubique aggreſſi eſſemus, ſed hoc male ſibi
conſciis in uſu plerumque eſt, ut alios audacter ac-
cuſando criminibus ſuis tegumenta quærant. Ve-
rum cum ita injurioſe Nobiſcum egerint, ut ini-
qua de nobis opinione benevolum Cæſareæ Ma-
jeſtatis Veſtræ animum imbuere velle non crube-
ſcant: Ipſam ulterius celare nolumus, eoſdem
Hamburgenſes contra omne jus fasque neutralita-
tis dolosa hoſtium noſtrorum Commercia navibus
nomi-

nominibusque suis circumvehere, & tacita quadam conspiratione armatas aliquot Batavorum naves in ipso Albis gremio jam diu tolerare, sicut etiam nunc tolerant, cum nostræ subinde ad mercatorum securitatem missæ, vix ostio fluminis salutato statim recedant; tantum abest, ut in alienis aquis moram trahant aut dominantur, quod tamen Hollandis libere & sine querela permissum esse videmus. Sed missis artibus hisce veteratoriis (quæ a Principibus nec cogitari solent, nec memorari debent) quod amicitia est inter nos & Cæsaream Vestram Majestatem rite observabimus, cavebimusque, ne ulla ipsius aut Sacri Imperii flumina a navibus nostris Bellicis inquietentur, aut eorum tranquillitas imminuatur, nec quicquam unquam nostris permittemus, quo mutua necessitatis nostræ sanctimonia vel levissime violetur. De cætero Cæsareæ Vestræ Majestati bona ac fausta apprecantes. Datæ in Palatio nostro Westmonasteriensi vicesimo secundo die Maji 1666.

Cæsereæ Vestræ Majestatis

Amantissimus frater & consanguineus

Carolus Rex.

CCCCXLVIII.

Litera JOH. GEORGII II. Electoris Saxonie, ad CAROLUM EMANUELEM II. Sabaudie Ducem, de transmisfis ipsi peritis rerum metallicarum operariis agentes, 1666.

P. P.

P. P.

EXhibuit Nobis Regiæ Vestræ Celsitudinis Literas Capitaneus Carolus de Montandon ad Aulam Nostram missus, qui conquisitos hic nutu Nostro rerum metallicarum peritos operarios, quorum scientia & studium in explorandis fodinis vestris desideretur, ex sententia Vestra eo secum conduceret. Cum igitur nihil Nobis antiquius sit, quam ut pro mutuo necessitudinis vinculo Regiæ Vestræ Celsitudini in his atque aliis ad commoda Vestra pertinentibus rebus omni meliori modo gratificari valeamus, oppido per fodinarum Nostrarum præfectos ex Nostratibus operariis unum atque alterum exquirendos curavimus, qui exactam venæ experiundæ & separandorum metallorum habeant experientiam, susceptoque una in ditiones Vestras itinere desideria & iussa Vestra hac in parte, quoad fieri potest, sedulo exequantur, prout Regia Vestra Celsitudo ex præfato Capitaneo uberius cognoscet atque ex fideli transmissorum opera, quorum quidem ejusmodi rationem habitum iri confidimus, ut biennii circiter spatium & munere eorum probe expleto bona Vestra pace ad Nos redeant. De Nostro interim propensissimo animo grata & accepta omnia firmiter sibi Regia Vestra Celsitudo polliceatur. Quam diu multumque bene & feliciter agere etiam atque etiam cupimus. Dabantur Dresdæ die 27. Maji Anno 1666.

CCCCXLIX.

Littera JOHANNIS GEORGII II. Electoris
Saxonie, ad CAROLUM EMANUELEM
II. Sa-

*II. Sabaudia Ducem, cui de recens nato in spem
Celsissima Domus filio vehementer gratulatur,
1666.*

**Serenissime Princeps, Domine Agnate
charissime.**

ACcepto ad proximas Nostras gratulatorias
Regiæ Vestræ Celsitudinis Responso, nihil No-
bis gratius accidere potuisset, quam quod de feli-
cissimo Serenissimæ Conjugis Vestræ partu, deque
edito in spem inclytæ Domus filio edocti sumus:
Æstimata itaque hac divini Numinis benignitate,
Regiæ Vestræ Celsitudini pro singulari Nostra in
Eandem animi propensione de recens nato Prin-
cipe magnopere gratulamur, Eidemque acceptum
a Majoribus Necessitudinis Nostræ cultum simul
cum sanguinis decore a teneris inde commenda-
tum iri eo firmitus Nobis persuasum habemus,
quo clariora sinceri erga Nos affectus indicia Re-
gia Vestra Celsitudo nunquam non extare voluit.
Cui quidem ab omnipotenti Deo longævam in-
columitatem animitus precati, devinctum ad quæ-
cunque benevolentiaæ studia animum condigne
vicissim probatum dabimus. Dabantur Torga-
viæ die 12. Junii 1666.

Regiæ Vestræ Celsitudinis
deditissimus Agnatus

Johannes Georgius II. Elector
Saxoniz &c.

CCCC.

**Litera CAROLI II. Magnæ Britannia Regis, ad
GENERALES FOEDERATI BELGII
PARS II. Ec ORDI-**

ORDINES, de corpore Guilielmi Barclaji, in prælio exanimato, ipsorum permissu in Angliam transvehendo agentes, 1666.

Carolus, Dei Gratia Magnæ Britanniaë, Franciaë & Hyberniaë Rex, Fidei Defensor &c. Celsis & Præpotentibus Dominis Ordinibus Generalibus Fœderati Belgii, amicis nostris perdilectis
Salutem.

*Celsi & Præpotentes Domini, Amici nostri
perdilecti.*

PER Literas 10. die Julii 1666. scriptas & ad Nos per tubicinem allatas humanitatis Vestræ honestum ac laudabile exemplum perspeximus, in corpus Guilielmi Barcklaji equitis aurati editum, qui pro nobis & patria sua fortiter pugnando occubuit, & mortuus belli sorte in Vestram potestatem incidit. Quod officium a Generositate vestra profectum, ut nobis pergratum esse agnoscimus, ita si par casus obveniret, nos quoque ex parte nostra æquiparare imo superare contendemus, nulla in re unquam defecturi, ubi honor virtuti reddendus erit, vel benignitas etiam hostibus (quantum ratio belli permiserit) exhibenda. Cum igitur defunctum parentes ac propinqui ejus apud penates suos cum majoribus inhumari cupiant, nos eorum desiderio libenter annuimus, eundemque favorem a Vobis quoque oblatum grate accipimus. Ut autem navigium, quo corpus huc transvehendum curabitis a subditis Nostris illæsum veniat redeatque, literas commeatus sive salvi condu-

ductus fieri fecimus , atque hisce inclusas ad vos transmisimus.

De cætero vobis ex animo profiteamur , successum felicem, quem Dei Opt. Max. auspicio reportavimus, ne minima quidem elatione mentem nostram affecisse, ita ut obliviscamur ingentia detrimenta , quæ religioni Protestantium per hoc bellum ingruunt, aut quantum ejusdem religionis hostes sibi profuturum pollicentur, atque ejusmodi vulneribus leniendis sanandisque manum parati sumus adhibere, quamprimum Nos ad tam pium opus amplexandum justæ atque honorificæ conditiones invitaverint. Datum in Palatio nostro de Witthal 4. Aug. 1666.

Vester bonus Amicus

CAROLUS REX.

Guilielmus Moncke.

Tit.

Celsis & præpotentibus Dominis Ordinibus Generalibus Fœderati Belgii, Amicis nostris perdilectis.

CCCCLI.

Littera CAROLI XI. Svecorum Regis, ad LEOPOLDUM, Romanorum Imperatorem, quibus ipsi illegitimos Bremensis Civitatis conatus Linciano sub - & obreptitie emendicato solum niti Privilegio exponit, eumque, ut integram controversiarum seriem per principales pacis Westphalica partes contrabentes ad dicta pacis contenta, velut indubitatam & legitimam normam, examinari & decidi curet, amice requirit, 1666.

E c 2

Sere-

Serenissime ac Potentissime Imperator,
Domine Frater, consanguinee & Amice Charissime.

REcte ad Nos perlata sunt binæ Majestatis Vestræ, de die 30. Septembr. Anni jam currentis eodem exemplo expeditæ literæ; quibus illico respondere constituimus, nisi (quæ Nostra semper fuit, & adhuc est intentio) consilia quæta turbulentis in Civitate Bremensi prælatum iri spes jam tum affulsisset; proposito ergo & spe tali Nobis nuper, per Habenhusensem conventionem potius, suadere videntur, controversiarum, quoad Civitatem Bremensem jam diu enatarum tum diversa natura, tunc consequentia, bis jam tum tantum non in apertum bellum erupturæ, ut Majestati Vestræ earum seriem, quatenus nempe alia, ex alia jam inde a tractata Westphalico emerferunt, simul quæ Nostra, circa litium earum compositionem, mens sit, succincte exponamus. Cum in Tractatu Westphalico in Sveciæ securitatem & satisfactionem postulatus integer Archi-Episcopatus Bremensis cum omnibus & singulis, ad eum pertinentibus, Ecclesiasticis & Secularibus bonis & juri-
bus, prout cum ultimi Archi-Episcopi possederunt, Imperiales Legati, integrum quidem illum Archi-Episcopatum Sveciæ obtulerunt, sed ea tamen lege, ut Civitas Bremensis inde exempta, urbibus Imperio immediate subditis adscriberetur. Regii Svecici Legati ad convellenda hujus exemptionis fundamenta monstrarunt, dictam Civitatem jam inde a primordio suo, in illud usque
tem-

tempus fuisse corpori Archi-Episcopatus seu Provinciali & municipale accensitam, eam quidem sæpiusculè affectasse liberæ urbis statum, sed in urbium Imperio immediate subditarum Collegium non nisi bis, & quidem Ratisbonensibus Comitibus, rerum nempe per Imperium potentibus immortalis memoræ Imperatoribus primum Carolo V. Ao. 1541. deinde Ferdinando tertio Anno 1640. per illicitas artes irrepfisse, verum utraque vice, non nisi triennii spatio, vanitate sua fuisse gavisam, cassatis iterum ambobus momentaneis indultis, priori ab ipso Imperatore Carolo V. Spiræ in Comitibus die decima Martii, Anno 1544. posteriori autem, postquam Civitas Archi-Episcopo, ceu territorii Domino, interjecti integri seculi intervallo debite paruiisset ab Imperatore Ferdinando III. gloriosissimæ recordationis Viennæ die 15. Decembr. anno 1643. Serenissimum Daniæ Regem modernum tum Archi-Episcopum (utpote cui posterius Decretum Cassatorium, die 15. Decembris, Anno 1643. ab Imperatore missum, & a Bremensi Deputato Cock Legationi Suevicæ, sub Westphalici Tractatus initium, communicatum fuit) usque in finem tractatus sese gessisse, pro dictæ Civitatis Domino Territoriali, Ministros Archi-Episcopi, cum primis Cancellarium & Legatum ejus, Theodorum Reinckinck, in loco tractatus nomine Principis sui non modo protestatos esse, contra Bremensium obreptionem in Collegium Imperialium urbium, sed hunc simul etiam publice attestatum, nihil a tempore posterioris Cæsarei Cassatorii vel inter partes ratione Civitatis Bremensis coram aliquo Imperii quoad

hunc casum competente iudicio fuisse actum, vel infcio Domino suo legitime agi potuisse. Ma-
nentibus itaque Suecicis Plenipotentariis in sua
sententia, de non admittendo pro Bremensibus,
Immediatæ & liberæ Urbis caractere per inte-
grum annum, scilicet a die 28. April. Anno 1646.
ad finem mensis ejusdem Anno 1647. plane immo-
to, tandem utraque pars in hoc consensit, ut nem-
pe Civitati Bremensi relinqueretur præsens suus
status, utpote qui tum fuit & esse debuit, non
quem ipsa Civitas, five ex supra allegatis duobus
momentaneis & mox annullatis sessionis actibus,
five ex tertia illa maxime subreptitia & inter Im-
perii Urbes, in Extraordinario Westphalico con-
ventu, emendicata sessione sibi diffingebat, sed
quem lux veritatis, historia, Constitutiones Impe-
rii, Cæsarea Capitulatio, Electorum suffragia, Prin-
cipum Imperii jura & Privilegia, Cæsarea Cassato-
ria, Archi-Episcopi & Domini Territorialis in finem
usque tractatus notoria possessio, indultaque con-
tra Imperii & Principum Jura sessioni opposita pro-
testatio, Legationis Suedicæ ob oculos posita ra-
tionum evidentia, & constans contradictio, ut &
Magistratus Bremensis propria conscientia, civita-
ti in omnium compaciscentium conspectu assigna-
runt: scilicet tanto & tam invicto rationum robo-
re suffulta Suecia supradictam conditionem ratio-
ne Civitatis Status Bremensis, in ipso tractatu ad-
misit. Verum graviter tam Antecessores Nostros
Reges Sueciæ, quam Nos etiam ipsos, huc usque
afficit, quod cum palam & in communi quasi to-
tius Europæ conventu ad supra indigitatum mo-
dum,

dum, de Civitatis Bremensis statu ageretur, eodem tempore Lincii in Austria die 1. Jun. 1646. loco ab Ordinum Imperii Conventu in Westphalia longe remoto, clam Suecia ceu altera parte pacifcente (quippe coram cujus legatione, in tractatu nulla aperta mentio, nedum communicatio Decreti Linciani facta est) insciisque & inconsultis, præcipuis Interessatis, urbs in præjudicium Tractatus Westphalici impetraverit ab Imperatore Immediatæ Urbis Diploma, Serenissima Sueciæ Regina Christina producto longe post conclusam pacem, examinatoque dicto Diplomate curavit tam in Imperii Comitibus Ratisbonæ tunc habitis quam alibi passim per Imperium monstrari, prætensum civitatis immediatum statum neutro duorum actuum, sive Pacificationis Westphalicæ, sive Lincianæ sententiæ, ceu fundamento niti posse, non priori propterea, quod & Cæsareani Legati, Civitatem a Corpore Ducatus divellere, & liberum statum asserere conantes, ad Sueciæ Legationis fundatam oppositionem, coram universo Westphalico Conventu a prætensione sua abstinuerint & Bremenses videntes primam Imperialium Legatorum formulam de die 28. Apr. Anno 1646. pro obtinenda immedietate plane rejectam & consequenter desperantes, se per apertum & rectum tractatus cursum posse finem suum assequi, subdolis inque fraudem publici tractatus excogitatis artibus, ambitioni suæ velificari tentaverint. Quod enim posteriorem Lincianum actum attinet, inventum quidem, a parum consideratis Ministris posse videri, Bremensium largæ vanitati fovendæ, non item fi-

dei datæ, & paci perpetuum conservandæ, quid enim aliud designat Diploma illud meris refertum nullitatibus juris & facti? producitur in eo ultimus Archi-Episcopus modernus Rex Daniæ quasi reus & in contumaciam condemnatus, quum tamen nec Judicium illud, in hac causa cognoscenda competens, unquam agnoverit, nec tunc equidem illuc citatus; multo minus intentatæ actionis conscius, aut in ea auditus & defensus fuerit? His partim ex ipsius Serenissimi Regis Daniæ propriis literis ad Reginam Christinam exaratis, partim ex rei gestæ notorietate depromptis justis remonstrationibus nihil aliud tunc efficiebatur, quam quod Civitas Bremensis, urbibus Imperio immediate subditis, jam per Lincianum Diploma annumerata, tanto citius ad sessionem & votum in publicis Comitibus Anno 1653. admissa sit; dum hoc quantumvis grave & toleratu perquam difficile solius pacis tranquillitatisque publicæ amore & protestationibus nixa Suecia, hucusque perfert, alia adhuc longe graviora, ab illa ipsa Civitate Regibus Sueciæ, ratione Ducatus Bremensis impenderunt incommoda, scilicet sæpius nominati Bremenses, Imperiali illo favore novoque titulo audentiores facti non sufficere sibi existimabant, abnuisse Territorialem Ducis superioritatem & homagium illi præstari solitum, sed etiam in loca & Jura Ducatus, ad se non pertinentia, involare sustinuerunt: Cum Gubernator Noster in defensionem Ducatus se parasset, ultro armis & contributionum onere Ducatum lacescunt, & simul per imperium, qua voce, qua scriptis spargunt, injuriam sibi inferri, Civitatem

im.

impeti & quid non? Fit paulo post Stadæ ejus motus compositio anno 1654. cui tantisper stant, dum audendi moliendique aliquid contra Sueciam occasio sub Danico bello eorum judicio commoda emergit, deprecantibus eam temeritatem, condonavit parens Noster gloriosissimæ memoriæ. Quam primum fortuna iis videbatur mutari, maxime vero circa Parentis Nostri obitum, iterum ad ingenium suum, multo quam antea insolentiores redeunt? Singula contraventionum capita, quæ contra Instrumentum Pacis & Recessum Stadensem commissa sunt, enumerare vel ideo nunc supersedemus, quod publicato scripto, Majestati Vestræ jam diu exhibito, id fecerimus. Cum accepta Majestatis Vestræ investitura ex Jure Nobis competente Bremenses prævio contraventionum amicitabili examine, ad Homagii præstationem, a Regimine Nostro invitarentur, nihil non impedimenti objiciebant, quo neutrum effectui daretur, interea surgunt in Ducatus Nostri vicinia discordiæ, tam inter quosdam Imperii Cives, quam inter hos & externos adeo quidem, ut cum primis harum, jam in bellum erumpentium, causa, præcipuè in Imperio dignationis Principes, Nos de imminente tempestate communibus consiliis & viribus avertenda Amici monuerint; Cujus rei ergo, illic copias Nostras congregari fecimus, ibi tum Bremenses tot contraventionum & recusatæ insuper amicitabilis compositionis male sibi conscii apud Nostros urgent Colloquium, & sopiendarum controversiarum desiderium ostentant, Eos tamen nihil minus quam enatarum litium justam & tempestivam termina-

tionem intendisse, ostenderunt insequentes eorum tergiversationes & subterfugia malitiosæque artes, quibus Nostra Consilia, tam apud Majestatem Vestram & Imperii Ordines, quam alibi terrarum sinisterrime depingere ausi sunt. Quicquid Nos sive ut Regem Amicum & Vicinum, sive ut Imperii Principem ad conciliandam Nobis, apud Majestatem Vestram fidem, & intimiorem correspondentiam facere decuit, eorum nihil hactenus intermisimus: Id tamen nobis vehementer dolet, quod optimæ Nostræ intentioni & justis, quoad causam Bremensem remonstrationibus, is locus non sit relictus, quam hucusque obtinuerunt Bremensium commenta falsissima. Proxime præterito Anno per Imperium, hic bella cum exteris, alibi civilia suscipi & geri vidimus, urbes pace Westphalica comprehensas, & privilegio muniendi fortificandique fultas, contra dictam pacem in Majestatis Vestræ & totius Imperii conspectu, partim vi armata, partim spontanea conventionē occupari, & impositis præsidiis adhuc detineri; si pro talibus in tempore avertendis & justitiæ pacique conservandæ, per Majestatis Vestræ conservatoria, inhibitoria, & avocatoria Mandata, tanti motus animorum fuissent excitati, quanti contra Nos in sæpe dicta Causa Bremensi, esset, cur duriusculum hunc Majestatis Vestræ contra nos usurpatum procedendi modum patientius ferremus. Cum exercituum Nostrorum Campiductor, Generalis, Comes Carolus Gustavus Wrangelius, Bremenses non oppugnatione urbis, sed necessitate aliquali constringeret impulsuros eos ad æquam & maturam compositionem,

perin-

perinde contra Nos exciri debuit fere tota Germania ac si Christiani nominis hostis Turca exercitu suo Imperii fines irrumpere tentaret. Testes sint Electorum, & Principum Ministri, tum hic ad Aulam Nostram præsentés, tum qui componendæ illi liti adhibiti sunt: imo testis sit ipse eventus, Nos non alio fine Civitatem illam compressius aliquando strinxisse, quam ut ad æquas compositionis leges adduceretur. Controversias, quæ Nobis ceu Ducî Bremensi cum civitate intercedunt, jam dudum terminassemus, via vel amicabili vel juris; Verum Bremenses huc usque spreta amicabili ratione, Nos contraventionum & indignitatum fastidio, ad juris processum adigere conantur, ut sic, ut in controversia Principali ultimus Archi-Episcopus, ita nos in aliis ex principali magnam partem fluentibus litibus causa cadamus. Vix dum conclusa vel saltem non adhuc ratihabita erat Conventio Habenhusensis, cum eam atroci iterum facinore, si non totus Magistratus aperto aliquo mandato, latenter tamen ab aliquibus concitata & quasi furiis contra Nostros agitata plebs Bremensis fœdavit. Recens hoc & priora similis insolentiæ documenta docent, non licere Bremensibus, sive per imaginarium suum Statum, sive per populi genium, sive per aliorum instigationes, sive per omnia hæc simul concurrentia prius esse quietis, quam sæpe dicta controversia principalis, de Statu Civitatis rite & recte fuerit discussa & conclusa. Non possumus autem, quin coram Majestate Vestra fateamur, Nos dolenter & quidem gravissime ferre, quod cum post Lincianum Decretum in lucem productum, abunde

de ex parte Sueciæ demonstratum sit, dictam controversiam non inter Nos, ut Ducem Bremensem & Civitatem, sed inter Nos ut Regem & Majestatem Vestram ceu Imperatorem, quippe priorum & Principalium paciscentium legitimos utrinque successores verti, Majestas tamen Vestra in supra allegatis suis literis, eandem cum aliis controversiis, quæ Nobis ut Duci cum Civitate illa intercedunt, commiscere, & Nos quoad earum decisionem ad leges & vias easdem componendi, quæ in Imperio inter Ordines ejusdem observantur, remittere voluerit. Nos præventuri magnum hoc causæ Nostræ præjudicium, per Ablegatum nostrum Extraordinarium, Matthiam Balbicsky, Majestatem Vestram decenter requisivimus, ut quemadmodum Decretum Lincianum a solo Imperatore ad importunas Bremensium preces profectum, & consequenter insolentiæ Bremensium totque malorum unicus deprehenditur esse fons; Ita Majestas quoque Vestra exemplo prædecessorum suorum Caroli V. & Ferdinandi III. gloriosissimæ recordationis Decreto illo sublato, Civitatem ad debitam Nobis, ceu Duci, obdientiam præstandam, serio alligaret. Quando autem Majestati Vestræ placuit, dictum Nostrum desiderium Imperii Electoribus, Principibus & Statibus nunc Ratisbonæ congregatis, considerandum proponere: eam equidem de Majestatis Vestræ & Imperii Ordinum æquanimirate & justitia fovemus spem, fore, ut quam primum in hoc casu tenorem pacificationis Westphalicæ & acta eam concernentia, consequentiasque rei, a Bremensibus hucusque agitatæ acri Judicio penitus examina-

minaverint, actutum in commune consultum iri, ut vel Nobis debite satisfiat, & Decretum Lincianum cassetur, vel (quæ altera est Nostri desiderii pars) sæpe nominata controversia ab omnibus Principalibus compaciscentibus, quantocius perpendatur & terminetur? In disceptationem tum veniet, una conditionum Pacis diversis in Tractatu vicibus, singularique studio utrinque ventilata, & tandem claris verbis Instrumento Pacis inserta, cui partium justitia faveat, ipsi Autores & Statores optatæ illius pacis in colloquio amicabili facile invenerint. Etsi præter spem controversia illa modo jam nominato terminari nequeat, superest inter eos, qui potestatem summam obtinent, & nullum communem judicem habent, juris etiam via, utpote qua multi Reges & Principes moratioresque populi sæpe graves bellorum tempestates nunc imminentes vitarunt, nunc sævientes sedarunt. Non ignoramus esse quosdam in Imperio qui Majestati Vestræ suadent, Regibus fœderatis non esse permittendum, ut orta tali aliqua controversia, super conditionis alicujus genuino sensu suam de super mentem expromant: quare id suggerant facile est conjecturari, sed an rite & recte consulant, Majestati Vestræ & Imperii Proceribus, justitiæque amantibus expendendum relinquimus. Naturæ & Gentium jura publicaue utilitas repugnant talium consultorum sententiæ; Cum ergo postulat Nostrium, de instituendo inter partes Principales compaciscentes amicabili, super Statu Civitatis Bremensis colloquio, solam pacis conservationem sibi propositam habeat, & simul justitia & equi-

æquitate nitatur; irreligiosum fuerit dubitare; quin Majestas quoque Vestra & omnes alii, quorum interest, auditis & perpensis Nostreis rationibus permissuri sint, ut congressus omnium suffragiis, quantocyus constituatur. Sicut vero negotii approbati & promoti gloria Majestatem Vestram perpetuum manebit; ita Nos aliosque Interessatos sibi in similibus, ad paria studia & officia obstrictos habebit, ut & res tanto citius promoveatur, mandata dedimus Nostro, ratione Nostrorum in Germania Ducatum Ratisbonæ degenti Ablegato & Consiliario nobili Nobis sincere fideli, Georgio de Snoylski, ut cum has recte ad Majestatem Vestram perferendas, tum etiam benevolum & amicum ejus responsum ad Nostras has decenter rescribi curet.

Quibus Majestatem Vestram divinæ commendamus protectioni, prospera quævis Eidem ex animo apprecantes, dedimus in Arce Nostra Holmen-
si, die 20. Decembr. Anno 1666.

Nomine altissime memorata Sacra Regia Majestatis respectivè Filii Nostri charissimi, ut & Regis ac Domini Nostri Clementissimi

HEDWIG ELEONORA.

**L. P. de Linden, loco R. S.
Marſch.**

**Magnus Gabriel de laGardie,
R. S. Cancellarius.**

**Nicolaus Brahe, loco R. S.
Archithalaffi.**

**Gust. de Bonde, loco R. S. The-
saurarii.**

CCCCII.

CCCCII.

Litera JOHANNIS CASIMIRI, Regis Polonia, ad LEOPOLDUM, Romanorum Imperatorem, cui inopinatam Tartarorum in Poloniam irruptionem, & imminens eidem a parte Turcarum cruentissimi belli periculum exponit, & ab eo totiusque Germania Proceribus beneficium tanti oneris sublevamen sollicitè efflagitat, 1666.

Serenissime & Potentissime Princeps,
Domine Consanguinee, Frater & Ne-
pos noster charissime.

TRistis barbarorum perfidia iterum orditur scenam non Regno duntaxat Poloniæ, sed toti vicinæ, imo universæ Christianitati periculofam. Nuper Tartari, dum simulant se contra rebelles nostros progredi, datisque ad nos literis id ipsum sacrosanctè declarant, flagitantes, ut partem Exercitus nostri ipsis sociaremus, mox rupto per summum scelus sine ulla causa, fœdere, hunc ipsum florem militiæ nostræ amicitia securum, inopinato aggressi, oppresserunt, & exinde consueta pernecitate, potioem Rusiæ rubræ partem flamma & ferro deleverunt, innumeram multitudinem promiscui status & sexus in miseram adducendo servitutem.

Sed hæc Tartarorum insolentia intra remedium esset, ni altior nos afficeret cura, nempe Prodrorum esse belli Turcici, quod magnis totius vasti Imperii viribus contra nos apparatur, cui num tot bellorum calamitatibus fessa & lacera Polonia obniti possit, summæ Majestatis Vestræ prudentiæ consideran-

derandum offerimus, simulque rogamus, velit communis periculi rationes expendere, inhiat reliquæ Europæ hæc vorago. Exercuit per quinque lustra Venetæ Reipubl. vires, tentavit & Majestatis Vestræ nuper fortunam: Utrobique sentiens robur, transfert impetum, qua parte in seipsa debiliior Christianitas injuriæ patet, ut rupto hoc velut aggere Poloniæ totam inundet viciniam, eo præsertim tractu, ubi non fluviorum vel Montium, non passuum difficultatibus munitur, ita ut non tantum Poloniæ vim inferre, sed & Majestatis Vestræ ditio- nes a tergo petere videatur. Equidem non sine rubore nobis accidit, vel ipsum suppetiarum no- men Majestati Vestræ innuere, quas ipsi tot bellis ex- hausti & Tartarorum præsentissimis periculis obje- cti, per summam impossibilitatem non sine grandi dolore præstare nequimus; sed vincit necessitas ve- recundiam; Pietas Majestatis Vestræ & consuetus favor erga meritissimum de Christianitate & Au- gusta Domo Regnum refarciet erepta occasione ja- cturam, & a publico totius Christianitatis voto an- temurale hoc non finet benignitate Majestatis Ve- stræ stabilitam salutem suam Polonia iterum peri- clitari. Nos vero ne verbis sensum rebus in tam arctis exprimere posse videamur, solam cognatæ miserationis & communis sortis ac periculi re- miniscentiam in fraternum pectus deponimus, enixe precantes, ut & suo pte beneficio & aliorum Principum Imperii & Christianitatis concitamento pereunti amico regno subvenire velit. Designa- vimus ad Majestatem Vestram specialem Personam, ut hoc ipsum postulatum decenter & quam arden- tissi-

tissime exponat, sed festinantibus periculis cogimur, literario hoc praevenire officio, simulque rogare, ut quam primum Ministro in Aula Ottomanica residenti Majestas Vestra injungere velit, atque literis suis ad Portam instare, ut a bello contra nos inferendo desistat, Tartarosque ab inferendis Excursionibus coerceat, cum semper foedera inter Majores nostros & Portam Ottomanicam sancita religiose observaverimus. Quod geminatis votis expetendo Majestatem Vestram quam diutissime incolumem, una cum accessu omnigenae felicitatis animitus exoptamus. Data Warschaviae die 7. Januarii 1667.

Joannes Casimirus.

CCCCLIII.

Litera FRIDERICI WILHELMI, Electoris Brandenburgici, ad JOHANNEM CASIMIRUM, Poloniarum Regem, quibus se Reipublica Poloniae, si sola hostium moli sustinenda impar sit, auxilio spontaneo tempestive subventurum pollicetur, 1667.

EX literis Regiae Majestatis Vestrae septima praesentis Varfaviae datis pluribus intelleximus, quatenus Tartari cum Cosacis in Reipublicae praedictae se sociaverint, & quod graviora adhuc a Turcis immineant mala, ad quae avertenda Regia Majestas Vestra nostrum etiam expetit auxilium. Utique istam ex animo Reipublicae vicem dolemus, utpote quae domesticis longe agitata & concussa malis hostibus illis, qui olim amicitiam & societa-

tem ejus deprecari, quam arma experii malebant, jam quidvis in se audendi, occasionem ac licentiam præbet. Cæterum nondum plane persuadere nobis possumus, tam graviter Reipublicæ a præfatis hostibus metuendum esse, cum pro certo cognitum habeamus inter Cosacos & Tartaros taliter convenisse, ut illi in debita fide ac obedientia erga Regiam Majestatem Vestram constanter permanent, hi etiam illos a legitimo obsequio nullatenus abalienare vel avellere tentent, quod tanto quoque minus eos facturos credimus, cum nuper adhuc ad Regiam Majestatem Vestram literas plenas amicæ contestationis, & studiosissimæ erga fœdus juratum voluntatis dederint. Turcæ præterea pacem æternam cum Republica initam, quam hæcenus sancte coluerunt, haut temere violaturi videntur. Imo, quamvis etiam contra fidem datam hostilia moliri, & arma Reipublicæ inferre destinatum illis foret, non dubitamus adhuc tamen satis Reipublicæ ad resistendum superesse virium, dum modo Regia Majestas Vestra sic omnia domi componat, ut reducta & stabilita concordia cum Regni Proceribus, armis, animisque consociati, hostili audaciæ, cui fortuna nihil majus, quam Reipublicæ discordiam præsentare potest, fortiter obviam eatur. Quod si vero præter omnem spem ac votum adeo sit afflictæ Respublica, ut sustinendæ hostium moli sola non sufficiat, non intermitteremus eidem spontaneo tempestive subvenire auxilio, eoque ostendere factò, quod Regiæ Majestati Vestræ & Reip. constanter bene cupiamus, & publicam salutem privatis anteponamus commodis, speran-

sperantes Regiam Majestatem Vestram tanto magis curaturam, ut pacta cum eadem & Rep. inita, & Religione firmata in pleno suo robore atque vigore conserventur, & impleantur. Confidimus insuper, Regiam Majestatem Vestram operam daturam, ut commeatus copiis submittendis necessariis ac sufficiens destinatis in locis mature advehatur, ne forte ejus defectu solita eveniant incommoda, & ipso malo pejus accidat remedium. Quæ porro Regia Majestas Vestra de sollicitando apud circulos & Principes Imperii auxilio memorat, primo omnium apud Sacram Cæsaream Majestatem, ut negotium vel in comitiis præsentibus Ratisbonæ vel in circulis, quod deinceps omni conatu promoveri, & sic ea etiam ex parte Reipublicæ opem ferre studebimus. De cætero Divinam quoque opem in subsidium publicum invocamus, & Deum Optimum Maximum suppliciter veneramur; ut velut hætenus, ita & imposterum publicæ salutis Custos atque Vindex Reip. curam habere, eidemque concessam nuper pacem stabilire, ac conservare, pristinum etiam decus atque splendorem reddere clementissime velit. Quibus Sacram Regiam Majestatem Vestram quam diutissime salvam ac incolumem animatus optamus, & nos Regiæ benevolentia debita observantia commendamus. Coloniae ad Spream 14. Januarii 1667.

CCCCCLIV.

Litteræ CAROLI II. Magne Britannia Regis ad JOHANNEM GEORGIUM II. Electorem Saxonie, quibus ipsi auspiciata Novi anni initia ex animo gratulatur, 1667.

P. P.

NOvi anni fausta omina Nobis attulerunt Celsitudinis Vestræ Literæ decimo quarto Decembris die scriptæ, in quibus affectum plane antiquum & cum seculis etiam consenscentem inter Regiam Nostram & Electoralem Celsitudinis Vestræ Domum, cum voluptate perspicimus. Quod sinceræ amicitiae argumentum & exemplum a Celsitudine Vestra profectum parem in pectore Nostro caritatis ardorem excitare debuit, si non majorem ibi jam antea flagrantem invenisset. Pergat igitur Celsitudo Vestra per multos adhuc numerare annos, omnesque præteritis multo feliciores, ut Nos quoque Celsitudini Vestræ omnia bona non solum pro more, sed etiam ex animo vovendi occasionem quotannis habeamus. Quod reliquum est Deum optimum maximum precamur, ut Celsitudinem Vestram suamque Domum Electoralem novis quotidie prosperitatum incrementis augere velit, auctamque conservare. Dabantur in Palatio Nostro de Witehall 23. die Januarii 1667.

CCCCLV.

Litera recedentiales a JOHANNE GEORGIO II. Saxonum Electore, Stanislao Trzebichio, ad JOHANNEM CASIMIRUM, Poloniae Regem tradita, 1667.

Serenissime Rex.

Regia Vestra Serenitati salutem dicimus, & operam Nostram in omni officiorum genere paratissimam offerimus, Domine cognate charissime.

Dum

Dum in reddendo ad priores Regiæ Vestræ Serenitatis die 7. elapsi abhinc Mensis Januarii de perturbatis finium Vestrarum rebus, perscriptas ad Nos literas responso eramus occupati, exhibuit Nobis alteras Vestras in sui fidem generosus Stanislaus Trzebichi, Vexillifer Palatinatus Syradiensis, Camerarius & Colonellus Regius, & quæ de periclitantis Regni Statu in mandatis habuit dictis pariter & scriptis, quibus equidem oppido fidem adstruimus, uberius decenter exposuit. Quemadmodum igitur habita mutua illius perantiquæ Necessitudinis, non minus ac præsentis negotii ratione, prædicto ablegato, quæ Nostra erga Regiam Vestram Serenitatem Ejusque desideria voluntas sit atque studium, ore tenus juxta & calamo significavimus; ita nulli dubitamus, quin de omnibus ad eandem fideliter ipse sit relaturus. Quam de cætero bene valere, nec non glorioso victricium armorum cursu ad Regni sui Christianæque Reipublicæ statum pacificis rationibus salutariter firmandum cælitus uti, frui etiam atque etiam cupimus. Dabantur in Electorali Nostra, Dresdæ, Mense Februario 1667.

Johannes Georgius I I.
Electör.

CCCCCLVI.

*Literæ JOHANNIS CASIMIRI, Polonia
Regis ad CLEMENTEM Papam IX. quibus
ipfi, quantum Polonia a Turcis Tartarorumque*

Ff 3

collu-

colluvie metuendum sit, quantaque rei numaria & rerum gerendarum apparatus inopia prematur, exponit, ac ut eam subsidio numario sublevare haud gravetur, sollicitè ab eo contendit, 1667.

Post oscula pedum Sanctitatis Vestræ, meique ac Regnorum meorum humillimam commendationem. Alternas rerum vices, & tristia lætis misceri, si quæ terrarum ac Gentium quæpiam, Polonia certe mea experitur, quæ toties extremis casibus allisa, & jam conclamata iterum surgit, & per ipsas strages ac discrimina magis fortescit, duraturque. Quod nos singulari providentiæ supremi rerum arbitri, cujus nutu regna Regesq; stantque, caduntque, meritissime tota devotione adscribimus, neque dubitamus ferventem in istis oris Catholicæ religionis zelum, admirandam istam curam & protectionem divinæ manus demereri, sine qua nullatenus esset, ut humanis consiliis adeo frequenter res Polonæ arduæ & desperatæ parvo sæpe negotio, & modico intervallo sublevarentur. Nihil plane opportunius accidere potuit, quam Pax Moschovitica, seu induciæ verius, quæ ad tredecim annos cum firma spe tractandæ interim perpetuæ pacis, & cum reciproca ad præsens strictioris amicitiae obligatione, non infeliciter prout temporum præsentium ratio permittit, sancitæ, & juramenti Commissariorum ab utrinque corroboratæ sunt, provisum etiam Religionis Catholicæ exercitio in ditionibus Moscho ad tempus permissis, quod nos boni augurii ducimus, cum Gens ista in schismate pervicax & Catho-

Catholico nomini infensissima modo jam a nostris sacris non abhorrere incipit. Restat id mihi curandum, ut conjunctionem armorum adversus Turcas & prædones Tartaros ad minus defensivam cum Magno Duce Moscoviæ missa quam primum legatione paciscar. Cujus rei jacta sunt aliqua fundamenta per Commissarios meos, conclusio tamen ipsa ad conferendum per mutuas legationes est dilata. Erigor equidem in spem melioris fortunæ, & Deo auxiliante credo me validiorem fore ad reprimendum Turcicum bellum, non tamen sine gravi causa subvereor, ne ista Polono-Moschovitica pace magis Turca & Tartarus irritetur, ac graviori belli mole Poloniæ incumbat. Adveniunt undique Nuntii, Silistriam, Valachiam, Moldaviam, aliosque accolos populos strepere armis & minis contra Poloniam, ac licet robur ipsum Turcicum differri possit ad mensem Julium vel Augustum, præsentio tamen, quod Tartari hostilitatis Turcicæ Prodromi juncti Vallachis excursionibus Poloniam infestabunt. Camenecum fortissimum propugnaculum circumcingent, & fame urgebunt, exercitus meos more suo continuo læcessent & fatigabunt. Quorum omnium pro devotione mea Sanctitatem Vestram certiore facio, rogatam iterum ac iterum volens, ut subsidio notabili pecuniario me & Regnum meum fulcire non gravetur. Non desunt adhuc nobis arma & fortes viri militiæ prompti; sed rerum gerendarum, ac præsertim belli nervus pecunia deficit, cogitque magna necessitas, ut gratiam & liberalitatem Sanctitatis Vestræ pro

exercitu contra tam formidandum Christianitatis hostem sustentando advocem. Celebrabit eam clementiam Sanctitatis Vestræ ejusque inclytum nomen Christianus orbis; Polonia autem mea ream se accepti beneficii profitebitur. De reliquo Sanctitati Vestræ longissimum rei Christianæ Imperium ex animo voveo, ac me Regnumque & Dominia mea ejus gratiæ humillime commendo. Dabantur Varisaviæ 17. Februarii 1667. Anno Regnorum Poloniæ & Sveciæ 19.

CCCCLVII.

Litera CAROLI XI. Svecorum Regis, ad JOHANNEM GEORGIUM II. Saxonie Electorem, quibus ipsi de filii primogeniti auspiciatissime cum Principissa Dania, Anna Sophia, contracto matrimonio, candide gratulatur, 1667.

Permagno gaudio sumus affecti, cum literæ Celsitudinis Vestræ Electoralis Dresdæ die 8. Januarii scriptæ certiores Nos redderent, de feliciter solennique nuptiarum ritu Hafniæ inter Celsitudinis Vestræ Electoralis hæredem ac Principem unicū & Serenissimam Principem Regnorum Daniæ, Norwegiæque Hæreditariam Annam Sophiam, matrimonii fœdere consummato. Idem cum antiquus ille mutuæ benevolentiae Nos inter & Celsitudinem Vestram Electoralem affectus, tum vel maxime nova nuper sancita mutua conjunctio sibi deposcit, ut quæ prospera Celsitudini Vestræ Electorali eveniunt, eodem a Nobis lætitiæ sensu excipiantur, ac quæ Nobis ipsismet ex voto

voto succedunt. Gratulamur itaque Celsitudini Vestræ Electorali de fausto connubii hujus successu, quem, quod Nobis communicare voluerit, optimam Celsitudinis Vestræ Electoralis erga Nos voluntatem lubenter agnoscimus, simulque animus vovemus, ut & in contrahentium utriusque partis rei publicæ salutem cedat initum hoc conjugium, & ex eo Celsitudo Vestra Domusque Ejus Electoralis plurimos longa serie Nepotēs posterōsque videat, qui perantiquam & celeberrimam Celsissimæ Domus ac stirpis Electoralis gloriam in ultimos mundi annos perpetuent. Quibus Celsitudinem Vestram Electoralem divinæ protectioni serio commendamus. Dabantur in arce nostra Holmenſi die 20. Febr. 1667.

Nomine altissime memorata Sac. Reg. Majestatis respectivè Filii Nostri charissimi ut & Regis ac Domini Nostri clementissimi.

HEDWIG ELEONORA.

Regni Sveciæ Senatores.

CCCCLVIII.

Litteræ DOMINI GRAPHIARII Ordinum Federati Belgici, ad PETRUM JULIUM COYTETTUM, Legatum in Angliā Svecicum, quibus ipsi, quæ Ordinum federati Belgii circa pacem cum Magna Britannia Rege concludendam mens, Regi autem Christianissimo circa preliminaria ejusdem quantocyus determinanda qui zelus sit, brevibus exponit, 1667.

Ff 5

Illu-

Illustrissime Domine.

Literæ Excellentia Vestra die 4. Februarii Styl. vet. ad me datæ, summopere mihi gratæ fuerunt, cum ob singularem & indefessam diligentiam, quam Excellentia Vestra una cum Illustrissimo Legato Domino Flemmingo continenter exhibet in procurandisiis, quæ ad procurandam pacem pertinent, tum vero præcipue, quod Excellentia Vestra Serenissimum Magnæ Britannia Regem eo induxerit, ut Celsos ac Præpotentes Dominos Ordines Fœderati Belgii eo voluerit dignari honore, ut in illorum ditione tam salutares instituantur tractatus, Extraordinarius Delegatus Dominus Apelboom præterita septimana copiose procul dubio Excellentia Vestra exposuit rationes, quam ob rem Celsi & Præpotentes Domini Ordines, quamvis Hagam Comitibus huic negotiationi minime aptam existiment, debita nihilominus recognitione oblatum honorem agnoscant, maxime laboraturi apud fœderatos suos, ut illis quoque acceptum fiat, uti pacis tractatus in communi unitarum Provinciarum territorio instituantur Trajecti nempe ad Mosam aut Sylvæ Ducis aut etiam Bredæ, prout Regiæ Majestati suæ placuerit, quemadmodum Excellentia Vestra ex literis Celsorum & Præpotentium Dominorum Ordinum ad Serenissimum magnæ Britannia Regem colligere poterit: eadem simul occasione Excellentia Vestra respondere non potui, tum quod non præviderim illo, qui præcessit die, prædictæ Celsorum Dominorum Ordinum Epistolæ transmissionem poste-

ro die decretum iri, tum quoque quod post hoc decretum sero jam vespere etiam post discessum tabellarii in conventu Dominorum Ordinum Hollandiæ Westfrisiæque publicis negotiis detentus fuerim. Interea temporis certiores quoque facti sumus, quānam sit Serenissimi Regis Galliæ de tractatibus Pacis Hagæ instituendis sententia, qui quidem a sua quoque parte prævidens incommoda, quæ obvenire possunt, ut quam primum locus destinetur, etiam cum sui honoris & dignitatis Regiæ præjudicio ad id potius condescendit, quod Rex Magnæ Britanniæ cum dilatione pacis tam diu frustra urgere non desiit, quam ut præclarum & sanctum pacis opus, certissimis incommodis & periculis subjici pateretur: Quippe hesterno die Christianissima sua Majestas, tam per literas, quam per præsentem in hoc loco extraordinarium suum Legatum. Nobis significavit, sese, ut præveniantur incommoda & sinistri casus, quæ in hac pacis negotiatione, si ea hic institueretur, maxime timenda sunt, consensisse, ut pacis tractatus in terra hostili ad Dubrin, vulgo Douvres nuncupatam, nempe in Anglia instituantur; a Vestra itaque prudentia & pacifico animo expectamus, ut præliminaria isthæc tempestive & celeriter componantur, idque eo magis, quod hoc anni spatium longas deliberationes permittere non videatur, & quod Celsi & Præpotentes Domini Ordines aperte adeo declararint, sese a sua parte nullam habere difficultatem, quo minus vel Londinum, ad ipsam pacem in eundam suos mittant Legatos. Quod vero atti-

net

net propositionem a Vestra Excellentia factam, ut nempe ad præveniendam majorem Christiani sanguinis effusionem temporale & fiduciarium interim fiat armistitium, libenter equidem in eo postulatis Excellentię Vestrę vellem satisfacere, castiusque aliquantum sensus Dominorum Ordinum Generalium exponere, sed cum iste articulus unus sit ex illis, quos Provinciarum Ordines sibi solis reservarint, nec Deputatis suis in confesso Dominorum Ordinum Generalium, ad istiusmodi deliberationes incundas potestatem dederint, necesse est, ut in eo Ordinum Provincialium sententiam expectemus, quę ut acceleretur, imprimis curę erit. Interim una cum Excellentia Vestra in eo laborantes, ut fœderatorum hujus Reipublicę de hac ipsa re sententias quoque exploremus. Præterire denique hic non possum, quin Excellentię Vestrę hic significem voluptatem, quam percepi ex indicio facto mihi per Excellentiam Vestram de bona opinione, quam Magnę Britannię Rex de tenuitate meę habeat personę, existimans continuationem tanti favoris nulla ratione me promereri posse, quam diligenti studio & labore, quantum vires meę permittent ad curanda ea, quę ad hujusce rupturę medelam & ad instaurandam priscam amicitiam, inter Majestatem suam & Dominos Ordines eorumque fœderatos facere mihi videbuntur, certus publica patrię meę incrementa, quę ego semper privatis anteponom commodis, eo quam maxime promotum iri. Deum interim veneror, ut salutaria Excellentię Vestrę suppeditet remedia & consiliis ejus tempestivum ac felicem
lat-

largiatur successum. Hagæ Comitum die 4. Martii
Anno 1667.

Excellentiæ

ad quævis officia paratis-
simus

N. N.

CCCCLIX.

Litteræ LEGATORUM SVECICORUM, media-
torum vices obeuntium, ad CAROLUM II.
Magnæ Britannia Regem, quem Regem Christian-
issimum & Generales fœderati Belgii Ordines
quatuor loca habendis de pace tractatibus, libera
tamen penes ipsum optione relicta, designasse do-
cent, 1667.

Serenissime ac Potentissime Rex.

Non minus ad gloriam laudemque immorta-
lem Sacræ Regiæ Majestatis Vestræ, quam ad
eventum pulcherrimum valuisse censenda est illa
Majestatis Vestræ non ita pridem edita declaratio,
qua Pacis studiis tam faventem animum testata est,
ut non dubitaverit, instituendis tractatibus locum
eligere talem, quem crediderat iisdem accelera-
dis maxime fore commodum atque opportunum.
Etsi enim Celsi ac præpotentes Domini Ordines
fœderati Belgii arbitrati sunt, eum ipsum, quem
Majestas Vestra nominaverat locum Hagæ Comi-
tis adversus subita casuum, qui levi momento in-
cidere solent, quosque prospicere difficile sit, non
satis esse munitum & instructum, utpote non val-
lo, non mœnibus septum, ideoque alium potius
opta-

optarunt a Majestate Vestra, si ita placeret, in ipsorum territorio designari, qui omni periculi metu ob situm ac munimentum vacuus esset, ea-que excusatione res novis impedimentis atque difficultatibus implicari videbatur; Quis tamen dubitet, quin tot Christiani Orbis populis, desiderio pacis ac tædio bellorum jam pridem suspirantibus magno solatio fuerit tam conspicuum atque illustre documentum serix apud Majestatem Vestram ad pacem amplectendam voluntatis? Quæ & ipsa permovit Christianissimum Galliarum Regem, ut sua Regia Majestas ad mutuæ Civitatis vere Regium certamen properaverit, rataque omnem jam exemptam ac remotam competentix litem, nullo cum dignitatis suæ præjudicio fieri putavit, si Legatos suos ad Tractatus Pacis peragendos in ipsam Angliam mitteret, speciatimque ut hoc negotium Dubri susciperetur, semet desiderare significaret. Equidem antequam hæc altissime memorati Regis Galliarum ex quadam animi magnitudine profecta declaratio ad notitiam nostram pervenisset, injecta Nobis non intempestiva quædam sollicitudo fuit; quæ Nos a reddendis Majestati Vestræ Dominorum Ordinum Generalium uniti Belgii Literis aliquantisper retardaret, præsertim cum ad avertenda, quæ pacis negotio imminere videbantur, non spernenda discrimina magnopere pertineret; Dominos Ordines Generales in antecessum informare de Majestatis Vestræ sensu, qualis esse possit, si literæ istæ, Majestatis Vestræ expectationi non respondentes, redditæ & vestigio fuissent, rati melius & officio mediatorum

con-

convenientius esse, rem omnem servare integro, quam post vulneratam causam conatu difficillimo remedia quærere: Ea cum jam scripta a Nobis ad Regiæ Majestatis Sveciæ Ministrum & Ablegatum Extraordinarium Hagæ commorantem perque eum exposita Dominis Ordinibus Generalibus essent, interim ex improvise allata e Gallia Christianissimi Regis modo commemorata resolutio fuit, quæ huic negotio jam aliam induxit faciem, causasque istas bono quodam fato sustulit, quæ retinendis hæcenus Dominorum Ordinum Generalium literis ansam præbuerunt. Nihil enim superesse poterit ulterius difficultatis atque incertitudinis, posteaquam Majestati Vestræ liberrima potestas est facta eligendi aut Dubrin in Anglia, aut unum ex tribus istis oppidis in territorio Dominorum Ordinum Generalium sitis, nimirum Trajectum ad Mosam, Sylvam Ducis vel Bredam. Neque tantum ultro ac sponte sua dimittendis Dubrim Legatis prorsus ex inopinato altissime memoratus Galliarum Rex consilium cepit, ac propensam ad id voluntatem suam notam fieri curavit, sed & huic Christianissimi Regis declarationi ipsi Domini Ordines Generales quam promptissime assensum suum præbuerunt rursusque cum alio mox tabellario certiores facti sumus, pariter Majestatem suam approbare, quicquid a Dominis Ordinibus Generalibus responsum fuerat, de eligendo aliquando ad tractatus pacis instituendos in ipsorum territorio loco, ex tribus oppidis modo enumeratis, sic ut post mutuam comprobationem inter Galliam unitumque Belgium de sententiis utri-

utriusque primum seorsim declaratis factam, penes Majestatem Vestram libera ac non restricta sit optio e locis prædictis quatuor denominandi, quemcunque Majestas Vestra voluerit, in quem pariter Serenissimum Daniæ Regem consensurum reliqui fœderati neutiquam dubitant. His igitur perpensis non diutius cunctandum rati sumus, mutatoque consilio, quod initum a Nobis fuerat, antequam de ultimo Dominorum Ordinum Generalium literas easq; una cum memoriali Nostro, ea, qua par est, observantia Sacræ Regiæ Majestati Vestræ redderemus; Eandem decenter requirentes, ut Christiani Orbis desiderio Pacem ardentissimis votis expectantis, utque interpositioni atque mediationi Sacræ Regiæ Majestatis Sveciæ, Regis ac Domini Nostri Clementissimi id dare atque concedere velit, quo citra ulterius dispendium temporis, inter tanta momenta paci procurandæ ab ipso coelesti numine destinata ac indulta alioquin cum irreparabili Christianæ rei jactura frustra elabentis Majestas Vestra ad alterutram condescendat rationem a Gallia atque Belgio propositam & mutuo eorundem consensu approbatam, cum ad utramque gloriosus pateat accessus; sic ut prompto ac benevolo responso ad Literas Dominorum Ordinum Generalium eorundemque declarationem postmodum adjectam, mentique Christianissimi Galliarum Regis conformem hæc de præliminaribus quæstio tandem feliciter terminetur, & lætam aperiatur viam, ad ipsos tractatus Pacis inchoandos, quos si exitus pariter consequetur fortunatus, magna ex parte salutis suæ auctorem.

mentum pacisque recuperatæ incomparabile bonum ad laudem Sacræ Regiæ Majestatis Vestræ ejusque heroicam animi moderationem verissimis præconiis Christianus Orbis referet ac merito referre debet.

Majestati Vestræ

Dabantur Mense April. Anno

M.DC. LXVII.

Ad omnem cultum & officia paratissimi Servitores

Georgius Flemming.

Petrus Julius Coyer.

CCCCLX.

Littera JOHANNIS CASIMIRI, Poloniarum Regis, ad FRIDERICUM WILHELMUM, Electorem Brandenburgicum, retradenda Elbingæ & Præfectura Drahimensis ergo exarata, 1667.

Quæ Bydgoſtiæ inter nos & Serenitatem Vestrā pacta & juramenti confirmata fuerunt, ea Nos omnia (præter Elbingensis & Drahimensis summæ restitutionem ex causis rationalibus dilatam) prompte & benevole adimplevimus, nostrumque Regium affectum non ignotis orbī documentis plusquam abunde contestati sumus. Quod vero in traditione Elbingæ, & Drahimi, vel potius summarum non parī, statim promptitudine respondeamus, ea nobis taliter imputari non debent, quasi pactorum observationi minus a nobis tribuatur, sed cum a Serenitate Vestra non adimpletas aliquas eorundem pactorum le-

PARS II

Gg

gcs

ges quivis facile dijudicaverit, hoc agebamus primum cum Legato Serenitatis Vestrae in aula nostra residente, postmodum per Ablegatum Nostrum extraordinarium, ut super hisce intervenientibus oportuna tractatione, & decentibus officiis ultimarie componeremus. Aequo animo ferat Serenitas Vestra paucis memorari, Brunsbergam ultra, & præter pacta a Serenitatis Vestrae præsidio deletam, & gravibus contributionibus exhaustam fuisse, continuato aliquot annis bello Polono-Moschovitico, in quo juxta pactorum tenorem Serenitas Vestra arma & studia nempe ad expurgandam hoste Poloniam Nobiscum conjungere obligata erat, tali officio Serenitatem Vestram defuisse, novo postmodum exorto bello Cosatico debitas equitum & peditum suppetias, quæ sumptus nostros relevassent, & laborantem rem Polonam adjuvissent, non subministrasse. Exinde minus causæ habet Serenitas Vestra, quod frequentius expostulationibus existimationi nostræ onerosis utatur, quod aliquos quasi malevolos & affectibus suis obsequentes a justitia transversos in aula nostra, & gente Polona supponat, quod non oblatam, sed obtrusam a Nobis bene merito Senatori Præfecturam Drahimensensem, nosque Pactorum vel immemores Ananix & Saphyræ exemplis perstringat. Hisce talibus, aliisque diversis attentatis dignitatem & decus nostrum gravari, data hac literaria a Serenitate Vestra occasione, taciti præterire non possumus, conscientia nostra & judicio orbis freti, nos eximia, & seculo isti rara amoris & benevolentiae

no-

nostræ testimonia erga Serenitatem Vestram dedisse, ejusque commodo & utilitatibus ad summum promovendis reipsa favisse. Porro quod per Ablegatum nostrum nuper Serenitati Vestræ nomine nostro propositum est, idem nunc amanter repetimus & cupimus, ut Serenitas Vestra revocatis in memoriam tot officiis a Serenissimis Regibus Poloniæ, Majoribus nostris erga Majores suos atque a nobis ipsis nuper erga Serenitatem Vestram cumulatis, ea a nobis rigidius exigere desistat, quæ difficillimo isto tempore præstare non valemus, vel si postulatis nostris nullum locum relinquere, ac gratificationem suam penitus denegare collibuerit, ut compensatis, quæ superius attigimus, dispendiis nostris, in eum insuper modum nobiscum convenire velit, ut parte aliqua copiarum auxilium, quas nobis Serenitas Vestra ex pactis juratis submittere ad bella tenetur, eadem ac ejus posterius in perpetuum exsolvantur. Nos vero vicissim ab obligatione tradendæ Elbingæ & Drahimensis Præfecturæ, vel eorum potius loco numerandæ summæ conventæ liberemur. Tali ratione Serenitas Vestra propensi erga nos, Remque publicam Poloniam & pactorum integritati bonæque correspondentiæ consulenti animi reale documentum faciet, nosque porro arctius sibi domuique suæ Electorali obstrictura est. Interim Serenitati Vestræ longævam valetudinem & prosperos successus a Deo precamur. Dabantur Varisaviæ die 20. Apr. 1667.

Litteræ LUDOVICI XIV. Gallie & Navarra Regis, ad S. R. IMPERII ELECTORES, PRINCIPES & STATUS, quibus ipsis causas, quarum necessitate inductus Provincias Hispano-Belgicas armatus infederit, explicat, Sacrumque Rom Imperium pacis bonæque vicinitatis securum esse jubet, 1667.

**Charissimi & Magni Amici & Con-
fœderati.**

CUm justitia circa jura Reginæ Conjugis Nostræ Nostrique Filii Delphini satis diu satisque aperte Nobis denegata fuerit, ad quod tandem consilium & existimatio & rationis Nostræ Nos impulerint hisce literis significandum Vobis esse duximus; Et hac quidem de causa Plenipotentarius Noster de Gravell in Conciliis Imperii universalibus non solum scriptum, quod confici atque in lucem edi curavimus, & quo universæ Christianitati æquitatem causæ Nostræ reddidimus manifestam, sed etiam earum exemplar literarum Vobis exhibebit, quas ad sororem Nostram, Hispaniæ Reginam, die 8. hujus mensis dedimus. Quam validis quamque firmis nitatur fundamentis jus Nostrum ex illo facile cognoscere erit; Quanta autem animi Nostri fuerit moderatio & æquitas, ex hoc Vobis liquebit, quod sæva & inviolata pace, citra cupidinem ejus, quod Nostrum est, nihil aliud spectemus, quam ut Nosmet ipsos vel vi armorum Nostrorum vel æqua compositione vindicemus & tueamur. Neque dubi-

dubitemus pro æquanimitate Vestra, quin hanc Nostram mentem unicum illud medium arripienti, quod Nobis reliquum erat, ut quod justum & æquum est, & quod Nobis denegatum fuit, obtineremus, etiam atque etiam approbaturi sitis; interim hisce literis certiores Vos reddere volumus, quod si interesset armorum Nostrorum successus, ut vel partem occuparemus, iisdem omnino conditionibus dependentiis, oneribus & obligationibus tenere velimus, quibus Regnum Hispaniæ eas hucusque possedit, non secus qui id, quod compositione aliqua de memorata ditione in Nos transferri derivarique possit. Quapropter tantum de æquanimitate & fide Vestra in observandis tractatibus Westphalicis Nobis pollicemur, ut præterquam, quod declaratione hac facta, quod nullum unquam jus ad Sacrum Romanum Imperium pertinens usurpare cogitamus, nihil omnino sit, quod quidem appareat, in quo res Vestra vertatur, firmiter credamus, minime vos concessuros, ut tractatus tam solennes tamque constanter & religiose a Nobis observati hac occasione Nostro violentur cum præjudicio, & certe, ut antea memoratus noster Plenipotentarius Vobis ob oculos ponet, notorie violarentur, si copiis eorum Principum, quas contra Nos in Belgium mitterent (quod nisi ob rationes ab Imperio plane sejunctas & alienas facere non potuerunt) transitum concederetis, & sane, si Principes, quorum per ditiones dictis copiis iter faciendum esset, iis transitum concederent (quod Nobis persuadere non possumus) iidem principes exercitui Nostro, quem citra Monasteriensium tractatum

tuum contraventionem, vel cis vel trans Rhenum adhibere necessum haberemus, & quem Marchioni de Crequi in tres illos Episcopatus Metensem, Tullensem & Verodunensem, ubi subsistet, ducenda dedimus, ulla ratione transitum recusare etiam non possent; Interim ne qua hinc oriatur suspicio, hisce Vobis affirmare voluimus dictum exercitum non ulterius versus Germaniam progressurum, nisi in solo hoc casu, quo copiarum contra Nos inde venirent. Atque hisce Deum animitus precamur, ut Vos Charissimi & Magni Amici & Confœderati sancte & digne protegat. Dabantur in fano S. Germani, d. 13. Maji, Anno 1667.

Bonus Vester Amicus & Confœderatus

LUDOVICUS

De Lionne.

Inscriptio.

Charissimis Nostreis & Magnis Amicis & Confœderatis S. R. I. Electoribus, Principibus & Statibus Ratisbonæ congregatis.

CCC CLXII.

Litteræ MARIÆ ANNÆ, Regine Hispaniarum, ad LUDOVICUM XIV. Gallia & Navarra Regem, de motibus Gallo-Hispanicis amicabilis compositione sopiendis agentes, 1667.

P. P.

Archiepiscopus Ambrunensis, Legatus Vestræ Majestatis ad hanc Aulam, suas literas de 8. la-
ben-

bentis mihi tradidit, quibus liber quidam, & quoddam Memoriale suum cum ampla representatione ac recitatione rationum circa motum armorum suorum, ob jus, quod in Belgicas Provincias sibi competere prætendit, a Majestate Vestra allegatarum jungebantur. Hisque ut exacte satisfiat, dum manus admovetur, nolui responsum illarum, quamvis ob ejusmodi novitatem propositi, non parum attonita, diutius differre. Et quamvis Vestra Majestas satagat innuere, Reginam Christianissimam Sororem meam dilectam (quæ sit in gloria) Marchioni de la Fuente suas prætensiones aperuisse, cuius nec immemor sum, quod per literas certior me fecerit, tamen ego hunc discursum semper respexi, ad instar familiaris alicujus, & ex Confidentia profecti Colloquii, utpote nec in forma legati seu Ministri Vestræ Majestatis, & nec suo quidem regali nomine institutum, in cujus opinionis sinceritate eo magis fui confirmata, quod posteaquam præfato Marchioni, de omnibus, quæ in hanc rem dici poterant, succincte respondi, nulla ulterior instantia vel interpellatio facta fuerit, ita ut ex silentio, postquam Marchio abunde perceptus fuerat, aliud augurari vel persuadere mihi non potuerim, quam quod habita apud aulam Vestram de bono jure Regis filii mei informatione & perspecta bona, qua procedebam fide, de prosecutione harum prætensionum esset destitutum. Considerandum insuper, factam insinuationem formalitibus articulorum, pace Pyrenæa præscriptorum, per quos ad nullum rupturæ actum, absque prævia requisitione devenire licet, contrariam esse, cum

certum sit vigore art. 90. etiam renunciatione non interposita, prætensiones non armorum, sed amabili & justitiæ via esse intentandas: Et quoniam Majestas Vestra in præsens tempus viam amicabilem inire se paratam esse declarat, illi me haud gravate conformo, & ut jura hæc ad justitiam vel per media convenientia discutienda, mature examinentur, assentior, in quem finem & personæ & locus tractatibus proprius poterunt nominari, & sic ut partes interim ab omni facti & armorum via abstinere est necessarium, ita spem voveo, fore, ut Majestas Vestra in hoc condescendat, sin minus exoneratio meæ conscientiæ & Regale tutelæ Regis, Filii mei, officium me, ut iisdem pro defensione justitiæ causæ suæ insistam, viis & mediis obligabit. Datæ Madriti, 21. Maji, Anno 1667.

CCCCLXIII.

Litera JOHANNIS GEORGII II. Saxonia Electoris, ad LUDOVICUM XIV. Gallia Regem, quibus ab eo, ut cohibito armorum impetu, spatium controversias Hispano-Gallicas citra vim tollendi concedere haud gravetur, obnixè contendit, 1667.

Serenissime & Potentissime Rex.

*Regia Vestra Majestati salutem dicimus & operam nostram in omni officiorum genere paratissimam offerimus, Domine Consan-
guineæ Charissimo.*

Regia Majestatis Vestræ literas de sua in Belgicas Hispanicæ ditionis Provincias expeditione
die

die 13. Maji ad Nos datas assidens Aulæ Nostræ Regius Minister Chassanæus recte Nobis reddidit, simulque earum exemplum, quas Regia Vestra Majestas ad Serenissimam Hispaniæ Reginam jam antea dimiserat, una cum adjuncto libello, typis descripto, sedulo exhibuit, unde partim armorum Regionum ditioribus jam dictis illatorum causas fusius expositas perspeximus, partim eximium quoddam inter arma pacis servandæ studium abunde cognovimus. Equidem apud Majestatem Vestram dissimulare nolumus, non posse nos animo non gravius commoveri, cum inter duo amica Nobis eademque Potentissima Christiani Orbis Regna id dissidii exortum esse intelligimus, ut quæ non pacis tantum vinculo, sed & cognati sanguinis & affinitatis sanctissimis nexibus arcte adeo sunt devincta, ea funestis inter se armis jam collidi & conquassari prope sit necesse, simul & Nobiscum perpendimus, quantum hinc damnorum periculorumque non universæ duntaxat Europæ, sed vel imprimis Germaniæ huic Nostræ, utpote incendio proximæ, si ad bellum res devenerit, impendere videntur. Verum enim vero hæc sollicita cogitatione volventes illud vicissim solatur præcipue, quod Regia Majestas Vestra & literis suis & scriptis nuper editis nec proferendi Imperii licentiam, nec aliena invadendi cupidinem, belli sibi causam adsciscit, ut potius arma sua iis ubique finibus circumscribat, quibus palam fiat omnibus, haud alia utique mente a Majestate Vestra sumpta, quam ut æquis, si ferantur, Pacis legibus ea commutare haud recuset; egregio prorsus magni atque excellentis juxta &

moderati animi temperamento. Unde in spem ac fiduciam erigimur minime dubiam, Majestatem Vestram facile ab illa bonitate sibi propria atque innata animi generositate impetraturam, ut cohibito armorum impetu spatium concedere velit tantisper, dum de controversiis enatis citra vim & armorum strepitum mutuo tollendis commoda & idonea aliqua ratio ab amicis Principibus iniri quamprimum possit atque medium proponi: Quandoquidem haud est obscurum minime hinc abhorrere & alteram partem, & ab alia æquitatis atque concordie reducendæ occasione ac via neutiquam fore alienam. Id quod ab Regia Majestate Vestra tanto etiam magis expectari par est, quo pluribus illa ac manifestioribus documentis orbi jam pridem testatum fecit, quam sit ab omni bellandi sævitie atque humani sanguinis effusione animo ac cogitatione remota; quando, quæ aliâ libidine & cæca quadam ambitione inflammati bella sæpe non necessaria appetunt, ea Majestas Vestra, quanquam & non sine causis inita & gesta feliciter, tamen publicæ tranquillitati donare potius in hunc diem, quam exercere pertinacius ex moderatione sua semper duxit. Quapropter cum ita sit animata Regia Majestas Vestra, non est fortassis, quod pluribus ab ea laboremus hoc loco contendere, ut quantum omnino fert dignitas Ejus, quantumque communis utilitas postulat, paci ac saluti totius Europæ consulere gloriose velit, pergat detque hoc non magis bonorum omnium conceptæ de se existimationi gravissimæ, quam tot innocentium populorum, qui nunc belli imminentis mettr,

metu, parum abest, exanimantur, justissimis desideris ac votis: Sibi que certo persuadeat, nihil omnium rerum hoc quidem consilio, nec æquitate nec sapientia sua dignius, nec amplificandæ nominis Christianissimi gloriæ illustrius, nec ad Regni ipsius securitatem civiumque singulorum fortunas tutandas firmitus quicquam ac stabilius suscipi a se atque excogitari unquam posse. Porro autem Nosmet ipsi, quicquid ad obtinendum scopum adeo laudabilem ac salutarem, ab omnibus denique tantopere expetitur, vel Nostreis seorsim, vel junctis cum inclyto Sacri Romani Imperii Electorum senatu officiis atque consiliis eniti, elaborare atque efficere poterimus, id omne paratissimis animis eo a Nobis sedulo & pro virili collatum iri, pro constanti illo ac sincero, quo Majestatem Vestram observamus merito atque prosequimur, amicitia & necessitudinis cultu, serio in Nos recipimus atque pollicemur. Qui de cætero Regiam Majestatem Vestram felicissime usque valere ex animo precamur, atque iis florere successibus, quibus publico generis humani bono frui ac gloriari longum possit. Dabantur in Electorali Nostrea Dresda, die 31. Maji, 1667.

Johannes Georgius II.
Electoꝛ.

CCCCLXIV.

*Litteræ Fiduciariæ DUCUM BRUNSHIGO.
LUNEBURGENSIIUM, Francisco Ernesto a
Pla-*

Platen, Abligato suo, ad CAROLUM II. Hispaniarum Regem tradita, 1667.

*Serenissime ac Potentissime Rex, Domine Consanguinee plurimum
Colende.*

Quanto Regia Vestra Majestas Nos, Nostramque domum amplectatur favore, cum literis, tum ablegationibus suis non semel testatum fecit. Hinc cum arma contra provincias Circuli Burgundici movere necessarium duxerit, id ipsum quoque nobis significare, causasque ad bellum hoc suscipiendum impellentes aperire non dubitavit; Nos certe Regiam hanc benevolentiam grata semper mente agnoscimus, nihil magis in votis habentes, quam ut data qualibet occasione nostrum vicissim erga Regiam Majestatem Vestram impensum studium debita officiorum promptitudine contestari queamus. Cumque dicti in Belgio motus ita sint comparati, ut non solum tot laboribus partam inter duas istas Galliarum & Hispaniarum coronas concordiam (quam diuturnam semper precati sumus) non parum lædere, verum etiam longius præter opinionem serpere, & plurima toti Christiano orbi, cum primis vero vicinis creare incommoda queant, non possumus, quin subortum istud ex successione Burgundicæ dissidium per pacifica remedia quantocyus optima ratione terminatum cupiamus.

Qua-

Quapropter insigni freti fiducia, quam de Regiæ Majestatis Vestræ æquanimittate dudum conce-
pimus, virum Nobilem Franciscum Ernestum a Pla-
ten respectivè Consiliarium & fidelem nostrum ad
Eandem ablegavimus, Ea, qua par est observantia
petentes, ut Regia Majestas Vestra eundem coram
admissum clementer audire & responsione deside-
rata dignari velit. Id ipsum officiis nostris para-
tissimis demereri nullo non tempore obnixe stude-
bimus. Dabantur apud Acidulas Pyremontanas,
die XXVI. Junii, clō Ioc LXVII.

Regiæ Vestræ Majestatis

Consanguineus officiosissimus

Ernestus Augustus, Episcopus
Osnabrügensis, Dux Br. &
Lüneburgensis.

Consanguineus officiosissimus

Georg. Wilhelmus, Dux
Brunf. & Lüneburgensis.

Consanguineus officiosissimus

Rudolph. Augustus, Dux
Brunf. & Lüneburgensis.

CCCCLXV.

Litteræ JOHANNIS CASIMIRI, Polonia
Regis, ad Eminentissimum CARDINALEM
URSI.

URSINUM, quibus contra factum summi Pontificis, quo nominatum sum a Cardinalitia dignitate excluserat, solenniter protestatur, 1667.

**Johannes Casimirus, Dei Gratia Polonia-
rum Rex &c.**

Magno doloris sensu accepimus, promotione
nupera Cardinalium Regiam nominationem
Nostram postpositam esse, planeque ad cumulum
malorum, quibus a Christiani nominis hostibus nos,
Regnumq; Nostrum affligimur, accessisse, ut etiam
hoc rerum statu a summo Pontifice indigne habe-
remur. Auget dolorem Nostrum ultra præcipi-
tem & abruptam novo exemplo nominati Nostri
exclusionem, quod Curienſium sermonibus jactari
audiamus: Regibus Polonis Jus nominandi ad
Cardinalatum non antiquitus competere, sed re-
center quæsitum, neque in uno pontificatu bis u-
surpari debere, atque ut nominetur nuntius Papæ,
aut aliquis destinatus a Pontifice hic & non alius,
necessitate quadam Reges Poloniæ obligari. De
antiquitate Juris non est, quod nimis certemus, cum
enim sensim & recentius excreverit Cardinalitia di-
gnitas, minor forte olim cura fuit Regibus, æque
Polonis, ac aliis, eorum promotionibus partes suas
commodandi: cæterum antiqua Majestate & ma-
gnitudine Imperii (ut merita resque pro Religione
Catholica præclare gestas verbis non extollamus)
pares omnibus Regibus Reges Poloniæ fuerunt,
nec veneratio eorum erga sedem Apostolicam sin-
cera & religiose demissa, illis præjudicio, ac noxæ
pri-

priscis Pontificum temporibus vertebat. Quod si novum jus in dubium vocetur, proclive est deducere aliqua jura a Pontificibus Romanis in Regno Nostro noviter quæsitæ, & indulgenti Regum majorum Nostrorum pietate ad summum provecta esse, quorum tamen usui nihil detrahimus, nec sanctius hæcenus quidquam habuimus, quam pro asseveranda autoritate Pontificia, & propuganda Ecclesia Romana, non curam duntaxat & opes, sed vitam ipsam devovere. An vero semel tantum in uno Pontificatu nominare ad Cardinalitiam dignitatem debeamus, exemplis aliorum Regum dicendum permittimus, cum neque plus nec juris & autoritatis, quam alii Reges postulamus. Restringeri vero nominationem Nostram ad Nuntios Apostolicos, vel ad personas a Pontifice designatas, quid dignitatis Nobis afferat? cum vel ipsa moderna promotione Cardinalium in aperto sit Nuntios motu proprio Pontificio promoveri, alios Cardinales nominatione Regum seorsive creari, imo antea actis temporibus responsum fuit, Nuntios a Regibus Poloniæ nominari non debere, qui ex meritis suis solo beneplacito Pontificio provehantur. Cæterum ne tolerantia, ut solet, nobis derogemus, neve id exemplum contra Nos, & successores Reges Poloniæ valescat, palam testamur, & testatum nomine Nostro ab Illustritate Vestra cupimus, Nos injuriæ ducere Suam Sanctitatem re Nobiscum non tractata, nedum composita nominatum Nostrum exclusisse, & quo gravius in conspectu Orbis dignitas Nostra, ac gentis Poloniæ minueretur, locum & modum reparandæ injuriæ ne
reli-

reliquisse. Æquo exinde animo ferat Sua Sanctitas, si dissimulare gravem dolorem Nostrum non poterimus. Sensum vix reparabilis læsionis Nostræ quacunque ratione palam orbi facturi. De reliquo Illustritati Vestræ bonam valetudinem & felicitatem a Deo precamur. Dabantur Cracoviæ, die 20. Julii, Anno 1667.

CCCC LXVI.

Litera JOHANNIS GEORGII II. Saxonie Electoris, ad DOMINUM COLBERTUM, Præmarium Aula Gallicana Ministrum, cui Legatos suos ad Regem Christianissimum missos eorumque negotia commendat, 1667.

P. P.

NUllum quidem Nobis dubium est, quin quo firmus erga Regiam suam Majestatem animo, quoque studio ac cultu Eandem serio prosequamur, ex Regii in Aula Nostra Ministri, Viri Nobilis & eximii singulariter Nobis dilecti, Domini de Chassan, fidei relatione in Aula Regia abunde constet, Nostri tamen officii esse statuimus, hac de re per præsentium exhibitores Generosos & Nobiles, Cubicularios Nostros dilectos Nobis ac fideles, Dominum Johannem Fridericum Liberum Baronem a Burckersroda, Consiliarium Intimum & Cameræ Nostræ Præsidentem, nec non Christianum Ernestum Kanne, Consiliarium, Aulae Nostræ Mareschallum, Colonellum & Capitaneum aliquot Præfecturarum uberius docere. Qui & Verbis Nostris ostendent, quanti Amicitiae benevolentiaeque Regiae honorem faciamus, & mandata insuper ipsis injuncta

cta Regiæ Sux Majestati decenter exponent. Qua in causa Excellentiam Vestram, ut dictos Consiliarios nostros humaniter complecti, ipsumq; negotium favore suo, pro ea, qua merito pollet, plurimum gratia & autoritate prosequi ac promovere velit, majorem in modum rogamus. Perquam gratum id Nobis fuisse, Excellentia Vestra data occasione ipso opere experietur. Quam divinæ interim protectioni benevole commendamus. Dabantur Freibergæ die 6. Augusti 1667.

Nota. Ejusdem cum presentibus argumenti in simili occasione data quoque fuisse ad Dominos LION-NAEUM & TURENNIUM.

CCCCXLVII.

Litteræ a S. R. IMPER. ELECTORUM ET PRINCIPUM LEGATIS, ad MARIAM ANNAM, Hispaniarum Reginam, a qua ferventes inter Gallia Hispaniaque Regna belli motus amicabile transactione ut componi gratiose permittat, officiose contendunt, 1667.

Serenissima ac Potentissima Regina.

Non sine magno animi mœrore accepimus oborta non ita pridem inter Regiam Majestatem Vestram Regemque Christianissimum disidia eo erupisse, ut jam tum Provinciæ Belgicæ aperto bello accensæ, cum irreparabili Sanguinis Christiani, fortunarumque jactura vix non conflagent. Judicabit facile Majestas Vestra, quæ quantave Nos subeat doloris molestia, dum vicinos Reges tam ar-

PARS II.

Hh

cto

cto sanguinis nexu conjunctos hostilibus invicem armis, collidi, quin & propinquas regiones iisdem fluctibus, nisi propitius Deus avertat, involvi, atque adeo Christiani Orbis quietem periclitari videmus. Non est Nobis in animo inter utramque Majestatem Regiam in causæ arbitrium Nos ultro ingerere, vel modum agendarum rerum Majestati Vestræ præfinire: Verum prout merito S. R. Imperii Electores, Principesque ac cumprimis viciniore ea tangit cura, quo exorti jam motus tempestive componantur, adeoque orbis Christiani incendium & innocui sanguinis profusio avertatur, ita & muneri Nostro plane convenire credimus, ut sincero & a partium studiis libero affectu, ad conciliandam pacem, officiorum Nostrorum promptitudinem offeramus; Neque enim Nos latet ea, quæ Regiæ Majestatis Vestræ nomen & gloriam illustrat & auget, æquanimitas, publicæque tranquillitatis cura, eamque Ipsi cum studio & exemplo semper animi magnitudinem juxta ac moderationem fuisse meminimus, ut ambigere alienum sit, quin Majestas Vestra etiamnum paci bellum præferre sibi inglorium ducat, ideoque sane non possumus non optime sperare, quin Majestas Vestra sopiendis hisce dissidiis prævertendisque gravioribus tempestatibus suavia atque opportuna applicare media quam bellum bello trahere & incertis eventibus causam & gloriam Regiam committere malit, quippe qui Majestati Vestræ amicam compositionem jam ante non ingratam esse tum ex literis ejusdem ad Regem Christianissimum 21. Maji die datis, tum ex declaratione Domini Marchionis de Castell

Castel Rodrigo nobis persuademus, ac vicissim alte memoratum Regem Christianissimum, ubi hoc itidem Majestati Vestræ placuerit, ad ineundos in loco aliquo vicino neutrarum partium, utpote Coloniae vel Leodii tractatus pronum esse percipimus. Obtestamur itaque Majestatem Vestram enixe, ut Regii animi magnitudinem, ex innato mansuetudinis moderamine ad restaurandam pacem concordiamque inclinare, eumque in finem compositioni amicabili deferre, nec non locum & tempus tractatibus suscipiendis quam primum designare velit, quo toti Orbi manifestum fiat, veram sinceramque Regiæ Majestati Vestræ mentem semper fuisse, ut eo potius modo, quam bello, nupera utrinque reflorescat amicitia, & Provinciæ Belgicæ, tot jam cladibus afflictæ, tranquillitati pristinae restituantur. Nos interea, qui fidem & sinceritatem ad tam salutare negotium pollicemur integerrimum, confidimus simul officia hæc Nostra pacifica tum ad concordiam, tum ad prosperrimos rerum successus & Regnorum tranquillitatem Regiæ Majestati Vestræ non obfutura, quem in finem vota pariter Nostra ad supremum numen animitus effundimus. Dabatur - - - die 16. Septemb. 1667.

Regiæ Majestatis Vestræ

Observantissimi & devotissimi

N. N.

CCCCLIIX.

*Litteræ ejusdem cum præinsertis argumenti, a SAC.
ROM. IMPERII ELECTORUM ET
Hh 2 PRIN-*

*PRINCIPUM LEGATIS, ad LUDOVICUM
XIV. Gallia & Navarra Regem exarata, 1667.*

Serenissime ac Potentissime Rex.

Non sine magno animi moerore accepimus, Noborta non ita pridem inter Regiam Majestatem Vestram Regemque Catholicum dissidia coerupisse, ut jam tum Provinciæ Belgicæ aperto bello accensæ cum irreparabili Sanguinis Christiani fortunarumque jactura vix non conflagrent: Judicabit facile Majestas Vestra, quæ quantave nos subeat doloris molestia, dum vicinos Reges tam arcto sanguinis nexu conjunctos hostilibus invicem armis collidi, quia & propinquas Regiones iisdem fluctibus, nisi propitius Deus avertat, involvi, atque adeo Christiani orbis quietem periclitari videmus: Non est nobis in animo, inter utramque Majestatem Regiam in causæ arbitrium nos ultro ingerere, vel modum agendarum rerum Majestati Vestræ præfinire: Verum prout merito Sacri Rom. Imp. Electores Principesque, ac cumpromis viciniore ea tangit cura, quo exorti jam motus tempestive componantur, adeoque orbis Christiani incendium, & innoqui sanguinis profusio avertatur, ita & muneri nostro plane convenire credimus, ut sincero & a partium studiis libero affectu ad conciliandam pacem officiorum nostrorum promptitudinem offeramus; Neque enim nos latet ea, quæ Regiæ Majestatis Vestræ nomen & gloriam illustrat & auget æquanimis publicæque tranquillitatis cura eamque ipsi cum studio & exemplo semper animi magnitudinem juxta ac mode-

de-

derationem fuisse meminimus, ut ambigere alienum sit, quin Majestas Vestra etiamnum Paci bellum præferre sibi inglorium ducat, ideoque sane non possumus non optime sperare, quin Majestas Vestra sopiendis hisce dissidiis prævertendisque gravioribus tempestatibus suavia atque opportuna applicare media, quam bello bellum trahere, & incertis eventibus causam & gloriam Regiam committere malit; Quippe qui Majestatem Vestram ubi hoc Regiæ Catholicæ placuerit, ad ineundos in loco aliquo vicino neutrarum partium, utpote Coloniae vel Leodii tractatus pronam esse percepimus, ac vicissim alte memoratæ Regiæ Catholicæ amicam compositionem non ingratam esse, tum ex literis ejusdem ad Regiam Majestatem Vestram 21. Maji proxime elapsi datis, tum ex declaratione Domini Marchionis de Castel Rodrigo nobis persuademus; Obtestamur itaque Majestatem Vestram enixe, ut regii animi magnitudinem ex innato mansuetudinis moderamine ad restaurandam pacem concordiamque inclinare, eumque in finem compositioni amicabili deferre, nec non tempus & locum tractatibus suscipiendis quamprimum designare, eoque legatos sufficienti mandato instructos mittere velit, quo toti orbi manifestum fiat, veram sinceramque Regiæ Majestatis Vestræ mentem semper fuisse, ut eo potius modo, quam bello nupera utrinque reflorescat amicitia, & Provinciæ Belgicæ tot jam cladibus afflictæ, tranquillitati pristinae restituantur; Nos interea, qui fidem & sinceritatem ad tam salutare negotium pollicemur integerrimam, confidimus simul, officia hæc nostra

pacifica tum ad concordiam tum ad prosperissimos rerum successus & regnorum tranquillitatem Regiæ Majestati Vestræ non obfutura, quem in finem vota pariter nostra ad supremum Numen animitus effundimus. Dedimus 5. Octobr. 1667.

CCCCLXIX.

Litteræ CAROLI II. Hispaniarum Regis nomine ad S. R. IMPERII, ELECTORES, PRINCIPES ET STATUS data, quibus, ut a Sac. Rom. Imperio Circuli Burgundici defensio suscipiatur, sollicitè rogatur, 1667.

Magnificis, Nobilibus & Dilectis Deputatis & Legatis Electorum, Principum ac Statuum S. R. Imperii in Comitibus Ratisbonensibus congregatis.

Carolus, Dei gratia Rex Hispaniarum, utriusque Sicilia, Jerusalem &c. & Regina Domina Maria Anna ab Austria ipsius mater, tanquam ejus Tutrix, Curatrix & Gubernatrix dictorum Regnorum & Ditionum.

Cum mei Status Provinciarum Belgicarum comprehendantur in circulo Burgundico, qui declaratus est, (ut scitis) circulus Imperii ac illius membrum & in ultima Diæta isthic celebrata Anno 1664. illo titulo ad bellum Turcicum accurrit, cum debitis omnibus pro sua parte copiis auxiliariis manifestè apparet obligatio, quæ idem Imperium adstringit ad suscipiendam ejusdem Circuli defensionem, contra invasionem Regis Christianissimi.

nissimi, qui pacis articulis anno præterito 1660. cum solenni adeo stipulatione inter Hispaniæ Galliaque Coronas conventis contraveniens, supra dictos Status cum suis Exercitibus potenter invasit. Ad quod tanti momenti negotium sua cura & sollicitudine bene disponendum, ad isthæc imperialia Comitia ablegavit, meo jussu Marchio de Castel Rodrigo Belgii Gubernator & Capitaneus Generalis Abbatem de la Belle vallee, majorem Decanum Bisantinum & Consiliarium Philippi, qui est item Consiliarius in Burgundiæ Parlamento. Et quamvis non dubitarem, quin mediantibus illorum officiis ac instantiis, quas interposuerunt apud Dominationes Vestras, & concurrentibus plurimis rationibus, quibus moveri debet Imperium ad sumendas celeres & efficaces illas resolutiones, quas adeo convenit suscipere, ad securitatem ac defensionem sui Circuli tam principalis multum jam promota sit hæc materia, tamen ego quoque volui ad majorem animi mei expressionem hac occasione scribere ad Dominationes Vestras & illis exponere justam spem ac fiduciam, quam habeo, fore ut vestram autoritatem & zelum adhibeatis, ad promovendum commune Sacri Romani Imperii bonum disponendo ac decernendo, cum brevitate urgentibus rerum angustiis convenienti, auxilia necessitati præsentis correspondentia, ut liberari queat Circulus Burgundicus magnis illis calamitatibus, quas adeo injuste experitur. Equidem id spero a Vestris Dominationibus illarumque solertia, cujus rei nunquam obliviscar, nullam de cætero præter-

ter missurus occasionem significandæ meæ erga
vos gratitudinis. Sign. Madridi 24. Octobr. 1667.

Jo la Reyne

& inferius

Petro Fernandes del Campo.

J. Angelo.

CCCCLXX.

*Littera JOHANNIS CASIMIRI, Poloniae
Regis, ad EPISCOPUM CRACOVIE-
NSEM, cui, quod sibi per gravissimas rationes, ad
secundas, veluti ipse suaserat, transire nuptias non
sit licitum, candide exponit, 1667.*

Joannes Casimirus, Dei Gratia Rex

Poloniæ &c. &c.

Reverende in Christo Pater, Sincere Nobis

Dilecte.

Accepimus Literas Sinceritatis Vestræ die 6.
Novembris datas, ad quas citius respondere,
propter discessum hinc nostrum, non potuimus.
Videmus in illis candidam Sinceritatis Vestræ erga
Nos benevolentiam, nec dubitamus eandem fide-
liter Nobis suadere novum matrimonium, licet il-
lud ipsa ejuravit, cum existimet id Nobis & domi-
niis Nostris expedire. Sed sicut Sinceritati Vestræ
integrum est & sensu suo abundare, & nobis con-
siliium ex animi sententia porrigere: Ita Nobis vi-
cissim, imo magis convenit & opus est considerare
& concludere hoc, quod reliquum vitæ nostræ vel
quietum vel difficile & turbidum reddere queat.

Verum

Verum omnino est, Deum olim dixisse: Non est bonum, hominem esse solum. Sed tunc temporis id dixit, cum homo revera solus esset & unicus incola mundi, nec ullus alius propagandi genus humanum extra novam creationem daretur modus. Alioqui si hoc semper valeret, necesse Sinceritas Vestra haberet damnare statum Virginitatis, perfectionem Anachoretarum & dignitatem Presbyteratus: quorum omnium hæc est perfectio esse solum, id est, esse in societate hominum sine affectibus, quorum communionem vincula matrimonialia necessario habere debent. Puto non esse ad id operose respondendum Sinceritati Vestræ, quod hæc Viduitas nobis in persona nostra noceat. Nam sicut quisque sua commoda optime considerat & curat, & contra vitat incommoda, ita bono jure & ex æquitate meremur apud Sinceritatem Vestram & totum orbem judicium tale, ut fateamur Nos in matrimonio nullam pro nobis delectationem inventuros, cum in illud ex firmissimis rationibus animo inclinati non simus. Novimus bene & Regem Jagellonem post septuagesimum & Masinissam post octogesimum annum & homines primavos ante diluvium post aliquot centurias annorum exactas generationi operam dedisse. Sed ut argumentum hoc nos convincat, opus est deducere, eosdem illos homines illa sua ætate tam caduca valetudine iisdemque morbis, qui Nos prægravant, fuisse obnoxios. Explicuimus hæc diserte Sinceritati Vestræ in privatis nostris colloquiis, & potest Sinceritas Vestra certo persuasa esse, nihil ex illo tempore in Nostro corpore vel animo mutatum esse.

esse. Quod vero ad id quod extra nos est, attinet, non putamus quemquam extraneorum Principum adeo de nobis bene meritum esse, ut velimus opinionem vel usibus ejus vita nostra & votis ac commodis propriis litare. Nectant sane illi prout libet vincula & fœdera super excessu nostro: provideat Respublica de cujus corio luditur, qua ratione his molitionibus occurrendum sit. Nos enim non possumus coercere ambitum alienum, qui demum post fata nostra protenditur. Sufficit nobis Rempublicam de omnibus admonuisse. Et si vero Deus nos filio bearet, non posset in tenera ætate & forte minus tunc temporis erga se inclinata animo Respublica resistere prætensioni externorum. Ac proinde iterato matrimonio nec negotia Reipubl. difficultatibus expediremus & propriam prolem contentui exponeremus, ac in æternam miseriam conjiceremus. Econtrario non videmus ulla ratione conjugium nostrum internas similitudines & discordias in Polonia compositurum. Imo vero sicut hæcceptæ sunt, priusquam nos in statu reiterandi matrimonii essemus, ita possent insigniter augeri, si animum ad secundas nuptias appelleremus. Certum enim est, Nos nequaquam passuros esse, ut nobis liberum eligendæ uxoris adimatur arbitrium. Ita fieri posset, ut talem comparem nobis sociaremus, quæ per omnia votis omnium non satis faceret, quæ majora dissidia secum ferret, quin & ipsi Sinceritati Vestræ moderni consilii poenitentiam, si alia foret, quam quæ nobis est in corde Sinceritatis Vestræ destinata. Consideret præterea Sinceritas Vestra nuptiales paratus cum magnis sumti-

sumptibus conjunctos futuros. Nos autem paternis, fraternis & nostris propriis debitis premi, & Rempublicam nolle nobis nostras proprias impensas refundere, adeoque nullam spem concipi posse, fore ut illa Nobis in hac re auxilietur. Denique ipsa pactio matrimonialis & sanctio de tam gravi negotio multas secum ab utraque parte traheret difficultates. Expendat præterea Sinceritas Vestra omnia argumenta scripto, cujus Eadem mentionem fecit expressa, & videbit ea directe ad præsentem casum & personam nostram esse reflexa. Velit itaque Sinceritas Vestra de nobis esse persuasa, Nos nequaquam, ut Nobis conjugium binis vicibus persuadeatur, passuros fuisse, si videremus, & arbitraremur id Nobis & Reipubl. expedire. Cum igitur firmam animi nostri sententiam Sinceritas Vestra habeat sibi perspectam, velit aliunde Reipubl. consulere. Quod reliquum est bonam valetudinem Ipsi animitus precamur. Dab. Var. savizæ d. 22. Nov. 1667.

CCCCLXXI.

Litteræ JOHANNIS GEORGII II. Electoris Saxonia, ad LUDOVICUM XIV. Gallie & Navarra Regem, quibus ipsi pollicetur, se semper sua ex parte eo collaboraturum, quominus aliquid Pacis Westphalicae articulis aut fœderi se & ipsum inter inito contrarium committatur, 1667.

P. P.

Sicut hoc unice maxime desideravimus hætenus, Sicut Nostrum erga Regiam Vestram Majestatem studium ac cultum reapse demonstrare possemus, ita

ita insigni Nobis & gaudio & voluptati fuit ex Regiæ Majestatis Vestræ Literis die 5. Mensis proxime præteriti Versaliæ datis percipere, quod ipsi præcedentes Nostræ non ingrata fuerint, ac simul pro suo in Nos benevolo animo placuerit tam abunde & tam prolixè generosam & vere Regiam mentem de rebus ad pacem & incolumitatem publicam spectantibus Nobis explicare, imò desuper de quibusdam separatim negotiis Nobis utique peracceptis Generosum & Nobilem Dominum de Chassan instruere, qui secundum suam consuetam dexteritatem omni ex parte Nostræ de Regia Vestræ Majestate conceptæ spei & fiduciæ satisfecit adeo, ut non vulgares Regiæ Majestati Vestræ debeamus gratias, sedulo operam daturi, ne unquam suis commodis deesse videamur, ad quod Nos tum necessitudinis vinculum, tum arcti Nostri fœderis nexus & tot sua beneficia non immerito obstringunt & impellunt. Non sine magna quoque animi consolatione cognovimus, quod Regiæ Vestræ Majestati collibuerit de officiis Nostri, quæ ad componendas de Circulo Burgundico enatas controversias tendunt, tam benevole & præclare sentire & Nobis super hac re suum servandæ pacis studium sincere exponere; enixe igitur collaboraturi sumus, ut Vestra Majestas re & facto depreheridat, Nobis nihil esse antiquius & prius, quam ea, quæ in præcedentibus Nostri Literis die 27. Septembris hujus anni exaratis de fœdere Nostro serio tuendo promissimus, in effectum deducere, ac contra pacificationem Westphalicam Bello in Belgio jam vertenti Nos haud immiscere, nec in ullum

ullum Tractatum, qui Vestræ Majestati suspectus esse possit, unquam consensuros, neque consensisse, prout Ipsi, quæ de hoc constanti Nostro proposito contestati sumus, prænominatus Dominus de Chassan fufius referre poterit. Cæterum Regiam Vestram Majestatem feliciffime valere & semper bono totius Christianitatis prosperis florere successibus precamur. Dabantur Dresdæ die 9. Decembr. 1667.

CCCCLXXII.

Litera JOHANNIS CASIMIRI, Poloniae Regis, ad LUDOVICUM XIV. Galliae & Navarra Regem, cui factas Polonos & Moscovitas inter ad tredecim annorum spatium inducias patulumque contra Turcas, a quibus Poloniae ingens bellipericulum immineret, fœdus esse, amice refert, 1667.

PRO devoto propinqui sanguinis, & bonæ correspondentiæ, ac strictioris amicitiae nos inter atque Majestatem Vestram nexu certiore eandem reddimus, pacem Polono-Moscoviticam, seu potius inducias ad tredecim annorum decursum feliciter, prout temporum præsentium ratio fert, compositas & conclusas, atque conjunctionem armorum contra Turcas, Tartaros, & rebelles Cosacos sancitam, juramento per Commissarios nostros & Moschoviticos corroboratam esse, & minime dubitamus, tum id Nuntium a Majestate Vestra consanguineo & conjunctissimo Principe prona aure & fraterno affectu acceptum iri. Cujus Christianissimo nomini, & pectori ea præcipue

pue insidet cura, ut potentia Turcica Regno nostro comminans, & proxime impendens reprimatur, atque Polonia Christianitatis antemurale tranquillitate pristina, & felicitate omni florescat. De cætero Majestati Vestræ longissimam valetudinem & prosperrimos successus ex animo precamur. Dabantur Anno 1667.

CCCCCLXIII.

Litera fiduciaria a JOHANNE CASIMIRO, Poloniarum Rege, Joanni de Gnin Gninski, Ablegato suo Extraordinario, ad FRIDERICUM WILHELMUM, Electorem Brandenburgicum tradita, 1667.

Joannes Casimirus, divina favente Clementia Poloniarum Rex &c.

Serenissime &c.

Ablegato nostro extraordinario Illustri Joanni de Gnin Gninski &c. præter ea quæ prioribus literis & instructione nostra commissa habet, dedimus insuper in mandatis, ut Serenitatem Vestram nomine nostro certiores reddat de transacta feliciter pace, seu potius induciis ad 13. annorum decursum sancitis nos inter atque Moschos, quod nuntium Serenitati Vestræ lætum fore pro ejus erga nos studio, ac multorum nexuum arctissimo vinculo minime dubitamus. Idem porro Illustris Ablegatus, ac noster, & Senatus Nostri Plenipotentarius decenter Serenitati Vestræ exponet ea, quæ pactorum Bidgostiensium observationem intimæ amicitia, bonæ vicinitatis, mutuæque

con-

confidentia firmitatem & incrementum concernunt. Cui ut pronam aurem, plenamque fidem Serenitas Vestra adhibeat, amanter cupimus. De reliquo Serenitatem Vestram Divinae protectioni commendantes. Dabantur Anno 1667.

CCCCLXXIV.

Litera JOHANNIS CASIMIRI, Polonia Regis, ad FRIDERICUM WILHELMUM, Electorem Brandenburgicum, quibus ab eo, ut Brandtium, subditum suum, cadis in Smoguleckio perpetrata autorem, penas huic facinori convenientes quam primum dare jubeat, sollicite contendit, 1667.

PAUCOS ante dies triste & dolendum accidit facinus illatae trunculentae necis Generoso Smogulecki Camerario & Colonello nostro atque ad Comitata Regni Nuntio Terrestri, quem Generosus Brandt subditus Serenitatis Vestrae insidiosae in domo occidisse, ac famulos ejus tyrannice contrucidasse accipitur. Non possumus non indigne ferre tam atrox delictum in Regno nostro patratum, praesertim, quod Ordines Regni eadem ornatissimi viri nepotis ex sorore Magnifici Palatini Cracoviensis, ac, quod praecipue commovet animos Nuncii terrestres, quorum securitati jus Gentium ac Regni leges prospiciunt, vindicatam quam primum velint, ut maximis animorum motibus instent; Serenitatem igitur Vestram pro justitiae zelo, & pro reciproco pactorum vinculo amanter requirimus, ut in dictum homicidam sicarium Brandt, ejusdemque criminis complices & coopera-

peratores, si forte in ditiones Serenitatis Vestræ profugerint, severius animadverti, & justitiam pro qualitate excessus administrari, ac successoribus defuncti decenter satisfieri quamprimum jubeat. Rem Principe dignam & amicitiz ac foederibus convenientem, nobisque gratissimam factura erit, quod minime dubitamus, Serenitas Vestra, quam de reliquo Divinæ Protectioni cum appreciatione longævæ felicitatis commendamus. Datum Anno 1667.

CCCCLXXV.

Literæ JOHANNIS CASIMIRI, Polonia Regis, ad METROPOLITANUM GAZENSEM, in Moschovia degentem, a quo amanter efflagitat, ut omnem in componenda Latine Græcæque Ecclesiæ pace & unitate operam navare haud gravetur, 1668.

P. P.

EAm Christiani Principes una cum sceptro & corona longe gravissimam cogitationem suscipimus, ut inter civiles Regnorum curas veri Principatus firmamento Sacrorum & Religionis concordiz studeamus, quod fiet, cum amplissimos lingua & ritibus divisos populos in unius Reipublicæ grande corpus Nostro in Regno divinus favor collegerit, huic semper omnem operam impendimus, ut qui uno legum complexu tenentur, iisdem aris templisque conjuncti, eodem sanctæ fidei spiritu animentur. Cujus piæ voluntatis Nostre, quod Devotionem Vestram instrumentum singulare in vicino amicoque Nobis magno Moscho-

ſchoviæ Ducatu ad præſens habere contigerit, peculiari in Dei Eccleſiam clementiæ acceptum referimus. Quamquam vero Devotio Veſtra ſua in Eccleſiæ concordiam propenſione, tam ſingulari ex longo Romanæ Eccleſiæ uſu, notitiæque collecto ſtudio nulla cohortatione egeat, tamen ut Regium quoque tot expetito Orientis Occidentisque votis negotio ſuffragium adjiceremus, Devotionem Veſtram etiam atque etiam enixe requirimus, ut ſuam diligentiam omnem in componenda Latinæ Græcæque Eccleſiæ pace & unitate conferat perſuadeatque, nihil ad firmandam Chriſtianorum Principum ſecuritatem, ad Græci nominis gloriam, ad populorum ſalutem retinendam augendamque iſta, quam exoptamus, utriusque Eccleſiæ concordia præſtabilius fore. Faciet Devotio Veſtra publicæ de ſua virtute exiſtimationi fidem, præſentique legationi perpetuitatem addet, dum eccleſiaſticas res diſcordia haſtenus dilapſas concordia pacificus Auctor inſtaurabit. Pleni porro fiducia ſumus, Sereniſſimum Moſchoviæ Ducem, parem ex parte ſua zelum & ſtudium Chriſtiano Principe dignum tam exoptato negotio accommodaturum. Prout ea de re tam ad Ipſius Serenitatem, quam ad Reverendiſſimos in Chriſto patres Alexandrinum & Antiochenum Patriarchas in Moſchovia hoſpitantes prolixius ſcribimus. De reliquo Devotioni Veſtræ Regiam Noſtram gratiam pollicemur & bonam valetudinem a Deo precamur. Dabantur Varſaviæ die 2. Januarii Anno 1668.

CCCCLXXVI.

Litteræ JOHANNIS CASIMIRI, Poloniarum Regis, ad ALEXANDRINUM & ANTIOCHENUM PATRIARCHAS, Moscuæ commorantes, quibus sibi Latine Græcæque Ecclesiæ conjunctionem, curæ cordique fore, atque modo per Magni Ducis Moscoviæ concessionem liceret, cleri Polonici nomine Legatos confestim isthuc operi laudabili perficiendo adfuturos pollicetur, 1668.

P. P.

Retulerunt Nobis Legati Nostri ab Aula Serenissimi Magni Moschoviæ Cari, fratris, Vicini & fœderati Nostri revertentes, Devotiones Vestras in Metropoli Moschoviæ in præsentiarum hospitari, simulque edocti sumus, pacem Nos inter & Magnum Moschoviæ Carum sancitam cum lætitia & summa gratulatione a Devotionibus Vestris acceptam esse. Idem memorati Nostri Legati adjecerunt propositum esse a Devotionibus Vestris, ut post compositam civilem pacem, de componenda pace ecclesiastica tanto sanctiorem & digniorem curam susciperemus, quanto æterna beatitudo terrena ista, & caduca felicitate præstantior est, ac semper maximorum Regum & Principum contentio fuit, ut divinam gloriam, extirpationem paganorum, sanctæ fidei catholicæ a Salvatore Nostro Domino JESU CHRISTO institutæ, & pretioso sanguine confirmatæ incrementum & decus quam maxime promoverent; exinde lætum Nobis fuit audire, tam piam & sacris præsulibus dignam propositionem, qua permoti consilium & desi-

desiderium Nostrum hisce quamprimum Devotionibus Vestris explicandum duximus. Quid enim magis a Nobis optari possit, quam ut post varios bellorum casus & discrimina extremos ætatis Nostræ dies, & gloriose gesta, hoc sublimi & sacrosancto actu pacis & unitatis inter Latinam & Græcam Ecclesiam reductæ, coronemus? Ab eodem unico fonte, & autore Domino JESU CHRISTO fides nostra fluxit, una fides, una Ecclesia, sub uno Capite Christi Vicario multis seculis duravit, nulla Tyrannorum sævitia, aut Hæreticorum machinis exorientis adhuc Ecclesiæ firmitas everti potuit, imo per ardua & adversa, per cædes & sanguinem magis effloruit: Sancti illi Patres Græci, quorum doctrina fulget Ecclesia, unitatem & concordiam servaverunt, aliæ potius causæ, quam pietas & divinæ gloriæ zelus dissidium fecerunt, & vestem hanc Christi inconsutilem lacerarunt. Neque vero tam magna varietas est controversiarum Ecclesiasticarum inter Occidentalem & Orientalem Clerum, ut si recta intentio & voluntas adsit, ac Doctorum & piorum virorum conatus paulo diligentius allaboret, conciliari & ad unitatem revocari nequeat; fundamenta eadem fidei Nobis sunt, sacram scripturam & traditiones Apostolicas, tanquam Regulam & Magistram habemus, eorundem antiquorum Patrum libris innitimur, ritus tam Latini Græcorum, quam Græci Latinorum admittimus, Sacramenta a CHRISTO Domino instituta, pariter observamus, inclytam Virginem Mariam Deiparam, Sanctosque Dei ac Imagines & reliquias eorum veneramur; aliquæ difficultates, si

recte explicentur, non magno negotio submoveri & sopiri Deo auxiliante possunt. Huic vero tam præclaro & cælo terrisque exoptato negotio adeo incumbere parati sumus, ut non Regiam tantum dignitatem & auctoritatem Nostram, omnesq; , quæ in Nobis sunt, vires, sed vitam etiam ipsam libenter advocamus. Nec dubitamus Serenissimum magnum Moschoviæ Carum pari studio & pietate in promovendo tam sancto opere nobiscum certaturum, ea de causa scribes ad suam Serenitatem optamus & consulimus, ut tempus certum præfigatur, ac locus designetur, in quo commode per Delegatos Reverendissimi in Christo Patris Archiepiscopi Gnesnensis aliorumque Dominorum Episcoporum Poloniæ, una cum Reverendissimis Devotionibus Vestris ac Domino Patriarcha, & Metropolitanis Vladicisque Moschoviæ, seu eorum delegatis conferentia haberi, tantæ molis concordia & unitas Ecclesiarum atque animarum salus tractari & feliciter stabiliri valeat, speramus etiam sanctissimum Pontificem Romanum Clementem IX. pro sua pietate, & zelo huic tractationi paternæ assensurum ac per literas seu Delegatum suum adfuturum, prout ea de re scribemus ad ejus Sanctitatem. Porro deliberantibus Nobis de tempore & loco tempus videtur idoneum in mense Junio, locus in Civitate Metropolitana Moscua, si ita placuerit Serenissimo Magno Moschoviæ Caro, tum & Devotionibus Vestris, qua de re literarium responsum ad Nos, quam primum expectantes Devotis in Christo Paternitatibus Vestris bonam Valetudinem

nem & prosperitatem a Deo precamur. Dabantur
Varſaviæ die 2. Jan. Anno 1668.

CCCCLXXVII.

Litera ANDREAE OLSZOVII, Procancellarii Regni Polonia, ad EMINENTISSIMUM CARDINALEM PROTECTOREM POLONIÆ, de Latine Græcæque Ecclesiæ divortio tollendo & utriusque facili negotio redunienda occasione agentes, 1668.

P. P.

TAmetsi multo seculorum retro decursu, ac recentiore memoria, ingentibus sacræ Romanæ Ecclesiæ studiis Græcos inter Latinosque consensus quæſita hætenus intra vota potius steterit, quam integre aliquando coalescere potuerit, tamen ad omnes ſanciendæ istius concordiæ vias oculis animisque intentis excubare, ut maximâ Dei cum gloria conjunctum est, ita populis Christianis summe beatum & salutare; neque vero singularis pro Ecclesiâ suâ divinæ bonitatis cura & tutela deesse videtur, quæ ultro tanti operis materia in vicino & nuper fœderato Nobis Magno Ducatu Moschoviæ subministrata expetitæ pacis & unitatis fundamenta aperit orditurque; Certis enim Relationibus Serenissimo Regi meo comper- tum est evocatos suis e Græcia sedibus a Magno Moschoviæ Duce Alexandrinum & Antiochenum Patriarchas, cum nonnullos ritus Pruthenorum sublatis erroribus correxissent, tum non mediocre in sanctam unionem voluntatis suæ argumentum

dedisse; Nam cum iterato baptizari Latinos sua forma, mos & institutum illis esset, ac prima Quadagesima Dominica in Romanum Pontificem & Ecclesiam publico Anathemate privata odia vindicare, utrumque rati impium ita abolvere, ut nihil videatur restare, quam prono calentique negotio manus ab Urbe facemque administrari, ut ex annexis copiis literarum Regiarum, quæ ex Cancellaria mea mittuntur, tum ex Relatione in scripto porrecta Religiosi ex Ordine Sancti Dominici informari poterit Eminentia Vestra, quanto studio Magnus Moschoviæ Dux & Patriarchæ memorati ad unionem cum Ecclesia Catholico-Romana propendeant; quod Sux Sanctitati Domino Nostro per Eminentiam Vestram quamprimum referre mei muneris existimavi, ne concessum rebus fidei provehendis tempus, more & cunctatione corruptum efflueret. Neque dubito suam Sanctitatem æmula Prædecessorum suorum pietate tam grandi negotio manus paternas admoturam, tanto felicioris spe eventus, quanto circumstantiæ temporis & Personarum magis ad præsens & ultro conspirare videntur. Animus mihi est in Moscuam abeundi & operam utiliter pro Ecclesia Dei navandi, si Regia Majestas id permiserit & sanctissimo Domino ita complacuerit. Hæc paucis innuens de reliquo obsequiorum meorum veterem devotionem Eminentix Vestræ ex animo commendando. Dabantur die 26. Mensis Jan. An. MDCLXVIII. CCCCLXXVIII.

Litteræ JOHANNIS GEORGII II. Saxonum Electoris, ad MARCHIONEM DE CASTEL
RO-

RODRIGO, *Provinciarum sub Carolo II. Hispaniarum Rege, in Belgio Hispanico Praesidem, quibus ipsi Ulricum Comitem a Kinski impense commendat, 1668,*

P. P.

Militavit jam ab aliquot annis Serenissimo & Potentissimo Hispaniarum Regi in expeditione Belgica praesentium exhibitor, generosus Dominus Ulricus Comes a Kinsky, Consiliarius haftenus Noster in re militari intimus, & Cameraarius, sui que tunc temporis ejusmodi experimenta dedit, ut non minus Colonelli munere, quam gratia Regia insignis redderetur. Cum igitur devotum semel Coronae Hispanicae atque adeo Serenissimae Austriacae Domui animum recentibus modo rerum argumentis comprobare, atque ad ea, quae pridem sub signis regiis stipendia meruit, pari constantia & fide reverti secum constituerit, laudabili ejus instituto, pro nostra in ipsum benignitate & gratia deesse noluimus. Ac proinde ab Excellentia Vestra peramanter postulamus, ut pro praesenti Regiae militiae statu Colonellum hunc in provehendis ejus rebus & procurandae statione condigna imprimis sibi commendatum, atque eo loco habere velit, unde commendationis hujus nostrae fructum ipso facto, prout confidimus, expectiatur. Perquam gratum in eo Nobis faciet Excellentia Vestra officium & Nostram vicissim in se propensam voluntatem quavis oblata occasione oppido sentiet. Cui interim prosperos rerum gerendarum successus benevole precamur.

Ii 4 Daban-

Dabantur in Electorali Nostra Dresda die 29. Apr.
Anno 1668.

CCCCLXXIX.

*Littera JOHANNIS GEORGII II. Saxonie
Electoris, ad CAROLUM II. Magnae Britan-
niae Regem, cui ingentes persolvit grates, quod se
in Ordinem Equitum a Periscelidis insigni nun-
cupatorum cooptari decreverit, 1668.*

Serenissime & Potentissime Rex.

Regiae Vestrae Dignitati salutem dicimus, &
Operam nostram in omni officiorum genere
paratissimam, offerimus. Domine Consanguineae
& Affinis colendisime. Ex quo Nobis per Re-
giae Vestrae Dignitatis praclarum non minus at-
que fidelem in oris Germaniae Residentem Mini-
strum, Generosum Equitem, Dominum William
Swan, quem ob egregia ejus merita pridem no-
bis cognita praecipuo loco habemus, innotuit,
quod intuitu sanctioris illius, quae jam diu inter
Regiam Vestram & Nostram Electoralem Do-
mum constanter viget, necessitudinis, R. V. Di-
gnitas in Magnae Britanniae Equitum Ordinem de
Gartier Nos cooptari decreverit. Nostrarum
partium omnino esse censuimus, magnas Eidem
pro tam insigni Regii in Nos animi symbolo &
destinata Nobis, quam quidem ea, qua par est, hi-
lari mente accipimus, tam celebris Ordinis tessera,
per solennes hasce gratias referre. Et quemad-
modum honorifico hoc mutuae conjunctionis vin-
culo eo arctius Nos pristinae Necessitudinis legibus
adstrictos profitemur; ita quoque singulariter No-
bis

bis gratæ erunt, prout sedulo circumspiciemus occasiones, quibus dignissimi hujus Ordinis Usuram condignam in ornamenta & commoda Vestra Regia convertere, adeoque studiosæ Nostræ in Regiam Vestram dignitatem voluntatis grata ubique experimenta edere valeamus. Quibus diuturnam porro Regiæ Vestræ Dignitati valetudinem prosperumque Regnorum & Regiæ Domus florem ab omnipotente Deo animitus precamur, Dabuntur in arce Nostra Electorali Dresda, die 5. Maji, Anno 1668.

Johannes Georgius II.
Electör.

CCCCCLXXX.

Literæ JOHANNIS GEORGII II. Saxonie Electoris, ad FERDINANDUM II. Magnum Hetruria Ducem, quibus nullas sibi ob facta Principi Ipsius Hereditario, Dresdam transeunti, optimæ voluntatis testimonia gratias competere, modeste asserit, eumque perpetuæ propensionis suæ securum esse jubet, 1668.

P. P.

GRatæ admodum Dilectionis Vestræ literæ sub decimo septimo Aprilis proxime ab hinc elapsi datæ Nobis extitere, cum quia valetudinis & rerum Vestrarum florentissimarum nuntiæ, tum etiam quod Dilectio Vestra edita nuper Nostræ in Serenissimæ Domus Vestræ Principem natu maximum, hic transeuntem, voluntatis optimæ testimonia,

Ii 5

quæ

quæ etiam citra culpam Nostram omitti non potuissent, tam honorifica gratiarum actione prosequi voluerit. Nobis sane gratulati sumus, ex quo haud vulgare illud decus ad sanctiorem illum conjunctionis Nostræ cultum accessit, quod dictus Serenissimus Princeps, in quo præsentæ magnitudinis non minus atque amicitiae paternæ imago præclare eluxit, flexo in perlustrandis oris hisce cursu, aulam hanc non sine Domus Nostræ Electoralis exhilaratione salutatum ire, sui que complectendi Nobis copiam facere sustinuerit. Quemadmodum igitur illustre illud in Nos affectus Vestri monumentum merito in obligationum Nostrarum numero reponendum censemus: ita quoque quas comprobandæ voluntatis Nostræ partes festinantis juxta Hospitis, cui felicem in patrias oras reditum precamur, comitas, nec non incommoditas tempestatis tunc temporis prohibuere, non nisi æquibonique a Dilectione Vestra consultum iri confidimus. Nihil porro ad officium Nostrum facturum reliquum, quò mutuae Nostræ necessitudinis vigor, pro eo, ac par est, indies augeatur, adeoque ad feros usque posteros utrinque transmittatur. Pro ut idem Nobis de Serenissima Domo Vestra abunde pollicemur. Atque adeo Dilectionem Vestram quam diutissime salvam sospitemque rebus humanis superesse etiam atque etiam cupimus. Dabatur Dresdæ, die 8. Maji, 1668.

CCCC LXXXI.

Littera JOHANNIS CASIMIRI, Poloniae Regis, ad CLEMENTEM PAPAM IX.
qui-

quibus Ipsi, ceptum a se abdicandi Regiminis consilium exponit, orbataque Capite suo Reipublica Polonia curam modeste commendat, 1668.

POST oscula pedum Sanctitatis Vestræ, mei Regnorumque meorum ac Dominiorum humillimam commendationem, Religionis sanctæ & meæ erga sanctam sedem devotionis, ut Sanctitati Vestræ, quem Vicarium ejus, per quem Reges regnant, agnosco & veneror, filiali obsequio & confidentia deferam, quoties clare aliquod mutationis concernens intervenit momentum, plures jam sunt anni, ex quo curis & ætate fessus boni publici Regni mei providus, & salutis animæ meæ, quam inter regnandi artes operari est difficile, satagens proposueram Statibus Regni, quo Electione libera adscito regnaturo post fata mea Principe orbitati meæ commodisque publicis consulerent; disjecto vi & ordine fatorum hoc consilio, & auctis annis meis malisque publicis non aliud meis & subditorum convenire reperi, quam abdicato in manus Reipublicæ Imperio, eam in liberrimo electionis exercitio & in optione vitæ constituere, quam residuo dierum meorum & parandæ æternæ quieti commodam judicavero, id me in futuris comitiis certe excusaturum Senatoribus huc convocatis die hesternæ declaravi; præcipua vero mea cura est, Sanctitati Vestræ consilium meum hoc approbari, qua de Causa Illustrissimum & Reverendissimum Dominum Galeaceum Marescottum, Archiepiscopum Corinthiæ, Nuntium Sanctitatis Vestræ omnia fide relaturum, atque jam in antecessum diadema meum benedictione Sanctæ Sedis assumptum
ad

ad pedes Sanctitatis Vestræ depono, non aliud inde resumpturus, quam eandem Sanctitatis Vestræ benedictionem, sub cuius nutu & auspiciis reliquum vitæ transigere desidero. Sit hoc voluntarium ambitionis mundanæ, animæ & Regno meis oblatum sacrificium gratum in oculis Sanctitatis Vestræ, & ad gloriam seculi & Pontificatus Vestri, augeat exempla illorum, qui per jacturam terrenorum non pœnitendo commercio portum salutis quæsi- vere. Nec credat Sanctitas Vestra perdere se fili- um, qui sub firmo erga Sanctitatem Vestram obse- quio lucrari animam suam, non respiciens retro contendit, aut perdere coronatum e filiis; succe- scit enim benedicente per manum Sanctitatis Ve- stræ Deo dignus, qui impleat thronum meum, & ego sponsor esse ausim, non alium subditos mihi populos assumpturos Principem, nisi qui Religio- ne Catholica & obedientia erga Romanam Eccle- siam ad solium hoc gradiatur. Conferet procul dubio Sanctitas Vestra in eam rem operam studiaque sua & Statibus Regni hujus sub interregno concor- diam internam & veræ Religionis amorem paterna sua admonitione instillabit. Hoc est quod & ego Regno huic & ad præsens a Sanctitate Vestra flagi- to, & in excessu e throno commendatum curabo, existimans bene me subditos meos relicturum; ubi illis nihil de Protectione Sanctæ sedis & obsequio in matrem Ecclesiam decesserit. Interim Sancti- tati Vestræ longævam a Deo valetudinem & feli- cissimum Sanctæ Sedis Apostolicæ regimen filiali devotione exopto, ac ejusdem paternæ Sanctitatis Vestræ Protectioni me Regnaque mea humillime sub-

subjicio. Dabantur Varſaviæ, die 13. Menſis Junii, Anno 1668.

Ejuſdem Sanctitatis Veſtræ

Obedientiſſimus Filius

Johannes Caſimirus.

CCCCLXXXII.

Breve CLEMENTIS PAPÆ IX. ad JOHANNEM CASIMIRUM, Poloniarum Regem, cui ne faſces regios, niſi cum vita deponeret, aut, ſi propoſiti ſui adeo pertinax ſit, ut dimoveri ab eo haud poſſit, ſaltem de digno ſibi ſucceſſore conſtituendo ante abdicationem proſpiceret, 1668.

Clemens Papa Nonus.

CHariffime in Chriſto Fili Noſter, ſalutem & Apoſtolicam benedictionem. Majeſtatis tuæ literas die trigeſima Maji datas reddidit Nobis dilectus filius Noſter Cardinalis Urſinus, earumque tenorem, & obfirmatam de Regno dimittendo ſententiam tuam voce quoque proſecutus eſt, quam rem omnem utique Nos non ſine paterna charitatis impenſa, ſollicitaque cura & attentione audivimus. Nunc autem ſumma rei gravitas exigit, ut pro impetranda luce, qua in tam arduo negotio bene dirigamur, ipſe Pater luminum enixis precibus adeundus Nobis omnino ſit. Quod idem adhuc etiam a Majeſtate tua plane fieri cupimus & ab eo ſummopere petimus, ut in hujusmodi tanti ponderis deliberatione, qua communi iſtius Regni bono,

bono, qua Christianitatis universæ rationibus recte consulatur, Nos equidem a prima usque Pontificatus Nostri die mentis oculos in res tuas, tuique Regni conversos & fixos habuimus, atque primis ipsis literis manu propria scriptis rogavimus Majestatem tuam, ut ad secundas nuptias transeundo Regiæ domus suæ successioni prospicere vellet, quo Religionis Catholicæ & publicæ quietis, res isthic illæque atque immotæ permanerent. In his cogitationibus, solius communis boni zelo ducti, nec ulli prorsus affectui, aut propensioni quorumcunque respectuum humanorum indulgentes usque perstitimus, hujusmodi sensus Majestati tuæ per Nuntium Nostrum identidem insinuantes. Quare non sine magna profecto sollicitudine audire potuimus, Majestatem tuam in abdicandi Regni proposito mentem omnino fixisse, cum inde periculum impendeat, nedum pacis & quietis subditorum tuorum convellendæ, verum etiam rei Christianæ totius & Religionis Catholicæ rationum non mediocriter perturbandarum. Hinc Nos muneris Nostri debito nimium deesse videremur, nisi quod ex toto corde facimus, iterum a te vehementer postularem atque flagitaremus, ut de retinenda corona consilium Nostrum accipere omnino velis, aut saltem hanc rem universam animo complexus, eam ita regere, ut successoris electio sequi possit absque ullo damno, aut etiam si possibile sit, cum emolumento & lucro sanctæ Religionis, ac totius istius Regni, quod se tam diu tantoque cum suo bono sub regimine amplissimæ domus tuæ fuisse gloriatur; Nos profecto huic eidem

dem rei atque fini cunctis animi viribus ex parte Nostra efficaciter incumbemus, tum erga personam præclarissimam tuam, in quocunque statu Te constitueris, eandem Paternæ charitatis eximiam voluntatem certe retinebimus. Quod autem attinet ad venerabilem fratrem Episcopum Bitunensem, Nos eum præcipuo sensu existimationis & benevolentiae prosequimur, neque Nobis utriusque rei causæ quoque particulares desunt, cumque summopere Nobis cordi fuerit, Majestati tuæ in re præsertim tanto studio peroptata satisfacere posse, impedimenta, quæ hucusque paternæ propensionis hujus effectui obstiterunt, permolestè tulimus. Cæterum imprimis graves, & adhuc matura consideratione plane dignæ sunt eæ rationes, quas omnino in hac re perpendere debemus, uti Majestas tua, ut credimus, jam audivit, ac rursus audire poterit ex venerabili fratre Archiepiscopo Corinthi, Nuntio Nostro, cui fidem omnem habere volet, illud profecto sibi persuadens, omnibus in rebus, quibus Nobis permissum fuerit, gratificari Tibi posse. His animi paterni sensibus Majestati tuæ benedictionem Apostolicam amantissime impertimur. Datum Romæ apud Sanctam Mariam majorem sub annulo piscatoris, die 7. Julii Pontificatus Nostri anno secundo.

CCCCLXXXIII.

Breve CLEMENTIS PAPAE IX. ad JOHANNEM CASIMIRUM, Poloniarum Regem, a quo iteratis precibus paterne contendit,

*ut a consilio de abdicando Regimine suscepto destit-
stat, 1668.*

Clemens Papa Nonus.

Charissime in Christo fili Noster salutem & Apostolicam benedictionem. Etsi Majestas Sua ex aliis literis, quas nuper ad eam scripsimus, intelligere potuit, quam ingenti molestiarum & solitudinum cumulo mentem nostram impleverit consilium ab ea de Regno dimittendo susceptum, tamen cum assidue Nostris cogitationibus usque plura & majora succurrant, qua detrimenta, qua pericula, tum Regno-isti, tum etiam Reipublicæ Christianæ toti ex hujusmodi re protul dubio hisce temporum articulis existitura, denuo te rogare & in Christi visceribus obsecrare constituimus, ut omnem cogitationem hanc deponere velis, aut saltem suspendere, donec Nobis, de causis, quæ te movent, certioribus plane redditis de re tanta & ad conscientiam quoque tuam vel maxime pertinente, communicatis Nobiscum consiliis maturius deliberare possis. Quare, si quid in hoc habes, quod animæ tuæ rationes tangat, etiam atque etiam a te petimus, ut antequam aliud quidquam decernas, id amoris paterno Nostro fidenter aperire non omit-
tas, memor, quod animæ tuæ rationem Deo red-
dere, in re præsertim ad tot aliarum animarum & populorum securitatem & salutem omnino spe-
ctante districte tenemur. Age igitur, charissime
fili Noster, patrem tuum salutaria mandantem au-
di, respice tot hominum millia, quæ Deus curæ cu-
stodiæque tuæ commisit, ex tali facto tuo graviter
peri-

periclitatura, & privatos voluntatis tuæ quoscunque sensus, quamvis alioquin generosos, publico bono, nedum Regni tibi, Domuique tuæ amplissimæ tam devoti atque devincti, sed universæ rei Christianæ multo generosius remitte atque condona, aut certe tantisper in tempus opportunius provide differ, uti cuncta planius ex venerabili Fratre Archiepiscopo Corinthi Nuntio Nostro coram audies. Quam profecto sententiam, ut animo æque pio ac præcelso tuo pro summa misericordia sua Dominus insinuare dignetur, eum enixe precamur, Majestati tuæ Apostolicam benedictionem amantissime impertientes. Datum Romæ apud Sanctam Mariam Majorem sub annulo Piscatoris, die 20. Julii, Pontificatus Nostri anno secundo.

CCCCCLXXXIV.

Litera NICOLAI PRAZMOWSKII, Regni Polonia Primatis, ad LEOPOLDUM, Rom. Imperatorem, quibus ipsi refert, quod Johannes Casimirus Rex, deposito sceptro, se ad sacrationis otii quietem contulerit, 1668.

P. P.

Quam felici serie Serenissimorum Stirps Jagellonidum tot seculis Imperium in hoc usque temporis momentum in Polonia Magnoque Lithuanie Ducatu continuaverit, id Sacræ Cæsareæ Majestati Vestræ plusquam manifestum est, cum eidem summo Reipublicæ bono ac emolumento, cum ejusdem originis Principibus perpetui consanguinitatum & affinitatum intercesserunt nexu: hinc vero est, quod Regnum tanto tristius suæ

PARS II.

Kk

inge-

ingemiscat infelicitati orbatum optimo Principe, Supremo prædictæ Regnatricis Domus Hærede Serenissimo Joanne Casimiro. Qui dum illustri fama XX. annorum fastos implevisset, ac Regiæ potestatis fastigium stationem non portum reputasset, indeque meditandis æternitatis momentis sacrationis otii quietem respiceret, non expectato fatorum termino Regni hujus fasces in manus Reipublicæ summo Ordinum mœrore deposuit. In hanc itaque deplorandam conjecti orbitatem præsentis Status Nostri rationem notitiæ Sacræ Cæsareæ Majestatis Vestræ insinuamus, idque ex merito Nostre in eandem observantiæ, qua in venerantium censu nulli unquam fuimus secundi, non ambigimus, quin Sacra Cæsarea Majestas pro Sua, quam semper pronam & addictam agnovimus, erga Nos voluntate, non solum orbitatem hanc Nostram dolenter excipere, verum etiam benigne prospicere dignabitur, ne quid contermino ditioribus suis & amicissimo semper Regno, hac rerum revolutione, suboriatur discriminis, quod publicam inter se ruinare aut confundere valeat incolumitatem, quod equidem plena in Sac. Cæs. Majestate Vestra operimur fiducia, ipso eventu comprobaturi, quantum ejusdem Majestatis Vestræ ambiamus benevolentiam ac gratiam, cui Nos devinctaque & amicissima studia nostra cum votis fortunatos rerum successus Sacræ Cæsareæ Majestatis Vestræ precantibus reverenter commendamus. Dabantur Varsaviæ, die 17. mensis Septembris, Anno 1668.

CCCCCLXXXV.

CCCCCLXXXV.

Litteræ NICOLAI PRAZMOWSKII, Regni Polonia Primatis, ad FRIDERICUM III. Danie Regem, cui Johannem Casimirum, Regno se abdicasse nuntiat, 1668.

ITa divinæ placitum est providentiæ, ut rem Nostram publicam nulla perpetua beare velit tranquillitate, imo novis eandem continuo exerceat ærumnis & adversitatibus: Tot enim quassata malis, vix dum respirare cœperat, reductis duntaxat undique pacis ornamentis, cum Serenissimus Rex Joannes Casimirus, tot retro annis exantlatam Regiarum curarum molem & fastidium sanctioris etii malacia redempturus, simul & sese Regno die 16. præsentis abdicavit, & reipublicæ orbitatem induxit. Quanto proinde benignius Sux Majestatis imperium experti sumus, tanto majori animi dolore hanc Serenissimæ Majestatis Sux abdicacionem ipsa exempli novitate mœstam & excipimus, & prosequimur. Serenissimæ vero Majestati Vestræ ideatenus communicandum duximus, ut eidem constet, quo periculi, amicissimum, ac non uno fœdere sibi addictum devolutum sit Regnum, & quæ illud maneant orbitatis incommoda; quod sicuti eo a Majestate Vestra animo, quo propensionem suam in Rempublicam nostram, hætenus multis manifestisque palam fecit argumentis, acceptum iri confidimus, ita non dubitamus fore, ut præsentī turbidarum rerum nostrarum statu, ea in hoc Regnum permaneant benevolentix officia, quæ amicissimi Regis humanitati maxime conveniant.

nant. Cæterum prosperrimos rerum successus
Majestati Vestræ prædcati obligatissima nostra com-
mendamus studia. Dabantur Varaviae 17. Sept.
1668.

CCCCLXXXVI.

*Litera NICOLAI PRAZMOWSKII, Re-
gni Poloniae Primatis, ad CAROLUM XI. Sue-
cia Regem, quibus ipsi, Joannem Casimirum Re-
gem, tot retro actuum annorum Imperii molestiis
defatigatum, Regimine ad suaviorem gravescenti
ætati quietem abuisse exponit, 1668.*

P. P.

INter sanctiores semper reputavimus curas, ut eæ,
quæ Nobis cum Serenissima Majestate Vestra in-
tercedunt vicinitatis, necessitudinum & mutuæ se-
curitatis jura probe coleremus, integre implere-
mus: Quod equidem vicissim a Majestate Vestra
expertus sumus hætenus, ita, ut Respublica Polona
gaudeat se tam arcto amicitiae vinculo Regno Sue-
ciae esse adjunctam. Cum vero inter amica Regna
utraque communis esse debeat fortuna, mutuoque
commercio læta æque ac tristia communicanda
veniant, celare Majestatem Vestram non potuimus,
quod cum Serenissimus Princeps Joannes Casimi-
rus, id quod reliquum ætatis superest, in privatæ
quietis malacia subducere jam ante destinasset, tan-
dem in proxime præteritis comitiis Regno se hocce
abdicavit nostro. Quanto proinde mœrore uni-
versam hanc impleverit Rempublicam facile judi-
care potest, quisquis paterni ejus in Nos Imperii,
ac

ac Nostræ erga Serenissimam Domum Jagellonicam devotionis non fuit ignarus. Hanc vero Orbitatem Reipublicæ Nostræ dum Majestati Vestræ communicamus, quod pro amicissima in nos voluntate sua fato Nostro indoleat, plane confidimus, eaque in nos profectura speramus officia, quæ in hoc statu a vicino & amico Regno merito expectari debeant. Cæterum dum prosperrimos rerum eventus Majestati Vestræ precamur, studia Nostra officiosissima eidem commendamus. Dabantur Varlavizæ die 17. Mensis Septembris Anno 1668.

CCCCCLXXXVII.

Litera NICOLAI PRAZMOWSKII, Regni Poloniae Primatis, ad CLEMENTEM PAPAM IX. quibus ipsi, quod Joannes Casimirus Rex, reliquum vite sanctioribus de salute aternæ curis litaturus, humeros suos Regiminis moli subduxerit, officiose refert, ac paternas pro Republica Polonæ curas anxie commendat, 1668.

Beatissime Pater.

POSTEAQUAM nec Sanctitatis Vestræ paternæ dehortationes, nec consanguineorum Principum dissuasio, nec ipsiusmet subditi populi, Senatorum Procerumque his comitiis congregatorum supplices preces obfirmatum ad abdicandum hoc Regnum Serenissimi Nostri Regis animum, a proposito dimovere valuissent, illud tandem diu meditatum, maximo omnium dolore executus est, cum die nupera 16. Mensis Septembris, omni regia potestate in plenis ac frequentissimis comitiis a se ab-

dicata, plenum Nobis Jus eligendi Suceſſoris reliquit. Factum hoc cum primis Sanctitati Veſtræ debui intimare, ut graviffimis curis, quæ incomparabilem Sanctitatis Veſtræ vigilantiam, in univerſæ Chriſtianitatis bonum inceſſanter exercent, iſta quoque nec minor nec inferior cæteris accederet. Fiet proſecto, ut tam porrecta ad omnes Orbis Chriſtiani partes Sanctitatis Veſtræ ſollicitudo, noſtro quoque ſeptentrioni in tam arcto & ancipiti ſtatu fluctuanti deeſſe nolit, quinimo Regno huic catholico & Sedi Apoſtolicæ deditiſſimo, nunc præcipuum impendere dignabitur Sanctitas Veſtra ſtudio, cui cum Regem domo accerſere non poſſumus, aliunde omnino quærere Principem debemus ignari & inſcii, quemnam cæleſtis providentia throno huic deſtinarit. Supplex proinde patrocinium Sanctitatis Veſtræ Procerum Regni hujus, ac Magni Ducatus Lithuaniz nomine favoremque imploro, quo Benedictione paterna ejusdem ſanctitati Veſtræ confirmati ejusmodi conſilia ineamus, quibus jacturam pientiffimi ac pro fide Catholica zelantiſſimi Regis in ſufficiendo alio non diſſimilis zeli & paris probitatis Principe reſarcire poſſimus: Mihi imprimis, cui eo nomine tam difficilis interregni moles maxime incumbit, ſecunda poſt divinam, utpote vicariæ ejus, manus Sanctitatis Veſtræ petenda venit, ut ea ſultus huic tanto firmius inſiſtam, murumque me pro Domo Dei ponam, quanto certior ſum hac rerum metamorphoſi inſultibus hoſtium, eandem fore arietandam, atque cum hac humillima prece mea ad ſcabellum me pedum beatorum Sanctitatis Veſtræ demittens

mittens eosdem reverendisimo osculo veneror.
Dabantur Varſaviæ 17. Menſis Septembris Anno
1668.

CCCCXXXIIIX.

*Litteræ NICOLAI PRAZMOWSKII, Re-
gni Poloniæ Primatis, ad FRIDERICUM
WILHELMUM, Electorem Brandenburgi-
cum, cui Joannem Caſimirum Regem Regii offici-
onus in manus Reipublicæ reddidiſſe explicat,
1668.*

Quemadmodum tempeſtas minari ut pluri-
mum prius conſuevit, quam conſurgat, ita
antequam Sereniſſimus Rex noſter, ultimum Ja-
gelloniæ Proſapiæ pignus ac hæres, præſentis or-
bitatis turbine Rempublicam involveret, convoca-
to non ita pridem Senatus Collegio id ſeſe facturum
prædixit: Sperabamus nihilominus fore, ut aut
ipſa temporis mora ille animi impetus miteſcendo
conſideret, aut certe ſupplicum Regni Ordinum
intentione refrigeſceret, verum contra quam omi-
nabamur, evenit, cum Sua Majeſtas Sereniſſima
vigefimum Regni annum emenſa & per utramque
experta fortunam, quam arduum ſit cuncta regen-
di onus, non tam curarum Regiarum faſtidio, quam
meditandæ æternitatis motivo ad privatam tracta
quietem, id quod reliquum eſt ætatis, ſanctiori-
bus curis impenſura, Regno ſeſe in totius Reipubli-
cæ conſpectu abdicavit. Quo facinore veluti nos
ſummo dolore, ita & longe graviſſimis cumulavit
curis, adeo ut rem cum Serenitate Veſtra, pro ea,

quæ nobis mutuo intercedit, necessitudine communicandum duxerimus, minime ambigentes, quin in hoc orbitatis statu, eam nobis velit contestari propensi animi sui voluntatem, quam semper hactenus a Serenitate Vestra experti sumus, dabimus vicissim operam, ut Serenitati Vestræ constet, quanti amicitiae cum eodem pretium æstimemus, cui prosperos rerum eventus precati promptissima nostra studia commendamus. Dabantur Varsoviæ 17. Septemb. 1668.

CCCCLXXXIX.

Litteræ NICOLAI PRAZMOWSKII, Regni Poloniae Primatis, ad EMINENTISSIMUM CARDINALEM, Regni Poloniae Protectorem, cui Joannem Casimirum Regem, Regnum Poloniae, non obstantibus contrariis totius Reipublicae votis, dimisisse nuntiat, 1668.

NOvo necdum in folio Sarmatico viso exemplo Serenissimus Joannes Casimirus regnare desinit, cum expectare noluit, ut sibi fata ultima eriperent Sceptra, verum cum eadem sponte diu praemeditata abdicare proposuerit, non potuere apud pientissimum Principem provinciarum & populorum pientissimæ preces, nec Senatus & Comitiorum lachrymæ, ne regnum dimitteret, aut unam imperii & conscientiae curam resumeret. Itaque 16. Septembris solenni ritu & admirando fastus secularis contemptu, majori alacritate sceptrum deposuit, quam susceperat, sui nobis desiderium relinquens, Successoris vero more Majorum liberrime eligendi potestatem, tam memorandum desideratissimi

tissimi Regis factum & repentinam Regni hujus orbitatem Eminentia Vestra, quam primum denunciandam duximus; quatenus Eminentia Vestra pro solita rerum nostrarum cura & protectione in tam vel maxime funesto Reipublicæ casu, studio suo eidem deesse nolit, nosque favore & benevolentia prosequi, & quod maximum est, ad aras immaculatissimas, commendatissimos habere velit, has vero, quas ad Sanctissimum mittimus, digne- tur Eminentia Vestra Sanctitati suæ quantocius exhibere, nec minus Regni hujus necessitatem ac pericula, quæ interregni tempore ingruere solent, Sanctissimi Domini Nostri providentiæ ac favori commendare. Cæterum Eminentia Vestra obligati nostra deferimus studia. Datum Varsoviæ 18. Sept. 1668.

CCCCXC.

Litera NICOLAI PRAZMOWSKII, Regni Poloniae Primatis, ad CARDINALEM QUENDAM, cui Joannem Casimirum Regem relicta Reipublica liberrima successoris eligendi potestate e solio se ad pacatiorem vitam privata malaciam recepisse refert, 1668.

P. P.

ITa hoc antemurale Christianitatis in medio bellicosissimi Septentrionis consedit, ut aut bellorum ictibus incessanter quassetur, quippe Barbarorum aut Hæreticorum junctum vicinio, aut arcana quadam fatorum intemperie, domestica exerceatur inquiete, ita profecto ea tempestate accidit,

Kk 5

cum

cum enim hostica & Moschorum Schismaticorum arma, ut alia minora silentio præteream, divino adspirante Numine & Serenissimi Regis Casimiri fortuna, ferro primum fracta, foederibus denique composuissimus, refluoruisse pacem diuturnam credere poteramus, nisi Nos in funestum interregni tempus repentinus Serenissimi Regis e solio discessus coniecisset; non prævalere Senatus & omnium Provinciarum hortamenta, ut parta pace Sua quoque Majestas cum subditis populis in solio frueretur. Igitur cum in animum induxisset e publico in privatum secedere otium, tandem 16. Septembris solenni apparatu in frequentissimo Senatu & Ordinum confessu Regno & Reipublicæ summo omnium Nostro dolore valedixit; & quia mihi cum primis vacante throno, veluti Regni Primati, publicas reliquit curas, significandum id simulque quam enixe Eminentiam Vestram rogandam duxi, quatenus pro suo apud sanctissimum favore Paternam suæ Sanctitatis in me derivare velit benedictionem & Patrocinium, cujus subsidio nixus arduam hanc valeam sustinere provinciam, de ditissima cæterum obsequia mea Eminentia Vestra deferro. Datum Varsoviae die 17. Mensis Septemb. Anno 1668.

CCCCXCI.

Litera NICOLAI PRAZMOWSKII, Regni Polonia Primatis, ad SACRAM CARDINALIUM CONGREGATIONEM, quibus Joannem Casimirum Regem fasces Regni deposuisse nuntiat, & Joannem Cantium in Sanctorum

Eorum Professorum Catalogum referri totius Rei-publicæ nomine sedulo precatur.

P. P.

GRavisimo rem nostram publicam Serenissimus Rex noster Joannes Casimirus afflixit casu, dum depositis Regni fascibus, sublatoque placidissimæ planeque Paternæ gubernationis suæ fructu in orbitatis, & interregni discrimina dedit præcipitem. Non ambigimus illustre & ipsa novitate sua eximium facinus tamque stupendum Europæo orbi exhibere scenam, quam nobis causavit. Hoc vero publici mœroris sensu perculsi, dum attentæ mentis indagine adversus quævis pericula scrutamur præsidium, non est unde præsentius, quam a divorum Poloniæ Patronorum præstolamur patrocinio; Eorum vero catalogo ut Sanctitas sua Seruum DEI Joannem Cantium accensere dignetur, Senatus, Clerus, populusve Sarmaticus supplicibus contendit precibus. Proponentur Sacro Eminentiarum Vestrarum Collegio insignia Divi hujus miracula, quibus vitæ sanctimoniam illustravit; deducuntur, & ea authentico processu beneficia, quæ ejusdem suffragio in dies cælitus in nos derivantur. Quare plurimum Eminentię Vestræ de nobis totoque hoc Regno merebuntur, ubi ferventissima nostra, & universi desideria populi ad votivum provexerint effectum, eoque sanctissimum Dominum nostrum promoverint, ut Candidatum hunc nostrum in Sanctorum Confessorum tribum referre dignetur, talique honore a populo colendum decernat, qualis Beatissimarum mentium cætui,

tui, ab Ecclesia DEI in terris impenditur, quod equidem tanto majori exoptamus desiderio, quanto prolixiori fœnore vota nostra a Beatissimo hocce DEI servo coronanda speramus. Faciet Sanctitas sua rem, & divinæ laudis auctoramento congruam, & excitandæ Christianitatis zelo maxime proficuum, grande insuper nostræ erga Sanctam sedem devotioni & reverentiæ præmium accedet, afflictisque rebus nostris certum dabitur solatium. Quam in rem Eminentiarum Vestrarum promotricem operam sollicitamus, ut pietati nostræ Regniq; emolumentis consulant, prosperrimos iisdem rerum successus precati, devotissima nostra deferimus obsequia. Datum Varsaviæ in Conventu Generali Mense Septemb. 1668.

CCCCXCII.

Literæ JOHANNIS GEORGII II. Saxonie Electoris, ad COSMUM III. hereditarium Magni Etruriæ Ducis Principem, cui pro multis Neapolitanis sibi transmissis ingentes gratias refert, & Domenicum Melani proxime in Italiam iturum, clementissime commendat, 1668.

P. P.

Postulabat quidem Jure quodam Suo ea, quæ jam olim inter utramque Domum Nostram sancte coaluit, necessitudo, ut quam non ita pridem Dilectio Vestra coram continuandæ utrinq; benevolentiae pro celebrata sua comitate Nobis præ-
ivit

ivit viam, ex nostra quoque parte, prout per præsentium exhibitorem ultro Nobiscum constitueremus, persecuti fuerimus. Haud exiguum tamen ad id, quod partium Nostrarum erat, obligationis accessit monumentum, ex quo jussu Vestro transmissos in usum Nostrum tres selectiores mulos Neapolitanos, decenter insuper de prædicata generosi Dilectionis Vestræ erga Nos animi testificatione, Nobis exhibuit, generosus dilectus Nobis & fidelis Dominus Johannes Fridericus, liber Baro a Burckersroda, Consiliarius Noster intimus & Cameræ Nostræ Præses, munus Nobis longe gratissimum. Pro quo ingentes Dilectioni Vestræ gratias agimus. Et sicuti futuro horum animalium usu jucunda Vestri memoria, quam alias quidem recentem quotidie recolimus, quodammodo renovabitur; Ita non minus gratæ Nobis erunt, quas frequentiores desideramus occasiones, unde animum Nostrum officii haut immemorem, tam in simili, quam in omnibus aliis, quæ ad commoda & ornamenta Vestra pertinere videbuntur, reipsa declarare queamus. Et quia, cujus supra mentionem fecimus, præsentium exhibitoris, ex cubiculariis Nostris Nobilibus atque Agentis Nostri dilecti Nobis Domenici de Melani, probata Nobis jam diu fidei & obsequiorum integritas meruit, ut Dilectioni Vestræ Personam nec non res rationesque ejus insimul redderemus commendatiores, Eandem ultro permissuram confidimus, quo commendationis hujus Nostræ fructum cliens & indigena Vester ubique sentiat. Quibus Dilectionem Vestram per
omnia

omnia prospere agere cupimus, Eidemque de intellectu ulterioris peregrinationis instituto, junctis pro secundo itineris cursu votis Nostris serio gratulamur. Dabantur in Electorali Nostra Dresda die 8. Octobris 1668.

CCCCXCIII.

Commendatitia pro Gabriele Voigtio, a JOH. GEORGIO II. Saxonum Electore, ad FERDINANDUM II. Magnum Etruria Ducem exarata, 1668.

P. P.

Cum pristinae conjunctionis memoria recentibus subinde studiis sit renovanda, haut aliena quidem ab officio Nostro Dilectionem Vestram per praesentes hasce pro mutua necessitudine invivendi visa Nobis est occasio, ex quo devotus earum exhibitor Gabriel Voigt, nutu Parentis ejus viri honorabilis, Consilarii Nostri aulici juxta & rei metallicæ, necnon primarii Camerae Nostræ Interioris Secretarii, dilecti Nobis ac fidelis Domini Gabrielis Voigti in Ebersdorff, qui Nobis in partibus & negotiis fidei ipsius commissis insignem tam diu præstat operam, suscepta in Italiam Vestram sui excolendi atque uberioris rerum usus peregre acquirendi causa, profectio, ad Dilectionis Vestrae aulam simul jussu animum non minus atque itineris cursum debita veneratione inclinare instituit. Huic enim ad Dilectionis Vestrae gratiam, quam ab eadem dictus parens ejus jam pridem isthic locorum præsens iniit, atque etiam-

num

num grata memoria prædicat, liberio rem accessum vel eo benigne communiendum duximus, quod genuina ipsum paternæ virtutis vestigia legere libenter intelligamus. Pergratum ergo Nobis faciet Dilectio Vestra, si nostra causa subditum hunc nostrum, ad honesta atque egregia quoque adspirantem, gratiæ & protectionis suæ clypeo benigne complecti, eoque desideria ejus secundare, veluti confidimus, dignabitur, ut gratioso promotorialium Vestrarum interventu, faciliior ipsi via, ad alia quoque illustria passim Italiæ loca porro patere queat. Quo nomine Dilectioni Vestræ præfatum Clientem Vestrum omni meliori modo etiam atque etiam commendamus, Eidemque florentissima rerum omnium incrementa ex animo precati, propensam Nostram erga se voluntatem, quacunque se offerente occasione quam testatissimam esse cupimus. Dabantur in arce Nostra Electorali die 10. Nov. 1668.

CCCCXCIV.

Litteræ CAROLI II. Magnæ Britannia Regis, quibus JOHANNI GEORGIO II. Saxonum Electori, Ipsum commilitonem ordinis, qui a periscelide nomen habet, unanimi Capituli consensu esse pronuntiatum, & jam ei insignia Ordinis per Commissarios ad id Delegatos transmitti significat, 1668.

Carolus II. Dei gratia Angliæ, Scotiæ, Franciæ & Hiberniæ Rex, Fidei Defensor, atque prænobilis Georgiani Ordinis vulgo a Periscelide
nun-

nuncupati supremus Magister, Serenissimo Principi Domino Johanni Georgio (II.) Duci Saxoniz &c. Consanguineo, Affini & Amico nostro charissimo salutem.

*Serenissime Princeps, Consanguinee, Affinis
& Amice charissime.*

Quomodo Celsitudo Vestra non ita multo post in præsentis Ordinis Capitulo ad hoc expresse convocato fuerit electa & Commilito ejus pronunciata, non Vos latet. Atque hoc uti confidimus Celsitudini Vestræ non ingratum fore, tum propter ejusdem Ordinis claritatem, tum ob illius, quod in eo conferendo specimen affectus erga Vos nostri putavimus dare. De quo ut certior fiat, & quam Nobis sit cordi curæque, ut quæ adhuc restant ad hoc absolvendum tam gratum opus, quam cito perimpleantur, integrum amictum cum subligaculo cæterisque insigniis Ordinis prima data occasione ab electione Vestra ad Vos curavimus transferenda tradendaque in manus dilectorum & fidelium Nostrorum, Nobilis scilicet Viri Domini Thomæ Higgons, Equitis Aurati nostri-que in Germania Prolegati Extraordinarii, & spectabilis item Viri Domini Thomæ St. George & Fecialibus nostris primariis, unius vices agentis Garterii, præcipui apud Nos ad arma Reguli, Oratorum & ad hoc Commissariorum nostrorum. A quibus ut ea amanter accipiat, illis indui se sinet, fidemque adhibeat præsentibus nostris Oratoribus, Legatis ac Deputatis in omnibus ad illud negotium spectantibus, amice rogamus. Dabantur in Palatio

tio Nostro Albæ Aulæ apud Westmonasterium,
die 29. Nov. 1668.

Celsitudinis Vestræ

bonus Consanguineus & Amicus

Carolus Rex,
ad mandatum supremi Devic.
Lanchester.

CCCCXCV.

*Procuratorium CAROLI II. Magnæ Britannie
Regis, quo delegatos suos, quibus JOANNEM
GEORGIUM II. Saxonie Electorem suæ Ordini
a periscelide nuncupati ornamentis investiendi
curam commiserat, instruxit, 1668.*

CAROLUS II. Dei gratia, Angliæ, Scotiæ, Fran-
ciæ & Hiberniæ Rex, fidei Defensor, atque
prænobilis Georgiani Ordinis, vulgo a Periscelide
nuncupati, supremus Magister, omnibus, ad quos
præsentes hæ literæ pervenerint, salutem. Cum
Serenissimus Princeps Dominus Johannes Geor-
gius Dux Saxonie &c. &c. (tot. tit.) Consangui-
neus, Affinis & Amicus Noster Charissimus, tam
propter Generis sui claritatem, quam eximias ejus
Virtutes, quibus sui nominis fama jam orbem Chri-
stianum replevit; Nec minus quod ipse, pro eis,
quibus Nos est semper prosecutus affectu & obser-
vantia, tam abunde de Nobis sit meritus, ut ei non
solum omnia benevolentiae atque amicitiae officia
tanquam Principi Nobis amicissimo referre, sed
etiam honores, quantum in Nobis est, maximos
atque amplissimos impertiri peræquum judicave-

PARS II.

L I

rimus,

rimus, maxime ad hæc convenire & Nostrarum partium esse censuimus, de more & instituto Majorum, qui maximis & amicissimis sibi Principibus, & eximia virtute & Nobilitate præditis viris hunc honorem persæpe habuerunt, præfatum Serenissimum Ducem & Electorem, in celeberrimam Nostram præfati Ordinis Georgiani societatem de consensu commilitonum, præviisque eorum de more calculis eligere, eumque commilitonem præfati Ordinis pronuntiare. Hac de causa, utque hoc tam gratum opus citius absolvatur, cum Nobis in animo sit & in præsentiarum ex more incumbat, ad præfatum Consanguineum Affinem & Amicum Nostrum subligaculum & Ceruleam Trabeam, cæterumque Ordinis amictum & apparatus, quibus tam Nosmet ipsi quam reliqui commilitones in festivis divi Georgij aliisque Ordinis Solenniis solemus uti, quantocyus transmittere, eamque Provinciam aliquibus ad hoc maxime idoneis e Nostris demandare. Nos pro ea fiducia, quam habemus in dilectis ac fidelibus Nostris, Nobili Viro Thoma Higgons, Equite aurato, Nostro in Germania prolegato Extraordinario, atque item in spectabili viro Thoma St. George uno ex præcipuis Nostris officialibus ad Arma, quorum fidem, solertiam & curam non semel experti sumus, præfatos Higgons & St. George (vulgo Sommers & Herald vocato & nuncupato,) veros & indubitatos Legatos & Deputatos ea in parte commisimus, dantes & tribuentes eis omnimodam potestatem, facultatem & Mandatum speciale, ut præ Nobis & Nostro Nomine ad præfatum Ducem & Electorem se conferant, su-
pra

pra memorata indumenta amictum & insignia Ordinis Ei peramanter offerant, ipsis Eum induant, jusjurandum in Verba statutorum Ordinis ab eo accipiant, cæteraque præstent omnia in similibus assolita, quæque tam ad Nostrium Ordinisque & dicti Ducis & Electoris decus, quam ad hujusmodi solennia rite & quam maximo poterunt decore exequenda opportuna & inservire judicabunt, non secus atque ipsi præstare possemus, dato quod illic Ipsi coram adessemus. Dabantur in Palatio Nostro Albæ Aulæ 29. Nov. Anno Domini 1668.

Carolus Rex.

(L. S.)

CCCCXCVI.

Litteræ CAROLI II. Magnæ Britannia Regis, ad JOHANNEM GEORGIUM II. Saxonie Electorem, quibus ipsi de fausta Nepotis JOHANNIS GEORGII IV. nativitate & auspiciato novi anni initio gratulatur, 1668.

P. P.

PRiusquam ad Officium illud accedamus, quod a Nobis jure postulant Celsitudinis Vestræ literæ, decimo secundo Decembris novissime elapsi de bono recurrentis anni augurio, liceat Nobis in anni præteriti gaudia adhuc recentia oculos animumque paulisper retorquere, oculos quidem in alteras Celsitudinis Vestræ literas vigesimo die Octobris ad Nos scriptas, animum vero in gratissimam eorundem materiam, nempe faustum novi Principis partum, unde Celsitudo Vestra dul-

Ll 2

cissi-

cissimum avi Nomen sortita est, Filius ipsius unicus cum Serenissima Puerpera lætissimi parentes evasere, antiquissima autem Domus Electoralis exoptatum columen & augmentum nacta firmitus, ad perennitatem grassatur. Vivat vigeatque isthoc tam multiplicis lætitiæ pignus & argumentum, ut qui nunc in cunis blande subridet Illustrissimus infans, olim Pater, olim avus ipse quoque salutetur, & ad seros Nepotes Saxonice Claritudinis facem transmittat. Hoc opportuno propitii Numinis dono Celsitudo Vestra quandam immortalitatis speciem visa est acquisivisse. Quod tamen impedimento Nobis esse non debet, quo minus (ut supra innuebamus) novi quoque anni initium Celsitudini Vestræ prosperum gratulemur, & progressum multo feliciorum exoptemus. Sed amplius de hisce aliisque affectus Nostri testimoniis coram disseter Ablegatus Noster Extraordinarius, qui jam pridem versus Celsitudinem Vestram iter suscepisset, nisi quod hyems solito asperior Regionibus Nostris diu incubuerit mariaque ac terras prorsus impervias reddiderit. Illius tamen adventum accelerabimus, cum tempus navigationis profectioisque paulo patentius obvenerit. Interea Celsitudinem Vestram cum universa Domo Electorali & clarissimis Ejusdem furculis Dei Optimi Maximi tutelæ ex animo commendamus. Dabuntur in Palatio Nostro de Whitehall decimo octavo die Januarii 1668.

CCCC XCVII.

*Litera CAROLI II. Magnæ Britannie Regis, ad
JOH. GEORGIUM II. Saxonie Electorem, de
trans-*

*transmisso ipsi per presentem Ablegatum Ordinis
a periscelide nomen trabentis ornatu agentes, 1669.*

Carolus II. Dei gratia Magnæ Britanniaë,
Franciæ & Hiberniæ Rex, Fidei Defensor &c. Se-
renissimo Principi, Domino Johanni Georgio
(II.) Saxoniz, Juliaci, Cliviæ & Montium Duci,
Sacri Romani Imperii Archimarescallo & Principi
Electori (tot. tit.) Consanguineo, Affini & Amico
nostro charissimo, salutem!

*Serenissime Princeps, Consanguinee, Affinis
& Amice charissime.*

ANtiquissimum celeberrimumque ordinem
nostrum Gartierii dictum, cujus tot Principes
olim, summique ii, per orbem Christianum, Equites
focique extitere, Celsitudini Vestræ Electorali di-
gnum pariter vident, quem eadem propensitate
expeteret, ab amicis ipsius aliquot læti accepimus,
volentesque summam illam existimationem, ani-
moque nostro justissime conceptam de persona
Celsitudinis Vestræ, utpote ex tam celsa origine tan-
taque meritorum gloria societati nostræ decori fu-
tura, insigniori quavis nota testari, in dictum illum
præclarissimum Periscelidis Ordinem, quo unus
idemque Nobiscum socius illius esset, una conscri-
ptam Eam fore consensimus. Eumq; in finem præ-
sentium latorem, dilectum Nobis ac fidelem Tho-
mam Higgons Equitem Auratum, supremique
Nostri Angliæ Concilii sive Parlamenti Senato-
rem, necessariis ad id instructum omnibus (adjun-
ctoque etiam officiário ad ejusmodi negotia spe-

luit, condignas eidem gratias agimus, quod tam honorifica de partu Nepotis Nobis gratulatione facta participes Nos reddidit splendoris, de quo glorioso ejus Regimini Domuique Regiæ merito gratulamur. Deum Ter optimum maximum precacati, ut sceptræ Regiæ omni porro rerum florentissimarum incremento cumulet. Nobis autem frequentiores præbeat occasiones, quibus novo jam benevolentia vinculo obstrictum Regiæ Vestræ Majestatis animum, & quantum Nobis fiducia de Regio Vestra in Nos affectu ex tam insigni argumento accessit, recentioribus subinde studiis palam testari queamus. Quade re Regiæ Vestræ Majestati Ablegatus non minus ac de his, quorum præterea mentio injecta est, prout confidimus, pluribus coram fideliter est relaturus. Adeoque hisce Regiam Vestram Majestatem, Regiamque Domum Vestram divinæ Protectioni serio commendamus. Dabantur in Electorali Nostra Dresdæ die 19. Aprilis 1669.

CCCCXCIX.

Litera JOHANNIS GEORGII II. Saxonie Electoris, ad FERDINANDUM II. Magnum Etruriæ Ducem, a quo, ut Johanni Pflugio, stationem inter cohortis sue pratoria Equites gratiose concedere dignetur, amice contendit, 1669.

P. P.

PRobavit Nobis, qui Dilectioni Vestræ hasce Nostras devote traditurus est, Johannes Pflug, Nobili apud Nos gentē oriundus, suum in Italiam
Ve-

Vestram proficiscendi Consilium, quo uberiores rerum & quorum a prima inde adolescentia in aula Nostra tyrocinia fecit exercitiorum Equestrium usum acquireret, junctisque precibus a Nobis impetravit, ut honestos ejus conatus, pro ea, qua fideles subditos Nostros prosequimur gratia apud Dilectionem Vestram redderemus commendatiores. Eandem igitur pro mutua Nostræ benevolentia fiducia hisce peramanter rogatam volumus, ut benignitatis suæ favore Vassallum hunc Nostrum, majorum exemplo ad condigna natalibus suis adspirantem complecti, interque cohortis Vestræ prætoriarum Equites, si id quidem, prout confidimus, commode fieri potest, stationem Eadem gratiose concedere velit. Consequetur eo ipso speratum commendationis hujus Nostræ fructum, accepti beneficii omni tempore memor, & nostra porro studia atque officia in Dilectionem Vestram, cui prosperam valetudinem & florentem per omnia rerum statum a Deo precamur, constabunt. Dabantur in Electorali Nostra Dresdæ die 7. Aprilis 1669.

D.

Litera JOHANNIS GEORGII II. Saxonie Electoris, ad CAROLUM II. Magna Britannia Regem, quibus ipsi iterata vice, pro collatis sibi Ordinibus, cui vocabulum a periscelide est, insigniis, gratias agit maximas, 1669.

P. P.

Quam generoso Regia Vestra Majestas erga Nos feratur affectu, etsi haut obscuris Nobis

Ll 5

rerum

rerum documentis hactenus constitit, multo tamen
luculentiora in eo eluxere, quod Nos in Eque-
strem Ordinis prænobilis Gartierii s. Periscelidis
societatem per capituli suffragia eligere & coopta-
re, illoque nomine Oratores suos & Deputatos,
Virum Nobilem Dominum Thomam Higgons
Equitem Auratum &c. & spectabilem item Vi-
rum, Dominum Thomam St. George &c. cum
mandato transferendi tradendique Nobis subliga-
culum cum cærulea trabea, cæterisque Ordinis
insigniis, iisque Nos de more investiendi faculta-
te ad Nos ablegare voluerit. Qua quidem in
parte, sicuti memorati Regiæ Vestræ Majestatis
Legati, redditis Nobis Regiis Vestris Literis, com-
missum ipsis officium decenti solertia juxta & lau-
dabili dexteritate, adhibitis de more publicis cære-
moniarum solemnibus, hac in re abunde per o-
mnia apud Nos explevere: ita Nos non modo au-
gustum illud munus, laudata Ordinis insignia, qua
decurt æstimatione, & quam etiamnum profite-
mur, gratæ mentis expressione suscepimus, verum
etiam pro virili annitemur, ut quæ unquam ad
Ordinis hujus decus ac ornamentum spectare vi-
debuntur, omni meliori modo provehere, tam-
que sinceræ Regiæ Vestræ Majestatis erga Nos
voluntatis indiciis, paribus devincti animi studiis
atque officiis ubique digne respondere valeamus.
Nulli dubitantes, quin de his omnibus apud Re-
giam Vestram Majestatem Legati Vestri fideliter
sint relaturi. Cui ab omnipotenti Deo prosperam
Valetudinem & rerum omnium incolumitatem se-
rio

rio precamur. Dabantur in Electorali Nostra
Dresda die 19 Aprilis 1669.

Regiæ Vestræ Majestatis

*Consanguineus & Affinis Stu-
diosissimus*

Johannes Georgius II. Elector.

DI.

*Litteræ JOHANNIS GEORGII II. Saxonie
Electoris, ad JOHANNEM de GRENVIL-
LE, Comitem Bathonia, a quo, ut Ordini aperi-
scelide nominato, ea, quæ coram fieri consuevis-
sent, sua vice præstare velit, modeste efflagitat,
1669.*

P. P.

COLLATO Nobis a Serenissimo & Potentissimo
Principe, Domino Carolo II. Magnæ Britan-
niæ, Franciæ & Hiberniæ Rege Domino Consan-
guineo & Affine Nostro colendissimo prænobilis
Georgiani Ordinis a Periscelide nuncupati, supremo
Magistro, per splendidos Ablegatos suos Ordini,
modo dicti axiomaticæ, muneris Nostri ratio postula-
vit, ut quæ de more ordinis in frequenti capitulo co-
ram fieri consuevere, per Vicarium Nostrium præ-
stemus. Cum igitur hac in parte haud vulgariter
commendatæ Nobis Virtutis Vestræ fiducia Nos
teneat; peramanter vos hisce rogatos volumus,
ut quicquid muneris hujusce Nostro Nomine in
arce Windesoria obeundi adhuc restat, citra mo-
lestiam in Vos, virtute præsentis manu sigilloque
Nostro roborati Procuratorii suscipiatis. Per-
gra-

gratum in eo studiosi Vestri erga Nos animi extabit argumentum, Nostramque benevolam erga Vos Voluntatem quavis occasione vicissim probatam dabimus. Dabantur in Electorali Nostra Dresda die 19. Aprilis 1669.

D I I.

Procuratorium JOHANNIS GEORGII II. Saxonie Electoris, quo Johanni de Grenville, Comiti Rathonia, plenam facultatem committit, omnia ea Ordini a periscelide dicto suo nomine præstandi, quæ adhuc præstanda absenti restarent, 1669.

NOS Johannes Georgius II. Dei Gratia Saxoniz, Juliaci, Cliviz & Montium Dux, Sacri Romani Imperii Archimareschallus & Princeps Elector &c. &c. Omnibus & singulis præsentem literas lecturis, vel legi auditoris salutem. Quandoquidem Serenissimus & Potentissimus Princeps, Dominus Carolus II. Dei gratiæ Magnæ Britanniz; Franciæ & Hiberniæ Rex &c. Dominus Consanguineus & Affinis Noster colendisissimus, supremus prænobilis Ordinis Gartierii sive Periscelidis Magister, pro antiquissima Regiæ suæ & Nostræ Electoralis Domus necessitudine Regionumque affectu, Nos in commilitonem Ordinis hujus Equestris, suffragante Ordinis Capitulo eligere, ejusque rei per literas juxta & Legatos Regios certiores Nos, adeoque ipso facto Ordinis participes facere voluit. Susceptis, quo par fuit grato animo, transmissis traditisque Nobis celeberrimi Ordinis Insigniis, illud, quod hac in parte de more ordinis
ad

ad officium Nostrium reliquum est, propter absentiam, solito loco ac tempore per vicarium Nostro nomine fieri censuimus; ac proinde eo fine in Procuratorem Nostrium elegimus, prout Virtute præsentium eligimus & substituimus, Virum Perillustrem, Dominum Johannem de Grenville, militem, Comitem Bathoniæ, Vicecomitem Lansdoniæ & Baronem de Kilckhampton & Biddeford, Cornubiæ Locumtenentem Generalem, & Angliæ Patrem, ut Nostro Nomine in Capitulo Ordinis, præstituto loco & tempore compareat, vices Nostras hac in causa, juxta specialem Nostram Declarationem, quam desuper manu sigilloque Nostro roboratam dictis Legatis Regiis extradi, atque præstitis ad Illius tenorem præstandis in Acta Ordinis publica rite referendum curavimus, suppleat. Quo facto omne id, quod modo nominatus Comes Bathoniæ in commisso hoc ipsi negotio Nostra causa egerit feceritque, ratum gratumque per omnia habebimus. In cujus rei fidem præsentis manu Nostra subscriptas Sigillo Nostro Electorali communiri jussimus. Actum in Electorali Nostra Dresda, die 15. Aprilis Anno 1669.

DIII.

Diploma JOHANNIS GEORGII II. Saxonie Electoris, quo se statuta Nobilis Georgiani Ordinis, in quantum licuerit, sedulo observaturum esse declarat, 1669.

NOs Johannes Georgius II. Dei gratia, Saxonie, Juliaci, Cliviæ & Montium Dux, Sacri Romani Imperii Archimareschallus & Princeps Elector

ctor &c. &c. Omnibus & singulis, ad quos præ-
sentes literæ pervenerint, salutem. Cum Serenis-
simo ac Potentissimo Principi Domino Carolo II.
Dei gratia Magnæ Britanniæ, Franciæ & Hiberniæ
Regi, Domino Consanguineo & Affini Nostro co-
lendissimo, prænobilis Ordinis Georgiani, vulgo a
periscelide nuncupati, supremo Magistro placue-
rit, ut suffragante ordinis Capitulo, ad hoc expres-
se convocato, in evidentius quoddam affectus erga
Nos Regii specimen, Nos in societatem & collegi-
um hujus Ordinis eligeret & cooptaret, illoque
Nomine ad Nos Oratores, Legatos & Deputatos
suos, virum Nobilem, Dominum Thomam Hig-
gons, Equitem auratum, supremique sui Angliæ
concilii sive Parliamenti senatorem, nec non in
Germania Prolegatum Extraordinarium, & specta-
bilem item virum, Dominum Thomam St. George
e Fecialibus suis primariis unum, vices agentem Gar-
terii præcipui ad arma Reguli, ablegaret, data ipsis
facultate transferendi, tradendique Nobis trans-
missum amictum cum subligaculo cæterisque Ordini-
is insigniis, præsentium tenore testatum volumus
dicta illustris hujus Ordinis insignia Nobis ab eorum
manibus, ritibus insuper, qua decuit methodo &
solennitate adhibitis & celebratis tradita esse.
Quemadmodum igitur Regium hoc cooptandi No-
stri in equestrem illam fraternitatem studium & vo-
luntatem, pro eo, ac par est, grate agnoscimus.
Ita per hæc simul promittimus verbo Electorali
ac fidem damus sub honore Nostro, Nos fideliter
& pro viribus observaturos statuta clarissimi Geor-
giani Ordinis a Periscelide nuncupati, prout illa
articu-

articulatim in libello ad Nos transmissio descripta continentur, quatenus observari possunt ac debent, & tum professa a Nobis Religioni, tum Dignitati Nostræ & officio Electorali, iisque juribus & prærogativis, quæ alias Nobis competunt, non derogant. In cujus rei testimonium hæc Nostra manu subscriptas sigillo Nostro Electorali communiri jussimus. Actum in Electorali Nostra Dresda, die 13. Aprilis Anno supra millesimum sexcentessimum, sexagesimo nono.

DIV.

Litteræ EPISCOPORUM POLONIÆ, ad CLEMENTEM PAPAM IX. a quo, ut ad instantem Novi Regis Electionem Legatum a Latere mittere dignetur, supplices precantur, 1669.

STatus, & Ordines Regni Poloniæ, Magnique Ducatus Lituaniæ ad providendam ex communi consilio securitatem congregati, nihil magis in præsentis orbitate expetere visi sunt, quam ex Sanctitatis Vestræ dignatione beari, ut futuram novi Regis Electionem per Legatum a latere suo mittendum condecorare velit, hujus demissæ supplicationis nos Episcopos interpretes esse voluerunt, quam dum præsentibus humillime Sanctitati Vestræ exhibemus, Eminentissimis simul Sac. Rom. Eccles. Cardinalibus Regni nostri Protectori, & Comprotectori desiderii hujusmodi causam, & rationem, adeoque illius evidentem pro Religionis Catholicæ utilitate necessitatem prolixius exposuimus;

mus, dignetur modo Sanctitas Vestra eam ab iisdem excipere, ac pro Paterna sua, eaque incomparabili in populos Christiana fidelitate Sanctitati Vestræ subjectos pietate, in quorum numero non postremam se esse Polonia gloriatur, omnium nostrum votis clementissime annuere, quod maximi loco beneficii acceptum in perennaturos referemus factos, ac una nos posterosque nostros perpetuo gratitudinis tributo æternum nomini Sanctitatis Vestræ obligabimus. Beatissimis ejusdem pedibus venerabundi humillima figentes oscula. Dabatur Anno 1669.

DV.

Litteræ EPISCOPORUM POLONIAE, ad CARDINALEM REGNI POLONIAE COMPROTECTOREM, quibus eum, ut officiis suis interpositis, summo Pontifici ablegationem legati a latere in Poloniam persuadere baud gravetur, impense rogant, 1669.

PEculiare in hac orbitate nostra a Paterna Sanctissimi Domini nostri cura, & solitudine tuleramus solatium, dum ex publica accepimus fama destinari huc a latere Sanctissimi Legatum, qui futuræ electioni assisteret, tamque eminenti auctoritate rei illius actus moderaretur, ejusmodi Nuntio exhilarati jam dignos tanto hospiti honores, omnem humanitatis cultum apparabamus, cum recens rumor mutatum id sanctitatis propositum divulgavit, quod minus acceptum nonnullis nostrorum popularium tantæ dignationis argumentum fore sua sanctitas arbitraretur. Omnino itaque necessaria-

cessarium duximus supplices ad Sanctitatem suam scribere literas, quas ad Eminentissimum Cardinalem Regni nostri Protectorem annexas Eminentiae Vestrae praesentare, & pro eximia, qua Regnum hoc complectuntur, benevolentia in missionem Legatia latere apud Sanctissimum meritisima promotione sua accelerare dignabitur; Et licet pluribus evincere possimus rationibus, quantum rei Catholicae intersit, ut id decoris futurae electionis Solennitati Sanctissimus impertiatur; iis tamen omisissis ea cum primis perquam humiliter insinuamus, Regnum Poloniae duntaxat, non in personam, sed fatis ita urgentibus, in familiam, quae coelitus destinata fuerit, transferendum, quod fieri Divino nutu, orbi universus tunc intelliget, si Sanctissimi Domini veluti interpres supremae voluntatis Legatus a latere electioni nostrae adfuerit. Jam vero cum inter metuendae potentiae competitores Magni Ducis Moschoviae Filius per ora vulgi passim circumferatur, multique pronis eum studiis Graecum Schisma cum lacte haustum Catholici Regni premio ejuraturum polliceantur; Est sane cur Romanam fidem extremum periculum subituram vereamur. Nam cum certo nobis constet, duram Gentis cervicem; nisi singularis Numinis ope ad meliorem frugem flecti posse; quis Principum Christianorum sponfionem de assumenda fide Romano-Catholica; retinendoque ejusdem ritu pro schismatico hoc in solium (quod absit) assumpto in se reciperet; gnaris omnibus, quam sit Moschorum Gens moris ac erroris sui supra modum tenax, ac insito in Sacram Romanam Ecclesiam odio deditissima; proinde

hanc populi ad sola temporalia commoda, minime vero ad maximum rei Catholicæ detrimentum respicientis inclinationem superna Christi in terris Vicarii autoritate, omnino opus habere iudicavimus. Suppetunt etiam summorum retroacti sæculi Pontificum exempla, qui levioribus de causis Reges nostros, adeoque ipsa interregna similibus legationibus condecoravere. Cum igitur nobis certum sit, summam utilitatem rei Catholicæ eximiumque Sux Sanctitatis solatium emanaturum, dum in tam disitis & per vastissimum septentrionem diffusis populis filialem erga sanctam sedem cultum profitentibus, paternæ sollicitudinis gloria in Regnum hoc orbatum personuerit, in spe adipiscendi favoris hujus erigimur, dummodo Eminentix Vestræ efficacissima accedat opera, quam cum enixius in hanc rem sollicitamus, devota nostra Eminentix Vestræ deferimus officia. Dabantur Varavia Anno 1669.

DVI.

Litera MICHAELIS, Poloniarum Regis, ad CLEMENTEM PAPAM IX. cui se in Regem Polonia concordibus gentis suffragiis electum esse venerabundus nuntiat, 1669.

Michael DEI Gratia Rex Poloniæ &c.

Post oscula beatorum pedum Sanctitatis Vestræ, mei, Regnique mei humillimam commendationem. Ad anxias Sanctitatis Vestræ curas, quarum non minor pars Regni Poloniæ orbitas Sanctita-

Sanctitatem Vestram exercebat, censui pertinere Sanctitati Vestrae cum differre Nuntium, me totius liberae Gentis concordibus suffragiis, ad Thronum Regni Poloniae 19. Junii electum tandem hesternum 7. Julii die post capitulationem conclusam, & juramentum religiose peractum, sceptrum Polonum maximis studiis, & votis externorum Principum petatum feliciter capessivisse. Mirabitur orbis me Regni indigenam, nullis fultum exterorum commendationibus, ab omni remotum ambitu, concordia Ordinum Regni voce ad onus regendi, regnandique in Polonia assumptum; manus Domini fecit hæc, & opus solius dexteræ Excelsi. Atque, dum humeros impares licet tantæ suppono moli, Sanctitatem Vestram, amantissimum Christiani orbis & Poloniae Parentem, demisso cultu, & filiali obsequio veneror, beatissimisque ejusdem advolutis pedibus, paternam supplex flagito benedictionem. Minimo filiorum suorum Sanctitas Vestra eam non gravetur impertiri. Benedicat mihi Anima Tua, ut Poloniae Aquilæ juvenus meis sub auspiciis renovetur, Religio Catholica per Regnum annexasque provincias, & major gloria Dei proferatur, validum hoc Christianitatis antemurale terrori sit, & formidini iis hostibus, cum quibus a tot annis gravi & ancipiti dimicat bello. Hæc Sanctitati Vestrae nuntiare suadet, & erga Sanctitatem Vestram mea summa devotio, tum & Antecessorum meorum erga Sanctam Sedem constans & pervetusta reverentia. Ejus impulsu dum hæc scribo, me regnumque meum Sanctissimis orationibus tum & Paternæ Sanctitatis Vestrae protectioni

diligenter commendo. Dabantur Varſaviæ die 8.
Mensis Julii Anno 1669.

DVII.

Breve CLEMENTIS PAPAE IX. quo MICHAELI, Poloniae Regi, ad præſentatas reſpondet literas, 1669.

Charissime in Chriſto Fili Noſter, Salutem & Apoſtolicam benediſtionem. Ingenti ſane gaudio Paternum animum noſtrum compleverat Venerabilis Fratris Archi-Epiſcopi Corinthi, Nuntii Apoſtolicæ relatio de Majeſtatis Tuæ Perſona concordibus Comitiorum votis in Poloniae Regem eveſta, deque ſumma expectatione, quam eximiæ virtutes, quibus eadem ſpeciali Dei munere ſpectate inſignitur, & imprimis ardens Religionis Catholice zelus excitaverant. Hujusmodi vero lætitia, & ſpes nunc etiam nobis confirmatur, & augetur ex literis tuis, ſuſcepto ſtatim Regni ſceptro, ſumma cum filialis erga Nos & hanc Sanctam ſedem pietatis, & obſequii ſignificatione perſcriptis. Etenim recte ac ſapienter Majeſtas Tua primordia Principatus a cœlo auſpicatur, & Regimina popu-
lorum ab ejus ſedis veneratione, cui Chriſtus Jeſus univerſas oves ſuas regendas commiſit. Initium proſecto ſapientiæ eſt timor Domini, nec ipſe rerum ordo ſinit, ut bene non imperet hominibus, qui bene non paret Deo. Itaque pro certo habemus egregiam animi præceſſi tui magnitudinem, quo magis agnoſcit in ſui electione conſpicue ac mirabiliter Altiffimi dexteram adſuiſſe, co-
certe

certe confidentius & enixius incumbere velit totis viribus, ut beneficii tanti largitori se gratum, & obsequentem præbeat, omnibus Regis optimi partibus implendis ac potissimum S. Religionis Orthodoxæ, cui etiam istius præclarissimi Regni fundamentales leges maxime innituntur, rebus & rationibus universis omni studio tuendis, & provehendis, cumque non sine magno mentis nostræ gaudio intellexerimus, nonnulla haud parvi momenti comoda & lucra, in istis Electionis Tuæ Comitibus adversus Hæreticos Religionis Catholicæ bono quæsitæ esse; vehementer a Te petimus, ut ea etiam, quantum maxime poteris, extenta, & ampliata penitus executioni demandentur. Utque præterea vel imprimis Acatholicis omnis aditus ad quascunque dignitates, & officia Regni præcludatur. Etsi vero cuncta hæc, te pro spectata pietate tua zeloque Regio sponte effecturum fuisse non dubitamus, tamen, ut id a Te rursus etiam atque etiam efflagitemus, cum rei gravitas, tum etiam muneris nostri debitum a nobis exigit. Nos utique charitatis Apostolicæ documenta insigniora, quæque inclyto Religiosissimæ ac fortissimæ Gentis Moderatori debita, semper prolixè cumulateque præstabimus Majestati Tuæ, cujus expectatissimæ virtuti, & gubernio felices successus a Rege Regumque Deo, toto ex corde peroptamus, Apostolicamque benedictionem quanto pietatis studio postulas, tanto benevolentissimi cordis affectu impertimur. Datum Romæ apud Sanctam Mariam Majorem sub annulo Piscatoris, 10. Augusti Anno 1669.

D I I X.

Litera ANDREÆ OLZOVII, Procancellarii Regni Polonia, ad CAROLUM HYACINTHUM, Lotharingæ Ducem, quem Regno Polonia potiundi spe elapsum, generose solatur, 1669.

Magni & invicti animi Documentum est, quod Serenitas Vestra Regiæ fortunæ spe, & proximo Rerum fastigio excidens tamen in gradu persistat, neque in dolorem & querelas victa erumpat, sed constanter toleret, quidquid Divini arbitrii ineluctabilis necessitas præter spem & vota decrevit. Euripum jure aliquis appellavit Comitiorum & populi favorem; Sane hic mirus fuit erga Serenitatem Vestram, nisi obstinata Candidati æmulatio, tertio nec opinanti facilem viam aperuisset. Factum est, & quod infectum reddi nequit, fortiter ferendum. Confidat Serenitas Vestra, me serio a partibus ejus fuisse, nullo privato commodo, sed laudatissimis ejus virtutibus fuisse addictum. Deum precor, felicitate & ornamentis omnibus cumulatam reddat Serenitatem Vestram, cujus ego memoriam non prius nisi cum vita dimittam, ac maneo. Dabantur Varavia, 17. Julii, 1669.

D I X.

Litera MICHAELIS, Polonorum Regis, ad LEOPOLDUM, Roman. Imperatorem, cui Regios sibi a Polonis fasces concreditos esse refert, 1669.

Micha-

Michael DEI Gratia electus Rex Poloniæ, Magnus Dux Lituaniæ &c. Salutem & Fraternalis amoris continuum incrementum. Pro eo benevoli animi studio, quo in vicinum sibi Poloniæ Regnum Majestas Vestra Cæsarea propendet, non ingratum existimamus Majestati Vestræ accidisse Nuntium, de nostra ad thronum Regium electione. Quod licet fama ipsa notum, movemur tamen officii nostri ratione, & summo erga amicissimum & inclytum Principem respectu, ut ex nobis etiam Majestati Vestræ innotescat, nos in campo libertatis Poloniæ consensu omnium Ordinum die 19na Junii in Regem acclamatos tandem die septima Julii post Capitulationem conclusam, & juramentum religiose præstitum, sceptrum feliciter capessivisse non humanæ industriæ opus, non solers, & ingeniosa prensatio cum nobis struxit gradum, solius Domini est assumptio nostra, inter prodigia orbis jure recensenda. Porro quo affectu Regnum hoc, nostrosque Antecessores Majestas Vestra in tam propinqua vicinia complectebatur, eundem erga nos velit continuare, enixius optamus. Non desiderabit in Nobis Majestas Vestra Cæsarea parem officii, bonæ vicinitatis, & optimæ correspondentiæ vicissitudinem. Contendemus exemplo Majorum Nostrorum, olim & nuper regnantium eam amicitiam, & fœderum religionem sancte observare, quam non annorum, sed seculorum diuturnitas & constans ac illibata observantia cum Serenissima Domo Austriaca validissime firmavit. Interim Majestati Vestræ Cæsareæ cum longæva incolumitate felix & tranquillum imperium

rium ex animo vovemus. Dabantur Varſaviæ,
20. Julii, 1669.

DX.

*Litteræ MICHAELIS, Polonia Regis, ad FRI-
DERICUM WILHELMUM, Electorem
Brandenburgicum, quibus controversias ab utra-
que parte motas Cracovia sub coronationis suæ
tempus opportune terminari posse innuit, 1669.*

Humanitati & propenso erga Nos Serenitatis
Vestrae studio, tributum imus, quod in præ-
cinctu discessus sui ex Prussia in Marchiam certiores
nos facere ea de re Serenitas Vestra operæ pretium
duxerit: respondemus pari benevolentia nostræ
affectu Serenitati Vestrae, cui prosperum iter ap-
precantes sinceram pariter amicitiam, bonam
vicinitatem, foederumque nobis & Reipubli-
cæ, cum Serenitate Vestra intercedentium, illiba-
tam observantiam, ex parte nostra adpromittimus.
Cum vero non ignotum sit Serenitati Vestrae, Or-
dines Regni Poloniae in proxime præteritis Electo-
ralibus Comitibus ita sanxisse, nobisque inter pacta
conventa proposuisse, ut exortæ & quæ adhuc ex-
oriri possunt differentia, ac mutæ prætensiones,
nos inter ac Serenitatem Vestram, amicabilibus
mediis sopiantur, & determinentur. Damus id
libenter populorum nostrorum desiderio, simul-
que retinendæ ac magis promovendæ cum Sereni-
tate Vestra bonæ amicitia, ac mutæ confidentia
studio, ut ad peragendum id negotium Serenita-
tem Vestram invitemus, neque existimamus com-
modiorem locum, ac tempus proponi posse, quam
Cracoviæ sub felicem coronationem nostram, cui
solen-

solenni ritu celebrandæ diem 29. Septembris indicimus. Certa spe sumus, Serenitatem Vestram singulari erga nos propensioris animi documento per legationem suam, eundem Coronationis actum exornaturam, quod pergrate habituri paribus officiis vicissim rependemus. Ac interim Serenitati Vestræ bonam valetudinem & prosperos rerum successus ex animo precamur. Datum Varisaviæ, 29. Augusti, Anno 1669.

D XI.

Litteræ ANDREAE OLZOVII, Procancelarii Regni Poloniae, ad CARDINALEM UR-SINUM, quem Episcopum Biterrensem nomine Regis Poloniae ad Cardinalitiam dignitatem commendatum esse edocet, 1669.

Post multas tribulationes tandem potior visus est obtinendæ nominationi a Sacra Regia Majestate ad Cardinalitiam dignitatem Illustrissimus & Reverendissimus D. Petrus Bonfi, Episcopus Biterrensis, qui legatione Gallica Extraordinaria binis vicibus in Polonia fungebatur. Concessum id præ aliis motivis Serenissimo Galliarum Regi nimis nimisque instanti, quo cum bona correspondentia & amicitiae veteris conservatio Regi Poloniae, Regnoque huic sæpius maximis casibus laboranti Turcicae potentiae exposito, nec frustra post tristem Candiae deditionem sibi metuenti perutilis videretur. Dignabitur Excellentia Vestra validam manum & operam admove-re, ut nominationis Regiae idem D. Episcopus Biterrensis quam primum effe-

M m 5

ctm

ſtu potiatur, gaudeatque efficaciſſiori ſtudiorum & benevolentię Excellentię Vestrę documento. Non repeto ea, quę Regiis literis expreſſa ſunt, addo duntaxat calculum officiĩ, & devotionis meę erga dictum Illuſt. Epiſcopum Nominatum Regium, ac meorum promptitudinem obſequiorum Eminentię Vestrę dico, & addico. Datum Varſavię, 17. Novembris, Anno 1669.

D X I I.

Litera ANDREAE OLZOVII, Regni Polonia Procancellarii, ad FRIDERICUM WILHELMUM, Electorem Brandenburgicum, quibus se excuſare maximopere aggreditur, quod ejus actiones nunquam alieniori aut infeſto animo erga Reipublicę Proceres interpretatus ſit, 1669.

EPiſtolam Serenitatis Vestrę, Regiomonto tertia currentis ad me datam, libens & debita tanto Principi veneratione accepi, pro cujus honore conſtataque erga me benevolentia ago, debeoque quam maximas Serenitati Vestrę gratias. Perſcribere dignata eſt Serenitas Veſtra inopinatum eidem accidiſſe, me ſincera Serenitatis Vestrę toties Reipublicę probata officia, alieniori animo interpretari, ſimulque actiones ejus Serenitatis reddere ingratas, quod vulgo ſpargatur, & propria manu mea probari poſſe affirmatur. Excusabit benigne Serenitas Veſtra, ſi fides mea & amor in Patriam ita ſuadet, meque impellit, ut ea, quibus aliquantum lædi Rempublicam Poloniam advertam, tacitus permittere nec poſſim nec debeam. Non po-

potui non indolere post tractatus diversos de rebus Polonicis aut Poloniæ annexis a Serenitate Vestra nobis in sciis initos & conclusos, querela gravi a frequentissimo Senatu, sub tempus funeris Reginalis Cracoviam congregato, expressioque per Præmatem Regni, doloris publici sensu, frustra habitis, proximo post tempore Serenitatem Vestram, promotionem ad coronam Poloniæ nominatim Principis Neoburgici pactis firmasse, eidemque tractatui alios Principes invitatu Serenitatis Vestræ accessisse. Rem adeo novam, nostris liberrimis juribus adversam & nocivam pro officii mei ratione & juramenti nexu aliquot concivibus viris gravissimis communicavi: quod jure a me factum quilibet a partium studiis, ab ira & odio vacuus, nostræque Reipublicæ non nihil peritus judicare poterit. Apprehensio possessionis Præfecturæ Drahimensis, quod recenti orbitate nostra tristi Reipubl. tempore acciderit, quod (intervenientibus mutationibus & nostris æquis prætensionibus) nulla prævia tractatio, ac ne quidem denunciatio anteverterit, fateor mœrori mihi, & quam plurimis fuisse; neque id negaverim aliquoties a me voce & scripto illatum, quod auxiliares copię Serenitatis Vestræ equitum peditumque bis mille novis nostris bellis, Moschovitico, Cosatico, Scythico defuerint, quæque ad expurgandam hostibus Poloniam ex pactis adhuc debebantur, intra verba steterint. De noviter attentato per Vistulam trajectu, querela frequens est Statuum & Ordinum terrarum Prussiæ non ignota opinor Serenitati Vestræ. Pilaviensæ vectigal dimidia parte
Regi

Regi Poloniæ debitum penitus non extradi, est quod in dispendio censeatur Lemburgi & Bitovizæ titulum pactis nullatenus expressum. Cum eas præfecturas Serenitas Vestra seu datario jure obtimeat (dominio directo Regum & Regni Poloniæ salvo manente) condonabit Serenitas Vestra me inconsulta Republica, cujus jura & dignitatem tueri, jurata fide obstrictus sum, tribuere ex Cancellaria Regni minime posse. Atque hæc forte sunt, quæ alienioris animi & sinistrae officiorum in Rempubl. Serenitatis Vestræ interpretationis invidiam mihi accumulanti. Nullus tamen dubito, quin Serenitas Vestra pro sua æquanimi- tate frequens studium meum pro hac Republica boni consulere ac melius interpretari dignatura sit. Deum amicus rogo, ut istud controversiarum & suspitionum momentum bonis mediis quam primum sopiatur, nulla- que causa suboriat in- vicem conquerendi, quod pridem forte actum fuisset, si diuturna Serenitatis Vestræ in Aula Polona legatio, agere quam trahere negotium maluisset. Audeo affirmare submotis Patriæ meæ dispendiis, atque iis quæ nos territant, constantia obsequiorum & devotionis erga Serenitatem Vestram neminem ante me futurum. Eadem porro obsequia sublimi gratiæ Electorali Serenitatis Vestræ humiliter commendo. Dabantur Varsoviæ, 18. Novembris, Anno 1669.

DXIII.

*Littera MICHAELIS, Polonia Regis, ad FRI-
DERICUM WILHELMUM, Electorem
Bran-*

*Brandenburgicum, quibus ipsi qua ratione controversiis inter Rempubl. Poloniam ipsumque gliscen-
tibus finis modusque imponi tandem possit, aman-
ter exponit, 1670.*

P. P.

TRIBUS Epistolis Serenitatis Vestræ de data 10.
& 11ma Septembris ad nos datis, insimul-
que nobis 15ta Octobris redditis, una hac nostra
libenti officio respondemus. Probe novimus vi-
gore Pactorum Bidgostiensium obligatam fuisse
Serenitatem Vestram ad nostram felicem Corona-
tionem, consiliarios, aut officiales suos mittere,
qui feudum de arcibus & oppidis Bitow & Lem-
burg ad Regnum Nostrium pertinens recognoscere,
& literas recognitionis & renovationis feudi a No-
bis accipere debebant. Ac licet Nobis non constet
de causa legitima, cur id officium & debitum in hac
felici Coronatione Nostra non sit adimpletum, ex-
inde tamen Pactorum religioni nullum detrimen-
tum fieri pro observantia earundem, & pro sin-
gulari erga Serenitatem Vestram Nostra propensio-
ne declaramus. Altera epistola recte memorat
articulo vigesimo primo foederis Bidgostiensis dis-
positum esse, ut id ipsum foedus perpetuum post
Electionem Nostram ab utraque parte renovetur,
confirmeturque juramento desuper præstito per
Deputatos in animam Principalium jurantes.
Equidem nihil Nos probius, sanctiusque ducimus
observantia & plenaria executione foederum, uti
cum omnibus principibus vicinis, ita pariter cum
Serenitate Vestra, quod omnibus officiorum do-
cu-

cumentis ex parte nostra comprobaturi sumus. Est tamen, quod Nos & Respub. Polona ex parte Serenitatis Vestræ desideremus, prout id pactis conventis cum Ordinibus & Statibus Regni Poloniæ sub tempus Electionis Nostræ per Nos juramento firmatis, atque cum scitu Legatorum Serenitatis Vestræ in Capitulatione Nostra insertis, ac in publicam lucem emanatis comprehensum est. Quod quidem punctum Capitulationis Nostræ super prætensionibus Nos inter ac Serenitatem Vestram ad invicem per Commissarios in dignoscendis & sopiendis memorati Serenitatis Vestræ legati non tantum pro rato & grato acceperint, sed etiam, cum easdem non leves differentias & prætensiones jam alias Serenitati Vestræ per legationem sub interregno expositas, iterum ex parte Poloniæ proponi, & cum Legatis Serenitatis Vestræ Varsoviæ sub tempus electionis juxta responsum per legatum Reipub. Magnificum Boguslaum Principem Radziwill M. D. Lithuanicæ, stabuli Præfectum a Serenitate Vestra datum agitari atque definiri optaremus, idque tam Nos ore proprio, quam per Ministros Status Nostri proponeremus. Iidem legati articulum prædictæ Capitulationis pro parte sua allegantes, & opposcentes non posse jam eo tempore, & loco desuper tractari, sed rem in aliud tempus, atque ad Commissarios vigore ejusdem Articuli Capitulationis, nec non juxta pacta nominandos differri oportere, responderunt, penitusque intacto negotio discesserunt. Quod attinget tertiam epistolam Serenitatis Vestræ; articulum de Præfectura Drahimensi continentem, agnosc-

sci-

scimus centum viginti millia thalerorum pro sum-
tibus belli & delectu militum Serenitati Vestræ a
Repub. Polona deberi, atque in defectu non solu-
tionis arcem & oppidum Drahim cum omnibus
pertinentiis & attinentiis vigore inscriptionis &
obligationis sibi servientis a Serenitate Vestra po-
tuisse propria autoritate apprehendi. Minime ta-
men Serenitas Vestra negaverit, decenter & ser-
vatis omnino gradibus id fieri debuisse, nam &
requisitio summæ in comitiis apud totam Rem-
pub. juxta morem hic observari solitum præcede-
re, & in quantum Rex & Respublica exsolutionem
summæ detrectassent, denuntiationis alter gradus
servari, atque deinceps Serenitas Vestra vigore Juris
sui Præfecturam apprehensuram, publice id prius
intimari debebat, quod omnino non factum, aut
non rite factum, ac sub tempus ipsum abdicatio-
nis regis consternata ac confusa Repub. minus
convenienter attentatum, est quod doleamus,
prout in recenti Ordines Regi per alte memoratam
legationem suam dolorem justum expresserunt, &
restitutionem dictæ arcis, & Præfecturæ Drahimen-
sis in manus Reipub. (salvo deinceps gradu decen-
ter juxta pacta requirendi & denuntiandi) instanter
ac frustra postularunt. Quæ res cum ita se ha-
beant, opportunum maxime & pactis conveniens
erat, mitti a Serenitate Vestra Consiliarios, & Offi-
ciales ad Comitata Coronationis nostræ, prout ean-
dem literarum officio amanter invitabamus. Nunc
in tempore tam angusto & elabentibus proximo
comitiis aliud consilium non superest, nisi ut litera-
rum recognitionis & innovationis feudi de Arci-
bus

bus & Oppidis Bitow & Lemburg extraditio; nec non juramenti super renovatione & confirmatione foederis perpetui in animas principalium præstatio ad alia comitia proximo mense Martio celebranda differatur. Parati porro erimus Commissarios ex parte nostra ad proponendas & excipiendas, determinandasque ultro & cito differentias & prætensiones deputare; quibus omnibus juxta formulam pactorum plane compositis ac penitus difficultatibus & prætensionibus sublatis, ea, quæcunque ex pactis obligamur præstare, libenti animo adimplebimus, prout etiam ex parte Serenitatis Vestræ adimpletum iri plane confidimus. Hisce ad literas Serenitatis Vestræ responsis, & singulari nostra propensione, ac sinceræ amicitiae, foederis, & bonæ vicinitatis studio declarato confirmatoque in ejusdem etiam affectus Nostri testimonium, titulum in Lemburg & Bitow Serenitati Vestræ adscribimus. Reliquum est, ut bonam valetudinem & prosperos rerum successus eidem Serenitati a Deo precemur. Daturum Cracoviæ, 1670.

DXIV.

Recredentiales a MICHAELĒ, Poloniarum Rege, Petro Wychio, Ablegato Anglicano, ad CAROLUM II. Magnæ Britannia Regem traditæ, 1669.

GRatulationem noviter delati Nobis sceptri Polonici, ea propenso & fraterno Serenitatis Vestræ affectu profectam lati libentesque accepimus, qua decenter peracta simulque expeditis Vestræ
man-

mandatis redux hinc abiit Generosus Petrus Wyche, Ablegatus Extraordinarius, commodam gratianimi nostri significationem pro tam luculenta propensæ erga nos voluntatis expressione coram relaturus. Erit vicissim nobis curæ & cordi, ut mutua sinceri animi & amicitiae nostræ contestatione Serenitati Vestræ respondeamus. Porro proposita Nomine Serenitatis Vestræ de arctiori fœdere cum Serenissimo Rege Sueciæ ineundo negotii resolutio, cum præter Comitiorum Regni Nostri indeterminationem ad præsens subsequi non potuerit, necessario ad tempus magis opportunum differri debuit. Nihilominus præfati Generosi Ablegati extraordinarii dexteritatem acuti addecebat fidum & diligentem Ministrum probatam sedulitatem, & in tractando laudabilem conatum, non possumus non prosequi Regia Nostra apud Serenitatem Vestram commendatione & benevolum ipsi conciliare respectum. Quod reliquum est Serenitati Vestræ optimam valetudinem & læta quæque ex animo apprecamur. Dabuntur Varfaviæ, Anno 1669.

DXV.

Litera, quibus JOHANNES GEORGIUS II. Saxonia Elector, COSMO III. Magno Etruriæ Principi de feliciter exantlatis longinqua peregrinationis molestiis & auspicato ad patrios lares reditu animitus gratulatur, 1669.

P. P.

Magnopere Nos exhilararunt Dilectionis Vestræ redditæ Nobis literæ, quibus non modo

PARS II.

Nn

cer-

certiores Nos de felici suo in patrias oras reditu reddere, verum etiam pristina benevoli erga Nos animi experimenta renovare voluit. Facti igitur favente divino Numine voti Nostri, quo Dilectionem Vestram sub ipsis itineris auspiciis pridem prosequeremur, compotes, Eidem de longinquæ peregrinationis terra marique feliciter exantlatis molestiis nactoque lætæ patriæ portu hoc impensius gratulamur, quo firmior Nos spes tenet fore, ut ex diuturna Dilectionis Vestræ incolumitate & quæ generosæ mentis per Christianum Orbem ipsa abunde edidit documentis Serenissima Domus atque adeo Etruria Vestra florentissima perenne decus capiat atque emolumentum. Quo nomine Dilectioni Vestræ pro animi Nostri studiosissimi constantia, prosperos quoscunque rerum atque annorum successus serio precamur. Dabantur in Electorali Nostra Dresda, die 31. Dec. 1669.

DXVI.

Litera JOHANNIS GEORGII II. Saxonia Electoris, quibus FERDINANDO II. Magno Etruria Duci pro transmissis sibi Leonum pari ingentes grates persolvit, 1670.

P. P.

Quam propenso erga Nos affectu Dilectio Vestra perseveret, etsi id multis modis jam diu experti simus, recens tamen in Nos profectum benevolentia pignus, bini quippe cordati Leones, quos Dilectionis Vestræ jussu & Nomine, unus e-

cubi-

cubiculariis Nostris nobilibus atque agens, dilectus Nobis ac fidelis Domenicus a Melani deprædicata majorem in modum summa Ejusdem perpetuique amoris in Nos proclivitate, salvos huc atque integros adduxit, quique generosum dominantis animum testatorem fecere. Æstimato igitur tam insigni gratisimoque Nobis munere, Dilectionem Vestram securam esse volumus, nihil tam antiquum Nobis fore, quam ut circumspectis quibuscunque occasionibus, meritorum Vestrorum Magnitudini, grati devinctique animi studiis atque officiis respondere queamus, Deum interim precati, ut Dilectionem Vestram quam diutissime salvam atque incolumem servet. Dabantur in Electorali Nostra Dresda die 12. Januarii 1670.

DXVII.

Litteræ CAROLI II. Magnæ Britannia Regis, ad MICHAELEM, Polonia Regem, cui de contracto nuper fausto omine cum Eleonora, Austria Archiducissa matrimonio, candide gratulatur, 1670.

Carolus Dei gratia Magnæ Britannia, Franciæ & Hiberniæ Rex, Fidei Defensor &c. Serenissimo ac Potentissimo Principi, Domino Michaeli, eadem gratia Regi Poloniæ, Magno Duci Lithuanicæ, Russiæ, Prussiæ, Masoviæ, Samogitiæ, Livoniæque, Fratri consanguineo & amico nostro charissimo omnimodam salutem.

*Serenissime ac potentissime Princeps, Frater
consanguineus & amice charissime.*

PER Serenitatis Vestræ literas 15. die Januarii novissime præteriti scriptas intelligimus, Serenitatem Vestram Inuptias cum Serenissima Domina Eleonora Archi-Ducissa Austriæ contraxisse, eademque die 2. Martii jam appropinquantis Varavia celebraturam esse. Quod quidem singularis amicitiae testimonium a Serenitate Vestra profectum, ea qua oportuit reciproci affectus lætitia accepimus. Utque ex publica ratione Serenitati Vestræ gratulamur, quod hoc connubio augustam Cæsareæ domus affinitatem sibi ac regno Poloniæ adjunxerit, cujus auxiliis communem Christiani nominis hostem vel facilius repellere vel fortius sustinere possit, ita privatim Serenitati Vestræ suæque Serenissimæ Sponsæ omnia fausta ac felicia auguramur, Deum Opt. Max. precantes, ut utrisque Serenitatibus Vestrīs, cum diuturna prosperitate Regiam quoque prolem ex voto concedere velit. Dabantur in palatio nostro de Witthal 7. die Febr. Anno Domini 1670.

Serenitatis Vestræ

Bonus frater & consanguineus

Carolus Rex.

DXVIII.

*Littera JOHANNIS GEORGII II. Electoris
Saxoniae, ad MICHAELEM, Polonia Regem, cui
Eleonoram, Archiducissam Austria, lætissimam
fidamque Throni Torique Regalis gratulatus so-
ciam*

*ciam, cur in designato festivitatis nuptialis termino
Varſavia comparere non poſſit, expoſuit, 1670.*

P. P.

Regiam Veſtram Serenitatem divina favente
clementia non ſolum ad viduatum Inclytæ Po-
loniæ Regni ſolum feliciter adſpiraffe; verum et-
tiam ſpe Regiæ Sobolis ex Auguſta Auſtriaca Do-
mo, Potentiſſimi Romanorum Imperatoris ſoro-
rem, Sereniſſimam, Dominam Eleonoram, Natali-
um gloria juxta & animi dotibus maxime inſignem,
pacto ſanctioris matrimonii fœdere in Throni Re-
galis ac Thori ſociam delegiſſe, pro noſtris in con-
trahentium partes ſtudiis vel eo libenter accepimus,
quod ex Regiæ Veſtræ Serenitatis literis, lætioris
hujus ſuccellus nuntiis, priſtinæ illius, quæ cum
Regno Poloniæ Nobis atque Majoribus Noſtris
jam diu intercedit, neceſſitudinis vigor eluceſcat:
In eo igitur & quod inſuper Regia Veſtra Sereni-
tās ad celebrandas brevi Varſaviæ Regiarum Nu-
ptiarum ſolennitates invitatos Nos voluit, haud
vulgaris ejus erga Nos benevolentiz argumentum,
pro eo, ac par eſt, grato animo agnoſcimus. Hac
omnino fiducia freti, inevitabilem Noſtram ab-
ſentiam, in designato feſtivitatis Nuptialis termino,
pro ratione anguſti temporis & rerum præſentium
ſtatu, vel ultro a Regia Veſtra Serenitate excuſa-
tum iri: Id quod ab Eadem etiam atque etiam
expetimus, nuncupato benevoli animi voto, ut
fauſta hæc connubii auſpicia, divinum Numen in-
diuturnum Reipublicæ Chriſtianæ, adeoque Regni
& Regiæ Domus ſolatium omnigenæ proſperitatis

incremento cumulet, Vestramque Serenitatem quam diutissime seruet ac tueatur. Cui Nos ad quæcunque sinceræ amicitiae & vicinitatis officia devinctos profiteamur. Dabantur in Electorali nostro, Dresda die 8. Febr. 1670.

DXIX.

Litera MICHAELIS, Poloniae Regis, ad CLEMENTEM PAPAM X. cui de collata unanimi Cardinalium suffragio Pontificia dignitate devote gratulatur, 1670.

POst oscula pedum Beatorum Sanctitatis Vestrae, mei & Regni Dominiorumque meorum filialem commendationem. Non minor ejus lætitiæ pars, quæ orbem exhilarat Catholicum, & in me redundat, dum Sanctitatem Vestram cœlesti nutu & suffragio electum Christi vicarium intellexi. Si enim Ecclesiæ orbitas, erepto ex vivis Sanctitatis Vestrae optimo Prædecessore, non nisi tristis & acerbi doloris plena, Christianum orbem in mœrorem traxit, faustus hic nuntius toti Catholico Gregi, qui curæ Pastoralis Sanctitatis Vestrae est subiectus, ingens fœnerat solatium. Hocque Regnum Dominiaque mea cum impleat filiali cultu & subjectione, supremam hanc & cœlo ipsi confinem gratulor Sanctitati Vestrae dignationem, vota mea superis nuncupo, ut Sanctitatem Vestram diu fospitem & omnigenæ felicitatis auctam incrementis conservet, in hac Ecclesiæ navis gubernatione, quæ tot procellis & fluctibus agitatur. Mittant auxilium ab alto. Provideat Princeps Pastorum, ut orbem Christianum tot bellorum tumult-

multibus fessum, Sanctitas Vestra pacatum regat. Imperet ventis, ut quiescant, Paternæque Sanctitatis Vestræ obediunt voci; Turca immanissimus occupata Candia ferox & insultans concordia & viribus Catholicis minuatur & sternatur; Clementum Pontificum egregius semper in Poloniam favor, ac affectus erga me, Regnumque meum patefcat. Hæc vero vota mea dum intimo & sincero promo pectore, omne studium, observantiam & filialem promptitudinem meam nutui addico Sanctitatis Vestræ, Ejusdem paternæ Protectioni me, Regnum & Dominiæ mea commendans, longævum & felicissimum rei Christianæ imperium Sanctitati Vestræ auguror, Ejusque Pontificiam de genu exoro benedictionem. Dabantur Varisaviæ d. 20. Maji Anno 1670.

DXX.

Litteræ JOHANNIS GEORGII II. Saxonie Electoris, ad COSMUM III. Magnum Etruriæ Ducem, quibus ipsi dolorem de mæstissimo Parentis testatur obitu, ac fausta suscepti Regiminis auspicia precatur, 1670.

P. P.

EX perscriptis ad Nos Dilectionis Vestræ Literis sane quam moleste tulimus excessum Serenissimi Principis, Domini Ferdinandi Medices, Magni Ducis Etruriæ, Domini & Amici Nostri quondam charissimi, tam ob luctuosam, quam tanti Principis Respublica fecit jacturam, quam quod pro antiquissimo mutui amoris cultu haud

Nn 4 mi-

minimam, quam exinde Dilectio Vestra cœpit, doloris partem jure Nobis vindicemus. Solatio autem Nobis est, quod vita gloriosa insignis Parens, olim non modo ditionum Paternarum, verum etiam magnitudinis adeoque paterni in Nos animi hæredem, Dilectionem Vestram reliquerit superstitem. Quo nomine quidem Dilectioni Vestræ, cujus benevolum affectum ex communicato Nobiscum quantumvis funesto casu, pro eo ac par est agnoscimus, ex animo gratulamur, Deum precati, ut præsentis Regiminis auspicia, Dilectionis Vestræ atque adeo in quam pristinæ necessitudinis non minus atque officiorum documenta cuncto tempore extare cupimus, inclytam Domum omni porro florentissimarum rerum successu cumulet ac tueatur. Dabantur in Electorali Nostra Dresda, die 13. Junii 1670.

DXXI.

Litera CAROLI II. Magnæ Britannia Regis, ad JOANNEM GEORGIUM II. Saxoniam Electorem, cui de auspicato nepotuli secundi, FRIDERICI AUGUSTI, Imperium in Polonos & Saxones nunc gloriosissime obtinentis, candide gratulatur, 1670.

P. P.

HAud facile dictu est, quanta cum lætitia Cel-
 situdinis Vestræ Electoralis Literas decimo
 quarto die Maji proxime elapsi datas acceperimus,
 quibus Nos certiores fecit alterius fulcri Domui
 suæ Electorali nuper additi, secundi nempe Nepo-
 tuli, Cujus auspicato partu serenissima Domina
 Anna

Anna Sophia Celsissimi Principis, Filii & Electoratus Vestri Hæredis unici Conjux, tum Celsitudinem Vestram Electoralem, tum ipsum Maritum totamque familiam Electoralem iterum beavit. Enimvero omne genus felicitatum Celsitudini Vestræ Electorali ex animo gratulamur, hanc vero præcipue, qua Domus sua Electoralis non solum in præsens ornatur, sed in perennitatem stabilitur. Utque huic Celsitudinis Vestræ Electoralis gaudio cætera quoque deinceps ampliora faustioraque adjiciantur, Deum optimum maximum precabimur. Cujus tutelæ Celsitudinem Vestram Electoralem commendamus. Dabantur in Palatio Nostro de Whitehall 22. die Junii 1670.

DXXII.

Litera CAROLI II. Magnæ Britannia Regis, ad JOHANNEM GEORGIUM II. quibus ipsius tristitiam ex præmaturo filia Electoralis, Erdmuth Sophia obitu conceptum, efficaci emollire satagit solatio, 1670.

P. P.

PER Celsitudinis Vestræ Electoralis duodecimo die Julii novissime elapsi scriptas intelleximus, providentiæ divinæ ita visum fuisse, ut eodem doloris ictu & eodem fere tempore Nos charissimæ unicæque Sororis Nostræ Henriettæ & Celsitudo Vestra Electoralis dilectissimæ Filia suæ Erdmuth Sophiæ jacturam fecerimus. Sic res Mortalium ferunt, & sic easdem ferre debemus. Cumque prædictas Celsitudinis Vestræ Electoralis Literas eo fine perscriptas & ad Nos missas fuisse existi-

Nn 5 me-

memus, ut mœrorem nostrum lenirent; Nos quoque hasce Nostras pari affectu conceptas, non minori efficacia præditas ad emolliendam Celsitudinis Vestræ Electoralis tristitiam fore sperabimus. Nec precari desinemus, ut Deus Optimus Maximus hisce malis Nostris contentus imperturbatum felicitatis ac salutis tenorem, tum Nobis, tum Celsitudini Vestræ Electorali impofterum concedere velit. Quam de cætero ejusdem Dei Optimi Maximi tutelæ ex animo commendamus. Dabantur in Palatio Nostro de Whitehall decimo septimo die Augusti 1670.

DXXIII.

Litera commendatitia, Wilhelmo & Benedicto ab Alefeld fratribus, nobilibus Danis, a JOHANNNE GEORGIO II. Saxonum Electore, ad COSMUM III. Magnum Etruria Dūcem tradite, 1670.

P. P.

ANtiquissimam illius, quæ cum Dilectionis Vestræ divo Parente olim Nobis diu multumque intercessit, necessitudinis memoria ducti derivatæ in eandem studiosæ nostræ voluntatis comprobandæ indies ansam merito quærimus: adeoque per præsentem hasce earum exhibitori, e primariis Cameræ Nostræ Nobilibus dilecto Nobis & fidei Wilhelmo ab Alefeld simulque fratri ejus Benedicto natu majori, itineris per Italiam Comiti, ad Dilectionis Vestræ Aulam & gratiam viam communire vel eo non supersedimus, quod ea, qua Parens eorum jam diu in Regia Danorum & pas-
sim

sim in orbe splendet meritorum fama, hoc ipsum quodammodo a Nobis exigere videatur. Hosce igitur clarissimorum Majorum juxta & paternæ virtutis æmulos, quo Dilectio Vestra prono benignitatis suæ favore complecti, atque illo omnino loco habere velit, unde speratum commendationis hujus non mediocris fructum experiuntur, pro mutæ Nostræ conjunctionis fiducia Eandem peramanter rogatam volumus. Atque adeo nostra porro studia atque officia in Dilectionem Vestram, cui prosperos per omnia rerum successus serio precamur, etiam atque etiam constabunt. Dabantur Torgavii in arce Nostra die 14. Septembris 1670.

DXXIV.

Litera MICHAELIS, Polonia Regis, ad FRIDERICUM WILHELMUM, Electorem Brandenburgicum, quibus se intemperantis calamitatis acerbitatem, in postremis ipsius ubique exuberantem minime promeruisse, & suscepta Kalcksteinii protectione, nihil fœderibus adversum commisisse, asseverat, 1670.

P. P.

INtemperantem calamum, quem in scribenda. Intraque ad Nos epistola Cancellaria Serenitatis Vestræ exacuit, graviore sensu excepissemus, nisi prævalerent apud Nos levioresque vel injurias facerent, necessitudinis & amicitiae sacra fœdera, quæ cum sinceritate Vestra inviolabili constantia observare, & Regium & Religiosum esse existimamus. Mirari duntaxat subit, quod licet non mini-

minimis hætenus argumentis propensum studium & sinceram amicitiam Nostram Sinceritati Vestræ approbaverimus, nihilque quod augendæ firmandæque illi momentum adderet, prætermiserimus, secus tamen pleraque a Serenitate Vestra fieri, ac variis tentamentis nostram exstimulari patientiam experiamur; An enim nata hac occasione dissimulemus, quod legatio nupera Serenitatis Vestræ protestationem quandam Nobis Senatuique prægravem, non tantum ex itinere ad Nos mittere, sed eandem publicis Notis castri Nostri Sochatoviensis inscribendam procurare, ac sub tempus Comitiorum multis Senatoribus & Nuntiis Palatinatum diversisque Personis distribuere, jus fasque sibi duxerit. Quonam alio fine, nisi concitandis illorum animis & conturbandæ Reipublicæ, atq; ut isto veluti classico contraventio fœderis Bidgostiensis ex parte Nostra non sine præjudicio estimationis Nostræ designaretur. An etiam decorum non tantum memoratas epistolas calumniæ, falsitatis, indignationis aliisque verborum contumeliis repleti, sed earundem epistolarum copias prius etiam, quam nobis originales præsentarentur, per manus hominum Varsoviæ alibique dispergi, denique nobili Eusebio Brand, multa temere & licenter obloquendi (quod jussu & ex præscripto Serenitatis Vestræ facere se affirmavit probavitque) audaciam committi, cujusvis æqui & moderati judicio relinquimus. Acerrima querela contra instigatorem Regni Nostri, quod in actione de crimine læsæ Majestatis, Magnifico Castellano Posnaniensi in nuperis Comitibus intentata, conferentiam

tiam illi cum Serenitate Vestra intercesſiſſe allegaſſet; illud imprimis iniquum habet Inſtigatorem contemptim appellatum, quem genere nobilem, dignitate Regni officialem, ævo judicioque maturum, bina legatione apud Serenitatem Veſtram, ſub tempus belli Svetici functum, ignorare Cancellaria Serenitatis Veſtræ non debuit: In cujus viri mores modeſtiamque indecora calumniandi Serenitatem Veſtram temeritas cadere non potuit, ſed malignitas potius, aut imperitia notatoris cujuſpiam culpam meretur, qui aures, animumque Serenitatis Veſtræ ſiniſtra relatione implevit. Objectum fuit memorato Caſtellano, ex delatione duorum Palatinatum, & Terrarum Regni Majoris Poloniæ conſenſu & approbatione omnium Palatinatum & Terrarum Regni & Magni Ducatus Lituaniæ cum conſilia cum externis agitaſſe, pecunia aliena corruptum egiſſe, in pago quodam correfpondentiis opportuno, quem poſta Serenitatis Veſtræ tranſcurrere ſolet, ſubſtituiſſe, quid ergo tantopere iſta allegatio Serenitatis Veſtræ afficiat animum, cum Reipublicæ inſtituto & legibus novellis prohibitum ſit, ne cuiſpiam Polonorum cum externis, in negotiis præſertim ſtatum afficientibus privatim conferre & correfpondere liceat: Quid actio a Civibus contra Civem intentata, in Regia Noſtra agitata Clementia & Amneſtia conſopita Serenitatem Veſtram, aut aliquem, niſi alienorum nimis curioſum concernat, an ea cauſa a malevolo quopiam ultro quæſita, ſatis idonea videtur Serenitatem Veſtram adeo graviter offendendi ejusque amicam erga Nos & Rempu-
bli-

bicam voluntatem mutandi & alienandi? cujus Electoralis dignitas, & fœderata nobiscum conjunctio, uti extra ictum, vel suspensionem aliquam posita est, ita vana vel falsa rumorum figmenta facile postponere debeat. Quod attinet Ludovicum Christianum a Kalkstein, quem gravissimorum sceleurum reum judicio damnatum, ut prehendi & custodiæ mandari atque ad fines Ducalis Prussiæ, una cum scriptis ejus cum securo comitatu deduci & suis extradi velimus, Serenitas Vestra efflagitat, id vero nimis rigidum, neq; ex pactis debitum existimamus; indignum etiam Regia Clementia hominem afflictum & gratiam implorantem ad certum dedi supplicium. Novimus recte, quid ex fœdere Bidgostiensis conveniat, quod supremo Tribunali appellationem in Ducali Prussia constituto, ab eo judicio ad Nos provocare, querelasque ad Nos deferri, aut a Nobis admitti non liceat. Ea causa querelas Kalcksteinii non admittimus, ut de iis cognoscamus & decernamus, sed miseratione hominis & humanitatis ducimur, ut eidem benignitatem Serenitatis Vestræ conciliare studeamus. Institimus proinde apud Serenitatem Vestram per Ablegatum Nostrum Generosum Morfztyn, sed cum Regia interpositio Nostra nullum effectum obtinuisse, eo devenit, ut memoratus Kalckstein, ex origine nobilis Polonus Stolinski dictus, aliquorum cognatione subnixus, militaria inter signa multis notus, & de Republica meritis Equestri Ordinis Patrocinium in Comitibus imploraret. Neque frustra Jura, privilegia, libertates Ducalis Prussiæ in memoratis Pactis præcustoditas esse, earumque ac sui pro-

protectionem ad Rempubicam Polonam, a qua non in perpetuum exciderint, spectare allegaret. Cujus scripta nos ne legimus quidem. Quod igitur in dedendo eodem Kalckstenio Serenitatis Vestræ desiderio non satisfaciamus, ægre id Serenitas Vestra habere non potest, datis ab eadem exemplis, quæ afflictis & judicio lapsis aliquibus Polonis patrocinium impendere eosque autoritate, & studiis suis adjuvare, ac in pristinum statum reponere, tametsi Antecessori Nostro id permolestum fuerit, non alienum officio suo id existimavit. Cæterum moneri jussimus Kalcksteinium, ut modeste se gerat, & decentibus mediis clementiam Serenitatis Vestræ exorare contendat. Quod superest Serenitati Vestræ bonam valetudinem & prosperos rerum successus ex animo vovemus. Datum Varsoviæ die 24. Mensis Novembris, Anno 1670.

DXXV.

Litteræ MICHAELIS, Poloniae Regis, ad REGENTES DUCALIS PRUSSIAE, quibus Ludovicum Christianum a Kalckstein, Regia protectionis securum, per emissarios quosdam ex Ducali Borussia subordinatos Varsoviæ clanculum captum & in Borussiam deductum esse graviter conqueritur, 1670.

Michael Dei gratia Rex Poloniæ
&c.

Magnifici grate Nobis dilecti.

GRavissimum & detestabile scelus patratum est in Regia Nostra, per emissarios quosdam ex
Duca-

Ducali Prussia subordinatos, qui nobili a Kalckstein Stolinski. interpositionem nostram Regiam, ad reconciliandum Serenissimum Electorem imploranti, securitate publica freto violentas manus proditione injecerunt, eundemque præstricto ore manibusque pedibusque revinctis in curru clauso, ad id disposito, ad Ducatum Prusiæ evexerunt. Tam immane & inauditum facinus, quo non solum foederatæ amicitiae & vicinitatis, sed Gentium jura violata sunt, magnæ injuriæ nostræ ducimus, exindeque, tametsi ex peracta inquisitione, satis Nobis constet evidentia facti, ac principalis reus Minister Electoralis hesternæ fuga se ipsum damnaverit, tamen cum ex Ducatu Prusiæ plagiarii isti immisssi fuerint, eosdemque cum abrepto Kalcksteinio reverterentur, consultum Nobis visum est informationem de personis delinquentibus & de toto facto, a Gratiudinibus Vestris per literas Nostras explorare, simulque ab iisdem requirere, ut Kalcksteinius, non expectata Nostra, ad literas Serenissimi Electoris responsione, nefario modo captus, supplicio & carcere eximatur, inque eum locum & statum, in quo ante captivitatem fuit, reponatur, nempe ut Varsoviæ salvus & liber deducatur, atque ut criminis læsæ Majestatis Nostræ & violatæ securitatis publicæ ac juris Gentium rei vel nobis dedantur, & remittantur, vel in carceribus detenti judicentur, & supplicio, pro enormitate sceleris, afficiantur. Facturæ sunt gratitudines Vestræ rem bonæ vicinitati & conservandæ mutæ tranquillitati convenientem, quas de reliquo bene valere cupimus. Dabantur Varsoviæ die 5. Decembris Anno 1670.

DXXVI.

DXXVI.

Litteræ PETRI COMITIS A ZRIN, ad LEOPOLDUM, Romanorum Imperatorem, quibus se a malevolis emulis inique Criminis læsæ Majestatis & perduellionis reum censerî, demonstrare maximopere satagit, & ut in causam suam æquius legumque Hungaricarum peritius judicium inquiri jubeat, supplicat, 1670.

Augustissime ac Invictissime Cæsar.

Quandoquidem præter spem & opinionem & contra clementiam Heroicis animis usitatam, Austriacis vero ita innatam, ut jam in naturam & debitum transierit, in hac captivitate malorum omnium Iliade detinear, propono Majestati Vestræ justificationis meæ argumenta, humillime supplicans, ut æqua & benigna aure auscultare, finemque tandem his miseriis imponere non gravetur.

Absit autem, ut ego hic ullatenus disceptare aut defendere velim, licitum esse ulla ratione Hungaris arma contra Majestatem Regiam suscipere, prætextibus sua jura & libertates tolli, leges fundamentales everti, pleniorē Monarchiam & absolutum Dominium sensim introduci in Rempubli-
cam mixtam & Regnum Electivum. Absit, ut prætexam inter Regem & Regnicolas mutuum esse juramentum & contractum, a quo cum una pars resilit, resilire liceret & alteri; absit denique, ut Majestati Vestræ Cæsareæ vacantiam diuturnam Palatinatus aut violationem aliarum legum juratarum, aut articulorum, aliaque gravamina, quæ ho-

PARS II.

Oo

die

die passim a malecontentis circumferuntur, obijciam, quamquam hæc, & similia efficiant forte, ut tumultus Hungarici tam infames non audiant, quam hæreditariorum Vasallorum rebelliones, & propterea Augusta Vestra Domus mitius & moderatius exemptos Hungaros, quam nocivos subditos tumultuantes hætenus castigare consueverit; nunquam tamen ejusce mentis fui, ut ob similes cavillationes fidem & tranquillitatem publicam violarem.

Inprimis ergo quod factum ipsum attinet, jam Majestati Vestræ Cæsareæ & toti orbi notum, me nullum fœdus cum Turcis iniisse, nullis pactis subscripsisse, nullam penitus hostilitatem contra Majestatem Vestram opere exercuisse, nullum meorum militum aut servitorum arma sumpsisse; Sed e contra me in omnibus & per omnia suis literis & nutibus obedivisse, meum filium Viennam præmisisse, meipsum sponte secutum fuisse, imo ex meis literis ad Principem Ragozium datis nonnihil ad compositionem tumultuum Hungariæ superioris cooperatum fuisse, quin imo rem totam confecisse, ita ut hoc unico actu quæcunque delicta perpertrassem, resarsisse & recompensasse videar, ut meum peccatum, si ita appellare placeat, sanctum beatumque appellari debeat, quod Majestati Vestræ Cæsareæ tantam felicitatem causaverit, & licet hæc opus externum concernant, plurimum tamen ponderis & momenti habent, cum summæ leges non nisi judicent, nec soleant Principes sublimes & heroicæ mentes anxie attendere ad molimina interna, quæ noxia non sunt, vel feliciter succedunt. Quare cum

cum Cæsar Pompeji & postea Scipionis offendisset literas, quibus dabatur notitia conspirantium civium & secularum machinationum, non solum ea non legit, sed ne adspectas quidem incendio absumpsit, ratus, non debere Cæsarem causas irarum querere, nisi in iis, qui sese aperto Marte vel ostentabant vel opponebant. Quantum vero ad intentiones meas & secreta cordis attinet, quandoquidem tota causa huc devolvatur, & nemo ea sciat melius quam ego, jurando affirmo (paratus quodocunque solenne juramentum super hoc deponere) me nunquam habuisse intentionem rebellandi, multo minus me submittendi Turcis, aut iisdem adherendi, sed potius eos ruinandi & destruendi, si possem. Consiliorum Hungariæ superioris non fui complex aut particeps, licet aliunde subodorerim, rem ibi non bene & fideliter agi, pro Majestate Vestra Cæsarea, quod ipsum in aula vestra patefeci, sed id contemptum aut non creditum, tanquam foret proprium commentum.

Misi in Turciam Capitaneum Bukoracki, eumque fateor, munivi literis Credentialibus & sigillo meo, permissione tamen Majestatis Vestræ Cæsareæ, quæ concessit, ut res Turcarum misis Exploratoribus accurate explorarem, nam paulo ante per Comitem Rothal aperui candida mente Majestati Vestræ Cæsareæ oblationes & promissiones Turcarum mihi factas mediante quopiam mancipio meo Turcico, nomine Omer Ispayai, quod etsi difficulter fuerit creditum, jussit tamen Vestra Cæsarea Majestas, ut arctam cum Turcis correspondentiam servarem. Misi ergo dictum Capitaneum

intentione explorandi molimina Turcarum, quibus facili negotio exitium causassem, in hunc finem Bukovakcio injunxi, ut oculotenus tractatus cum Turcis iniret, aut potius inire fingeret, ut Majestati Vestræ clare demonstrarem, nullam habendam esse fidem mellitis illis Turcarum verbis, quibus aulam vestram inescant, & fluxa & fucata esse eorum fœdera promissa, & tamdiu durantia, donec suppetat occasio: ne tamen res eo loci deveniret, unde pedem recte referre non liceret, caute eidem injunxi, ut unum alterumve reservaret, super quo assereret, se concludendi potestatem non habere, donec ad me reverteretur.

Spargitur interea & ope æmulorum fama ubique volat, Zerinium rebellem esse, defecisse a fide Cæsaris, educturum in Christianos ingentem Turcarum exercitum, habere suos legatos apud Portam Ottomannicam, terrore tandem implentur omnia. Et ego, ut verum fatear, volens in aqua turbida piscari, & præmium virtutis, meo judicio toties negatum, dolo extorquere, non fui sollicitus de compescendo illo rumore, sed eum permisi currere liberrime, imo quodammodo auxi, si non claris saltem ambiguis literis, colloquiis, discursibus, tractatibus aliisque argumentis, quæ jam in partem facti contra me afferuntur; Cum tamen simulata mente & personato vultu a me acta sint ad hanc technam struendam, ut vel hoc umbratili terrore æstimationem aut promotionem adipisceretur, in qua illibata firmiter meæ familiæ fides, majorum meorum gesta miranda potius quam imitanda, nupera mei Fratris gloriosæ memoriæ merita, & nonnulla etiam mea (absit jactantia verbo)

bo) extincta & oblitterata multorum judicio jacebant; non obstante tamen hoc stratagemate & techna hac artificiosa quam ordiebar, ut mea mens pura remansit, nunquamque ad perfidiam collimavit, ita omni hostilitate abstinui, & nihil prorsus gessi, quod Vestrae Majest. Cæs. esset perniciosum, imo in reditu P. Forstall, quem ad Majestatem Vestram ablegaveram, ad nutum Vestrae Cæs. Majest. & suorum Principalium Ministrorum ab hac ipsa umbratili & personata pugna primum abstiti, & cætera omnia Majestati Vestrae gratissima præstiti, etsi facillimum mihi fuisset, multa mala perpetrasse, & ut omnes fatebuntur, Cæsareum militem in confinio meæ insulæ de die in diem lento pede sine ullo ordine & raris agminibus se se congregantem, in dies parva manu successive trucidasse. En tibi, Augustissime Cæsar, veram seriem non facti tantum, sed & intimarum mearum cogitationum, quibus parum aut nihil me peccasse reor, cum ad optatum pervenissent scopum, scilicet, si ego promotionem, officium, munus quodpiam insigne a Vestra Cæsarea Majestate hoc stratagemate extorsissem, id ego credo collatum fuisset (sine jactantia tamen) in virum & familiam de Rep. Christiana bene meritum, & qui fide in Austriacos nulli unquam cessit, ego igitur nec peccarem recipiendo, nec Vestrae Cæsareæ Majestati præjudicium fieret conferendo. Agnosco tamen & experior, nec serio nec joco paciscendum cum Principe, aut cum eo ineundas condiciones; si id tamen crimen sit, certe non læsæ Majestatis, non perduellionis, non perfidiæ, aut infidelitatis crimen est, sed

techna etiam multoties practicata a Vafallis etiam fidelissimis, potentia & invidia oppressis in aula, ut ex veteribus & ex recentibus auctoribus optime constat. Et hanc artem non semel fortassis exercuerunt aliqui nostratum sub penultimis Majest. Vest. Cæsar. ministris, qui similes præsumptos tumultus exercuere, quorumq; pretio malebant redimi, quam ad puriorem resolutionem devenire; & sane me alienam ab hac intentione mentem omnino habuisse, convincitur quamplurimis evidentissimisq; rationibus, indiciis & argumentis. 1.) Cum sic fluxa & falsa Turcarum fides, nulli unquam servata, ita ut vix hodie extet memoria ullius familiaræ ex tot illustribus, quæ se unquam Turcæ submiserunt, facilitas ipsa & promptitudo Turcarum ad violandam pacem & fœdera inita cum Cæsare mihi argumento esse poterant, non majorem in fœderibus ineundis mecum fore firmitatem. 2.) Est innata mea Majorumque meorum Antipathia cum Turcis, eorumque meum; tot enim tantæque acceptæ & vicissim illatæ clades, facile animos utrinque exacerbarent, nec diuturnam admitterent amicitiam. 3.) Est impossibilitas ipsa exequendi destinata sine com meatu, armis, pecuniis, militia, sine liga, sine confœderatione, sine ulla prorsus adhærentia, ubi e contra fere omnes totius orbis Christiani Principes jure merito habiturus essem pro hostibus. 4.) Imperceptibile est, me voluisse illibatam familiaræ meæ fidem, & gloriam tot heroicis gestis confirmatam, tam fœde & ludicre contaminasse. 5. Est, me Regni Proceres aut vicinos meos in partes meas non sollicitasse, sine quorum assisten-

tia

tia tamen nihil fieri potest. 6. Est, meipsum primum fuisse, qui in aula Vestræ Cæs. Majest. hanc præsumptam rebellionem primus patefecerim, expulsa Comitissa fratria mea vidua, præmisso ad Majest. Vest. Cæs. Episcopo Zagrabienfi & postmodum Patre Forstall, plurimisque aliis indicis, & licet affinis seu uxorius meus alio fine urserit, ut vidua expelleretur ex arce, & una etiam expelleretur Pater Forstall, ego tamen, quum diversos ab Affine alebam conceptus, & patrem Forstall detinui, & viduam abeuntem rogavi, ut has controversias in aula componere satageret, recordareturque se brevi redituram; nihil autem certo horum fecissem, i adventum Turcarum, qui primum in Julio in campum prodire solent, expectassem, sed omnia alto silentio presissem, simulata interea summa fide usque ad destinatum tempus. 7.) Efficacissimumque argumentum est, quod nulla præparatoria fecerim, nullum com meatum, annonam, munitionem aut militem vel pro defensione unius quidem ici comparaverim (num ergo toti potentia Austriacæ me opponere voluissem) nulli meorum dederim ordinem arma sumendi, nullam prorsus resistantiam fecerim, nullamque hostilitatem exeruerim, quum miles Vest. Cæs. Majestatis vix ad tria uatuorve millia numeraretur, ac lassus nulloque ordine conveniens ad internecionem deleri potuisset. Filium denique ad Cæsaream Majestatem Veram, Patremque Forstall sine mora ac tergiversatione miserim, promiserimque eidem Patri Forstall, se una iturum aut confestim secuturum, quotiesque Vest. Cæs. Majest. juberet, cum tamen mihi

facillimum fuisset divertere, aut digredi quocunque libuerit, in Italiam, Germaniam, Hungariam aut Turciam, & tam amici quam inimici multum improbarent meum adventum Viennam, ivi tamen, quia nullius mihi malitiæ conscius eram. Hisce argumentis perpensis nemo est, qui suspicari poterit, me voluisse a fide Vestræ Cæsareæ Majestatis deficere, aut Turcis adhærere, nisi delirus sit, aut me delirasse existimet, sed volui solummodo ad lucrum nomenve conciliandum tentare sub Principe Aversperg, ministro, qui tunc erat, Majest. Vestræ, quod alii sub eodem non sine lucro tractarunt, cum ille ad alia merita vix attendebat, & hoc facile penetrant, qui statum meum & illorum temporum intelligunt; & licet e re mea non mihi videatur, meas secretas intentiones in ordiendo hoc stratagemate pluribus communicare, communicavi tamen iis, quibus fidebam, & quorum intererat. Testes adduco, D. D. Vice-Bannum Chiculianum, Petrum Brasinski & Nicolaum Batachich, coram quibus me expectoravi, asserens, me cum consensu Cæsaris correspondentiam cum Turcis non ad malum finem habere, eodemque asscuravi, quod nullatenus intenderem esse Proditore Patriæ, aut Cæsari Rebellis, testis sit P. Forstall, quem cum conturbatum ob hanc rebellionem vidissem seria & sincera intentionum mearum expectoratione solatus sum, specialiter autem quadam vice, cum Orpheus Franchipanus plurima præjudicia e suo cerebro differuisset, P. Forstall sermonem resumfit & liberius respondit, nos procul adhuc esse ab illis Chimæris, quales sibi imaginaretur

Fran-

Franchipanus, sive res serio sive joco agatur; si vero Christiani essemus, satius esse, ut de compositione tempestive ageretur, & alia plura in hunc finem addidit. Replicavit Orpheus cum fervore, rem hanc adeo difficilem non esse, & jam prætergressos esse omnes compositionis terminos, non esse credendum verbis aulæ & verbis Germanorum: ex necessitate ergo faciendam esse virtutem. Tunc dimisso colloquio, iterum semotis arbitris asscuravi Patri Forstall de mea optima & Christiana intentione, monens tantum, ut pro sui securitate cautius & mitius loqueretur, præsertim coram iis, quos nosset male intentionatos esse, & ob hanc cautelam, dictum Patrem Forstall aliquot diebus rarius ad me admisi, & vix unquam aliquid præsentente Orpheo aut Marchione cum illo locutus sum. Omitto verba mea prolata in tesseram fidelitatis erga Majestatem Vestram Cæsaream coram Patre Superiore Urtinensi, Soc. Jesu & coram D. Canonico Heslinger, coram quibus pluries repetii, me magis timere amicitiam Turcarum, quam inimicitiam; præterea multas alias rationes evidentes, scripta, facta & verba, ex quibus manifestam fidelitatem meam erga Majestatem Vestram Cæsaream abunde probare possem. En factum & intentiones meas, Augustissime Cæsar, jam ad verbum, idem, promissiones Majestatis Vestræ Cæsareæ & bæ aulæ, firmissimum omni gentium jure præsidium me convertito. Dato & nunquam concessio, quod fuisset mihi animus rebellandi, verbum tamen Majest. Vestræ Cæsareæ sanctum & inconcussum manere debet. Violationem fidei, etiam

Turcis & infidelibus datæ, Deus sæpe non semel severe castigavit, verbi adeo tenax fuit Austriaca Domus, ut maluerit aliquoties magnæ ruinæ periculo sese exponere, quam verbum violare: In hoc fundatur jus Gentium & totius generis humani commercium & communicatio. Fides & clementia duo fulcra sunt Vest. Augustæ Domus, quæ ruere nunquam potest, quamdiu illa non subvertitur; Majestas autem Vestra Cæsarea inprimis suis literis per Episc. Zagrabiensem mihi indubitate promisit continuationem pristinæ gratiæ & adhuc novos favores, quæ certe amplissima venia & amnestia Princeps a Lobkowiz, supremus Minister & Aulæ Præfectus, distinctius & articulatus mihi promisit nomine Maj. Vestræ Cæsareæ per Magnum Marcum Forstall Augustinianum, me nullatenus declaratum iri in rebellem, aut infidelem, nihil facturum in vita, bonis, honore, libertate, muneris officiis, dignitatibus aut privilegiis, si tempestive obediero, si meum filium in obsidem, si chartam biancam manu mea subscriptam in tesseram obedientiæ ac fidei ad Majestatem Vestram Cæsaream confestim transmisero; promisit mihi Generalatum Varadinensem aut Carlstadiensem, si tamen Bannatum resignare vellem, promisit solvere debita Domus ad 40. milia circiter florenorum, promisit res familiæ nostræ habituras in aula prosperum successum, & rursus se tanquam dilectissimum cognatum me nunquam deserturum promisit, quia sicut illo tempore in Passione legabatur, quod Sanctus Petrus ad teriam vicem peccare-

caverit, & facta pœnitentia, nihil eidem ademptum sit, sed fuerit factus Princeps Apostolorum; ita & mihi fieret, si resipiscerem, addiditque Princeps; iteratis vicibus, se neminem unquam decepisse, semperque suis verbis stetisse, Clementiam Austriacam esse infinitam. Hæc vere omnia confirmavit Dominus Baro Hoher, Aulæ Cancellarius, sermonem in conferentia exorsus, de revirescentiæ veris meritorumque aliquid simile saltem hoc dixit: meum lapsum mihi non nociturum, & non solum dandum esse præmium resipiscentiæ & obedientiæ modernæ, sed etiam fore, ut post resipiscentiæ virginæ & incontaminata Zriniorum fides, & illustria merita tam familiæ, quam mea propria hætenus sopita, revirescant & præmium oblineant, sicut Deus soleat cum peccatoribus agere. Hæc & alia, quæ brevitatis causa omitto, pluribus verbis coram me exaggeravit dictus Pater Forstall. Quare verbo ultro citroque dato, & stipulata utrinque manu filium meum & chartam biancam eidem assignavi, addens præterea, me paratum ad eos comitandum, siquidem Vestra Cæs. Majestas offerit: Idem mihi oretenus Celsissimus Princeps le Lobkowiz, præsentē Barone Hoher, cum ad audientiam ejus Viennæ admissus fuisset, pollicis est, dummodo tumultus Hungariæ superioris reus literis componere juvarem, quod & feci, datus ad Generum literis, & Deus illorum animos ita nollivit, ut ad meas simplices literas statim Vest. æs. Majest. sese submitterent, statimque Comitē : Stahrenberg liberarent. Hæc inquit Princeps, Domine Cognate, si effeceritis, promitto vobis

bis sancte, totalem veniam, liberationem, gratiam Suae Majestatis, pristinam restitutionem bonorum in integrum, honores, officia, Generalatum primum vacantem, in summa vos magnum adhuc virum efficiam. Qui norunt, quam exiguus fuerit exercitus Majestatis Vestrae Cæsareæ, qui norunt, quod decem possint illos passus contra centum defendere, non negabunt, me tantum meritum fecisse istis literis, quantum rerum Ungaricarum felicitis successus intererat Vestrae Cæs. Majestatis. In danda charta bianca Patri Forstall hæsi aliquantulum, ut verum fatear, cum in ea possit vitæ ac necis sententia, nec non retractio factarum promissionum contineri; mirabar, quem in finem peteretur, sed cum P. Forstall replicasset, non esse scrupulandum, ubi cum Clementissimo Cæsare res esset, chartam biancam peti in majorem confirmationem & validationem promissorum, deposita omni cunctatione & formidine, eam tradidi. Postmodum quando P. Forstall hic Viennæ ad meum colloquium admissus est, inquisivi de me charta bianca & quid in illa scriptum; respondit, propria manu se in conclavi Principis subscripsisse in ea, quæ Princeps jussit, Principem autem nihil aliud petiisse, quam ut me obligarem ad suscipiendum præsidium Cæsareum, ad Viennam veniendum in persona & ad denunciandum complices, si qui essent, quæ omnia jam a me facta & præstita sunt. Si ergo Vestra Cæsarea Majestas pro sua infinita Clementia, nihil in me benignius statuere velit, valere saltem debet ista charta bianca, tanquam ultima resolutio & conclusio Vestrae Majesta-

jestatis Cæsareæ. Audio posse hisce meis rationibus opponi, quod forsitan P. Forstall pro suo interesse excogitaverit, & commentus sit illa verbosa promissa, item Principis de Lobkowiz & Aulæ Cancellarii non sufficere, nec teneri Cæsarem ad omnia, quæ Ministri promittunt, adimplenda, denique per chartam biancam obligari me quidem, non autem Cæsarem. At similes subtilitates Professoribus in Scholis competunt, & vix inter honestos mercatores practicantur multo minus in Aula Cæsarea, aut quando tractatur, cum Principe, Rege, Cæsare. P. Forstall literas Credenciales habuit a Principe, quibus ego fidem dare debui: Si P. Forstall male fecit, si erraverit, si limites suæ jurisdictionis excesserit, quod non credo, viderit ille, ipsius error non debet mihi damnum reputare, dum feci, quod debui. Ego cum Principe de Lobkowiz & Domino Cancellario Aulæ, in quantum personæ publicæ sunt, & Cæsarem repræsentant, ejusdemque Principales Ministri sunt, egi. Verbum igitur eorum, mihi Verbum Cæsaris est. Obligatio pariter per chartam biancam nutua & reciproca est; ad quid alias Cæsar sola illa puncta, non alia inscribi curaret chartæ biancæ, nisi cum iisdem contentus esse velit? Similes subtilitates sternerent viam ad omnem fidem tollendam. Cæsarea Aquila non capit muscas & Augustissima verba, auguste amplianda & favorabiliter lossanda, non ad subtilitatum angustias coarctanda. Quod a verbo mihi dato, a venia promissisque mihi factis fortasse desunt aliquæ formæ, aut apices juris, in quibus nec ego versatus,

nec

nec Reges aut Cæsares, quorum est jura facere, mutare aut corrigere, admodum curant, mihi profecto, qui sincere egi, præjudicio esse non debet, & nullius rei pœnituisse magis fertur Carolus V. & de nulla re magis taxatur, quam quod ob Ministri sui Granvelli cavillationem ambiguum reddere voluerit veniam factam Landgravio Hassiæ. Præter hæc consideret Clementissima Majestas Vestra, magnam partem Acatholicorum & aliorum, qui hostilitatem exercuerunt, qui arma contra Majestatem Vestram sumpserunt, quorum etiam Majores forsan deliquerunt, perdonatam tamen esse & restitutam, mihi vero obedientia mea, fiducia in Cæsarea clementia, mea & avorum fidelitas reportabit damnum, nocebitque, quod ab hostilitate abstinerim, quod ad pedes Vestræ Cæsareæ Majestatis accurrerim, tanquam ad asylum; illi temeritas sua & resistentia commodum referet, eruntque melioris conditionis, qui pejus fecerint; & ego, qui cognitione, verbo, opere, non contradixi, dicor tamen rebellis. canam ergo cum Pene-lope:

*Diruta sunt alia & nunc mihi Pergamæ
restant.*

Consideret etiam benignissima Vestra Cæsarea Majestas, quod nemo possit duplici pœna puniri, ego autem post promissa præmia tot tantasque patior pœnas, morte ipsa mihi longe graviores, in honore, fama; suppellectili, bonis, libertate, in proscriptione & diuturna hac captivitate, sine ullo prorsus solatio, ut vel possim meas rationes Vestræ
Cz-

Cæsareæ Majestati proponere, aut ullum peritium de statu meo consulere, & non ego tantum patior, sed & tota mea familia domestica, & binæ innocentissimæ proles. Filius, qui ob teneritudinem sui affectus, erga Cæsaream Majestatem Vestram, cum præsumptos rumores audivisset, eos patefaciens præmio dignissimus esset, diu in captivitate hæsit, a studiis & a virtutum via impeditus. Patimur etiam contra jura Regni ac patriæ nostræ a Majestate Vestra Cæsarea sancte confirmata, quæ statuunt, ut nemo captivetur, nullius bona confiscentur, nulla denique executio fiat, nulla pœna infligatur, nisi legitime citatus & condemnatus fuerit, auditis suis rationibus & defensionibus: statuunt præterea eædem leges, ne filius portet iniquitatem patris, ut familia non privetur avitis bonis & possessionibus ob delictum unius, & omnia hætenus experti sumus, & nobiscum incipitur ab executione, confiscatione. Sic leges, quæ profuere aliis, iis favere cessant, qui diuturnitate fidei & servitiorum superiorem habent nullum, aut certe paucos pares. Dignetur Vestra Cæsarea Majestas gratiose sese resolvere, quod ad leges Imperiales ac aliarum provinciarum nos non teneamur, Vestra Cæsarea Majestas autem ad Hungaricæ sese benigne obligaverit, & secundum hæc æquum est, ut causa decidatur, perque homines earum peritos, quando de jure agitur. His tamen omnibus, si ita placet, prætermisissis, ad solam Clementiam Austriacam appello. Domus Vestra cum Clementia nata est, cum Clementia adolevit & confirmata est, & non nisi ex-

tia-

tinctâ clementia mori aut extingui poterit; In totis Annalibus Austriacis hodiernæ severitatis exemplum vel unicum non extat, quo primus lapsus, si ita appellare lubeat, familiæ benemeritæ (primum voco lapsus; nam delicta, quæ non probantur, aut sententiantur, inter lapsus non numerantur) familiæ inquam, quæ pro Austriacis tot seculis vigilantissime excubavit, sanguinem suum prodige pro iis effudit, stupenda pro iis patravit, monstrum fidei & constantiæ erga Austriacos inter tot procellas extitit, nulla exercita hostilitate, ultro comparens, potens fugere & digredi, habitis tot splendidis promissis, tam terribiliter capite plectatur, ad arbitrium & falsam delationem aliquorum æmulorum & paucarum quarundam familiarum ex Carniola, Styria & Croatia nostris bonis & sedibus insidiantium, quorum merita & Heroica gesta, si quæ sunt, ego sugillare nolo. Econtra quamplurima extant exempla, ubi infestissimi hostes, ex semine etiam rebellium, post illata ingentia damna, vi aut iusto bello capti a Clementia Austriaca non solum Viennæ donati, & in integrum restituti fuerunt, sed etiam divitiis & honoribus aucti.

Regia, crede mihi, res est succurrere lapsis. Bene norunt hoc mei æmuli, quod nos diu multumque sudavimus, excubavimus, pro Styria, Carniola & Croatia defendendis, Zriniisque vigilantibus, poterant ii secure quiescere; ut vetera exempla omittam, moderna produco. Sexto abhinc anno devorassent Tartari Styriam, si meus Frater eam non conservasset, Muræ undis; Rinkchick, alias Zokolock Bassa Carniolam & Croatiam in
Cine-

Cineres redeffisset, nisi ego derelictus quidem a Generali Averspergio, qui securitatis ergo, Labacum se contulit, Turcas profligassem, capto fratre ipsius Bassæ. Jam autem in præmium laborum, & testem gratitudinis suadent, ut stirpitus eradicemur, ut alio transplantemur, ut illi nostra bona, quæ multo nobis sanguine constiterunt, occupent & possideant; Prodeat in medium quicumque illorum, qui audeat, cum veritate promittere, se suosque præstituros Domui Austriacæ aut Christianitati, plus quam Zrinii præstiterunt æqua fide & constantia meliusque domituros immanem illum hostem, lubens suæ prætensionis suffragium addam; si autem nemo est, qui id præstare præsumat, si nostro muneri ad stuporem eorum, qui historias legunt, satisfacimus, cur non mereamur illud continuare, avita bona possidere, plus quam alii? Cur non deberent potius averruncatæ arbores iterum plantari & rigari, ut radices figerent, & denuo similem fructum ferrent? Dabitur forte adhuc occasio, qua licebit monstrare, quis sui sanguinis profusior sit, in servitio Domus Austriacæ? Faxit Deus, ut eo fervore, quo jam accurrunt ad bona nostra, tunc omnes certemus, curramus ad profligendum ostem. Potenter se exercuit hactenus contra os invidia, jam foret tempus, cessaret, si ratione virtute contentaretur: At ea est invidiæ condicio (ut accurate notat Savedra) ut non ante desinit, quam æmulum ad extremam, si ita possit, deferat miseriam. Sol enim umbras non facit, arduum in supremo consistit vertice, quando autem declinat, tum crescunt illæ & porriguntur longius;

PARS II.

Pp

gius;

gius; Sic etiam prorsus invidia majori propellit impetu, qui in ruinam jam pronus est, aut labi incipit, & quoniam illa plerumque nonnisi pusillanimes occupat, semper in metu est, ne rursus sese erigant. Si tamen isti aut alii quicumque timent ultionem, iram vel vindictam a me in illos exercendam, ut spargitur, suadentque propterea Vestræ Cæsareæ Majestati, ne restituatur in bona, patriam, officium & libertatem; esto sit frivolus ille timor & excusatio, quæ omnem justitiam pessumdaret, libenter tamen cautionem quamcunque & fidejussionem dabo, & quamcunque compositionem imaginabilem cum iis inibo; contra omnia mala, excepta morte, potest inveniri remedium, ego a Deo non peto mihi dimitti peccata, si Christiane iis non ignosco omnes injurias, ita ut nec recordari earum optarem. Quibus omnibus perpensis, humillime supplico Majestati Vestræ Cæsareæ, ut se ad statum sibi naturalem reducat, benignitatis scilicet & clementiæ, & tam nostrorum servitorum fidelium quam suorum promissorum, ut sacri verbi memor, misericordes oculos in me convertat, & non inurat notam familiæ nigram, semper sibi fidelissimæ, quæ nullum unquam scivit nævum admittere. Efflictim autem rogo, ut mihi libertatem interim concedat, qua causam meam defendere coram viris legum nostrarum peritis, rationesque meas proponere & media placandæ Vestræ Cæsareæ Majestatis invenire valeam, cæterasque gratias largiri mihi non gravetur, quas in hoc statu rerum necessarias reputo, quam diu

diu multumque conservet, ut optat Vestra Cæsareæ Majestati

Dabantur Neostadii

Anno 1670.

Humillimus Orator

Comes Petrus a Zrin.

DXXVII.

*Littera FRANCISCI COMITIS de NADASD,
ad FILIUM SUUM, natu majorem, quibus
ipsum rogat, ut associatis reliquis fratribus, sibi
apud Cæsaream Majestatem delicti veniam impe-
trare sollicitè conetur, 1670.*

**Precum mearum ad Deum devote oblata
commendatione præmissa, Dilecte Fili.**

Heri Dominus Aulæ Cancellarius huc veniens
ad examen me evocavit, rogavi cum pro fa-
cultate scribendi, quam etiam concessit, Has ita-
que literas tibi majori meo filio ita inscribo, ut non
gravetur cum aliis duobus confidenter communi-
care, illique eas ita accipiant, quasi suis Domi-
nationibus singulatim scripisssem, quod facere me
minime piguisset, sed judicavi, me multa scriptio-
ne posse aliquam indignationem incurrere.

Deprehendi jam manifeste in secundo examine
meo, quod in res meas ita inquiratur, ut tandem illis
judicialiter respondeam, ac exinde rerum mearum
finem præstoler. Et licet statim in primo meo
examine manifeste me resolverim, quod nolim me
immittere in judicium cum clementissimo Principi
meo, quinimo Principis de Lobkowitz Celsitu-

dini primis captivitatis meæ diebus supplicavi, ne sua Majestas me in judicium trahat. Nihilominus tamen heri iterato examinatus humillime significavi, me nullo modo velle ullum Processum inire, nec ullo scripto purgatorio me purgare, verum totum me Clementissimi Domini & Principis gratiæ committere & capite meo ejus clementiam implorare.

Ostendat itaque semper sincere cognitam filialem erga me affectionem & una cum duobus meis filiis supplicent, fatigentque ac laborent pro me, ut gratiam apud S. Majestatem mihi impetrent, nec parcant huic labori, pro quo Deus O. M. miles erit remunerator.

Et siquidem sapientissimus Salomon ait: Patientia leniatur Princeps & lingua mollis confringat duritiam, ut eo facilius ad misericordiam moveatur, ac in se ipso Domoque Austriaca innata clementia Dominus meus Clementissimus flectatur, hoc scriptum meum & si quid aliud ad leniendum occurrat, pro sapienti suo judicio suæ Majestati aperiant.

I. Et quidem primo comprobabo ac cum Deo testificabor, cui occulta omnia patent, & cujus nomen in vanum assumere nolo, quod etiam si ex omnibus me liberare & explicare possem, malim tamen me Suæ Majestatis gratiæ committere, quam excusationem prætere, ut totus mundus videar, convenientius esse, ut ego pro Reo habear, quam ut judicer, me immeritum pati. Dicam quoque cum Divo Jobo, quod etiam si habuero quidpiam ju-

justum, non respondebo, sed Deum judicem deprecabor.

II. Moveat Suam Majestatem ad clementiam illud, quod caput meum pedibus ejus submiserim, & delictum meum viva voce aperuerim, & velut a dulcissimo Patre ac Domino meo gratiam expecterim, atque omnino arbitrabar, me eam adeptum iri, præsertim, quod post hoc meum factum plures Sux Majestatis eosque clementissimos favores acceperim. Certus sum etiam, quod in rei substantia nihil omnino celaverim, cum quibuscunque aliquam majoris momenti correspondentiam habui. Verum, ut omnes rerum etiam minutiores circumstantias ac interessatorum scriptitatuunculas referre potuissem, erat impossibile. Quia etiam si hodie hac exactissima rerum manifestatione Regnum cœlorum adipisci possem, non valerem, ita sum oblitus earum; Nam duo prope sunt anni, a quo me abstraxerim ab illis.

III. Emolliat Sux Majestatis pectus clementissimum & illud, quod quamdiu ego rerum istarum secundum aliquid conscius fui (quia omnium horum Wessaliana Palatinissa motrix fuit) ne minimum istæ intentiones contra Suam Majestatem progressum habuerunt. Ego etiam nullius novæ conspirationis autor fui, minus effectuari tale quidpiam, quinimo impedivi, in quantum impedire potui. Atque hinc factum, quod Adversarii me excluderint, videntes per me nullum progressum res eorum habere posse, unde & Calvinianus ille Ladislaus Fay falsus est (ut mihi nonnulli

omnis felicitas concidit. Minoresne filii mei vehementer metuo, ne anima & corpore damnificentur adepturi præmaturam libertatem, quos ego duriori educatione continui in timore, quod alii vix iis præstabunt, licet non dubito, a Vestris Dominationibus eos bonis moribus adjuvandos, verum maturum iudicium Sacrae admonitiones requirunt.

VII. Recogitet Sua Majestas Majorum meorum fidelia & utilia obsequia, ipse etiam nunquam fui inobediens servus Suae Majestatis, nec ullis sumptibus ac laboribus peperci, fideliter equidem servivi & infelicior fui, ac propter malevolorum obtreptiones majorem fidem habuissim, sincero corde desideravi fidelissime servire.

VIII. Contra quem ostendit potentiam suam Sua Majestas? Hic iterum cum Jobo dicere possum. Contra folium, quod vento rapitur, ostendis potentiam tuam & stipulam siccam persequeris. Dignetur Sua Majestas clementissimo oculo relegere 31. Maji, quantum memini, datas meas, dum adhuc liber essem, qualiter me clementissimæ S. Maj. gratiæ submisi, quod & nunc facio, etiamsi in tenebris mortis me collocaverit S. Maj. & nunc me Clementiæ ejus resigno.

At ne prolixiori scripto sim importunus, adjicio pro clausula illud, quod Sacrae literæ de Principibus loquuntur, dum scilicet Principes Dii vocantur. Sua Majestas est eritque Princeps inter omnes dignitate adeoque propinquior æterno Deo, super cujus opera est misericordia ejus, teste Propheta

Davide dicente: Misericordia ejus super omnia opera ejus. Et ubi majus delictum, illic etiam est gloriosior misericordia. Fateor equidem magnum esse delictum meum, quia peccavi contra maximum totius mundi Dominum, confido tamen in misericordia ejus, siquidem non ex præsumptione operatus sum, verum insipienti meo sensui plus nimio credens, sperabam res meas ita gubernaturum, ut non tantum mali inde eveniat, verum quod jam supra memoratam meam intentionem assecuturus, magnamque gratiam adepturus, & quia hanc eo modo habere non potui, precor, ut Vestrarum Dominationum intercessionem habeam.

Non graventur Vestræ Dominationes apud Suam Celsitud. Principem de Lobkowitz pro me intercedere, ut tanquam benignissimus Princeps, sit meus Patronus, & gratiam, quam mihi præstabit, D. O. Maximus Sux Celsitudini rependet. Apud reliquos intimos Ministros Vestræ Dominationes quoque agant & intercedant, rogo.

Hunc laborem, ego afflictione & amaritudine pene consumptus miserabilis homo nunquam potero reservare. Verum Deus erit liberalissimus remunerator, metuo autem, ne ob hanc meam afflictionem animæ meæ detrimentum patiar, etenim qualitercunque me componam ac cuncta ex animo rejiciam, nihil me juvat, nec Deo meo, uti deberem, servire possum. Sentio etiam intra me ipsum, quod dies resolutionis meæ instet, nec multum prolongabo dies vitæ meæ, utinam tantum a Deo temporis impetrem, ut pacata mentē

te me possim parare ad bonam mortem. Deo
commendo Dominationes Vestras ac maneo

*Vienna ex domo captivitatis
mea in domo Provinciali*

14. Dec. 1670.

*Sincero corde Deum deprecans
Parens*

Franciscus de Nadasd.

DXXVIII.

*Littera FRANCISCI COMITIS de NA-
DASD, ad LEOPOLDUM, Romanorum
Imperatorem, quibus patratorum scelerum ve-
niam supplex precatur, 1670.*

Clementissime Imperator.

Quod infelix ego & indignus subditus Maje-
statem Vestram sacratissimam hucusque meis
submississimis precibus interpellare, & thronum
gratiæ ejus adire intermiserim, verecundia iniqui-
tatis meæ arcebat, & præsumebam nudis orationi-
bus, inops meritorum, indignationem justam Ma-
jestatis Vestræ sacratissimæ magis in me irritare:
Feci id per alios debita humilitate, præsumendo
unice post Deum in terris a Majestate Vestra sa-
cratissima gratuitam & pietissimam, benignissi-
mis visceribus ejusdem innatam misericordiam.
Sed me infelicem! Supergressæ sunt iniquitates ca-
put meum: nam horrendam sententiam mortis meæ
ignominiosæ, loco misericordiæ obtinui. Clem-
entissime & misericordissime Imperator, liceat mihi

P p 5

omni

omni auxilio humano destituto hisce indignissimis precibus coram Majestate Vestra sacratissima comparere & supplicare, quatenus dignetur piissimis suis oculis pauculas lineas lacrymis meis asperfas legere & admittere. Vices Dei in terris Majestas vestra sacratissima agit, Divina justitia juxta S. Augustinum ordinavit pœnam, amantibus culpam. Et S. David inquit, misericordiam & justitiam cantabo Domino, cum itaque judicium mihi pœnam merenti factum sit, fiat & misericordia culpam abominanti, & non moriar per gladium, moriar per misericordiam Vestræ Majestatis sacratissimæ in pace, finiendo in luctu & pœnitentia pauculos Dies residuos vitæ in aliqua religiosa Domo, ne cum corpore etiam anima moriatur; sed pœniteat prius de præteritis male consumptis diebus; moveatque Majestatem Vestram sacratissimam innata Domini suæ misericordia judicium non exercere sine misericordia: Tunc namque præcipua laus est misericordiæ ac mansuetudinis, cum iræ iustissima causa est. Recompensabit misericors & miserator Deus Misericordiam Majestatis Vestræ sacratissimæ hic & in æternum, cui omnem felicitatem submississimo & devotissimo corde a bonitate divina exopto & me subjicio pedibus. Dabuntur Anno 1670.

Majestatis Vestræ Sacratissimæ

*Humillimus & infimus
subditus*

**Franciscus de Nadasd.
DXXIX.**

DXXIX.

*Litteræ MICHAELIS, Polonia Regis, ad FRI-
DERICUM WILHELMUM, Electorem
Brandenburgicum, de Kalcksteinio violenter Var-
savia abducto agentes, 1670.*

P. P.

Cum Serenitas Vestra per literas ad Nos exa-
cratas de Kalcksteinio Stolinski Colonello, ubi
& quando captus sit, unde & qua ratione abdu-
ctus, quique & quales fuerint, qui ejusmodi ne-
fas patnaverunt, nescire se prorsus affirmat, cum-
que occasione tam atrocis facti, ac injuriæ publi-
cæ complura interveniant, quæ per epistolam sa-
tis explicari non possint, in animum induximus
mittere ad Serenitatem Vestram ablegatum No-
strum Extraordinarium, qui totius flagitii seriem
exponat, & a quibus quoque modo & loco pera-
ctum evidenter demonstrat, simulque condignam
nobis & Reipublicæ, ac universæ nationi Polonæ
satisfactionem præstari unice requirat. Exinde
minime nunc verbis laboramus, in accusando cri-
mine læsæ Majestatis, violati juris Gentium, ami-
citiz & foederum prope interrupti nexus, quæ o-
mnia maturato itinere ad locum residentiz Sere-
nitatis venturus ablegatus noster prolixè coram
repræsentabit. De Eusebio Brandt, qui in nesa-
rie capiendo & abducendo Kalcksteinio primas
partes tenuit & contra fidem, ac decus publici Mi-
nisterii deliquit, declaramus Serenitati Vestræ nul-
latenus a Nobis tolerari posse, ut in Regiam No-
stram adeoque minus in conspectum Nostrum ac-
cede-

cedere & functionem publicam apud Nos obire valeat. Id vero jure merito a Nobis fieri ex productis notoriis documentis, quibus scelus hominis evincitur, Serenitas Vestra dignoscet. Accedit quod eidem Brandio a concitatis animis sortem Kalcksteinii miserantium, & facinus detestantium, atque a nonnullis nobilibus Polonis cognatione Kalcksteinio junctis, omnimodam securitatem polliceri non possumus, graviusque forte aliquid exinde emanaturum prævideamus. Porro alterius cujuspiam integri & honesti viri opera ad Nos Serenitas Vestra, si libitum erit, utatur, quem ex propositis & demandatis ad Serenitatem Vestram exemplo Nostrorum reverti, neque hic continuam residentiam figere conveniens videtur. Interim Serenitatem Vestram Divinæ Protectioni commendantes eidem valetudinis incolumitatem ex animo apprecamur. Datum Varsoviæ die 31. Decembris Anno 1670. Regni que Nostræ secundo.

DXXX.

Litteræ MICHAELIS, Polonia Regis, ad CLEMENTEM PAPAM X. quibus Nuntium Apostolicum cum Nationis Polonia, zelo & professione in Religionem Catholicam nulli unquam gentium cedentis, flagitio, e Polonia advocari, vehementer conqueritur, 1671.

Post oscula pedum Sanctitatis Vestræ meique ac Regni & Dominiorum meorum, filialem commendationem. Insperata mihi omnino accidit a Nuntiatura Poloniæ ad Hispanicam Prom-

motio Reverendissimi in Christo Patris Archiepiscopi Corinthi Marefcotti, qui sine tali hinc discessu non desiderium magis sui, quam iusti doloris causam mihi & Nationi Polonæ reliquit. Patietur benignitas Sanctitatis Vestræ grandem exinde animi mei sensum in paternum ejus sium deponi, eo majore fiducia, quod Regnum Poloniæ, totaque hæc Natio aliquot annorum commemoratione Sanctitati Vestræ optime notescat. Amplitudo Regni mei totquot populorum in unum collectum, ac ingens robur nulli alteri Regno & genti decedit, atque si erga Sedem Apostolicam reverentia, erga fidem Catholicam ardenti & invicto zelo comparetur, etiam forte præcedit. Non exaggero fortitudinem & gloriam bellorum, quibus contra Ecclesiæ Romano - Catholicæ juratos hostes, Turcas, Tartaros, schismaticos, natio mea fatigatur attollere cuivis signa & sacra Domini bella ampliare, anniversarium imo perpetuum genti Polonæ est. Pro unionem Græcorum cum Latinis, quantum consiliis & ferro etiam nunc laboretur, vel hoc argumento sit, quod florentissimis & feracissimis Ukrainæ terris tot jam annis carere, quam unionem Græci ritus non retinere levius existimemus; tractatum pacis, quem sola unitorum causa difficilem reddet, magno Republicæ dispendio & Regni periculo trahamus, vitam, fortunas, sanguinem civium pro defendenda re Christiana in aciem aleamque mittamus. Audeo ego affirmare Sanctitati Vestræ, si de protectione unitorum vel paululum mittam, si Abbatis & templa ab unitis recens recepta relinquam, si res dis-

disjunctorum ad eum statum, quo sub antiquis Regibus fuerunt, revocem, plane merito pacem domesticam cum Cosaccis concludi, & bellorum ab intra & extra tempestate obviam iri posse. De me ipso, quàm majoribus meis Regibus Poloniæ præ Religione Catholica paria faciam, quam Schismaticos Episcopos vulgo Vladicas Senatu arcere, Hæreticos deponere, palmarium ducam, neque sine aliqua invidia ac perturbatione rerum mearum oppugnatoribus orthodoxæ fidei me opponam, conscientia mille testes, si alii deficient, mihi suffragabitur, Principem unum Radzivil, Mareſchalcatus Lithuaniz & Præfecturæ Samogitiensis (primariæ dignitates istæ sunt) spe & ambitu dejectum, sola ea causa, quod Calvinista esset; sparsum exinde in vulgus rumorem ac suspensionem, quasi non integra fide, sed cum restrictione mentis juraverim, Reverendissimus Archiepiscopus Corinthi candide informabit: Palatinus Trocensis magnæ dignitatis a Schismate ad Latinum ritum traductus, Episcopatus & templa græca unitis per privilegia vel decreta tradita, novi Principatus & innati in rem Catholicam affectus mei documentum sunt. Quidni ergo ex merito dolorem intendam, quidni coronam meam extra nominis ambitionem certe Catholicam & Christianissimam minore loco Romæ haberi & per ejus limen ad aliud Regnum tanquam superius nuntiis Apostolicis gradum aperiri querens indoleam. Notum sane est a talibus primis exemplis ad alia exempla Curiz Romanæ viam monstrari, & Poloniæ quasi de facili toleranti majora imminere, licet minus æque dehinc sustine-

stinenda ; sperare tamen meliora de Sanctitate Vestra non desino, cum Clementem, gratum pridem & populare Regno meo nomen cogito, cum prima auspicia Pontificii Regiminis mihi juxta, ac aliis amica ac læta fore voto & affectu præcipio. Ingredior in eam spem, futurum, ut Sanctitas Vestra Paterna sua providentia aspera hæc in vias planas componat, vim & effectum nominis sui, in me meosque exerceat. Clementissimo suo judicio palam faciat, num minus quid Ecclesiasticæ coronæ a corona isthac debeat. Sanctitati Vestræ longævam incolumitatem & felix Reipublicæ Christianæ Imperium humili devotione ad extremum apprecor. Dabantur mense Januario, Anno 1671.

DXXXI.

Litera MICHAELIS, Polonorum Regis, ad FRIDERICUM WILHELMUM, Electorem Brandenburgicum, cui Ablegatum suum extraordinarium Varsavia jam discessisse nuntiat, ejusque fidei commissæ de meliori commendat, 1671.

Exresponsoriis Nostreis, quas per Regiomontum sesecure ivisse, jamque ad manus Serenitatis Vestræ pervenisse indubium habemus, satis constat Serenitati Vestræ, periculum amissionis & suppressionis literarum ejusdem nullum fuisse, neque superest, quod ad præsens aliud scribamus, nisi Ablegatum Nostrum extraordinarium sufficienter instructum, jam hinc discessisse, qui demandato sibi officio recte & copiose coram fungeretur. Expecta-

pectamus porro a Serenitate Vestra eam satisfactionem, quam omni jure & æquitate requirimus, tanto meliore firmitudine, quod Serenitas Vestra se jus & justitiam administrare velle in eos, qui contra Majestatis Nostræ & Reipublicæ dignitatem, contra gentium jura deliquisse, convicti fuerint, Nobis amice polliceatur. De reliquo Serenitatem Vestram Divinæ Protectioni commendantes eidem bonam valetudinem ex animo vovemus. Dabantur Varaviæ die 22. Januarii, Anno 1671.

DXXXII.

Litera MICHAELIS, Polonia Regis, ad FRIDERICUM WILHELMUM, Electorem Brandenburgicum, a quo Kacksteinii Varavia, violenter abducti ergo, sibi Reique publicæ plene satisfieri desiderat, 1671.

P. P.

Quod felicem Nostram Electionem Serenitas Vestra non mediocri animi lætitia exceperit, eandem nobis per Legatos suos pro tunc Varaviæ agentes, & per literas boni affectus plenas, celeriore & vicinia cursu, aliorum Principum amica officia prævertente congratulata fuerit, id statim equidem pergrate accepimus, & nunc recenti atque nunquam obliteranda memoria retinemus, neque desuimus ex parte Nostra, qua literis, qua plerisque contestationibus elucidando reciproco studio erga Serenitatem Vestram, cui Nos fœderatæ amicitiz, antiquæ necessitudinis, proximæ vicinitatis vincula arcti-

arctius colligarunt. Sed intervenisse nonnulla, quæ tam prosperis amicisque principiis, non bene deinceps responderint, iusto dolore prosequimur, neque causam a Nobis profectam fuisse ad cuiusvis recti, imo orbis iudicium provocamus, bonam tamen in spem erigimur, redintegrandi mutui affectus, & inviolabilis amicitiae conservandæ, ob promissam a Serenitate Vestra satisfactionem, ad quam in effectu obtinendam, misimus nuper ad Serenitatem Vestram Ablegatum Nostrium extraordinarium, ejusdemque ad Nos reditum vel nuntium cupide præstolamur. Cæterum nulli adversario locus futurus est, qui sinceram propensionem nostram vel minimum perturbet; si Nobis & Reipublicæ condigna satisfactio a Serenitate Vestra præstetur, ulteriora studiorum Nostrorum & reciproca voluntatis argumenta monstrabimus. Interim Serenitati Vestræ diuturnam Valetudinis incolumitatem a Deo vovemus. Dabantur Bialozercæ, die 24. mensis Januarii, Anno 1671.

DXXXIII.

Litera MICHAELIS, Polonia Regis, ad CLEMENTEM PAPAM X. quibus sibi suisque incolis constans propositum habere, se contra Turcas Tartarosque strenue defendendi, & Ecclesiam Catholicam ab eorum ferocitate vindicandi, asserit, 1671.

Post oscula pedum Sanctitatis Vestræ meique ac Regni & Dominiorum meorum commendationem Pontificiæ & paternæ Sanctitatis Vestræ pro-

PARS II.

Q9

Re-

Repubblica Christiana proque cælitus sibi commissio
grege solitudini adscribendum, quod me per Epi-
scopam suam per Reverendissimum Archiepiscopum
Florentinum Nuntium Nostrum certiorum
reddat, prævalidas & successu Candia tumescentes
Ottomannorum vires in perniciem Regni mei &
vicinarum ditionum conspirare armarique. At-
troces isti periculorum ab Oriente Nuntii remotiorum
Europam implent, meas vero e propinquo au-
res classicum ferit, admonetque, ne formidandam
deterrimi hostis potentiam, inter postrema Regiarum
curarum reponam. Equidem ea indole animoque
sum, quo majores mei Reges Polonia immortalis
decus meruerunt, ut pro gloria divina &
fide catholica augenda & defendenda omnia discrimina
subire, & vitam ipsam sanguinemque prodigere
minime dubitem. Sed viginti ultra annos
ingentibus & continuis bellis fatigata Polonia
defensioni licet parata sit, neque impar videatur, sed
offensivum tamen bellum, per temporum præsentium
injuriam & nervi bellici penuriam gerere
nondum satis valet. Compertas optime habet
Sanctitas Vestra Regni mei rationes. Quid porro
faciendum erit ex ulteriore rerum cursu & aliorum
Principum Christianorum junctis animis armisque
consilia metiri, mihi senatuique meo, pro
ratione status conveniet. Cæterum dignissimam
Sanctitatis Vestræ operam agnosco & veneror,
quod Serenissimum & Potentissimum Imperatorem
Leopoldum, Fratrem & Affinem Nostrum
decenter compellare in animum induxerit, & pro
communis securitate & Regnorum suorum salute
tuen-

tuenda, societatem armorum inire, ac opportuno apparatu, ea quæ belli sunt impense curare non desistat. Secundet divina benignitas piissimam intentionem Sanctitatis Vestræ, cui felix Christianæ rei Imperium apprecando, Regnum meum filioli devotione commendo. Dabantur Varsaviz, die 19. Februarii, Anno 1671.

DXXXIV.

Litera credentiales, quas JOHANNES GEORGIUS II. Saxonie Elector, Friderico Adolpho ab Haugwitz, Alegato suo, ad CAROLUM II. Magnæ Britannia Regem tradidit, 1670.

P. P.

Corruscante jam a biennio fere Aula Nostra Electorali insigniis prænobilis Ordinis Britannici Georgiani, quo Regia Vestra Majestas velut Regii in Nos affectus monumento, cohonestatos Nos atque devinctos sibi splendida legatione voluit, ad officium Nostrum pertinere censuimus, id impræsens effectum dare (quod quidem si per alia subinde impedimenta licuisset, jam pridem præstitissemus) ut editis quantumvis semel atque iterum gratæ mentis pro tam augusto munere indicium, solenniori tamen quadam ratione palam constaret, quanti omnino Ordinis pariter ac Regiæ benevolentia tesseram faciamus. Qua de re quidem quo plenius adhuc, pro eo, ac par est, coram testari queamus, præsentem Virum Nobilem Consiliarium Cameræ Nostræ & cubicularium dilectum

Qq 2

No-

Nobis ac fidelem Fridericum Adolphum ab Haugwiz in Grosdubra &c. Ablegandum statuimus, atque ideo Regiam Vestram Majestatem amanter admodum atque officiose rogatam volumus, ut dictum modo Consiliarium Nostrium non tantum libenter admittat, verum etiam benigne audiat, Eidemque in his quæ mandato & nomine Nostro expositurus est, omnimodam fidem adscribere dignetur. Deum Optimum Maximum precati, ut Regiam Vestram Majestatem diuturno Domus Regiæ, Regnorumque atque adeo Orbis Christiani bono salvam sospitemque cælitus servet ac tueatur. Dabantur in Electorali Dresda, die 27. Martii, 1671.

DXXXV.

Responsoria CAROLI II. Magnæ Britannia Regis, ad precedentes JOHANNIS GEORGII II. Saxonie Electoris literas, 1670.

P. . P.

Illud Nobis præcipuæ curæ esse solet, ut ejusmodi Principes, Heroes atque Optimates in antiquissimum & celeberrimum aureæ Periscelidis Ordinem cooptemus, qui summa tum affectus tum decoris testimonia a Nobis promeriti sunt, quique clarissimæ sodalitati ornamento esse poterunt. De quorum numero Celsitudinem Vestram Electoralem inter primos optimo jure æstimandam esse censemus, adeoque lætamur eundem honorem eo animo a Celsitudine Vestra Electorali acceptum esse, quo a Nobis collatus est, sicut & sæpe alias & nuper amplissime testata est per literas suas die 27.

Mar-

Martii novissime elapsi scriptas, quas Nobis in manus tradidit Dominus Fridericus ab Haugwitz in Grosdubra &c. Celsitudinis Vestrae Electoralis Consiliarius, Ejusdemque ad Nos Ablegatus. Grata fuit scribendi materies, qua Nobis adhuc gratiorem reddidit Nuncius tam spectabilis, cujus merita & virtutes dignum sibi locum in Celsitudinis Vestrae Electoralis gratia acquisiverunt. De cætero Celsitudini Vestrae Electorali Ejusque splendidissimæ Domui fausta omnia ac felicia ex animo apprecamur. Dabantur in Palatio Nostro de Whitehall, die 21. Maji, 1671.

Celsitudinis Vestrae Electoralis

bonus Frater & Consanguineus

Carolus R.

DXXXVI.

Litteræ CAROLI II. Magnæ Britannie Regis, ad JOHANNEM GEORGIUM II. Saxonie Electorem, cui Annam, Fratris sui Jacobi, Ducis Eboracensis Conjugem, supremam obiisse diem significat, 1671.

P. P.

Quandoquidem abunde Nobis exploratum est, nihil Celsitudini Vestrae Electorali leve aut tralatitium esse posse, quod vel personam Nostram vel Regiam Magnæ Britannie Domum ullatenus attingit, seu bonum illud seu infaustum sit, Amicitia

Q 9 3

tia

tiæ & Necessitudinis Nostræ esse duximus, Celsitudini Vestræ Electorali quam primum significare, sicut hisce literis Nostris significamus, ita summo rerum moderatori visum esse, ut ultimus dies Martii triduo abhinc elapsi vere ultimus esset Celsissimæ Dominæ Ducissæ, Annæ, charissimi Fratris Nostri, Jacobi, Ducis Eboracensis, Conjugi dilectissimæ. Quæ postquam gravi morbo diu conflictata esset, in florenti ætate ex hac vita tandem excessit. Facile æstimabit Celsitudo Vestra Electoralis, quantum ex hoc casu dolorem merito conceperimus; adeoque patietur, ut illius partem in amicos Nostros transferamus. Precabimur interim Deum Optimum Maximum, ut Celsitudini Vestræ Electorali bonam firmamque valetudinem quam diutissime conservare, eandemque omnimoda prosperitate cumulare velit. Dabantur in Palatio Nostro de Whitehall, die tertio Aprilis, 1671.

DXXXVII.

Responsoria JOHANNIS GEORGII II. ad præinsertas CAROLI II. Magnæ Britannia Regis literas candida reciproci doloris per inopinum de Ducissæ Eboracensis morte Nuncium excitati testes, 1671.

P. P.

Estivas inter, quas honori Ordinis Gartierii hac tempestate publice destinaveramus, occupationes haud levi perturbatione animum Nostrum perculit, quæ rerum humanarum conditio est, jactu-

e Nuncius, quam ex inopino Celsissimæ Dominæ
annæ, Ducissæ quondam Eboracensis, Fratris Regii
actenus Conjugis dilectissimæ, Serenissima Do-
mus Regia, nutu Divino, fecit. Cujus quidem
communis doloris partem haud minimam, non
b unam necessitudinis causam, condolendo No-
bis vëdicamus; Firmiori tamen solamine erigi-
mur, quod cum beate defuncta vitam caducam
in cœlesti feliciter commutaverit, Regia Vestra
Majestas profectum ex beneplacito divino casum
quiore animo sit latura. Atque adeo Regia,
uæ præsentis sortis Nos participes voluit, bene-
volentia freti, divinum Numen juxta veneramur,
et compensato lætioribus post hæc vicibus Regiæ
Domus luctu, Regiam Vestram Majestatem quam
in salvam sospitemque præstet ac tueatur, Nobis
item exoptatas, quibus Eidem animum Nostrum
ovis subinde amicitiaë vinculis obstrictum, novis iti-
em studiorum documentis comprobare queamus,
occasiones largiatur. Dabantur in Electorali
Iostra Dresda, die 30. Aprilis, Anno 1671.

D XXXII X.

*littera FRANCISCI FRANGE PANII, ad
LEOPOLDUM, Romanorum Imperatorem,
quibus vita criminis que Perduellionis veniam im-
petrare conatus est, 1671.*

acratissima Cæsarea Regiaque Majestas,
Domine Clementissime.

PRæ horrore tremendæ mortis sententiæ vix ca-
lamum regere possum: desunt mihi vires,

Clementissime Imperator, pro debito submissum conceptum fovendi ad elucendam Scintillam unam Augustissimæ Clementiæ & Pietatis Christianæ; unde humillime rogo hanc Spiritu languido compactam supplicationem connaturali sua benignitate perlegere clementissime dignetur. En genu flexus procido ante Augustissimum Thronum Majestatis Vestræ Sacratissimæ, & lacrymis defluentibus ac incessantibus singultibus rogo per quinque vulnera Christi, per merita Virginis Dei-paræ omniumque Sanctorum, dignetur Majestas Vestra Sacratissima parcere unico juventutis meæ delicto, & immaturi judicii transgressioni. Respiciat Clementissimus Imperator suo gratiosissimo oculo floridam ætatem meam, quam intempestive perdere debeo. Ponderes, Clementissime Imperator, me miserandum unicum familiæ superstitem exstare, quæ ab enumerabilibus annis Augustissimæ suæ domui totique Christianitati incontaminata fidelitate ac devotione semper inservivit, & in quantum merita majorum non sufficiunt, nec mea personalia (Deum testor) fidelissime præstita servitia Majestati Vestræ Sacratissimæ, perficiat incomparabilis ac ubique terrarum deprædicata clementia & misericordia Majestatis Vestræ, & mihi jam mortuò vitam restitui gratiosissime concedat; non abhorreo mortem in exequendo mandato Majestatis Vestræ Sacratissimæ, & contestanda immutabili devotione mea erga meum Clementissimum Dominum; semper enim paratus essem ad minimum Majestatis Vestræ nutum ultimam sanguinis mei guttam profundere. Sed, Clementissime Imperator,

con-

remisco in sola contemplatione ignominiosissimi transitus ex hac vita per manus sicarii. Eheu miserum & infelicem! utinam nunquam natus, jam antea e vivis deletus fuisssem! Clementissime Imperator, Carolus ille Magnus in comparationem immensæ bonitatis & misericordiæ exclamabat, vellem & mortuos ad vitam revocare, non in Majestate Vestra Sacratissima cognita & aperta semper fuit Clementia. Nunc, Clementissime Imperator, exerce gloriosissimam magnanimitatem tuam in resuscitando me miserrime peritu-

Agnoscam vitam meam, quod Sacrosancte deo, totaliter debitam (post Deum) misericordie Majestatis Vestræ; nec imposterum mihi, sed Majestati vivam devotissime. Gratiam, pietatem, misericordiam, Clementissime Imperator, hac forma vice per Sanctissimam Trinitatem obtestor! Visceat calix iste a me! Impossibile enim est, Clementissime Imperator, ut spatio aliquot horarum bus & spiritu derelictus, animæ salutem providere eam ad sufficientiam. Clementissime Imperator, sipe flebiles deprecationes meas, & gratiam vitæ qualemcunque; aliam poenam pro lubitu benignissimo commutare dignare. Vellem, Clementissime Imperator, plura perscribere & misericordiam implorare, ast præ lassitudine miser nequeo, finio, ac vitam & finem vitæ meæ, Majestatis Vestræ Sacratissimæ Clementiæ & pietati submitto & committo, vivens vivere & mori.

Majestatis Vestræ Sacratissimæ

*Humillimus servus, & fidelissimus subditus,
umbra mortui*

Franciscus Frangepanius.

Qq 5

P. S.

P. S. Diē mortis hora sexta noctu in potestatem
 judicii Civitatis hodie consignatus, &
 pro die Jovis proximo ad mortem migra-
 turus, nisi Deus & gratia Majestatis Vestræ
 Sacratissimæ his superresiduis horis me
 redemerit.

*Neofadii 28. April. hora unde-
 cima noctis 1671.*

DXXXIX.

*Litteræ GEORGII WILHELMI, JOHAN-
 NIS FRIDERICI & RUDOLPHI AU-
 GUSTI, Ducum Brunsvigo - Luneburgensium,
 ad LUDOVICUM XIV. Gallie & Navarre
 Regem, cui causas, quibus inducti Brunsvigum ob-
 sidione cinxerint, breviter exponunt, 1671.*

Serenissime atque Potentissime
 Rex.

Quandoquidem non uno nobis hætenus con-
 stitit argumento, Regiam Majestatem Vestram
 salutem Domus nostræ singulari plane complecti
 cura, non facile committendum putamus, ut quod
 ad illam pertinere videtur, Regiam Vestram Maje-
 statem latere possit. Itaque dum refractariam civi-
 tatem nostram Brunsvicum manu militari ad obse-
 quium reducere constituimus, Regiam Vestram
 Majestatem non solum de eo, sed & causis, quæ ad
 id nos compulere, certiores hisce reddere volui-
 mus. Diu nimirum est, ex quo civitas hæc, nu-
 mero atque opulentia civium ferociens, Domus
 nostra imperium excutere annisa. Et juvit præ-
 primis

timis improbum hunc conatum lis, quæ inter maiores nostros, lineæ Cellensis & Guelpherbytanæ vires, de dominio & jurisdictione civitatis exorta, a enim factum, ut dum quæque pars sibi studens, teram in jure suo exercendo impediret, civitas aulaticæ obsequendi necessitate soluta etiam ea usurparit, quæ principum propria, nec a subditis, citra nefas, attrectari posse communi gentium bono placuit. Equidem cum Fridericus Ulricus, ultimus Ducum lineæ Guelpherbytanæ, anno hujusculi trigesimo quarto fati functus, qui videri poterat, sublati hic obex est, nec habuit ulterius civitas quod ad detrectandum obsequium causari posset. æterum fecit licentiæ amor, ut civitas nec tum magis bonam fidem agnoverit: tantoque pertinacius imperata subire recusavit, quando minus periculi ob accisas principatuum nostrorum vires ea eadem tempestate sibi imminere credidit. Accessit, quod lis, quæ non minus ac linea sæpius memorata Guelpherbytana extincta videbatur, inter nostros parentes gloriose memoriæ recrudescere inciperet. Neque enim tam personas quam principatus ipsos sequi videbatur. Quam vero id grave nobis nostrisque subditis acciderit, commemorare nimis longum foret. Nos sane litigii, quo incenscente securitati principatuum nostrorum nunquam satis prospectum pertæsi, sic tandem convenimus, ut civitas penes nos, Ducem Rudolphum Augustum maneret, validisque præterea non minus ac legitimis mediis ad recipiendum a nobis militum præsidium adigeretur. Nam nec illud stimulandum, jam ab initio sic nobis visum, cives

ex

ex diuturna illa licentia tantum in principis nomen odium non saltem sed & contemptum concepisse, ut, nisi simul vir adhiberetur, illos ad debira subjectionis munia vocare velle, nihil aliud foret, ac jus suum auctoritatemve illorum ludibrio exponere. Jussumus itaque militem nostrum appropinquari urbi, cives vero, ut quosdam ex suis, in quos divisa Civitas, ordinibus mitterent, qui, quæ pro jure nostro postularemus, audirent referrentque. Comparuere quoque nonnulli, cæterum relatione facta, id tantum responsi loco tulere, Cives omnia prius experiri, ac præsidium admittere velle. Vini etiam illico paraverant legendo militem, nostrumque, ubi in conspectum urbis se dedit, explosis tormentis infestando. Equidem id omne jure inculpatæ tutelæ se facere, nec in crimen trahi posse obtendunt. Ab immemoriali tempore nostrum civitatem & hac gaudere immunitate, ne militem recipere cogatur. Esse præterea sibi pacta privilegia, judicata, quæ fidem faciant, non eadem se cum cæteris subditis vivere sorte, nec quæ hi præstare tenentur, sibi citra injuriam imponi posse, Quam inania vero hæc atque frivola, demonstrare in proclivi est, si operæ pretium foret. Id constat Majores nostros a Civitate nunquam in jus vocatos, aut cum ea de libertate pactos esse: Si quæ vero inter Duces memoratæ lineæ Guelpherbytanæ & civitatem conventa, illa nobis officere non poterunt, quod non tam ex facto illorum, quam providentia Majorum nostrorum civitatem vindicatumimus. Nec privilegium, quo jus armorum civitatis indultum nobis infans aut invitis concedi potuit,

tuit, aut concessum unquam docebitur: Ex lapsu vero temporis id petere velle, tam ab omni lege alienum, quam exemplo perniciosum. Atque hinc etiam nos firma spes tenet, neminem fore, qui causam, quam fovemus, damnare velit, cum non tam nostra sit, quam omnium Regum atque Principum, quorum interest, nullo unquam tempore impune cessasse subditis, temerasse jura imperantium. Quod si vero quis odio aut invidia incitatus in nostrum damnum atq; præjudicium, quid moliri præsumserit, a Regiæ Majestatis Vestræ æquanimittate attamen id nobis promittere audemus, illam non minus promptam fore ad tuendam causam justam adeo ac æquam, juvandosque, quos hæcenus ut amicos sibi commendatos habere orbi manifestavit. Augebit in ea Regia Majestas Vestra gloriam, quam jam tum sibi paravit immortalem, non minus ac in nobis studium, Regiæ Majestatis Vestræ benevolentiam quovis officiorum genere demerendi, cui & de cætero a Deo vitam longævam, prosperosque rerum successus vovemus. Dabamus in Castris prope Brunsvicum die 1. Junii Anno 1671.

DXL.

Litteræ MICHAELIS, Poloniae Regis, ad FRIDERICUM WILHELMUM, Electorem Brandenburgicum, de satisfactione Kalksteinii ergo desiderata & Federis Bidgostiensis per juratorem confirmationem ratificatione agentes, 1671.

P. P.

Quam magna & plane indubia spe agebamur, gravissimæ injuriæ Nostræ remedium, & condignam

ex diuturna illa licentia tantum in principis nomen odium non saltem sed & contemptum concepisse, ut, nisi simul vir adhiberetur, illos ad debita subjectionis munia vocare velle, nihil aliud foret, ac jus suum auctoritatemve illorum ludibrio exponere. Jussimus itaque militem nostrum appropinquari urbi, cives vero, ut quosdam ex suis, in quos divisa Civitas, ordinibus mitterent, qui, quæ pro jure nostro postularemus, audirent referrentque. Comparuere quoque nonnulli, cæterum relatione facta, id tantum responsi loco tulere, Cives omnia prius experiri, ac præsidium admittere velle. Vini etiam illico paraverant legendo militem, nostrumque, ubi in conspectum urbis se dedit, explosis tormentis infestando. Equidem id omne jure inculpatæ tutelæ se facere, nec in crimen trahi posse obtendunt. Ab immemoriali tempore nimirum civitatem & hac gaudere immunitate, ne militem recipere cogatur. Esse præterea sibi pacta privilegia, judicata, quæ fidem faciant, non eadem se cum cæteris subditis vivere sorte, nec quæ hi præstare tenentur, sibi citra injuriam imponi posse. Quam inania vero hæc atque frivola, demonstrare in proclivi est, si operæ pretium foret. Id constat Majores nostros a Civitate nunquam in jus vocatos, aut cum ea de libertate pactos esse: Si quæ vero inter Duces memoratæ lineæ Guelpherbytanæ & civitatem conventa, illa nobis officere non poterunt, quod non tam ex facto illorum, quam providentia Majorum nostrorum civitatem vindicatum imus. Nec privilegium, quo jus armorum civitatis indultum nobis inficis aut invitis concedi potuit,

tuit, aut concessum unquam docebitur: Ex lapsu vero temporis id petere velle, tam ab omni lege alienum, quam exemplo perniciosum. Atque hinc etiam nos firma spes tenet, neminem fore, qui causam, quam fovemus, damnare velit, cum non tam nostra sit, quam omnium Regum atque Principum, quorum interest, nullo unquam tempore impune cessasse subditis, temerasse jura imperantium. Quod si vero quis odio aut invidia incitatus in nostrum damnum atq; præjudicium, quid moliri præsumserit, a Regiæ Majestatis Vestræ æquanimittate attamen id nobis promittere audemus, illam non minus promptam fore ad tuendam causam justam adeo ac æquam, juvandosque, quos hæcenus ut amicos sibi commendatos habere orbi manifestavit. Augēbit in ea Regia Majestas Vestra gloriam, quam jam tum sibi paravit immortalem, non minus ac in nobis studium, Regiæ Majestatis Vestræ benevolentiam quovis officiorum genere demerendi, cui & de cætero a Deo vitam longævam, prosperosque rerum successus vovemus. Dabamus in Castris prope Brunsvicum die 1. Junii Anno 1671.

DXL.

Littera MICHAELIS, Polonia Regis, ad FREDERICUM WILHELMUM, Electorem Brandenburgicum, de satisfactione Kalksteinis ergo desiderata & fœderis Bidgostiensis per juratorem confirmationem ratificatione agentes, 1671.

P. P.

Quam magna & plane indubia spe agebamus, gravissimæ injuriæ Nostræ remedium, & condignam

dignam satisfactionem a Serenitate Vestra de facili præstandam fuisse, exinde literis Serenitatis Vestræ de data 21. Decembris confisi generosum Opaki Succamerarium Varsaviensem ablegaveramus, dato eodem negotio, ut Kalksteinium in locum & statum, in quo ante subdolam violentiam fuit, restitui, Eusebio Brandt, contra officium Ministri & honesti viri decentiam delinquenti, pœnam irrogari, Baumgartum nostrum militem & quendam Tomaszewski Nostrum subditum Nobis extradi; cæteros Serenitatis Vestræ milites Varsaviæ facinus in Regia Nostra patrare ausos, alios vero per postam intra Regnum usurpatam ad properandam mutatis equis extra Poloniæ fines in Prussiam Kalksteinii deductionem dispositos, tanquam pacis & publicæ securitatis violatores, pro gravitate delicti puniri decenter requireret perurgeretque, tam dolendum Nobis evenit, nihil in effectu pro Juris & Justitiæ debito Ablegatum Nostrum ad Nos retulisse, solo duntaxat proxime venturi Ablegati Electoralis promisso totam spem Nostram sustentatam esse. Sed ecce Ablegatus iste per tot menses expectatus nondum compareret, & quasi adventum ejus itinera Nostra instituta, vel instituenda distinerent, a Serenitate Vestra allegatur, adjecto non æquum esse, ut Kalksteiniani negotii ulteriori discussione utrinque fatigaremur. De Brandio, quod extorris vivat, de aliis facti participibus, quod latent, contra quos id, quod Juris erit, statuendum fore promittitur, itidem Serenitas Vestra Nobis significat, atque hic voluntati nostræ satisfieri postremo insinuat. Quæ hujuscemodi an in atrocissimo delicto inten-

intentioni Nostræ & justitiæ, an sacris amicitia, fœderis, necessitudinum nominibus satis conveniant, cuilibet æquo rerum arbitro existimandum relinquimus. Quod vero de præstanda per Nos fœderis Bidgostienfis juratoria confirmatione Serenitas Vestra per eandem epistolam commemorat, equidem in Nobis nulla mora erit expediendi per Delegatum Nostrum juramenti, si prius articulo fœderis, de sopiendis & exterminandis exortis controversiis, ac delegandis intra bimestre tempus Commissariis a Serenitate Vestra ex præscripto eorundem pactorum satisfactum fuerit, cui ulta triennium jam intimata & toties ex consilio Sepatus Nostri repetita declarationi nostræ in solito pactorum fundamento firmiter inhæreamus. De cætero optimam valerudinem & prosperos rerum successus Serenitati Vestræ a Deo precamur. Dat. Varſaviæ die 9. Junii, Anno 1671.

DXLI.

Littera MICHAELIS, Polonia Regis, ad FRIDERICUM WILHELMUM, Electorem Brandenburgicum, quibus ab eo, ut copias auxiliares, fœdere Bidgostienſi promissas, submittere contra Turcas sibi confestim velit, obnixè contendit, 1671.

Michael Dei gratia Rex Poloniæ
&c.

Periculorum ab oriente Regno Nostro minantium non sperati terrores, simul Ucrainæ innovata Rebello, ac vicinæ barbarici circumſtreptentia
arma

arma induxerunt Nos in eam sententiam, ut Nobilitatem universam in campum Martis evocandam, Nostramque Regiam personam pro defensione Regni contra hostes opponendam statuerimus, cum vero subsidia militaria a Serenitate Vestra viribus Nostris momentum additura sint, revocamus in memoriam articulum foederis Bidgostiensis, quod Serenitas Vestra mille quingentos pedites, & quingentos equites, nobis ac Regno Nostro subministrare tenetur, neque dubitamus, Serenitatem Vestram æquitate rei expensa, non solum pro præsentis bello, debitos milites nobis ministraturam, sed etiam, quæ prioribus annis, & tot novis bellis a Serenitate Vestra auxilia defuerint, ad præsens auctiore numero compensaturam atque in pleniorē satisfactionem Nostram propensique erga Nos animi documentum, iisdem auxiliariis copiis, sustentationem per aliquot menses ultro & prout inter Nos, posteductum ex ducali Prussia militem convenerit, suppeditaturam esse. De cætero Serenitati Vestræ optimam valetudinem precamur. Dabantur Varsoviæ die 10. Junii Anno 1671.

DXLII.

Litera MICHAELIS, Polonia Regis, ad FRIDERICUM WILHELMUM, Electorem Brandenburgicum, quibus ipsum incertum rumorem illum, quasi in Aula Polonica clandestini cum Doroszenko rebelli literarum commercii incusatus fuerit, fama mendaciis annumerandum esse edocet, 1671.

Micha-

Michael Dei gratia Poloniæ Rex
&c.

GENEROSAS atq; effectas mentes, cum sinistris de-
lationibus, quæ integritatem ac innocentiam
actionum suarum lædunt, graviter afficiuntur, tui
veritate recte indagata famæ mendacia spernere,
vel si falsitatis & calumniarum auctores detegantur,
illis ita scire plurimum decet, non semel jam mirari,
& dolere nobis contigit, quod nonnulla a veritate
aliena non tantum facili aures a Serenitate Vestra
admittantur, sed gravi subinde animi commotio-
ne, ac verborum acerbitate (quam Cancellariæ Se-
renitati Vestræ adscribentes moneri eandem frustra
requirimus) nobis & Consiliariis nostris impinga-
tur. Anterior Serenitatis Vestræ Epistola plurima
fuit in perstringendis malevolorum consiliis, quod
nōmine Senatus noster, cui ex firma Regiminis Po-
lonici constitutione ad latus nostrum jus dandæ
sententiæ est, neque Senatus consultis ulla negotia
publica hic expediti mos est, non mediocri Injuriam
afficitur, equidem talia in Consiliarios Serenitatis
Vestræ regere moderatio nostra non patitur, tam-
etsi omnia, quæ velint a nobis, posse retorqueri
ajant, & veluti sub pastorum prætextu intendi,
scriptaque de nostris in illos plane recidere res ipsa
demonstræt. Quod attinet præsentem summi do-
loris expressionem, quod non tantum palam in au-
la nostra regia Ser. Vestra indigna atque invidiosa
oneretur querela, quasi cum Doroszenko, hoste
Reipublicæ, consilia & literas ultro citroq; commu-
nicasset, sed quod eandem rem, ut sibi compertam

PARS II,

R f

ad

ad Palatinatus detulerimus, eam sane justissimam causam duceremus, indignandi & graviter expostulandi, utque falsos tantæ rei auctores nominaremus efflagitandi, si tale quidpiam re ipsa existeret, ac vel minimo documento probari posset, verum hæc verbo negare satis est. Constat jam Serenitati Vestræ, quomodo flagitiosa & proditoria Doroszenko Epistola ab emissario ejus in Russia, primum detecta, ad nostras deinceps manus pervenerit, nemo tamen ingenue & aperta fronte affirmare auit, nos aut quempiam ex Consiliariis nostris aliquid sinistri contra hanc Rempublicam Serenitati Vestræ imputasse, tanto minus integritatem ejus aut querela gravasse, aut per Palatinatus in dubium vocasse, & indigno modo traduxisse; aliter sane de constanti & illibato erga nos animo Serenitatis Vestræ persuasi sumus, quam ut ob nefandam perditissimi hominis scriptionem vel inclyto nomini Serenitatis Vestræ suspicionem aspergi, vel invidiæ & malignitati, cujus & ab animo nostro, & ab aula procul causæ sunt, aliquid indulgere patiamur. Quod igitur Serenitas Vestra pro demonstranda universo terrarum Orbi integritate sua, & pro jure, quod inter omnes gentes, maxime vero amicas & socias viget a nobis expostulat, ut auctores hujus rei nominemus & palam faciamus, de quibus penitus ignoramus, idem nos multo æquius etiamque certius requirimus, ut in autores istius falsæ relationis inquirere, cosque, quod tali ratione sinceram & fœderatam inter nos amicitiam & bonam vicinitatem perturbare satagunt, debita animadversione coercere velit. Cæterum uti nos

non

non ponimus rumores ante amicitiam Serenitatis Vestræ, ita eandem paria facturam, & veteri ac immutabili erga nos & Rempublicam studio, & propensione mansuram non dubitantes optimam valetudinem eidem a Deo apprecamur. Dat. 15. Julii, Anno 1671.

DXLIIL.

Littera JOHANNIS GEORGII II. Saxoniae Electoris, ad COSMUM III. Magnum Etruriae Ducem; quibus ipsi de recens nato Principe, Joanne Gastone, gratulatur, 1671.

Serenissime Princeps, Domine & Amice charissime.

In signem communis Nostræ necessitudinis fructum ex nuperis Dilectionis Vestræ literis longe gratissimis sumus consecuti, quibus de felici Serenissimæ Conjugis partu editaque denuo in Domus inclytæ columen mascula sobole certiores Nos & novæ lætitiæ participes reddere voluit. Cum igitur tam læti nuncii officium merito inter mutuæ benevolentiae argumenta muneremus, gratias inde, pro eo, ac par est, Dilectioni Vestræ agimus haud leves, Eidemque de auspicato hoc familiæ augmento serio gratulamur. Addito insuper sinceri animi voto, ut simul cum Progenie florentissimæ Domus gloria & magnitudo perenni Numinis divini benignitate indies porro crescat & augeatur. Cujus cœlesti Tutelæ Dilectionem Vestram ad comprobanda dediti animi studia nihil facturi reliquum etiam atque etiam commendamus. Dabuntur in Electorali Nostra Dresda die 19 Julii 1671.

R. 2

DXIV.

DXLIV.

*Litera JOHANNIS DOMINICI de LUNIGA
& FONSECA, Provinciarum Hispano-Belgica-
rum Præsidis, ad SENATUM COLONIAE
AGRIPPINAE, quibus pollicetur, Regem Hi-
spaniarum ipsorum urbi, requirente necessitatis ca-
su, ad succurrendum paratum esse, 1671.*

**Dominus Johannes Dominicus de Luniga
& Fonseca, Comes de Monterey & Fuentes, Mar-
chio de Tarracona, Regiæ Majestatis Catholicæ Ca-
merarius, ejusdemque Provinciarum Belgicarum
ac Burgundiæ Gubernator Generalis & supre-
mus militiæ Dux.**

*Honorabiles, Prudentes, Perdilecti
Amici.*

EX literis meis 30. præteriti mensis Julii exaratis
absque dubio vobis percipere licuit, me pro
prompto Vobis gratificandi studio cursorem spe-
cialem in Hispaniam misisse, ut Regiæ Majestatis
suz, Domini mei Clementissimi animum super pe-
tita manu fortiori in eventum insperata aggressio-
nis seu obsidionis Civitatis Vestræ, nulla interposi-
ta mora explorarem, quem cum eadem Majestas
sua mihi paucis abhinc diebus per reditum præsa-
ti cursoris benignissime aperire dignata fuerit, Vo-
bis hisce minime celandum duxi, eandem Vobis in
prædicto casu (quem Deus avertere dignetur) pro
posse auxilio adfuturam, quamprimum militares
copiæ suæ Majestatis Cæsareæ ad Vestram defen-
sionem in campum prodierint, & Domini Status
generales unitarum Provinciarum iisdem arma sua
con-

conjunxerint, quod & illis significare non inter-
misi, quatenus omnes unanimiter contribuamus,
quicquid pro conservatione pacis & publicæ tran-
quillitatis conducere videbitur, sicque præcavea-
tur, ne flammæ, quæ ex hoc bello oriri possint,
per totam Europam grassentur, eamque rursus iis-
dem calamitatibus involvant, sub quibus tot an-
norum spatio miserando gemit, quæ bellorum
scintillæ, ut pro communi bono mature suppri-
mantur & extinguantur, merito e re omnium Prin-
cipum Christianorum est omnibus modis sollicite
invigilare. Quod reliquum est, divinæ tutelæ ani-
mitus Vos commendo.

Datum Bruxellis 7. die

Sept. Anno 1671.

J. D. Conte de Monterey.

DXLV.

*Littera MICHAELIS, Polonia Regis, ad CLE-
MENTEM PAPAM X. quibus, ut Petrum
Bonfi, Archiepiscopum Tolossanum, Cardinalitiae
dignitatis honoribus mactet, obnixè ab eo contem-
dit, 1671.*

POST oscula pedum Sanctitatis Vestræ, meique
ac Regni & Dominiorum meorum filialem
commendationem. Cum primum certiore no-
titia intellexi, sedisse animo Sanctitatis Vestræ im-
minutum mortali necessitate Collegii Cardinali-
um numerum, aliorum nova creatione supplere,
simul lætitiæ affectus, & in spem dubiam erectus
sum, fore ut nominatus a me Reverendissimus D.

Rr 3

Pe-

Petrus Bonfi Archiepiscopus Tolossanus, Nobilis Florentinus, hac in via, eodemque tempore ad Cardinalitiam dignitatem beneficio Sanctitatis Vestrae evehatur. Notiora sunt Prælati istius merita, quam ut prolixius a me commendari desiderent; Emeruerat ille bonis in Polonia prælare actis legationibus, maximisque virtutum ornamentis præcipuam benevolentiam Serenissimi Regis Johannis Casimiri antecessoris mei, cujus ego Regiæ fortunæ successor, etiam judicium secutus sum, ut iterata nominatione mea priorem libens & ultro firmarem. Neque dubito hæere memoriæ & paterno affectui Sanctitatis Vestrae, cum flagrans desiderium, ac postulatū meum, tum Pontificiam ejus declarationem, qua proxima Cardinalium creatione, insimul cum serenissimo Imperatoris nominato, locum promovendo in Cardinalem Archiepiscopo Tolossano benigne designare dignata est. Aperitur jam campus, in quo Sanctitas Vestra paternam erga me gratiam palam faciat & prioris temporis abolito eventu coronæ Poloniæ de Ecclesia Catholica meritissimæ, decus, meamque Regiam dignitatem, non inferius in urbe haberi orbi demonstrer. Quod majorem in modum exorans Sanctitati Vestrae longævum, & felix rei Christianæ imperium devotissime apprecor, meque ac Regnum meum Paternæ & Pontificiæ Sanctitatis Vestrae benedictioni filiali veneratione submitto. Leopoli 20. Oct. Anno 1671.

DXLVI.

*Litteræ GENERALIUM FOEDERATI BELGII
ORDINUM, ad LUDOVICUM, XIV.*

Gallia

Gallie Regem, quibus se bello instanti ansam non dedisse demonstrare conantur, aut si præter spem ipsius animum culpa quadam offenderint, se ad omnimodam satisfactionem paratos offerunt, 1671.

EX quo merita Regum, Majestatis suæ prædecessorum in nos, statusque nostros omni tempore singularia perpendimus, adduci non possumus, ut credamus famæ nuntia, præsentem armorum vim in nos collimare. Ii tamen, qui undique ad nos feruntur, rumores, sermonesque habiti a Ministris Suæ Regiæ Majestatis in aulis Regum ac Principum degentibus, scripto ad nos perlatis, non dubiam nobis ea dere fidem effecere. Ea propter ipsos nos penitus inspeximus, si qua in re, negotio, modove agendi nostro vel in minimo suæ Majestati ullius contra nos sinistra opinionis ansam justam forte præbuissemus, quo probata hæctenus suæ in nos benevolentia dulcedo in amarum virus odii, malum! abiisset: Verum omnibus ad unguem excussis nihil offendimus, unde jure insimularemur, sed nec a sua Majestate ulli sumus insimulati. Id quod inducere in animos non possumus, pectus Regium omnis in omnibus justitiæ amantissimum, eo usque sui dissimile, ut arma contra perveteres & fidos imprimis fœderis socios, ne denunciata quidem belli causa, aut injuriæ, si quæ sit, illatæ, relarciendæ præcupida, judicet esse arripienda. Non aliud itaque superest, nisi quod ipsi nos facem huic bello prætulisse censeamur scilicet, pactisque in Regia urbe Parisiorum 1662. initis non stetisse. Nos e contra sancte inviolateque

teque ea observasse, pro comperto habemus; & si hac in re peccati foret nostri quippiam, ecce nos ad relinendum & undequaque faciendum satis paratissimis paratiores. Unum id negari non potest nobis vel maxime invitis rem maritimam in negotiando annis abhinc aliquot non omni absque dissensione fluxisse; sed & hoc fatendum, a nobis nihil prætermisissimum, quod æquum bonumque exigere videbatur, ut onera cujusque partis obvia difficultatesque eximerentur; prout & hunc maximopere non modo hac in re laboramus, sed & alia quæcunque, quæ suæ a nobis Regiæ Majestatis animus possent avertere, quam ea primum nobis fuerit cognita, personæque tam Regiæ, quam dignitati ejusdem præcellæ respondere taliter, qualiter a fidelissimis, & dedissimis fœderatis desiderari posset; quin & mercimonia, navigationemque eum in statum reducere, in quo ultimo fœderis pacti tempore fuere; verbo, pro firmiori integritatis nostræ argumento copias auxiliares omnes, quoad nobis ex arbitrio sociorum licuerit, in emolumentum Majestatis suæ surrogare. Cæterum quod fama publica indies ad nos auctior, nos terra, marique in arma cogat, ejus nos rei dare rationem cuiquam non arbitramur esse necessarium. Hoc quidem sua sibi Majest. habeat persuasum non id fieri lædendi ullius, sed necessitatis causa solius, qua nos aris focusque tuendis judicamus perquam obstrictos; siquidem videret nos esse promptissimos ad ponenda quantocius arma nostra, quamprimum suæ collibitum fuerit Majestati fama undique nobis appropinquanti non dare cau-

fas

fas metuendi sua. Domino Groot Legato nostro in mandatis dedimus, ut hac super re cum Majestate sua agat paulo uberius, familiariusque, addatque hisce pauculis ea, quæ candorem animorum nostrorum eidem faciant apertissimum; quocirca hasce nolimus dare fusiores. Haga 10. Decembris 1671.

DXLVII.

Responsoria LUDOVICI XIV. Gallia Regis, ad præinsertas GENERALIUM FOEDERATI BELGII ORDINUM literas, 1671.

Amici, foederatique perquam dilecti.

Vestrum ad nos Delegatum Dn. de Grootē super iis quæ vestri apud nos causa habuit peragenda, præter vestras 10. Decembr. ad nos datas, riteque traditas, audivimus; In quibus non levi nobis gaudio fuit, vobis ipsis agentibus, Reges prædecessores nostros singularia in vos benevolentia signa edidisse. In votis nobis fuisset, ut memoriam pariter eorum, quæ jam inde a tempore coronationis nostræ contigere, omnem non deposuissetis, adeoque prætermissa quavis inutili perscrutatione rerum, saniora, quam nunc de causa nostra, ferretis judicia, fidemque vestram, quam ex foedere mutuo perantiquo debebatis, in multis labefactatam facile agnosceretis. Cum e contra nos suppetias ferendi vobis tum, cum maxime egeretis, pro Statu Vestri conservatione, summo emolumento vestro occasionem nullam prætermiserimus. Neque enim arbitramur ea, quæ ab anno 1662. in mercimoniis noviter cepistis, ita semper vobis, ut nunc,

Rr 5

pro-

probata ; malumusque hic iudicio stare eorum, quorum ex in minus interest, quam nostra. Quod si ergo non est absq; vero, æquitatem causæ nostræ, vel ipsis vobis confirmantibus, patrocinari & vos conscientiam licet vestram excutientes, quod damnetur, reperire nihil affirmetis, undenam itaq; vobis pavor ille armorum nostrorum post nostrum ex Flandria reditum, quo nostra illic præsidia ad munitiones quasdam struendas adhibitori, nos contuleramus, eadem numero auctiora fatemur ultro; sed auctiora ideo, quia subditos nostros tum contra vos terra marique equite, pedite instructissimos, tum contra in plerisque aulis Principum quæsitos in capue nostrum foederis complices tueremur. Fecimus adeo, quod providentiæ, nostri- que in protegendis subjectis leges muneris dictare. Quo amplius non inficiamur, robur militiæ nos ad eum usque gradum velle invalescere, quoad valeat moliri aliquid dignum corona nostra; ea freti omnino spe, Deum non tantum pro causæ statum æquitate, sed quosvis etiam eminentes rerum Dominos ac Principes pro æqua bona- que habituros, falsisque jam pridem de nobis sparsis dictis minime adstipulatos. Habetis ad vestras, quod respondemus; esto illæ non tam ad nos, quam unum alterumve Principem adversus consilia nostra, cujus etiam prius quam nostris illatæ manibus, concinandum, fuerint commentæ. Dabantur Anno 1671.

DXLVIII.

Litteræ fiduciariæ, quas JOHANNES GEORGIUS II. Saxonie Elector, Domenico Melani,

Ca-

Camera sua agentii, ad COSMUM III. Magnum Etruriæ Ducem dedit, 1672.

P. P.

Nulli dubitamus, quin Dilectioni Vestræ interioris Cameræ nostræ Nobilis atque Agens, dilectus Nobis ac fidelis, Domenicus de Melani, exhibitis, quas ad Eandem ipsi dedimus, literis Nostreis, privatas nuperæ profectionis suæ causas probaverit. Huic itaque in patria interim commoranti cum pro singularis benevolentia inter Nos mutuæ constantia, certa quædam Dilectioni Vestræ oretenus, pro eo, ac par est, exponenda commiserimus, peramanter rogamus, quo haut gravatim benignas eidem aures fidemque in iis, quæ Nostro nomine jussuque proferet, perinde ac Nobis præbere velit. Quibus Dilectioni Vestræ prosperam valetudinem atque incolumem rerum statum, cum studiosissimi Nostri animi, testificatione serio precamur. Dabantur in Electorali Nostra Dresda die 16. Jan. 1672.

DXLIX.

Breve CLEMENTIS PAPAE X. ad P. GRAVINAM, Regula Dominici additum, cui confilium, quo oblatos sibi Cardinalitios honores recusaverat, serio dissuadere molitur, 1672.

Clemens Papa X.

Dilecte Fili noster Salutem.

EA, qua par erat, animi admiratione inspeximus religioſæ humilitatis præſtantiam, qua Cardinalitiam dignitatem noſtram tantummodo in Ecclē-

clesia Dei secundam recusare cogitasti, eximiamque pietatem tuam prolaxis laudibus prosequuti, accuratas Divinæ Bonitati gratias egimus, quæ tam præclaros (ut ex literis ad nos datis patere videbatur) cordi tuo motus impertiri dignata est, examinanda tamen atque ad trutinam pensanda serio duximus hujusmodi consilia, quandoque enim sub amictu lucis Princeps tenebrarum latet, mentitaque melioris boni specie Divinæ gratiæ incremento resistit. Sententia nobis quoque fuerat, oblatum infirmitati Nostræ Pontificatus Maximi pondus omnino declinare, profusisque in id precibus ac lachrymis vehementer incubuimus; subjecimus vero tandem voci Dei per Cardinales Nos alloquentis voluntatem nostram, onerisque, etiam Angelicis humeris formidandi, gravitatem, impares licet, subire passi sumus; eadem quocirca sequenda a te in præsentī vestigia, pronæque loquenti in Nobis spiritui sancto præbendæ aures, satius esse consultum in Domino reputantes, autoritate qua Nos in terris Christus donavit, præcipimus tibi, dilecte fili, ut dignitatem, qua te, Urbe tibi universa plaudente nuper insignivimus, omnino acceptare velis, jucundius itaque sempiterno Pontifici sacrificium, inclytam nempe animi tui repugnantiam, ingenti cum splendore meritorum oblaturus. Nec ullus nobis dubitandi locus esse potest, retardatum iri te a præstanda mandatis nostris (ut persuetum religiosi instituti, sectatorem decet) debita obedientia, ob metum, ut scribis, amittendæ salutis æternæ. Damnable nimirum summo opere foret, adeo turpem maculam inurere præcla-

clarissimo Ordini a quo tot, tamque illustria Christianarum virtutum exemplaria prodire. A pluribus itaque abstinentes a perspecta probataque pietate tua hujusmodi solatium expectamus. Tibi dilecte fili noster Apostolicam Benedictionem interim indulgentes. Datum Romæ apud sanctam Mariam Majorem sub annulo piscatoris die 1. Martii 1672. Pontificatus Nostri anno secundo.

DL.

Litteræ MICHAËLIS, Polonia Regis, ad NUNTIIUM APOSTOLICUM, Vienna degentem, quibus eum amice requirit, ut fuderis de propulsanda invicem Turcarum hostilitate se inter & Rom. Imperatorem panogendi negotium promovere hand gravetur, 1672.

Cum præterito anno visum fuerit summo Pontifici speciali legatione per Reverendissimum in Christo Patrem Archiepiscopum Florentinum de propulsanda invicem Turcatum hostilitate, nobiscum & cum Serenissimo & Potentissimo Imperatore confetre, induximus in animum, impendente nobis gravissimo Turcico bello uti opera Paternitatis Vestræ, ut rem nostram, adeoque totius Christianitatis officio suo isthic adjuvet, sustentetque. Communis & juratus Christiani orbis hostis Turca, tot Gentium, tot regnorum spoliis tumidus, attritis, defessisque viribus Regni nostri, vix ac ne vix quidem retundi, reprimique potest. Quo in tanto discrimine ad amica & Fraternalia auxilia suæ Majestatis respicientes, eorum non dubi-

am

am, spem pro fœderum ac necessitudinis nexu, proque non tantum Regni Nostri, sed communi Christianitatis propulsando periculo, in animo foveamus. Gratissimum nobis erit, quidquid curæ & sollicitudinis in tam gravi negotio publici boni, ac imprimis gloriæ divinæ & Religionis Catholicæ, causa Paternitas Vestra impenderit. Ueberius desiderium nostrum Reverendissimus in Christo Pater Archiepiscopus Damiatæ apud nos Nuncius Apostolicus significabit Paternitati Vestræ, cui interim bonam valetudinem a Deo optamus. Datum Varsoviæ die 16. Martii Anno 1672.

D L I.

Litera MICHAELIS, Polonia Regis, ad CLEMENTEM PAPAM X. cui, quibus in angustis Regnum Polonia, ob imminens ab Ottomannica Tyrannide belli periculum versetur, exponit, utque idem eo, quo deceret Patrem Christianitatis sincerissimo affectu zeloque sublevare vellet, sollicitè ab eo contendit, 1672.

Post oscula pedum Sanctitatis Vestræ meique ac Regni & Dominiorum meorum commendationem, hætenus necdum lassata neque satiata tot Christianorum Regnorum ruinis Ottomannica tyrannis suas in arcano cogitationes alebat, donec adversis Regni hujus casibus, arctisq; rebus in consilii sui fortunam adhibitis, bellum immane nullis agitata causis, sola publice latrocinandæ libidine tandem Poloniæ conflaret. Et fecit fidem atrocis istius suæ mentis, arrogantibus juxta & minacibus ad me perscriptis literis, quibus Ukrainam & gentem

tēm Cosaccorum, subditorum meorum expeditæ a Rebellibus Protectionis titulo, in suum jus devenisse affirmavit, cui tuendo ferrum se capere, & in campum Martium vere novo descendere paratus sit. Jam contractæ toto Oriente in unum vires conglobantur, jam non longe a conspectu finium validi ac numerosi exercitus panduntur, jam Scythiæ intima Russiæ persultant, circumsonantia, Istrum, Tyram, Hippanim barbara arma late per campos funduntur, ut venisse summam Regni diem, & ineluctabile fatum, vix est, qui ambigat. Terrent me interim tot funesti provinciarum casus, tot ante oculos Gentium, Urbium, Insularum magna cadavera, Turcica immanitate in prædam & fumum facta. Accedit Moschus, cui semper fides & religio post sua commoda, & fallere jurejurando proinde, ac loquendi modus habetur, ex insidiis gravissimo Reipubl. tempore id agitans, ut occupatis cum Christiano hoste a tergo in Russia incumbat, vires, quas Turcæ objiciamus, sane fateri Sancti. Vest. non erubescam, haud invenio pares. Camenecum Regni mei antemurale primum impetum ægre sustinebit. Fuerunt Poloni, fuit inclita quondam bellisque, virisque Sarmatia, nunc mutatus est color optimus. Bellis ex se invicem nascentibus, ac nexis, diversisque hostibus, postremo civilibus malis fessi, non jam de victoriæ gloria, sed de salute dimicare reliquum habemus. Ego sane non faciam animam meam pretiosorem, quam Sanctam matrem meam Ecclesiam, & Sedem Apostolicam, quam Reipubl. Christianæ integritatem, ac meorum subditorum tutelam feram usque ad reliquias hunc

hunc sanguinem, quem non impiger pro Deo, & populo mihi concredito devoverim. Video enim in illis ipsis campis pene adhuc pulchræ stantia Majorum meorum signa, video fufum unctis Regum corporibus, mistumque barbarico sanguinem, video Poloniæ Regem & Ungariæ valida pectora in victimam concidisse fortunæ loco habiturus, si ad Serenissimas illas umbras malignæ Lunæ Ottomanicæ aspectum observaturus addar. Denique in his præcipitiis nihil remedii superesse video, quasi ut Dominum Exercituum humilibus votis fatigem, ne istam hæreditatem suam det in opprobrium, ut dominantur ei nationes, tum supplex ad Sanctitatem Vestram accedo, Clementissimi Patris benignitate præsens regni mei periculum, atque in eo totius Christianæ rei incolumitatem, ut summæ citræ habendam sibi existimet, atq; cum Supremo Numini vota solvere, tum bello nervum utilem efficaci providentia quamprimum subministrare, Principesque Christianos ad auxilium regni mei excitare dignetur. Prolixius desiderium meum Sanctitati Vestræ exponet, Illust. & Reverendissimus in Christo Pater Sacræ Rom. Eccles. Cardinalis Ursinus, Regni mei Protector. De reliquo Sanctitati Vestræ longævum ac felix rei Christianæ Imperium auguro, ac mihi, subditoque mihi populo Pontificiam benedictionem humiliter exoro. Dabantur Varfavia 16. Martii Anno 1671.

DLII.

*Litera MICHAELIS, Poloniarum Regis, ad
DOMINUM DE BOY, Ministrum Galli-
cū;*

cum, cui literas suas, Regi Christianissimo extradendas commendat, 1672.

Perspectum habentes Fidelitatis Tuæ dexteritatem, ac de nobis, & de Republ. Poloniæ bene merendi studium committendum tibi duximus, ut literas nostras Regias, Serenissimo Regi Galliarum, nomine nostro decenter reddas, quarum descriptum tenorem pro informatione Fidelitati Tuæ hisce annecti iussimus. Enixe Regni nostri periculo, auxilia adversus Turcam copiis militaribus & aliquam paratæ pecuniæ summam nobis suppetitare optamus. Diversio etiam belli per mare si classe Gallica fieret, consilia & potentiam Turcarum valde distraheret, plurimumque rebus nostris commodaret, adjungimus & de efficacibus officiis, per Legatum Gallicum apud Portam Ottomannicam interponendis, potest enim dehorratio nomine Serenissimi Regis Galliarum, aliorumque Principum Christianorum facta, Imperatorem Turcarum a bello contra Poloniam suscipiendo deterre, vel retardare. Confidimus, Serenissimum Regem Joannem Casimirum interventoris partes sedulo obiturum, neque omitendus Cardinalis Bonus, si præsens in aula Gallica reperiatur, ut consiliis officiisque suis cooperetur. Gratum nobis ac meritorium Fidelitas Tua præstabit servitium, quod occasione data Regali nostra recompensare non gravabimur. Datum Varsaviæ die 25. Martii Anno 1672.

Litera MICHAELIS, Polonia Regis ad LUDOVICUM XIV. Gallia Regem, quibus ipsi, quantum Polonia a Turcis metuendum sit, refert, ac abs eo rerum gerendarum nervum & copias auxiliares impense efflagitat, 1672.

P. P.

Non ignotum esse existimamus Majestati Vestræ, quanto in discrimine belli Turcici Regnum nostrum versetur. Communis & juratus Christiani orbis hostis, tot Regnorum Gentiumque spoliis & ruinis tumidus, præsertim occupatæ Candiæ successu elatus, rupta fœderum observantia, apertam nobis hostilitatem denunciavit, contractisque magnis exercitibus, & moto sedibus suis oriente ac Tartarorum totiusque barbaræ viciniae colluvie, ad occupandam quamlate patet Ucrainam & Russiam provincias nostras, præprimis ad obsidendum & expugnandum Camenecum, validissimum propugnaculum tota armorum mole imminet. Jam non longe a conspectu finium prævalidi & immensis exercitus hostiles panduntur, jam prope Danubium & Tyram truci Clasico, Ottomannica arma circumsonant; Terrent nos funesti tot Regnorum casus, tot ante oculos gentium, urbium, Insularum magna cadavera, quæ Turcicæ immanitati in prædam & famam cesserunt. Scimus res viresque nostras adeo continuis bellis, variisque casibus attritas & defessas, ut nisi aliunde fulciantur, verendum, ne immanissimi hostis potentia formidolose succumbant. In tam afflicto & ancipiti Regni no-

stri

stri statu, eximiam sane spem reponimus in auxilio
Majestatis Vestræ, cujus numerosi & instru-
ctissimi exercitus ingenti fama celebrantur,
quam uti Christianissimi nominis decus ad de-
fendendam Christianitatem armat animatque, ita
ultra veterem inclytorum majorum gloriam pro-
pria etiam adjutæ nuper Candiz & Hungariæ ex-
empla, ad præclaram suimet imitationem pro Dei
imprimis & sancta Religione, proque tuendo Or-
thodoxo Poloniæ Regno haud dubie stimulantur.
Animadvertit facile Majestas Vestra in Poloniæ no-
stræ adverso casu reliquæ Christianitatis periculum
verti, neque dignius & sanctius opes Regias impen-
di posse, quam si exhaustis & deficientibus florent-
issimi quondam & amici Regni viribus suppediten-
tur. Dabit Majestas Vestra propensæ erga nos ani-
mi & pro Republica Christiana summi zeli glorio-
sum ac præsens, & in æram posteritatem docu-
mentum, si partes nostras contra Christiani Orbis
prædonem, tam suppetiis ærarii, quam suis efficaci-
bus per Legatum apud Portam Ottomannicam Re-
sidentem officiis adjuvet; nostri vicissim conatus
erit, præstita a Majestate Vestra difficillimo rerum
nostrarum tempore, auxilia mutuis quacunque oc-
casionē studiis & devinctorum animorum docu-
mentis grate remetiri. Quod reliquum est, Ma-
jestati Vestræ longævam incolumitatem & prosper-
imos rerum successus a Deo precamur. Dabau-
tur Varaviæ die 25. Martii Anno 1672.

D.LIV.

*Litteræ MICHAELIS, Polonia Regis, ad SU-
PREMUM PURPURATORUM IN*

SS 2

AULA

raret, veluti nullis iustarum causarum fundamentis suffultum, graviter dissuadet, & ulteriorem tranquille vicinitatis proficueque necessitudinis continuationem amanter offert, 1672.

Serenissimo Principi, Domino Sultan
Mechmet Chan, Imperatori Maximo Constanti-
nopolitano, atque Asiæ, Africæ, Europæ, Persa-
rum, Arabum, Syriæ, Cypri, Ægyptique Domino,
Amico, & vicino nostro charissimo.

Michael, Dei Gratia Rex Poloniæ, Magnus
Dux Lithuanicæ &c.

EX literis Serenitatis Vestræ ante aliquot Men-
ses per Expressum Czarsium, ad nos missis, in-
telleximus, quod Serenitas Vestra Doroszenkium
Rebellem nostrum ad protectionem suæ Portæ
Ottomannicæ confugientem receperit, & vexillo
ac veste eum donaverit, ac exinde tanquam vo-
luntaria deditione factum subditum suum una cum
ejus adhærentibus Cosacis & cum tota terra ac Pro-
vincia Ukrainæ potestati & imperio suo vindicet,
nec non pro injuria & violatione pactorum, qua-
si per nos facta, Serenitas Vestra id decernit, quod
partem Exercitus nostri præterito autumnno ad fir-
mandas præsidio aliquas civitates & arces præcipuo
propter reprimendas incursiones Tartarorum Bia-
logrodenisium miseramus, atque ex ea causa nobis
& regno nostro primo vere hostilitatem minatur.
Equidem nihil sanctius duximus & hætenus duci-
mus, bona vicinitate & foederum observatione cum
serenissima Porta Ottomannica. Jam satis constat
Orbi terrarum, Antecessores nostros Serenissimos

& Potentissimos Reges Poloniæ omnibus modis præcustodivisse, ne Cossaci irruptionibus suis, terra vel mari per Pontum Euxinum ditiones Serenissimæ Portæ Ottomanniæ lacefferent, proinde non tantum insolentes Cossacorum Ductores, sed & universa Cossacorum gens summo labore & sumptu arcibus erectis, ac præfidiis impositis, missis etiam validis exercitiis Polonis coercita fuit, ne limites Poloniæ excederent. Ex hac causa ob adeptam prædarum & incursionum facilitatem originem habuit rebellio Cossacorum, qua auxiliis Tartarorum postmodum Moschorum aucti, tot per annos coerceri totaliter minime potuerunt. Tam sincerum pacis, amicitiae & observandorum foederum ex parte nostra, studium profecto non pari studio ex parte Serenissimæ Portæ Ottomanniæ recompensatum est; Nam Tartarorum excursiones & cum rebellibus conjunctiones sæpius permixtæ fuerunt, ac tandem nunc Doroszenko per speciem protectionis ad rebellionem magis magisque animatur. Postremo Serenitas Vestra, terram nostram, propriam & hæreditariam Ukrainam sibi jure Domini vindicat; Quod igitur in nobis est, sincere informamus Serenitatem Vestram, Ukrainæ Provinciam ad nos hæreditarie spectare, Doroszenkium subditum nostrum alienandæ nostræ hæreditatis potestatem nullam habere, ejusdem Doroszenkii, hominis vilis & apertissimi proditoris, qui nuperrime etiam Magni Ducis Moschoviæ protectionem affectavit, & obtinuit, fraudes & dolos fidem non mereri, certio rem nobiscum ad conservandam amicitiam viam esse, qui foedera & jura vicinitatis

sem-

semper observavimus & constanter observabimus. In cujus rei Documentum, destinavimus mittere ad Serenitatem Vestram Legatum nostrum, ipsum etiam Doroszenkium & Cosacos in eo statu, prout fuerunt, relinquemus: usque dum per tractatus, & conferentias amicales omnes controversiæ, & prætensiones sopiantur & componantur. Minime dubitamus Serenitatem Vestram æquitati locum daturam, neque antiqua fœdera, sine justa causa violari & abrumpi (quod Deus ulcisci & punire solet) permissuram. De reliquo Serenitati Vestræ longævæ valetudinis incolumitatem precamur. Dabantur Varlaviz 28. Martii 1672.

DLVI.

Litteræ ANDREAE OLZOVII, Procancelarii Regni Poloniæ, ad SUPREMUM AULAE OTTOMANNICÆ MINISTRUM, cui Præcursores Legati Polonici, fœderum firmandorum causa mittendi, confestim in Aula Turcica adfuturum significat, 1672.

POSTquam Serenissimus & Potentissimus Rex Poloniæ, Dominus meus Clementissimus cum suis Palatinis & Senatoribus, atque belli Generalibus Ducibus consilium magnum absolvisset, statuit in primis & decrevit mittere Legatum suum ad Serenissimum & Potentissimum Turcarum Imperatorem, ut decenti modo sinceram amicitiam, bonam vicinitatem & antiquorum fœderum observantiam ex potestate sua contestaretur, quod literis suis Regiis ad Serenissimum &

Potentissimum Imperatorem per remissum Czau-
sum declaravit. Ex more itaque & instituto
præmittimus certum hominem exhibitorem istius
Epistolæ, qui de adventu Legati Polonici prænun-
ciet & de propensione ex parte Vestra, ad ami-
cabilem tractatum notitiam reportet, minime
dubitamus, eam legationem ad retinendam ami-
citiâ, ad amovendas omnes dissensionum oc-
casionēs proficuum & efficacem fore. Quod ex
mandato Serenissimi Regis mei significans, expe-
ctabimus quamprimum responsum. Interim
Excellentiæ Vestræ bonam valetudinem & prospe-
ritatem a Deo apprecor. Dabantur Varavia, 29.
Martii, An. 1672.

DLVII.

*Littera CAROLI XI. Suecorum Regis, ad LU-
DOVICUM XIV. Gallia Regem, quibus se
ipsi in mediatorem controversiarum inter eum &
fœderatas Belgii Provincias excitatarum offert, &
sanguinolenti belli consilia dissuadet, 1672.*

Nos Carolus, Dei Gratia Suecorum, Go-
thorum, Vandalorumque Rex, Magnus Dux Fin-
landiæ &c. Serenissimo ac Potentissimo Princi-
pi, Fratri, Consanguineo, Amico, & Fœderato No-
stro Charissimo, Domino Ludovico XIV. eadem
gratia Galliæ & Navarræ Regi &c. Salu-
tem & prosperos rerum
successus.

Sere-

*Serenissime & Potentissime Princeps, Frater,
Consanguinee, Amice & Fœderate
Charissime.*

SI quid unquam triste ac luctuosum mœrore nos afficit, id certe summopere nos affligat necesse est, quod Orbis Christianus vix dum etiam sanatis vulneribus, quæ nuperrimi motus inflixerant, inter pacis gaudia jam lætus tandem ageret, novum inter Majestatem Vestram, & Dominos Ordines Generales Fœderati Belgii accendi bellum videamus. Quem casum vel ideo infelicem omnino censemus, quod non una contentus clade, plurimas miserandas longe lateque diffundere facile poterit; præsertim cum armorum, ut incendiorum ea sit natura, ut vix primo subsistant loco, sed proxima semper quævis, sapissime etiam longe remota concipere soleant. Nec etiam sine dolore ad animum expendere possumus, arma in mutuas cædes cum irreparabili sanguinis Christiani jactura eos inter explicari, quorum sociatis viribus rei Christianæ salus inniti posset, quosque insuper amicitiae antiquæ ac fœderum nobiscum jungunt nexu. Nos itaque ex animo vovemus & exoptamus, ut quæ instant belli funesti mala, cum æqua pace commutari possint; priusquam eo progrediantur, ut remedia tandem si non penitus respuant, saltem difficile admittant. Non autem hoc intra votum continere se potest cura, quæ nobis omnibus Christianis Regibus ac Principibus communis esse debet, sistendi amicabilibus mediis innoxii sanguinis profusionem; quin nobis ea, ut

de tollendis interventione nostra difficultatibus, quæ Majestatem Vestram inter & Dominos Generales Ordines extant, cogitationem suscipiæremus, non solum suasit, sed facili negotio persuasit. Nimirum cum insignia admodum Majestatis Vestre non æquanimittatis minus quam bellicæ gloriæ decora ab Orbe extollantur, perspectumque sit, Majestatem Vestram arma antehac semper gloriose æque deposuisse ac suscepisse; non possumus, quin confidamus Majestati Vestre nunc quoque haud ingratam fore operam, quam ab omni affectu liberam procurandæ honestæ paci obtulerimus. Quam fiduciam nostram minime frustraneam fore, quemadmodum & mutuus inter nos sincerus affectus, & perspectus Majestatis Vestre amor publicæ tranquillitatis promittit, ita nostro apud Majestatem Vestram Legato Ordinario, Cubiculario nostro supremo, ac legionis prætorianæ equestris tribuno, illustri nobis sincere fideli Ottoni Wilhelmo Königsmarck, &c. ut & Cubiculario Nostro supremo, illustri nobis sincere fideli Gustavo Adolpho de la Gardie &c. in mandatis dedimus, ut nostro nomine Majestati Vestre amicam interpositionem & mediationem deferant, Nostrumque præterea quamprimum studium operamque nostram gratam & acceptam Majestati Vestre cognoverimus, sine mora constituemus Legatum Extraordinarium, pertractando & perficiendo pacificationis negotio, & dignitate, & animi dotibus parem; nihilque officii intermitteremus, quod ad verum pertinuerit Mediatorem, nostramque erga amicos nostros fidem, & pro publicâ incolumitate para-

paratam ac indefessam curam ac sollicitudinem poterit comprobare. Quod superest, Majestatem Vestram divinæ protectioni ad prospera quævis commendatam animitus cupimus. Dabantur in Arce Nostra Holmenſi die 24. mensis Maji, Anno 1672.

Nomine altissime memorata Sac. Reg. Majestatis respectivo Filii Nostri Charissimi, ut & Regis ac Domini Nostri Clementissimi

HEDWIG ELEONORA

Petrus Brahe, Comes in Wis-
singsborg, Regn. Sueciæ
Drotzetus.

Carol. Gust. Wrangel, R. S.
Archistrategus.

Gust. Otto Stenboeck, Reg.
Suec. Architalassus.

Magnus Gabriel de la Gardie,
R. S. Cancellarius.

Claudius Ralamb, loco Regn.
Suec. Thesaurarii.

H. Hoghufen.

DLIIX.

Litera CAROLI XI. Sueciæ Regis, ad CAROLUM II. Magnæ Britannia Regem, quibus ipsi consilium suum de componendis inter eum, generalesque Fœderati Belgii Ordines enatis dissidiis ceptum

*ceptum aperit, eumque ut certa pacis dulcedinem,
incertis belli casibus præferat, serio monet, 1672.*

Nos Carolus, Dei Gratia, Suecorum, Gothorum, Vandalorumque Rex, Magnus Dux Finlandiæ, &c. Serenissimo & Potentissimo Principi, Fratri, Consanguineo, Amico & Fœderato Nostro Charissimo, Domino Carolo, ejus nominis secundo eadem gratia Magnæ Britanniæ, Franciæ & Hybernæ Regi &c. Salutem & prosperos rerum successus, 1703 H

*Serenissime ac Potentissime Princeps, Frater,
Consanguinee, Amice & Fœderate
Charissime.*

Quæ Christianorum Regum & Principum cura est publicæ incolumitatis, ut ea illæsa gaudio, afflicta vero, mœrore affici soleant, ea nos maximopere sollicitos reddidit, posteaquam inter Majestatem Vestram & D. D. Ordines Generales Fœderati Belgii accendi bellum vidimus, calamitatum, quas minatur, atrocitate vel maxime luctuosum. Nam cum omne bellum incendiî more, proximis ut plurimum quibusq; correptis in longè distita serpit; tum hoc ita omnino esse comparatum videtur, ut quadam quasi contagione pluribus, concitatis principalibus totam Europam in dissidia agere possit. Nec etiam sine singulari doloris sensu animo Nostro observatur, eos infestis armis ad mutuas properare cædes, qui victores æque ac victi rem Christianam in magnum discrimen conjiciant necesse est; Cum pretium nullum committi, nec ulla
vi-

victoria reportari possit, quin irreparabilis virum fiat jactura, quibus integris ac junctis Orbis Christianus adversus Barbarorum rerum execrantium Deum, vim & sanguinolentos conatus tuto inniti & possit & debeat. Hæc autem inter luctuosa occurrit nobis præclara Majestatis Vestræ æquanimitas & in pacem propensio, cujus inter insignia bellicæ Majestatis Vestræ gloriæ decora illustris quoque splendor collucet. Enim vero ut ea armorum Majestatis Vestræ successus etiam felicissimos solita est antehac semper comitari: ita & nunc confidere nos jubet, permissuram Majestatem Vestram suis præsertim fœderatis; ut sistendo bello huic, vix adhuc sanatis nuperrimorum motuum vulneribus, rursus exorto, amicam manum tempestive, dum modum nimirum ac remedium admittit, admoveant. Suscepimus itaque libenter cogitationem componendorum inter Majestatem Vestram & D. D. Ordines Generales Fœderati Belgii enatorum disfidiorum, cumque in finem per Cubicularium Nostrium Supremum, illustrem Nobis sincere fidelem Gustavum Adolphum de la Gardie Comitem in Leckqö & Arensburg, Lib. Baronem in Eckholmen, Dominum in Haplahl, Magnushoff, Helmer, Hoyentorp & Wenne-garn; ut & Nostrium apud Majestatem Vestram Ablegatum Extraordinarium Nobilem Nobis sincere fidelem, Joannem Leyonbero, Hæreditarium in Larlienda Equitem; interpositionem nostram Majestati Vestræ offerendi. Quod ipsum etiam ut faceremus, facili nobis negotio tum mutuus nos inter & Majestatem Vestram amicitiz sinceræ fœde-

derumque nexus, tum nostra quoque persuasit intentio integerrima, & quæ præter unam publicam tranquillitatem incolumitatemque Fœderatorum Nostrorum, aliud nihil respicit. Nos insuper simul ac operam Nostram acceptam, & gratam cognoverimus, sine mora Legatum Nostrum Extraordinarium constituemus, pertractando pacificationis & amicæ compositionis negotio, & dignitate, & animi virtute parem; nihilque officii intermitteremus, quod ad verum pertinuerit Mediatorem, adeoque Nostram erga Amicos Nostros infuscatam fidem, proque publica salute paratam ac indefessam curam ac sollicitudinem testatam reddere poterit. Dereliquo Majestatem Vestram Divinæ protectioni ad prospera quævis commendatam cupimus. Dabantur in Arce Nostra Holmensi, die 24. mensis Maji, Anno 1672.

Nomine altissimæ memoratæ Sac. Regiæ Majestatis respectivæ Filii Nostri Charissimi ut & Regi & Domini Nostri Clementissimi.

HEDWIG-ELEONORA

Regin. Sueciz.

Petrus Brahe, Comes in Wisingsborg, Regn. Suec. Drotæsus.

C. G. Wrangel, Regn. Suec. Archistrategus.

Gustaff

Gustaff Otto Srenbock, Reg.
Succ. Architalassus.

Magnus Gabriel de la Gardie,
R. S. Cancellarius.

Claudius Ralamb, loco Regn.
Succ. Thesaurarii.

H. Hoghusen.

DLIX.

*Littera JOHANNIS GEORGII II. Saxonie
Electoris, ad LUDOVICUM XIV. Gallie
Regem, quem amice monet, ut praprimis cura cor-
dique Germanici Imperii tranquillitatem sibi esse
sinat, ne quid illa ex vicinis belli motibus detrimen-
ti acciperet, 1672.*

P. P.

Regiæ Majestati Vestræ salutem dicimus,
& operam Nostram in omni officiorum
genere paratissimam offe-
rimus.

Domine Consanguinee Charissime.

Literis Regiæ Vestræ Majestatis in Nos favoris te-
stificatione plenissimis, Nobis per Residentem
in aula Nostra Ministrum Vestrum, Dominum de
Chassan redditis, ipso simul industrio interprete,
quæ de perseverantia animi erga Nos Regii, nec
non de præsentis Regiæ Vestræ Majestatis in unitas
Belgii Provincias expeditione bellica in mandatis
habu-

habuit, sane quam libenter accepimus. Quem-
admodum igitur tot egregiis testationibus, mu-
tuo insuper amicitiae fœdere sancitis, merito freti
plane confidimus, Regiam Majestatem Vestram
pro perpetua sua ac singulari erga Domum No-
stram Electoralem propensione, tum ad pacis pu-
blicæ atque universorum salutem conservandam
studio ac voluntate laudatissima (de qua Nos du-
bitare benevolus pariter atque heroicus Regiæ
Majestatis Vestræ animus haut finit) in me-
dio etiam armorum atque gloriæ suæ cursu, id
septo sibi cordi habituram, ne quid ex vicinis mo-
tibus, pax & tranquillitas Imperii hujus capiat de-
trimenti, idque hoc præsertim tempore, quo gli-
scentes in Pannonico Limite Ottomannicorum
armorum paratus haud levia Germaniæ pericula
minari videntur: ita quoque ut compositis tan-
dem æquis conditionibus versante modo Regiam
Vestram Majestatem inter & uniti Belgii Status
controversia, Pax Regno & Ditionibus quoque
Vestris salutaris, auspice Deo, ex voto reddatur,
equidem futurum speramus. Deque Nostro vi-
cissim animo, fiducia atque studiis in Regiam Ve-
stram Majestatem (cui fortunatam & pacificam
Regni gubernationem cum valetudinis incolumi-
tate perpetua conjunctam ex animo precamur)
præfatum ejus Ministrum, pro solita atque lauda-
bili sua dexteritate uberius relaturum omnino
persuasum habemus. Dabantur Dresdæ, die 8.
Junii, 1672.

DLX.

Littera CAROLI XI. Specorum Regis, ad LUDOVICUM XIV. Gallie Regem, quem amice hortatur, ut universo Christiano Orbi inter magnos metus anxio, se inter faustos victoriarum successus ad pacem aequè prònum ac in praeliis fortem & insignem esse, generose ostendat, 1672.

Nos Carolus, Dei gratia Svecorum, Gothorum, Vandalorumque Regi, Magnus Princeps Finlandiæ &c. eadem gratia Serenissimo ac Potentissimo Principi, Ludovico, ejus nominis decimo quarto, Gallie & Navarræ Regi, Fratri, Consanguineo, Amico & Fœderato Nostro charissimo salutem & prosperos rerum successus!

Serenissime ac Potentissime Princeps, Frater, Consanguinee, Amice & Fœderate charissime.

Quemadmodum ex nunciis literisque ad nos perlatis prosperos armorum Majestatis Vestræ progressus percepimus: ita quæ nos inter & Majestatem Vestram antiqua amicitia omnia, quæ Majestati Vestræ feliciter & secus accidunt, communia nobis reddere assolet; jam quoque lætitiæ, quam ex armorum suorum successibus Majestas Vestra sentit, partem sibi vendicat: præsertim cum spem certam foveamus, Majestatem Vestram felicitatem, quæ arma ejus concomitatur, non aliter accepturam, ac oblatam quandam ex voto occasione, qua orbi comprobare & possit & velit,

PARS II. T t quam

quam sit inter victoriarum suarum vel maximos cursus pacis summopere amans, pronaque ad justam compositionem ineundam, & prompta æque ac bello fortis & insignis. Quod ipsum etiam, ut eo certius confidamus, facile nos inducit, celebris ac vero Principe digna ad publicam tranquillitatem tum restabiliendam simul ac fuerit juxta pax oblata, tum conservandam propensio, quam nobis Majestas Vestra contestari voluit. Nos equidem, ut pacis cognitio sine mora, postquam innoxius sanguis jam multus, quod dolendum, effusus, interveniat, ex animo exoptamus: Vovet id etiam totus Orbis Christianus. Et equidem merito. Nobis enim in lucuoso hoc nostrorum amicorum sese inter conflictu nulla enasci potest ex secundis unius eorum præliis ac successibus lætitia, quam non adhærens alterius clades subito interrumpat, ideoque solidam non esse sinat. Res quoque Christiana in id jam videtur incidisse discrimen, ut a Porta Ottomannica incendia, vastitatem, & subversionem non absque ratione metuat. Nihil enim aliud magni apparatus, ac citæque undique barbaræ, & quæ nihil nisi cruorem ac prædam cogitant, gentes indignant, quam belli molem brevi erupturam. Et certe quos spiritus Turcis immanitas ipsis innata, perpetuumque eorum Christiani nominis odium addit, illos omni absque dubio adauget occasio ipsi ita nunc obvia, qua Turcici jugi fines unica semper protulit: nimirum intestina Christianorum sese inter dissidia, ac bella, hoc etiam tempore eo infelicio-

ra, quod qui mutua jam cæde se prosequuntur
Christiani Reges & Status, ii sint, quorum unitæ
vires ac integræ firmiter ac unice rem Christia-
nam tueri queant. Nullum itaque gloriæ, quæ
Majestatis Vestræ arma exornat, illustrius decus
addi poterit, quam si Orbem Christianum anxium
inter tot metus, interque tanta belli, quod jam fla-
grat, mala lugentem, læta pace exhilarare rursus
Majestas Vestra voluerit. Nos etiam nulla officia
amica, quæ eo pertinere potuerunt, pro ea, quæ no-
bis juxta ac omnibus Principibus Christianis cura
tranquillitatis publicæ incumbit, intermittemus:
Nostrumque idcirco Legatum Extraordinarium,
& nostrum regnique nostri Senatorem, Campi
Mareschallum, & Gubernatorem Generalem Li-
vonix, illustrem nobis sincere fidelem Dominum
Claudium Tott &c. intra paucos dies hinc ad Ma-
jest. Vestram, ut & insimul nostros ad Serenissi-
mum ac Potentissimum Regem Angliæ Legatos
Extraordinarios, Generalem militiæ nostræ pede-
stris, & Gubernatorem in Elfsborg, Lækin & Dall,
illustrem nobis sincere fidelem Petrum Spårre &c.
ut & Consiliarium nostrum Cantellariæ, Genero-
sum ac Nobilem nobis sincere fidelem, Eduvar-
dum Ehrensteen &c. ablegabimus, qui etiam supra
dictus Dominus Comes, quantopere confidamus,
percelebri æquanimi-
tati, qua antehac pacis consi-
lia Majestas Vestra suscepit; pariterque qua con-
stantia sincere intentioni mutuam Nos inter ami-
citiâ integerrime excolendi inhæteamus, Maje-
stati Vestræ indicabit. Quam de cætero divinæ

Tt 2

pro-

protectioni commendamus. Dabantur in Arc
nostra Holmenſi die 17. Julii Anno 1672.

*Nemine altiffime memorata S. R. Maje-
ſtatis &c.*

HEDEWIG ELEONORA,
Regina Sveciæ.

**Petrus Brahe, Comes in Wi-
ſingsbourg, Regn. Svec.,
Drozetus.**

**C. G. Wrangel, Regn. Svec.,
Archiftrategus.**

**Guffaff. Otto Stenbock, Archi-
talaffus Regn. Svec.**

**Magnus de la Gardie, Regni
Sveciæ Cancellarius.**

**C. Ralamb, loco Regni
Svec. Theſaurarii.**

H. Hoghuſen.

DLXI.

*Litera CAROLI XI. Svecorum Regis, ad CARO-
LUM II. Magna Britannia Regem, quem ſtu-
dioſe monet, ut in ampliffimo belli theatro conſti-
tutus, univerſo orbi Chriſtiano, celebrata magna-
nimitatis ſua ſpecimen edat, poſitisque armis au-
res mitioribus pacis conſiliis benigne commodet,
1672.*

**Noſ Carolus, Dei gratia Svecorum, Go-
thorum, Vandalorumque Rex, Magnus Princeps
Finlandiæ &c. eadem gratia Sereniſſimo & Poten-
tiſſi.**

tissimo Principi Domino Carolo, ejus nominis secundo, Magnæ Britanniæ, Franciæ & Hybernæ Regi &c. Fratri, Consanguineo, Amico & fœderato nostro charissimo, salutem & prosperorum rerum successus!

*Serenissime & Potentissime Princeps, Frater,
Consanguinee, Amice & Fœderate charissime.*

Cum amicitia, quæ nobis cum Majestate Vestra jam inde a longo tempore intercedit, non possit, quin felicibus Majestatis Vestræ successibus semper applaudat; tum quæ ad nos de armorum Majestatis Vestræ progressibus sunt perlata, grata nobis reddidit. Exoptamus equidem, ut lætitia, ad quam mutua illa amicitia Nos invitat, solida esse posset, nec ita esset comparata, ut interromperetur ad animum expendentibus Nobis, inter arma Amicorum nostrorum nullum esse successum armorum unius, qui non alterius cladi superstruatur. At spem indubiam fovemus, Majestatem Vestram, ut semper non minus magnanima in deponendis armis fuit, ac bello fortis; ita etiamnum ad æquam ac justam pacem pronam ac promptam fore, adoque tranquillitatis publicæ restabiliendæ consilia lubenter admissuram. Quod ipsum, ut eo certius confidamus, facile nobis persuadent ea, quæ nobis de percelebrisuo ac vere Regio pacis studio contestari voluit; nulli quoque dubitamus, quin Majestas Vestra ad periculum respicere velit, quod rei Evangelicæ imminet, subrutis ac dilaceratis nimirum mutuis cædibus iis viribus, quibus integris, sal-

va etiam illa ac tuta esse possit. Quod ipsum dum speramus ex animo etiam insimul vovemus, & quidem communi Nobiscum totius Orbis cum voto. Nec enim obscurum est discernen, quod Christiano Orbi Porta Ottomannica molitur; cum tanti apparatus totque evocatæ barbaræ gentes, id perspicue satis edoceant; aut dubia fiducia, quæ Turcarum Imperatori quosvis successus promittit, mutuo jam cruore madentibus iis, quorum sociata consilia ac arma terrori ipsi forent. Illustre itaque & a posteris decantandum decus gloriæ Majestatis Vestræ armorum accedet, si læta ac prompta pace incolumitati Evangelicorum, saluti tot periclitantium innocentium hominum, Orbi denique Christiano inter tam magnos metus anxio consulere voluerit. Nos quemadmodum omnia officia reducendæ paci convenientia lubenter admoveamus, ita non solum nostram mediationem Majest. Vestræ offerendam jam ante hac censuimus: sed & ne ulla intercedat mora publicæ quieti restaurandæ, nostros Legatos Extraordinarios, Generalem militiæ nostræ pedestris, & Gubernatorem in Elfsborgs, Lahn & Daal, illustrem Nobis sincere fidelem, Petrum Sparre &c. ut & Consiliarium Nostrum Cancellariæ, Generosum ac Nobilem nobis sincere fidelem Eduardum Ehrensteen, ut & insimul ad Serenissimum nostrum Legatum Extraordinarium, Nostrum regni quoque nostri Senatorem, Campi Marefchallum, & Gubernatorem Generalem Livoniæ, Illustrem nobis sincere fidelem, Dominum Claudium Tott &c. paucos intra dies amandabimus, qui Legati nostri, quæ

cer-

certitudine Nobis promittamus, non fore interventionem nostram Majestati Vestræ ingratam, ob affectum erga Nos Majestatis Vestræ integrum ac sincerum, nec ab æqua pace alienum Majestati Vestræ exponent. Nos interea Majestatem Vestram Deo optimo Maximo commendamus. Dedimus in Arce nostra Holmensi die 17. Mensis Julii 1672.

Nomine altissime memorata S. Reg. Majestatis &c.

HEDWIG ELEONORA

Regina Sveciæ.

Petrus Brahe, Comes in Wifingsborg, Regn. Svec. Drozetus.

C. G. Wrangel, Regn. Svec. Archistrategus.

G. O. Stenbock, Regn. Svec. Architalassus.

M. G. de la Gardie, Regn. Svec. Cancellarius.

Cladius Ralamb, loco Regni Svec. Thesaurarii.

H. Hoghufen.

DLXII.

Responsoria CAROLI II. Magna Britannia Regis, ad preinsertas CAROLI XI. Svecorum Regis literas, quibus pacis sibi & vera tranquillitatis studio nihil antiquius nihilque charius unquam fuisse testatur, 1672.

Tt 4

Caro-

Carolus, Dei gratia, Magnæ Britannia, Franciæ & Hiberniæ Rex, Fidei Defensor, &c. Serenissimo ac Potentissimo Domino, Carolo, eadem gratia Svecorum, Gothorum, Vandalorumque Regi & Principi Hæreditario, Magno Principi Finlandiæ, Duci Scaniæ, Esthoniæ, Livoniæ, Careliæ, Bremæ, Verdæ, Stettini, Pomeraniæ, Cassubiæ & Vandalæ, Principi Rugiæ, Domino Ingridiæ & Vismaræ, nec non Comiti Palatino Rheni, Baviariæ, Juliaci, Cliviæ & Montium Duci, Fratri, Consanguineo, Amico & Fœderato nostro charissimo, salutem & prosperos rerum successus.

*Serenissime & Potentissime Princeps, Frater,
Consanguinee, Amice & Fœderate
charissime.*

Nihil unquam Nobis antiquius esse potest aut acceptius, quam quod proponitur adhortatione Majestatis Vestræ, & quod ipsius exemplo approbatur. Cujusmodi merito censemus esse pacificum & Christiano Principe vere dignum consilium, quod Majestas Vestra per unas ipsius literas 24. die Maji novissime præteriti scriptas Nobis perquam amice parefecit, & quod per alteras 17. die Julii datas rursus ingeminavit, in utrisque autem se tranquillitati Europæ restituendæ tuendæque, animo & opera mirifice studere demonstravit; Nec se fefellit, cum Nos quoque iisdem affectibus tangi & impelli existimet. Priores attulit Illustris Gustavus Adolphus de la Gardie, Comes in Lecköo & Arensburg &c. easdemque conjunctim cum Nobili Equite, Joanne Leyonberg Majestatis

Ve-

Vestra apud nos Ablegato Extraordinario nobis exhibuit. Posteriores etiam eodem Spiritu afflatæ, Legatos Extraordinarios excellentis ingenii iudicii que consummati viros a Majestate Vestra Nobis & Regi Christianissimo brevi mittendos pollicentur. Nos quod attinet præterquam quod natura nobis indolem pacis & æquitatis amanti inferit, eo etiam majori nixu ejusmodi studia persequimur, dum vetera & recentia, quæ nobis cum Majestate Vestra intercedunt, fœdera intuemur, quæque vel levissime violare summum nefas esse crederemus. Et licet aliorum fortasse Principum literæ, quorum amicitia Nobis non adeo perspecta est, minus apud nos ponderis habituræ essent, Vestra tamen Majestatis interpositio ideo plus valere debet, quia belli, quod adversus Fœderati Belgii Tyrannos gerimus, rationes novit & approbavit, nec non pacta nobiscum, & cum Rege Christianissimo ea de re nuper iniit: Quem igitur sicut oportet, ut utriusque Nostrum Fratrem & Fœderatum de materia hujus legationis consulamus, nulli dubitantes, quin ille quoque perinde ac Nos postulata sit accepturus. De cætero prædictum Dominum Gustavum Adolphum de la Gardie ad magna quævis & præclara natum aptumque non possumus sine summa laude dimittere, alterum vero Joannem Leyonberg, Majestatis Vestra apud Nos ablegatum extraordinarium jam longo usu necessitudinis inter Nos & Majestatem Vestram conservandæ studiosissimum experti sumus. Quando autem insignes illi viri, quos Majestas Vestra extra ordinem ad nos legatura est, ad-

huc advenerint, Nos ad ea propensissimos invenient, quæ ad publicæ paci & Majestatis Vestræ voluntati maxime congruere videbuntur. Interea Deum Opt. Max. precamur, ut Majestatem Vestram omni felicitatis incremento cumulatisime adauge-
re velit. Dabantur in Palatio nostro de Withall
3. die Septembris 1672.

Majestatis Vestræ

*Bonus Frater, Consanguineus &
Fœderatus*

Carolus Rex.

DLXIII.

Litera NICOLAI PRAZMOVII, Regni Polonia Primatis, ad REGNI POLONIAE SENATORES, quibus injuste secum aliisque Regni Polonia Proceribus procedi graviter conqueritur, & ad equius justiusque Tribunal appellat, 1672.

P. P.

Nisi me scirem in hac esse Patria natum, in qua potiore jam meæ ætatis transegi partem; nisi constaret mihi me vitam habere & sensum, judicarem me turbine quopiam per æthera in alias delatum esse Regiones, ut tanti sceleris in libera hac Patria spectator essem, ubi inter Cardinalia non pridem fuerat, neminem captivare, nisi jure victum, nunc vero non sine gravi doloris sensu sola poena experimur, non tantum non victos jure, sed ne auditos quidem, fuisse reos, ubi subhastantur non bona tantum, verum etiam capita nostra. Hæcine contra nos luce meridiana clariora documenta? hinc gradus jure descripti? hocce judici-

dicium lege civibus roboratum? heu per Deum & justitiam! velitis ultimam hanc concivium, fratrum vestrorum pressuram, jurium & libertatum interitum vestra cohibere autoritate, civicam a posteris, ob servatos cives, coronam meritori. Asscuro me jus expectaturum nec pedem de loco Archiepiscopalis moturum residentia. Detur mihi, cum aliis correis justificandi locus, indicantur comitia, provideatur cuique insimulato securus ad iudicia accessus. Ut quid hæc præcipata condemnatio, quis in illo theatro nobilium sanguine decoloratus, comparere possit? velitis Principis mentem alio prudentibus vertere consiliis, audiat vos, ut debet Dominus, ne uno ictu concidant libertates, quæ omnibus nobis hætenus fuere communes, id a te obnixè postulo, primus tam infelix hujus Patriæ Primas. Qui sum &c. Lovicio die 19. Octob. Anno 1672.

DLXIV.

Litteræ CAROLI II. Magnæ Britannia Regis, ad FRIDERICUM WILHELMUM, Electorem Brandenburgicum, quibus modum, quo secum adhuc egerat, tanquam inter Principes tam arcto sanguinis necessitudinisque vinculo junctos minus usitatum acerbè improbat, 1672.

Carolus Dei gratia Magnæ Britannia, Franciæ & Hybernæ Rex, Fidei Defensor &c. Serenissimo Principi, Domino Friderico Wilhelmo, eadem gratia, Marchioni Brandenburgico, Sacri Roman

mani Imperii Archicamerario ac Principi Electo-
ri &c. Fratri, Consanguineo & affini Nostro
Charissimo salutem & prosperos re-
rum successus.

Serenissime Princeps, Frater, Consanguinee & Affinis charissime.

Literas nuper a Celsitudine Vestra Electorali binas accepimus, alteras quidem die 3. Augusti ultimo elapsi scriptas, alteras d. 17. Sept. latore Celsitudinis Vestræ Electoralis Ablegato Extraordinario Domino de Crockow. Responsum priorum ideo paulisper differendam censuimus, quia Ablegatum Extraordinarium a Celsitudine Vestra Electorali tunc promissum quasi quotidie adventantem præstolabamur, sperantes illius colloquium nonnihil lucis allaturum fuisse quibusdam dictarum literarum capitibus, quæ a Celsitudine Vestra Electorali minime expectavimus. Ne autem hæc responsio Celsitudini Vestræ Electorali nova quoque & insperata videatur, in ipsius memoriam revocabimus, quomodo nos erga Celsitudinem Vestram Electoralem gesserimus, ex quo primum de moribus hodiernis cogitavimus. Circiter biennium est, quod Dilectissima Consanguinea nostra, Domina Elisabetha, Princeps Palatina rogatu ac nomine Celsitudinis Vestræ Electoralis ad fratrem suum Principem Rupertum in aula nostra degentem scripserat, sciscitatum, quid ille de mente nostra circa res illius temporis sentiat. Cujus questionis unicum esse finem dixerat illa Princeps, ut inde Celsitudo Vestra Electoralis modos & mensuras

furas actionum suarum melius formaret effingeret-
 que. Quibus literis idem Consanguineus noster
 Princeps Rupertus istiusmodi responsum nostro di-
 ctamine reddidit; Si visum esset Celsitudini Vestrae
 Electorali virum aliquem idoneum & tali fiducia
 dignum huc deputare, nos illi per quam libenter
 ac liberi communicaturos esse, quid in animo versa-
 remus. Et hoc quidem multo maturius a nobis
 factum est, quam ulli Fœderatorum, præterquam
 Charissimo Fratri nostro Regi Christianissimo no-
 stra super ea re consilia patefeceramus. Verum
 hunc amicitiae nostrae fructum Celsitudo Vestra Ele-
 ctoralis insuper habuit, imo prorsus sivit intermori.
 Nos autem neque sic animum despondere volui-
 mus, sed postea etiam Georgio Downing, Equiti
 Aurato, Legato nostro Hagæ Comitum apud Ordines
 Generales Residenti in mandatis dedimus, ut
 Celsitudinis Vestrae Electoralis Ministrum eo loci
 commorantem consilii nostri participem faceret,
 sicuti fecit. Verum ne sic quidem aliquid ultra
 profecimus, totaque hæc nostra candidi & aperti
 animi demonstratio frustra fuit, nec intra recondi-
 tas Celsitudinis Vestrae Electoralis cogitationes vel
 minimum penetravit. Quod quamlibet nisi tem-
 peraturæ plusquam mediocris amicitiam laxare,
 ac tepefacere potuit. Sed facta recordatione pro-
 missionum ac protestationum, quas Celsitudo Vestra
 Electoralis per tot literas & ministros toties nobis ite-
 raverat, credere nolimus, personam, & rerum no-
 strarum existimationem tantilli apud Celsitudinem
 Vestram Electoralem momenti fuisse, ut penitus e
 mente ipsius excidere posset, quin potius ita apud
 nos

nos ratiocinati sumus, moram & taciturnitatem Celsitudinis Vestræ Electoralis a seria ipsius deliberatione solummodo profectas esse, ut cogitationes suas de tam arduo, tantique ponderis negotio eo perfectiores tandem proferret. Sed cum res dilationem non amplius sustineret, adeoque postularet, ut magis præcisam ac disertam Celsitudinis Vestræ Electoralis resolutionem exquireremus, Guiljelmum Lockhard, Equitem auratum Ablegatum nostrum Extraordinarium, versus ipsam expeditivimus, ut non solum sensa mentis nostræ summa, qua fieri potuit, libertate Celsitudini Vestræ Electorali aperiret, sed etiam ut conditiones ipsi offerret vel maximæ utilitatis, si partibus nostris accedere vellet, vel incolumitatis, si se neutram tenere potius censeret. Si gradus, quibus in hoc negotio processimus, Celsitudo Vestra Electoralis observare velit, primum reperiet per literas prædicti Consanguinei nostri Principis Ruperti ad sororem suam, Dn. Elisabetham rescriptas, Nos Celsitudinem Vestram Electoralem in partem consiliorum nostrorum accivisse, priusquam ullum solennem tractatum cum Rege Christianissimo inieramus. Deinde Legatum nostrum jussu nostro Celsitudinis Vestræ Electoralis ministrum dicti tractatus monuisse, cum prope finem proveheretur, ac postremo nos per Ablegatum nostrum extra ordinem missum Celsitudinem Vestram Electoralem ejusmodi tractatus hic conclusi certiore fecisse una cum optione oblata vel eximæ partis in bello, vel indubitæ securitatis in neutralitate. Quid hisce omnibus Amicitie testimonium par, aut affine nobis reddidit Celsitudo

do Vestra Electoralis? Scilicet absque ulla vel minima significatione nobis facta Celsitudo Vestra Electoralis non solum fœdus tractavit, sed pepigit, idque non cum amicis, sed cum hostibus nostris Uniti Belgii Ordinibus Generalibus, quorum pecunia accepta exercitum conscripsit, agmen duxit & cum tympana & tuba, terrarumque in imperio sitarum direptiones, actionem universo orbi late promulgassent, nos tandem Celsitudo Vestra Electoralis per literas suas edocet, se adversus firmum, bonumque Fratrem & foederatum nostrum Regem Christianissimum arma sumpsisse, adeoque contra ipsum suppetias & cohortes auxiliares a nobis postulat. Qualis propositio tam inaudita nimum & a ratione tam absona, ut eam vix adhuc credamus a Celsitudine Vestra proficisci potuisse, cum per consequentiam poscat, ut subditis viribusque nostris contra personam & rem nostram utamur. Quod quidem parricidium esse videtur, a nullo Principe, qui modo non extremi sit ingenii, æquis auribus accipiendum. Etiam si pro singulari illo affectu, quo Celsitudinem Vestram Electoralem semper amplexi sumus, rationes, quæ nobis in animum induxerunt, tam bellum adversus Ordines Generales suscipere, quam unionem cum Rege Christianissimo colligare, non tempestive Celsitudinî Vestræ Electorali declarassemus, tamen ea mutua copiarum clasiumque nostrarum terra marique conjunctione illud utique jam pridem ipsi innotuisset, perinde ac cæteris ubique Principibus innotuit. Et acies jamdudum commissæ & sanguinis effusio neminem sensibus præditum in dubio reli-

reliquerant, quibus nos partibus adhæserimus. Tertium vero, & quartum tractatus nostri articulos ita interpretari, ac si nos cum amicis nostris bellare constringerent, cum interea iidem articuli Celsitudinem Vestram Electoralem impedire non possent, quo minus inimicis nostris assisteret, id certe graviori opprobrio oneratum ministros nostros imprudentiæ, & perfidiæ, qui talem tractatum concluderent, tum nos facilitatis, qui eundem ratum habere vellemus, quam vel nos, vel illi sustinere meruimus. Quin etiam querelæ contra Regem Christianissimum allatæ nobis quidem videntur necessarios & inevitabiles belli casus potius indicare, quam animum Celsitudinem Vestram Electoralem aggrediendi. Nos enim ipsi testes sumus, quales conditiones non minus honorificas quam utiles Rex ille Celsitudini Vestræ Electorali non solum ante, sed etiam post bellum susceptum obtulerit, quarum nos quoque fideiussores esse sponte volebamus. Profecto nova & plane admiranda methodus esse videtur, primum neutralitatem oblatam, nostramque fideiusionem respuere, & deinde bellum contra nos eligere nostraque auxilia postulare. Nos quidem opinamur, responsionem, quam Regis Christianissimi minister Dominis Principibus Electoribus eorumve Deputatis Ratisbonæ exhibuit, jam nemini non abunde satisfecisse, quam exiguum Rex ille causam Celsitudini Vestræ Electorali dederit, ut illi nomen aggressoris imponeret. Et si lectus ac victus militibus in Ducatu Clivenfi præbitus odiosum aggressoris titulum Christianissimo Regi impingere sufficiat, quo tandem nomine Celsi-

Celsitudo Vestra Electoralis appellabitur, post exercitus sui gressus ac grassationes per terras Trevirenses, Moguntinam, Hasliacam, Hannoveranam, Coloniensem. Ubi (nisi fama nos multum fefellit) duplo plus commeatus absumtum est, ac minus argenti relictum, quam in terra Clivensi. Sperabimus hasce rationes paulo fufius a nobis deductas id ponderis apud Celsitudinem Vestram Electoralem habituras esse, ut facile credat, nos nec juri, nec æquitati deesse, si auxilia requisita non mittamus, præcipue cum ipsa exemplum nobis satis luculentum proposuerit asserendo, se confederationis illius intuitu, quam cum Rege Christianissimo inierat, opem, quam vi tractatum Ordinibus Generalibus debebat, ipsis ferre recusasse. Si Celsitudo Vestra Electoralis tractatu cum Rege Christianissimo, qui solummodo defensivus est, se ita obstrictum judicaverat, ut auxilium sua confessione debitum Ordinibus Generalibus non suppeditasse æquum censuerit; nobis certe neutiquam vitio verteret, si foederi, quod cum eodem Rege non modo defensivum, sed in hoc bello offensivum quoque pepigimus, tantum tribuamus, ut eam opem minime feramus, quam Celsitudo Vestra postulat, nos autem virtute tractatus neutiquam deberi existimamus. Ut finem aliquando faciamus, si nostra apud Regem Christianissimum intercessio usui esse poterit, ad componendum differentias inter ipsum & Celsitudinem Vestram Electoralem ortas, vel orituras, nihil, quod ex parte nostra fieri possit, omittemus. Sed in bello jam flagrante ut vel minimum opis contra ipsum feramus, id certe nec res, nec

PARS II.

Uu

ratio

ratio, nec indoles nostra permittet. Ad alteras Celsitudinis Vestræ Electoralis literas d. 17. Sept. scriptas quod spectat, quasvis amicitiae significationes a Celsitudine Vestra Electorali profectas, quam libentissime semper amplexabimur; & hoc ipso tempore omnia ita disponenda curavimus, ut honoris & incolumitatis nostræ ratione habita, bona atque universa pax per totam Europam concilietur; & quicquid uspiam animositatis, atque malevolentiae fervet, penitus consopiat. Propositionibus etiam, quas Celsitudinis Vestræ Electoralis nomine prædictus ipse Ablegatus nobis fecit, responsum dedimus, quod ille secum referet. Nos autem Celsitudinem Vestram Electoralem Dei Optimi Maximi tutelæ ex animo commendamus. Dabantur in Palatio Nostro ad Witthel, d. 15. Nov. Anno 1672.

Celsitudinis Vestræ Electoralis

*Bonus Frater, Consanguineus
& affinis*

Carolus, Magnæ Britanniae &c.
Rex.

DLXV.

Responsoria FRIDERICI WILHELMI, Electoris Brandenburgici, ad proxime præcedentes CAROLI II. Magnæ Britanniae Regis literas, 1673.

Sere-

Serenissime Rex.

MOmenta rerum licet cum primis spectantes in literis, quas Regia Vestra Majestas d. 15. Nov. ad nos dedit, fugere tamen non potuit inusitata illa inter Principes scribendi ratio, quæ in illis deprehenditur. Idem juris responsuris ita quidem datum; Sed non ita vulnera Ecclesiæ & Reipublicæ mala sanantur, nec talia vel Regis vel Nostræ conveniunt sorti. Rem quod spectat, quam primum institutum Galli de inferendo Belgis bello apparuit, apparuit simul, non tantum Belgarum Gallorumq; turbatum iri tranquillitatem, sed totius Europæ, ac imprimis Germaniæ pacem, infinita vero mala inde in Ecclesiam Dei redundatura. Quod prudentes augurati sunt, eventus firmavit. Antequam Belgium invaderetur, claustra Imperii Gallico præsidio, novisque munimentis firmata sunt, utque bellum illic diutius geri possit, commeatus eo advecti. In Episcopatu Leodiensi & Ducatu Clivenfi nil non hostile patrat. Uruntur cæta, vastantur agri, urbes, arces, munimenta etiam a Belgis non infessa, nec extructa capiuntur, solo æquantur. Tempia his eripiuntur, illis dantur, tantum abest, ut illic miles lecto & victu contentus fuerit. Jus in sacra & profana promiscue & ex habitu usurpatur, insuperque habitis & territorii dominorum juribus, & Imperii legibus; cuncta manu Regia, nullo jure aguntur. Ita satis mature Gallia prodidit, quam armis suis quærat potentiam & absolute regnandi facultatem, redun-

Uu 2 datu-

daturam tandem in illos, quibus nunc ut parariis dominationis utitur, & instrumentis. Quod si itaque sive in principio, sive in progressu talis belli, tot tantasque calamitates trahentis Majestatem Vestram Regiam compellavimus in causa Ecclesiæ, Patriæ, & Fœderatorum, quibus non nunc nuper, sed multis abhinc annis accepto a majoribus exemplo juncti fuimus, nemini instituti hujus ratio nova, aut admiranda agendi methodus videri debet. Quid Deo, quid domui ejus, quid Imperio, imo quid Orbi debeamus, novit Regia Majestas Vestra quam optime. Novit Eadem nihilominus, quanto studio majores ipsius optimi sapientissimique Principes, gentem Belgicam consiliis, armis, opibus tutati sint non sine suo periculo, ne unius potentia illa cederet, quæ omnibus postmodum vicinis gravis foret. Novit præterea Majestas Vestra, quam nihil plane admiserit Germania, fida vicina, nec Principes ejus Regiæ Vestræ Majestati addicissimi meriti sint, ut tam contemptim, tam indigne ab externo Principe nulla injuria lacerato haberentur. Quomodo igitur Regiæ Vestræ Majestati displicere potuit unquam, aut alienum ab ipsius animo videri cupiam potuit, si sanctissima ista nomina eidem commendarem, opem ejusdem in tali discrimine non nostri & patriæ tantum, sed ipsius Christiani orbis simul implorantes. Equidem putat Regia Vestra Majestas, res nostras aliorumque extra periculum esse potuisse, innixas Galliarum Regis promissis, cum conditionibus, quas nobis proposuerit luculentissimis. Quid vero sanctius pacis Westphalicæ tabulis? & tamen

tamen in ludibrium vertuntur. Pacem enim dicunt hac ipsa hora se in Germania conservare, qui nihil hostile in ea intermittunt. Quæ autem conditiones nobis potiores esse possunt fide, quam Deo, quam Imperio, quam Fœderatis & Amicis debemus, quam nulla fortuna mutare poterit? Belgis Regia Majestas Vestra cur succenseat, aperuit nobis, verum est. Sed postquam reverentiam & quicquid nomine Regiæ Majestatis Vestræ unquam ab ipsis desideratum promiserunt, an non mitioribus consiliis, & concordiæ locus? Satisfactione oblata arma cessare gentibus æquum visum. Quæ laus, quæ gloria Regiam Majestatem Vestram manebit, si non offensione Christiani sanguinis, sed æquanimirate Regia lites, si quæ sint, diremerit? Turbata olim Republica Romana amicus amico, gentilis gentili acceleravit: Sejungas te ab illis, quibus se non tuum judicium, sed temporum vincula conjunxerunt? Quis Christianorum ergo nobis vitio vertet, si Regiam Vestram Majestatem, cui ea contigit gloria, ut primo loco sit inter eos Principes Christianos, qui tum puram profitentur & tutantur doctrinam cœlestem; tum rerum in orbe arbitrium æqua dirigere lance student, rogaverimus, ut Ecclesiæ, ut publicæ tranquillitatis, tum quoque veterum amicorum & communium sacrorum nexu, & aliis sanctissimis vinculis conjunctorum rationem tandem habere, eorumque rem pro pietate sua, & uti summo isto loco dignum est, agere dignetur. Sic illo, quam Prædecessores ejusdem olim obtinuerunt, Fidei defensorum titulo jure longe maximo suo meritissimo cum gloria

gaudebit, eoque ut diu floreat, vigeatque optamus. Atque quod reliquum est prosperrimam valetudinem Regiæ Majestati Vestræ precamur, paratissima eidem studia nostra prolixè deferentes. Dabantur in Arce Nostra Sparenberg, d. 13. Januarii, 1673.

Regiæ Majestatis
Vestræ

Bonus Amicus

Fridericus Wilhelmus.

DLXVI.

Littera MICHAELIS, Polonia Regiæ, ad CLEMENTEM, Papam X. quibus se Nuntium ipsius audivisse, & quo fine bellum cum Turcâ infelicitè gestum terminatum sit, brevibus refert, 1672.

POST oscula pedum Sanctitatis Vestræ meique ac Regni & Dominiorum meorum filialem commendationem. Tristem & luctuosam Regni mei faciem, non mœrore duntaxat animum Sanctitatis Vestræ implevisse, sed eundem Pontificia ac vere Paterna cura exercere, ex literis Sanctitatis Vestræ & Reverendissimi Archiepiscopi Damiatæ, Nuntii sui, viva voce satis intellexi. Acerbum sane & remediis vix ingentibus reparabile vulnus per latus Regni mei res Christiana accepit, cum Turcarum Tyrannus occupato fortalitiu Camenecensi in ulteriora Russia vim & immanitatem suam effudit, & ipsa mœnia Leopoldis, quæ Metropolis Russiæ est,

tor-

tormentis quassavit. Nec longe aberat, ut everteret, nisi Legatorum meorum opportune advenientium opera impetum stitisset, atque exercitus mei modica manus conglobatarum gentium ferociam aliquot cladibus incredibili successu hosti inflictiis & excursiones, ac torrentem Christiani sanguinis represisset. Decessere Dominio meo per tractatum, & iniquissimas pacis leges Podolia & Ukraina amplæ Provinciæ, quarum jacturam, dedecus meum reputans, cooperit confusio faciem meam & animum dolor anxius intime, quod per difficillima Regni istius tempora, perque continuis bellis afflictas exhaustasque vires Religionis & Regni tutelæ, ac populorum meorum defendendæ incolumitati sufficere non potuerim, pro quibus objectare periculis, & Regium litare sanguinem palmarium duxissem. Hunc animum meliori fortunæ & occasione, Deo Duce, intentum non mediocriter erigit, ac corroborat eximia Sanctitatis Vestræ benignitas, cujus imprimis Paternam adhortationem, qua me ac subditos meos, in mutuam concordiam vocare & colligere enititur, prona aure & filiali devotione accepi. Meo quidem alte animo repositum insedit, discordias cum hostibus exercere, irasque & ultionem in eos vertere, cives clementia & beneficiis retinere in officio, quos profecto, ubi sacri belli gerendi, cura piissimo motu Sanctitatis Vestræ serio occupare, & non cincti totius Christianitatis contra communem immanissimum hostem apparatus excitare inceperint, proclivius officia impleturos, ac me ipsum Vicarii

Christi consilio religiose obtemperare
 Sanctitas Vestra agnoscat. Tametsi
 rum prævalida potentia acrioris sollicitu-
 moneat, non ambigam tamen spem
 telligo a Sanctitatis Vestræ benefica
 meum propensione, quam partim des-
 stolicæ gazæ subsidiis, partim Christiani-
 cipum ad publicam causam juvandam
 tamentis, luculento Patris Ecclesiæ &
 Christianæ exemplo Sanctitas Vestra te-
 plicat; ut exinde etiam felix augurium
 ronam Poloniæ, cujus delicta Sanctita-
 berrimis lacrymis apud Divinam Maj-
 piat, Filiam tot lacrymarum Clementis
 posse. Reliqua statum præsentem ce-
 prolixius Sanctitati Vestræ repræsentat
 moratus Reverendissimus Nuncius,
 Pontificiam Sanctitatis Vestræ benedicti-
 hi, ac populis, Dominiisque meis hun-
 ro. Dabantur Varsoviæ, die 30. Nove-
 no 1672.

DLXVII.

*Litteræ CAROLI XI. Suecorum Regis
 HANNEM PHILIPPUM,
 Moguntinum, quibus ipsi significat, se,
 etate, quam constitutiones Regni, capessere
 rii habenis, designassent, communi to-
 applausu solium conscendisse, 1672.*

Nos Carolus, Dei Gratia Suecorum
 thorum, Vandalorumque Rex, Magnu

Finlandiæ &c. Eminentissimo & Celsissimo
Domino Johanni Philippo, Archiepiscopo
Moguntino Salutem.

*Eminentissime & Celsissime
Princeps.*

Cum ea, quæ Nobis eveniunt singularia ac prospera, æque amicis Nostris fore grata sciamus, a Dilectione Vestra itaque favente confidimus perceptum iri animo, quod divina id ita disponente clementia, postquam eam, quam constitutiones Regni capeffendis Imperii habenis designant ætatem implevimus, ad vota & desideria tutorum nostrorum, totius senatus ac Regni Ordinum inter maximos eorundem omnium applausus ac congratulationes administrationem aviti Regni Nostri derivari passi simus; Et sicuti optime Nobis constat grave & ingens hoc regnandi onus non posse, nisi opitulante DEI auxilio feliciter sustineri, ita etiam ejusdem, per quem Reges regnant & Principes gubernant, omnipotentem imploramus opem, quod quemadmodum Majorum olim nostrorum & imprimis Sux Majestatis optimæ ac charissimæ matris Nostre ac reliquorum Regni Administratorum facta, ex quo post deploranda divi Patris Nostri fata, cujus fortissima & maxima in hoc Regnum & causam communem merita nunquam intermorientur, fasces hujus Regni summa prudentia, justitia ac integritate moderati sint, sua gratia assistit, ita etiam Nobis dignetur largiri ea adminicula, quæ Regimen Nostrum felix, faustum ac gloriosum & populo Nostro & toti rei communi redde-

re possit. Nos interea temporis & donec occasio eveniet majori egregioque publico inservire possenisi ac successu eam, quam supra laudati Nostri tutores salutarem reducendæ pacis inter partes beligerantes & hætenus non absque insigni spe exorsifunt, viam fideliter & ea quam bono publico debemus, & Dilectioni Vestræ antea per literas Nostras contestari fecimus, cura prosequemur. Adjuvet modo Deus sincerum hoc Nostrum propositum & concedat nobis etiam vires illam, quam majores Nostri cum Dilectione Vestra inierunt amicitiam, certo & jam fœdere innexam & roboratam in majores & firmiores posthac excolere nexus. Quibus Dilectionem Vestram divinæ tutelæ commendamus. Dedimus in Arce Nostra Holmensi, die 31. Decembr. Anno 1672.

Dilectionis Vestræ

Bonus Amicus

Carolus.

F. J. Ornsted.

DLXIIIX.

*Littera NICOLAI PRAZMOVII, Prælati
Regni Polonia, ad PROCERES REGNI
POLONIAE, in Comitibus Marienburgensibus
congregatos, quibus quam inique & contra omnem
juris & justitiæ rationem cum se fratribusque suis a
Rege & quibusdam Palatinis actum sit refert, eorumque patrocinium implorat, 1672.*

Quam

Quam funesto nuper in Castris Regiis una cum Germanis fratribus meis per quorundam Palatinatum specioso Generalis expeditionis nomine vocatorum violenta suffragia damnatus sum decreto, non modo Dominationibus Vestris, sed universo orbi Christiano innotuisse minime ambigo; grande profecto nobis insolens illa turbulenti, an temulenti judicii forma infixit vulnus, tantoque acerbioris doloris impressit sensum, quanto iniquius ac contra omnem juris ac justitiæ rationem nobiscum actum est, nullo meæ, aut fratrum meorum culpæ documento, sed ex mera & ne minimo quidem fundamento innixa calumnia, reum me, nescio quarum in Patriam machinationum, reum Turcici esse belli. At enim quo longius id a vero aberrat, eo me non modo Christianum, verum etiam sanctiori insignitum caractere intolerantius affligit. Decretumne edictum, an proclamatum, illam nuncupem decisionem? incertus sum. Utcunque tamen est, nulli certæ rationi, ex qua justitiæ, & humanæ societatis religio proscripta non est, eam judicum faciem autum cognitam. Tanto proinde injuriæ pondere una cum fratribus meis oneratus ad Dominationes Vestras oppressus Primas recurro, Patrocinium quod impense flagito, certa fiducia reperturus. Quemadmodum enim Dominationes Vestræ a turbido cœtu illo extorres fuerunt, ita enormis illius impietatis exsortes sunt; Equestris Ordinis libertatem jugulat, cujus caput & summum compendium esse nemo non novit, ne causæ, in quibus solutio, & fortunarum civilium momenta vertuntur,

ab

ab executione inchoentur. Cæterum legitimo, & competenti foro vim excutiendam submittere non abnuerim, munitus & potitus valido innocentiae præsidio, quam sole clariorem omnibus apparituram non dubito. Ubi eandem statò loco & tempore, quod a Repùblica petam, diluere licuerit; quod ipsum etiamnum a Dominationibus Vestris impetratum velim, cum singulorum intercessio, ne adeo luculentum jurium & libertatis præjudicium, in me, meisque fratribus patratum, in scandalosum posteritatis exemplum evalescat, posse civem afflicti criminis obtentu, citra probationem, citra judicium honore equestri, fortunis, imò capite periclitari, cum pretium cuique non hominum, sed pecorum macellis destinandorum, rite sit appensum. Ex facili proinde, quivis sanæ rationis compos honestique amans, quorsum hi casses colliment, discernet, sibi que imminetia a simili tyrannidis ausu pericula, nostro timeat discrimine; omen quidem, superi prohibeant, cæterum me causamque meam benevolentiae & patrocinanti earundem studio commendatissimam cupio. Datum Lovicii die 21. Dec. Anno 1672.

DLXIX.

Litteræ JOANNIS ERASMI a TETTENBACH, ad LEOPOLDUM, Rom. Imperatorem, quibus capitis supplicium daturus, supplex pro Filiolo suo flebili casu mox patre orbando intercedit, 1672.

Omni-

Omnium Serenissime, Invictissime Romanorum Imperator, Clementissime Domine.

POSTEAQUAM divina omnipotentia, pro inscrutabili sua dispositione, & Romano - Cæsarea Vestra Majestas, pro clementissimo & justissimo suo judicio statuere, me per justitiæ manum ex hac in alteram vitam ablegare, voluntati huic utrique Clementissimæ morem gerere humillime, mearum agnosco esse partium, obsecuturus etiam tam feliciter, quam fideliter. Quoniam vero ante ejusmodi obitum, patris est providere suo filio; mihi autem per leges omnis via præcisa; ideo supplex, Cæsaream Vestram ad Majestatem recurro, velut Patriæ, nec non & omnium viduarum ac orphanorum Patrem, rogatum, dignetur mihi gravia contra se admissa delicta clementissime ignoscere, justamque mitigare indignationem, Filiolum meum desolatum largæ misericordiæ, aliarumque gratiarum rore aspergere, ut hac amissionis reparatione, æternus Deus pro sua misericordia, benignissime proprias suæ Cæsareæ Majestatis adimpleat petitiones. Humillimas item adgeniculans, pro bis mille in animæ meæ refrigerium clementissime ordinatis missis ago gratias, pollicitus meas coram throno divinæ Majestatis, ad Cæsareæ Vestræ Majestatis prosperitatem preces devotissimas. Denique per sanguinea Christi vulnera, ne delicta mea filius meus, totaque luat fami-

familia, iterum, iterumque rogo, æternum perfe-
veraturus

Romano-Cæsareæ Majestatis

Gracii 1672. Kalend. Dec.
mortis meæ die.

*omnium subjectissimus, ad mortem
condemnatus*

Joann. Erasmus a Tettenbach.

DLXX.

*Litteræ credentiales, quas JOHANNES GEOR-
GIUS II. Saxonia Elector, ad JOHANNEM
DOMINICUM de LUNIGA ET FONSECA,
Comitem de Monterey &c. Provinciarum in Belgio
Hispanico Praesidem, Johanni Ernesto, Libero Ba-
roni de Wallenroda, Ablegato suo, dedit, 1673.*

P. P.

NOn dubitantes de Excellentia Vestra in Nos
Domumque Nostram Electoralem perquam
studiosa voluntate, Generoso Viro Consiliario No-
stro intimo & bellico Excubiarum Praefecto, Ge-
nerali militia pedestris, dilecto Nobis ac fidei
Domino Johanni Ernesto, Libero Baroni de Wal-
lenroda, Domino in Primel, Frechen & Bell,
Principis Saxo-Lauenburgici supremo Mareschallo
& Consiliario intimo, Nostra Negotia Excellentia
Vestra exponenda, simulque de singulari Nostro
in ipsum ejusque praelara in orbem merita affectu,
pluribus contestari commisimus, praesentibus hisce
benevolentissime cupientes, ut iis, quae Nostro No-
mine

mine prædictus Consiliarius Noster intimus & bellicus coram protulerit, plenariam fidem tribuere, atque exoptata, prout confidimus, responsione Nostro se applicare desiderio non intermittat. Quod quidem a Nobis ea qua par est gratitudine agnoscendum, omnique propensissimo affectu compensandum, quacunque nata occasione ipso facto declarabimus. Quibus Excellentiam Vestram divinæ protectioni ad prospera quæque sedulo commendamus. Dabantur in Electorali Nostra Dresda die 20. Jan. 1673.

DLXXI.

Litera CAROLI II. Magnæ Britannie Regis, ad JOHANNEM GEORGIUM II. Saxonie Electorem de novo anno gratulatoria, 1673.

P. P.

Celsitudinis Vestræ Literas sexto die Mensis proxime præteriti ad Nos datas, quibus adveniantem annum lætum Nobis, reliquumque vitæ cursum prosperum precatur, accepimus. Gratisimum equidem Nobis accidit, iteratum hoc Celsitudinis Vestræ erga Nos amicitiae testimonium, cui impræsens haud melius respondere posse Nos existimamus, quam eadem Celsitudini Vestræ vota referendo. Deum igitur immortalem enixe rogamus, ut non solum vertentem annum, verum & multos longo ordine secuturos Celsitudini Vestræ Electorali faustissimos felicissimosque esse velit jubeatque. Ipsam de cætero totamque Serenissimam Domum Electoralem divini Numinis tutelæ ex animo commendantes.

Dabantur

tur in Palatio Nostro de Wl itehall, 24. die Januarii 167 $\frac{2}{3}$.

DLXXII.

Litera JOHANNIS GEORGII II. Saxoniae Electoris, ad COSMUM III. Magnum Etruria Ducem, quibus ipsi Johannem Godofredum a Klemm, Equitem Saxonicum, commendat, 1673.

P. P.

EXimiam sane, qua Dilectio Vestra Nostratis Editionis subditos & Vassallos Nostro nomine complecti non desinit, gratia meretur laudem; ad quam quidem non minus atque ad sanctioris necessitudinis mutuae officia amplianda occasionem nullam facile mittendam censemus. Cum igitur praesentium exhibitor ingenuus Johannes Ehrenfried a Klemm, qui applicato ad militaria exercitia animo, jactisque in re tormentaria juxta & metallica nec non Architectura militari fundamentis, ad ulteriora scientiarum & virtutum decora nititur, eo fine susceptae in Italiam profectionis consilium Nobis decenter probaverit, pro ea, qua fideles subditos Nostros atque imprimis parentem ejus virum nobilem, Camerae Nostrae Consiliarium intimum Consiliique metallici directorem, dilectum Nobis & fidelem Ehrenfried a Klemm in Dobra, benignitate prosequimur, honestos filii æmuli conatus hisce Nostris literis gratiose comitari, viamque ipsi ad inclytam Dilectionis Vestrae aulam communire non dubitavimus. Ac proinde eandem peramanter atque officiose rogamus, velit industrium hunc subditum

No-

Nostrium speratae gratiae & protectionis suae clypeo ad desideria & commoda ejus benigne provehenda, fovere eoque inter Vestrates habere loco, unde de commendationis hujus nostrae fructu, beneficii accepti olim memor, gloriari queat. Qua quidem fiducia freti, Dilectionem Vestram, cui diuturnam a Deo incolumitatem & faustos quoscunque rerum successus serio precamur, de studioso Nostro in se affectu quam persuasissimam iterum atque iterum cupimus. Dabantur in Electorali Nostra Dresda die 4. Febr. 1673.

DLXXIII.

Litterae FERDINANDI L. B. a FURSTENBERG, Episcopi Paderbornensis, ad CLEMENTEM PAPAM X. quibus ipsi aperit, se ad opem laboranti gravi bello Turcico Polonia lubentissime ferendam paratissimum fore, nisi id calamitosa Praesulatus sui continuis belli malis vix non oppressi pauperies impediret, cujus deplorandam faciem ut ipse Imperatori Romano, ea qua polleret autoritate repraesentare haud dedignaretur, submisit precatur, 1673.

Beatissime Pater.

Maximis ab immani Turcarum Tyranno Poloniae nuper illatis cladibus, & nunc ingruente supremo discrimine Apostolica Sanctitatis Vestrae sollicitudo & intentissima Reipublicae Christianae defendendae cura ubique terrarum eximie clarescit, cum Sanctitas Vestra Caesarem Proceresque Germaniae per litteras atque Legatos ad ferendam laborantibus opem studiosissime diligentissimeque

conatur accendere, & Archiepiscopum
 nicensem ad Regem Poloniæ ablegat, quem
 tenus in hisce terris Magistratum optimè
 magnificentissime gessisse, & ad provinciam
 nunc præficitur, unum omnium aptissimum
 cunctis lucidum est atque manifestum.
 mihi Epistolam Sanctitatis Vestræ, qua me
 ad auxilia longe, quondam florentissimo, non
 crudeliter lacerato atque summo opere per
 Regno portanda cohortari dignatur, & ego
 admodum Sanctitatis Vestræ decessore in
 laboranti Cretæ magis quam pro mea vir-
 ni, ita & hac tempestate animo perinde
 atque alacri Sanctitati Vestræ obtemperarè
 que ad idem Christianæ pietatis officium
 que perpetuæ laudis & gloriæ adipiscen-
 exemplo faces subdere conniterer, nisi
 Provinciam meam oppressisset inexpecta-
 mitas, quam etsi apud Sanctitatem Vestræ
 Reipublicæ malis atque periculis afflictam
 invitum, non possum tamen non paucis
 ut Sanctitas Vestra communi me salutem
 sed ab iis, in quibus summa fides ac pietas
 romanicæ potissimum ambitionis atque
 tiæ reprimendæ cupido esse debebat, alio
 Reipublicæ tempore meam Ecclesiam atque
 vinciam ita vexari atque exedi pleneque
 perspiciat, ut id, quod maxime vellem,
 Opt. Max. gloria & Imperii Christiani pro-
 tione efficiendi potestas mihi omnino
 Quanquam enim per omne regiminis
 pus ita in Republica versatus sim, ut ne

farem unquam, neque ullum Imperii Principem læserim aut offenderim, & ingruentibus atque gliscentibus hisce bellis medium me gerere animoque a studiis & contentionibus partium libero quietum agere decreverim, & ab ea, quam debeo Cæsari atque Imperio, fide atque obsequio ne latum quidem unguem discesserim; nihilominus Comes Monticuculus Austriacarum Copiarum Dux meam Diœcesin crebro militis Brandenburgici transitu jam ante vehementer afflictam atque exhaustam exeunte proximo superiori anno cum exercitu ingressus, hospitia atque alimenta viris equisque in omnibus meis oppidis, pagis & vicis per hyemem præberi, sibi & primariis Ducibus eorumque affeculis Paderbornensis civitatis portas aperiri & civium ædes patefieri, verbis Imperatoris, postulavit, cumque ego Sacro-Sanctis Imperii Legibus, Cæsarei fœderis tabulis, atque ipsis, quas attulerat, Imperatoris literis transitum exercitui, non hyberna flagitantibus confisus, ejusmodi postulata abnuerem, summa vi se Paderbornam expugnaturum esse minatus est, nisi imperata propere fierent, atque in hunc modum civitatis haud munitæ totiusque Diœcesis potitus duo & triginta nummorum Imperialium millia in singulos menses ei imperavit, quam summam nec Sveci unquam, nec Hassi, cum hanc ipsam regionem superiori bello Germanico hostiliter occupassent, extorquere animum induxerunt. Quamobrem omnes homines summi, medii, infimi tanta vi mali consternati atque attoniti fortunis provolvuntur, Sacerdotes & ascetæ sacræque Virgines deficientibus

alimentis templa paulatim & aras atque
deferere compelluntur, oppidani atque
rediguntur ad egestatis terminos, & quod
est, quod dent, milites contagiosis mor-
bantes coguntur accipere, atque in hoc
non ipsi solum adiguntur ad mortem,
sed et lue inficitur provincia, atque detestatur
famem & pestilentiam sentit imminere.
quidem ideo potissimum fieri haud o-
cant Duces atque Ministri, ut ego Episcopus
Principem Monasteriensem ab iis, qui
est, consiliis atque foederibus abstraham.
stiatricam sententiam partesque traducas.
men in manu mihi non esse ipso sole
& si esset, me tamen minime deceret Pro-
optime merito persuadere, ut iis se sua
cesin permitteret, qui me gravissimis
bus, nullo adhibito modo, afficiunt,
suam ad Cæsarem transferunt, a cujus
que Augustissima Domo procul abest
semper omnis sævitia atque crudelitas.
vero pietas atque clementia nunquam
si quidem ipsemet Imperator religiosam
querimonias meas absens longeque di-
cipit, ita Ecclesiæ meæ tristissimam faciem
intueri & fidissimæ sibi Provinciæ sine
euntis miserabiles planctus & gemitus
audire, profecto nec a lacrymis tempo-
que tantis malis remedium adhibere co-
Quæ cum ita sint a Sanctitate Vestra
peto, ut imprimis excusatum me habeat
tis obvolutus ærurnis piissimo Sancti

desiderio animoque meo semper Apostolicæ sedi obedientissimo hac tempestate morem gerere non possim, deinde ut Ecclesiæ meæ salutem Imperatori tanta cura & contentione gravitateque commendet, ut ego tot calamitatibus expeditus Catholicam fidem in hisce terris porro tueri ac propagare, ordini meo convenienter vivere & dignitatem sustentare, & reddita mihi meisque pristina tranquillitate atque fortuna damnisque justa satisfactione pensatis Sanctitatis Vestræ iussa capessere valeam, quæ pro virili parte tam impigre semper atque industrie exequar, ut Sanctitas Vestra nunquam me cessantem exstimulasse, sed currentem incitasse videatur. Deus Opt. Max. Sanctitatem Vestram diutissime felicem, ac rebus omnibus florentem Orbi terrarum servet ac sospitet. Neuhusii 21. Febr. 1673.

DLXXIV.

Litteræ FERDINANDI L. B. AR. & FURSTENBERG, Episcopi Paderbornensis, ad CARDINALEM ALTIERIUM, a quo, ut miserimum Prasulatus sui statum Pontifici accurate explicare haud gravetur, obnixè contendit, 1673.

Eminentissime ac Reverendissime, Domine Colendisime.

Quanto vehementiori ardeo cupiditate Sanctissimi Domini Nostri Voluntati mihi per Apostolicum Breve nona Novembris Anno superiori datum, & una cum humanissimis Eminentiaæ Vestræ literis ab Archi-Episcopo Thessalonicensi

Xx 3

in

in Poloniam proficiscente transmissum indicatæ humiliter obtemperandi, tanto magis crucior, a quibusdam hominibus, quos Ottomannicæ ambitioni atque tyrannidi omnibus nervis ac facultatibus deceret obniti, & Antistites atque Ecclesias catholicas ubiq; terrarum tueri atq; protegere, me atq; provinciam meam ita vexari ac opprimi, ut ejusdem Sanctissimi Domini Nostri paternum auxilium potius implorare compellar, quam laboranti Poloniæ subvenire valeam; Quod meis literis ejus Sanctitati demisse significare coactus, ab Eminentia Vestra peto majorem in modum, ut miserrimum hunc atque luctuosissimum rerum mearum statum eidem Sanctissimo Domino Nostro accurate explicare, & illi sibi que omnino persuadere dignetur, me reddita Ecclesiæ meæ pristina immunitate atque fortuna, recuperatisque viribus operam esse daturum, ut omnes intelligant nihil ejus Sanctitati & Apostolicæ Sedi in Germania esse tam promptum, quam obsequium atque servitium meum, & Eminentiam Vestram a me ita coli atque observari, ut omnia mea studia atque officia in eam conferre gestiam, atque hac in re Germanos omnes superare contendam. Bene valeat Eminentia Vestra ac diuturno Sanctissimi Domini nostri Pontificatu omnique felicitate lætetur ac floreat. Neuhausii 21. Febr. 1673.

DLXXV.

*Literæ CAROLI II. Magnæ BRITANNIÆ
Regis, ad JOHANNEM GEORGIUM
II.*

II. Saxonie Electorem, quibus ipsi Guilielmum Swann, Equitem auratum, & conjunctissimæ secum adhuc cultæ amicitiae constantiam sedulo commendat, 1673.

Cum dilectus & fidelis Noster Guilielmus Swann, Eques Auratus, privati Nostri cubiculi Aulicus, & Noster apud urbes Hanseaticas Residens Nobis significaverit, sibi in animo ac votis esse, Celsitudinem Vestram Electoralem visere, festoque Divi Georgii jam proxime in illius aula celebrando interesse: Nos quidem eo libentius alacriusque illius desiderio consensimus, quod nobis quoque Celsitudinem Vestram Electoralem salutandi, Ipsique fraternum Nostrum affectum contestandi idoneam præbeat opportunitatem. Neque enim ignari sumus, quam firmiter steterit Celsitudo Vestra Electoralis, cum nonnulli minus æque erga Nos animati conjunctissimam illam inter Nos amicitiam concutere & labefactare nuper tentaverint. Quod nos etiam ad parem in omnibus, quæ Celsitudinem Vestram Electoralem spectare poterunt, fidem & stabilitatem semper devinciet. Prædictus Guilielmus Swann Celsitudini Vestræ Electorali satis notus, coram fusius exponet, quanti Nos Ipsius Personam æstimemus, & quali amoris sinceritate Serenissimum Ducem Saxonie, ut Illustrissimi Ordinis Nostri non modo socium, sed ornamentum quoque amplectamur. De cætero ut Deus Optimus Maximus Celsitudini Vestræ Electorali longævam cum prosperitate vitam concedere velit,

obnixè precamur. Dabitur in Palatio Nostro
de Whitehall 12mo die Martii 1673.

Celsitudinis Vestræ Electoralis

*Bonus Frater & Consan-
guineus*

Carolus Rex.

DLXXII.

*Responsoria JOHANNIS GEORGII II. Sa-
xonia Electoris, ad præfertas CAROLI II.
Magna Britannia Regis literas, 1673.*

P. P.

Quas Regia Vestra Majestas suo apud Civitates
Hanseaticas Residenti, Equiti aurato, & pri-
vati cubiculi aulico, viro Nobili Guilielmo Swann,
occasione destinati pronuper in aulam Nostram
itineris partes demandavit, cum ex perscriptis ad
Nos e Palatio Whitehall d. 12. Martii proxime cla-
psi literis regiis, tum etiam, ex adjuncta modo dicti
Ministri epistola abunde simul & libenter accepi-
mus. Hic enim, quæ per absentiam oretenus non po-
terat jussa, pro laudabili rerum gerendarum dexte-
ritate calamo est executus, eadem forsân omitten-
di itineris necessitate adductus, qua Nos quidem ab
intentione celebranda festivitatis Georgianæ, pro
ratione negotiorum hac vice tantisper recedere
censuimus. Utrunque vero de tam propenso Re-
giæ Vestræ Majestatis erga Nos affectu tot illustri-
bus argumentis edocti, sanctioris necessitudinis
pignora grate agnoscimus, utque palam constet,
quo omnino loco Regium in Nos affectum, nec
non

non illustrissimi Ordinis Gartierii axioma merito habeamus, non minori sinceritatis zelo quam studiorum promptitudine Regiæ Vestræ Majestati, cui duturnam valetudinis & rerum florentissimarum incolumitatem ex animo precamur, devinctum animum comprobare nunquam non annitemur. Dabantur in Electorali Nostre Dresda die sexta Aprilis 1673.

DLXXVII.

Litera JOHANNIS GEORGII II. Saxoniae Electoris, ad CAROLUM II. Magnæ Britannia Regem, pro Wolfgang Henrico a Littichau, Equite Saxonico, commendatitia, 1673.

P. P.

ET gloriosi per Orbem Regiæ Vestræ Majestatis sceptri fama & qua illa Nostrates complecti solet Regia benignitate fretus præsentium exhibitor nobili apud Nos gente ortus, dilectus Nobis & fidelis Wolfgang Heinrich a Littichau, applicato jam pridem majorum suorum exemplo, ad equestria & alia scientiarum ac virtutum studia, domi forisque animo, profectionem ad inclytas Magnæ Vestræ Britannia oras Aulamque Regiam permissu Nostro instituit. Cui quidem, ut quam initurus est, ad consequendam Regiæ Majestatis Vestræ gratiam, viam communiremus, cum laudabile meritis institutum, tum vel maxime sanctior illo, quæ cum Regia Vestra Domo jam diu Nobis intercedit, eaque recentibus subinde mutuæ benevolentia studiis renovanda facit necessitudo. Vestram

Xx 5

proin-

proinde Regiam Majestatem peramanter & sedulo rogatam volumus, ut præfatum Vasallum & subditum Nostrium, ad condigna Natalibus claris decora aspirantem, clementiæ suæ præsidio, mandatisque Regiis, prout visum fuerit, familiam inter & ministeria aulica gratiose beare dignetur. Indubiam hanc Regiæ Majestatis Vestræ gratiam devotis ipse obsequiis, qua par est, fide nunquam non promerebitur, grataque memoria concelebrabit. Nos autem Regiæ Vestræ Majestati cum sincera devincti amimi testificatione diuturnam valetudinis juxta & rerum incolumitatem a Deo animitus precamur. Dabantur in Electorali Nostrea Dresda, die 18. Martii 1673.

DLXXIIX.

Litera LEGATORUM SVECICORUM ad CAROLUM II. Magnæ Britannia Regem, quem de adventu suo in Angliam certiores reddunt, & qua de causa ad eum missi sint, sedulo exponunt, 1673.

Serenissime ac Potentissime Rex ac Domine.

SImul ac sua Regia Majestas Sueciæ Rex & Dominus Noster Clementissimus discrimina ex bello inter suos utrinque Fœderatos Majestatem scilicet Vestram Regemque Christianissimum ab una & Generales Ordines fœderati Belgii ab altera parte suborto sibi ad animum revocavit, nihil habuit antiquius aut prius, quam ut primo quoque tempore nos suæ Majestatis ad partes Belligerantes mitteret

teret Legatos extraordinarios, qui paci rursus reducendæ bona fide omnique studio operaremur, profecti quidem in tempore, sed prolixo & adverso satis usi itinere serius nonnihil quam destimavimus ad hanc Majestatis Vestræ pervenimus aulam: Lætatur autem ibidem deprehendi, imprimis apud Majestatem Vestram haud obscuram tranquillitati restituendæ propensionem, quæ penes Christianum Orbem in hoc florenti suo statu rerumque bellicarum integritate magnam omnino meretur æquanimittatis suæ commendationem, ita ut speremus tarditatem profectionis Nostræ, quam necessitas imposuit, feliciori aliquo operis successu posse compensari. Noluimus autem deesse partibus Nostris, nec ut tempus frustra præteriret, quantum in Nobis esset, admittere, quandoquidem expedito hic feliciter negotio tractatus præliminari ad Ordines generales uniti Belgii ire pariter jussi sumus, itaque confidimus Majestatem Vestram non ægre laturam, si ab eadem, eo, quo par est, observantiæ cultu contendamus, ut super momenta sequentia rei gravitate condignam resolutionem suam edere, Nosque ad reliquos labores a se dimittere insuper non habeat, & primum quidem obtestamur, ut pro illa quam in generalibus quidem terminis, sed magno & generoso animo nobis declarare sustinuit, singulari in pacis tractatum propensione, Nos pariter in concepta jam spe & opinione confirmare deque Regiæ Majestatis, Sueciæ Regis Domini Nostri Clementissimi, fideliter oblata mediatione amplectenda certiores facere velit, quo feliciori auspicio, animoque latiori negotium Nobis commissum

missum sine cunctatione aggrediamur. Vestrae persuasum omnino cupimus, nobis genere a nobis desiderari passuras, quod salutare opus promovendum pertinere caverimus. Deinde quemadmodum agitur, ut de momento proxime superiori dubitemus, ita Majestatem Vestram quam tam volumus, ut talem dignetur nominare signare locum, qui partibus paciscentibus commodus & securus adeoque qui Ordines generalibus Fœderati Belgii justam aliquamendi causam non præbeat, atque eodem gratoque habito suos quantocyus destitutos Plenipotentiariorum, quo legatis mediata occasio debito modo locoque hortandi & adiuvandi, ut reliquæ partes suos quoque Legatos ferre sustineant. Denique cum cessatio amicitiae redintegrandæ quasi quidam salutaris apparatus præliminaris sit, iræque & odii pondus soleat habere maximum, actus belli hinc inde prosperi vel adversi animorum subinde immutare sueverint, apud Majestatem Vestram nomine Sacrae Regiæ Majestatis Regis & Domini Nostri Clementissimi, tractandumque censuimus, ut durante negotio ad aliquam armorum suspensionem duci queat, quo interea de plena pace credenda tanto securius amicabiliusque & lætius spe bona freti reliquas partes belligerandas duci posse, suam quoque conferant curam non minus quam terra id fieri queat, eum in finem, ut cessantibus partium belligera

mis, iisque ad aliquem induciarum modum adstri-
ctis, interea cesset sanguinis effusio, paulatimque
amicitiæ usus denuo revocetur, adeoque providea-
tur, ne aliarum Nationum arma intercedant, tra-
ctatusque negotium gravioribus involvatur difficul-
tatibus. Quæ momenta pacificationis negotio
complanando & promovendo, ut confidimus, op-
portuna Sacræ Regiæ Majestati Vestræ exhibenda
existimavimus, ut inclinatio Regis Domini Nostri
Clementissimi & studium exinde appareret no-
strum, nulli dubitantes, quin Majestas Vestra re-
sponso Nos benevolo talique beare sustineat, quo
propositum Sacræ Regiæ Majestatis Sueciæ Regis
& Domini Nostri Clementissimi apud cæteras par-
tes alacrius urgeamus, prosperumque & celerio-
rem polliceamur præstolemurque eventum; ultimo
Nos & commissionem Nostram favori Sacræ Re-
giæ Majestatis Vestræ impense commendamus.

Sacræ Regiæ Majestatis Vestræ

Dabantur, An. 1673.

*Humillimi & omni observantia
cultu addictissimi*

**Petrus Sparre. Eduard
Ehrenstein.**

DLXXIX.

*Litteræ CAROLI II. Magnæ Britannia Regis, ad
SENATUM COLONIAE AGRIPPIN-
NAE, cui urbem suam congressui de pacis tracta-
tibus habendo, communi Regis Christianissimi sui
consilio destinatum esse significat, eumque ut obsta-
cula*

*cula isti proposito remoram injici
removere connitatur, amice hortatur*

Carolus Dei gratia Magna
Franciæ & Hiberniæ Rex, Fidei
Magnificis, Nobilissimis, Spectabilibus
Consulibus & Senatui Urbis &
Coloniensis, Amicis Nostri
dilectis salutem.

*Magnifici, Nobilissimi, spectabiles
ci Nostri per dilectos*

Humanitatis & observantiæ ob
his recepimus, dum in Vestra
commorati sumus, tot ac tanta fu
moria Nostra nunquam excidere
ptosque adeo reddant, ea omnia an
qui efficaciter, quæ in rem Vestram
Hinc erat, quod cum Nobis in ani
mus Urbem Dunquerque (quæ p
multisque aliis de causis rebus N
erat) relinquere, & alium tractatu
cum eligere, Vestram imprimis C
omnibus anteferre voluimus, nost
te voluntati tum bonus Frater Nos
nissimus facile accesit, tum Status
foederati Belgii consenserunt: post
Regem ab hac sententia dimotum
nnn solum, quia Legionem March
apud Vos adhuc in præidiis esse vid
etiam plures eo copias ipsum velle
pro Vestra Civitate Aquisgranum
esse ducebat. Qui quidem locu

tione distantiae scriptiōibus & responsis inter Nos & Legatos Nostros reciprocandis aliquanto commodior esse videtur, singularis tamen affectus Noster erga Vos & Civitatem Vestram effecit, ut ea beneficia, quæ talis conventus secum adducturus est, in Vestram potius, quam aliam quamcumque Civitatem conferri posse præoptaremus, eoque magis, quia ex tot Ministrorum ibi congregientium frequentia apta vobis suppeteret occasio, metus omnes ac suspiciones, quæ vos hucusque molestos anxiosque tenerunt, penitus expellendi, quod ut fiat tam per nos ipsos quam per amicos, quantum poterimus, opis & operæ adhibebimus. Ideo est, quod Vobis Literas istas hoc tempore scripsimus, similesque per eundem latorem a Rege Christianissimo & in eandem (ut absque dubio credimus) sententiam accepturi estis: Nimirum ut Vos pro certo habeatis, si sæpemenorato Regi Christianissimo hanc unam suspicionem tot hostes suos in Civitate Vestra armatos retinendi eximere possitis, nos ambos eandem pro loco tractatus unanimi consensu nominare velle, quicquid præstabilius vel ob distantiam, vel ob alias commoditates alibi Nobis offeratur: Vos igitur hortamur, ut etiam atque etiam perpendatis, quantum Vobis obfuturum sit, si congressus istius opportunitatem e manibus elabi sinatis, siue præsens emolumentum, siue futuram spectetis incolumitatem, cum securitatem jure Vobis promittere valeatis, non solum una fide atque honore eorum, quos ullatenus timetis, sed etiam a tot aliorum Principum guarantia & protectione, quibus tutius multo confidere possitis, quam copiis illis, quæ cum par-

tes sequantur amicos Vestros irritari
possunt, & paucae cum sint, inimicos
aut impedire nequeunt. Itaque
Vobis ex animo damus, ut Regi Ch
hac parte satisfacere velit, Legio
chionis de Grana amovendo & Nost
Garantiam accipiendo, qua Vos a q
ste, in eadem pace ac Neutralitate, c
re cupitis, tuebitur, quod quidem eff
offeretur. Nos autem Vobis hoc
fulere nollemus, nisi in rem Vestram
me crederemus, cum hortatio hæc N
alium habeat finem, quam ut ita pa
quantum Vos amemus, quanti Vos a
que amplius adhuc declarare, quotie
ratio postulaverit, parati semper erim
cætero Vestramque Civitatem Dei
mi tutelæ commendantes. Datu
Nostro de Witehall, 7. die Aprilis, 16

Vester

Bonus An

Carolus Rex.

DLXXX.

*Litera SENATUS CIVITATIS
NIAE AGRIPPINAE, ad
CUM XIV. Gallia Regem, quib
casione eo conatus suos intensurum
ut legatis intra mœnia urbis suae
integra praestetur securitas, 1673.*

Serenissime ac Potentissime Galliarum ac
Navarræ Rex, Domine, Domine
Clementissime.

SAcra Regiæ Majestatis Vestræ 25. elapsi mensis
Aprilis datæ 2. currentis hujus mensis Maji fi-
deliter Nobis sunt consignatæ literæ, quibus in
congregatione Nostra cum submissa reverentia in
continenti perlectis gavisi sumus & Clementissi-
mam Regii affectus benignissimi in Nos & hanc
urbem continuationem ejusque extensionem in
tantum exinde percipere, ut etiam dignata fuerit
præ cæteris aliis omnibus & eandem ad pacis tra-
ctatum instituendum eligere, & eum in finem Ple-
nipotentiariis suis jam tum ad iter auspicandum
Regia mandata dederit, ita tamen, ut ante ipso-
rum adventum legio Marchionis de Grana hic
existens dimittatur, civitas in perfecta Neutrali-
tate constituatur, atque omnibus ad pacis hosce
tractatus accedentibus plenipotentiariis integra
securitas præstetur. Pro benignissima hac Regiæ
Majestatis Vestræ erga Nos facta declaratione sub-
mississimas ut par est gratias humillime referentes,
divinam bonitatem precamur, ut exoptatissimam
Pacis recudendæ intentionem sua gratia & assi-
stentia secundare & pro ampliore sui Nominis ho-
nore ad felicem effectum deducere velit, non in-
termisimus præsentem Regiæ Majestatis Vestræ De-
clarationem Sacra Cæsareæ Majestati, Domino No-
stro Clementissimo, pro rei gravissima exigentia
quantocyus notificare, certo confidentes taliter ab
eo demum provisum iri, ne ullus ratione secutita-

tis remaneat scrupulus. Insuper Nobis indulgeri humillime petimus, si forte circa prædictam legionem Marchionis perfecta informatio Regiæ Vestræ Majestati, prout ex tenore literarum quodammodo apparere videtur, non obvenerit, submissione sibi referri, quod tempore conclusi tractatus super certis quibusdam punctis inter Serenissimum Principem Electorem & Civitatem hanc Coloniensem desuperque mediantibus Sacræ Cæsareæ Majestatis Reverendisimis & Celsissimis Dominis Commissariis eorundemque subdelegatis, nec non interveniente Reverendisimo Episcopo Monasteriensi aliisque Circuli Westphalici Statuum Deputatis ab Imperatore Ipso ratificati plurimisque Sacri Romani Imperii Principibus garantigiati recessus in certo articulo cautum fuerit, ut sæpe memorata hæc legio una cum alia per ejusdem Circuli Status huc inducenda pro sola securitate hujus Urbis, nullius vero offensione, utcunque etiam unus alterve Imperii aut circuli Status alicui belligerantium parti accedere voluerit, subsistere, eorundemque sumptibus ali, nullumque ex hoc Civitati, quoad neutralem suum Statum præjudicium fieri possit aut debeat, atque pro exactiore & fideliori ejus observatione utraque legio, earumque denique majores & minores officiales, excepta sola persona Marchionis de Grana, speciali Juramento & Magistratui huic obstricti, ejusdemque legibus & ordinationibus parendi, quam diu hic subsistant, sint obligati. Et sicut hætenus pro omni possibili invigilaverimus & pro futuro cavebimus, ne ulli
vel

vel minima, quantum Nobis constat aut testatum fuit, fieret offensio vel injuria, aut etiam imperfecta neutralitate quisquam intercesserit defectus, ita speramus, nullam ad Regiam Majestatem Vestram desuper unquam datam fuisse querelam. Cum nunc etiam intellexerimus, Sacram Cæsaream Majestatem ad Imperii Proceres Ratisbonæ congregatos similem super legione facta Cæsaream dedisse declarationem, compertumque habeamus, Marchionem de Grana hinc ad aulam Cæsaream revocatum esse, spe firma ducimur non defuturum, quæ eidem Regiæ Majestati Vestræ aliisque ad hosce pacis Tractatus accedentibus omnem desideratant securitatis datura sit satisfactionem, humillime rogantes, hanc Nostram declarationem acceptam haberi, quibus Sacram Regiam Majestatem pro felici Pacis recudendæ concepta expeditione pioque longævo ac felici regimine Divino Numini, Nos vero ejus semper continuandæ clementissimæ propensione submississime commendamus. Datum 5. Maji, 1673.

Sacra Regiæ Majestatis
Vestræ

Humillimi Consules & Senatus
Liberæ Imperialis Civitatis
Coloniz Agrippinæ.

DLXXXI.

Littera MICHAELIS, Poloniæ Regis, ad MICHAELEM ABAFFI I. Principem Tran-

Yy 2

34-

*sylvania, cui proſnavata in nuperis cum Turca Pa-
cis Tractatibus egregia opera grates condignas re-
fert, utque in meliorandis diſta pacis conditioni-
bus omnem porro movere lapidem haud intermit-
tat, amanter injungit, 1673.*

**Illuſtriſſime Princeps, Amice & Vicine
Chariſſime.**

CUm in animum Noſtrum revocemus, quid of-
ficii proxime præterito anno Nobis Regnoque
Noſtro Illuſtr. Veſtra pro avertendo Turcico bello
ſponte obtulerit, dubitare non poſſumus eadem
constantis animi & ſtudii propenſione Illuſtrit.
Veſtram erga rem Polonam etiamnum ferri, quam
belloꝝ periculis immunem tranquille ac in ſe-
curo agere Illuſtrit. Veſtram juxta ac alioꝝ vici-
noꝝ Principum & Dominorum intereſt. Ple-
na itaque fiducia viſum Nobis Illuſtr. Veſtram com-
pellare & intentionem Noſtram ac Ordinum Regni
ad pacis honeſta media proclivem aperire, prout
ex ſeorſiva Cancellariæ Noſtræ informatione Il-
luſtr. Veſtræ luculenter conſtabit. Daturi porro
ſumus operam, ut pro conteſtata ad præſens erga
Nos Regnumque Noſtrum in meliorandis con-
cluſæ nuper cum Sereniſſima Porta Ottomanni-
ca pacis conditionibus indilata cura & efficaciſ-
ſimis officiis, gratam Regiæ Noſtræ benevolentiaꝝ vicem
quibusvis occaſionibus Illuſtritati Veſtræ repona-
mus, de reliquo eam divinaꝝ tutelaꝝ animitus com-
mendantes. Dab. Anno 1673.

Michael, Rex Poloniæ.

DLXXXII.

Litteræ MICHAELIS ABAFFI I. Principis Transylvania, ad SUPREMUM REGNI POLONIAE CANCELLARIUM, quibus ipse candidè exponit, quid factò Polonis opus sit, ne charybdim evitare nimium studentes in Scyllam incidant, 1673.

Reverendisime ac Illustrisime Domine, Amice mihi Observandissime.

TAm Sacræ Regiæ Majestatis, quam Reverendæ Illustr. Vestræ literas ipsi commissas reddidit mihi hesternæ die Tabellarius. Sux Majestatis, quæ mixtum dolore apud me pepererunt gaudium, Lætitiâ exprimere videbatur Regiæ Majestati Serenissimæque Polonorum Reipublicæ inserviendi oblata occasio, quæ si optatum propitio numine produceret fructum, felicem non immerito me censerem, nec quicquam, quod in potestate mea situm est, in negotio præfato promovendo defuturum credat. Sed ingenti e converso dolore affectus sum ex literis præfatis Serenissimæ Reipublicæ res nec dum in tuto sita perspiciens. Quamvis itaque magna ingenia altaque in Serenissima Republica Polona non deesse sciam consilia, nec ejus ambitionis sim, ut illis rescribam laborem pro ritu, candidi interim amici satisfacere satagens officio, quædam ad præsentem, ut crediderim, collimantia scopum Reverendæ Illustr. Vestræ iisque, quibus placebit, communicare decrevi. Quemadmo-

dum locorum vicinia, conversatione morum, legibus, connubiis, aliisque multis rerum connexionibus Polonos ac Hungaros Deus olim conjunxerat, ita easdem nationes æquali ferme morbo fuisse & esse obnoxias, res ipsa est testis. Nos Hungari maturioribus periius fati, exemplo, si sana ratione inclyta Polonorum gens, quibus periius occasionibus scrutata fuerit, ipsis futuri. Duo Nationem Nostram funditus exedere carcinomata, discordia civilis, ac spes in externis auxiliis plus justo posita. Fortissimo enim Matthia Rege Corvino morte sublato, tantum inter ipsos bello civili sanguinis est absumptum, quantum ad propulsandos hostes omnino suffecisset. Ardebant tunc maxime armis invicem se progenitores Nostri, dum hostis occasione sibi tam felici & insperata usus Albam Græcam totius Hungariæ non propugnaculum saltem, sed januam suæ fecit potestatis. Unde in viscera Regni Nostri pro lubitu deinceps ipsi sævire licuit, donec in afflictissimum modernum statum fata Nostra nos precipitarint. Civilibus bellis, ut jam dictum, exhausti patres Nostri, dum hosti, qui cervicibus eorum magis ac magis imminebat, impares se agnoscerent, ad Christianorum Principum confugere auxilia, promissisque magnificis divitiis, hosti numerosissimo, cum exiguo, quem habebant, exercitu obvii, aliorum ope destituti, fatalem in Mohacziano campo impleverunt felicitatis Hungariæ diem. Considera, quæso, res Vestras, Charissime Amice, avertat Deus omen, nonne dissensus animorum aperuit viam ad ea, quibus Serenissima Vestra Respublica
anno

anno proxime præterito laboravit & hodie laborat? Quo exitu, novit is, qui omnia novit. Nunc inter bellandi pacemque colendi bivium hæret res. Forſitan externorum Regum ac Principum promiſſis ſuffulti vultis rei admoveſcere manus, quorum erga Chriſtianam Rempubliſcam in dubium vocari pietas non meretur. Nullius eorum favorem ſpernendum, caute tamen & cum grano ſalis illis ſidendum cenſeo. Omnes enim potentatus, cum morti ſint obnoxii, rebus Veſtris etiam in opere plano ſitis, ubi aliquem eorum, qui Vobis opitulari volebat, fato cedere contigerit, totum confundetur negotium. Diſtractiones præterea domeſticæ, quæ facile intervenire poſſunt, nonne quemque eorum, Vobis neglectis, ad ſua defendenda avocare poſſunt? mille imo plures poſſunt accidere rerum mutationes, quæ promiſſis poſſunt Vos deſtituere auxiliis. Quæ omnia non terren- di, ſed conſulendi gratia me ſcribere, teſtor Deum viſcera hominum ſcrutantem. Video generoſam Dominorum Polonorum mentem horrere tributa- rii nomen, nec eſt cur non indoleant? Sed talium viciffitudinum caſus vel potentiffimas Nationes non ſæpe fuiſſe expertas hiſtoriæ teſtantur. Nec deſunt exempla, nonnullos ex Tributariis factos eſſe Dominos, aut ſocios eorum, quibus antea Tri- butum pependerant. Imo domeſticum etiam non deeſt Sereniſſimæ Reipublicæ exemplum, Tar- taris enim Præcopienſibus honorarium aliquoties eſt ex Polonia datum, non tamen facta eſt inclyta Polonorum gens iis inferior. His itaque omni- bus præmiſſis, ut ſive bellum ſive pacem amare

vultis, universi ac singuli armetis oportet suaferim, nec ita in auxiliis aliorum spem collocetis, quibus aliquo casu absentibus, vos arma movisse poeniteat. Discatis, Charissime Amice, exemplo Nostro, ne ita, uti Nos, corruatis. Si autem aliquas superesse cernitis difficultates, præstat utcunq; coalitam tolerare pacem, ad melioraque se reservare tempora, quam eam inquietando, maturare exitium. Hæc est, charissime amice, opinio mea; quam etiamsi Vobis non multum utilem, tamen ut ab amico animo profectam agnoscat, confidenter rogat

Reverendissimæ Illustrit.

Vestræ

Dab. Alba Julia, die 22.

Maji Anno 1673.

Amicus ad officia paratissimus

Michael Abaffi.

DLXXXIII.

Litera SUPREMI REGNI POLONIAE CANCELLARII, ad SUPREMUM MAGNI DUCATUS LITHUANIAE CANCELLARIUM, quibus ipsi nunciat, se in capto semel proposito firmiter perstiturum, donec data occasione candidi amoris sui in Patriam testimonium, universa Republica spectante, edere possit, 1673.

P. P.

P. P.

AD materiam in literis Excellentia Vestræ mihi propositam paucis respondeo, Deumque ante omnia testor, me nulla abreptum erga Sacram Regiam Majestatem contumacia, quippe qui Reges jam quatuor in Ordine venerare didici, neque ulla adversus privatum quenquam aut malitia aut vindicta stimulatam fuisse, sed cura boni publici, multorumque civium judiciis non tantum magnorum nominum, sed etiam privatorum, qui metu futurorum malorum me sollicitarunt & dum sollicitant. Revocemus modo in memoriam, & perpendamus statum Nostrum ac infelicitatem, in qua eramus constituti. Quis unquam credidisset ullam in orbe Christiano talem metamorphosin tam repente unoque veluti ictu passuram, qualem nostra inaudito plane exemplo passa est, adeo ut nil fuerit discriminis inter subditum Imperatoris Turcici & inter civem in libertate educatum, postquam omnes Nobis ademptæ fuerunt prærogativæ. Verum quidem est omne id quod ademptum Nobis fuerat, Sac. Reg. Majestatem ex clementia sua restituisse, gloriosius tamen ei fuisset, nunquam in privationem consensisse vinculo juramenti sui præcise inhærendo. Sed ut brevibus dicam, faciet me quis securum hæc violenta consilia non amplius esse metuenda, tunc scrupulos hosce meos abjiciam. Cæterum & hoc non leviter me affligit, quod isti mei scrupuli non tantum mihi, sed etiam Domui meæ nocere debeant. Non tenetur frater ad ferendas pro fratre pœnas, tum et-

iam eventus ipse docuit, Deum hanc meam in publicis meticulositatem non improbasse. In recenti procul dubio Excellentia Vestra habebit memoria, me literas ad magnum Ducatum Lithuaniz hic Posnaniz expeditas Domino Palatino Vitepsensi, cum vehementi & acerba instructione a toto corpore ejusdem Magni Ducatus Lithuaniz huc Ablegato, subscribere iustas ob rationes noluisse, quamobrem nuper defunctus Rex Casimirus infensus mihi in hæc erupit verba: Hanc muneris tibi incumbentis detrectationem vindicabo in te & domo tua. Tuli æquo animo iram Regiam, & tamen nihilominus fortiter rem nocivam denegavi. Vix horæ dimidium effluxerat, subito Rex ad se reversus impetum suum coram me excusavit, Senatores vero numero XII. qui tunc præsentés aderant, a contraria, quam fovebant, recesserunt sententia, adeo mihi innocentia mea patrocinabatur. Sed ne nunc quidem de eadem providentia divina, quæ innocuos sensus meos scrutatur, eosque non esse malitiosos probe perspicit, quicquam dubito, quin has meorum amicorum admonitiones stimulationesque in solatium & conservationem communis Patriæ versura sit. Verum, ut dixi, oportet, ut securus sim, quod in eandem, quam metuo calamitatem non recidamus, & sic Sacra Regia Majestas omnem meam experiatur submissionem & venerationem. Reliquum me fraternæ Excellentiz Vestræ benevolentiz commendo. Dabantur Posnaniz, diē 29. Maji, Anno 1673.

DLXXXIV.

*Responsoria SUPREMI MAGNI DUCATUS
LITHUANIAE CANCELLARII, ad
præinsertas SUPREMI REGNI POLO-
NIAE CANCELLARII Literas, 1673.*

Reditæ mihi sunt literæ Excellentiaæ Vestræ
29. Maji Posnaniæ datæ, & ni fallor ad respon-
sorias meas per Episcopum Chelmensem missas,
valde miror, quod nihil ab ipso habeam, cujus
causa ad Excellentiam Vestram scripseram, cum
tamen significare debuisset, utrum Excellentia Ve-
stra præsentationem suo sigillo muniverit, nec ne?
ab ipsa autem Excellentia Vestra fraternam cum
acceperim compellationem lubens respondeo ad
materiam mihi propositam, cæterum non possum
non eandem instantiam pro Domino Episcopo
Chelmenfi repetere, id enim S. Reg. Majestas mi-
hi denuo commisit, ut ab Excellentia Vestra con-
tenderem, ne rem in adventum suum differret, sed
potius Sac. Reg. Majestatis desiderio ipsiq; tandem
æquitati prompte ac sine mora satisfaceret, quod
si vero zelus boni publici Excell. Vestræ hanc sua-
det cunctationem, ubinam rogo luculentius ap-
parere posset zelus iste, quam si pacificationi ge-
nerali in nuperis comitiis sancitæ consulere Ex-
cell. Vestra eamque manutenere studeret, quæ dicta
pro non, dictis facta pro non factis haberi vult.
Cum igitur Sacra Regia Majestas legem istam pro
parte sua, prout in Comitiis sacrosanctæ spon-
dit, religiose observet, opus omnino erit, ut eadem
vice versa Sac. Reg. Majestati illisque, qui partes
ejus-

ejusdem secuti sunt, præstentur: qualis enim hæc esset pacificatio, si eam tantummodo in charta exarata haberemus, reipsa vero vindictæ occasionem aucuparemur. Miror esse aliquos, qui Excell. Vestram sollicitent, alia certe ipsorum fuit sponsio in comitiis & quam in scriptis dederunt obligatio, nimis cito in oblivionem abiit illud, si pars parti fidem servare renuat, recurrendum esse ad omnes generales confederationes: hinc novi motus in Republica, discordiæ & querimoniæ in conventibus, maxime in generali expeditione, si ultima nobilitatem convocandi necessitas ingrueret atque ita nosmet ipsi patriam jugularemus: Deberet sane Excell. Vestram movere imprimis metus futurorum malorum, eorum scilicet, quæ emergere possent ex occasione viri pleni annorum, gravissimis paroxysmis obnoxii, & quod caput est, spiritualis, imo Episcopi, cujus recta conscientia & amor pacis internæ stimulum dare utique debebat. Verum quidem anno præterito universalem cardinalium Jurium eversionem irrepsisse in Rempublicam & cum jam omnia hæc sint emendata, cum forma Reipublicæ antiqua sit restituta ergone hoc iterum pervertemus? Profecto tam præclarum pacificationis opus per latus Domini Episcopi Chelmenfis petere idem esset ac Rempublicam penitus interimere. Ingerit Excellentia Vestra se, si cautum sibi fuerit, non admissum iri imposterum consilia ista violenta, suos tum abjecturum scrupulos. Quis autem obsecro de violentis istis consiliis cogitat? Quis nova exoptat incendia post extinctam tam funestæ discordiæ flam-

flammam? Adjunxit Sacrae Regiae Majestati Respublica Consiliarios ex ordine Senatorio & Equestri ex primis primos, errare igitur in Consiliis Rex non poterit, si sensum addictorum sibi Consiliariorum sequatur, quos ego affirmare ausim nihil aliud mente vovere, quam ut Rempublicam ab immanitate Barbarorum & oppressione vindicent: Eum in finem in praeteritis comitiis tantas ad belli sumptus, novo & inaudito in hac Republica exemplo, contributiones decrevimus, quo sacra cultus Divini religionem & libertatem a Tyrannide Ottomannica protegeremus, nomenque infame tributi a gente libera profligaremus, & quare ad violenta nunc recurreremus consilia; nemini hoc unquam in mentem venit. Quod autem scrupuli isti non modo Excellentiae Vestrae, sed etiam domui ejus nocere debeant, id vero nec Regi curae unquam fuit nec visum mihi. Asserunt hoc non solum Regiae ad Excellentiam Vestram literae, sed & in meis expressi Regiae erga eandem domumque ejus gratiae documentum, nimirum sacram Regiam Majestatem, utut justam habuerit contra incisorem Regni offensam, nihilominus tamen eidem Podlachiae Palatinatum & Capitaneo Ostrzechoviensi Incisoratum Regni contulisse. Duos igitur e domo Excellentiae Vestrae una eademque vice honoribus auxit, quod sane non vindictae, sed gratiae documentum est: Quisquis itaque hisce mentem Excellentiae Vestrae turbat, is animum ejusdem a Principe alienum reddere, & vincula unionis ac amoris civilis dissolvere molitur. Quod porro ad Ordina-

tum

tum Nostrum attinet, quem Excellentia Vestra excludendum existimat, pro exemplo adducens illud, quod Posnaniz contigit, quando Excellentia Vestra literas ad Magnum Ducatum Lituaniz per Palatinum Vitepsensem perferendas subscribere noluit, id quidem tum temporis nec ego improbavi, quippe qui sententiam Excellentiz Vestraz secutus sum. Cæterum hoc in passu dispar videtur esse ratio ferendi consilii & administrationis officii Officialis Regni in Republica, quando Rex secundum legem distributivam exercet Justitiam & beneficium confert secundum constitutionem anni 1667. benemeritis & ætatis discretione bene vigentibus, quod ipsum ex sola Principis voluntate & instinctu divino pendet. Hanc gratiam divinam pariter ac Regiam Dominus Episcopus Chelmenfis expertus est, quippe sine ullis scrupulis ex Palatinatu ad Episcopatum evectus, ergo ipsi ad Cujavensem quoque ascendere licuit, si infamis ille fuisset ac per rigorem Juris capite diminutus procul dubio nullum in senatu habuisset locum, non secus ac quondam Episcopo Smolenscensi contigerat, quem in coronatione divi Regis Casimiri, similem ob causam, senatu moverunt. Hic res secus se habet in persona Episcopi Chelmenfis, posset enim hinc suspicio enasci, propterea quod partes Regias secutus fuerit, vindictam ab ipso summi in convulsionem pacificationis generalis, quæ ut Excellentiz Vestraz imputetur, ego quidem haud optaverim, quin potius eandem obtestor, ut a se amovere hoc odium quamprimum velit. Circa finem Epistolæ Excellentia Vestra subjungit, si per fidem

fidem publicam secura fuerit reddita, quod in eandem calamitatem non recidamus, mox omnem se præstituram Sacrae Regiae Majestati submissionem & venerationem. Quanam vero major esse potest securitas ea, quam Respublica præstat, quæ etiam Regem comprehendit? Quodnam fortius vinculum dato ad Lublinum diplomate, quod Jureamento Regis firmatum, hicque Varſaviæ volumini Legum insertum fuit? Tunc temporis quando populus contra Regem insurrexerat & cognatæ acies invicem committebantur, jamque ad conflictum deventum erat, non majores nexus, non strictiora pacta sancita fuerunt illis, quæ ad Lublinum Regi præscriptissimus, præcavendo, ne Sacra Regia Majestas exemplum hoc tempore futuro in consequentiam traheret, hoc ipso sat securitatis Nobis præstitum. Denique etiam tempus edax rerum omnes consumet diffidentias & post liberatam a Christiani nominis hoste Rempublicam optatam Nobis quietem & tranquillitatem reddet. Nul-
lus igitur dubito, quin Excellentia Vestra, pro consummata sua prudentia, satis jam perspectura sit, quid primum Patriæ, deinde quid Excellentia Vestra ac tandem Nobis omnibus conducatur, nimirum quies & tranquillitas. Dat. Varſaviæ die 16. Junii 1673.

DLXXXV.

Littera CAROLI XI. Suecorum Regis, ad LEOPOLDUM, Roman. Imperatorem, quibus eum, ne alma pacis trucis belli consiliis postponendo, Germaniam, ac cum ea universam Europam in ineluctabilis ruina abyssum præcipitet, serio & amice hortatur, 1673. Sere-

Serenissime & Potentissime Imperator,
Frater, Consanguinee & Amice
charissime.

Qua egregium publicum promotum ivimus cura, quave sollicitudine ac fide reducendæ paci studuimus, nemini non compertum speramus, ac imprimis Majestati Vestræ comprobatum, quod eam, quam initio præsentium motuum Majest. Vestræ exponi fecimus, consiliorum nostrorum metam, sincere ac ab omni partium studio alieni secuti simus, adjuvandi nimirum ac connitendi serio, quo illud, quod licet in nostra potestate non erat, plane prævertendi belli incendium, tamen ne innoxios pro lubitu vicinos simul corriperet, quantocyus etiam sisti posset ac extingui. Concessit etiam Divina clementia, quod opera salutari huic Pacis negotio per Nos & Nostros hætenus adhibita non plane in cassum ceciderit, cum Potentiæ belligerantes in officia mediationis nostræ prompto compromiserint animo, ac de cætero etiam consenserint, quo præliminariis ardui hujus operis complanatis, manus ipsis mutuo removendis dissidiis (faxit Deus feliciter!) ac ad sanandum illud, quo tota gens Christiana simul laborat ac languefcit, belli vulnus, admoveri possit. Nollemus etiam de exoptato hujus voti successu desperare, modo res in statu, quo jam versatur, servari ac atræ nubes illæ derivari possent, quæ undique exsurgere, ac majorem, quam hætenus perpeffi, minitari videntur tempestatem; Etenim quamvis apud ambos, qui contra Hollandos bellum gerunt Re-

ges,

ges, certis & solennibus pactis æquam ac honestam pro dicta Republica stipulati simus pacem, quamvis etiam nova desuper habeamus promissa, nec vanam spem, posse per armistitium universale prima parari auspicia huic, quam Christianus Orbis tam anxie circumspicit, pacificationi; Verum cum rumor circumferatur, & de una in alteram diem magis invaleseat, constituisse Majestatem Vestram sua iterum expedire arma, & ea fotti illis opponere conatu, quo querelis turbata: in Imperio quietis ubique onerati percepimus: Nolumus etiam hanc in dubium vocare causam, nec inculpare remedium, quod Majestas Vestra cum unanimi procul dubio Ordinum Imperii, quorum tanti interest, suffragio ac consilio sanando huic morbo judicavit adequatum, cum id a Majestate Vestra summo promovendi publici boni studio proficisci & Imperatorii muneris esse sciamus, securitati prospicere Imperii ac præstare, ne illud detrimenti quid capiat, hoc est, ne ejus Status ac membra contra sanctiones ac publicæ pacis pacta impune graventur. Verum cum hoc quod alias foret maxime salutare propositum, etiam cogitata frustrari, inimica vicinorum Regum arma in Imperii viscera attrahere, illud difficili & in multos annos duraturo bello exponere, ansam & occasionem interea trucibus Barbaris ad debellandum Christianæ gentis antemurale, cum semper invigilent ejus diffidius, præbere, omnem reducendæ tandem tranquillitatis spem ac media præscindere, ac multa & innumera producere possit pejora; Non possumus aliter cura publici boni moti & anxii, quin

Majestati Vestræ hæc omnia, quæ non immerito ex nova illa expeditione veremur, mala repræsentemus, certo certius nobis promittentes, quod, quemadmodum Majestas Vestra cuncta sua hactenus gesta non nisi ad censuram Pietatis, Justitiæ ac reliquarum, quæ Imperatorem ornant, ac bonum designant, virtutum probe examinata executioni mandaverit, ita etiam a Majestate Vestra hoc, quo non difficilius ac magis arduum hac rerum facie videmus negotium, adhuc ulterius, antequam in effectum producat perpensum ac soli ultimæque necessitati reservatum iri; Quod a Majestatis Vestræ summa Prudentia & in rem communem probato studio Nos eo facilius obtenturos confidimus, quo bene etiam recorde-
mur, exposuisse id ipsum Majestatem Vestram jam pridem Instrumenti pacis Monasteriensis Artic. Et ut eo sincerior &c. in eum modum, qui etiam basis nostri cum Gallia initio fœderis & innixa æquo ac genuino Pacis sensu, ac propterea Anno 1670. cum Plenipotentiaris Regis Galliarum specialius adhuc in hujus favorem desuper transgisse, cum etiam spem foveamus certam, causam, quæ Majestatem Vestram ad expeditionem hanc militarem induxit, brevi cessaturam, per motis ad sistendam per cessationem armorum suam utrinque iram ac funestos ejus effectus omnibus belligerantibus per intensas ac arduas istas, quas nuper alte memoratis Regibus literis ac ore tenus proponi fecimus rationes, ac persuaso imprimis Galliarum Rege, quo suas, quas in Imperio co-
pias

pias & quæ non nisi capiti ac membris ejusdem molestiæ ac suspicioni esse possint, sine mora revocare, illamque quæ leges pacis iis, promittunt, securitatem illâsam ac intemeratam reddere velit, quo super justo desiderio nostro per Responsum Gallico Legato, qui ad aulam Nostram commoratur, & Guarantiam Pacis Westphalicæ enixe requirit, nuper dato, animi sensu nostri uberius exposuimus, & de prospero voti hujus nostri successu eo minus dubitamus, quod Rex Christianissimus per solemnem quandam declarationem hæc omnia nobis non solum stipulatus, verum etiam ubique in Imperio ista sua evulgari fecit promissa, quemadmodum Consiliarius noster Status Bremensis, Esaias Puffendorff, Majestatem Vestram de his & quæ ipsi præterea in mandatis dedimus, certiore reddet, Nobis persuadentes, Majestatem Vestram dictis Consilarii nostri plenam adhibituram fidem ad literas has nostras ex amico, quo in Majestatis Vestræ & publici emolumentum ac salutem ferimur, animo profectus, in meliorem partem interpretaturam. Quibus Majestatem Vestram summi Numinis Tutelæ ad quævis prospera commendamus. Dabantur in Civitate nostra Gothenburgi 7. Augusti 1673.

Majestatis Vestræ

*Boni Frater, Consanguineus &
Amicus*

CAROLUS.

Responsoria. LEOPOLDI, Romanorum Imperatoris, ad proxime precedentes CAROLI XI. Succorum Regis literas, quibus se extra omnem presentis mali culpam, Regem Galliarum vero omnium malorum causam & autorem esse clare demonstrat, 1673.

Serenissime & Potentissime Princeps, Con-
sanguine & Frater Charissime.

QUas ad Nos Serenitas Vestra Gothenburgi 7. præteriti Anni Mensis Augusti dederat, eas primum 24. subsecuti Mensis Septembris recepimus literas, quarum tenor in eo summatim consistit, quod ad extinguendum belli inter Galliam & ejus Confœderatos, nec non Unitos Belgii Ordines exorti incendium, & ne hujus flamma etiam innoxios vicinos corripere, Mediationis officium suscepit, neque de optatos successu dubitet, imo etiam non vanam spem habeat, posse per universale Armistitium justæ pacificationi prima parari auspicia, si res in moderno statu servarentur: Cum vero rumor increbuerit, Nos iterum contra eos, quos turbata pacis arguimus, Nostra arma expedire, nolle quidem Vestram Serenitatem inculpare remedium, cum unanimi procul dubio Statuum Imperii suffragio conclusum, cum muneris Nostri Imperatorii ratio exigat, Imperio prospicere, & ne ejus Status impune graventur, præstare, attamen cum id, quod alias maxime foret salutare, Romanum Imperium bello diuturno involvere & vicinorum Regum arma in Imperium attrahere & occasionem Bar-
baris

baris ad debellandum Christianæ Gentis antemurale præbere possit. Inde Vestram Serenitatem hæc omnia Nobis repræsentare voluisse; nihil ambigendo; quod, quemadmodum huc usque actiones Nostras ad Cynosuram pietatis & Justitiæ direxerimus, ita & tanti momenti negotium adhuc ulterius perpensuri, ac soli ultimæ necessitati reservaturi simus, maxime cum & Nos super Articulo: Et ut eo sincerior &c. in pace Monasteriensi comprehenso (cui etiam, tanquam basi Serenitatis Vestræ cum Gallia initum fœdus nititur) per conventionem cum Plenipotentiaro Gallico pactam specialius transegerimus, & insuper certa spes affulgeat, Regem Galliarum suas, quas in Imperio habet, Copias & quæ non nisi nobis & Statibus suspitioni esse possent, sine mora revocaturum, ac justo Serenitatis Vestræ desiderio, Legato Gallico apud Aulam suam commoranti & Guarantiam pacis Westphalicæ enixe requirenti pluribus exposito satisfacturum fore, præsertim cum Rex Galliarum per solennem quandam declarationem hæc Vestræ Serenitati sit stipulatus, & hoc idem in Imperio divulgari fecerit, prout de his omnibus ejusdem Consiliarius Status Breniensis Esaias Puffendorff Nos certiores reddet, cui nos fidem adhibere & memoratas literas eo animo, quo in nos & publicum emolumentum sua Serenitas fertur, profectas in meliorem partem interpretari velimus &c. Ad quæ singula Serenitati Vestræ reponimus, quod quemadmodum ab ejus optima mente ad restaurandam pacem securam, justam & universalem nihil ambigimus, ita sane Nos ad hanc in Imperio Romano confer-

vandam omnem operam magna cura & sollicitudine impenderimus: Cujus sane memorata conventio inter Nos & Regem Galliarum prima Novembris Anno millesimo sexcentesimo septuagesimo primo inita, evidens est argumentum: Nam quantumvis dicti articuli tenorem, Et ut eo sincerior &c. eo modo, quo hunc Gallia interpretatur, nunquam intellexerimus, nec in ejusmodi explicationem Nos cum Ordinibus Imperii consenserimus, nihilominus ex solo pacis amore nos in allegata conventionem obstrinximus, si Galliarum Rex pacem Monasteriensem & Aquisgranensem observaverit, & extra fines & Imperii Circulos terras aut feuda, bellum præactis Ordinibus intulerit, Nos in eum casum nullum contra Galliam cum his foedus conclusuros, ita tamen, ut semper Nobis sit integrum pro conservatione pacis Westphalicæ & Provinciarum Nostrarum hæreditariarum cum quibuslibet foedera pangere, nec non Garantigiam pacis Olivenfis & Clivenfis præstare, quæ, cum in expressam stipulationem fuerint inter Nos & Regem Galliarum deducta Serenitati Vestræ, & omnibus rem æqua lance expendentibus discernendum relinquimus, an liceat memorato Regi contra clarissimum dictæ conventionis, nec non pacis Monasteriensis & Constitutionum Imperii tenorem, ingentem exercitum sine Nostro & Statuum consensu in Imperium expedire, & ex hujus feudis & ditionibus Hollandos bello impetere, Urbes & Castella nullo Hollandico Milite infesta occupare, ea huc usque detinere, pro lubitu destruere vel munire, hospitales cum summo multorum Statuum dispendio designare,

Colo-

Colonienſem Electorem & Episcopum Monaſte-
rienſem, quantumvis uniti Belgii Ordines pro Con-
ſortibus pacis Oſnabruggenſis denominati fuerint,
in ſocietatem belli offenſivi nulli Statui Imperii,
imo nec Nobis, niſi conſenſus & ſuffragium Ordi-
num acceſſerit, permiſſi attrahere, pontem Argen-
toratenſem comburere, ejusque reparationem in
ſpretum concludi in Ratiſbonenſibus Comitiiſ facti,
prohibere, & plura alia hoſtilia in Terris & terri-
torio Imperii perpetrare. Sane, cum, ut Sereni-
tas Veſtra ipſamet admittit, Imperatorii Noſtri mu-
neris ratio exigat, providere, ne imperium detri-
menti quid capiat, nullus æquus arbiter improbare
potuiſſet, ſi eoſq; arma Noſtra ante annum in Im-
perium expedita itidem retinuiſſemus, donec No-
bis memoratarum contraventionum cauſa, debita
ſatiſfactio obtiguiſſet: verum tanto pacis & concor-
diæ ſtudio afficiebamur, ut poſtquam maximam
reſtaurandæ tranquillitatis ſpem in mediatione Ve-
ſtræ Serenitatis poſuerimus, & etiam Rex Galliæ
ſe Copias ſuas ex Imperio retractaturum poſt trans-
actionem cum Electore Brandenburgensi, ſi idem
& nos fecerimus, vulgaverit, Nos primi Legiones
Noſtras ex Imperio revocaverimus, & hiſce Pro-
vincias Noſtras contra proprii Status rationes oner-
averimus, non tam Noſtrum, quam univerſum
Imperii emolumentum, conſiderantes: tantum
vero abſuit, ut dictus Galliarum Rex memoratæ de-
clarationi ſteterit, ut potius deinde majori milite
Germaniam poſt revocatas Copias Noſtras inun-
daverit, tam Nobis, quam illis, qui a partibus No-
ſtris ſteterunt, bellum minitatus fuerit, Friedber-

gam & arcem Imperialem, Noſtris militibus per vim ad deditiōem coactis & etiam Selingſtadium & Aſchaffenburgum occupaverit, præſertim Electoris Trevirenſis ditiones ferro & igne, priuſquam Nos Copias Noſtras in Imperium denuo expedivimus, deplorandum in modum, licet hic nullo fœdere, aut pacto Hollandis ſit devinctus, & Regis Gallicarum, quantum obligatio, qua Nobis, & Imperio tenetur, admittebat, extiterit obſervantiſſimus, nullam aliam ob cauſam, quam quod inexpugnabili conſtantia fidem ſanctiſſimo Juramento Nobis, & imperio obligatam violare noluerit, devaſtaverit, uno & ipſam Archiepiſcopatus Metropolim, licet Gallicus Plenipotentiaris Gravelus paulo ante in publicis Ratiſbonenſibus Comitibus hanc vaſtationem per Chiliarchas Gallicos ſine Regis mandato peractam, fucose affirmaverit, per vim expugnaverit, prætexendo, quod dictus Elector Hollandis fœdere ſit illigatus, & quod Hiſpani præactam Metropolim ſui juris facere voluerit; cum vero nec unum nec alterum ullo nitatur fundamento, Nos rebus ita ſtantibus & cum perniciem & exoidium fidelibus Imperii ſtatibus parari, & omnem tempeſtatem Nobis ipſis illico niſi tanto periculo obviam iremus incumbere, bellumq; ex bello feri viderimus, vel inviti ob tam juſtas & inexsuperabiles cauſas Copias Noſtras denuo in Imperium expedire & vim totis illatam viribus repellere, adacti ſumus, nihil dubitantes, quod ſi hæc Serenitas Veſtra, & quanta interea hoſtilia contra Nos & univerſum Imperium & ſingulariter contra decem unitas Alſatiæ Civitates loco protectionis debitæ, mœnibus, propugnaculis

culis, tormentis & armis exutas, & ad extremas incitas redactas in ludibrium Arbitrii & compromissi, cujus in partem etiam Serenitas Vestra assumpta fuit, Ratisbonæ pendentis parata sint, perpende- rit, quin eadem arbitra, & Judice, singula ad quæ Nos nostræ & Imperii securitatis & defensionis omni jure permessa ratio impulit, facile sint approbanda, cum in hoc rerum curriculo nullum plane aliud re- medium tanto malo & invasioni retundendæ adæ- quatum occurrerit, nec nos ad defendendum Impe- rium, aut nostras Provincias novo Imperii Statuum consensu indigeamus, potius vero ex Imperatorio nostro munere hoc Juris habeamus, ut imperium contra aggressores omni modo tueamur: Unde & sæpe memoratus Galliarum Rex Nos foederis, quod cum Generalibus Belgii foederati Ordinibus ante annum circiter pepigimus, eo minus arguere pote- rit, cum hujus tenor nihil aliud ostendat, quam Nos ad mantentionem pacificationis Westphalicæ, Clivensis & Aquisgranensis cum Electore Branden- burgico, & nominatis Belgii Ordinibus convenisse: In quo sane adeo contra tabulas pacis Monasterien- sis, omni statui Imperii foederum facultatem pro de- fensione sua certo modo & lege permittentis, nihil commisimus, ut potius Rex Galliarum hoc ipsum in antecessum, vi præactæ conventionis 1. No- vembriis 1671. conclusæ verbis disertis approbave- rit & non duntaxat, ut Garantigiam Pacis Aquis- granensis & Clivensis præstare, sed & insuper eum quibuslibet foedera pro conservatione dictæ pacis Westphalicæ, Regnorum ipsidem & Provinciarum

mus, cum vero eo minus promoveri potuerimus, cum Mediatores, Electores scilicet Moguntinum, Bavarum & Ducem Brunsuicensem-Zellensem pro componendis cum Imperio controversiis hucusque Rex Galliarum non admiserit, atque adeo omnis Compositionis & Tractatus viam præcluserit: quam, si Serenitas Vestra officiorum suorum interpositione aperire, & admissionem dictorum Mediatorum evincere potuerit, Rem Nobis sane gratissimam fecerit, qui interim Plenipotentia-riis Nostri Coloniarum existentibus denuo commissimus & demandavimus, ut dictam pacem & Media, per quæ obtineri potest, omni studio & conatu promoveant; prout hæc & alia plura Serenitati Vestra Illustris, Noster Consiliarius, Camera-rius, & Vice-Cancellarius in Regno Bohemiarum, fidelis Nobis dilectus, Uratislaus Comes de Sternberg, Dominus in Zasmuck, Molotiz & Hostiz, cui plenam fidem adhiberi volumus, nomine nostro exponet, quæ etiam suo Residenti, dicto de Pusendorff, insinuari curavimus, nihil ambigentes, quod sua Serenitas Justitiam armorum nostrorum clare agnitura, & non duntaxat, nullam Guarantiam Pacis Monasteriensis Regi Galliarum promissura, ut potius hanc Nobis & Imperio, vi asscuratio-nis in pacificatione Westphalica conventæ, sit præstitura. Cui etiam annos plurimos & prosperos rerum successus exoptamus, Nostrum fraternum affectum in omne tempus confirmantes. Datum in Civi-tate Nostra Græcii die 3. Octobris, Anno millesi-mo sexcentesimo, septuagesimo tertio, Regno-rum

rum Noſtrorum, Romani decimo ſexto, Hungarici decimo nono, Bohemiſi vero decimo octavo.

Serenitatis Veſtræ

Bonus Frater & Conſanguineus

LEOPOLDUS.

DLXXXVII.

Littera LEGATORUM SUECICORUM, Mediatorum vices ſuſtinentium, ad PLENI-POTENTIARIOS BELGICOS, quibus ipſis poſtulata Regi Magna Britanniæ recenſent, 1673.

Excellentiſſimi Domini.

CUm ultimis currentis, ad nos datis literis Eminentiæ Veſtræ de Regis, ejuſq; Conſederatorum prætenſionibus, e quibus pax cudi poſſet, informari deſiderarint; ſignificamus nos unice deſideraſſe (remiſſis jam plurimum per amborum Regum Legatos prætenſionibus) ut Eminentiæ Veſtræ plura ultro adverſæ parti offerrent, oblata etiam majoris moderationis anſa parti contrariæ inſtandi; verum, cum inſtantius a nobis ſæpe iteratis, ſtatuta Dominiſſorum Statuum mandata oppoſuerint, ultroque inſtiterint, ut de prætenſionibus amborum Regum ſubdelegatorum informarentur, ideo luculentius ea, quæ nobis innotescunt, effari volumus. Jam Veſtras Eminentiæ edocui-mus, Dominos Angliæ Legatos, ſeſe nobis 20. menſis præterlapſi, quo ad totalem immunitatis loco-
rum

DLXXXVI.

Responsorie LEOPOLDI, Romanorum Imperatoris, ad proxime præcedentes CAROLI XI. Suecorum Regis literas, quibus se extra omnem præsentis mali culpam, Regem Galliarum: vero omnium malorum causam & autorem esse clare demonstrat, 1673.

Serenissime & Potentissime Princeps, Con-
sanguine & Frater Charissime.

Quas ad Nos Serenitas Vestra Gothenburgi 7. præteriti Anni Mensis Augusti dederat, eas primum 24. subsecuti Mensis Septembris recepimus literas, quarum tenor in eo summatim consistit, quod ad extinguendum belli inter Galliam & ejus Confœderatos, nec non Unitos Belgii Ordines exorti incendium, & ne hujus flamma etiam innoxios vicinos corripere, Mediationis officium suscepit, neque de optatos successu dubitet, imo etiam non vanam spem habeat, posse per universale Armistitium justæ pacificationi prima parati auspicia, si res in moderno statu servarentur: Cum vero rumor increbuerit, Nos iterum contra eos, quos turbata pacis arguimus, Nostra arma expedire, nolle quidem Vestram Serenitatem inculpate remedium, cum unanimi procul dubio Statuum Imperii suffragio conclusum, cum muneris Nostri Imperatorii ratio exigat, Imperio prospicere, & ne ejus Status impune graventur, præstare, attamen cum id, quod alias maxime foret salutare, Romanum Imperium bello diuturno involvere & vicinorum Regum arma in Imperium attrahere & occasionem Bar-
baris

baris ad debellandum Christianæ Gentis antemurale præbere possit. Inde Vestram Serenitatem hæc omnia Nobis repræsentare voluisse, nihil ambigendo, quod, quemadmodum huc usque actiones Nostras ad Cynosuram pietatis & Justitiæ direxerimus, ita & tanti momenti negotium adhuc ulterius perpensuri, ac soli ultimæ necessitati reservaturi simus, maxime cum & Nos super Articulo: Et ut eo sincerior &c. in pace Monasteriensi comprehenso (cui etiam, tanquam basi Serenitatis Vestræ cum Gallia initum fœdus nititur) per conventionem cum Plenipotentiaro Gallico pactam specialius transegerimus, & insuper certa spes affulgeat, Regem Galliarum suas, quas in Imperio habet, Copias & quæ non nisi nobis & Statibus suspitioni esse possent, sine mora revocaturum, ac justo Serenitatis Vestræ desiderio, Legato Gallico apud Aulam suam commoranti & Guarantiam pacis Westphalicæ enixe requirenti pluribus exposito satisfacturum fore, præsertim cum Rex Galliarum per solennem quandam declarationem hæc Vestræ Serenitati sit stipulatus, & hoc idem in Imperio divulgari fecerit, prout de his omnibus ejusdem Consiliarius Status Bremensis Esaias Puffendorff Nos certiores reddet, cui nos fidem adhibere & memoratas literas eo animo, quo in nos & publicum emolumentum sua Serenitas fertur, profectas in meliorem partem interpretari velimus &c. Ad quæ singula Serenitati Vestræ reponimus, quod quemadmodum ab ejus optima mente ad restaurandam pacem securam, justam & universalem nihil ambigimus, ita sane Nos ad hanc in Imperio Romano conser-

vandam omnem operam magna cura & sollicitudine impenderimus: Cujus sane memorata conventio inter Nos & Regem Galliarum prima Novembris Anno millesimo sexcentesimo septuagesimo primo inita, evidens est argumentum: Nam quantumvis dicti articuli tenorem, Et ut eo sincerior &c. eo modo, quo hunc Gallia interpretatur, nunquam intellexerimus, nec in ejusmodi explicationem Nos cum Ordinibus Imperii consenserimus, nihilominus ex solo pacis amore nos in allegata conventionem obstrinximus, si Galliarum Rex pacem Monasteriensem & Aquisgranensem observaverit, & extra fines & Imperii Circulos terras aut feuda, bellum præactis Ordinibus intulerit, Nos in eum casum nullum contra Galliam cum his foedus conclusuros, ita tamen, ut semper Nobis sit integrum pro conservatione pacis Westphalicæ & Provinciarum Nostrarum hæreditariarum cum quibuslibet foedera pangere, nec non Garantigiam pacis Olivenfis & Clivenfis præstare, quæ, cum in expressam stipulationem fuerint inter Nos & Regem Galliarum deducta Serenitati Vestræ, & omnibus rem æqua lance expendentibus discernendum relinquimus, an liceat memorato Regi contra clarissimum dictæ conventionis, nec non pacis Monasteriensis & Constitutionum Imperii tenorem, ingentem exercitum sine Nostro & Statuum consensu in Imperium expedire, & ex hujus feudis & ditionibus Hollandos bello impetere, Urbes & Castella nullo Hollandico Milite infesta occupare, ea huc usque detinere, pro lubitu destruere vel munire, hospitationes cum summo multorum Statuum dispendio designare,

Colo-

Colonienſem Electorem & Episcopum Monaſte-
rienſem, quantumvis uniti Belgii Ordines pro Con-
ſortibus pacis Oſnabruggenſis denominati fuerint,
in ſocietatem belli offenſivi nulli Statui Imperii,
imo nec Nobis, niſi conſenſus & ſuffragium Ordinum acceſſerit, permiſſi attrahere, pontem Argen-
toratenſem comburere, ejusque reparationem in-
ſp̄retum concluſi in Ratiſbonenſibus Comitiiſ facti,
prohibere, & plura alia hoſtilia in Terris & terri-
torio Imperii perpetrare. Sane, cum, ut Sereni-
tas Veſtra ipſamet admittit, Imperatorii Noſtri mu-
neris ratio exigat, providere, ne imperium detri-
menti quid capiat, nullus æquus arbiter improbare
potuiſſet, ſi eouſq; arma Noſtra ante annum in Im-
perium expedita itidem retinuiſſemus, donec No-
bis memoratarum contraventionum cauſa, debita
ſatiſfactio obtiguiſſet: verum tanto pacis & concor-
diæ ſtudio afficiebamur, ut poſtquam maximam
reſtaurandæ tranquillitatis ſpem in mediatione Ve-
ſtræ Serenitatis poſuerimus, & etiam Rex Galliæ
ſe Copias ſuas ex Imperio retractaturum poſt trans-
actionem cum Electore Brandenburgensi, ſi idem
& nos fecerimus, vulgaverit, Nos primi Legiones
Noſtras ex Imperio revocaverimus, & hiſce Pro-
vincias Noſtras contra proprii Status rationes oner-
averimus, non tam Noſtrum, quam univerſum
Imperii emolumentum, conſiderantes: tantum
vero abſuit, ut dictus Galliarum Rex memoratæ de-
clarationi ſteterit, ut potius deinde majori milite
Germaniam poſt revocatas Copias Noſtras inun-
daverit, tam Nobis, quam illis, qui a partibus No-
ſtris ſteterunt, bellum minitatus fuerit, Friedber-

gam & arcem Imperialem, Nostros militibus per vim ad deditionem coactis & etiam Selingstadium & Aschaffenburgum occupaverit, præsertim Electoris Trevirensis ditiones ferro & igne, priusquam Nos Copias Nostras in Imperium denuo expedivimus, deplorandum in modum, licet hic nullo fœdere, aut pacto Hollandis sit devinctus, & Regis Gallicarum, quantum obligatio, qua Nobis, & Imperio tenetur, admittebat, extiterit observantissimus, nullam aliam ob causam, quam quod inexpugnabili constantia fidem sanctissimo Juramento Nobis, & imperio obligatam violare noluerit, devastaverit, uno & ipsam Archiepiscopatus Metropolim, licet Gallicus Plenipotentiarius Gravelus paulo ante in publicis Ratisbonensibus Comitibus hanc vastationem per Chiliarchas Gallicos sine Regis mandato peractam, fucose affirmaverit, per vim expugnaverit, prætexendo, quod dictus Elector Hollandis fœdere sit illigatus, & quod Hispani præactam Metropolim sui juris facere voluerit; cum vero ne unum nec alterum ullo nitatur fundamento, Nos rebus ita stantibus & cum perniciem & exodium fidelibus Imperii Statibus parari, & omnem tempestatem Nobis ipsis illico nisi tanto periculo obviam iremus, incumbere, bellumque ex bello feri viderimus, vel inviti ob tam justas & inexsuperabiles causas Copias Nostras denuo in Imperium expedire & vim totis illatam viribus repellere, adacti sumus, nihil dubitantes, quod si hæc Serenitas Vestra, & quanta interea hostilia contra Nos & universum Imperium & singulariter contra decem unitas Alsariæ Civitates loco protectionis debita, moribus, propugnaculis

eulis, tormentis & armis exutas, & ad extremas incitas redactas in ludibrium Arbitrii & compromissi, cujus in partem etiam Serenitas Vestra assumpta fuit, Ratisbonæ pendentis parata sint, perpenderit, quin eadem arbitra, & Judice, singula ad quæ Nos nostræ & Imperii securitatis & defensionis omni jure permilla ratio impalit, facile sint approbanda, cum in hoc rerum curriculo nullum plane aliud remedium tanto malo & invasioni retundendæ adæquatum occurrerit, nec nos ad defendendum Imperium, aut nostras Provincias novo Imperii Statuum consensu indigeamus, potius vero ex Imperatorio nostro munere hoc Juris habeamus, ut imperium contra aggressores omni modo tueamur: Unde & sæpe memoratus Galliarum Rex Nos fœderis, quod cum Generalibus Belgii fœderati Ordinibus ante annum circiter pepigimus, eo minus arguere poterit, cum hujus tenor nihil aliud ostendat, quam Nos ad mantentionem pacificationis Westphalicæ, Clivenfis & Aquisgranensis cum Electore Brandenburgico, & nominatis Belgii Ordinibus convenisse: In quo sane adeo contra tabulas pacis Monasteriensis, omni statui Imperii fœderum facultatem pro defensione sua certo modo & lege permittentis, nihil commisimus, ut potius Rex Galliarum hoc ipsum in antecessum, vi præactæ conventionis 1. Novembris 1671. conclusæ verbis disertis approbaverit & non duntaxat, ut Guarantigiam Pacis Aquisgranensis & Clivenfis præstare, sed & insuper eum quibuscunque fœdera pro conservatione dictæ pacis Westphalicæ, Regnorum ipsidem & Provinciarum

nostrarum securitate, & tuitione pangere possimus, omnino consenserit, nec etiam illæsa pace Monasteriensi dissentire potuerit; Quæ, cum Nobis, etiam in eum casum, si Gallia dictæ conventioni de anno 1671. initæ stetisset, licuissent, facile Serenitas Vestra dijudicabit, quid post tot contraventiones, contra tenorem indigitatæ pacis Monasteriensis & sæpe nominatæ singularis Conventionis ex parte Galliæ subsecutas Nobis sit promissum, cum nihil durius a Nobis expostulari posset, quam ut Galliæ contra conventa pro lubitu agere sit integrum, Nos vero pactis & pacificationibus, quas illa toties infregit & in dies infringit, nisi ipsa prior in contrarium acta debite reparaverit, stare & quævis hostilia sufferre teneamur, quod sicuti nullus, nisi affectibus suis nimis indulgens, affirmaverit, ita & universo orbi patet, nullam Nobis, qui nostris contenti viximus, turbatæ pacis culpam, merito vero Galliarum Regi imputari, qui Nepotem nostrum amantissimum Regem Catholicum post mortem parentis gravi bello, non attenta ejus pupillari ætate, afflixit, Leutharingiæ Ducem e suis Ditionibus ejecit, & bellum ex bello derivans, arma non solum contra Hollandiam, sed & Germaniam, nova semper utpote potentia augmenta quærendo, expedit, neque enim hujus declaratio, de qua Vestra Serenitas in literis meminit, ita se habet, ut per hanc, vel Nobis vel Imperio Romano ulla Securitas tribueretur, aut quid, quod æquitati & Justitiæ congruum est, peteretur; quæ eo principaliter tendit, ut Coloniensi Electori, & Episcopo Monasteriensi in bello
contra

contra Hollandos inito suscepto pergere liceat, nec non, ut nos non tantum omni cum Hollandis inito foederi renunciemus, sed nec in futurum ullum aliud cum his concludamus; quæ cum dictæ conventioni Anno 1671. initæ e diametro, imo & Paci Monasteriensi, plane repugnent; utpote quæ non admittit, ut unus aut alter Statuum bello offensivo externos impetat, sed ad hoc tam Noster quam Ordinum Sacri Romani Imperii consensus requiratur; E contra vero his & multo magis Nobis pro defensione certo modo, uti memoratum, foedera pangere sit concessum, satis patet, novam a Nobis, qui semper præactam pacem Monasteriensem exacte observare promissimus, & hoc opere ipso adimplevimus, declarationem, aut obligationem dictæ Conventioni & Pacificationi Monasteriensi contrariam eo minus exigi, aut Nobis Novas leges & conditiones obtrudi potuisse, cum etiam post tot contraventiones a Gallia commissas, vi foederis cum Hollandis priore Anno Nobiscum initi non ultra, quam, ut dictæ pacificationes, Westphalica scilicet, Clivensis & Aquisgranensis illæ & salvæ maneant, astrinximus, nec ullas suppetias in Hollandiam miserimus, vel mittere polliciti fuerimus, quantumvis ex gravissimis & urgentissimis causis, maxime post tot Contraventiones Gallicas, id ipsum facere jus & fas Nobis fuerit: Quæ singula non eo intelligi volumus, quasi Nos pacem cum Rege Galliarum recusemus, cum, uti nunquam, ita ne jam quidem ab amicabili, æquaque compositione abhorreamus, imo hanc, si constans, segura, & universalis haberi potest, vel maxime desideremus,

mus, eam vero eo minus promoveri potuerimus, cum Mediatores, Electores scilicet Moguntinum, Bavarum & Ducem Brunsvicensis-Zellensem pro componendis cum Imperio controversiis hucusque Rex Galliarum non admiserit, atque adeo omnis Compositionis & Tractatus viam præcluserit: quam, si Serenitas Vestra officiorum suorum interpositione aperire, & admissionem dictorum Mediatorum evincere potuerit, Rem Nobis sane gratissimam fecerit, qui interim Plenipotentia-riis Nostri Coloniarum existentibus denuo commissimus & demandavimus, ut dictam pacem & Media, per quæ obtineri potest, omni studio & conatu promoveant; prout hæc & alia plura Serenitati Vestre Illustris, Noster Consiliarius, Camera-rius, & Vice-Cancellarius in Regno Bohemiarum, fidelis Nobis dilectus, Uratislaus Comes de Sternberg, Dominus in Zasmuck, Molotiz & Hostiz, cui plenam fidem adhiberi volumus, nomine nostro exponet, quæ etiam suo Residenti, dicto de Pufendorff, insinuari curavimus, nihil ambigentes, quod sua Serenitas Justitiam armorum nostrorum clare agnitura, & non duntaxat, nullam Guarantiam Pacis Monasteriensis Regi Galliarum promissura, ut potius hanc Nobis & Imperio, vi asssecurationis in pacificatione Westphalica conventæ, sit præstitura. Cui etiam annos plurimos & prosperos rerum successus exoptamus, Nostrum fraternum affectum in omne tempus confirmantes. Datum in Civitate Nostra Græcii die 3. Octobris, Anno millesimo sexcentesimo, septuagesimo tertio, Regno-

rum Noſtrorum, Romani decimo ſexto, Hungarici decimo nono, Bohemiſi vero decimo octavo.

Serenitatis Veſtræ

Bonus Frater & Conſanguineus

LEOPOLDUS.

DLXXXVII.

Littera LEGATORUM SUECICORUM, Mediatorum vices ſuſtinentium, ad PLENI-POTENTIARIOS BELGICOS, quibus ipſis poſtulata Regiſ Magnæ Britanniæ recenſent, 1673.

Excellentiſſimi Domini.

Cum ultimis currentis, ad nos datis literis Eminentia Veſtræ de Regis, ejuſq; Conſederatorum prætenſionibus, e quibus pax cudi poſſet, informari deſiderarint; ſignificamus nos unice deſideraſſe (remiſſis jam plurimum per amborum Regum Legatos prætenſionibus) ut Eminentia Veſtræ plura ultro adverſæ parti offerrent, oblata etiam majoris moderationis anſa parti contrariæ inſtandi; verum, cum inſtantiis a nobis ſæpe iteratis, ſtatuta Dominorum Statuum mandata oppoſuerint, ultroque inſtiterint, ut de prætenſionibus amborum Regum ſubdelegatorum informarentur, ideo luculentius ea, quæ nobis innotescunt, effari volumus. Jam Veſtras Eminentias edocui-mus, Dominos Angliæ Legatos, ſeſe nobis 20. menſis præterlapſi, quo ad totalem immunitatis loco-
rum

rum cessionem, quam petierunt, hac tamen conditione, ut D. D. Status Generales eis sequentia concederent puncta, quæ Regis eorum Superioris & Domini ultimum esse affirmant; primo jus aplustris Regii sive augustalis veli, quod contenti sint juxta D. D. Statutum General. oblatum talem sensum Articulo 19. Tractatus Bredani Anni 1667. tribuere, & eo modo ejus verba applicare, quo Rex Magnæ Britanniæ voluerit, salva tamen verborum directione, usque dum cum Vestris Eminentis una formaturi sint articulos; Secundo præterea summa 12. millionum Jacobæorum, decem in Anglia solvendorum, & duorum in Scotia pro piscationis libertate; tertio summa unius millionis librarum Sterlingæ pro belli sumptuum, refusione, quarum ducenta millia proxima Octobris solvenda, & reliquum per solutiones centum mille librarum singulis annis, ad annos octo contractive; quarto restitutio Surinamensis Colonix in America; quinto regulatio Commerciorum in Indiis Orientalibus, & littoribus Guineæ. Sexto restitutio Principis Auriaci stabilienda: Sumus sincere

Vestrarum Excellentiarum

Dat. Colon. Agripp. d. 11.

Sept. 1673.

Humillimi & Obedientissimi

servi

C. Tott.

P. Sparre.

Ed. Ehrenstein.

DLXXXIX.

DLXXXIIX.

*Litteræ PLENIPOTENTIARIORUM SUE-
CICORUM, mediatorio officio defungentium,
ad PLENIPOTENTIARIOS BELGI-
COS, quibus ipsis significant, Reges fœderatos para-
tos esse ad armistitium Generale permittendum,
modo ejusdem etiam mentis sint Domini eorum co-
rundemque fœderati, 1673.*

Illustrissimi & Excellentissimi D. D.
Legati.

NOtum est Excellentiss Vestris, quanta sollici-
tudine secundum mandata Sacræ Regiæ Ma-
jestatis, Regis & Domini Nostri Clementissimi, ar-
mistitium generale, & illis, & cæteris partibus belli-
gerantibus, toto hoc tempore, adhibitis omnibus
persuadendi rationibus, commendaverimus. Cum-
que a Sacra Cæsarea Majestate declarationes jam
diu habeamus, ejusdem propensæ voluntatis indi-
ces, & D. D. Legati Anglici non alienum Regis sui
animum pridem significaverint, Dominosque Le-
gatos Gallicos omniconatu aggressi eo etiam per-
duxerimus, ut hodie & illi, & D. Legati Anglici si-
mul ac eorum fœderatorum nomine declaraverint,
nolle Reges & Principales suos nostris rationibus
& desideriis mediatoriis repugnare, modo altera
pars reciproci studiis respondeat. Proinde non
possumus, quin apprime læti hanc declarationem
accipiamus, Vestras Excellentias ejusdem non ex-
pectato earum reditu confestim participes redda-
mus, etiam atque etiam rogantes, velint & ipsæ nos
voto-

votorum compotes efficere, suosque respective fœderatos in eandem perducere sententiam, ne redituræ pacis tam felix pereat auspiciū. Datum Coloniz Agrippinæ, die 6. Novembr. 1673.

Vestris Excellentiss

addictissimi

Claudius Tott.

Petrus Sparre.

Eduard. Ehrenstein.

DLXXXIX.

Litera, quibus JOHANNES GEORGIUS II. Saxoniz Elector, Johannem Augustum a Spohr, COSMO III. Magno Etruriz Duci, sedulo commendat, 1673.

P. P.

EA omnino sanctioris illius, quæ cum Dilectione Vestra Nobis intercedit, necessitudinis memoria industria colimus, ut qui ex Nostratibus viendas Italiz oras adeunt, viam ad inclytam Aulam Vestram iisdem imprimis munire non dubitemus. Cum igitur præsentium exhibitor dilectus Nobis & fidelis Johannes Augustus a Spohr, Aulæ Nostræ hætenus juxta & industrius virtutis equestris asseda susceptæ hujus uberioris rerum causa peregrinationis suæ consilium decenter Nobis probatum iverit, Nos equidem habita parentis ejus, Viri Nobilis, Consilarii, Camerarii & Curiz Nostræ, quæ Wittebergæ est, Præsidis, necnon Provinciz Ele-

Electoralis ejusdemque Præfecturarum Wittebergen-
fis & Belzigensis Capitanei, Johannis Christopho-
ri a Spohr, præstitæque Nobis jam diu fidelis ipsius
operæ ratione, condignis filii æmuli conatibus de-
esse noluimus. Ac proinde a Dilectione Vestra
amanter atque officiose contendimus, ut qua alias
Nostrates prosequi solet gratia & benignitate, præ-
fatum a Spohr, ad avita natalium decora enitentem
lubenter complecti velit, Nostraque causa cum ad-
eo commendatum habere, quo singularem com-
mendationis Nostræ fructum undequaque conse-
qui valeat. Quam indubiam Dilectionis Vestræ
gratiam ipse devotis obsequiis agnosceret & Nos diu-
turnam Eidem incolumitatem cum sincera studiosi
animi Nostri testificatione a Deo serio precamur.
Dabantur in Electorali Nostra Dresda, Anno sa-
lutis 1673.

DXC.

*Litera, quibus CAROLUS II. Magna Britannia
Rex, JOHANNI GEORGIO II. Saxo-
nim Electori, prosperum felicemque gratulatur
annum, 1674.*

P. P.

Occasionem, quam temporis solennitas & Cel-
situdinis Vestræ Electoralis literæ nono die
Decembris novissime elapsi scriptæ, Nobis in ma-
nus offerunt, libenter accipimus, non solum quod
vota Celsitudinis Vestræ Electoralis pro Nostra sa-
lute & currentis anni prosperitate nuncupata, tan-
quam verissima affectus & amicitæ Vestræ testi-

monia, habeamus, sed etiam quod commoda Nobis opportunitas hinc data sit eadem ex parte Nostra Celsitudini Vestræ Electorali cumulate reddendi: Quam de cætero una cum Domo sua Electorali Divini Numinis tutelæ ex animo commendamus. Dabantur in Palatio Nostro de Whitehall, die 16to Januarii, 1674.

DXCL

Litera ELEONORAE, Reginae Poloniae, ad CAROLUM II. Hispaniarum Regem, quibus ipsi Michaellem, Polonorum Regem, maritum suum desideratissimum, vitam functum esse, aureique velleris torquem, Andree Zaluskio latore remitti, nuntiat, 1674.

TAmetsi jam ipsa fama pridem comperta sit orbitas nostra Majestati Vestræ, post exemptum rebus humanis, anno proxime elapso 1673. die 10. Novembris Serenissimum & Potentissimum Principem & Dominum Michaellem, Regem Poloniae maritum nostrum desideratissimum, tamen conveniens duximus, triste istud mortalitatis Regiæ, simulque viduitatis nostræ nuncium, per expressam personam Majestati Vestræ decenter intimare, minime dubitantes, Majestatem Vestram, pro arctiori sanguinis nexu, & benevoli erga nos animi studio, nostro præsentis statui condolituram ac devincti affectus documenta nobis exhibituram, non tardandum etiam putavimus, quod ultimis tabulis Serenissimus Divæ memoriæ maritus noster præscripsit, ut torquem aurei velleris decenti modo remitte-

remus. Quo officio, nomine & mandato nostro, fungetur Venerabilis, Abbas Andreas Zaluski, Canonicus Cracoviensis, cui facilem aditum & plenam fidem, a Majestate Vestra concedi optantes de reliquo optimam valetudinem & prosperimos successus Majestati Vestræ a Deo animitus vovemus. Dab. Varf. 3. Februarii, 1674.

Nota. Ejusdem argumenti literæ etiam ad Reginam Hispaniæ a Regina Polonia, die 6. Febr. datæ sunt.

DXCII.

Literæ PROCERUM REGNI POLONIAE, ad COMITEM DE PINIARANDA, Aulicum a Rege Hispaniarum inter charissimos habitum, a quo, ut qua valeret apud Regem suum gratia, Legati Polonici postulatis sedulo assisteret, obnixè contendunt, 1674.

PRæclari nominis Excellentia Vestrae Nostris etiam in Regionibus, celebris fama & summa in Aula Catholica autoritas incitamento nobis est, ut ei, quem pro subsidio pecuniario ad bellum Turcicum implorando, Senatus & Equëstris Ordinis Reipublicæ Polonæ nomine ad Sacram Majestatem Regiam Catholicam, ablegamus, singularem favorem & validam promotionem Excellentia Vestra, pro adjuvanda non Regni tantum Poloniæ, sed totius Christianitatis, contra immanissimum hostem causa, advocare non omittamus. Admitteret solita humanitate Excellentia Vestra Per-

illustrem Abbâtem Andream Zaluski, Canonicum Cracoviensem Ablegatum Polonicum, atque tam in negotio memorati subsidii, quam ratione summatarum Neapolitanarum, ad Rempubl. Poloniæ spectantium, quæ a regimine Excellentiae Vestrae præcipue dependent, propensum animum suum commodabit. Quod uti Nobis certo pollicemur, ita vicissim paratissima studia nostra & omnem promptitudinem Excellentiae Vestrae devovemus, ac diuturnam incolumitatem cum omni prosperitate a Deo precamur. Varlaviz, 5. Februarii, Anno 1664.

D X C I I I.

Litera JOHANNIS GEORGII II. Saxoniae Electoris, ad COSMUM III. Magnum Electoralis Ducem, pro Francisco Cagniaci commendatitia, 1674.

P. P.

EXponi Nobis submisit fecit harum exhibitor Dilectionis Vestrae subditus, Francesco Cagniaci, se desiderio comprobandæ Devotionis suæ, munus quoddam conditioni suæ conveniens obcundum in Dogana seu telonio Vestro expetiturum esse, atque ut interventu Nostro aditum ipsi ad speratam spartam redderemus faciliorem, precibus, quibus par est, hoc facilius a Nobis impetravit, quo prouiores sumus ad promovenda Dilectionis Vestrae indigenarum, maxime vero eorum commoda, qui reliquos virtutis gloria antecellunt. Pro antiquo igitur mutua Nostræ Necessitudinis

flu-

studio Dilectioni Vestrae dictum Cagniaci omni meliori modo commendatum volumus, obnixè rogantes, ut civis res rationesque hac in parte eo omnino loco habere velit, ut quam' expetit idoneam functionem, gratia Vestrae Archam ex voto consequatur, Nostramque inde commendationem haud parum sibi profuisse gloriari olim queat. Qua omnino fiducia freti Dilectioni Vestrae perennem Valetudinis & rerum incolumitatem etiam atque etiam cœlitus precamur. Dabantur in Electorali Nostra Dresda, die 24. April. 1674.

DXCIV.

Littera JOHANNIS III. Regis Polonia, ad CLEMENTEM PAPAM X. cui se in Regem Polonia electum esse refert, 1674.

POST oscula pedum Sanctitatis Vestrae, meique ac Regni & Dominiorum meorum filialem commendationem. Præter spem omnino meam & consilia humana accidit; ut viduato throno Regio Senatus, populusque Polonus in me studia & suffragia sua ultro verterit, meque in campo electorali, more patrio, liberis & concordibus vocibus Regem suum duxerit ac elegerit: Non ignotum habeo, quam sollicita & vere paterna cura Sanctitas Vestra erga Regnum hoc Orthodoxum afficiatur; Cujus Pontificiæ bonitati non satis visum, malis nostris illachrymari, & votis duntaxat calamitates Nostras prosequi, sed angustias etiam nostras, benefica erigere dextera, clementia Sanctitatis Vestrae dignata est. Ego, quam procul ambitu

thronum hodierna die conscendi, tam libenter & meritissimo solius divinæ voluntatis nutui, quæ tot populorum animos & ora erga me indigenam disposuit, Regiam fortunam meam adscriptum co. Atque dum humeros, licet impares, tantæ moli suppono, Sanctitatem Vestram Christiani & Poloni Orbis amantissimum Patrem, demisso cultu & filiali obsequio imprimis veneror. Benedicat mihi anima tua, ut Polonæ Aquilæ vergens jam Senectus, in lætam iterum juventutem meis auspiciis renovetur, Religio Catholica per Regnum hoc lateque diffusas Provincias proferatur, acerrimi tot hostes, cum quibus pro Deo & Patria dimicandum erit, dextera excelsi frangantur. Cæterum felix ac diuturnum rei Christianæ Imperium Sanctitati Vestræ vovendo, Pontificiam ejusdem Benedictionem humillime exoro. Dabantur Varsoviæ, die 21. Maji, Anno 1674.

Sanctitatis Vestræ

Obedientissimus Filius

Joannes, Rex Poloniæ.

DXCV.

Littera JOANNIS III. Polonia Regis, ad LEOPOLDUM, Romanorum Imperatorem, quibus ipsi, se ad Regiam in Polonia dignitatem communi gentis applausu evectum esse nunciat, 1674.

P. P.

SCeptra & coronas cælitus dari, si deessent alia, Sfateremur experimento. Non volentis neque cur-

currentis studium, sed Dei miserentis in nobis veneramus opera, dum hisce diebus liberis ac concordibus Populorum nostrorum suffragiis ad Regiam evehimur dignitatem. Cujus rei nuntium tanto libentius Majestati Vestræ præsentibus mitimus literis, quanto certius Nobis pollicemur de Regio suo affectu, Electionem nostram pergratam eidem fore, utpote eam, quæ primarios conatus nostros ad illud præcipue diademate regio adstringere videtur, ut Patriam hanc tot malis quassatam, periculosis belli Turcici subducamus procellis, tamque gratam vicinis reddamus Principibus, ut post tot nubila tranquillitate publica & finitimorum reflorescat amicitiiis. Quod ut ex animo vovemus, ita ea de Majestate Vestra nobis promittimus, quæ a vicinitate Polona reciproce Majestas Vestra & a Regio nostro præstolatur affectu. Cui felicissimum interea suorum populorum Regimen & longævam vovemus felicitatem. Dabantur die 21. Maji, Anno 1674.

DXCVI.

Litteræ ANDREAE OLSZOVII, Episcopi Culmenfis, ad CARDINALEM URSINUM, cui Joannem Sobieskium in Regem Polonia electum, se vero Primatiali in Polonia honori destinatum esse refert, 1674.

P. P.

HAbemus jam Regem Joannem tertium ex supremo Regni Marechalco & Generalissimo Exercituum Duce ob heroicas virtutes, prudentiam, fortitudinem, felicitatem, ob incomparabiles ex

barbaris victorias, admirando Senatus Populique Poloni consensu, die hodierna Regium in thronum evectum. Certe possum dicere, non surrexit major inter Polonos tam inclyto viro, cujus procul dubio autoritas, quam formidant amantque Turczæ, Scythæ, Daci, Cosaci, Polonam restituet rem. Ego non nihil operatus sum, quod me pridem declaraverim Mucianum, si ille Vespasianus fieri non recusaret. Electio hæc inopinata licet, sed matura & divinitus plane peracta fuit, quæ non respondebit tantum, sed vota & expectationem nostram atque Christiani Orbis superabit. Pluribus me diffundere, non possum, multis obrutus unum adjicio, me ad vacantem Archiepiscopatum Gnesnensem & Primatiale Regni & Magni Ducatus Lithuaniz dignitatem destinari. Spero non mihi defuturum Eminentiz vestræ benignum Patrocinium. Cujus me gratiæ reverenter & devotissime commendo. Dabantur Varlaviz die 21. Maji, Anno 1674.

DXCVII.

Litera JOANNIS III. Polonia Regis, ad CAROLUM XI. Suecorum Regem, quibus ipsi sibi concordie populi Sarmatici suffragio fasces Polonia conceditos esse significat, 1674.

SI privatæ fortis hominum prospera & adversa communia existimantur, quanto magis Regum & Principum lætiores animi merentur, aut nanciscuntur sensum. Sane non dubitamus, benevolo & fraterno Serenitatis Vestræ pectori publicam orbis Poloni concordiam gratam evenisse.

Quod

Quod tametsi fama jam vulgavit, nihilominus denuntiandum Serenitati Vestræ duximus; Nos die 22. Maji non præcipiti populi favore, verum in tertium diem protractis & libratissimis suffragiis, ac unanimibus Electoris Populi vocibus, præter spem omnino & vota nostra Thronum Regni capessivisse. Capitulationem cum Ordinibus initam 5. Junii in Basilica Varšaviensi recepto Diplomate Electionis solenni firmavimus juramento. Tam igitur bono omine regimen hoc inimus, inter primarias reponimus curas Serenitati Vestræ constantis & propensi animi, optimi studii, fraternæ mutæque benevolentiae, & bonæ correspondentiæ contestationem. Persuasum sibi habeat Serenitas Vestra, Nos omnem daturus operam, ut bonæ viciniae & amicitiae necessitudo a nobis cum Serenitate Vestra mutuis corroboretur officiis, augeatur & propagetur. Interim longævam incolumitatem Eidem a Deo Opt. Max. animitus precamur. Dabantur Varšaviæ die 7. Junii, Anno 1674.

Nota: Paris argumenti & tenoris litera ad Hispania, Angliæ Daniæque Reges scripta quoque fuisse.

DXCVIII.

Litera JOHANNIS III. Polonia Regis, ad MAHUMETUM IV. Turcarum Imperatorem, cui enarrata impositi sibi regii diadematis fortuna, restitueranda bonæ vicinitatis opportunitatem, missumque ideo Internuntium suum, amice commendat, 1674.

P. P.

Posteaquam Divina favente clementia, concordibus Procerum, Senatorum & numerosissimæ Nobilitatis Regni Poloniæ, Magnique Ducatus Lithuanix & annexarum Provinciarum suffragiis & liberis vocibus ad splendidissimum Regium Thronum eveſti & sublimati sumus, inter Regias nostras curas ducimus, ut juxta leges Polonicas, pacta, fœdera & amicitiam cum omnibus vicinis principibus & Regnis innovemus, & confirmemus. Non excidit nobis memoria, quam arctis & vetustis fœderibus Sereniss. Porta Ottomannica cum Inclyto Poloniarum Regno devincta fuerit, quæ regnante Prædecessore nostro Sereniss. MICHAËLE Rege interrupta esse, nemo rectus & prudens approbat.

Cum vero nunc per Dei gratiam, auspiciis & Imperio Nostro gubernare Rempubl. Poloniam cœperimus, statim nobis venit in mentem, ut Serenitatem Vestram officio humanitatis, & sinceræ propensionis contestatione præveniremus. Misimus itaque Ablegatum nostrum, Nobis fideliter dilectum Generosum Karwowski, Pincernam Podoliensem, Aulicum nostrum, ut de felici electione nostra in Regem Poloniæ Serenitatem Vestram certiorum redderet, ac nostram sinceræ amicitix bonæque Vicinitatis restituendæ optimam intentionem repræsentaret. Minime dubitamus, Seren. Vestram hanc studii & benevolentix tesseram grate accepturam. Quicquid vero ore tenus idem Ablegatus noster exponet, eidem in omnibus fidem exhiberi, ac nulla mora ad Nos expediri magnopere

pere cupimus. Quod reliquum est, Serenitati Vestræ bonam & longævam Valetudinem apprecamur. Dabantur Varſaviæ die 7. Junii Anno 1674.

DXCIX.

Litera JOANNIS III. Regis Poloniarum, ad FRIDERICUM WILHELMUM, Electorem Brandenburgicum, quibus ipſi, ſe unanimi Nationis Polonæ applauſu in ſolium Sarmaticum exaltatum eſſe nuntiat, 1674.

P. P.

SCeptra & coronas cœlitus dari, ſi alia deſint, noſtro argumento orbis agnoſcit. Non enim humanitus accidit, ut populorum tot ſuffragia, & voces nobis minime ambientibus, ac nec opinantibus, non ſubito impetu & tumultuario favore, ſed matura & in tertium diem protracta omnium Ordinum Regni deliberatione in noſtram ad thronum Regium evectionem conſpirarent. Non differimus poſt juramentum die 5. Junii ſuper Pacta conventa ſeu capitulationem, in Baſilica Varſavienſi, ſolenni ritu præſtitum, ejus felicis electionis & inaugurationis noſtræ nuntium ferre Serenitati Veſtræ. Id enim ſœderatæ amicitiz, bonæ vicinitati, aliisque vetuſtis & recentibus, inter Reges Regnumque Poloniæ ac Seren. Veſtram neceſſitudinum, & mutuorum officiorum vinculis, noſtræ inſuper ſingulari erga eandem propenſioni & ineundæ ac conſervandæ optimæ correſpondentiæ maxime conveniens judicamus. Prolixius de-

man-

mandatum sibi a Nobis id negotium coram exponet Generosus Skoraszewski Vexillifer Palatinatus Posnaniensis, Colonellus & Ablegatus Noster extraordinarius, cui pronas aures & plenam fidem a Serenitate Vestra adhiberi cupientes, de reliquo longævam valetudinem & prosperos rerum successus Serenitati Vestræ apprecamur. Dabantur d. 7. Junii Anno 1674.

DC.

Litera JOHANNIS III. Polonia Regis, ad LUDOVICUM XIV. Gallia Regem, quibus ipsum de sua ad fastigium Regium electione certiores reddit, 1674.

Non ingratum, ita sperare licet, Majestas Vestra excepit Nuntium de nostra ad thronum regum electione. Sceptra & Coronas cœlitus dari, quis jam vel nostro argumento dubitare audeat, cum nos nihil ultra civilem modum spirantes aut sperantes ad Regalis dignitatis, fastigium pervenerimus. Dei haud dubie nutus & Voluntas hæc operata est, & solius Domini assumptio nostra: Non enim impetus aliquis aut inconsultus favor, verum in triduum protracta, matureque librata Electoris populi suffragia sceptrum hoc nobis dederunt. Peraçto feliciter Electionis negotio, in Campo Varsaviensi die 21. Maji, tandem tradito nobis ab Ordinibus Regni diplomate die 5. Junii Pactorum conventorum, seu Capitulationis articulos ad sacras aras solenni juramento firmavimus, ac regimen capessere incepimus. Quod licet jam satis com-

comptum, tamen etiam per Ablegatum nostrum Venerabilem Andream Zaluski Abbatem, Cracoviensem Canonicum, decenter Majestati Vestre repræsentandum ducimus, quo & nostram additissimam Voluntatem eidem contestemur, & mutuam propensioris erga Nos animi, amicitie & studiorum Majestatis Vestre vicem provocemus, de cujus erga nos sincera propensione, uti minime ambigimus, ita nos omni occasione paria reposituros pollicentes, quod superest, Majestati Vestre optimam valetudinem & prosperrimos rerum successus animitus a Deo precamur.

Vestre Majestatis

Dabantur 1674. d. 15.

Junii.

Bonus Frater

JOANNES REX.

DCL

Littera JOHANNIS III. Polonia Regis, ad CARDINALEM ALTIERIUM, a quo sollicitè efflagitat, velit apud summum Pontificem & reliquos Italia Principes Optimates diligenter instare, ut Poloniam largiori pecuniarum subsidio sublevando clara tum tenerrimi paterni affectus, tum infucata pietatis specimina edere haud graventur, 1674.

P. P.

Minime Nobis grave est repetitis epistolis Nostris Illustratis Vestre identidem pulsare animum.

rum, pro obtinendis a sua Sanctitate ulterioribus, ac præsertim decimarum Italicarum, quam citissimis subsidiis, cum hostes Christiani Nominis Turcæ & Tartari, jam in Provincias Poloniæ & Volhyniæ excurrentes, non pulsent tantum, sed ferro & flamma grassentur, ingentem Christianæ plebis multitudinem in servitutem abducant, fortaliciis aliquot, per admotas tormentorum machinas deditione occupatis hostiliter ulterius progrediantur, ac ipsemet Tartarorum Chamus cum Ottomannico Imperatore & Vezyro conjunctus proxime imminere afferatur. Delegavimus iterum generosum Christophorum Mazini, Equitem Polonum, intimæ Cameræ Regiæ Secretarium, ut Romam quamprimum redux pro augendis pecuniariis subsidiis, majori, quantum fieri potest, conatu instet, & decenter rebus Poloniæ afflictissimis tutelam a benignitate Pontificia, ac pacatissima urbe & Italia imploret. Fieri tamen potest, ut ille forte venire Romam retardet. Eapropter amanter compellamus Illustritatem Vestram, velit calamitosissimi Regni Nostri statum, vivido officio Sanctitati Sux repræsentare, velit vanam & inimicam evellere persuasionem, quasi Pax a Nobis cum Turcis agitetur, eo consilio, ut contra vicinum principem armorum Ottomanni omnis furor (quod ab omni veritate, honestate & pietate Christiana alienum est) divertatur, velit prospicere, ne derelicti a Christianis Principibus in hac egestate Nostra, desperatione ultima ad aliqua indecora transactionis media adigamur. Non deficit

ficat Nobis animus & vires, si exercitus Noster, numeratis prompte stipendiis sublevetur. Certum est arderè in hostem generosa pectora Polonorum, Nobisque, qui in civili sorte non nihil prospere gessimus, nunc in Regia fortuna crescere magnanimum impetum, ut insigni bellico facinore primitias Regni Nostri exornemus, famamque, ac terrorem nominis Nostri in hostem proferamus. Ergo accingimur jam Nos (quod Deus Domiaus Exercituum secundare dignetur) itineri bellico, in Russiam, unde sine experimento armorum redire minime licebit. Interest Orbi Catholico non otiose eventum belli spectare, sed opes suas pro communi causa sociare & opportune obviare, ne per stragem & ruinam Poloniæ, ferocissimus hostis ad excidium reliqui Orbis Christiani invalescat. Compendium desiderii Nostri est, ut Illustritas Vestra non tantum suam Sanctitatem, sed & totum collegium Cardinalium & opulentissimos Italiæ Principes ad ferenda Nobis auxilia permoveat, atque Decimarum promissum in effectum anticipare quam primum deduci, autoritate sua procuret. Quod summo conatu ab Illustritate Vestra contententes eidem optimam valetudinem & prospera quævis a Deo precamur. Dabantur Varaviæ die 20. Junii, Anno 1674.

DCII.

Littere JOHANNIS III. Regis Poloniae ad FREDERICUM WILHELMUM, Electorem Brandenburgicum, a quo, ut copias auxiliares sibi promissas hosti jam in conspectu Poloniae habente confestim

sim e Borussia in Poloniam educi juberet, sibi que adhuc aliquot peditum millia in auxilium submitteret, sollicite contendit, 1674.

P. P.

QUam gravi & internecino bello Turcico Regnum nostrum implicatum sit, optime constat Serenitati Vestræ, irritatus enim magis Victoria Chocimensi, quam debellatus hostis, collectis undique vastissimi sui imperii viribus, formidoloso apparatu contra Nos & Regnum nostrum imminet, & trajecto per Danubium ponte jam confiniis Poloniæ appropinquare crebris nuntiis refertur. Non differimus vigore pañtorum Bidgostiensium & nuperrimæ per Ablegatum Polonicum Translationis copias auxiliares Serenitatis Vestræ in subsidium nostrum evocare, atque eo fine scribimus, ad illustrissimum Principem, Gubernatorem Ducalis Prussiæ, cui datam esse a Serenitate Vestra plenam potestatem expediendi præacti militis intelleximus, ut quam primum ad confinia Palatinatus Masoviæ sistatur, quo loco Commissarius noster ad recipiendas & reducendas Serenitatis Vestræ copias auxiliares, paratus expectabit & officio convenienter fungetur, ac licet in primordiis Regni nostri minime optaremus onerare Seren. Vestram desiderii nostris, tamen vincente & cogente necessitate & nonnulla spe, a Legato Seren. Vestræ Nobis injecta freti, posse numerosiorem militem, ab ejusdem erga nos propensione impetrari, non gravate feret Serenitas Vestra, quod ab eadem peramanter contendimus, ut aliquot millibus peditum

Nobis

Nobis insuper auxiliari velit, quod negotium decenter tractandum generoso Uladislao Skoraszewski, Vexillifero Palatinatus Posnaniensis Colonello & Ablegato nostro extraordinario commisimus. Non ambigimus, Serenitatem Vestram præter documentum singularis erga nos & Rempubl. studii communi totius Christianitatis defensionis id libenter concessuram. Cæterum Ablegato nostro plenam in omnibus, quæ nomine nostro proponet acturusque est, fidem adhiberi cupientes Seren. Vestrae optimam valetudinem & prosperos rerum successus a Deo precamur. Dabantur Anno 1674.

DCIII.

Littera FRIDERICI WILHELMI, Electoris Brandenburgici, ad CAROLUM XI. Suecia Regem, quibus se pacis quidem studiosissimum esse, eo tamen minime inductum iri, ut positis armis Germaniam, cui cum vita fideque jurata amorem infusatum deberet, infestis armis opprimi incurius cerneret, candidè testatur, 1674.

Serenissime,

QUæ inter Regiam Majestatem Vestram & Nos de procuranda Germaniæ cum primis pace ac tranquillitate subinde agitata & capta sunt consilia, optime recordatur Regia Majestas Vestra, & placuerant quidem ante omnia utrinque pacifica & mitiora recuperandæ pacis media, non tamen armis adeo destituta, ut nullum inde robur iis accedere posset: Atque proinde Regia Majestas Vestra sus-

cepto publice Mediatoris munere, magno cum zelo atque hinc maxima cum laude sua id egit, ut bono cum Deo æquis inter belligerantes, conditionibus Pax coiret; Neque Nos Nostros defuimus partibus, operam dantes, ut per Legatos Nostros aliisque rationibus commodis, animi & domi & ubique ita præparentur, ut in publico ad tractandam Pacem destinato loco res eo felicius procederet; Nec caruit plane successu laudabile, ut quam maxime istud Regiæ Majestatis Vestræ studium, nec Nos operæ Nostre pœnituit, donec, nescimus, quo fato Coloniz filium istud pacificæ negotiationis abruptum & pariter omnis fere spes pacis per ejusmodi instituta recuperandæ extincta fuit. Nec omis-
sa modo consilia Pacis, sed armis unice datus est locus, dum hostilia illa, quibus Elector Trevirensis jam ante petitus, Palatino quoque Electori inferuntur, nobilissimæ ad Mœnum Provinciæ ferro flammaque vastantur, ac proceres Imperii juxta cum subditiis in carceres conjiciuntur, & alia in pacato solo, quale quidem quævis Imperii Provincia esse debeat, parantur, quæ etiam in hostico aliquando non permittuntur. Necessarium hinc visum est Imperatori Ordinibusque Imperii Ratisbonæ congregatis, ut laborantibus ita Imperii Principibus & tantum non prostratis ex Lege Imperii suppetiæ ferrentur, & Electores dicti ab Electoribus reliquis auxilia atque opem, quæ ipsis ex unione quam dicimus, Electorali debetur, poscebant. Sæpius ista ablegato Gallico, qui apud Aulam Nostram moratur, exposuimus, atque Regem Christianissimum per illum rogavimus enixe, tandem Exercitum

citum suum e Germania revocaret, eidemque suam redderet tranquillitatem. Indicavimus eidem pariter, non posse Nos tandem deesse fidei, quam Imperio ac Collegio Electorali, & huic quidem juratam dedimus, quam integram Nobis & in pactis nuper cum sua Regia Majestate Galliarum initis reservavimus, atque proinde in eo Nos esse, ut eidem ex asse satisfaceremus. Exposuimus eadem quoque Regiarum Majestatis Vestrarum Ablegato & Colonello Dn. de Wangelin, ut de eis omnibus ad Regiam Majestatem Vestram non referret modo, sed & fiduciam Nostram, quam in Regia Majestate Vestra repositam habemus, ac simul exponeret, quid afflictissimæ Germaniæ de Regiarum Majestatis Vestrarum animo propenso atque affectu singulari promitteremus. Hic vero quæ respondenda Nobis ab ipso essent de auxiliis afflictis Imperii Statibus ferendis, non habere in mandatis, nomine vero & ad postulatum Ablegati Gallici proposuit, eam, quam Nos reputaremus pacis viam potius esse ad bellum & inimicitiam Regis sui, rogavit denique prædictus Regiarum Vestrarum Majestatis Ablegatus, ut auxilia, quæ Imperio destinavimus, differemus, donec cum Regia Majestate Vestra de iis actum fuerit. Equidem nihil Nobis magis esset in Votis, quam ut nunquam Nobis imponeretur necessitas armis Patriæ succurrendi, & tantum abest, ut non libentissime ea differre vellemus, dum modo id pericula Patriæ & jurata fides permitterent. Eadem exigunt potius, ut Regiam Vestram Majestatem majorem in modum rogemus, ut afflictissimæ Germaniæ non modo Pacis Consiliis, quibus adhuc eandem invigilare novimus, sed

quacunq; possit ratione adesse, nostraq; aliorumq; Ordinum instituta ad pacem procurandam unice spectantia juvare dignetur. Jam diu est, ex quo ad Regiam Majestatem Vestram Consiliarium Nostrium Intimum Christophorum de Brand ablegavimus, ut fusius mentem Nostram Regiæ Majestati Vestræ exponeret. Accepimus autem gravi cum in via correptum morbo, & incerti adhuc sumus, ubi in præsentî commoretur. Non potuimus non igitur Nostriis his literis ad Regiam Majestatem Vestram ista deferre omnia. Quibus & hoc addendum duximus, proposuisse Nobis antedictum Regiæ Majestatis Vestræ Ablegatum, consultum videri Regiæ Majestati Vestræ, ut copias Nostras in Provinciis Nostriis adhuc aliquamdiu retineremus, Regiamque Majestatem Vestram pro suo erga Nos singulari affectu id acturam, ut militibus Nostriis, quæ nimis illi graves essent Provinciis Nostriis, de sustentatione pro parte aliqua prospiceretur; Grati agnoscimus hanc Regiæ Majestatis Vestræ propensionem nullo non officii genere demerendam; Rem ipsam autem quod spectat, id imprimis spectandum putamus, in quem denique finem domi alendus sit miles? Si Patriæ succurrendum, si afflicti juvandi, minus certe illud tempus est, quo id agendum maxime & quo diutius auxilium differtur, eo facilius subvertuntur afflicti, tantoque majora incrementa capiunt virium illi, qui eos opprimunt. Consultius forte videbitur servare militem extra belli aleam tantum ad pacis studia promovenda. Pacem autem expectant Nobiscum votis ardentissimis Imperii Ordines, &

aquis

æquis hitransigent sine dubio conditionibus, ut contra illos pacis procurandæ causa armis opus non sit. Hostilia arma hæc desideria ipsis satis extorquent, ita ut amicorum armis opus non sit, nisi ad pericula & vim depellendam, nunquam autem a pacis consiliis alieni erimus, & novit cordium scrutator, Nobis nulla consilia cordi esse, quam quæ ad Pacem spectant. Illam ut Pacis autor Nobis dare velit, Regiæque Majestati Vestræ prospera quæque largiri dignetur; hoc est quod ab ipso humillime & ardentè petimus. Coloniae ad Spream, die 30. Junii 1674.

DCIV.

Responsoria CAROLI XI. Suecorum Regis, ad proxime præcedentes FRIDERICI WILHELMII, Electoris Brandenburgici, literas, quibus ipsum iterato monet, ut exercitum suum ad expeditionem contra Gallos accinctum, gradum sistere, & sustinendo secum belli pacisque arbitria extra belli aleam constitutum occasione invigilare jubeat, 1674.

Nos Carolus, Dei Gratia Suecorum, Gothorum, Vandalorumque Rex, Magnus Princeps Finlandiæ, Dux Scaniæ, Estoniæ, Livoniæ, Careliæ, Bremæ, Verdæ, Stettini, Pomeraniæ, Cassubici & Vandalici, Princeps Rugiæ, Dominus Ingrici & Wismariæ, nec non Comes Palatinus Rheni, Bavarici, Juliaci, Clivici & Montium Dux. Serenissimo & Celsissimo Principi, Consanguineo, Amico & fœderato Nostro Charissimo, Domino Friderico Wilhelmo Marchioni Brandenburgensi, Sacri

Romani Imperii Archi - Camerario & Principi Electori, Prussiz, Magdeburgi, Stettini, Pomerania, Cassubiorum, Vandalorum nec non in Silesia, Crosna & Carnoviz Duci, Burggravio Norimbergensi, Principi Halberstadii, Mindæ & Camini, Terrarum Leoburgensis & Butoviz Domino, Salutem & prosperos rerum successus.

Serenissime ac Celsissime Princeps, Consanguinee, Amice & fœderate charissime.

Non tantum ex Literis illis, quas Celsitudini Vestræ Electorali sub die 30. Junii ad Nos perscribere visum fuit, verum etiam ex iis, quæ ejusdem extraordinarius Ablegatus coram proposuit, percepimus rationes & causas, Celsitudinem Vestram Electoralem permoventes amica illa, quæ non secus ac nos antea Celsitudo Vestra Electoralis probavit reducendæ Pacis remedia vel suspendere vel plane deponere, & potius illis consilia & vires suas conjungere, quæ manu armata & vi vim Gallorum Imperio ac præsertim quibusdam Celsitudinis Vestræ Electoralis Sociis Electoribus præter fas illatam depellere & vindicare valerent, quemadmodum Celsitudo Vestra Electoralis se jam accinctam confessa, arma sua in oppressorum solamen & auxilium iterum educere & omni tentare conatu, quo iis, cum leniora hætenus non profuissent, mediis, Germaniæ saluti ac Pacis negotio, majori cum fructu prospicere posset, spem juxta fovens, consilium hoc suum nonnisi ex summa publici necessitate profectum a Nobis haud difficulter etiam iri approbatum.

Verum

Verum non possumus inficias ire, quin Nobis hic de nova Celsitudinis Vestra Electoralis expeditione militari Nuntius admodum sit inexpectatus, & cum primis eam ob causam parum gratus, quod vereamur, ne ea, quæ a Celsitudine Vestra Electorali ut prudentia & viribus illustri, a studio Partium hactenus alieno, & illi, quam Celsitudo Vestra Electoralis Nobis tam enixe sæpius commendavit, pacis promovendæ sollicitudini ac curæ simul intento Principe expectavimus, adminicula plane depercant, iisque destituti in posterum eo difficilius procul dubio laboremus & luctemur in obtinendo hoc, quem Christianus Orbis jam anxie desiderat, salutari scopo. Non excusavimus antea, nec adhuc probamus, quæ Exercitus Gallici in imperio perpetrarunt attentata Ordinibus intoleranda, propterea Serenissimo Galliarum Regi ob oculos sæpenumero poni fecimus, quam hæc suorum commissa de tramite iusti, cum nonnullos a culpa & causa belli liberos Status læserint, decedant, ac quam sint securitati ac Guarantiæ promissæ in tabulis Westphalicæ Pacis & Nostri ea basi simul innitentiæ & cum Gallia initi fœderis contraria, quod inde etiam sint graviora, quam quod sola belli ratio & studium declinandi vel prævertendi cujusdam periculi ea reddere possint excusabilia. Verum cum nec alte memoratus Rex hæc laudaverit, & insuper sua Nobis, procul dubio etiam Celsitudini Vestra Electorali dederit promissa, quod velit detrimenta læsorum iusta resarcire satisfactione, modo etiam pars adversa parem demonstraret damni non minoris illati reparandi promptitudinem, & Germaniam a Milite suo

Statim reddere liberam & indemnem, quando Imperator & reliqui, qui etiam sua in Imperium movissent arma, ea ad Provincias suas reducerent. Sperassemus ex mutuo hoc restituendorum, satisfactionis ac induciarum consensu, quæ etiam omnia per Nostram mediationem ad lancem æquitatis & publicæ salutis expendi & componi potuissent, morbo illo, quo Germania jam conflictatur, propria & magis salutaria conciliari potuisse remedia, quam quæ ex novo hoc armorum motu expectari queant. Docuit enim adusque experientia, quam secus successerint, quæ in Imperio excitatæ operationes bellicæ. Non enim solum non Pacis negotio ullum attulerunt fomentum, verum illud novis & gravioribus, cum prætensiones & gravamina accreverint, implicarunt difficultatibus, quod Status innoxios, loco illos solari & ab oppresione exterorum, ut promiserant, liberare debuissent, hospitatione, transitu & multi generis exactione inulta magis premant & plane devastent, denique publicam tanto exponant periculo salutem, quod cum fors belli sit dubia, & successum illud, quem aliquot tam facilis negotii futurum non semel male opinati sunt, frustrari queat, Victoris arbitrio omnino relinquatur. Quæ facies rerum adeo difficilis & funesta, pejoraque adhuc, quam quæ ob oculos versantur, minitans mala, juxta & anxia illa & pia cura, qua dictum Pacis negotium cupimus promotum, Nos iterum permovent, ut optemus & a Celsitudine Vestra Electorali enixissime contendamus, velit arma sua retinere ac sistere, poti-

potiusque imitando Nostram huic & alteri parti factam atque a Celsitudine Vestra Electorali sæpius comprobata declarationem, quod nempe exercitum Nostrum asserendi Pacem, & iis Nos opponendi, qui illam nollent æquam, honestam ac universalem, paratum haberemus, se & dicta sua arma eidem scopo, nimirum recuperandæ quieti ac præsentī sanandæ calamitati reservare, quam se partibus belligerantibus jungendo reddere illam omnino incurabilem. Sunt illa vota tanto magis Nobis curæ cordique, cum ea non solum arbitremur publico bono & saluberrimo Pacis negotio unice salutaria, verum quod alias inter sacrum & saxum, ut ajunt, constituti, hoc est inter periculum amittendæ prorsus, quam cum Celsitudine Vestra Electorali, qua pacem procurandam coluimus, hætenus bonæ Correspondentiæ & inter necessitatem servandæ fidei, quam Leges Westphalicæ pacis exigunt, & cujus sinceram & debitam observantiam Nos, uti Celsitudinem Vestram Electoralem per expressam ablegationem certiores fecimus, Regi Galliarum per singulare quoddam fœdus denuo stipulati sumus. Hanc Nostram roborandæ Pacis in Imperio curam Celsitudo Vestra Electoralis non secus ac plerique Electores & Principes tunc temporis laudarunt ac quod magis est, Imperator Ipse agnoscendo genuinum sensum §. *Et ut eo sincerari* &c. talem, qualem Nos in præfato fœdere exposuimus, concludendoque desuper cum Rege Galliarum illa, quæ in Imperio jam pridem evulgata & cognita exstant, Pacta comprobavit optimo suo

exemplo. Hæc est, quæ Nos potissimum movit ratio, quod tam anxie novum cum Celsitudine Vestra Electorali desideravimus amicitiz & sinceræ correspondentiz vinculum, ut eo utrinque ligati non possemus facile sejungere nostra consilia, ad diversum, quæ promotionem pacis tendere scopum & exinde prolabi in eas, quæ publico & Nostro utriusque commodo aliquatenus obesse possent, resolutiones. Obtento etiam hoc Nostro non ita pridem voto & concluso desuper sub die 1. Decembris elapsi proxime anni certo & ejusmodi foedere, in quo utrinque præfata omnia sancte stipulata sunt, non possumus aliter, quin maxime doleamus, quod Celsitudo Vestra Electoralis Sponsionis istius reducendæ amicabili via tranquillitatis, & conferendi desuper sua cum Nostri fideliter consilia adeo immemor fuerit, quod Ablegatus Noster Wangelin intentionem expeditionis nequiverit prius indagare, quam Exercitu jam in Imperium adducto, & clarigatione Galliæ facta, id est, re super cujus commodo vel periculo, juxta normam & fidem pactorum adhuc inter Nos consultari deberet, non amplius integra. Verum cum dubio procul Celsitudo Vestra Electoralis prægnantiores cæpti sui Consilij habuerit rationes, quam ut cum iis, quas superius enumeravimus, æquiparari potuissent, ita etiam eas Celsitudinis Vestræ Electoralis maturiori judicio merito relinquimus, Nobis tamen certo persuadentes, Celsitudinem Vestram Electoralem illos iterum, ea qua in tantum inclaruit, imprudentia & fide probe expensuram & consilia & gesta

sta sua ad metam pacis directuram. Quibus Cel-
situdinem Vestram Electoralem Divinæ commen-
damus Protectioni. Dedimus in Arce Nostra
Holmensi, die 10. Octob. 1674.

Celsitudinis Vestræ Ele-
ctoralis

*Bonus Consanguineus, Amicus &
fœderatus*

CAROLUS.

F. Joel Oernsted.

DCV.

*Litteræ JOHANNIS GEORGII II. Saxonia
Electoris, ad COSMUM III. Magnum E-
truriae Ducem, quibus ipsi Henricum Sebastia-
num a Schleuniz sedulo commendat, 1674.*

P. P.

DEcenter Notis exposuit, qui hasce Nostras Di-
lectioni Vestræ, qua par est submissione, tradi-
turus est, dilectus Nobis & fidelis, Henricus Seba-
stianus a Schleunitz, se factis hætenus per aliquot
annos inter cohortis Nostræ prætoriae Equites vir-
tutis militaris tyrociniis, ad uberiores rerum usum
peregre quoque acquirendum animum, avito ma-
jorum suorum exemplo, applicuisse, utque honestos
ejus conatus gratiosa Nostra commendatione apud
Dilectionem Vestram omni meliori modo prosequere-
mur, humillimis precibus a Nobis impetravit.

Pro

Pro insigni itaque mutæ conjunctionis Nostræ fiducia Dilectionem Vestram rogatam volumus, ut subditum hunc Nostrum ad equestria decora condigne enitentem, sperata gratia condigne complecti, inque numerum prætorianorum Vestrorum coaptare, ac pro re nata ad ampliora provehere non dedignetur. Hunc sane indubitatum commendationis Nostræ fructum ipse cunctis obsequiis promereri pro virili conabitur. Nos interim crebriores comprobandi animi Nostri studiosissimi occasiones, Dilectioni autem Vestræ omnigenæ felicitatis incrementa serio exoptamus. Dabuntur in Electorali Nostra Dresda, diē 4. Octobris, 1674.

DCVL

Litera LEOPOLDI, Romanorum Imperatoris, ad CAROLUM XI. Suecorum Regem, quem, ne Gallia sociatus Electorem Brandenburgicum armis adoriatur, sed cognita potius iusta Germanorum causa, Imperium Romanum, ab imminente Gallorum iugo vindicet, graviter hortatur, 1674.

LEOPOLDUS.

NON attinet pluribus perstringere, quod apud Serenitatem Vestram Legatus Gallicus 17. Augusti: contra Electoris Brandenburgici Dilectionem declaraverit, nam hæc Serenitatis Vestræ memoriz facile occurrent, & summa in eo est, ut Serenitas Vestra arma jungat cum Gallia, cum Elector in leges pacis Westphalicæ, ac fœdus inter
Eam

Eam & Coronam Galliæ initum peccaverit. Quamvis vero minime credamus, Serenitatem Vestram hisce & similibus commentis eo impellendam, ut a rectissima sui norma deflectat, & illud in memoratum Electorem derivet, cujus ex tot causis & capitibus sola rea est Gallia, attamen operæ pretium esse duximus, ne Imperatorio nostro muneri ullo modo desimus, Nos ad ea in compendio referre, quæ Vestræ Serenitati per literas 30. Octobr. præteriti anni exaratas, nec non Ablegatum nostrum, Uratislaum Comitem de Sternberg, fusius exposuimus. Ex his enim manifeste patet, quam sincerus Nobis animus fuerit, tranquillitatem totius Imperii conservandi, & ab eo arma procul habendi, utpote quæ tum demum ad ejusdem & nostram defensionem omnium gentium jure permissam expediri curavimus, postquam Rex Galliæ, sine nostro & Imperii Statuum consensu, cum ingenti exercitu Imperium ingressus, non duntaxat fœderatos Belgii Ordines in & ex finibus Imperii oppugnaverit, sed & insuper Electoris memorati urbes in Ducatu Clivenfi sitas subjugaverit, & stationes in Imperio pro libitu sumendo, non paucos Status summis damnis affecerit, & pro libitu expilaverit; Speraverant nonnulli sistendam inter hos terminos injuriam, postquam dicti Electoris Dilectio cum Gallia in præterito anno certo modo transegit, & postquam militem nostrum in terras nostras hæreditarias revocavimus, sed tantum abfuit, ut exhibitionibus & promissis fuerit servata fides, ut & ab eo tempore firmiore exercitu Rex Galliæ Imperio incubuerit, illud miserandum in modum devastarit;

Tre-

Treviros nullam ob aliam causam, nisi quod fideri nobis & Imperio debitam, ille Elector exuere noluerit, expugnaverit; decem Alsatiæ urbes loco protectionis debitæ vallis, mœnibus, propugnaculis, tormentis, commeatu & fortunis denudaverit, & ad extremas exitias redegerit: Insuper etiam in interiora Germaniæ & ipsum terræ Franco-niæ circulum perruperit, atque Electorem Palatinum vel ob hoc solum, quod cum pro tutela Electoratus sui fœdus nobiscum tractare inaudiverit, pro hoste infensissimo habuerit, Comitem Nassovium, fidei & juramento nobis & Imperio præstito renunciare detrectantem, per multos menses captivum detinuerit, plurimæque alia, quæ vix ab armis Turcicis expectari potuerunt, tam contradictæ pacis Westphaliæ, quam Aquisgranensis tabulas commiserit. Cum enim vero ut & nos & universum Imperium pro nostra conservatione curam haberemus, & injurias tot & tantas a cervicibus nostris depelleremus, sane summa ratio non tam admisit, quam coegit; Neque enim hanc interpretationem pax Westphalica, neque fœdus Serenitatem Vestram & Galliam inter pactum patitur, ut huic sit integrum, in tabulas dictarum pacificationum pro libitu committere, sit vero & Imperio vetitum, vim vi repellere; tot & tantarum injuriarum satisfactionem quærere, & securitati nostræ meliori modo prospicere: Ipsa Serenitas Vestra licet fœdere cum Gallia illigata, pro suo prudentissimo judicio & laudabili æquitate, prout ex responsis dicto Ablegato nostro, Comiti de Sternberg, datis videre est, hæc & similia contra-

teno-

tenorem pacis Westphalicæ a Gallia admissa adeo non commendabit, ut læsis satisfactionem & reparationem deberi agnoverit; deinde ut & universum Imperium in Comitibus Ratisbonensibus iustitiam armorum nostrorum contra Galliam approbaverit, & arma Imperii cum nostris socianda non una vice decreverit, quod vel solum præacti Electoris Dilectionem, ne ei quid sinistri imputari, aut ejus facta & acta in malignam interpretationem trahi possint, adeo tuetur, ut huic vim passuro contra omnium hostium molimina eam, quam Instrumento pacis ex fœdere defensivo debemus, una cum Imperio & confœderatis nostris præstituri sumus guarantiam; Quis enim justus rerum arbiter in errorem detorqueat, quod memoratus Elector illud peregerit, ad quod per Imperii conclusa adstringebatur, quod Status erga Statum obligatio exposcebat, quod justissima commiseratio pro oppressis extorquebat, quod sibi verbis disertis & expressis tam in fœdere inter Galliam & illum, quam in Conventionione cum eadem inita reservaverit, & quod tam Serenitas Vestra, quam ipsa etiã Gallia, dicto Electori Brandenburgico licere, contestata est? nisi forte quis pessimo exemplo affirmaverit, fas esse Galliz, ut pacta pro non pactis habeat, & toti Imperio leges pro arbitrio dicteret & præscribat, quod non sentire Serenitatem Vestram satis certi sumus, utpote, quæ tot & tantis vicibus quantopere ei cordi & dolori sit, pacem Westphalicam tam misere turbatam sæpius se declaraverit, & laudabilissimam operam ad reducendam orbi Christiano tranquillitatem impendit, quam & nos, si æqua, si constans,

stans, si universalis erit pax, nunquam recusabimus, sed lubentes volentes una cum nostris Confœderatis amplectemur, prout hæc & plura alia Serenitatis Vestræ ad nos misso Legato, Benedicto Comiti de Oxenstiern, pluribus significari curavimus; simulque confidimus, æquitatem & evidentem causæ justitiam tantum pondus apud Serenitatem Vestram habituram, ut Gallix moliminibus contra nos, memoratum Electorem Brandenburgicum & universum Rom. Imperium, nec aures, nec animum sit accommodatura, sed potius uti Status Imperii & ut consors Pacis Westphalicæ arma contra Regem Gallix sociatura, eumque etiam nolentem ad honestam & securam pacem adactura; Cui etiam annos plurimos & prosperos rerum successus exoptamus, nostrum fraternum affectum in omne tempus confirmantes. Dabantur Vienz, 19. Novembr. 1674.

DCVII.

Responsoria CAROLI XI. Suecorum Regis, ad prainsertas LEOPOLDI, Romanorum Regis, literas, quibus sibi legibus Imperii minime vetitum esse, fœdisfragam Electoris Brandenburgici armis coercere licentiam, suaque potius quam Electoris arma S. R. Imp. patrocinium mereri, ac se Pacis, si justa, tutæ ac universali locus detur, nullatenus abstemium esse, demonstratum it, 1675.

Sere-

Serenissime & Potentissime Imperator,
Domine Frater, Consanguinee &
Amice Charissime.

Literæ Majestatis Vestræ, die 19. Novembris
elapsi anni exarata, aliquanto tardius, & cum
eas pridem typis evulgatas vidissemus, Nobis sunt
transmissæ, fusiusque Nos edocuere, quæ Majesta-
ti Vestræ de Legati Gallici contra Electorem Bran-
denburgicum expositis publice apud Nos quere-
lis delata sunt, & quibus arbitrata est, juste se posse
indignari, cum non ipse Elector, verum potius
Rex & Dominus prædicti Legati in Leges West-
phalicæ Pacis peccasset, ac istis, quas Majestati
Vestræ visum denuo & singulatim enumerare of-
fensis ac Imperio illatis detrimentis magis prome-
ruisset, ut arma Statuum & eorum omnium, qui
pacis consortes & vindices essent, in Regem Gal-
liarum ipsum converterentur, quam quod vel illi
fas esset, ea contra Electorem evocare, vel alii ali-
cui concessum, Electorem sub Guarantigia Vestræ
Majestatis & Imperii constitutum ob ea, quæ pro
avertenda hac Imperio illata vi, gessit, impune la-
cessere & aggredi; Quemadmodum Majestas Ve-
stra agnoscendo & deprædicando Nostram, quam
pro reducenda Germaniæ tranquillitate impendi-
mus, sollicitudinem, & curam se etiam confidere
profitetur, quod consideratis arduis istis, quas Ma-
jestas Vestra adduxit, rationibus, non solum Galliæ
requisitioni ulteriori non aurem præbere, verum
potius Nostra in tutelam Imperii, Majestati Ve-
stræ, Electori & reliquis, pro ejus salute excuban-
tibus,

tibus, Statibus arma jungere vellemus. Cum recordari Majestatem Vestram non dubitemus, quæ ejusdem Ablegato Extraordinario Comiti de Sternberg, qua supra dictum negotium iterato respondimus, ita Majestatem Vestram etiam eo facilius comprehensuram confidimus, quæ mens in hoc responso Nostra, & quod, quicquid etiam Majestati Vestræ in contrarium suggeritur, ne latum, quod dicunt, unguem recesserimus a priori & eo tempore declarata promovendi serio pacem sollicitudine: Et a studio excolendi, imo arctius constringendi eam, quam cum Majestate Vestra sinceram & intemeratam cupivimus amicitiam. Fassi enim sumus antea aliquoties, & adhuc denovo profiteamur, nullo unquam Nos tempore ac modo probasse, vel etiamnum excusare, quæ Exercitus Gallici in Germania perpetrarunt violenta & legibus pacis Westphalicæ contraria; sunt enim graviora, quam quod ratio belli, & studium prævertendi, quæ illis imminere & præparari arbitrabantur mala, ea reddere possit vel justa vel tolerabilia. Verum cum nonnunquam, & uti existimamus non immerito admonuerimus, posse ex amica dissidiorum compositione propiorem malo salutem conciliari, quam ex vindicta, & ulteriori armorum motu & strepitu; imprimis cum Serenissimus Galliarum Rex ad reparanda, quæ rite postulari possent, damna, ad restituenda, quæ a suis detinerentur, loca & fortalitia, & ad ponenda & revocanda sua ex Imperio per inducias generales arma se pronum ac paratum demonstraverit. Ita experientia quoque ipsa deinde testata est, non vana

nam

nam fuisse hanc Nostram sollicitudinem, non frustraneas nostras obsecrationes & monita, quandoquidem per accessionem partium non tantum belli incendium non extinctum, verum potius majora exinde cepit fomenta, ut solet, quando oleum igni infunditur, & flammam dispersit suas, in omnes Imperii partes, absumsitque insontes & a causa & culpa belli liberos non minus ac fontes, & bello ipso Interessatos. Et quid e contra Imperium tantis viribus fultum non potuisset, si consilium nostrum, quo, Deum testamur, nullum & sanando presenti & præcustodiendo futuro belli malo, magis salutare ac adæquatum deprehendebamus, ullum nancisci potuisset assensum; Et status suas cum nostris conjunctas belligerantibus monstrassent vires, ab operatione belli equidem parum retentas, paratas tamen & validas ad extorquendam pacem ab alterutra parte, quæ illam nolisset æquam, promptam ac generalem; Et donec de mente hujus vel alterius iniqua, vel ad quietem proclivi, deque justitia postulatum, quæ utrinque proponebantur, aliquo luculentius Orbi constitisset. Quemadmodum autem Dominus Elector Brandenburgicus, & ipse illam agendi salutarem methodum quam libentissime approbavit, & desuper solemne quoddam fœdus Nobiscum iniit & conclusit; Majestatem Vestram comperto hoc Domini Electoris nexu & consideratis sequentibus in rei veritatem astruendam adductis rationibus & circumstantiis, pro sua servatæ semper fidei gloria existimaturam speramus, hanc sponsionem utrinque bona & sincera fide, ut speraveramus,

mus, datam & egregio publico in tantum proprietatem, Domino Electori non permisisse, in hanc expeditionem militarem se ita precipitem dare, vix postquam hoc Nobiscum initum fœdus pepigerat, & Nobis plane insciis & inconsultis, spretisque simul illis amicis, quibus pacem cum ipsius tam solemni assensu promotorum ibamus, mediis; Quæ ipsi etiam, priusquam ad arma recurrere posset, juxta normam pactorum, erant tentanda. Quemadmodum Majestati Vestræ amicam hanc compositionem per Ministrum suum Marenholz, non minus ac Nos illam per Residentem Nostrium Puffendorffium, de meliori commendabat. Censet quidem Majestas Vestra, Dominum Electorem fuisse multis, quas in justitiam ipsius causæ adducit, rationibus obstrictum, ad defensionem Imperii & Electorum quorundam vi externa afflictorum, Et nos ipsi nefas fore fateremur, velle oppressos frustrari hac ope, si Dominus Elector absque læsione Instrumenti Pacis, & nobis per specialia, de quibus mentionem jam fecimus, pacta datæ & debitæ fidei illis oppitulum ivisset. Ast sicuti Dominus Elector legibus Westphalicæ pacis salvis, & intemerato, qui in iis loquitur de ambarum Coronarum hostibus extra Imperium non juvandis, articulo, illa quæ in obsidium Gravæ præstitit auxilia, mittere non poterat; ita etiam qua Nobis specialiter data promissa Dominus Elector diffiteri non poterit, omnia hæc, quæ Galli contra Imperium & cumprimis adversus Treviros & Palatinum commiserant, antequam Nobiscum sæpius memoratum fœdus concludebat, vel conclusum rati-
habe-

habebat, jam pridem fuisse perpetrata. Quare itaque cum vel Unionis Electoralis, vel Instrumenti Pacis, vel alio etiam ad ea vindicanda tenebatur vinculo, hæc sibi in nostris non reservavit pactis; & quare tunc amica componendi has turbas & reparandi hæc damna, violentis prætulit remediis? Confitebatur quidem ipse sæpius, dissuaderi a multis & in Imperio & extra illud hanc Confœderationem, cum imprimis niteretur præmemorato, amice quietem reducendi, scopo, ast promittebat Dominus Elector, se nihilominus in proposito, quod ipse ita deprædicabat, salutari futurum constantem; Quemadmodum etiam omni illa contradictione non attenta & pacta promovebat, & mutuo rati habita permutari curabat. Quamvis autem Dominus Elector in articulo quodam separato liberiores aliquem agendi modum sibi stipulabatur, verum nihil sinistri & contrarii, qua fœdus de ipso suspicari poteramus, cum simul spondebat, velle se bona fide, cuncta quæ sibi proponerentur, Nobis declarare, & tunc experiri, num nostrum assensum & adiutorium in iis, quæ iusta duceret, & pro re communi tentanda, obtinere posset. Verum quod Dominus Elector hanc de operatione militari reasumtam mentem Nos omnino clam habuerit, usque dum miles accinctus & bellum Galliæ denunciatum, & interea temporis Nostrum in Aula ipsius commorantem Ablegatum ditissimis, quod immotus & inconcussus omnibus, quæ Nostris pactis adversa requirerent, resisteret, promissis, & pariter inani spe ulterioris de sustentatione sui militis tractatus eluderet, ipse Dominus Elector in literis suis,

quibus Nos de hac sua intentione certiores reddit,
non obscure faterur, dum Cancellarium suum
Brand se ablegasse scribit, quo Nobis hoc suum itera-
re expeditionis propositum exponeret, qui tamen
fero satis, & re non amplius integra hic appulit.
Et hæc propria confessio sua refutat omnia ea, quæ
ex post facto orbi persuadere satagit, satisfecisse se
nimirum tenori pactorum, etiam qua debitam
communicationem, & de cætero se præter illam
debuisse imperio hanc opem; Quam tamen de
quo certi sumus, ultra quantum, Imperio juxta ejus
decreta, debitum, non præstitisset, intuitu solarum
tantum rationum, quas Majestati Vestræ pro ipsius
causa afferre placuit, nisi exterorum ingentia sub-
sidia accessissent, & aliæ etiam ipsi factæ spes, qui-
bus non semel a societate & amicitia Antecesso-
rum Nostrorum amotus. Cum itaque luculenta
rei evidentia demonstrat, Nostram cum Domino
Electore nuper exortam controversiam non niti
injustis & illicitis illis principiis, quæ Majestati Ve-
stræ a Domino Electore & reliquis nostræ causæ
male cupientibus sunt persuasa nec displicentia,
quam obinde Nostrorum motu armorum in ditio-
nes Electorales sumus testati, sit soli Galliarum sollici-
tationi ascribenda; Quamvis concedamus, Nos
Serenissimo Regi Galliarum teneri per leges pacis
Westphalicæ, per specialia cum ipso, quæ tamen
ejusdem pacis tabulis, & ipsa Majestatis Vestræ ex-
plicatione nituntur, inita fœdera, & per illum ne-
xum, quo Nos vindicem & sponso rem transactæ
nuper inter alter memoratum Regem & Electorem
litis promissimus; verum quod honestas ipsa & fi-
des

des sincere data, ut sanctissimum sociæ vitæ vinculum Nos ad eā adegerit; Ac quod denique animadversio illa Nostra pro aggressionē rite haberi non possit, cum per unanimem moderatiorum gentium consensum non is, qui arma primo infert, velut Nos, coacti religione sancte observandorum fœderum, ea solummodo maturioris reconciliationis ergo absque operatione hostili monstrat, aut potius ille pro vero censendus belli autore, qui lacessens alterum injuriis, causam ultioni & armorum motui præbet. Itaque nulli dubitamus, quin Majestas Vestra pro justissimo suo & integerrimo animo, quo adeo apud orbem inclaruit, & vera a speciosis, justa ab iniquis dignoscere valet, mature has, quas superius adduximus, æquitate & fide suffultas rationes sit perpensura, & agnoscendo, quod nobis potius Guarantigia Imperii in vindicandis Imperii Constitutionibus & pactis, quam Domino Electori in iis infirmandis debeatur, simul judicatura, contra Nos ad instantiam malevolorum nihil vel a Majestate Vestra aut per editionem avocatoriorum, aut alia adversæ mentis argumenta procurari, vel ab Imperio decerni posse, quod non repugnet veris justitiæ & æquitatis legibus, tranquillitatem communem, cui reducendæ tam sedulo & sincere invigilamus, longius arceat, & Christianum orbem in majora discrimina, cædes & devastationes protrudat, quorum omnium vindex Deus causam, juxta merita, & ulciscetur & proteget. Interea a Nobis nihil desiderari patiemur, quo mala hæc, in quantum per Nostra hæc dissidia aggravescere possunt, sanari & tolli

queant; A Majestate Vestra hisce contententes, velit amice experiri, quam pronus & promptus Noster sit ad reconciliationem animus, modo pari, & pactis consentaneo studio Nobis obviam eatur, & quantum sumus daturi, egregio Vestræ Majestatis componendi particularem hanc litem in literis suis præmemoratis testato desiderio. Quibus Majestatem Vestram divinæ protectioni ad prospera quævis animitus commendamus. Dedimus in Arce Nostra Strömsholmensi, die 15. Februar. Anno 1675.

Majestatis Vestræ

*Bonus Frater, Consanguineus &
Amicus*

CAROLUS.

T. Joel Oernsted.

DCIIX.

Literæ CAROLI XI. Suecorum Regis, ad GENERALIS FOEDERATI BELGII ORDINES, quibus eos cepti ab ipsis capefendorum contra se armorum consilii iniquitatem diligenter perstringendo, tutiori pacis amicitiaeque tramiti inbarendum esse, impense hortatur, 1674.

Nos Carolus, Dei Gratia, Suecorum, Gothorum, Vandalorumque Rex, Magnus Princeps Finlandiæ, Dux Scaniæ, Esthoniæ, Livoniæ, Caréliæ, Bremæ, Verdæ, Stetini, Pomeraniæ, Cassubiæ & Vandalæ, Princeps Rugiæ, Dominus In-

græ

griæ & Wismariæ, nec non Comes Palatinus Rheni, Bavariæ, Juliaci, Cliviæ ac Montium Dux, Celsis & Præpotentibus bonis Nostriis Amicis ac Fœderatis, Dominis Ordinibus Generalibus Fœderati Belgii salutem & prosperos rerum successus.

Celsi & Præpotentes Nostri boni amici & fœderati.

Quæ & quam insignis sit amicitia illa fœderumque unio, quæ Regno nostro cum unito Belgio semper intercessit, neminem potest latere, qui ad monumenta, quæ eam exornant, respexerit. Nam & fides, qua est culta, perspecta æque omnibus ac integerrima est, & cognita juxta constantia præclara, quæ jam inde a longo tempore immota stetit, Nos quoque hanc, ad Nos cum Regni hæreditate transmissam, eo accepimus animo, quo fixum Nobis stat majorum nostrorum ita sinceri erga amicos & fœderatos affectus, ut aliorum gloriose actorum vestigia premere. Quapropter etiam id curæ Nobis maximè per se semper fuit, ut antiqua illa conjunctio non modo firma omnino permanere, verum etiam novo vinculo strictius ad huc connecti posset. Quod ipsum cum facile pateat perpendenti promptitudinem, qua occasione vel ipsimet præbuimus, vel ostentantem se, sine mora acceptavimus, fœdera Nos inter intimiori adhuc unione corroborandi. Tum etiam confidimus, vos sic existimaturos, post commoda satis magna ab Nobis hisce temporibus neglecta, postque labores, quos lubenter subivimus, &

difficiles & longos, dummodo Vobis sociis & Amicis Nostris Vestræque saluti consulatur; de fido erga Vos animo nostro dubitari minime posse. Atq; hæc considerantibus Nobis, deque eo insimul sollicitis, ut consilia vobiscum jungere possemus pro publica tranquillitate tum restituenda tum restituta munienda, latisque præterea, quod favore omnipotentis, Res vestræ feliciter restauratæ, Pacem jam propinquam promittere velle viderentur, in expectatum accidit, ea Nobis annuntiari, quæ nihil minus, quam amica præ se ferunt consilia, nimirum de armis in Nos suscipiendis apud Vos agi, copiasque lustrandas & adversus Nos quamprimum educendas, Vos decrevisse: Et quidem ea de causa, quod cum Elector Brandenburgicus, præter spem, quam in fœdere Nobis dedit, nuperrime Nobiscum inito, & cujus est unus scopus, quietis in Imperio cura, nec ad Instrumentum Pacis, cujus tutela etiam Nobis incumbit, attendens, adeoque non ut cæteri Imperii Status copiis pro rata cum aliis in Imperii defensionem sociatis, sed justo misso exercitu ea arripuerit consilia, quæ nec paci procurandæ, quæ prætenditur, conveniunt, nec tuta Nobis, siquidem, quæ pertulit Imperium jam longo tempore mala, graviora faciant, securitatemque vigore Pacificationis Westphalicæ competentem dubiam ac incertam reddant. Nos idcirco intermittere ea non potuerimus, quæ & Pacis Westphalicæ Guarantia Nobis imperat, incolumitasque propria suadet. Atque est hoc ipsum ejusmodi, ut merito Nos summopere commoveat, sive sincerum Nostrum erga Vos affectum, sive curam intueamur, qua publica

blicæ quieti jam diu ac indefessi allaboramus. Nam quod veteri Regnum inter Nostrum Statumque Vestrum amicitia firmiter inhæreamus: eamque, posthabita omni alia consideratione, illâsam conservandam omni tempore duxerimus: quod etiam Rempublicam Vestram omni semper favore & constanter amplectamur: quod denique paratos Nos non semel contestati fuerimus, ad omnia ea, quæ nexui Nos inter mutuo robur adhuc majus addere possent; ejus vero longe aliam rationem habendam pro æquanimitate Vestra ipsi procul dubio dijudicabitis, quam ut ea, quæ hostibus, quam Confoederatis conveniunt, magis in Nos decernantur. Nec etiam opera, quam ab omni Partium studio remotam, Paci & Vobis & Orbi restituenda commodamus, id promereri videtur, ut locum apud Vos consilia ulla inveniant, quæ Nostro cum periculo securitatisque Nostræ imminutione conjuncta esse possint. Est equidem laude digna illa Vox, qua fœdera Vestra Vestrosque Fœderatos curæ Vobis profitemini: verum dum suasores exemplo Vestro estis, ut fides data non deferatur, ipsimet Vos alienum quoque a justo statuatis necesse est, ut in Nos arma ideo capiantur, quod nec fœderato Nostro nec fœderi sancito deesse queamus aut velimus. Nec enim est fœdus Nostrum cum Serenissimo Rege Gallia Christianissimo ita comparatum, ut novum dici possit, aut tale, quod præsentibus motibus ortum ac vires suas solummodo debeat. Sed ei superstructum stat fundamento, quod tempore ac ætate Bellum, cui Vos implicati estis, multum ante-

antecedit, eamque a Nobis occasione quoque hujus temporis exigit observantiam, quæ nobis incubisset, minime licet enata fuisset inter Regem Christianissimum & Vos armorum illa contentio quæ adeo infelicitè tot Principes ac Potestates in Europa in mutuas cædes agit. Et certe si fœderum jura sociis munimento esse debeant, spes merito est, sic aliorum fœderatorum vestrorum causam Vobis suscipiendam esse, Vos existimaturos, ut insimul cavendum omnino censeatis, ne in detrimentum Nobis nihil tale promerentibus cedat, cum fœdera quoque Vobiscum habeamus & antiqua admodum & sæpius renovata, nec ut fœderatum Vestrum subvertamus, cæco belli studio accensi annitatur, sed in eo occupati solummodo simus, ut quæ Nobis ab illius inceptis imminent pericula, iis avergendis tempestive, & prout salus Nostra requirit, obviam ire queamus. Si enim aliud Vobis consilium; erit id quidem non fœderis aut fœderati defensionem, sed conatuum illius Nobis periculorum adversus Nos patrociniū agitare: Id quod de Vobis vel suspicari integerrima Nostra ac minime fucata in Vos propensio prohibet. Atque ut præterea negotium, quod Nobis cum Electore Brandenburgensi intercedit, a Rationibus Vestri Status est remotum, cum ad Germaniæ duntaxat pertineat quietem, eoque solummodo spectet, ne Westphalica Pax penitus proteratur, legesque ejus ludibrio omnino fiant, ac in totum vilescant, adeoque Nos tranquillitatem Imperiū optasse magis, quam defendisse videamur: Ita nec offensæ causam ullam subministrare Vobis jure possunt arma

Nostra

Nostra, quæ Necessitas Nobis prospiciendi movenda jus sit. Nullum enim imprimis bellum Vobis inferendum intendunt, quod etiam tunc temporis pro amore salutis Vestræ, procul habuimus, cum res Vestræ adversæ fiduciaque successus ad id invitare potuissent. Nec est præterea etiam damni aut periculi quidquam ab iis metuendum Vobis, quod vel fœderatorum auxilia avertant, quo citius pereatis, vel Vos, ne amissa recuperetis, impedi-
ant. Nam in eo jam Statu Benignitas Divina Vos collocavit, ut propriis nunc viribus securi ac muniti non opus habeatis, ut ad Rempublicam Vestram, vel in pristinum statum restitueundam vel conservandam aliorum accedant auxilia, ne dum ea, quæ Pacis Westphalicæ (ea vero, ut facta tectaque maneat, Vestra quoque interest) periculo, totque in Imperio Statuum, quorum penates belli jam moles involvit, ruina misereque pereuntium gemitu constant. Itaque horum omnium intuitu nulli dubitamus, quin ipsimet statuatis, arma, quæ in Nos expediveritis, justa dici non posse, quia nec necessaria: eaque de causa eo fore culpam gravio-
rem, quæ spe pacis, quæ apparere rursus rediviva cœpit, penitus ever-
sa, nulloque periculo impellente bello jannam erumpendi aperuerit novo, & cujus finem factururus dies aut terminus animo concipi non potest. Atque horret imprimis animus cum alia intuentes concomitata Nos inter collisionem mala, irruentem insimul Christiani Orbis antiquum illud antemurale *Polonia* Regnum, assilientem furorem *Porta Ottomannica*, remque Christianam, dum in semetipsos Christiani Principes

pes ac Status sæviunt, derelictam consideremus : idque juxta reputemus Christiani nominis hosti ad Tyrannidem suam propagandam, jugumque fervile Christianis imponendum, viam nullam expeditiorem esse posse, multis hisce inter se Christianorum odiis ac certaminibus. Est vero in manu ac potestate Vestra situm longe salubriori remedio, quam quod vel in belli flagrantis continuatione, vel novi accumulatione quæri possit, & rei Christianæ & foederato Vestro consulere: Nimirum si adhibita amica dehortatione a cœpto eum dimovere & ad meliora inducere, promptaque præterea pace difficultates & exortas & subnascentes omnes tollere ac præcidere volueritis. Atque ut de pacifica Nostra mente eo certiores esse possitis, sanctissime Vobis asseveramus, Nos, ut maximopere dolemus, Electorem Brandenburgicum ea prope-
ranter nimis amplecti voluisse consilia, quæ nec congrua foederi Nobiscum pacto nec affectui sincero, quo eum persecuti semper sumus, aut paci pacisque promovendæ studiis, quæ in commune Nobiscum collatarum se præ se tulit, consona: Ita simul ac Elector vel sponte, vel suasu ac officiis Vestris permotus, cum milite suo regressus fuerit, ad ea præterea transferit consilia, quibus non ut jam longius se moveri publica quies, sed facilitari poterit, pacis quoque Westphalicæ Nostræque ex ejus sincera observantia ac guarantia dependenti securitati ac incolumitati, cautum satis esse posse perspexerimus; Nos ad priorem mutuam fiduciam restabiliendam obvios ei omni promptitudine futuros, Nostrasque copias continuo ex
terris

terris Electoris, quas forte fuerint ingressæ, deducturos: id denique acturos, ut perspicuum orbi sit, arma Nostra, a nobis mota, non agi cupidine quadam bellum ex bello ferendi, nec eos adjuvandi conatus, qui paci adversantur, aut alios lædendi opprimendive; eaque nullum sive ad Electorem pertinentem, sive in Imperio alibive locum occupandum ac retinendum sibi destinasse? Verum ad Pacem promovendam juraque ac fœdera Nostra tuenda solummodo spectare. Speramus autem, hanc Nostram assecurationem fidemque, quam Vobis damus, de vero ac Pacis studiosa intentione Nostra securos Vos reddere posse: adeoque effecturam, ut ipsimet deprehendatis, causam nullam esse justam ac legitimam, quæ Vestra in Nos arma provocare possit: quin etiam ad eas rationes animum adjiciatis, quæ & in pacem propensionem, quam laudabiliter sæpius ac iteratis vicibus contestati estis, comprobare poterint, spemque confirment, quam concepimus, affectui, quo Vobis salutiquæ Vestræ optime cupimus, parem Nos apud Vos experturos. Sin autem aliter evenerit, quod Deus tamen avertat! Justitia quæ a Nobis stat, nitentur, fiducia certa freti, causam Nostram optimamque Intentionem & Deum Adjutorem omni exoptando successu & pacis cunctos ac æquiamantes fautores iaventuram. Interea vero nec a proposito, ne latum quidem, quod dicitur, unguem dimovemur, quod semper Nostrum fuit, amice Vobiscum vivere: nec remissum reperietur, quod Nos omni tempore tenuit, desiderium & publicæ ac communis quietis, & amicitiae ac sinceræ animi argumentis
sic

sic Vobiscum certandi, ut ambigi possit, paratiores ne Nos fuerimus, an Vos promptiores ad ea studia, quibus mutua Nos inter amicitia diuturna conservari & in secula propagari possit. Quæ omnia cum Legatus Noster Extraordinarius ac Aulæ Cancellarius, Generosus ac Nobilis Nobis sincere fidelis Edwardus Ehrenstein, Hæreditarius in Forsbygard, Lindesiz & Brackesdorp uberius expositurus erit, eo nos referimus, eaque de causa hæce finientes Deo optimo maximo Pacis Autori Vos animatus commendamus, fausta quævis ac felicia Vobis apprecantes. Dedimus in arce Nostra Holmensi die 5. Mensi Decembris, Anno 1674.

Vester Bonus Amicus & Fæderatus

CAROLUS.

H. Hoghusen.

DCIX.

Litteræ CAROLI XI. Suecorum Regis, ad PROCERES S. R. IMP. per Delegatos in Comitibus Ratisbonensibus congregatos, quibus ipsimum contra Electorem Brandenburgicum bellum, velut justum & totius Imperii consensu ac patrocinio dignum, probatum it, seque infucata in pacem universalem propensione duci, sollicitè asserit, 1674.

Nos Carolus, Dei Gratia Suecorum, Gothorum & Vandalorum Rex &c. Reverendissimis, Serenissimis, Cellissimis, Illustriissimis, Reverendis, Illustribus, Magnificis, Generosis & Spectabilibus

bilibus Romani Imperii Electoribus, Principibus
& Statibus respective Consanguineis & Amicis
nostris Clarissimis, ut & Nobis sincere græteque
dilectis, salutem & prosperos rerum
successus.

*Reverendisimi, Serenisimi, Celsissimi, Illu-
strisimi, Reverendi, Illustres, Magnifici, Generosi &
Spectabiles Romani Imperii Electores, Principes &
Status respective Consanguinei & Amici Cla-
rissimi, ut & sincere græteque
dilecti.*

QUOD non vana fuerit nostra quam testabamur
initio horum, qui primo viciniam adorieban-
tur, belli motuum sollicitudo, & quod non frustra
Celsitudines Vestras Electorales, Dilectiones Ve-
stras, & Vos, ad adæquata huic malo remedia
preparanda & ibi in publicis Imperii Comitibus &
seorsim per Ablegatos Nostros in Aulis Celsitudi-
num Vestrar. Electoralium, Dilectionum Vestra-
rum & apud Vos requisiverimus, eventus rei, qui
ob oculos versatur, ubique funestus abunde satis
approbavit; serpendo enim turbæ hæ regione ex
una in alteram & vicinorum & Imperii Statuum,
quorum plerique tamen per leges Imperii & gen-
tium, erant enim a culpa & a causa belli omnino
liberi, ab ista belli injuria debuissent esse immu-
nes, cuncta vi & flammis absument, & publicam
Germaniæ rem iis exponunt calamitatibus, quod
de unquam reparanda ejus salute merito despera-
remus, nisi in unicum, in opem nempe divinam,
veram & sacram illam fluctuantis ac fere deper-

difficiles & longos, dummodo Vobis sociis & Amicis Nostriſ Vestræque ſaluti conſulatur; de fido erga Vos animo noſtro dubitari minime poſſe. Atq; hæc conſiderantibus Nobis, deque eo inſimul ſollicitis, ut conſilia vobiſcum jungere poſſemus pro publica tranquillitate tum reſtituenda tum reſtituta munienda, lætiſque præterea, quod favore omnipotentis Reſ vestræ feliciter reſtaurata, Pacem jam propinquam promittere velle viderentur, in exſpectatum accidit, ea Nobis annuntiari, quæ nihil minus, quam amica præ ſe ferunt conſilia, nimirum de armis in Nos ſuſcipiendis apud Vos agi, copiasque luſtrandas & adverſus Nos quamprimum educendas, Vos decreviſſe: Et quidem ea de cauſa, quod cum Elector Brandenburgicus, præter ſpem, quam in fœdere Nobis dedit, nuperrime Nobiſcum inito, & cujus eſt unus ſcopus, quietis in Imperio cura, nec ad Inſtrumentum Pacis, cujus tutela etiam Nobis incumbit, attendens, adeoque non ut cæteri Imperii Status copiis pro rata cum aliis in Imperii deſenſionem ſociatis, ſed juſto miſſo exercitu ea arripuerit conſilia, quæ nec paci procurandæ, quæ prætenditur, conveniunt, nec tuta Nobis, ſiquidem, quæ pertulit Imperium jam longo tempore mala, graviora faciant, ſecuritatemque vigore Pacificationis Weſtphaliæ competentem dubiam ac incertam reddant. Nos idcirco intermittere ea non potuerimus, quæ & Pacis Weſtphaliæ Guarantia Nobis imperat, incolumitasque propria ſuadet. Atque eſt hoc ipſum ejusmodi, ut merito Nos ſummopere commoveat, ſive ſincerum Noſtrum erga Vos affectum, ſive curam intueamur, qua publicæ

blicæ quieti jam diu ac indefessi allaboramus. Nam quod veteri Regnum inter Nostrium Statumque Vestrum amicitia firmiter inhæreamus: eamque, posthabita omni alia consideratione, illâsam conservandam omni tempore duxerimus: quod etiam Rempublicam Vestram omni semper favore & constanter amplectamur: quod denique paratos Nos non semel contestati fuerimus, ad omnia ea, quæ nexui Nos inter mutuo robur adhuc majus addere possent; ejus vero longe aliam rationem habendam pro æquanimitate Vestra ipsi procul dubio dijudicabitis, quam ut ea, quæ hostibus, quam Confœderatis conveniunt, magis in Nos decernantur. Nec etiam opera, quam ab omni Partium studio remotam, Paci & Vobis & Orbi restituenda commodamus, id promereri videtur, ut locum apud Vos consilia ulla inveniant, quæ Nostro cum periculo securitatisque Nostræ imminutione conjuncta esse possint. Est equidem laude digna illa Vox, qua fœdera Vestra Vestrosque Fœderatos curæ Vobis profitemini: verum dum suasores exemplo Vestro estis, ut fides data non deferatur, ipsimet Vos alienum quoque a justo statuatis necesse est, ut in Nos arma ideo capiantur, quod nec fœderato Nostro nec fœderi sancito deesse queamus aut velimus. Nec enim est fœdus Nostrium cum Serenissimo Rege Gallia Christianissimo ita comparatum, ut novum dici possit, aut tale, quod præsentibus motibus ortum ac vires suas solummodo debeat. Sed ei superstructum stat fundamento, quod tempore ac ætate Bellum, cui Vos implicati estis, multum ante-

antecedit, eamque a Nobis occasione quoque hujus temporis exigit observantiam; quæ nobis incubisset, minime licet enata fuisset inter Regem Christianissimum & Vos armorum illa contentio, quæ adeo infelicitè tot Principes ac Potestates in Europa in mutuas cædes agit. Et certe si fœderum jura sociis munimento esse debeant, spes merito est, sic aliorum fœderatorum vestrorum causam Vobis suscipiendam esse, Vos existimaturos, ut insimul cavendum omnino censeatis, ne in detrimentum Nobis nihil tale promerentibus cedat, cum fœdera quoque Vobiscum habeamus & antiqua admodum & sæpius renovata, nec ut fœderatum Vestrum subvertamus, cœco belli studio accensi annitatur, sed in eo occupati solummodo simus, ut quæ Nobis ab illius inceptis imminent pericula, iis avergendis tempestive, & prout salus Nostra requirit, obviam ire queamus. Si enim aliud Vobis consilium; erit id quidem non fœderis aut fœderati defensionem, sed conatum illius Nobis periculoso- rum adversus Nos patrociniū agitare: Id quod de Vobis vel suspicari integerrima Nostra ac minime fucata in Vos propensio prohibet. Atque ut præterea negotium, quod Nobis cum Electore Brandenburgensi intercedit, a Rationibus Vestri Status est remotum, cum ad Germaniæ duntaxat pertineat quietem, eoque solummodo spectet, ne Westphalica Pax penitus proteratur, legesque ejus ludibrio omnino fiant, ac in totum vilescant, adeoque Nos tranquillitatem Imperii optasse magis, quam defendisse videamur: Ita nec offensæ causam ullam subministrare Vobis jure possunt arma

Nostra

Nostra, quæ Necessitas Nobis prospiciendi movenda jus sit. Nullum enim imprimis bellum Vobis inferendum intendunt, quod etiam tunc temporis pro amore salutis Vestræ, procul habuimus, cum res Vestræ adversæ fiduciaque successus ad id invitare potuissent. Nec est præterea etiam damni aut periculi quidquam ab iis metuendum Vobis, quod vel fœderatorum auxilia avertant, quo citius pereatis, vel Vos, ne amissa recuperetis, impedi-
ant. Nam in eo jam Statu Benignitas Divina Vos collocavit, ut propriis nunc viribus securi ac muniti non opus habeatis, ut ad Rempublicam Vestram, vel in pristinum statum restituentiam vel conservandam aliorum accedant auxilia, ne dum ea, quæ Pacis Westphalicæ (ea vero, ut facta tectaque maneat, Vestra quoque interest) periculo, totque in Imperio Statuum, quorum penates belli jam moles involvit, ruina misereque pereuntium gemitu constant. Itaque horum omnium intuitu nulli dubitamus, quin ipsimet statuatis, arma, quæ in Nos expediveritis, justa dici non posse, quia nec necessaria: eaque de causa eo fore culpam gravio-
rem, quæ spe pacis, quæ apparere rursus rediviva cœpit, penitus ever-
sa, nulloque periculo impellente bello jannam erumpendi aperuerit novo, & cujus finem facturus dies aut terminus animo concipi non potest. Atque horret imprimis animus cum alia intuentes concomitatura Nos inter collisionem mala, irruentem insimul Christiani Orbis antiquum illud antemurale *Polonia* Regnum, assilientem furorem *Porta Ottomannica*, remque Christianam, dum in semetipso Christiani Principes

pes ac Status sæviunt, derelictam consideremus: idque juxta reputemus Christiani nominis hosti ad Tyrannidem suam propagandam, jugumque servile Christianis imponendum, viam nullam expeditiorem esse posse, multis hisce inter se Christianorum odiis ac certaminibus. Est vero in manu ac potestate Vestra situm longe salubriori remedio, quam quod vel in belli flagrantis continuatione, vel novi accumulatione quaeri possit, & rei Christianæ & fœderato Vestro consulere: Nimirum si adhibita amica dehortatione a cœpto eum dimovere & ad meliora inducere, promptaque præterea pace difficultates & exortas & subnascentes omnes tollere ac præcidere volueritis. Atque ut de pacifica Nostra mente eo certiores esse possitis, sanctissime Vobis asseveramus, Nos, ut maximopere dolemus, Electorem Brandenburgicum ea prope-
ranter nimis amplecti voluisse consilia, quæ nec congrua fœderi Nobiscum pacto nec affectui sincero, quo eum prosecuti semper sumus, aut paci pacisque promovendæ studiis, quæ in commune Nobiscum collatarum se præ se tulit, consona: Ita simul ac Elector vel sponte, vel suasu ac officiis Vestris permotus, cum milite suo regressus fuerit, ad ea præterea transferit consilia, quibus non ut jam longius se moveri publica quies, sed facilitari poterit, pacis quoque Westphalicæ Nostreque ex ejus sincera observantia ac guarantia dependenti securitati ac incolumitati, cautum satis esse posse perspexerimus; Nos ad priorem mutuam fiduciam restabiliendam obvios ei omni promptitudine futuros, Nostrasque copias continuo ex
terris

terris Electoris, quas forte fuerint ingressæ, deducturos: id denique acturos, ut perspicuum orbi sit, arma Nostra, a nobis mota, non agi cupidine quadam bellum ex bello ferendi, nec eos adjuvandi conatus, qui paci adversantur, aut alios lædendi opprimendive; eaque nullum sive ad Electorem pertinentem, sive in Imperio alibive locum occupandum ac retinendum sibi destinasse? Verum ad Pacem promovendam juraque ac fœdera Nostra tuenda solummodo spectare. Speramus autem, hanc Nostram assecurationem fidemque, quam Vobis damus, de vero ac Pacis studiosa intentione Nostra securos Vos reddere posse: adeoque effecturam, ut ipsimet deprehendatis, causam nullam esse justam ac legitimam, quæ Vestra in Nos arma provocare possit: quin etiam ad eas rationes animum adjiciatis, quæ & in pacem propensionem, quam laudabiliter sæpius ac iteratis vicibus contestati estis, comprobare poterint, spemque confirmet, quam concepimus, affectui, quo Vobis salutique Vestræ optime cupimus, parem Nos apud Vos expecturos. Sin autem aliter evenerit, quod Deus tamen avertat! Justitia quæ a Nobis stat, nitetur, fiducia certa freti, causam Nostram optimamque Intentionem & Deum Adjutorem omni exoptando successu & pacis cunctos ac æqui amantes fautores iaventuram. Interea vero nec a proposito, ne latum quidem, quod dicitur; unguem dimovemur, quod semper Nostrum fuit, amice Vobiscum vivere: nec remissum reperietur, quod Nos omni tempore tenuit, desiderium & publicæ ac communis quietis, & amicitiae ac sinceræ animi argumentis
 sic

sic Vobiscum certandi, ut ambigi possit, paratio-
res ne Nos fuerimus, an Vos promptiores ad ea stu-
dia, quibus mutua Nos inter amicitia diuturna con-
servari & in secula propagari possit. Quæ omnia
cum Legatus Noster Extraordinarius ac Aulæ Can-
cellarius, Generosus ac Nobilis Nobis sincere fi-
delis Edwardus Ehrenstein, Hæreditarius in Fors-
bygard, Lindefiæ & Brackesdorp uberius exposi-
turus erit, eo nos referimus, eaque de causa hasce
finientes Deo optimo maximo Pacis Autori Vos
animitus commendamus, fausta quævis ac felicia
Vobis apprecantes. Dedimus in arce Nostra
Holmensi die 5. Mensi Decembris, Anno 1674.

Vester Bonus Amicus & Fœderatus

CAROLUS.

H. Hoghusen.

DCIX.

*Litteræ CAROLI XI. Suecorum Regis, ad PRO-
CERES S. R. IMP. per Delegatos in Co-
mittiis Ratisbonensibus congregatos, quibus ipsimo-
rum contra Electorem Brandenburgicum bellum,
velut justum & totius Imperii consensu ac pa-
trocinio dignum, probatum est, seque infucata
in pacem universalem propensione duci, sollici-
te asserit, 1674.*

Nos Carolus, Dei Gratia Suecorum, Go-
thorum & Vandalorum Rex &c. Reverendissi-
mis, Serenissimis, Celsissimis, Illustrissimis, Reve-
rendis, Illustribus, Magnificis, Generosis & Specta-
bilibus

bilibus Romani Imperii Electoribus, Principibus
& Statibus respectiue Consanguineis & Amicis
nostris Clarissimis, ut & Nobis sincere grateque
dilectis, salutem & prosperos rerum
successus.

*Reverendisimi, Serenisimi, Celsissimi, Illu-
strisimi, Reverendi, Illustres, Magnifici, Generosi &
Speſtabiles Romani Imperii Electores, Principes &
Status respectiue Consanguinei & Amici Cla-
rissimi, ut & sincere grateque
dilecti.*

QUod non vana fuerit nostra quam testabamur
initio horum, qui primo viciniam adorieban-
tur, belli motuum sollicitudo, & quod non frustra
Celsitudines Vestras Electorales, Dilectiones Ve-
stras, & Vos, ad adæquata huic malo remedia
præparanda & ibi in publicis Imperii Comitibus &
seorsim per Aبلغatos Nostros in Aulis Celsitudi-
num Vestrar. Electoralium, Dilectionum Vestrarum
& apud Vos requisiverimus, eventus rei, qui
ob oculos versatur, ubique funestus abunde satis
approbavit; serpendo enim turbæ hæ regione ex
una in alteram & vicinorum & Imperii Statuum,
quorum plerique tamen per leges Imperii & gen-
tium, erant enim a culpa & a causa belli omnino
liberi, ab ista belli injuria debuissent esse immu-
nes, cuncta vi & flammis absument, & publicam
Germaniæ rem iis exponunt calamitatibus, quod
de unquam reparanda ejus salute merito despera-
remus, nisi in unicum, in opem nempe divinam,
veram & sacram illam fluctuantis ac fere deper-

ditæ rei anchoram reclinandi nobis superesset
Asylum. Recordari enim Celsitudines Vestras
Electtorales, Dilectiones Vestras & Vos optime,
non dubitamus, quanta cura, quam sincero ac
indefesso desiderio, & quot impensis per diversas
ad omnes, qui bello involvebantur primo Reges
& Status missas Legationes, studium reconcilia-
tionis & pacis commendavimus, & quod exant-
latis, quæ exoptatissimum hoc negotium suffla-
minabant, difficultatibus a cunctis belligerantibus
congressum, qui Colonia Agrippinæ non ita pri-
dem pro perficiendo salutari hoc opere celebra-
batur, tandem evicerimus partibus ibi præsentibus,
quamvis earum prætensiones ex motu fortunæ
belli aggravescabant vel remittebantur, & maxi-
mæ erat molis animos dolore amissi excitatos &
forte elatos propitia & his & illis aut indignantes
aut bene cupientes, omnes vero inimicos sibi invi-
cem infensissimos ad moderatiores demulcere pa-
cis condiciones, spes tamen affulgebat, potuisse
Legatos Nostros, qui summa integritate & pruden-
tia officio mediationis, cui soli invigilabant, per-
fungebantur, ardua hæc & invia exæquare, & po-
stulata uniuscujusque in quantum immoderata ad
lancem æquitatis componere, nisi infaustus de
Principis, Wilhelmi captivitate & sequestratione
argenti Gallici casus operam illam nostram, & si-
mul omne, quod Christianus Orbis sibi exinde
promittebat, solamen intervertisset. Conquere-
bantur enim Legati Galliarum Regis, quorum ni-
mis festinatum, cum commissa publico condonari
potuissent bono, non utique probamus, discessum,
nul-

nullam sibi relinqui securitatem illo in loco, quem fides publice data, cujus sponsores & depositarium virtute muneris Mediatorii Nos reddidissimus, inviolabilem præstare debuisset ac sanctum & abeuntibus iis, reliqui ansam sumebant & prætextum Plenipotentarii se etiam ad suos, cum redditus istorum tam brevi non sperari poterat, recipere Dominos. Quo communis inde res faciem sortita est magis deploratam, eo fortius contra hunc fortunæ tranquillitatem Christianitati invidentis ictum eundem rati, Legatos iterum nostros ad Imperatorem, Regem Galliarum, & Ordines unici Belgii misimus, iis mandatis, ut remotis, quæ priorem eruperant tractatum, obstaculis desiderium tranquillitatis iis omnibus, & per eos illorum Confœderatis insinuarent, mitigarent ubique conditiones pacis, simulque operam darent, quo induciæ generales obtineri, & per eas animi ad ponendam, ac desuescendam primo iram & inimicitiam, ac dein admittenda remedia reliqua, quæ illam penitus eradicare, & in omnimodam a tota Christiana gente tam anxie desideratam reconciliationem & pacem convertere possent, quo ita restitutus denuo pacificationis tractatus potius consummando & ultimam manum applicando inservire posset. In hoc agendi modo, ut a nobis optima ac integerrima fide publicæ salutis unice destinato, ita & ab omnibus, quorum interest, rem solam Imperii absque reflexione ad exterorum commoda habere sartam & salvam sæpius comprobato, hæremus adhuc non parum anxii & solliciti de exoptato huius negotiationis eventu; meliora nos quidem

sperare jubent, quod omnes desiderium pacis ingens & pertasos se effusionis Christiani sanguinis profiteantur, verum non e contra parum contristamur, quando expendimus non admitti medicinam, quæ morbo præparatur, & sola ei videtur salutaris, non removeri per restitutionem detenti Principis, cujus quidem commissa non excusamus, sed quod iis, ob pacis favorem ignosci potuisset, optassemus, obstacula, quæ Tractatus re assumptionem hætenus impediunt, non consentiri Armistitium, nisi iis conditionibus, quæ parte adversa pene devicta, forsan non expectari, aut ad minimum, nisi cum ipsa pace rite postulari potuissent, & quod in partes trahantur, vel eant Principes illi, qui maximum pacis studio fomentum afferre voluissent, si a belli operatione abstinuissent, ad eam tamen omnibus quibus pollent viribus parati, si necessitas vel favor publici illud postulasset, & ad serio & cum autoritate exponenda, quæ pacem evincere potuissent, argumenta. Qui ut maxime salutaris, ita & solus & unicus hic noster fuit scopus, cum transmitteremus, qui in nostris Imperii Provinciis commoratur, militem, quem & quamvis immensis sumptibus nostris, & nostrorum subditorum onere gravissimo ibi diutius eundem in finem adhuc retinuissemus, nisi nobis præter spem, & quod summo pere dolet, obvenisset controversia quædam cum Domino Electore Brandenburgico singularis, & illa simul necessitatem nobis imposuisset, arma nostra ad vindicandam, quæ Dominus Elector & per leges Westphalicæ pacis & nostra cum ipso inita pacta tenetur, fidem, ipsi aliquo propinquius & in ipsis

ipsis ditionibus suis tamen absque ulla ulteriori ac hostili operatione monstrare. Cognita sunt enim Celsitudinibus Vestris Electoralibus, Dilectionibus Vestris & Vobis, quæ a toto Imperio, ut Coronæ Galliarum in Instrumento pacis §. Et ut eo sincerior, &c. aperte, ita & Regibus & Regno Sueciæ in diversis earundem pacis tabularum passibus implicate & per sanam consequentiam de earundem ambarum Coronarum hostibus extra Imperium per suppetias non juvandis, sancte promissa sunt, & quod nos cum alte memorato Galliarum Rege, prius tamen, quam nobis dabatur de ejus futura cum Imperio simultate, ullam habere suspicionem pro roborando isto quoad Coronarum securitatem tanti ponderis articulo non solum, verum etiam pro exacta tranquillitatis & omnium, quibus Imperii Ordines sanctionis virtute illius gaudent & gaudere debent, jurium & beneficiorum observantia certa inivimus pacta, de quibus statim, postquam conclusa fuerunt, Celsitudines Vestras & Vos, & præprimis Dominum Electorem Brandenburgicum per expressam certiorrem reddidimus ablegationem. Quemadmodum etiam nec ille, nec reliqui hanc nostræ & Imperii salutis debitam curam damnarant, verum plerique illam maxime arbitrati sunt salutare, ac quod magis est, Imperator ipse vigore singularis cum Gallia desuper fere sub eodem ac nos paciscebamur dato, conclusi fœderis approbavit, declarando nimirum sensum illius §. eo modo, prout nos in nostris pactis eum, ut genuinum, merito agnovimus. Cum ergo hæc

non minus, ac reliquæ Imperii pragmaticæ leges, debeat esse salva, non possumus, quin maxime doceamus, quod alte memoratus Dominus Elector, ejus immemor esse voluerit, mittendo, quæ constitutio hæc non probabat, exteris auxilia, & promittendo illa per expressa æque, qua istum casum cum exteris prohibita, fœdera, & quod nos illo suo facto adegerit, compertum cuique reddere, quod nobis illud, uti juxta amussim legum Imperii par est, displiceat. Non enim inficias imus, Dominum Electorem non minus, ac reliquos Imperii Electores, Principes, ac Status fuisse obstrictum, per eam, quam Imperio debebat, fidem arma, speramus tuto satis & expensis, quæ bellum sequuntur, debita cura incommodis, promulgare contra Galliam decreta, ac stringere simul in defensionem Imperii, quam etiam nullatenus in dubium vocamus; ast nescimus, num voluisset ultra quantum Imperio, juxta ejus catastum, debitum, omnes suas vires educere & elargiri, nisi per præmemorata cum exteris conclusa pacta, & spe insignis cujusdam commodi ea sponsundisset. Tantum abest etiam a nobis invidere tam exteris, quam præprimis illis Imperii Principibus ac Statibus, qui multa & gravia ab exercitibus Gallicis contra leges Imperii perpeSSI sunt, hanc Domini Electoris opem, quod nosmetipsi oppressis suppetias venissemus numero militum juxta matriculam debito, nisi qua officium Mediatoris sustinentes non ausi fuissimus quædam committere, quæ ab adversa secus interpretari potuissent parte, & muneri mediatorio aliquam excitare suspensionem. Nihilominus tamen
omnem,

omnem, quem potuimus per Legatorum Noſtrorum ſerio factam repræſentationem movimus lapidem, quo damna a Gallis Imperio reparari, ac eorum progreſſus contra Hollandiam ſiſti, eoſq; inter ac eorum utrinque Conſœderatos pax æqua & univerſalis procurari poſſet, declarando palam, paratum eſſe noſtrum absque partium ſtudio militem ad evincendum contra inique refractarios ejusmodi juſtam tranquillitatem. Et quo verbis illis, ſuffici-entes, etiam vires reddere poſſemus, in ſocietatem honeſti illius & ſinceri propoſiti, quemadmodum Celſitudines Veſtræ & vos, uti Imperii Electores, Principes & Status, quamvis pleroſque ob hanc vel illam fundatam male ſuſpicionem incallum requiſivimus, ita & Dominum Electorem ſeparatim invitavimus, & per fœdus cum ipſo non ita pridem ſub dato 1. Decembr. elapſi anni concluſum aſtrinximus; Quod cum pax & tranquillitas publica non parum ſit labefactata conſultum utrinque viſum fuerit, ut reducendæ eidem omnis porro ſine mora impenderetur cura. Et ſicuti Dominus Elector noſtra ei ſcopo hætenus impenſa officia multis elogiis in eodem fœderis art. 4. maxime probat, ita nobiſcum in eum agendi modum porro condeſcendit. Quod nempe ambo eadem via ulterius procedere ac belligerantibus & conjunctim & ſeparatim cum per literas, tum per Miniſtros & Legatos omnia belli mala exponere, eoſque ſerio hortari vellemus, ut Orbi Chriſtiano, æquis admiſſis conditionibus, pacem reddant. Aſt vero, ſi hæc officia, labor & induſtria fruſtra fuerint, omneſque amicæ hortationes, fida conſilia, oblataque con-

D d d 4

venien-

veniente loco & tempore media, quamvis repetita, nullum locum invenirent, nec æquæ conditiones admitterentur, eo casu & Nos & Dominus Elector nihilominus constans nostrum promovendæ conservandæque pacis propositum simul aliquando significantius testari deberemus, quam nobis hæc displiceant, ac simul conferre statim inter nos consilia, qua ratione, pro temporis rerumque statu officiis ad usque frustra impensis tandem locus aliquis a belligerantibus daretur. Reservavit quidem in articulo quodam separato sibi Dominus Elector liberiores quendam agendi modum, meditando procul dubio clam nobis ea, quæ jam eruperunt, priori adversantia consilia obligationi. Verum cum adderetur, quod consiliis, quæ alter foveret, alteri confœderato mature & justo tempore prius communicatis, id omni studio agi deberet, quo deliberata satis re, & examinatis consiliis inter se convenire possent; Nobis suspicari non licuit, voluisse Dominum Electorem per illum articulum, & promissum promovendi pacem amice methodum & scopum invertere, qui fœderi erat prope unicus ac maxime salutaris, observantiam nempe Instrumenti Pacis, qua beneficium ambabus Coronis super indigitato §. stipulatum, & ejusmodi tam pace, quam hujus fœderis tabulis dilucide adversum exequi propositum, priusquam juxta fidem eorundem pactorum super ardua illa resolutione nobis sua ut justa & licita probasset consilia. Innotuerunt enim nobis illa non citius, quam cum simul clarigatio Galliæ & exercitus contra illam educeretur, quamvis Ablegato No-

stro,

stro, Tribuno Wangelin, in Aula Domini Electoris
præsente, & summo studio interjectis querelis cau-
sam perquirente, quod intentio tanti momenti, &
super qua tam frequentes cum exterorum Ministris
instituerentur communicationes, illum celaretur.
Verum quemadmodum methodus illa agendi præ-
memoratorum fidei pactorum adversabatur, ita il-
lam nec nos merueramus, cum Domino Electori
in recenti adhuc versarentur memoria optima
nostra pro reconciliatione ipsius cum Rege Gal-
liarum impensa officia, & quod, dum suadeba-
mus compositiones, illam a parte Electoris, cum
jam hostem in ipsis ditionibus suis circumspi-
ceret, tam flagranter desideratam simul Gal-
liæ spondebamus (quo datæ fidei nexu adhuc
obstringimur) fore illam constantem ac duratu-
ram. Dominus Elector præcipuam expeditionis
hujus causam tribuit quidem in literis, quibus de
hoc suo certiores nos reddit proposito, Gallorum
contra pacem ubique perpetratæ in Imperio vio-
lentiæ, & quod multis teneatur rationibus ei cum
reliquis Imperii statibus fortiter obviam eundi, nec
nos eam magis, quam reliqua Imperii membra ex-
cusamus, cum fuerint gravia & intoleranda inde
subsecuta. Ast cum alte memoratus Galliarum Rex,
cui omnia illa per Legatos nostros sæpius ob ocu-
los poni fecimus, regesserit, promptum ac paratum
se refarcire illa, a suis ex ratione interdum belli, &
ad avertenda, quæ in statum suum mala machi-
nabantur, illata detrimenta, modo & adversari,
qui forsân non minora peccassent, contra pacem
laesos redderent indemnes: Consideramus ex mu-

tuo hoc satisfaciendorum, induciarum ac restituendorum consensu, qui etiam ex æquitatis & egregii publici dictamine temperari & componi potuisset, publico belli & dissidiorum morbo propiorem & propitiorem medicinam potuisse conciliari, quam ex dubio vindicandarum injuriarum successu expectari queat, hoc est, promptiorem obtineri potuisse pacem, facie rerum, ut antea disposita, nostris nempe & Domini Electoris, ac reliquorum extra operationem belli adhuc constitutorum Principum, ad extorquendam a renitentibus & iniquis quietem, armis paratis & conjunctis, quam quæ nunc sperari queat, cum eorum vires distractæ in partes iverint, in mutuas cædes ruant, eventum rei fallaci fortis arbitrio relinquant, & superfluitates rem reducendi ad justum æquilibrium forsân non sufficiant, præsertim cum per eam partium multiplicationem multiplicatæ sint simul earum prætensiones, gravamina & studia & pacificationes; si benignum rei manum admoveat Numen, futura impofterum res multo quam antea difficilioris operis & negotiationis. Quapropter cum leges Imperii aperte satis prohibebant ea, quæ Exteris Dn. Elector præstitit auxilia, Hollandi cum primis illis non indigebant, cum per benignam Dei curam ultra & citius, quam sperari poterat, pristinos status sui fines postliminio jam recepissent, per illud vero, quod nobiscum pepigerat, fœdus, non etiam concedebantur, ad minimum nobis inconsultis rite mitti non poterant, nostræ etiam cum Gallia initæ unioni, quæ ut superius jam dictum, expressæ pacis Westphalicæ innitenda-

tebatur dispositioni, directo quemadmodum Domino Electori optime erat compertum, adversabantur, ideoque per illos trium foederum nexus necessitas, nisi secus servatae fidei famae, quam tamen pejus omni periculo averfamur, Nos exponere velimus, nobis imposita per cuncta, quae negotio sufficiant, media tentare, quo Dominus Elector ad observantiam istorum foederum reduci possit, & quandoquidem eum in finem partem exercitus nostri in ditiones Domini Electoris Brandenburgici eduximus, non quo ullum hostilis animi actum miles noster exerceat, verum ut amice ibi subsistat, donec legibus pacis Westphalicae & nostrae confederationis debito satisfactum, ita confidimus a Celsitudinibus Vestris Electoralibus, Dilectionibus Vestris & Vobis hoc remedium nostrum, quo saluti pacificationis & sanctitati pactorum unice velificari intendimus, non tantum non sinistre latum, ac veluti actum tranquillitati contrarium Imperii expositum, verum potius nos a Celsitudinibus Vestris & Dilectionibus Vestris & Vobis, ut compaciscentibus & sponsoribus saepius praedictae pacis Westphalicae adjutum iri, quo Domino Electori satisfactio iusti nostri ac æquissimi desiderii persuaderi possit, eaque spe tanto majori fiducia nitimur, quia credimus, non posse nec velle Celsitudines Vestras Electorales, Dilectiones Vestras & Vos a nostro proposito, cum fuerit usque in hunc diem adeo sincerum, honestum & Imperio salutare, alia vel ipsas conjicere, vel persuasas ab aliis admittere, quam quae & in futurum isto cum saluberrimo scopo convenire, & ipso testari facto queant;

queant; quam ut amicitiam cum Celsitudinibus Vestris Electoralibus, Dilectionibus Vestris & Vobis semper cupimus salvam atque intemeratam, ita etiam illam nos omni, quo valemus studio, quavis occasione servabimus; Innatus enim nobis est ille cultus & hæc propensio, cum gloriemur Nos ex Illustriori Principum Imperii stirpe progenitos, & sicuti de cætero nobis suspicari non concessum, intermortuam esse memoriam meritorum, quibus antecessores nostri, Reges Sveciæ, ob vindicatam Germaniæ libertatem ac quietem in tantum inclaruerunt, ita & ea omnia hoc ad minimum operatura confidimus, ut de actionibus nostris ad Instantiam nobis & publicæ salutis male cupientium nihil sinistri vel inimici credero velitis; donec earum integritatem & promptissimum nostrum ad reconciliationem cum Domino Electore animum aliquo exactius indagare possitis, quibus Celsitudines Vestras Electorales, Dilectiones Vestras & Vos ad quævis prospera & status incrementa protectioni Divinæ commendamus. Dabantur in Arce nostra Holmenſi, die 16. Dec. Anno 1674.

Celsitudinum Vestrarum Electoralium,
Dilectionum Vestrarum

*Bonus Consanguineus Fœderatus &
Amicus*

Vobisque

Singulari benevolentia affectus

C A R O L U S.

F. Joël Ornsted.

DCX.

DCX.

*Litteræ LAURENTII CHRISTOPHORI a
SOMNIZ, Consilarii Electoris Brandenburgici
intimi, ad RECTOREM & PROFESSORES
ACADEMIAE ARGENTORATENSIS, qui-
bus nomine Electoris sui, pro habita in obitum
CAROLI ÆMILII, Principis Electoralis
Primogeniti solenni Panegyri, decentes gratias
agit, 1674.*

Rector Magnifice, Professores admodum
Reverendi, Amplissimi, Domini &
Amici plurimum honorandi.

Cum Argentinenſis Respublica nuper illuſtri
documento Cæſari atque Imperio difficilli-
mis temporibus, ſuam probaret fidem, Sereniſſi-
mus Elector Brandenburgicus, Dominus meus in-
dulgentiſſimus, & agnovit & prædicavit eam di-
gnis modis. Nunc cum in graviſſimo eodemque
luſtuoſiſſimo caſu, quando nimirum ſua Serenitas
Electoralis filium primogenitum Principem un-
diquaque florentiſſimum amiſit, eadem Respubli-
ca dolorem ſuum declaraverit; Academia autem,
quæ eadem Republica continetur pergrato officio
& luculento ſcripto, luſtum levaverit adeo inſi-
gnem, grato profitetur animo ſua Serenitas Ele-
ctoralis, inde ſibi, Domuique ſuæ Sereniſſimæ ſo-
latium acceſſiſſe, unde nuper Germaniæ uniſerſæ
ſecuritas & ſalus aſſuſſit, idque ut Magnificentiæ
Vestræ, Vobisque Patres Academici Ampliſſimi,
ſignificarem juſſit; ſimulque Conſilario ſuo in-
timo, Nobiliſſimo Ampliſſimoque Domino Fran-
ciſco,

cisco Meinertio, alumno olim Vestro, nunc dexterritatis, solertiæ ac felicitatis Vestræ in formandis ingeniis, grato & perpetuo testi negotium dedit, ut affectum suum, ac grati animi sensum amplius declararet.

Ego autem, quantum debere me Vobis sentiam, re ipsa testari, quam verbis exprimere malle. Dabantur Colmaræ, die 18. Dec. 1674.

*Magnificentia & Amplitudinum Vestrarum
studiosissimus*

Laurentius Christ. Somnitz.

DCXI.

Litera JOHANNIS III. Polonia Regis, ad JOHANNEM GEORGIUM II. Saxonie Electorem, quem solus pro duplici voto gratiis, reciproco desiderio bene valere jubet, 1675.

P. P.

Humanissimæ Serenitatis Vestræ Literæ tanto Nobis sunt gratiores, quanto majora optimæ illius erga Nos voluntatis exhibent specimina, duplici utpote ornata & onerata officio, dum nempe Serenitas Vestra non modo felicem Nostram ad fastigium Regni hujus evectionem gratulatorio prosequi plausu, verum etiam prosperum vertentis anni recursu, prolixo voluit augurari affectu. Utrumque eo excepimus animo, cui pro scopo erit, uti de universa Christianitate, ita de Serenitate Vestra omni officiorum genere mereri. Enim vero jam hac in statione contra professum Nominis Christiani hostem propitia hastenus fortuna excubamus, in
qua

qua conceptæ de Nobis Orbis expectationi pro virili respondere adnitimur. Reciproco cæterum desiderio Serenitatem Vestram diu ac prospere valere cupimus. Datum in Castro Nostra Bratslavienſi ad Hyppanim die XXVI. Menſis Januarii Anno Domini M. DC. LXXV. Regni Noſtri Anno primo.

DCXII.

Literæ JOHANNIS GEORGII II. Saxonie Electoris, ad DUCEM de VILLA HERMOSA, recentem Belgii Hispanici Gubernatorem, cui aditæ tam insignis Provincia auspicia gratulatur, 1675.

P. P.

Ditionum Belgicarum Gubernacula Serenissimi Potentissimique Regis Hispaniarum decreto Excellentia Vestra demandata esse, perſcriptæ ad Nos pertulerunt Literæ, atque illæ quidem cum studiosa in Nos Voluntatis Vestrae, tum vel maxime Regii erga Nos animi obsides. Quæ prolixa sane testificatio vel eo pergrata Nobis extitit, quod non modo conceptam pridem de virtutis juxta & meritorum fama Excellentia Vestrae fiduciam Nobis haut vulgarem adaugeat, verum etiam quod commodas inde commonstrandæ Nostræ erga eandem benevolentia habituri simus causas simul atque occasiones. Quarum certe nulla Nobis nec antiquior nec optatior esse poterit, quam ubi pro ea, ac par est, rebus rationibusque Regiis una cum quiete publica pro virili promovendis, operam Nostram undiquaque prom-

ptis-

ptissimam nonnullo cum fructu infumere licuerit, De cætero Excellentia Vestra de felicibus aditæ tam insignis Provincia auspiciis gratulati, faustos ex omni parte rerum successus, benevole precamur, Eandemque de propensi animi Nostri affectu quam persuasissimam serio cupimus. Dabantur in Electorali Nostra Dresda die 22. Febr. 1675.

DCXIII.

Litera CAROLI II. Magna Britannia Regis, ad LEOPOLDUM, Rom. Imperatorem, quibus ipsum, qua ratione difficultas de commutandis salvorum conductuum tabulis enata, facilius removeri possit, edocet, 1675.

Carolus secundus, Dei Gratia, Magnæ Britannia, Franciæ & Hybernæ Rex, fidei defensor &c. Serenissimo, Potentissimo & Inviçtissimo Principi & Domino, Domino Leopoldo, divina favente clementia, Romanorum Imperatori, semper Augusto, &c. Fratri, Consanguineo & Amico Charissimo salutem, perpetuamque felicitatem,

Serenissime, Potentissime & Inviçtissime Princeps, Frater, Consanguinee & Amice charissime.

PERspectæ sunt Majestati Vestra infelices illæ difficultates in magno pacis negotio circa literarum Salvi Conductus articulum enatæ. Rem illam non sine multa animi ægritudine nobiseum revolvimus, probabili Tractatus illius successu, citra

tra remoram illam, sic satis effulgente, proindeque nullam omnino curam, nullamq; artem quam quidem Communis Generalisq; Mediatoris fides deposebat, ad istas difficultates amoliendas, irritum licet hactenus successu, prætermisimus. Subiit tandem animum nostrum, partibus belligerantibus hoc consilii proponere, in id scilicet utrinque consentiant, ut moris hactenus recepti loco, quo illa Salvi Conductus Diplomata sibi invicem reciproca erogant, Nos soli Mediatoris Communis Provincia fungentes, salvi Conductus literas utrisque partibus elargiamur: Hæ vero testatum faciant, se ratas omnino ejusmodi literas nostras habituros, atque ut in omnibus ditionibus rite observentur, curaturos esse. Hanc equidem ex multis, quæ mentem nostram hac de re agitarunt, rationibus, tanquam omnium convenientissimam selegimus, adeoque ut talem Partibus bello contententibus per Legatum nostrum Hagæ commorantem, proposuimus: Id quod Cæsareæ Vestræ Majestati præsentibus hisce significare æquum duximus, rationem hanc Cæsareæ Vestræ Majestatis benignitati, propensoque, quem in pacem semper exhibuit, animo commendantes, ut scilicet eam, prout tanti momenti res postulat, & meretur, idque juxta ampliorem, quam Cæsarea Vestras Majestas hac de re in Ministris suis Hagæ agentibus excipiet significationem, secum expendere dignari velit. De cætero Majestatem Vestram Cæsaream Dei optimi maximi tutelæ ex animo commendamus. Dabantur in aula nostra de Witchall die 7. Martii

anno Domini 1675. Regni vero nostri vigesimo octavo.

Cæsareæ Vestræ Majestatis

Amantissimus Frater & Con-
sanguineus

CAROLUS REX.

J. Williamson,

DCXIV.

Responsoria LEOPOLDI, Rom. Imperatoris, ad
præsertas CAROLI II. Magnæ Britannia Re-
gis literas, 1676.

Leopoldus, &c.

Literas Serenitatis Vestræ 7. Martii nuper elapsi
ad nos exaratas rite accepimus, & prolixè satis
ex iisdem cognovimus modum aliquem, quem ad
maturandum tandem Noviomagi Congressum
amoliendosque obices hætenus oppositos Nobis
proponere destinaverat, ut nempe a partibus bel-
ligerantibus utrinque annuatur, quatenus a Sereni-
tate Vestra munus Mediatoris obeunte, Salvi Con-
ductus omnibus concedantur, hi vero testatum
faciant, ab omnibus, quos Causa belli & Pa-
cis concernit, ratificatum omnino ejusmodi literas
atque curatum iri, ut in omnibus ditionibus suis ad
amissim observentur. Magnam sane gloriam si-
bi promeretur Serenitas Vestra, quod tanto tam-
que ardenti studio ac sollicitudine in proxime
procurandam Christianitati, sub tot belli præsentis
calamitatibus gemiscenti ac pene oppressæ pa-
cem

cem & quietem publicam enitatur. Verum quanta & Nos ac Confœderati nostri in eandem tranquillitatem reducendam sedulitate atque efficacia hætenus incubuerimus, & etiamnum omnia, quæ ad eam facilitandam quoquo modo conducere videntur, præstiterimus, & rationibus nostris privatis publica compendia anteferamus, nec Serenitas Vestra nec quisquam alijs a contrarii affectus studio liber inficiabitur. Quod vero medium a Serenitate Vestra pro accelerandis pacis tractatibus allatum attinet, intellexerit haud dubie Serenitas Vestra illud a Confœderatis Nostris Hagæ Comitibus jam, & quidem justissimis & gravissimis de causis non esse acceptatum, a quibus merito non recedimus, cum male & præter omnem consuetudinem prætendat Rex Galliarum, ut stylus solitus & ab omnibus receptus circumscribatur, & a singulis patienti animo ea, quæ noviter dictatorio pene modo proponit, observentur; præterquam quod ipsa abunde demonstrat experientia, quam parva sit religio Gallis ea, quæ ipsi, ne dicamus, quæ alii loco ipsorum spondent, adimplere, proinde etiam nec a Serenitate Vestra nec a quopiam alio sinistre susceptum iri confidimus, quod nec Nos nec Confœderati nostri in disceptandis salvis Conductibus propositioni deferre non potuerimus, non quod de æquali Serenitatis Vestrae in omnes partes belligerantes studio ac sinceritate dubitemus, sed quod plane non subsit causa, cur Regi Galliarum, cui hætenus alias in variis, amore pacis plurimum, quam par erat, detulimus, adhuc plura & quidem tam præjudicialia concedamus.

Fecerit igitur Serenitas Vestra rem Christianitati valde proficuum, & Muneri Mediatoris apprime congruam, prout eandem hisce perquam impense requirimus, si memoratum Regem Galliarum pro virum & autoritatis suæ pondere in eam adduxerit sententiam, ut desiderium pacis instaurandæ, tot verbis totque scriptis per totum late Christianum Orbem diffusis speciatenus divulgatum re ipsa testatum faciat, ac proinde rejectis similibus frivolis difficultatibus illi, quod reliquis atque ipsimet Coronæ Sueciæ propriæ belli sociæ jam placuit, se accommodet. Atque cum in finem memoratos Salvos Conductus in forma utrinque conventa tam Serenissimo Duci Lotharingiæ, quam aliis tandem extradat. Comparabit exinde Serenitas Vestra immortale sibi nomen & gloriam. Cui de reliquo optimam valetudinem & prosperos rerum successus aprecamur. Datum ad S. Vitum prope Viennam 26. Aprilis 1676.

DCXV.

Litera JOHANNIS III. Polonia Regis, ad CARDINALEM URSINI, Protectorem Polonia, quibus ab eo amice contendit, ut arma Polonica a nobiliori Porta ad ium suarum parte, cum opprobrio Nationis Polonia remota, pristino loco affigi iterum confestim curet, 1675.

P. P.

Cum primum innotuit Episcopis & Senatoribus Regni nostri Diploma Protectoratus Poloniæ, illis insciis in Personam Illustritatis Vestræ a nobis

nobis nuperrime subscriptum, & innervatum esse, graviter nobis exposuerunt maximum dignitatis nostræ Regiæ totiusque Regni honoris præjudicium, & dedecus in eo verti, quod Illustritas Vestra arma Poloniæ Portæ nobiliori Palatii sui præfixa, in sinistram partem transferre, ac dehinc inferiori loco deponere, & tali facto dehonestare in animum induxerit. Quo nomine tam eorundem Senatorum, quam Equestris Ordinis publica in Comitibus modernis Coronationis nostræ postulatio intervenit, ne talem postpositionis injuriam silentio & dissimulatione omittamus; Sed potius decenti & opportuno modo dignitati nostræ Regiæ, ac totius Nationis honori consulendo armorum nostrorum præcellentiam in integrum restitui curemus. Equidem magni a nobis æstimatur Principis Familiæ, & meritorum Illustritatis Vestræ claritudo, sed honoris imprimis nostri condigno sensu & stimulo permoti, ac præactæ Ordinum petitioni merito concedentes, requirimus ab Illustritate Vestra arma Poloniæ in eum locum, in quo a principio Protectoratus sui fuerunt & fulserunt, decenter restituere ne gravetur. Non dubitamus, Illustritatem Vestram expressæ huic voluntati nostræ, & desiderio Reipubl. Poloniæ indilate satisfacturam. Boni porro consulet Illustritas Vestra hanc retinendi honoris (quo nihil carius habemus in vita) curam, neque Nobis eam necessitatem imponet, ut ex causa ulterioris postpositionis, ad ulteriora postremo remedia, nolentes volentes descendamus. De reliquo Illustritati Vestræ incolumitatem, & prospera

spera quævis optamus. Cracoviæ 28. Martii
1675.

DCXVI.

*Litera JOHANNIS III. Polonia Regis, ad
CARDINALEM ALTIERI, de armis Po-
lonicis in præjudicium Sarmatica gentis a superna
Portæ Cardinalis Urfini parte remotis agentes,
1675.*

E Pistolam nostram Regiam ad Cardinalem Ur-
sinum innexo Exemplari Illustritati Vestræ com-
municamus. Intelliget Illustritas Vestra, quam
præjudiciosam dignitati nostræ, ac totius Regni
nostri honori, postpositionem armorum Poloniæ
ducamus, ac nisi Nobis, ac Reipublicæ condigna
satisfactio præstetur, nos tale dehonestamentum
dissimulare & tolerare minime posse declaramus.
Quod ut Sux Sanctitati benevole Illustritas Vestra
repræsentet, majorem in modum optantes, de re-
liquo Illustritati Vestræ bonam valitudinem &
prospera quævis apprecamur. Dab. Cracoviæ 28.
Martii 1675.

DCXVII.

*Litera JOHANNIS GEORGII II. Sa-
xonia Electoris, ad OLYMPIAM SFOR-
TIAM, Castilionai Ducis Viduam, quibus apud
eam Consolatorio ob mortem Celsissimi mariti ejus,
defungitur officio, 1675.*

P.P.

P. P.

TErrenis rebus placito cœlesti exceptum Illustrissimum & excellentissimum Principem, Dominum Ferdinandum, Sacri Romani Imperii & Castillionæum Principem, non sine animi agitudine ex Dilectionis Vestræ literis accepimus, æquiore tamen Nobiscum animo Dilectionem Vestram funestum istum casum laturam confidimus, quod non sine benigno Numinis divini Nutu caducam hanc cum beatiori vita, beatæ memoriæ Princeps feliciter commutavit. Facti interim ex præsentis sortis nuntio communis dolotis participes, Deum juxta precamur, ut gravem hanc percussæ Domus Vestræ jacturam felicioribus post hac rerum incrementis etiam atque etiam compensare dignetur. Quippe ad cujus ornamenta provehenda Nos equidem pro mutua necessitudine, nihil omnino facturisumus reliquum, Eandemque tutelæ divinæ cœlestis consolationis plenæ benevolæ commendamus. Dabantur in Electorali Nostra Dresda die 28. Maji Anno 1675.

DCXIIIX.

Litera ANDREAE OLZOVII, Regni Polonia Primatis, ad LEOPOLDUM Romanorum Imperatorem, a quo, ut Poloniam continuis bellis malis attritam, jam verò inter Sacrum & Saxum positam, auxilio charitativo sublevare dignetur, submisit efflagitat, 1675.

PRævalere fata consiliis, maximo malo, ultimoque jam rerum nostrarum discrimine plus satis

experimur. Post felices recenter armorum Poloniae progressus, post recuperatas fortitudine Sacrae Reg. Majestatis Domini Nostri Clementissimi, validissimas Ukrainae & Podoliae arces & civitates, bellicis per rigidiorē hyemem operibus attriti, ipsis victoriis defessi, ostentatione facilis pactiois ab hostibus elusi Moschoviticorum auxiliorum promissis frustra illecti, ab omnibus Principibus Christianis secularibus derelicti, in gravissimas adeo calamitates decidimus, ut praevalente numerosissimo Turcarum & Tartarorum exercitu, nostro autem ad exiguum redacto nervoque belli penitus deficiente, in praecipiti extrema fata, & excidium florentissimi quondam Regni (nisi Deus avertat) metuamus. Non ignoro, fervente nunquam maximo Christianitatis bello, consilia & arma Sacrae Majestatis Vestrae Caesareae alio distrahi, aut vicinitatis & necessitudinum motivis, ac magnitudine periculorum advehor, ut de praesenti afflictissimo Patriae nostrae statu Sacram Majestatem Vestram Caesaream certiores reddam, simulque repraesentem, quanta brevi perniciēs Christianae Reipubl. impendeat, cum ingenti bellatore populo, Cosacis, & Tartaris victor Turca augebitur, cum fractis, quae formidini adhuc & repagulo erunt, Polonorum viribus, expeditisque Cameneciae, ac alias per arces, armamentariis, quasi aperta per everfam Poloniam porta, ubivis & quodocunque libuerit, in conterminas provincias facilis bellorum via teterrimo hosti pandetur. Ac licet ea sit obstinatio animorum, & armorum Christianorum, ut fragore cadentis Poloniae, minime excitentur, consultum tamen vi-

sum

sum Sacræ Majestatis Vestræ Cæsareæ, notam & expertam compellare benevolentiam; ne rem Poloniam, sine ulla prorsus cura, & sine aliquo charitativo subsidio, nobisque opportuno auxilio, relinquere dignetur. Occurret facile prudentiæ Sacræ Cæsareæ Majestatis Vestræ modus, quo non gravi suo dispendio Nobis vero opportuno auxilio, Christiana vicinia & pridem amica Natio, in extrema necessitate nos sublabitur. Quod majori quantum possum contentione, pro officio meo exorans Sacræ Majestati Vestræ Cæsareæ, cum longæva incolumitate prosperrimos rerum successus auguror, meorumque obsequiorum demissionem gratiæ Cæsareæ Sacræ Majestatis Vestræ humillime commendo. Dab. Varſaviæ die 24. Augusti, Anno 1675.

DCXIX.

Littera CAROLI II. Magnæ Britannia Regis, ad CAROLUM XI. Suecorum Regem, a quo Salvi Conductus tabulas ad promovendum instantis Pacis negotium necessarias Neomagum ad se confestim mitti petit, 1675.

Carolus secundus Dei gratia Magnæ Britannia Rex &c. Serenissimo & Potentissimo Principi Domino Carolo, eadem gratia Suecorum Gothorum, Vandalorum Regi &c.

Post tot conatus operamque impensam, ut infelici huic bello indies latius grassanti pace universali finis tandem imponeretur, cumque divina favente clementia in negotio hoc arduo saltem non contemnendos factos

Ecc 5

pro-

progressus, si non absolutum tam pium opus sperare licuisset, ex litibus in partibus vestris infelicitate exortis tam diu exoptatam pacem longius jam distare, non sine summo animi dolore percepimus. Majestatem Vestram, uti speramus, certiores reddent amicitia & affectus singularis, quibus eam semper prosecuti sumus, quantum nobis cordi sit, ne difficultatibus, differentiisque ullis, res Vestrae cum Principibus Rebus publicisque Majestati Vestrae vicinis involvantur, praesertim in hoc rerum statu, quo nobismet ipsis quam plurimum auxilii ex mutuorum consiliorum & conatuum conjunctione ad opus generalis mediationis, quod nobis incumbebat, promovendum polliciti eramus. His serio perpensis Majestati Vestrae officia Nostra Mediatoria in tractatibus pacis universalis offerre, nostrarum esse duximus partium, tum pro amicitia ista arctissima, quam jam diu cum Majestate Vestra colimus, tum ex intuitu miseriae & ruinae generalis, quibus totus Christianus orbis certo certius opprimeretur, si lites hae quam primum non componantur & consopiantur. Sperantes interim ad negotium hoc pacis quam serio promoveretur induci posse partes omnes belligerantes, atque in eum finem literas Salvi Conductus, quo omnium Legatis & Plenipotentariis ad Neomagum (locum tutum ex partium consensu tractatui assignatum) tuto & securo pateat via, expediri, mutuoque extradi curent. Hoc illud est, quod ab iis impetrari posse summa opera contendimus, quo ad actuale congressus Constitutionem omnia melius disponantur, ac proinde Majestatem Vestram per praesentes rogatam habemus,

mus, modo hæc nostra mediationis oblatio ei grata & accepta fuerit, ut ex parte Vestra etiam quodcunque ad id necessarium videbitur, expediendum jubeat. Adeoque Majestatem Vestram divini Numinis tutelæ ex animo commendamus. Dabantur in Palatio nostro de Whitehal 5. die Octobr. Anno Domini 1675. Regnique nostri 27.

Majestatis Vestræ

Bonus Frater, Consanguineus, Fæderatus & Amicus

Carolus Rex

J. Williamson.

DCXX.

Litera CAROLI II. Magnæ Britannia Regis, ad CHRISTIANUM V. Danicæ Regem, quibus ab eo, ut Salvi conductus literas quantocius Neomagus transmittere baud gravetur, amice contendit, 1675.

Carolus secundus Dei gratia Magnæ Britannia Rex &c. Serenissimo & Potentissimo Principi, Domino Christiano V. eadem gratia Danicæ, Norwegiæ Regi &c.

NON sine ingenti dolore metuendum fore percepimus, ne lites ex infelices, quæ Principes Statusque vicinos ex hac parte Europæ per annos jam proxime elapsos misere adeo in partes distraxerunt, quibusque componendis sopiendisque omni officiorum genere summaque cura incubuimus,

mus, in Vestram etiam Viciniam se demum spargerent. Vidimus quidem aliquot abhinc mensibus mali hujus serpentis indicia quædam male ominosa, ac indoluimus, spe tamen freti, omnia demum amice terminari potuisse, nec ad extrema se impelli passuros, eos præsertim Principes, qui præter alia ea, quamplurima amicitia argumenta, quæ communia inter se habent, etiam Religionem, firmissimum ac fortissimum illud unionis vinculum habent, hæc nostra spes, hæc nostra fuerant Vota, quam autem jam (quod nobis ingratisimum accidit) in apertam flammam rem proruptam sentiamus, ac Majestatem etiam Vestram in belli hujus infelicissimi partem venisse; Nos quidem, tum pro eo, quod inter partes belligerantes dudum obtinuimus, Mediatoris nomine, tum præsertim pro arctissimis istis amicitia affectusque vinculis, quæ diu jam nos conjunxerunt, nequaquam omittendum duximus, quin Majestati etiam Vestrae nostra Mediatoris officia offerremus, in tractatu eo pacis Universalis, ad quem serio jam promovendum partes omnes belligerantes induci posse speramus. Hoc illud est, quod ab iis impetrari posse summa opera contendimus, tum ut interea temporis quo ad actuale congressus constitutionem omnia melius disponantur, Salvi Conductus literas quibus opus erit, quam primum expedirent, inter partes pro more extradendas, quo omnium Legatis ac Plenipotentiariis ad Neomagum (locum dudum ex partium Consensu tractatui assignatum) tuto pateat via, quod idem a Majestate Vestra proinde petimus, ut ipsius ex parte expediendum etiam curaret, modo hæc

hæc nostræ Mediationis oblatio ei grata etiam acceptaque fuerit. Deus Optimus Maximus, diu servet Majestatem Vestram incolumem. Dabantur in Palatio nostro de Whitehall, 5. die Octobr. Anno 1675. Regniq̃ue nostri 27mo.

Majestatis Vestræ

*Bonus Frater, Cognatus &
Amicus*

CAROLUS REX.

DCXXI.

*Litteræ JOHANNIS III. Polonia Regis, ad
CLEMENTEM PAPAM X. quem sedulo
precatur, ut Polonia prægravi adversus Turcas
belli calamitate, non quidem viris, sed ære exhau-
stæ, subsidio numario subvenire paterne contem-
dat, 1675.*

Post oscula Pedum Sanctitatis Vestræ, meique Regni ac Dominiorum meorum filialem commendationem. Totærumnis exercitum Regnum meum, tot casibus cladibusque, a compluribus retro actis annis concussa Polonia, adhuc ultimas exerit vires, & adversus communem Christiani nominis hostem, exercitum numero non animo inferiore jam in aciem educit. Jacta est velut alea, meo in castra adventu, signisque, quod bene, & feliciter vertat Deus! hodie in hosticum motis. Ad Sanctitatem Vestram Christianæ Reipublicæ caput, & publicum Parentem bellica hæc mea destinata

re-

refero, ut benedicat illis anima Tua. Porro Regnum hoc meum, Russiæ præsertim oris in extremam redactum vastitatem, sumptibus tanti belli impar, Sanctitati Vestræ curæ, & cordi esse impensius flagito. Lustravi exercitum meum armis, virisque egregie instructum, & quo numerosiorem & validiorem Polonia vix pridem florentibus adhuc rebus suis habuit; Sed anxia me cura angit, ne difficultate, & defectu pecuniæ, pro qua annona peditatui comparari queat, intra breve tempus labore, & dilabatur. Compertum mihi erat, quam flagranti zelo, quanta contentione Sanctitatis Vestræ prædecessor felicitis memoriæ CLEMENS IX. Candiæ periculis succurrebat ac Principum Christianorum, præsertim Italiæ, auxilia & opes, in rem illius Insulæ excitabat. Eandem mihi, Regnoque meo pietatem, & benevolentiam Sanctitas Vestra declarare dignata est, neque dubito animadverti a Sanctitate Vestra, quantum periculum universæ Christianitatis, in Regni mei periculo vertatur, quam grave & indecorum foret, si promissa sperataque Principum Christianorum auxilia, Poloniam destituant, quam damnosum & irreparabile, si tanti exercitus tanto sumptu collecti, flos & robur per inopiam & egestatem vacillet, ut pactione aliqua indigna & præjudiciosa cum hoste transigere necessitate adigatur. Erit celebrata Sanctitatis Vestræ prudentiæ hunc Statum rei Poloniæ expendere, erit ingentis apud Deum & Christianum Orbem meriti & duraturæ ad feram posteritatem gloriæ, defensionis Orthodoxi

Re-

Regni, fidei sacrosanctæ propagationi, sanctuariis profanatis expiationi, piam liberalitatem prolixius impendi. Quod cum mihi aliunde de optima erga me Regnumque meum Sanctitatis Vestræ pollicear voluntate, tum ejusdem benedictionem, mihi ac exercitibus meis exorans longævum rei Christianæ imperium Sanctitati Vestræ apprecor. Dab. in Castris ad Skwarawam, die 11. Octobris, Anno 1675.

DCXXII.

Litteræ CAROLI II. Magnæ Britannia Regis, ad LEOPOLDUM, Rom. Imperatorem, quibus ab eo, ut Domino Duckero, Deputato, sui saltem respectu Principem Furstenbergium custodia arctiori detentum conveniendi & ipso cum colloquendi libertatem concedat, obnixè contendit, 1675.

Carolus II. Dei Gratia, Britannia, Franciæ & Hybernia Rex, Fidei Defensor &c. Serenissimo, Potentissimo & Inviçtissimo Principi & Domino, Domino Leopoldo, Divina favente Clementia Romanorum Imperatori semper Augusto, Germaniæ, Hungariæ, Bohemiæ, Dalmatiæ, Croatiæ, Sclavoniæ &c. Regi, Archi-Duci Austriæ, Duci Burgundiæ, Stiria, Carinthiæ, Carniolæ & Würtembergæ, Comiti Tirolis &c. Fratri, Consanguineo & Amico Nostro Charissimo salutem, perpetuamque felicitatem!

Sere-

*Serenissime, Potentissime & Indivictissime
 Princeps, Frater, Consanguinee & Amice
 Charissime.*

NON sine summo animi dolore desideratum
 piumque opus pacis universalis super præli-
 minario libertatis Principis Guilhelmi de Fursten-
 berg negotio principaliter retardari percipimus,
 tandem autem (quod unicum post varios irritos
 conatus ad obicem hunc amovendum restabat) a
 Reverendissimo & Illustrissimo Domino Episcopo
 Argentoratensi, dicti Principis Fratre, obtinuimus,
 ut ipse una Nobiscum apud Regem Christianissi-
 mum intercederet, ut a puncto hoc honoris (cui
 hucusque adeo absolute adhæsit) recedere lega-
 tosque suos Neomagum (locum congressui Par-
 tium consensu destinatum) absque prævia condi-
 tione libertatis dicti Principis mittere vellet. Non
 possumus non hac occasione Cæsareæ Vestræ Ma-
 jestati Episcopi animum promptum ac facilem
 commendare, qui, non obstantibus omnibus si-
 ve sanguinis, sive aliis argumentis, in negotio, quod
 eum tam prope tangit, desiderio huic Nostro,
 omni hæsitazione remota, annuit: nec de succes-
 su optato dubitandum, modo dictum Principem
 inducere liceat, ut instantias etiam suas apud Re-
 gem Christianissimum Nostros adjungat; supra di-
 ctum Episcopum rogavimus, ut Fratris sui animum
 in hoc experiretur, atque eum in finem præsen-
 tium lator Dominus Ducker, Eminentissimi & Se-
 renissimi Principis Archiepiscopi & Electoris Co-
 loniænsis Consiliarius, Exercitusque Ejus Com-
 mi-

missarius Generalis, litteris Nostreis ipsi tradendis instructus, mitteretur. A Cæsarea Vestra Majestate autem petimus, ut prædicto Domino Ducker, ejus permissu & jussu præsentibus, quos Cæsarea Vestra Majestas deputaverit, dictum Principem liceat invisere, cumque eo coram dictis personis libere fusiusque de hac re tractare, cumque hortari, ut literis suis ad Regem Christianissimum hoc ab ipso impetret; si modo Fratris sui Episcopi Argentoratensis instantia & intercessio in negotio tanti momenti, ad totius Europæ Pacem tranquillitatemque restituerandam, inefficaces alias fuerint; Supra memoratus Dominus Ducker, Cæsareæ Vestræ Majestati hujus rei statum exponet; quoque animo plane Christiano, omnique erga Cæsareæ Vestræ Majestatis dignitatem ac auctoritatem respectu & observantia, antedictus Episcopus propositionem hanc Nostram amplexus est. Et confidimus, quod Cæsaream Vestram Majestatem etiam certiore reddat de zelo Nostro & ardore, quibus opus hoc arduum Pacis universalis promovere omni modo studemus, præsertim autem in puncto hoc prævio, quod omnes ad pacem componendam aditus hucusque exclusit, cunctisque conatibus Nostreis & studiis insuperabile existit. Majestatem Vestram Cæsaream Dei optimi maximi tutelæ animitus commendamus. Dabantur in Palatio Nostro de Withal, 6. die Novembris, anno Domini 1675. Regni Nostri 27.

Cæsareæ Vestræ Majestatis

Amantissimus Frater & Consanguineus

CAROLUS REX.

PARS II.

Fff

DCXXXIII.

*Responsoria LEOPOLDI, Rom. Imperatoris, ad
proxime præcedentes CAROLI II. Magnæ
Britannia Regis literas, 1676.*

Leopoldus divina favente Clementia Ro-
manorum Imperator, semper Augustus, Serenis-
simo Principi Domino Carolo, Magnæ Britan-
niæ, Franciæ & Hybernæ Regi, Consanguineo
& Fratri Nostro Charissimo salutem
cum omni bono incre-
mento!

*Serenissime Princeps, Consanguinee, & Frater
Charissime.*

Vestra Serenitatis literas, nobis 6. præteriti
mensis Novembris præscriptas, a præsentis
latore Ducker, pronuper recepimus, & ex his sum-
matim intelleximus, Vestram Serenitatem ad pro-
movendum Pacis Tractatum, Noviomagi insti-
tuendum, conducibile esse deprehendisse, ut Rex
Galliarum a petita Præliminari libertate desistat,
& hunc in finem Ser. Vestram ab Episcopo Ar-
gentoratenſi obtinuisse, ut ipse una cum Sereni-
tate Vestra apud memoratum Galliarum Regem in-
tercedat, ut a puncto hoc honoris, cui hucusque
adhæsit, desistat, & ut Legatos Noviomagum si-
ne prævia conditione libertatis dicti Principis mit-
tat, atque etiam, ut Episcopus Argentoratenſis in-
stantias suas apud Regem Galliarum adjungat, &
proinde Ser. Vestr. a Nobis petere, ut nominato

Du-

Ducker liceat Nostro permissu & jussu, illis presentibus, quos Nos deputabimus, dictum Principem Guilielmum adire, cumque eo coram Nostriis Deputatis libere fusiusque de hac re tractare, eumque hortari possit, ut & ipse hoc per literas a Rege Christianissimo ad procurandam totius Europæ tranquillitatem postulare velit, prout nominatus Ducker, pluribus & specialius sit expositurus, & de zelo & ardore Serenitatis Vestræ, quoad pacem componendam, indefessis conatibus & insuperabili studio singula fusius relaturus est; & quod insuper singulariter sæpe memoratus Episcopus omni erga Nostram auctoritatem respectu & Observantia Propositionem a Serenitate Vestra factam amplexus fuerit: quibus Ser. Vestræ pro insigni in publicam tranquillitatem affectu permagnas grates reponimus, memorantes, Nos memorato Duckerō benignas aures præbuisse, & ab eo sicuti & diversos Ministros Nostros percepisse, Episcopum ejus esse animi, ut Frater Guilielmus sub potestate Nostra usque ad Pacem conclusam permaneat; nec interea quoad ejus arrestum aliquid innoveatur. Sed quam longe aliter sentiat Episcopus, nec ejus intendant consilia, ut memoratus Princeps usque ad Pacis conclusionem in arresto persistat, inde Ser. Vestra facile percipiet, quod nec expectato a Nobis responso, diversis Romani Imperii Electoribus & Principibus per literas declarationis Regis memorati 28. die mensis Novembris datas, transmiserit, in quibus Galliæ Rex Nobis omnem culpam dissoluti Colonienfis Tractatus imputat, & dictæ inter Reges plane inusitatis,

Nostram summam existimationem, quasi contra
jus Gentium sæpius nominatum Principem Gui-
lielmum capi & detineri demandaverimus, pro-
sciendit; & deinde adjungit, tantum apud Eum E-
piscopi valuisse preces & instantias, ut Legatos
suos sit Noviomagum missurus, nixus promissione
a Serenitate Vestra & Belgii Fœderati Ordinibus fa-
cta, de interponendis omnibus studiis & officiis, ut
Princeps durante Pacis Tractatu in libertatem re-
stituatur, quam & impense dictis Electoribus &
Principibus commendat; dijudicabit Vestra Se-
renitas, quantopere per memoratum Episcopum
Nostra Imperialis Dignitas & auctoritas iterum sit
offensa, utpote qui nihil pensi habuit, supradicta
dicteria inusitata Regis Galliarum contra Nos effu-
sa, etiam pro sua parte approbare, & pluribus in
locis publicare, & quod in hoc rerum statu nullo
aliquo aut tractatu cum dicto Principe Guiljelmo
opus sit, cum non solum Episcopo, ut ipsemet af-
firmat, satis sit cognita fratris sui intentio, sed &
ipse Galliarum Rex Legatos suos Noviomagum
mittere jam declaraverit, & jam cum eo Episcopo
desuper convenerit, præterquam quod hic nullo
animo hoc alloquium desideret, quam ut ex soli-
ta sua protervia & jactantia Nos per captivum a
Nostra potestate dependentem Regem Galliarum
pro Pacis Tractatu promovendo supplicasse, ne-
que alium quam se hoc obtinere potuisse, in dis-
pendium existimationis Nostræ temere spargat, aut
alio sub prætextu hujus colloquii in odium & invi-
diam Nostram machinetur, neq; enim credibile est,
ambos fratres, qui belli tantum incendium in Ger-
mania

mania excitarunt, ex amore tranquillitatis de hoc restinguendo serio unquam cogitatu-
ros. Accedit quod dictus Episcopus Dignitatem Ser. Vestræ parum observavit, hunc honorem sibi arrogans, quasi ipse solus in hoc negotio aliquid impetrasset, eo præsertim tempore, quo variis in locis Declarationem Regis Galliarum vulgaverit. De reliquo confidimus, quod nec Serenitas Vest. nec fœderati Belgii Ordines aliquid, quod summæ estimationi Nostræ adversetur, sint requisituri, ut Rex Galliarum Ser. Vestræ aliisque mediatoribus & etiam Nobis ante Tractatum omnem Pacis inceptum, super iis præscribat leges, quæ non, nisi in ipso Tractatu pacis sunt discutiendæ: Ne vero Ser. Vestræ zelus & studium in Orbis Christiani tranquillitate procuranda effectui careat, Nos Legatos Nostros in viciniam Noviomagi proxime mittemus, ut, si Regi Galliarum sit animus serio tractandi pacem, super omnibus & singulis, & per Vest. Serenitatem & alios mediatores, in tanti momenti negotio protinus procedi possit, cui tantum deferimus, ut, quæ Legato Oxienstierno, ratione dicti Principis Guilielmi, super conditionibus inibi expressis, exposuimus, & publico jam typo commissa sunt, eadem Ser. Vestræ, licet ad has conclusiones, a Suecia non adimpletas, minime obligaremur, pro bono universæ Christianitatis repeta-
mus, & spondeamus, nihil ambigentes Eandem hoc responsum Nostrum æquo animo accepturam, quam etiam Dei Optimi Maximi tutelæ impense commendamus. Vienna, 10. Jan. 1676.

DCXXIV.

Litteræ JOHANNIS III. Poloniarum Regis, ad CAROLUM II. Magnæ Britannię Regem, cui res Polonorum in Ucraina ex voto gestas, ac secundum Februarii diem anni futuri coronationi suæ sacrarum esse, nuntiat, 1675.

Joannes III. Dei Gratia Rex Poloniæ &c. Serenissimo, & Potentissimo Principi, Domino Carolo, eadem gratia Magnæ Britannię, & Hiberniæ Regi, Fidei Defensori, Fratri Nostro Charissimo, salutem ac mutui affectus continuum incrementum!

Postquam DEO, Patriæ, imo rei Christianæ litatum, hostis vel in hostiam cæsus, vel in Tauricam pulsus, vel ultra Tyram & Danubium ejectus; orbis æmulus, experiundo didicit, nihil tam firmum, cui periculum non sit, etiam ab invalido, Ucraina omni, quam usurpaverat, exutus, campis Podoliæ, Dacia, & Bessarabia everfis pœnam exsolvit. Æstatis prædo, præda ipse autumnus. Nidificet licet adhuc Cameneci, quod stupore, non armis ceperat, stupere ipse coactus. Tremboulia nuper per quindecim dies ab octoginta sclopetariis, contra omnem vim, & Regnorum Victores sine vallo. defensa est; binorum ab Electione annorum castra nostra vice varia astra exercebant gelu horrida, æstate torrida, solitudine famelica, videbantur. Nihilominus ope Angelica, dum socii subvenire deliberant, veniam orant Rebelles, Fana & delubra Mahometica cremantur.

tur. Oriens Regni spe inescatus, unius Cameneci una petra, & filice vefcitur. Nipuderet linquendo, quo exhauritur, non nititur, pœniteret. Hæc propitium dedit Numen, quod mereri, quam coronari elegissemus. Coronandi tamen labores, caputque redimiendum ferimus tandem Cracoviam Regni Metropolim, actus solennitati, secundum Februarii anni futuri præfigentes. Utrumque Majestati Vestræ pro mutuo in rem Christianam zelo communicandum rati sumus. Pleni spei, eandem Nobis, ut in commune merenti amico studio ac ac favore, hostibus in terrorem, mutuo statui ac conditioni in decus, & honorem astituram. Cui prosperrima quæque a Dei benignitate ac imprimis bonam valetudinem apprecamur. Dab. ex castris ad fluvium Zbrucz in Podolia 7. d. Novembr. Anno 1675.

DCXXV.

Littera JOHANNIS GEORGII II. Saxonie Electoris, ad CAROLUM II. Hispaniarum Regem, cui auspiciatas fastigii regalis primitias gratatus, longævam cum prosperitate Regnorum gubernationem vovet, ac perpetua conjunctissimi animi studia pollicetur, 1676.

P. P.

Divinis auspiciis Regiam Majestatem Vestram adimpleto decimo quarto, illoque capeffendis sceptris sacro ætatis anno, regnorum suorum ditionumque regimen adiisse, ex literis Regiis perquam libenter accepimus: condigna reputantes æstimatione, quod Regia Majestas Vestra sub ipso

Pff 4

Im.

Imperii limine nova simul, quam cum Regia Domino Majores Nostri jam diu sancte coluerunt, necessitudinis propagandæ argumenta, veluti redi-viva paternæ olim conjunctionis vestigia, pro hæreditaria generosæ mentis bonitate extare voluit. De auspiciatis igitur fastigii regalis primordiis Regiæ Majestati Vestræ animitus gratulati, prosperam Eidem atque adeo tranquillam regnorum gubernationem, lætaque valetudinis juxta & rerum incrementa cœlitus vovemus. Indefessam insuper operam daturi, ut, quemadmodum de regii erga Nos affectus honorifica testificatione persuasissimum Nobis est; ita quoque reciproca demonstrandi animi Nostri conjunctissimi studia mutux benevolentix zelo omni modo respondere queant, quippe quorum ingentem porro promptitudinem Regiæ Majestati Vestræ plenissime pollicemur, Eandemque divinæ tutelæ serio commendamus. Dabantur in Electorali Nostra Dresda die 1. Febr. 1676.

DCXXVI.

Litera CAROLI II. Magnæ Britannia Regis, ad CHRISTIANUM V. Dania Regem, quibus eum obtestatur, ut literis hinc inde per ejus Dominia transituris pristinam, eamque instanti pacis negotio maximopere commodam concedat libertatem, 1674.

CAROLUS II. Dei gratia Magnæ Britannia Rex &c. Serenissimo & Potentissimo Principi, Domino CHRISTIANO V. eadem gratia Dania, Norwegiæ &c. Regi &c. Fratri, Cognato &c.
Salutem!

Sere-

Serenissime &c.

ALiqui abhinc elapsi sunt menses, ex quo tam quæ vicinis per Europam partibus, quam quæ subditis Nostreis exinhibitione illa tum mittendis, tum remittendis inter Majestatis Vestrae Regnumque Sveciæ literis illata injuria ac damna Nobis Nostisque exorta sint, Nobiscum reputantes, per literas Nostreas 5. die Novembris ultimo elapsi datas id a Majestate Vestra expetiverimus, ut recluso literarum transitu redituque, earundem vectoribus libera, tuta ac pristina pateat via. Cum tamen iis literis Nostreis Majestas Vestra non solum nihil retulerit responsi, verum & in gravius hujusce damni pondus & incrementum subditi universim Nostri, ex hoc malo, commercio communi, rebusque mercatoriis debite transigendis, obicem datum ac ruinam metuendam conquerantur, iterum iterumque hunc eundem debitum literarum transitum liberum a Majestate Vestra expectamus, necesse est. Quod idem suadet postulatque ille pacis generalis Tractatus (quem quidem promovendum unice cupimus) qui non alia ratione transigi aut confici posse videtur, quam reddita patente necessaria ea literarum hinc inde inter Principes eorumque Ministros transmittendarum libertate. Hæc equidem est, qua supra omnia ratione præcipua impulsus non solum cum literis hisce instantias simul Nostreas hac ex parte repetendas, verum & præsentium latorem Josephum Augustum de Gross hunc eundem ob finem erga Majestatem Vestram mittendum duxerimus, simul-

que erga coronam Svecicam, qua ex parte hanc etiam inhibitione sive detentione literarum nuperime facta accepimus, qua tamen ratione, nisi qua Majestati Vestræ par referatur, protinus ignoramus. Cohibere non possumus, quin Majestatem Vestram obtestemur instantius, ut hac in re, quæ orbis universi commercia proxime attingit, quæque ad opus arduum illud Pacis generalis Neomagi transigendæ eousque necessaria videtur, id huic Nostræ interpositioni attribuendum censeat, ut per ipsius Dominia eandem illam, quam olim, literis hinc inde per eandem transituris libertatem concedat. Hæ occasione oblata id etiam in animum ipsius revocemus, ut ad felicem illam pacem incundam velit Ministros ac Plenipotentarios suos qua licet celeritate ad locum pacis tractatui destinatum expedire, interea autem temporis literas salvi conductus forma ea sufficiens, quæ partium Plenipotentariis Ministrisque tutamini esse possint, transmittere, per Ministrum Nostrum Hagæ Comitæ extradendas, uti partes cæteræ aut fecere aut facturæ saltem sunt, qua locorum distantia permiserit, occasione. Quod superest Majestati Vestræ annum hunc novum felicem prosperumque apprecamur, & præsertim conclusione firmæ & diuturnæ pacis, quam viribus omnibus promovere Nobis unice curæ cordique est. Dabantur in Palatio Nostro de Whitehall die 19. Januarii Anno 1675. Regnique Nostri 27.

CAROLUS REX.

F. Williamson.
DCXXVII.

DCXXVII.

*Littera JOHANNIS GEORGII II. Saxonia
Electoris, ad JOHANNEM III. Poloniarum
Regem, cui reportata ex hostibus trophæa gratu-
latus cum imposta, qua caput ejus proxime redi-
mendum erat, corona omnigena salutis copiam
precatur, 1676.*

P. P.

Supremi rerum Regnorumque Moderatoris au-
spiciis Regiam Serenitatem Vestram, adepto
jam sesquiennio inde Regni Poloniæ regali solio,
regiminis primordia insigni hætenus rerum gesta-
rum magnitudine illustrasse, adeoque adversus ho-
stiles Portæ Ottomannicæ impetus assiduis castris
excubando, arcendoque immanem hostem victri-
cibus armis a mœnibus Christiani populi ad ca-
pessendum coruscum Regis Diadema thronique
Regalis conscendenda fastigia, triumphalem sibi
viam munivisse, cum fama nuncia, tum vel maxi-
me Regiis literis vel eo læti cognovimus, quod ex
communicata Nobiscum lætitiæ parte, Regium si-
mul erga Nos affectum singularem haud obscure
dignoscere licuerit. Qua quidem pro antiquissi-
mis Nostreis in amicum Poloniæ Regnum studiis,
fiducia porro freti, destinata coronationi Regiæ
solennia gratulabundi animi votis merito prose-
quimur; habitisque Regiæ Serenitati Vestræ pro
tam gratæ rei nuntio gratiis longe maximis, di-
vinum Numen una veneramur, ut renovata hæc
cæpti Regiminis auspicia in diuturnum Reipubli-
cæ Christianæ, nec non inclyti Poloniæ Regni, Re-
giæ.

giæque Domus Vestræ decus & emolumentum
cedere jubeat, Regiæ Serenitati Vestræ autem læta
porro ex hoste Christiani Nominis trophæa, sce-
ptrumque securum, atque adeo omnigenæ felici-
tatis incrementa largiatur. Cujus divinæ tute-
læ Eandem cum amica sinceri animi Nostri stu-
diorumque pollicitatione serio commendamus.
Dabantur in Electorali Nostra Dresda die 7. Ja-
nuarii 1676.

DCXXVIII.

*Litera JOHANNIS GEORGII II. Saxonie
Electoris, ad CAROLUM II. Magnæ Britan-
niæ Regem, quibus ipsi fausta vertentis anni pri-
mordia & auspiciatissimos in eo successus amice
vovet, 1675.*

P. P.

Celsitudinis Vestræ literæ Decembris jam pro-
xime elapsi die sexta datæ, tot recentibus ami-
citæ affectusque sinceri argumentis votisque auspi-
catissimis plenæ, gratias Nostras precesque simul
ardentissimas postulant, ut annus hic novus pro-
spera felicitatum serie Celsitudinis Vestræ conti-
nueretur, multique denuo succedant felicissimi.
Faxit porro Deus optimus maximus, ut (quod to-
tis viribus contendimus, studiisque officiisque o-
mnibus promovere decrevimus) Respublica Chri-
stiana diu jam nimirum in partes divulsa, conspi-
rantibus in unum Principum Statuumque bellige-
rantium animis pace subita coalescat, inque ea-
dem obtinenda Celsitudini Vestræ omnia ex ani-
mo eveniant. Credat interim Celsitudo Vestra,
pre-

precamur, quacunq̃ occasione quæ se obtulerit, Nos ad officia ea omnia, quæ ipsi usui esse possint, futuros semper paratissimos. Adeoque Celsitudinem Vestram Electoralem divino tutamini commendamus. Dabantur in Palatio Nostro de Whitehall 8. Jan. 1675.

DCXXIX.

Breve CLEMENTIS PAPAE X. ad ALOYSIUM, Patriarcham Alexandrinum, quo ipsi Nuntiatura ad aulam Cesaream extraordinaria munus committit, 1676.

Clemens Papa X.

Venerabilis Frater, Salutem & Apostolicam Benedictionem!

CUM Nos hoc tempore, quo Respublica Christiana gravissimis intestinorum bellorum calamitatibus miserabiliter affligitur, ex pontificiæ charitatis Pastoralisque sollicitudinis Nobis divinitus creditæ debito, de aliquibus Viris, sapientia ac meritorum splendore conspicuis, Nostris & hujus sanctæ sedis Apostolicæ Nuntiis ad charissimos in Christo filios Nostros, Reges Orthodoxos, armis inter se disidentes, extraordinarie ablegandis, qui tanquam Angeli pacis eos Nostro Nomine ad salubria amabilis animorum concordie consilia adhortari, atque Domino Nostro Jesu Christo, qui Charitas & Deus Pacis, & in cujus manu sunt corda Regum, suaviter operante adducere, studerent, serio & mature, totoque animi affectu deliberaremus; Tu Nobis occurristi, cui ob spectatam in
arduis

arduis Nostris & dictæ sedis negotiis fidem singularemque prudentiam, doctrinam & in agendis rebus dexteritatem & orthodoxæ fidei publicæ atque tranquillitatis zelum, aliasque egregias animi dotes, quibus te multipliciter insignivit Altissimus, gravissimum extraordinariæ, ad Charissimum in Christo filium Nostrum Leopoldum, Romanorum Regem Illustrem, in Imperatorem Electum, Nunciaturæ munus potissimum demandaremus. Motu itaque proprio ac ex certa scientia, & matura deliberatione Nostra, deque Apostolicæ Potestatis plenitudine, te ad Eundem Leopoldum, Regem Nostrum, & Apostolicæ Sedis prædictæ Nuncium Extraordinarium, cum facultatibus ad id quovis modo necessariis & opportunis, ad Nostrum ejusdem sedis Beneplacitum facimus ac constituimus & deputamus, in contrarium facientibus non obstantibus quibuscunque. Cæterum Te in Domino hortamur, ut humeris tuis impositum hoc Nuntii munus alacri animo suscipiens, illud ad Dei gloriam, & sanctæ Majestatis Ecclesiæ exaltationem, Catholicæ fidei conservationem totiusque Christianæ Reipublicæ bonum sic gerere studeas, ut tu quidem de præclare gestis tuis, non solum apud omnes homines commendationem & laudem in terris, sed imprimis a bonorum operum retributore Deo præmium in cælo consequi merearis; Nos vero te desiderio & expectationi de te Nostris respondere lætemur. Datum Romæ apud Sanctam Mariam Majorem sub annulo piscatoris die 12. Febr. 1676. Pontificatus Nostri Anno VI.

S. Scusius.

DCXXX-

DCXXX.

Breve CLEMENTIS PAPÆ X. ad CLAUDIAM FELICITATEM, Rom. Imperatricem, quo Nuncium suum & conatus ejus paci inter Christianos Principes promovenda adhibendos ipsius patrocinio commendat, 1676.

Charissimæ in Christo Filiz Nostre, Claudiz Felicitati, Hungariæ & Bohemiæ Reginz Illustri, in Romanorum Imperatricem Electæ.

Clemens PP. X.

Charissima in Christo filia nostra salutem & Apostolicam benedictionem!

ET si non levia hucusque in procuranda Christianorum Principum concordia de paterna sollicitudine nostra universæ Christianæ Reipublicæ præbuimus argumenta, ut tamen muneri nihilominus nostro nulla ex parte deficiamus, Venerabilem Fratrem Aloysium, Patriarcham Alexandrinum, ob generis animique præstantiam, nec non probatam in rebus arduis peragendis solertiam, admodum spectabilem, Extraordinarium istuc Nuncium mittimus, ut obicibus, quos in tractatione pacis exoriri contigerit, remotis, Christiani orbis incolumitati consulat. Ab eximia vero Majestatis tuæ pietate etiam atque etiam petimus, ut religiosis ejusdem conatibus præsto esse publicamque felicitatem promoventi ea, qua polles, autoritate opitulari velis: Ejusmodi autem solatium nobis prorsus pollicentes; Te interim charissi-

rissima in Christo Filia nostra Apostolica Benedictione amantissima donamus. Datum Romæ 29. Febr. 1676. Pontificatus nostri Anno sexto,

DCXXXI.

Literæ ANDREÆ OLSZOVII, Regni Poloniae Primatis, ad CLEMENTEM PAPAM X. cui communi Ordinum consensu decretum esse, ut census a quolibet capite per universam exigatur Poloniam, refert, eumque, ut eum etiam a Clericis, urgente necessitate, cunctis omnium Legum & Canonum repagulis potiori, postulari hac vice permittat, submitte precatur, 1676.

P. P.

Calamitosus rerum status, & vergentis in deterius Patriæ nostræ infortunia notiora sunt Sanctitati Vestræ, quam ut prolixè explicari necesse habeant. Cohorrescit ad nomen terroremque potentiae Ottomannicæ tota Christianitas. Quid ni vero Polonia tot bellis malisque fracta & deserta, imparem se ac proximam ruinæ, nisi Deus ipse conservet, fateatur? Erigimur tamen animis, nihilque intentatum in præsentibus Regni comitiis reliquimus, quo inclinatam publicam fortunam ab ultimo casu sublevaremus. Colligetur Serenissimi Regis nostri cura ductu & auspiciis, vigore sanciti comitiorum feliciter conclusorum, quidquid virium & virorum reliqui adhuc superest, neque ordo noster Ecclesiasticus fulciendæ periclitanti Patriæ extremis opibus suis deesse poterit, compendiosa ratio augendi ærarii proposita, lex ordinum consensu decreta est, ut nullo personarum discrimi-

discrimine, in vim subsidii charitativi census a capitibus exigatur. Opponimus libertates & immunitates Ecclesiasticas, supremam Sanctitatis Vestrae auctoritatem, ac Sacrorum Canonum Religionem, seu instar prætendimus, ad extremum tamen adeo in arcto positos nos agnoscimus, ut si Remp. ac præprimis rem Christianam salvari hisce in oris velimus, negare id subsidium rebus afflictissimis, & militiæ sustentandæ, minime integrum ducamus. Placeat Sanctitati Vestrae, ut relaxatis pro hac vice legibus Canonicis dicta capitalis contributio a Personis omnibus tam secularibus, quam regularibus Ecclesiasticis permittatur. Quod humillime orantes Sanctitati Vestrae felicissimum ac diuturnum rei Christianæ Imperium apprecamur, Nosque Pontificiæ benedictioni prosterimus. Cracoviæ die 6. Aprilis 1676.

DCXXXII.

Litteræ JOHANNIS GEORGII II. Saxoniae Electoris, ad CAROLUM II. Magnæ Britanniae Regem, cui Johannem Christophorum a Naso commendat, 1676.

P. P.

Regiae Vestrae Majestati harum exhibitorum, Vasallum Nostrum dilectum Nobis & fidelem, Johannem Christophorum a Naso, cum propter Claritudinem generis parentisque olim Colonelli Nostri & Capitanei provincialis, domi militiæque Domui Nostræ Electorali præstita ministeria; tum vel maxime ob ea, quæ ipse hætenus in aulis Principum edidit Virtutis propriæ specimina; de meliori commendandum duximus. Cum itaque nul-

lum Nobis dubium sit reliquum, quin Regiæ Majestati Vestræ generosum sui valorem obsequiumque apprime sit probaturus, laudabili hoc ejus desiderio, pro Nostri in ipsum benignitate & gratia deesse noluimus, ac proinde Regiam Majestatem Vestram officiosè rogatam volumus, ut præfatum Vasallum Nostrium undiquaque, gratiose sibi commendatum atque eo loco habere dignetur, unde commendationis hujus Nostri speratum fructum ipso facto, prout confidimus, experiri queat. Quibus insuper Regiæ Vestræ Majestati diuturnam valetudinis incolumitatem & prosperos rerum successus, cum sincera studiosissimi Nostri animi testificatione a Deo optimo Maximo serio precamur. Dabantur in Electorali Nostri Dresda die 8. Maji 1676.

DCXXXIII.

Litera fiduciaria a CAROLO II. Magnæ Britannia Rege, Bevil Skeltono, Ablegato suo extraordinario, ad LEOPOLDUM, Rom. Imperatorem tradita, 1676.

P. P.

Cæsarea Vestra Majestas proculdubio audiverit, Nos ante aliquot elapsos Menses dilectum & fidelem nostrum Bevil Skelton, Armigerum Nobis ab intimis Cubiculis, Ablegatum nostrum extraordinarium ad Aulam Cæsaream mandasse & quam ob causam tantam in dicto itinere suo moram fecerit, scilicet ob difficultates super Literis Salvi Conductus Lotharingicis enatas. Fatemur illum casum adeo nobis novum & plane inexpectatum supervenisse, ut dictum Ablegatum nostrum

strum ubicunque loci in itinere suo foret, subsistere necesse duxerimus, usque quo obicem hunc e medio sublatum cerneremus, viamque integram & liberam ad Negotiationem ardui operis Pacis universalis ineundam Cæsareæ Vestrae Majestati præsentare nobis liceret, quo tandem effectu, amotis dictis difficultatibus literisque salvi Conductus Lotharingicis modo & forma desideratis jam concessis, dicto Ablegato, ut iter suum prout primum statueramus, prosequeretur, in mandatis dedimus, hoc a Cæsarea Vestra Majestate rogantes, velit cum pro ea, quæ inter nos intercedit Amicitia acceptum habere, ipsique integram adhibere fidem in omnibus, quæ nomine nostro de tempore in tempus proposuerit & exponet, in iis autem potissimum, quibus de singulari nostro in Ejus Personam studio & affectu Majestatem Vestram Cæsaream certiores fecerit, ut & quantum nobis cordi est, ut in omnibus, quæ Mediatorium nostrum munus tangunt, quò par est modo, in negotio tanti momenti nosmet ipsos liberemus, quod ut finem & exitum sortiatur felicem, Cæsareæ Vestrae Majestati gratum & acceptum, Deum optimum Maximum quotidie rogatum habemus, cujus sanctæ tutelæ Cæsaream Vest. Maj. ipsiusque res omnes ex animo commendamus. Dabantur in Palatio nostro de Whitehall 6. die Junii Anno Domini 1676. Regni-
que nostri 28.

Cæsareæ Vestrae Majestatis

Amantissimus Frater & Consanguineus

CAROLUS REX.

J. Williamson:

Ggg 2

DCXXXIV.

DCXXXIV.

Litera credentiales, quas CAROLUS II. Magna Britannia Rex, Bevil Skeltono, Alegato suo extraordinario in causa Fursenbergica ad LEOPOLDUM, Rom. Imperatorem dedit, 1676.

P. P.

Cum Deo visum sit conatus nostros omnes, quos ad congressum renovandum facilitandumque de magno illo pacis generalis opere incundo adhibuimus, successu latissimo beare, ut difficultates omnes, quæ ex præcipuis Negotiationis istius præliminaribus exortæ sunt, aut evasas feliciter aut remotas videamus, adeoque ut Cæsar. Vestr. Majestati causam inde datam speremus, quæ ipsius ex parte acquiescat, redacto jam ad spem eam felici pacis futuræ Tractatu, quam ut Cæsareæ Vestræ Majestati tantopere exoptatam novimus, speramus equidem, nos non incommode id a Cæsarea Vestrâ Majestate in favorem Principis Guilielmi de Fursenberg (quod diu nobis in animo fuerit) hoc præsertim tempore expedituros, dignetur scilicet, pro innata sua Clementia & Generositate precibus, Votisq; hisce nostris concedere, ut Principis illius persona Principi aut Statui Neutrali, qualem Cæsarea Majestas Vestra elegerit, durante tractatu committatur, iisq; conditionibus, quæ ipsi æquissimæ videbuntur. Hoc illud est, quod dilecto & fideli nostro Bevil Skelton Armigero, Nobis ab intimis Cubiculis nostroque apud ipsam Alegato Extraordinario in Mandatis dedimus, ut a Cæsarea Vestrâ Majestate summis instantiis contenderet, proindeque ab ipsa

ipsa ulterius petimus, velit pro solito ipsius erga nos affectu aurem ei hac in re facilem faventemque præbere, & quicquid illud sit, quod de dicti Principis de Fürstenberg persona, rebusque ante actis Cæsarea Vestra Majestas gravius aliquando senserit, oblivioni interim tradere; Quam quidem gratiam, si intercessioni huic nostræ Cæsarea Vestra Majestas indulserit, dictum Principem, dum familiam ejus universam omni studio eandem in futurum demerituram confidimus, eoque nomine erga Cæsaream Vest. Majestatem Nos ipsos fidejussores offerre non dubitamus, uti ex parte nostra favorem hunc in dicti Principis gratiam a nobis jam expetiturum tanquam nobis datum, Cæsareæ Vest. Majestati nos debere professuri sumus, qui de cæterò ipsam divino Numini ex animo commendamus. Dabantur in Palatio nostro de Whitehall. 6. die Junii Anno Domini 1676. Regnique nostri 28. Anno

Cæsareæ Vestræ Majestatis

Amantissimus Frater & Consanguineus

Carolus Rex

J. Williamson.

DCXXXV.

Breve CLEMENTIS PAPAE X. ad LEOPOLDUM Rom. Imperatorem, a quo, ut milites suos inter colloquia de pace habenda, ab armis vacare jubeat, sollicitè contendit, 1676.

Clemens P. P. X.

EA est de restituenda Christianæ Reipublicæ paternæ sollicitudo nostra, ut de mediis ad tanti operis perfectionem conducentibus diu noctuq; cogitemus; Quia vero ad votorum nostrorum summam assequendam proximum esse gradum ducimus armorum mutuas in clades intentorum fermentationem, enixis idcirco Majestatem Tuam officiis in Domino obsecramus, ut ab hostilibus exercendis Duces tuos abstinere jubeas; Dum Nos per Apostolicos Nuncios a reliquis charissimis in Christo filiis nostris idem accuratissime petimus. Nec multis opus esse censemus, ad Regium animum Tuum in tam præclaram deliberationem pertrahendum; sed enim propensam ad publicas calamitates sublevandas voluntatem, seu filialem erga Nos, qui easdem Tibi ob oculos ponimus, Majestatis Tuæ observantiam consulamus, de prospero rei exquisitæ successu utique dubitare nequimus. Rependendas itaque a Populorum exultatione eximie pietati Tuæ laudes antevertentes te charissimum in Christo filium Nostrum amantissime in Domino complectimur, atque Apostolica benedictione ex omni cordis Nostri sensu donamus. Datum Romæ apud S. Mariam Majorem sub annulo Piscatoris die 20. Junii 1676. Pontificatus nostri Anno septimo.

Marius Spinola.

DCXXXVI.

Littera JOANNIS III. Polonia Regis; ad GEORGIUM WILHELMUM, Ducem Brunswico-

suico - Cellensem, quibus tutum pro conjuge sua, per ditiones ejus transitum desiderat, 1676.

Joannes Tertius Dei Gratia Rex Poloniæ,
Magnus Dux Lithuaniæ, Russiæ, Prussiæ, Maso-
viæ, Samogitiæ, Kijoviæ, Volhyniæ, Podoliz,
Podlachiz, Smolensciæ, Livoniæ, Severiæ, Czer-
niechoviæque. Serenissimo Rom. Imp. Principi
Brunsvicensi, Duci Cellensi Luneburgensi &c. Fra-
tri & Cognato Nostro Charissimo, Salutem ac
mutui affectus continuum incre-
mentum!

*Serenissime Princeps, Frater & Cognate No-
ster Charissime!*

Illa est vicis humanæ Sors, ut malo nunquam so-
lo exerceatur. Parum fuit cum effuso in exitium
Antemuralis Christiani Oriente ac Tartarorum illu-
vie iterum atque iterum colluctari. Invenit nos
Domumque Nostram Regiam, pro re Christiana
excubantem, nova morborum Crisis, & acerba vis,
qua Serenissima Conjux Nostra Charissima, a pri-
mis diebus Maji, eo usque agitata, & Viribus deje-
cta ex Consilio Medicorum Solis Borbonicisa quis
reficienda & sananda videtur: Equidem longitu-
do viarum teneritudini inimica, nihilominus, quo
vitam redimat, Genus humanum ferro nec igne de-
terretur, multominus itineris asperitate. Com-
municandum id Serenitati Vestræ duximus, cujus
Dominia peragrandæ, Amicamque Correspon-
dentiam honoramus. Unde non dubitamus trans-
eunti Securitatem provisam fore, illumque re-

Ggg 4 spectum

speculum, quem mutui Status ac conditionis Amor deposcit. Idem a Nobis in omnibus occasionibus præstandum, quas Serenitas Vestra observari voluerit. Quamve a similibus Dei benignitas servet & protegat diuque vivere ac florere incolumem faciat, ut intime vovemus & apprecamur. Dabantur Javorovizæ in Russia die 25. Mensis Junii Anno Domini 1676. Regni nostri Tertio Anno

Serenitatis Vestræ

Bonus Frater &
Cognatus
Joannes.

DCXXXVII.

Litteræ JOHANNIS GEORGII II. Saxonie Electoris, ad FRANCISCUM II. Mutinæ Ducem, quibus pro Joh. Georgio Beckero relicta defuncti fratris bona Mutina repetituro, intercedit, 1676.

P. P.

Submisit Nobis exposuit subditus Noster & Civis in Urbe Nostra Freiberga Christophorus Becker, fratrem suum Germanum Johannem Georgium Beckerum, aurifabrum quondam Nostrum, jam ab aliquot annis Italiæ oras petiisse, sedemque ibidem fixisse, ac tandem Mutinæ, quæ Dilectionis Vestræ Sedes Ducalis est, sine liberis & descendibus non ita pridem obiisse, ita ut relicta defuncti fratris bona, jure sanguinis & legitimæ successionis in ipsum & cohæredes ejus sint devoluta.

Quam

Quam quidem hæreditatem, ut hoc faciliori modo Dilectionis Vestræ ope, pro ea ac par est, ipse tanquam proximus & legitimus hæres pro se & nomine cohæredum consequatur, Intercessionales hæc nostras precibus supplicibus a Nobis petiit atque obtinuit. Quamvis itaque nullum nobis dubium sit, quin Dilectio Vestra pro celebrata bonitatis suæ fama, præfato nostro subdito in repetendis & consequendis bonis hisce hæreditariis justitiam omnimode sit administratura; Pro Nostra tamen in subditos Nostros benignitate eidem hac in parte commendatione Nostra deesse nolimus. Ac proinde Dilectionem Vestram peramanter rogatam volumus, ut quod ultro factura fuerat, in Nostri quoque gratiam, sæpe memoratum hæredem favore & protectione sua gratiosa complecti velit, atque mandare, quo debita ipsi hæreditas eidem, vel mandatario ejus, cum omni jure transferendique ejus potestate (prout apud Nos sæpe sæpius fieri consuevit) citra ambages tradatur, adeoque ipse Intercessionis hujus Nostræ fructum indubium oppido consequatur. Erit id ipsum æquitati omnino consentaneum, & nos quoque Dilectioni Vestræ, quam divinæ protectioni serio commendamus, in simili aliisque humanitatis studiis promptitudinem Nostram quavis occasione vicissim sumus declaraturi. Dabantur in Electorali Nostra Dresda, die 11. Julii, Anno 1676.

DCXXXIIX.

Litteræ LEOPOLDI, Rôm Imperatoris, ad ANDREAM OLZOVIIUM, Regni Polonia Prima-

Ggg 5

1676,

tem, cui, quam vehementer animum suum calamitosus Polonia status afficiat, amanter refert, & Residentem suum, velut personam indubia fide dignam, sedulo commendat, 1676.

Leopoldus Divina favente clementia Electus Romanorum Imperator Semper Augustus &c.

P. P.

QUo animi nostri sensu ea, quæ literis suis decima quarta Mensis Augusti proxime præterlapli datis Reverendissima Paternitas Vestra, cum ex Primatiali suo officio, tum Regni Senatorum Varavia congregatorum sententia de afflictio Regni illius ac in præceptis inclinante statu nuntiare voluit, perceperimus, quibusque curis & anxietate ex interno, quod totam Christianitatem perstrepit, visceraq; & nervos depascitur, bello impleti fuerimus, quivis alius, ne dum Reverendissima Paternitas Vestra facile æstimat, quippe, cui optime cognitum esse debet, quod Regno huic inclyto nulla non occasione, curarum, viriumque ac extrema etiam opis libenter impenderimus, ut vel eo magis in præsentiarum nos cruciet, quod in causa communi illic defendenda, dum pax Christiana ex Dei munere nostroque unico voto resarciatur vires nostras malo hoc vel ipsa Paternitate Vestra Reverendissima id prudenter agnoscente nimis quantum distentas sentiamus. Qui cæteroquin tamen, quantum rerum status permittet, operam semper dabimus, quo pristinus affectus noster, ac benevolentis-

lentissimi Vicini studium cum Paternitati Vestræ Reverendissimæ, tum universo Regno illi maneat probatissimum, reciprocam inde vicinitatem atque correspondentiam merito nobis promittentes. Quod ipsum dum noster ad aulam illam Regiam missus Residens, Consiliarius noster honorabilis, fidelis nobis dilectus, Joannes Christophorus de Zierowe Zierowski pluribus explicabit, facilem ei amicamque aurem a Reverendissima Paternitate Vestra præberi cupimus. Cui, quod reliquum est, gratiæ ac benevolentiæ nostræ Cæsareæ affectum confirmamus. Datum Viennæ die 4. Septemb. Anno Regnorum nostrorum, Romani 17. Hungarici 21. Bohemici vero 19.

DCXXXIX.

Litteræ, quibus JOH. GEORGIUS II. Elector Saxonie, JOHANNI III. Poloniarum Regi, promittit, se justo tempore Legato Gallico quæstum intercessione Regia saluum conductum, daturum esse, 1676.

P. P.

Quo desiderio Regia Serenitas Vestra Domino Episcopo Masiliensi Legati Extraordinarii Gallici munere in Aula Regia Vestra hætenus perfuncto, reditumque e Regno Poloniæ in Gallias paranti, de libero & securo per Nostras oras transitu, requisitis desuper salvi conductus Literis Nostris, quales a Serenissimo & Potentissimo Domino Imperatore Romano aliisque Principibus promissas ipse habeat, prospectum velit, ex perscriptis ad
Nos

Nos, elapso abhinc mense Novembri literis Regiis, abundè cognovimus. Cum itaque prædicto Legato Gallico isthac discessuro ditiones Cæsareæ pro ratione situs transeundæ sint, antequam ad Nostras usque ille pervenerit; & propterea eum in finem Cæsareæ Majestatis literæ imprimis sint expectandæ, Nos equidem, quam primum Nobis quicquam defacta istorum editione verbo Regio Vestro ulterius constitit, pari omnino gratificandi promptitudine Regiæ Serenitatis Vestræ petitioni, pro sincero Nostro in eandem animi affectu, hac in parte locum sumus relicturi. Cui de cætero firmam valetudinem & prosperos quoscunque rerum successus serio precamur. Dabantur in Electorali Nostra Dresda, mense Decembri, 1676.

DCXL.

Breve INNOCENTII Papæ XI. ad ALOYSIUM, Patriarcham Alexandrinum, quibus ipsi Nuntiatura extraordinaria ad Pacis Tractatus Noviomagi instituendos functionem committit, 1677.

Innocentius P. P. XI.

Venerabilis Frater, salutem & Apostolicam Benedictionem. Cum in hoc gravissimo totius fere Europæ incendio, quo pleræque, exque florentissimæ Christiani Orbis Provinciæ miserabiliter conflagent, hæc sancta sedes Apostolica missis ad Charissimos in Christo Filios Nostros LEOPOLDUM, Romanorum Regem, illustrem in Impera-

peratorem Electum; aliosque Reges Orthodoxos Nuntiis Extraordinariis non destiterit illos ad salubria Pacis consilia cohortari, & sicut accepimus, nonnullorum Regum & Principum Plenipotentiarum, Pacis tractandæ gratia Noviomagum convenirent, cæterique Regum & Principum Belligerantium Legati sive Plenipotentarii Noviomagum, vel in alium locum ad id communi consensu eligendum, propediem, benedicente Domino, conventuri videantur: Nos pro ingenti quo tenemur publicæ tranquillitatis restituendæ, atque solidandæ desiderio, post indictas publice in toto Christiano orbe preces, quibus privatas Nostras toto cordis affectu assidue adjungimus, ut ineffabilis Dei benignitas, tot tantasque bellorum calamitates miserata, quietem populis ac Regibus & Principibus Christianis amabilem animorum concordiam, paremque orthodoxæ fidei adversus communem Christiani Nominis hostem conjunctis viribus & consiliis tuendæ & propagandæ zelum largiri dignetur tam salutare Reipublicæ Christianæ opus, omni animi contentione, studio atque opera urgere & promovere cupientes, ut aspirante superi favoris auxilio ad optatum finem perducatur; Te, qui præter generis claritatem dotesque alias, ingenii dexteritate, diuturno rerum usu præstas, & quem conditio muneris, quo apud memoratum Leopoldum, Regem, functus es, erudire satis potuit de rebus in conventu Neomagi vel alibi, ut fertur, habendo tractandis, Coloniam ablegare decrevimus, ut, ubi eo veneris, circumspecto prius & diligenter considerato Regionis illius & præsentium

tium rerum statu, ad locum aliquem Noviomagum proximum, vel etiam Noviomagum, seu ad alium locum, ubi pacis ineundæ gratia conventus habebitur, si id & sedis Apostolicæ Dignitas ferre, & causæ publicæ ratio, in qua vera dignitas sita est, postulare videbuntur, te conferas. Itaque, de spectata fraternitatis tuæ fide, prudentia, ac in rebus arduis agendis dexteritate, bonique publici zelo, plenam habentes in Domino fiduciam, motu proprio ac certa scientia & matura deliberatione Nostra, deque Apostolicæ Potestatis plenitudine, Te Nostrum & Apostolicæ sedis Nuntium Extraordinarium, ad hoc, ut congressibus & Tractatibus pacis, sicut præmittitur, habendis, una cum prædictorum Leopoldi aliorumque Regum & Principum Catholicorum; si qui illic fuerint Plenipotentiaris sive Legatis Nostro & dictæ sedis nomine, & tanquam Mediator intersis, teque interponas ac omnia facias, dicas; geras & exsequaris, quæ ad consequendum operis adeo boni atque optati effectum quovis modo conducibilia fuerint; cum facultatibus ad id, quomodolibet necessariis & opportunis ad Nostrum & ejusdem sedis beneplacitum harum serie constituimus & deputamus; in contrarium facientibus non obstantibus quibuscunque. Cæterum te in Domino hortamur, ut injunctum tibi per præsentem gravissimum munus alacri animo suscipiens, illud ad omnipotentis Dei gloriam, & Sanctæ Romanæ Ecclesiæ honorem, Regumque & Principum concordiam ac populorum quietem & tranquillitatem, totiusque Christianæ Reipublicæ bonum sic gerere studeas, ut tu
quis

quidem de præclaris gestis tuis non solum apud omnes commendationem & laudem in terris, sed etiam imprimis a bonorum operum Retributore Deo primum in cœlis consequi merearis: Nos vero te votis & expectationi de te Nostreis respondere, lætemur. Datum Romæ apud S. Petrum sub annulo Piscatoris, die 26. Februarii, 1677. Pontificatus nostri anno primo.

DCXLI.

Litteræ FRIDERICI WILHELMI, Electoris Brandenburgici, ad CAROLUM XI. Sueciæ Regem, quibus de Andrea Lilienbæckii, Legati ipsius ad Aulam Polonicam Extraordinarii, intemperato linguæ calamique furore graviter conqueritur, ab eoque serio efflagitat, ut istum habiti ad Regem Polonia in se sermonis inæctivi perpetratique inde criminis iustas dare pœnas jubeat, 1677.

Serenissime Rex.

Invaluit pridem non tantum inter morationes, sed & barbaras plerasque Gentes, ut armorum ac belli licentia etiam inter hostes fræno quodam humanitatis atque officiorum coërceretur, & ut esset aliquid quasi sacrum, quod extra sævi arbitrium Martis ab omni injuria ac violatione tutum atque immune præstaretur. Est hæc Majestas, ac reverentia Principibus debita, quam in ipso belli furore quasi extra teli jactum constitutam ab ipsis hostibus coli atque observari generis humani interest.

Præ-

Præstitum id a nobis in hoc, quod inter Regiam Majestatem Vestram, & nos prorsus invitos exarsit, bello. Nam de Regia Majestate Vestra, uti par est, non minore reverentia loquimur & sentimus, quam olim ante belli initium fecimus: idem ut a nostris fiat, serio allaboramus. Nec enim nostrum applausum habet, si quid acerbius & quod odii rabiem oleat, hinc inde divulgatum sit. Neque enim vinculum id amoris ac benevolentiae, quod natura ipsa summas inter potestates indissolubili & sacro nexu constrinxit, nulla affectuum vi, inprimis ira aut odio, quorum causa, uti infra Principes posita sunt, ita ad tempus saltem durans, dissolvi possit ac debeat. Judicabit hinc Regia Majestas Vestra, quam graves & justae nobis causae sint conquerendi de ejus ad Poloniae Regem Legato Lilienhœckio; qui non solum per omne ministerii sui in Polonia tempus, abjecto reverentiae Principibus debita, & a reliquis Regiae Majestatis Vestrae ministris, quod cum laude ipsorum dictum sit, nobis exhibitae respectu, gravissimis nos insectatus est calumniis atque injuriis, adeo ut non veritus sit, nos perfidiae, petulantiae, fraudum, atque tyrannidis insimulare; Sed & nuper in facie totius Reipublicae Poloniae rem ausus est atrocem, cujus exemplum nec antea acta memorant secula, nec posteritas forte videbit. Nam cum erga Poloniae Regis Ablegatum in privato, & uti credidimus, amico colloquio, orto de Lilienhœckio sermone, de ejus temeritate ac linguae & calami intemperantia conquereremur, & memoratis atrocissimis, quibus in nos debacchatus fuerat, injuriis adjiceremus; cef-

to nos scire, fieri id inscia, imo invita Regia Majestate Vestra, adeoque extra fines mandati, & cum eo ipso jura gentium prior temerasset, seque indignum jure & privilegiis Legato alias debitis reddidisset, promeruisse, ut hæc ipsius rabies condigna fustium castigatione coerceretur: Licere sibi putavit publicam audientiam a Rege Poloniæ postulare, eaque impetrata sermonem habere impium, pudendum, qui in nos quidem nominatim tendit, sed sane cujus tela omnes, quotquot sunt, Principes petunt, & quicquid adhuc a vulgi temeritate ac licentia sanctum & intactum servatum fuit, illum scilicet Majestatis characterem a divinitate ipsa Principibus impressum, sine quo nec Principatus nec Princeps ullus subsistere potest, uno ictu evertant. Id quod Regiæ Majestati Vestræ ex subiecto exemplari, quod auctori etiam typis vulgare, quasi re bene gesta, destipatum fuit, dijudicandum relinquimus. Equidem non fugit nos, quæ sint Legatorum jura, quis debeatur ipsis honos, & quidnam repræsentent; nec putamus ullum Regiæ Majestatis Vestræ ministrum jure meritoque conqueri posse, quasi his ipsis defraudare illum in animum induxerimus. Licuisset etiam Lilienhœckio, Regiæ Majestatis Vestræ Interesse & causam contra nos honesta qualibet ratione rueri ac promoveri. At cum per integrum triennium in totius Reipublicæ Polonicæ facie sævissimis nos lacerasset injuriis & calumniis, non potuimus, quin Ablegato Polonico testaremur, quidnam inde promeritus esset, si ex ipso gentium jure cum illo agere velle-
mus. Fecimus tamen id lacerati & ex justo do-

lore, & quidem cum præfatione, quod Lilienhœckius hæc talia patrans Legatorum jus fasque prior violasset, eoque se indignum reddidisset, adeoque non ut regius minister, sed ut calumniator furore percitus considerari mereretur. Et sane si ex justo fervore gravius in ipsum locuti fuisset; num proinde ipsi licuisset hoc vindictæ & contumeliæ genere adversus nos uti, quæ discrimen omne inter Principes ipsos, ac eorum ministros tollit ac evertit. Equidem est nobis talium contemtor animus, qui injurias atque offensiones ab inferioribus illatas superne despicit, id quod triennali patientia adversus ipsum Lilienhœckium comprobavimus: nec forte nobis occasio defutura esset sumendi ab ipso autore gravem & præmeritam ultionem. Sed quæ est nostra de Regiæ Majestatis Vestræ magnanimitate existimatio, non dubitamus justas nostras querelas ad Regiam Majestatem Vestram deferre, eandemque rogare, ut seposito belli, quod nos inter in præsens quidem est, sed si Deo placuerit brevi iterum componetur, respectu, sanguinis ac dignitatis, quæ sane æterna & inviolabilia sunt, rationem habere, & sæpe memoratum Lilienhœckium, indignum sane, qui pro Regiæ Majestatis Vestræ ministro, & ex generosa Suecorum natione ortum se ferat, ad dandam nobis publicam pro tanta contumelia publice illata reparationem constringere, & in eum graviter ac pro merito animadvertere sustineat. Quo quidem ipso Regia Majestas Vestra non tantum nobis, quod par & æquum ac sua generositate dignum est, tribuet, sed omnium Principum dignitatem per impii &

impuri istius hominis os violatum ab vulgi contemptu, imo ab interitu vindicabit. Principum namque injuriæ Principibus curæ esse debent, cum in omnes redundant, & quod adversus unum permittitur in alterum ruat. Quod si præter spem omnem atque expectationem nostram Regia Majestas Vestra abnueret, quo minus a Lilienhœckio, juxta nobis fiat satisfactio, isque debito pûniatur, non feret etiam graviter, quin ipsimet famam atque existimationem nostram, cujus bonum odorem ad posteros transmittere firmum nobis fixumque stat, debito modo tueamur ac vindicemus. Sed ominia nobis æqua ab heroico Regiæ Majestatis Vestræ animo promittimus. Dabantur die 12. Jan. 1677.

Regiæ Majestatis
Vestræ

Bonus Consanguineus

FRIDERICUS.

DCXLII.

*Responsoria CAROLI XI. Suecorum Regis, ad
præinsertas FRIDERICI WILHELMI,
Electoris Brandenburgici, literas, 1677.*

EX literis Celsitudinis Vestræ Electoralis per tubicinem Danicum allatis uberius percepimus, acerbas, quas contra Legatum Nostrium Extraordinarium, Andream Lilienhœckium, Celsitudini Vestræ Electorali visum fuit proferre querelas, finiendo illas hinc minis, se ipsam illam, quam præ-

tendit injuriam severe vindicaturam, si a nobis talis non detur satisfactio, qualem Celsitudo Vestra Electoral. sibi debitam existimat. Quæ vero Celsitudo Vestra Electoralis de jure humanitatis inter moratiores gentes recepto etiam flagrante bello, deque suo ex dictamine ejusdem rationis erga nos studio præfatur, non solum fuere nobis grata, sed etiam pari illam animo data occasione sumus promerituri propensionem. Præterea quod ipsum, de quo Celsitudo Vestra Electoralis tam graviter conqueritur, negotium attinet, satis constat dilucide ex dicti nostri legati sermone (quem tamen pro authentico, usque dum ipse Legatus eum pro suo habeat, non possumus agnoscere) originem illud suam traxisse ex scriptis acerbis & injuriosis, quæ contra nos nomine Celsitudinis Vestra Electoralis & in Comitibus Ratisbonæ & alibi evulgata sunt, quod etiam Legatus noster fas & muneris sui duxerit, iniquitatem eorum, & justitiam causæ nostræ Regi Serenissimo & Reipublicæ, ad quam missus est, ob oculos ponere, & comprobare. Num vero illa æquissimæ nostræ causæ defensio meruit, quod Celsitudo Vestra Electoralis tam ignominiosas, ut ipsa fatetur, in publicum & per jus gentium contra omnem injuriam merito munitam personam pronunciaverit minas, Celsitudo Vestra Electoralis seposito partium suarum studio ipsa judicabit; præcipue, cum contumelia ista orbi statim innotuerit, postquam Celsitudo Vestra Electoralis eam Ablegato Polonico coram prodidit. Quapropter cum fama & vita pari gradu ambulent & ejus generis læsio honesto viro sit ipsa morte gravior,

vior, mirari non possumus, quod Legatus noster acerrime desuper doluerit, & existimationem suam, dignitatemque nostram in ejus persona & munere simul vellicatam palam ulcisci voluerit; a prudentia ipsius, atque in rebus summi momenti gerendis nobis sapius perspecta integritate ac fide nobis tamen promittentes, quod absque ullo offendendi Celsitudinem Vestram Electoralem pruritu moderamen inculpatæ & justæ defensionis servaverit, & nihil egerit, de quo nobis rationem reddere non possit. Interea temporis, & donec ulterius ab ipso nostro Legato informemur, non possumus vereri, quod Celsitudo Vestra Electoralis in eum quidquam attentare velit. Eadem etenim, quæ Celsitudo Vestra Electoralis pro sanctimonia, reverentiaque Majestati Principum debita ex jure gentibus communi deduxit argumenta, patrocinantur etiam ex eadem ratione, & earundem gentium unanimi consensu ipsis legatis; cum antiquitus declaraverint eorum personas sanctas & inviolabiles, & quod nemini in Legatos jurisdictio vel animadversio competat, nec teneantur ulli rationem ejus, quod perpetrarunt, reddere, nisi Principibus ac Dominis suis. Confidimus ergo, Legatum Nostrum Extraordinarium vel ex ipsa Celsitudinis Vestræ Electoralis erga jus gentium veneratione, vel sub Regis illius, ad quem eum misimus, suffragio & tutela fore securum; aut si ipsi, quod nobis tamen persuaderi nequimus, injuria quædam, præter fas inferatur, media nobis non defutura vindicandi gravissime illam, quæ in nosmet ipsos tunc redundaret, contumeliam. Quibus Celsitudinem

Vestram Electoralem divinæ tutelæ commenda-
mus. Dabantur in Castris Nostreis ad Liunby, d.
16. Martii, Anno 1678.

Celsitudinis Vestræ Ele-
ctoralis

Bonus Consanguineus

CAROLUS.

F. Joël Oernsted.

DCXLIII.

*Littera JOHANNIS GEORGII II. Saxonie
Electoris, quibus CAROLO II. Magna Bri-
tannie Regi, Johannem Danielem Krafftium com-
mendat, 1677.*

P. P.

Cum diuturnæ conjunctionis reciprocae me-
moriam quibuscunque renovandam studiis
censeamus, hac, quæ jam Nobis offertur, uti op-
portunitate, dum præsentium exhibitori dilecto
Nobis ac fideli Johanni Danieli Krafft, qui rerum
naturalium cupiditate, inclytæque Societatis Re-
giæ Anglicanæ admiratione incitatus Magnæ Ve-
stræ Britannicæ oras adire, permissu Nostro instituit,
viam commendatitiis hisce communire volumus.
Honestis enim Viri hujus curiosi desideriis hoc an-
nuere eo minus dubitavimus, quo magis Regiam
Majestatem Vestram glorioso erga istiusmodi ge-
neris studia eorumque cultores affectu duci non
obscu-

obscure novimus. Ideoque Regiam Vestram Majestatem, ut præfatum Krafft Regiæ suæ clementiæ præsidio dignari, speratoque commendationis Nostræ fructu beare velit, obnixè rogamus. Quod sicuti Regiæ Majestatis Vestræ erga Nos affectu freti ab Illa impetrare confidimus, ita indefessum animi Nostri devinctissimi studium comprobare, prout debemus, nunquam non paratissimos nos profitebimur. Regiæ Vestræ Majestati ab omnipotente Deo prosperam valetudinem & Regiminis incolumitatem serio præcantes. Dabantur in Electorali Nostra Dresda, die 13. Martii 1677.

DCXLIV.

Litera JOHANNIS GEORGII II. Saxonie Electoris, ad JOHANNEM III. Polonia Regem, quibus pollicetur se diligenter curaturum, ne autor cadis in Meidelio perpetrata crimen istud impune ferat, 1677.

P. P.

Quas Regia Serenitas Vestra de vindicanda in Jacobi Friderici Meidel, studiorum causa olim in Academia Nostra Lipsiensi degentis persona indigne perpetrata cæde ad Nos perscripsit literas, accepimus, atque adeo quidem nefando ipso scelere ditiones Nostras esse cruentatas, haud minus ferimus graviter ac moleste, tum quod iisdem aliena effusi sanguinis humani culpa, nisi rite expietur, exitiose inhaereat; tum etiam quod coactis Nobis demandata legum divinarum humanarumque custodiendarum autoritas, cujus vigore indigna Christiano nomine Duella severis apud Nos

legibus prohibita sunt, ab utraque horum Duel-
lantium parte invitis Nobis susque deque habita-
sit. Quemadmodum autem, quod muneris No-
stri summa ratio postulat, non modo in primo sta-
tim flagrantis criminis vestigio elapsum fuga au-
torem, per latibula longe lateque persequendum
serio curavimus; sed & a cœpta in facinoris com-
plices, ad promeritas pœnas deposcendos, inqui-
sitione etiamnum non desistimus: ita quoque in ex-
audiendis occisi Agnatorum precibus, & punien-
dis reis, nihil porro ad officium Nostrum facturi
sumus reliquum, omnique ope effecturi, ut palam
constet, quo loco apud Nos justitiæ administran-
dæ zelus, & quod cum Regia Vestra Serenitate
Nobis intercedit amicitiae & vicinitatis vinculum
omnino habeatur. Cui simul cum amica studio-
rum Nostrorum pollicitatione, longævam regimi-
nis tranquillitatem, & prosperos quoscunque re-
rum successus ab omnipotenti Deo, animitus pre-
camur. Dabamus in Electorali Nostra Dresda die
26. Junii 1677.

DCXLV.

*Litera CHRISTIANI V. Dania Regis, ad CA-
ROLUM II. Magna Britannia Regem, quibus
sibi gratissimum quidem esse declarat, ut exorta
inter se Ducemque Holsatia dissidia componantur,
dummodo iusta suorum jurium ratio habeatur,
1677.*

Christianus Quintus, Dei gratia, Daniae
& Norwegiae &c. Rex.

EX literis, quas Majestas Vestra die X. Mensis Ju-
lii proxime elapsi ad Nos exaravit, fusius per-
cepi-

cepimus, quibus causis impulsâ Nobis suam Mediationem & Officia, ad componenda, quæ inter Nos & Consanguineum affinemque Nostrum, Ducem Holsatiæ, Dominum Christianum Albertum, exorta sunt dissidia, offerre voluit. Eo gratior Nobis hæc a Majestate Vestra facta oblatio fuit, quod nulli dubitamus, quin ex sincero & vere fraterno erga Nos animo illa profecta sit, tantamque in ejusdem amicitia reponimus fiduciam, ut si in prædictis dissidiis aliqua mediatio locum habere possit, Majestatis Vestræ interpositionem in illorum compositione non minori promptitudine admissuri essemus, ac eandem ad hodiernos Pacis universalis Tractatus promovendos acceptavimus, & ut penes Majestatem Vestram unice maneat, hætenus allaboravimus. Cum vero querelæ & lites a Duce Gottorpiensi ad Majestatem Vestram delatæ, nullo alio fundamento nitantur, nisi quod postpositis omnibus fœderibus & pactis, quæ inter Regios Nostros ejusque Antecessores a pluribus seculis jam viguerunt, præcipue vero iis, de quibus nuper Rensburgi sponte Nobiscum convenit, eademque postea ultro sæpius approbavit, se ab omnibus nexibus, quibus Nobis tanquam Vasallus Regni Nostri Daniæ tenetur, & Ducatus Nostri Slesvici & Holsatiæ invicem ligantur, exsolvere queat, spe fretus, se ad exemplum Parentis sui, qui superiori infelici bello Regis Sveciæ generi sui armis & Cromwelli, Angliæ tunc temporis tyranni favore & injusta autoritate fretus nulla habita fidei Regno Nostro debita, ratione, sub falso prætextu quorundam frivola-

Hbh 5 rum

rum omnique fundamento destitutarum præten-
sionum, Domino Parenti Nostro, piæ & glorioſæ
memoriæ, iniquas & plane intolerabiles condi-
tiones extorſit, in præſenti rerum turbulento Sta-
tu ſua jam pridem contra Nos inita pernitiſa con-
ſilia & injuſta cœpta non minus vicinorum ar-
morum favore, quam Majestatis Veſtræ ad effe-
ctum perducere poſſe. Cujus rei veritas & inde
eluceſcit, quod etiãſi Dilectioni ſuæ ſubinde
propoſuimus, Nos ipſam ſi memoratis pactis in-
hærere, eorumque tenori ſatisfacere velit, in pri-
ſtinum Antecellorum ſuorum ſtatum, reſtituturos;
Illa nihilominus ceſſat de vi conqueri & aliorum
Principum & Statuum auxilium & opem ad perſi-
cienda, quæ ſemel ſibi propoſuit, iniqua cœpta
ſollicitare. E quibus Majestas Veſtra, pro ſin-
gulari ſua prudentia, haud difficulter judicabit, an
ſine maximo juriū Noſtrorum præjudicio ab an-
tiquis pactis, & iis, quæ inter Nos & Ducem Got-
torpienſem acta & conventa ſunt, a quibus Re-
gnorum & Ditionum Noſtrarum incolumitas
maxima ex parte pendet, Nobis recedere, aut ea
in dubium revocare & novis diſceptationibus diſ-
turnisque tractatibus ſubjicere conſultum fuerit,
imprimis cum præſatis pactis expreſſe fit conſti-
tutum, lites impoſterum exorituræ non aliorum
Principum Mediatione, ſed aliis mediis amicabi-
libus & domeſticis componendas eſſe. Haſ alias-
que ob cauſas, quas Noſter in Majestatis Veſtræ Au-
la degens Ablegatus Extraordinarius coram ſuſius
exponere a Nobis juſſus eſt, nulli dubitamus, quin
Ma-

Majestas Vestra, ut in ejusmodi damnosos & præfatis pactis & fœderibus domesticis contrarios Tractatus consentiamus, non solum plane iniquum existimatura, sed etiam vigore fœderum, quæ cum Majestate Vestra Nobis intercedunt, quibus alter alterius commoda promovere, damna autem & pericula avertere tenetur, sæpius memoratum Duces ad majorem & exactiorem observantiam & executionem antiquorum fœderum & pactorum aliorumque omnium, ad quorum præstationem se devinxit, compulsura, eundemque a solitis perniciosis consiliis in Nos serio dehortatura sit. Facit & Majestatis Vestræ multis argumentis Nobis nota æquanimitas, & in colenda mutuorum fœderum hætenus probata laudabilis constantia & fides, ut Nobis hæc de ejusdem amicitia promittamus. Qui vicissim nunquam patiemur in Nobis quicquam desiderari, quod Majestatis Vestræ ejusque subditorum commodis inservire, Nostrique sincerum affectum ipsi probare possit. Quibus Majestatem Vestram cum omnigenæ felicitatis voto Divinæ tutelæ animitus commendatam volumus. Dabantur in Fortalitio Nostro Landseron die IV. Aug. 1677.

DCXLVI.

Littera JOHANNIS GEORGII II. Saxonia Electoris, ad MARIAM JOHANNAM BAPTISTAM, Caroli Emanuelis II. defuncti Sabaudia Ducis viduam, quibus sibi oblatam renovanda pristina necessitudinis occasionem in acceptisimis esse testatur, 1677.

P. P.

P. P.

EX Regiæ Vestræ Celsitudinis literis, quæ singularis benevolentiae & honoris testificatione insignes per earundem latorem decenter Nobis reditæ sunt, abunde cognovimus, quo animo Illa pristinae necessitudinis memoriam renovandam, quove studio colendam porro avitam censeat conjunctionem. Quæ res sane cum & Nos iisdem Progenitorum Vestigiis merito firmiter insistamus, vel eo acceptissima Nobis extitit, quod & Nobis optata declarandi propensissimi erga Regiam Celsitudinem Vestram animi Nostri, mutuaque benevolentiae roborandæ exinde nata sit occasio. Ita enim quæsumus statuatur Regia Celsitudo Vestra nihil neque studii neque temporis in demonstranda amicissimæ Nostræ Voluntatis constantia a Nobis unquam prætermisum iri, prout prædictum Vestrarum exhibitorum de hoc plenius coram relaturum confidimus. Deum optimum maximum serio precati, ut Serenissimam Regiæ Vestræ Celsitudinis Domum lætioribus subinde incrementis cumulet Eidemque prosperos Regiminis & rerum omnium successus desuper largiatur. Dabantur in arce Müglen die 21. Augusti 1677.

DCXLVII.

Literæ JOHANNIS III. Polonia Regis, ad FRIDERICUM WILHELMUM, Electorem Brandenburgicum, quibus ab eo, ut D. Strauchium custodia confestim liberari jubeat, obnixè contendit, 1677.

P. P.

P. P.

DEderam non ita pridem in Commissis Magnifico Castellano Posnaniensi, ut quam diligentissime cum magnifico Johanne ab Hoverbeck, Serenitatis Vestræ ad Nos Legato, Nomine Nostro ageret, quatenus iste Serenitati Vestræ prolixius explicaret, quantum in eo verteretur momentum, ut D. Strauchius relaxato Serenitatis Vestræ arresto, Gedanum ad Nos mitteretur, reddendus postea Serenitati Vestræ, si quæ id ratio postularet. Et quamvis ad eodem Magnifico Hoverbeck fideliter rem Serenitati Vestræ delatam esse non dubitaverimus, & a Generoso tamen Sculteto Serenitati Vestræ de hoc desiderio Nostro satis etiam constituisse speramus. Cum itaque hosce fluctus, qui Magistratum & Populum hujus Urbis Nostre non levibus jurgiis & litigiis collidunt, aliter sopire nequeamus, nisi Strauchius, qui primus & principalis horum motuum auctor habetur, præsens adsit, ut complices duntaxat omnes, qui exitialem hujus Urbis confusionem conspirasse arguuntur, a Nobis coram investigentur; denuo ad Serenitatem Vestram instandum esse duximus. Porro non alia ille conditione hinc abeundi facultatem a Nobis impetravit, nisi quod se, dum necessitas postuleret, reditum promiserit & obstrinxerit. Quanto proinde prolixiora a fraterno Serenitatis Vestræ in Nos animo Nobis pollicemur, tanto fidentius ab eadem contendimus, ut prædictum Doctorem Strauchium ad causam in judicio Nostro dicendam, missum facere velit. Ut vero eo celerius hæc intentio Nostra in notitiam Serenitatis Vestræ

stræ deveniat, Venerabili Michaeli Hacki, Abbati Colbacensi, Secretario & Eleemosynario Nostro, has Literas damus per ipsum coram Serenitate Vestra consignandas, unaque votivum reportandum responsum. Facilitatem hanc Serenitati Vestræ mutua officiorum vicissitudine libenter pensaturi & in luculentum sui in Nos affectus documentum reportaturi sumus, prosperrima quæque Serenitati Vestræ apprecantes. Dabantur in Urbe Nostra Gedanensi, die 25. Augusti Anno 1677. Regni vero Nostri IV.

DCXLVIII.

*Litera CHRISTIANI ALBERTI, Ducis Hol-
sato-Gottorpiensis, ad CAROLUM II. Magnæ
Britannia Regem, cui falsissimas Regis Dania, qui-
bus causam suam labefactari aggressus esset, cri-
minationes esse, suæque causæ decisionem ad Pacis
universalis tractatus vel maxime pertinere de-
monstrat, 1677.*

Serenissime atque Potentissime Rex, Re-
giæ Vestræ Majestati officia Nostra sunt
paratissima, Domine Consanguinee
plurimum honorande.

Cum Literarum ad Regiam Vestram Majesta-
tem a Daniæ Rege ad diem IV. Augusti, hu-
jus Anni, datarum Copia Nobis benevole facta
sit, & ex iis cognoverimus, oblatam Regiæ Ve-
stræ Majestatis Mediationem, ad componendas
nostras controversias, laudare quidem Daniæ Re-
gem, fastidire tamen & declinare ceu non neces-
sariam, atque hoc ipsum ita se velle demonstrare,
quasi

quasi rebus a se perpetratis nescimus quos colores, & veterum novorumque pactorum inane Nomen obducatur, defunctum vero Dominum Parentem Nostrum & Nos multis nominibus accuset. Quibus querelis cum illæ literæ gravescant, non possumus, quin Nostram innocentiam & honorem ab his criminationibus liberemus, posteaque Regiæ Vestræ Majestati exponamus, cur a tractatibus Pacis universalis Nostra causa, quam cum Rege Daniæ controversam habemus, sine injuria excludi, aut alibi sine gravi periculo ac præjudicio disceptari nequeat. Priscorum foederum & pactorum tam fuimus observantes, ut pene in auctoritate & obsequio Regum Daniæ non uno seculo Ducibus Gottorpiensibus vivendum fuerit: Ut vero omnino ab iis opprimamur, qui vi foederum Nos defendere debebant, & servitutem proni subeamus, nullis pactis obstringimur. Viderint autem Reges Daniæ, quomodo non consultis Ducibus Gottorpiensibus, imo illis invitatis & enixe dehortantibus, bella ex bellis ferere, & horum ditionem communi calamitati toties involvere, salvis veteribus pactis & foederibus, sibi licuerit, a quibus Nos temere vel inique recessisse, nunquam probatum iri confidimus. Rendsburgensibus sane pactis non magis Nos obligari libenter profiteamur, quam illa vel ratione causæ vel modi agendi quid habent æquitatis aut bonitatis. Amici & Hospites Rendsburgum venimus, magna spei & contestationum amplissimarum congerie illecti, omnia bene sincereque actum & compositum iri: At contra jura Gentium & amicitiae hostium loco habi-

habiti, captivi detenti, castro & milite cincti, ex una custodia in aliam tandem dimissi, ubique obsessi, & in conditiones iniquissimas (quas ipse ille agendi modus plane nullas esse arguit) vi metuque injusto adacti sumus. Tantum igitur abest, ut sponte amplexi fuerimus, ut nec unquam ultro, nedum sæpius illas ratas habuerimus. Etsi enim illa, quæ vi metuque gesta sunt, purgari aliquando per subsequutum liberum consensum a vitio suo possint; is tamen omnium prudentum iudicio præsumendus non est, nisi plenæ libertati fuerit restitutus, qui post libere consensisse dicitur: cum e contrario metus semel illatus in certo negotio durare præsumatur, isque tanto magis animum Nostrum perturbare potuerit, quod rectis consiliis mero Regis facto privati fuerimus, præcipuis Ministris Nostri Hafniam captivis abductis, reliquis hoc novo exemplo territis. Souverænitas Ducatus Slesvicensis justo titulo & valde oneroso adquisita, eaque a Friderico III. Daniæ Rege Domui Nostræ libero, solenni & aliquoties repetito consensu jure optimo maximo cessa & per sedecim annos ita quiete a Nobis possessa fuit. Neque quidquam officit, felicitate armorum Svecicorum illam partem fuisse, cum indubitati juris sit, bella non solum Nostro, sed & aliorum bono geri posse, Regisque Sveciæ arma, armis Danorum, etiam tunc tempore abusorum provocata Regemque Daniæ, si quam vim sustinuit, justam passum fuisse, eoque Restitutionis præsidium perdidisse. Nolumus etiam dissimulare, gravissimo ære alieno, hoc & superiori bello a Regibus Daniæ moto, Nos
obno-

obnoxios redditos, subditosque Nostros duris exactionibus ita esse exhaustos, ut partim solum vivere coacti sint, reliquis vero in deliciis sit, si vel panem atrum comedant. Itaque cum superioris belli compositione prætensæ satisfactionis gratiam fecerimus Regi Daniæ, translata jam in Dominum Nostram Souverenitate, quid quæsumus lucrari fuimus, quod Nobis quisquam tantopere inuideat? cum potius Daniæ Rex in lucro deputare debeat, quod illius temporis adminiculo & ipse Ducatus Slesvicensis, qua parte in ejus ditione est, Souverenitatem adeptus, & totius mox Regni Monarchiam prensandi occasionem consecutus est. Cum igitur Dominus Parens Noster nexu vasallagii & fidelitatis per tot solennia pacta publica plane solutus fuerit, non poterit sane illi imputari, quod nulla habita fidei Regi Daniæ debitæ ratione, Souverenitatem dicti Ducatus extorserit, nisi nullam omnium pacificationum & conventionum rationem Rex habere, suoque exemplo Reges Hispaniæ & Poloniæ, imo suos subditos excitare voluerit, provincias cessas, vetera jura & auctoritatem, quamprimum occasio & facultas suppetit, repetendi. Grato quoque animo Regiæ Vestræ Majestatis beneficium recolimus, quod præter Generalem Guarantiam, quasvis Pacis Roschil-diensis, condiciones complectentem, etiam ad specialem hujus Souverenitatis tuendæ & adscendendæ gratia se obligarit, etiamsi Rex Daniæ illud hoc obtentu frustra elevare nitatur, ac si favore Cromwellii Souverenitatem impetrassemus. Præterquam enim, quod etiam aliorum Regum ac

Rerumpublicarum studium & Mediationis Officium eidem negotio ejusque conditionibus accesserit, non satis adsequimur, quo modo Daniæ Rex modum statuere possit, quos Invasoris actus Regia Vestra Majestas ratos habere velit, nec ne, cum illos omnes irritos fieri res & utilitas publica vetet. Imo si temporis & rerum gestarum exactiorem rationem Rex Daniæ habeat,prehendet, Legatum Anglicanum, qui tum temporis Hassniæ agebat, a Danicis Commissariis ad Regem Sueciæ hujus rei plane inscium adductum & ab illis ejus studium pacis componendæ gratia sollicitatum fuisse. Patet hinc justissimas esse Nostras de Danorum gravissimis injuriis querelas, neq; illa vel cœpta vel consilia Nostra in perniciem Regis sed quæcunque forte Majestati Ejus ex his displicuerint, ad Domus & Ditionis Nostre Defensionem, omni jure licitam unice comparata fuisse, adeoque immerito Nobis exprobrari, hujusmodi perniciosis consiliis Nos uti solitos fuisse, qui non nisi adversus insolitum dominatum & oppressionem innoxia præsidia quæsimus. Quæ cum ita sint & Regia Vestra Majestas de his vel libello, nostro jussu haud pridem edito transmissoque, vel a Nostro, qui Londini est, Mandatario plenius edoceri queat, nihil æquius nihilque melius est, quam ut ad tractatus Pacis Universalis & Nos admittamur, & Regiæ Vestre Majestatis Mediatio a Rege Daniæ minime insuper habeatur, præsertim cum aliorum Imperii Principum operam non videatur adspernaturus. Neque vero adversus hanc adscita illa exceptio proficit, quasi inter Regem & Nos versetur

tur non nisi negotium Domesticum: cum nemo non intelligat, eo Pacem sanctissimis obtestationibus firmatam, ruptam, neque domesticæ necessitudinis ullam rationem habitam fuisse, adeoque non aliam ob causam mediationem illam detrectari, nisi propter quam rei fugientes dici solent. Quam enim non conveniens sit judicium sedecimvirale, in quo hoc, quod appellant negotium Domesticum disceptetur, jam Regiæ Vestræ Majestati etiam cognoscere libeat. Inter Regnum Daniæ, Ducatusque & Principes Ordinesque utrorumque Anno 1533. fœdus, quod Unionis vocabulo venire solet, initum, eique præter alia, certa judicii formula inserta fuit, juxta quam inter ipsos Principes vel hos & Ordines oborituræ lites definiri debeant, puta ut istorum causæ sedecim Consiliariis, parî numero ab utroque constituendis arbitranda committantur. Quamvis autem istis fœderis tabulis amplissima his judicibus concessa potestas videatur, quaslibet causas cognoscendi & decidendi, non tamen meminimus, ad illos unquam delatas fuisse majoris momenti & de Ducatu Slesvicensi dubias Quæstiones, sed illas tantum non semper Principum exterorum Mediationi commendatas fuisse. Quippe non tantum in illo fœdere nullum verbum extat, quo hos Principes omnibus judiciis & arbitriis aliis renunciasse demonstrari queat, sed & illius judicii sedecimviralis potestatem diserta ejus verba, nec non usus & consuetudo, quæ optimæ legum & pactorum interpret est, ad minoris ponderis negotia restrinxerunt videlicet quando vel de agris vel de subditis quibusdam quæritur. Idcirco

non diu post conditam Unionem de feudo Ducatus Slesvicensis primum Coldingæ Anno 1547. deinde studio Augusti Electoris Saxoniz, Ulrici Ducis Mecklenburgensis & Wilhelmi Hassiæ Landgravii Odenseæ Anno 1567. frustra actum, tandem ibidem An. 1579. quadantenus transactum atq; hac solenni conventionem expresse cautum fuit: Si de successione in Ducatu Slesvicensi & similibus aliis rebus, de quibus hac transactione non convenisset, deinceps lis extitura esset, ut Duces Slesvicenses vel ipsi operam dent, vel aliorum Principum & Amicorum adhibeant, quo æquis bonisque conditionibus illa vel componatur, vel judiciali sententia dirimatur. Nulla hic fit mentio Judicii Sedecimviralis, quin potius perspicuis verbis factisque, nulla etiam contradictione Ordinum impugnante, illi de Ducatu Slesvicensi emerfuræ controversiæ sunt exemptæ: ad quod tanto minus de Souverenitate quæstio referenda est, quod illo ævo, quo unio illa cœpit, de hac re ne quidem cogitatum sit, adeoque ejus pacta ad talia negotia & quæ subditorum conditionem plane transcendunt, porrigi nequeant. Quod si citra præjudiciū daremus, olim etiam ad has Austregas conventionales lites feudales Slesvicenses fuisse interdum remissas, quod utriusque Principis consensu fieri posse videtur, tanta tamen & Danicis & Nostreis rebus mutatio accidit, ut inviti ad illas trahi non possimus, & saltem sine gravi periculo hujusmodi controversiæ ibi amplius discipari nequeant, quia tales constitutiones tam diu suas vires retinent, quam diu publicarum rerum idem fuerit Status: Qui cum in Dania & Ducatibus

bus plane sit mutatus, & Ordinum Daniæ jus omne in manum Regis concesserit, iique desierint esse, qui Unionis initæ tempore erant, magna autoritate præditi Senatores Regni; neque Ejus Majestati in propria causa esse judicem, neque tantam causam eorum judicio submittere convenit, qui vel metu potentæ, vel illecebris gratiæ Regiæ fluctuare, & irreparabili cum damno Nostro labi possint. Cum igitur etiam inter liberos populos & Principes recusatio suspecti Judicis locum habeat, usus temporum, & ipsius transactionis Odenſensis dispositio aliam Nobis viam commonstret; Regia Vestra Majestas in eam, quæsumus, curam incumbat, ut Rex Daniæ illam Noviomagium jam ducentem Nobiscum ingrediatur, quo pro tot tantisque damnis & injuriis, foris aliquod præsidium, quod domi nullum est, relinquatur. Quemadmodum enim Pax Roschildiensis Regum & Rerum publicarum studio conciliata fuit: ita quoque horum auctoritate illam instaurari & stabiliri publice interest. Noviomagi conveniunt omnes, qui vel contra Instrumentum Pacis Westphaliæ, vel Roschildiensis vel Hafniensis se læsos esse arbitrantur; Nos cum invitis his Pacificationibus omnibus simus oppressi, quo jure inde arceri poterimus? Noviomagi de Universalis Pace consilia agitantur; Quomodo igitur Nostra causa ibi negligi poterit, cum a Daniæ Rege omnium primi gravissimis injuriis adfecti, & tantum non confecti simus? Neque audiendi sunt illi, qui ajunt, non ibi locum esse dandum nisi iis, qui alterutri belligerantium parti arma sua conjunxerint.

rint. Si enim illi admittendi sunt, qui arma armis opponere, & par pari referre potuerunt, multo magis Nos locum inveniemus, quos omni armorum & defensionis præsidio plane a Rege Daniæ exutos, quaslibet ejus contumelias & ærumnas perferre oportuit. Jus Naturæ & Gentium Nobis favere scimus, neque ei ullum Principem oblocuturum esse putamus, nisi qui nimio vel partium vel privati commodi studio Pacem sibi suisque, Nostro Dignitatis & Ditionis impendio redemptam cupiat, parum memor, summam Nostræ causæ hanc esse, servire deinceps, an prisco jure imperare debeamus, & nostro exemplo servire etiam alii Principes Imperii, an pristino jure uti debeant. Istud cum Justitiæ, pactis conventis toties repetitis, tam religiosis sanctionibus munitis, utilitati Principum communi & Regiæ Vestræ Majestatis aliorumque Principum Fidejussorum honori, & auctoritati maxime sit adversum, horum omnium propensæ ac justæ voluntati Nostram causam enixe commendamus & de Regiæ Vestræ Majestatis æquo judicio ac patrocinio imprimis bene speramus. Si enim Daniæ Rex se Noviomagi admitti & audiri cupit, id certe non alia lege fieri potest, quam ut quod juris in alios statuere decreverit, illo jure & loco ipse quoque utatur, & justissimas querelas a se maxime laforum in illa Gentium Panegyri adversus se proponi non minus æquo animo ferat, quam forte graviter contra alios agere constituit. Imo velit nolit Rex Daniæ hoc loco & Mediationis officio uti, Nos certe cum aliorum fidejussorum, tum imprimis Regiæ Vestræ Majestatis Guarantiæ tam generali,

rali, quam speciali tanta fiducia & constantia innitimur, ut quidvis pati malimus, quam ut Nos ab illa sacra Anchora avelli pariamur: nulli dubitantes, illius auctoritatem tam in invitos, quam volentes exercitum iri, & salutem ac restitutionem Nostram Regiæ Vestræ Majestatis fide tam fore tutam certamque, quam sancte Deo & Hominibus Magnæ Britanniae Reges illam unquam præstiterunt. Faxit Deus, ut Regiæ Vestræ Majestatis auspiciis & immortalī laude Pacis negotium felicissime procedat, suum cuique tribuatur, nemo amplius lædatur. Cujus gratiæ & tutelæ Regiam Vestram Majestatem diligentissime commendamus. Dabantur Hamburgi Kal. Octob. Anno 1677.

Christianus Albertus,

Dei gratia Heres Norwegiæ, Postulatus Coadjutor Lubecensis, Dux Slesvici, Holsatiæ, Stormariæ & Dithmarsiæ, Comes in Oldenburg & Delmenhorst &c.

Regiæ Vestræ Majestati

ad quavis officia paratissimus

Christianus Albertus, Mppria.

DCXLIX.

Litteræ JOHANNIS GEORGII II. Saxoniae Electoris, ad CAROLUM GONZAGAM, Principem Castilionneum, cui de Marchionatu de Medole, jure hereditario ad Eum devoluto, amice gratulatur, 1677.

F. P.

Summam Nobis lætitiā attulerunt literæ Excellentię Vestræ, quibus de Principatū & Marchionatu de Medole ad Eam Ejusque illustrissimā profapiam haud ita pridem devoluto Nos reddere certiores voluit. Quod igitur amicitię & tam singularis propensę voluntatis suę erga Nos ratio facere suadet, Excellentię Vestræ de novo illo ditioribus suis addito incremento gratulamur plurimum, ac ut illo quiete & prospero rerum omnium successu utatur, fruatur, ex animo optamus. Cæterum Excellentię Vestræ pro isthac amica significatione prolixas agimus gratias, ac quibuscunque studiis & officiis Nostram Ei benevolentiam vicissim declarare potuerimus, ad ea ipsa Nos nunquam non paratissimos fore recipimus. Dabantur in Electorali Nostra Dresda die 5. Octobris 1677.

DCL.

Litera JOHANNIS GEORGII II. Saxonie Electoris, ad CAROLUM IV. Lotharingie Ducem, cui prosperrimos cum Eleonora, Michaelis defuncti Polonia Regis vidua, gratulatur bymenkos, 1678.

P. P.

Divini Numinis providentia Dilectionem Vestrā ad celebranda propediem consummandi cum Serenissimā Regina Polonię Vidua, Potentissimi Imperatoris Romani Sorore, Domina Eleonora,

nora, connubii solennia feliciter accingi, libenter cognovimus, illoque nomine Eidem animitus gratulamur, nulli dubitantes, quin exoptatissimis hinc thalami auspiciis inclyta Lotharingica Domus perpetuæ felicitatis incrementa porro sit acquisitura. Quippe quæ Dilectioni Vestræ pro sincero Nostro erga Vos affectu cœlitus vovemus, Eandemque de cætero cum amica officiorum asseveratione, habitis pro tam gratæ rei nuntio gratiis, diu optimeque valere cupimus. Dabantur Dresdæ die 20. Januarii Anno 1678.

D C L I.

Littera JOHANNIS GEORGII II. Saxonie Electoris, ad CAROLUM II. Magnæ Britanniae Regem, cui Anthonium Güntherum, Principem Anhaltinum, impense commendat, 1678.

P. P.

AD celebratissimam Regiæ Majestatis Vestræ Aulam, Illustrissimo Principe Anhaltino, Domino Antonio Gunthero, Cognato Nostro charissimo, professionem instituente, abiturientis rogatu moti, haut alienum ab officio Nostro duximus, Eundem pro ea, qua Nos attingit sanguinis propinquitate, per præsentem benevole comitari: quæ palam testaremur, quanti omnino faceremus, quam cum Regia Majestate Vestra sancte colimus necessitudinem, hac tam commoda occasione denuo contestandam, nec non heroicum cognati Principis, laudabiliter ad avita militaria decora consurgentis, institutum. Dum igitur ille eximia

in hoc genere studia sua, Regiæ Majestati Vestræ, pro præsentî rerum armorumque Regiorum statu, potissimum consecranda haut immerito statuit, nullum certe dubium Nobis est reliquum, quin pro Regio suo erga inclytam Anhaltinorum Principum Domum affectu, Eundem illo præcipuo loco sit habitura, unde haud vulgaris Nostræ commendationis fructum favore Regio & Principe dignum ex sententia consequi valeat. Quibus Regiæ Majestati Vestræ a supremo rerum moderatore prosperam valetudinis & regiminis incolumitatem ex animo precamur. Dabantur in Electorali Nostra Dresda die 3. Aprilis 1678.

DCLII.

Commendatitia ad CAROLUM II. Magna Britannia Regem, pro Theophilo Müllero, Medicina Doctore, a JOHANNE GEORGIO II. Saxonia Electore data, 1678.

P. P

QUod de singulari Regiæ Majestatis Vestræ erga Nostrates benignitate jam pridem ad Nos relatum est, illud præsentium lator, dilectus Nobis ac fidelis subditus Noster, Theophilus Müller, Medicinæ promotus Doctor, ex Anglia nuper redux, suo exemplo edoctus, condigna prædicatione adstruxit. Cui quidem acquisitæ tot itinerum per Italiæ, Galliarum atque adeo magnæ Britanniæ oras, nec non studiorum exantlatis stadiis, eruditionis atque experientiæ consummandæ causâ, ad celeberrimum Angliæ Vestræ Prytaneum & scientiarum
adyta

adyta reditum paranti, submissis precibus a Nobis impetrata commendatione deesse noluimus. Quo igitur Regia Majestas Vestra laudatum hunc rei medicæ, nec non exquisitioris scientiæ cultorem favore Regio complecti, ejusque desideria, quovis meliori modo juvare dignetur, pro mutuæ necessitudinis fiducia, obnixè rogamus. Eandemque cum sincera studiorum Nostrorum asseveratione salvam fospitemque magno Reipublicæ bono, rebus humanis interesse etiam atque etiam cupimus. Dabantur in Electorali Nostra Dresda, die 5. Aprilis, 1678.

DCLIII.

Literæ GEORGII WILHELMI, Ducis Brunsvico-Cellensis, ad JOHANNEM III. Polonia Regem, quibus ipsi causam Patris & Filii Bobarttiorum impense commendat, 1678.

Serenissime, Potentissimeque Rex, Domine Consanguinee Colende.

OBlatæ sunt nobis literæ supplices a Colonello Locumtenente Rei Nostræ Tormentariæ, Eilhardo Christophoro de Bobart, Dantiscano, adeoque, Regiæ Majestatis Vestræ subdito, quibus prolixè exponit, intercessisse sibi, & Parenti suo, duos jam annos, cum vidua Ehleri Hoffmanni, civis Dantiscani, super debito liquidissimo, eoque, publica bonorum omnium munito hypotheca controversiam, quæ, quum primo in ordinario, quod Dan-

Dantisci est, Dicasterio, deinde etiam in Senatu ibidem agitata, & in utroque judicio secundum se lata sit sententia, dictam viduam, novas solvendi moras nequentem, & quod salubre alias pressis, appellationis beneficium constitutum est, in præsidium iniquitatis trahentem, ad summum Regiæ Majestatis Vestræ Tribunal tandem provocasse, humillime rogans, quoniam tum Pater ejus ætate septuaginta annorum gravis, tum ipse etiam, ob locorum distantiam, & officia, quæ Nobis præstat, militaria, coram accedere Majestatem Vestram Regiam, & negotium istud, in quo magna fortunarum suarum pars sita sit, quam submisissime eidem commendare nequeunt, ut Nos eos, intercessione hac Nostra apud Regiam Majestatem Vestram, ne causa tam justa cadant, juvare velimus. Quanquam vero nobis nullum sit dubium, quin Majestas Vestra Regia, pro insigni, qua est, æquanimitate, sponte sua in id inclinet, ut cuius subditorum suorum justitia æqua lance administretur; quia tamen spem juris sui obtinendi non exiguam in Intercessionalibus nostris supradictus Colonellus Noster Locum tenens posuit, non potuimus non petitis ejus annuere. Et rogamus proinde perquam obnixè Regiam Vestram Majestatem, velit Ea minime permittere, ut absentia illi sua fraudi sit, sed potius Regio Tribunali suo serio demandare, ut, causa ista citra ambages probe examinata, quod justum est, in eadem statuatur, ipseque adeo jus aliquando consequatur, quod a partibus suis stare haud dubitat, & a duobus jamjam judiciis agnatum est. Quo ipso, ut faciet Regia Majestas Vestra

stra rem nobis gratam, & Regio suo nomine dignam, ita ad quævis officiorum genera ei vicissim erimus paratissimi. DEUS Regiam Majestatem Vestram rebus omnibus florentem quam diutissime servet. Dabamus in Aula Nostra, quæ est Cellis, d. 29. April. Ann. 1678.

Georgius Wilhelmus.

DCLIV.

Littera syssatica, quas JOHANNES GEORGIUS II. Saxonia Elector, Jacobo Tobin, Nobili Anglo, ad COSMUM III. Magnum Etruria Ducem dedit, 1678.

P. P.

Dum suscepta in Italiam atque alias exteras oras profectio, ad inclytam Dilectionis Vestrae aulam præsentium exhibitor, Jacobus Töbin, Nobilis Anglus, itineris cursum flectere instituit, promutua Nostræ necessitudinis fiducia, commendatione Nostra ipsum comitari vel eo non dubitavimus, quod cognati ejus, Viri nobilis Wilhelmi Swann, Serenissimi Regis Angliæ apud Hanseaticas Germaniæ Civitates Residentis Ministri, ob egregia merita singulariter Nobis dilecti, interventus opportunus id quodammodo a Nobis exigere videretur. Quo igitur Dilectio Vestra dicto nobili in provehendo ejus itinere, liberum facilemque com meatum indulgere, honestaque ipsius instituta gratia sua, favore atque ope prosequi

sequi dignetur, ab Eadem etiam impensius contenderemus, nisi persuasissimum Nobis foret, Ipsam pro solita humanitate, virtuti bonorum vel sua sponte esse velificaturam. Cui diuturnam porro valetudinis & rerum omnium incolumitatem a Deo serio precamur. Dabantur in Electorali Nostra Dresda, die 6. Maji, 1678.

DCLV.

Litera Commendatitia a JOHANNE GEORGIO II. Saxonis Electore, ad CAROLUM II. Magnæ Britannie Regem, Mauritio Tham, Marefcallo a Biberstein, Augusti, Archiepiscopatus Magdeburgici postulati Administratoris, supremo cubiculi Præfecto tradita, 1678.

P. P.

Cum nullum facile neque studii neque temporis momentum in demonstranda animi devinctissimi constantia unquam prætermittendum censeamus, haut aliena ab officio Nostro, per præsentem, pro eo ac par est, Rogiam Majestatem Vestram invisendi visa fuit occasio, dum earum exhibitor, Vassallus Noster, dilectus Nobis ac fidelis, Mauritius Tham, Marefchallus a Biberstein, Celsissimi Ducis Saxonie Domini Augusti, Archiepiscopatus Magdeburgensis postulati Administratoris, Fratris Nostri dilectissimi, supremus cubiculi Præfectus, in Gallias profecturus, ad Inclytam Regie Majestatis Vestre aulam itineris cursum flectere instituit. Huic igitur & genere, & virtute
eque-

equeſtri Nobili Viro, quo Regia Majeſtas Veſtra, pro inſigni ſua erga Noſtrates benignitate, libe-
riorem acceſſum indulgere, eumque Regiæ gratiæ
nutu fruſtuque hujus Noſtræ commendationis
beare dignetur, obnixè rogamus. Simulque Re-
giæ Veſtræ Majeſtati cum ſincera ſtudioſæ Noſtræ
voluntatis teſtificatione diuturnam valetudinis
juxta & rerum incolumitatem ab omnipotente
Deo ſerio precamur. Dabantur in Electorali
Noſtra Dresda, die 21. Junii, 1678.

DCLVI.

*Litera CAROLI BELGICI HOLLANDI
DUCIS DE TREMOLLIA, ad ALOY-
SIUM DE BEVILAQUA, Nuntium Sac.
Sedis Apoſtolice ad tractatus Noviomagenſes Ex-
traordinarium, cui jura, quæ ſibi in Regnum Neapo-
litanum competere perſuaſum habebat, diligenter
commendat, 1678.*

Illuſtriſſime & Reverendiſſime
Domine.

Cum Veſtra omnia conſilia eo tantum ſpectent
creferanturque, ut inſtaurata per Orbem Chri-
ſtianum Pace, Reges & Principes quotquòt ſunt, qui
aliquam paſſi ſunt vel injuriam vel jacturam, ſua
in jura priſtinumque ſtatum reſtituantur, mei
ipſius & avitæ dignitatis oblitus videar, ſi trans-
miſſum in me a Sereniſſimo Friderico Neapolitano
Rege, avi mei Tritavo, juſ indubitatum & legiti-
mum coram Dominatione Veſtra Illuſtriſſima,
tam opportuna data occasione non proſequar.
Opti-

Optimus ille, ut cuilibet est notorium & pacatiore seculo dignissimus Princeps, cum a Serenissimo Arragonum Rege, FERDINANDO CATHOLICO, patruele, Novercæ Germano, perpetuamque amicitiam professio, sibi ostentatam prius, promissamque sæpius opem sponderet, ab eodem in dignitatis fortunarumque, totius adeo familiæ perniciem adductus priusque ab illis, quas auxiliatrices credebat, copiis est oppressus, quam vel imminens periculum prævidere, vel illatam sibi vim liceret propulsare, liberis ejus eorumque posteris Jus illud legitimum reliquit. Nunc vero cum sapientissima Dei sapientia sub ipsis universæ Europæ oculis Principum quorumcunque rationes, earundemque momenta Illustrissimæ Dominationi Vestræ veniant expendenda, visum est mihi cum bona Christianissimi Regis, Domini mei supremi venia, meo meorumque nomine, Illustrissimæ Dominationi Vestræ denunciare, me unicum legitimum hæredem, recta linea ab ipso Rege ortum, quem nullius offensæ reum, nulla belli indictione præcedente solio fortunisque universis excusit Ferdinandus Quintus Arragonum Rex. Cum autem Catholicus Hispaniarum Rex, CAROLUS SECUNDUS, Regnum Neapolitanum nullo alio jure quam successione dicti Ferdinandi Invasoris retineat, id officii mei rationem postulare credidi, ut Illustrissimæ Dominationi Vestræ Mediationem Apostolicam dignissime obeunti causam meam commendarem. Hoc consilio generosum virum *Joannem Gabrielem Sanguiniere*, Dominum de Charansac, Regi Christianis-

nisli-

nissimo a Consiliis, & in Curia Prædiali Parisien-
si Senatorem, ad Dominationem Vestram misi,
qui mea studia exhibens causæ æquitatem exponat,
cujus pro merito suo officique demandati reli-
gione rationem habeat Illustrissima Dominatio
Vestra, & in me meosque benevolenti sit ani-
mo, demisse oro & obtestor.

**Illustrissime & Reverendissime
Domine**

*Datum ex Exercitu Regis
Christianissimi, die se-
ptima Julii, 1678.*

*Dominationi Vestra addi-
ctissimus*

**Carolus Belgicus Hollandus
de Tremollia.**

Inscriptio.

**Illustrissimo & Reverendissimo Domino, Do-
mino Aloysio de Bevilaqua, Patriarchæ Ale-
xandrino, Sacræ Sedis Apostolicæ Nuntio
Extraordinario, & ad Pacis universæ Tracta-
tus Noviomagenses Mediatori æquisimo.**

DCLVII.

*Litteræ JOHANNIS GEORGII II. Saxonia
Electoris, ad CAROLUM II. Magnæ Britan-
niæ Regem, de noviter instante anno gratulatoriæ,
1678.*

PARS II.

Kkk

P.P.

P. P.

Asfiduum Nostrum ut hætenus fuerit votum Deum immortalem precari, ne quid in Regiam Vestram Majestatem (*Serenitatem, Dilectionem*) expetat, unde felicitas ejus læta ac prospera corrumpi, valetudo debilitari aut alias minus aliquid fausti Ei accidere velit; ita illucescente iterum novi anni auspicio, hanc desiderii Nostri pietatem coram Regia Vestra Majestate, (*Serenitate, Dilectione*) literis hisce repetere Nostrarum partium esse credidimus. Ut ergo Regiæ Vestræ Majestati hæ calendæ & plures aliæ quam felicissime decurrant, Illique nec solidum animi robur nec commoda corpori valetudo unquam desit, cœleste & omnia moderans Numen religiose veneramur atque adoramus. Dabantur Dresdæ, die 10. Decembris, 1678.

Nota. *Pari ratione gratulatoria quoque ad varios Europæ Reges & Principes exarata fuerunt.*

DCLIX.

Litera, quibus JOHANNES GEORGIUS II. Saxoniae Elector, COSMO III. Magno Etruriæ Duci pro honoribus Christiano, Saxoniae Duci, benevole exhibitis gratias ingentes agit, 1679.

P. P.

Infinitis illis, quibus Dilectioni Vestræ jam pridem addictos Nos profiteamur, nominibus, insignis accessit

cescit cumulus, ex quo Cellissimus Princeps & Agnatus Noster charissimus, Dominus Christianus, Saxoniae Dux, profecta in se florentissimæ Aulæ Vestrae honestamenta, amoris pariter & benevolentiae omnigenæ plenissima, non sine debita æstimatione Nobis coram collaudavit. Quare Nostorum partium esse censuimus, tam honorifica mutuae conjunctionis monumenta, & quam Dilectio Vestra erga Nos & Nostram Electoralem Domum testatam voluit voluntatem, gratæ mentis testificatione prosequi, cujus quidem continuandæ fiduciam Nobis simul attulere, cum gratisimæ illæ per Præfecturæ Nostræ Dippolswaldensis Gubernatorem & cameræ Nobilem, dilectum Nobis & fidelem, Domenicum de Melani, redditæ Nobis literæ, tum etiam ipsius referentis fides. Quippe qui collatam in se a Dilectione Vestra gratiam, & quod ipsum in eorum numerum, quibus in inclytæ Aula Vestra aditus ad antecameram præ cæteris patet, benigne cooptare dignata sit, submissa devotione prædicando, addito exoptato Serenissimæ Domus Vestrae incolumitatis nuncio haud mediocriter Nos exhilaravit. Deum optimum maximum serio precamur, ut Dilectionem Vestram, quam de sincero Nostro erga se animo persuasissimam omnino cupimus, omni porro valetudinis & rerum florentissimarum incremento cœlitus cumulet ac tueatur. Dabantur in Electorali Nostra Dresda, die 11. Martii, 1679.

DCLIX.

Litteræ fiduciariæ, quas JOHANNES III. Poloniarum Rex, Stanislae Radzivilio, S. R. Imp. Principi, ad JOHANNEM GEORGIUM II. Saxoniam Electorem dedit, 1679.

P. P.

DEdimus in commissis illustri Stanislae Duci Radzivilio, Sacri Romani Imperii Principi, Dapifero Magni Ducatus Lithuaniae, quatenus Serenitatem Vestram, ea, quæ videbitur commodior, occasione, nomine Nostro Regio conveniat, Eidem tam propensissimæ voluntatis Nostræ Regnique Nostri Ordinum sensus explicet, quam illa exponat desideria, quæ Orbis Christiani, præsertim eorum Principum & Statuum concernunt securitatem, quibus orientalis imminet potentia. Nec dubitamus, Serenitatem Vestram facilem aurem, fidemque indubiam daturam Illustri proponenti Nostro, reciprocaque commune negotium promoturam opera. Quod reliquum est, Serenitati Vestræ longævam incolumitatem, prosperrimosque rerum successus amice exoptamus. Dabantur Grodnæ Lithuanorum, die 12. mensis Aprilis, Anno 1679. Regni Nostri anno quinto.

Serenitatis Vestræ

Bonus Frater & Consanguineus

JOHANNES.

DCLX.

DCLX.

Responsoria JOHANNIS GEORGII II. Saxonie Electoris, ad præsentes JOHANNIS III. Regis Poloniarum literas, 1679.

P. P.

QUæ Regiam Vestram Serenitatem moverit ratio, Illustrissimo Domino Stanislao, Duci Radzivilio, Sacri Romani Imperii Principi, Magnique Ducatus Lithuanie Dapifero, in commissis dare, nomine Regiæ Serenitatis Vestræ Nos data quavis occasione commodiore conveniendi, Regiæ Vestræ Serenitatis propensissimæ erga Nos voluntatis non minus, quam Regni Ordinum sensus explicandi, insimul & exponendi desideria, quæ Orbis Christiani, præsertim vero eorum Principum Statuumque concernunt securitatem, quibus orientalis immineat potentia: Id ipsum partim ex Regiæ Serenitatis Vestræ ad Nos exaratis Nobisque exhibitis literis fiduciariis, partim ex memorati Principis proponentis ore pluribus intelleximus. Sicut igitur cum primis Regiæ Serenitati Vestræ pro sinceri in Nos affectus benevolentiaque nunquam non satis deprædicandæ documentis officiosas decentesque gratias referimus, ita non possumus non laudare Regiæ Vestræ Serenitatis vere Regium atque Christianum propositum, immanem Christiani Nominis hostem, a suis pariter ac cæterorum, qui periculo proximi sunt, finibus arcendi, ac pro re nata hunc in modum auxilium a Nobis non minus quam aliis postulandi. Cum vero tantæ

molis negotium hoc sit, quod nonnisi communi
 Ordinum Germaniæ Concilio decidi, atque expe-
 diri queat. Non ægre laturam Regiam Vestram
 Serenitatem confidimus, si in re tam ardua, tanti-
 que momenti aliquod temporis spatium Nobis in-
 dulgeri petamus, cum cæteris Sacri Romani impe-
 rii Electoribus, Ordinibusque præcipuis periculo
 proximis rationem ineundi, quid tandem urgente
 necessitatis casu, pro avertendo periculo commu-
 ni e Republica statuendum sit. Cujus saluti se-
 curitatisque salutaribus consiliis muniendæ, uti
 maximam partem Electoralis Nostri officii, autu-
 mamus: Ita quantum quidem in Nobis est, illu-
 stribus majorum Nostrorum exemplis concitati,
 nihil prætermitemus, ad illud quod pertinere,
 interque Regiam Vestram Serenitatem ac Nos
 conservando pariter & obligando mutuæ intelli-
 gentiæ, vicinitatis & amicitiae vinculo, commo-
 dum esse ac inservire posse videbitur. Dabantur
 Misenz in arce Nostra Electorali Albertina die 1.
 Octobris 1679.

DCLXI.

*Litteræ JOHANNIS GEORGII II. Saxoniae
 Electoris, ad COSMUM III. Magnum Etruriæ
 Ducem, cui Christophorum de Westenigk & Con-
 radum Henricum a Zeschwitz diligenter commen-
 dat, 1679.*

P. P.

Egregia singularisque probitas, fides, opera at-
 que diligentia, quibus, dum puerorum Nobi-
 lium numero adscripti, erga Nos usi fuerunt, Jo-
 han-

Johannes Christophorus de Westenigk & Conradus Henricus a Zeschwitz, eos Nobis haud mediocriter commendarunt. Illi itaque cum maxime cupiant impetrare a Dilectione Vestra, quo inter corporis ejus custodes cooptentur, aut si opportuna minus ad id occasio se exhibuerit, eorum nomina præsidio Dilectionis Vestræ, quod Liburni habet, addicentur; Ideo rem profecto Nobis gratissimam fecerit Dilectio Vestra, si in eo gratia & benevolentia sua hosce Nostros Vasallos juverit. Dabunt illi operam, ut, si quid in ipsos hac præsertim in parte, benignitatis contulerit Dilectio Vestra, id & æstiment recte, & prout par est, prosequantur semper, ne parum grati & pii videri possint. Nos vero in id enitemur sedulo, ne quæ occasio elabatur Nobis vicissim & gratificandi Voluntati Dilectionis Vestræ & commodis Ejus inserviendi. Interim Dilectioni Vestræ constans animi corporisque robur, ac ut felicissima semper Reipublicæ quies immota & securitas firma semper arrideat, animitus aprecamur. Dabantur in Arce Nostra Electorali Dresdæ die 2^o. Apr. 1679.

DCLXII.

*Responsoria, quibus COSMUS III. Magnus He-
truria Dux, JOH. GEORGIO, Electori Sa-
xonum, commendatitias ipsius apud se plurimum
valuisse significat, 1679.*

P. P.

Ingenui adolescentes Johannes Christophorus de Westenigk & Conradus Henricus a Zeschwitz qui Nobilitate generis & Virtutum Ornamentis tam peculiarem locum apud Dilectionem Vestram ob-

tinere meruerunt, a Nobis quidem haud procul
fisti debuerunt, unde Dilectionis Vestræ volunta-
tem sectando, ultra numerum etiam inter custo-
des Nostri Corporis Equites cooptari volumus,
non dubitantes, quin hac quoque animi Nostri
alacritate in omnibus, quæ Dilectioni Vestræ pla-
cuerint, fidei & observantiæ Nostre argumenta er-
ga Serenissimam Electoralem Domum clarius elu-
cescant, & mutuae necessitudinis vincula arctius
indies obstringantur. Interim Dilectio Vestra ex
operibus ipsis sollicitudinem cordis agnoscat, ac
de eadem sibi sanctiora quoque promittat, dum a
supremo bonorum largitore plenam ipsis incolu-
mitatem ac faustissimas rerum vices auspicamur.
Dabantur in Urbe Nostra Florentiæ 9. Sepem-
bris 1679.

DCLXIII.

*Litera EDUARDI WOOD, Plenipotentiarii
Anglici, ad PLENIPOTENTIARIOS DANI-
COS, quibus se jamjam Malmogia presentem esse
& initium Tractatum prestolari significat, 1679.*

Excellentissimi Domini.

Cum pacis Tractatum Neomagi ante hac ini-
tium studia S. Regiæ Majestatis Magnæ Bri-
tanniæ mediatoria tanto successu promoverint, ut
jam demum ad universum opus absolvendum ni-
hil amplius desideretur, quam ut effectum fortia-
tur Tractatus Lundini in Scania institutus, cui quin
manum pariter admotura sit Sacra Regia Ma-
jestas Magnæ Britanniae, donec dissidiis inter Sa-
cras

cras suas Regias Majestates Daniæ & Sveciæ Reges compositis omnibus, iste etiam tractatus optatum assequatur finem; dubitari nec potest, nec debet. Ea propter sacræ Regiæ Majestatis Magnæ Britanniæ Ablegato abs re neutiquam fore visum est, si ad evitandam temporis jacturam, quantum fieri potest, Ipse sese prope locum Tractatus quam primum redderet. Quo fretus Consilio iter suum confestim expedivit, & jam Malmogiæ agens, adventus sui Excellentias Vestras certiores esse faciendas duxit,

Excellentiarum Vestrarum

Malmogia 5. Julii
1679.

devotus Cultor

Eduardus Wood.

Inscriptio.

**A leurs Excellences Messieurs les Ambassadeurs
Extraordinaires & Plenipotentiaires de Sa
Majesté de Danemarck**

a

Lund.

DCLXIV.

Responsoria PLENIPOTENTIARIORUM DANICORUM, ad precedentes PLENIPOTENTIarii ANGLICI literas, 1679.

Nobilissime Domine.

EX Nobilissimæ Dominationis Vestræ literis 5. hujus Mensis exaratis hodieque Nobis exhibitis, quas habuit Stockholmia relicta se Malmogiam

Kkk 5

giam

giam ocyus conferendi causas libenter intelleximus, nimirum quod non dubitet, quin Sua Regia Majestas Magnæ Britanniae, cujus studia mediatoria Pacis Tractatum Neomagi ante hac initum bono cum successu promoverint, tractatui hic instituto manum pariter admotura sit, quo universum pacis opus hac ratione feliciter absolvi possit. Cum enim Sacra Regia Majestas Daniae & Norwegiae, Dominus Noster clementissimus, maximi semper Suae Regiae Majestatis Magnæ Britanniae mediationem fecerit, satis Nobis constat, Eandem nihil magis etiamnum in votis habere, quam ut Suae Regiae Majestatis Magnæ Britanniae amicabili interpositione & efficacibus officiis etiam inter hæc Borealia Regna firma pax & concordia æquis conditionibus quantocyus restaurari possit. Nobilissimæ interim Dominationi Vestrae de felici in has oras adventu per amice gratulantes eidem officia Nostra paratissima deferimus. Lundini 6. Julii 1679.

DCLXV.

Litera JOHANNIS GEORGII II. Saxoniae Electoris, ad CAROLUM II. Magnae Britanniae Regem, cui felicissimas instantis & plurium aliorum annorum gratulatur calendas, 1679.

P. P.

Dum redemptionis Nostrae iterum recolimus memoriam, annique renascentis auspicia jam instant, haud abeundum duximus ab inveterato more Nostroque officio, quo Regiae Vestrae Majestati prosperrima quæque ex animo precari solemus, ea spe freti fore, ut non minori affectu ab Eadem

Eadem vota Nostra suscipiantur, quam fusa sunt infucata fide, cultuque, quo Regiam Vestram Majestatem semper prosequimur, plane singulari. Ac uti toto pectore lætamur, quod voti Nostri compotes facti, Regiam Vestram Majestatem cum serenissima Regia Domo, salvam atque incolumem & omni ex parte beatam, suavissimaque fruentem pace, coram velut intueamur: Ita ut propriam perpetuamque Eidem, seræque Ipsius Posteritati hanc felicitatem esse jubeat benignissimum Numen, voti Nostri summa & apex est. Quos scilicet nihil æque capit, quam si de novis identidem iisque maximis felicitatis incrementis Regiæ Vestræ Majestati congratulando, pro eo, ac decet, mutuam Nostram necessitudinem devinctumque culmini Vestro testari animum ac voluntatem usibus Vestris serio dicatam declarandi copia detur. Dabantur Dresdæ in Arce Nôstra Electorali, die 12. Decembris 1679.

Nota. Ejusdem ferme tenoris literæ exaratae quoque ad Hispaniæ, Galliæ, Poloniæ Sveciæque Reges, Reginam Hispaniæ viduam & Magnum Etruriæ Ducem, mutatis saltem mutandis, fuere.

DCLXVI.

Littera JOHANNIS GEORGII II. Saxoniae Electoris, ad CAROLUM II. Hispaniarum Regem, cui perpetuos ex suavissimo cum Principissa Aurelianensi contracto matrimonio successus, ex animo gratulatur, 1680.

P. P.

P. P.

L Ectis Regiæ Majestatis Vestræ literis, quibus de matrimonio Illam inter & Serenissimam Principem, Mariam Ludovicam, Aurelianensis Ducis Filiam primogenitam, haud ita pridem feliciter concluso Nos certiores facit, magna sane lætitia pro Nostro erga Vestram Majestatem Regiam studio proque rei confectæ magnitudine affecti sumus. Immenfas ergo sanctissimo Numini, quam primum pergratum istud nuntium ad aures Nostras perlatum, gratias egimus, quod regia per matrimonia, quibus utraque Hispanorum & Gallorum inclyta Natio jam nexa invicem, pax nuper cum totius Christiani orbis insigni solatio inter Eam opportune facta, æterna quasi reddita fuerit. Faxit igitur divina benignitas, ut Regia Majestas Vestra cum Regia sponsa deliciis omnibus, beatitatibusque omnibus fruatur, quas aut promittere novi thalami suavitas aut felicissimorum Conjugum præstare potest conditio; Suis autem florentissimis regnis ex suavissima hac conjunctione successores perpetuos, augmentum firmum, gaudiumque perenne, Reipublicæ vero Christianæ, ut uberes atque amplissimos fructus exinde percipiat, serio optamus. Quod reliquum est, quemadmodum Regiæ Vestræ Majestati semper, ita quoque pro jucundo isthoc nuntio ad quævis officiorum genera Illi sumus obligati. Dabantur Misniæ in Arce Nostra Albertina die 1. Februarii Anno 1679.

DCLXVII.

DCLXVII.

*Responsoria, quibus CAROLUS XI. Suecorum
Rex, JOHANNI GEORGIO II. Saxo-
num Electori, reciproco candore fausta novi anni
gratulatur auspicia, 1680.*

P. P.

VOta illa, quibus Celsitudo Vestra Electoralis
Nobis ad auspicia anni hujus nuper ingressi
applaudere voluit, eo Nobis fuere magis grata,
quod & feliciori quam hæcenus, dum bello-lucta-
remur gravi & cruento, venerint tempore, & No-
bis impertiantur ab Amico, cui fidissimum No-
bis cupiendi studium ipsa hac inimica belli tempe-
state experti fuimus, qui etiam gloriam obtinuit,
sanando huic malo medicam adhibuisse manum.
Gratiam, quam præterea Celsitudini Vestræ Electro-
rali debemus, nulla oblivio auferet, neque sincere
Nostrum propositum promoveri gratæ illum
veræ amicitiae candorem. De cætero Dei Clemen-
tiam, quæ cuncta hæc nobis largita est bona, im-
ploramus, quo & præsentia & futura tempora
Celsitudini Vestræ Electorali semper elucescere fa-
ciat fausta & exoptata; Eandemque ac Serenis-
simam Domum suam conservet incolumem ac per-
petuo felicem. Dabantur in arce Nostra Kong-
sohr, die 12. Febr. 1680.

Celsitudinis Vestræ Electoralis

*bonus consanguineus &
Amicus*

CAROLUS REX.

DCLXVIII.

DCLXVIII.

Litera credentiales, quas CAROLUS II. Magna Britannia Rex, Gabrieli Sylvio, Alegato suo Extraordinario, ad GEORGIUM WILHELMUM, Ducem Brunsvico-Luneburgensem, tradidit, 1680.

Carolus Secundus, Dei Gratia Magnæ Britannia, Franciæ & Hiberniæ Rex, Fidei defensor &c. Serenissimo & Celsissimo Principi Domino Georgio Wilhelmo, Duci Brunsvicensium & Luneburgensium Consanguineo & Amico nostro Charissimo Salutem.

Serenissime & Celsissime Princeps, Consanguinee & Amice charissime.

Cum nihil magis in votis habeamus, quam ut Pax Generalis, quæ hisce orbis Christiani partibus sub Divinis auspiciis restituta est, abhinc facta tecta, & quantum in Nobis est inviolabilis conservetur, cumque persuasi omnino simus, Celsitudinem Vestram votis & studiis suis eo etiam collimare, Nobilem nobis dilectum & fidelem, Gabrielem Sylvium, Equitem auratum, ad Celsitudinem Vestram tanquam Alegatum Nostrum Extraordinarium mittendum censuimus, ut quædam, quæ Nobis videntur in finem hunc multum conducere posse, Ipsi nomine Nostro proponat; Quare Celsitudinem Vestram serio rogamus, ut dicto Alegato Nostro Extraordinario integram in iis fidem adhibere velit, & præsertim ubi Celsitudinem Vestram sinceri Nostri versus Ipsam affectus & propensissimi animi certiolem fecerit, cujus quidem melio-

meliora exhibere quævis specimina parati semper
erimus. Adeoque Celsitudinem Vestram summo
Numini animitus commendatam cupimus. Da-
bantur in Palatio Nostro de Whitehall 8vo die
Martii, An. Domini 1678. Regnique nostri tricesi-
mo secundo.

Celsitudinis Vestræ

Bonus Consanguineus

Carolus Rex.

Sunderland.

Inscriptio.

Serenissimo & Celsissimo Principi, Domi-
no Georgio Wilhelmo, Duci Brunsvi-
censium & Lüneburgensium, Consanguineo
& Amico Nostro Charissimo &c.

DCLXIX.

*Litteræ Statuum Sac. Rom. imperii ad Ludovicum
XIV. Gallia Regem, quibus Tribunalium Aetis ac
Brisaci constitutorum molimina & in varias va-
riorum Imperii Statuum ditiones attentata æ-
quitati Christianæ ac Pacis tam Westphalica quam
Neomagiensis Tabulis e diametro contraria esse
prolixè demonstratum eunt, 1680.*

Serenissime ac Potentissime Rex,
Domine Clementissime.

TRicesimus secundus jam agitur annus, cum
pax Germaniæ reddita fuerat, neque incogni-
tum est, quantis difficultatibus non modo arduum
illud opus, sed & Regiæ Vestræ Majestatis satisfac-
tio-

tionis conditiones constiterint, tandemque omnium consensu eo conventum fuerit, ut præter tres illos Episcopatus, Metensem, Tullensem & Verdunensem scilicet, eorumque Episcopatuum districtus certa etiam Alsatiæ pars, quo magis tuta pax & amicitia inter paciscentes tunc firmaretur, & securitati publicæ melius prospiceretur, Majestati Vestræ cederent. Quemadmodum vero multos post annos uterque paciscentium in illo, quod pactum erat, acquievit, neque Regiæ Vestræ Majestatis Ministri quicquam ulterius præter novum aliquod homagium a 10. Civitatibus Imperialibus in Alsatia non cessa sitis, ut a nonnullis Imperii Statibus, (ratione dictorum Episcopatuum) feudalitatis nexum exegerant, quæ lis tamen postea ad certos utrinque selectos arbitros remissa, & quod ad juramentum Civitatum attinet, decisa fuit; Sic pace non ita pridem Neomagi conclusa & ratificata, præter omnem spem & expectationem mox longe diversum undiquaque postulatum fuit, ac nuper a Regiæ Majestatis Vestræ; Metis & Brisaci noviter constitutis Tribunalibus, in singulos in utraque Alsatia sitos Imperii Status, eorumque territoria, supremi quoddam & absoluti Dominii jus, per modum sententiæ attributum, eoque nomine juramentum subjectionis exactum, subditi ab homagio (legitimis Dominis præstito) absoluti, novoque erga Regiam Majestatem Vestram ligati, atque vi manuque militari ad ejus præstationem nec non contributionum & subventionum ut vocant, solutionem, contra expressum tenorem *Instrumenti Pacis Neomagi*. §. *Contributionum vero* &c. 30. coacti

coacti fuerunt, imo eo jam res erupit, eum sub eodem prætextu magna pars ditionum Serenissimi Electoris Palatini, cum earum juribus, appertinentiis nec non Reverendissimi Domini Episcopi Spirensis & Præpositi Weissenburgensis, cæterorumq; Dominorum Comitum Palatinorum Rheni transrhenanæ Provinciæ nupera Gallico milite armata manu occupatæ fuissent, interque alia prædicto Domino Episcopo Spirensi, arx Ladenburg, contra improvisos ejusmodi insultus, in eam destinatos, non præparata, gravissimis machinationibus extorta, atque castrum Falckenburg eadem lege ad deditionem postularetur, sua Serenitas Electoralis autem illud dedere optima fide renueret, longe sane vehementiori impetu, quam quisquam media pace expectaverat, dictum Castrum aggressionem militari, & tormentorum vi expugnatum, Ejusdemque Serenitatis territoria, oppida, arces, villæ & alia infestata, subditi spoliati omninoque ad incitas reducti. Eodem fere modo fortalitia Homburg, & Bitsch a Regiæ Vestræ Majestatis milite nuper occupata, non obstante, quod Eminentissimis Dominis Electoribus Moguntino & Trevirensi Sequestro a Cæsarea Majestate & Imperio concredita fuerint, sicuti & novissime Castrum Oberstein sub atrocissimis minis ad deditionem postularunt, & vi jam expugnarunt, cum tamen abhinc quingentis annis proprietates Archi-Episcopatuui Trevirensi, una cum jure aperturæ, in dicto Castro & oppido competat, & in districtu Metensi non sint, alias etiam ad Mosam, ubi nullius Alsatiæ seu Episcopatum cellorum prætextus extat, tria ad Eminentissimum Electorem Trevirensē, utpote per-

petuum Administratorem Brumensem, a multis retro seculis spectantia oppida Fumay, Feppin & Revin, indicta plane causa, violenter invasa, eorumque incolæ ad homagium Regiæ Vestræ Majestati præstandum coacti fuerunt. Verum cum adeo acerbæ executiones, paci Westphaliæ (per Neomagiensem nuper denuo confirmatæ) directè contrarientur, insuper Electores, Principes & Status Imperii summopere solliciti reddantur, quod dicta Tribunalia in Status Imperii, eorumque territoria qualemcunque superioritatem sibi arrogare contendant, officii nostri omnino duximus, ad Regiam Majestatem Vestram totam causam decenter referre, atque totius negotii rationem paucis exponere. Constat enim pace Neomagii nuper conclusa, ceu lege publica, utrinque conventum fuisse, quod pax Monasterii Westphalorum, solidissimum mutæ amicitiae tranquillitatisque publicæ esse debeat fundamentum, illaque in omnibus & singulis pristino suo vigori restituenda sit; Si itaque pactio ista solennis huic undiquaque inniti debeat fundamento, uti revera innititur, certe quidquam amplius, quam quod ibi expresse stipulatum reperitur, exigi non poterit. Neque enim qualiscunque alia territoriorum & jurium cessio, quam illa, quæ Monasterii Westphalorum facta ac Neomagii confirmata fuit, ullo publico documento probari potest, Regiæ etiam Majestatis Vestræ nunquam peritura literarum aliaque Documenta satis evincunt, ipsam apud Tractatus Westphalicos aliisque locis, toties atque publice asseruisse, nihil sibi magis curæ esse, quam ut Statibus Imperii sua libertas, immedietatis

jura

jura & Dominia inconcussa servarentur, atque restituerentur. Testatur insuper abunde *Pacis Monasteriensis instrumentum* §. 1. *Quod supremum* &c. 70. præter supra dictos Episcopatus, eorumque districtus nil amplius cessum, neque aliam paciscentium mentem fuisse, quam ut in Regiam Majestatem Vestram translatum supremum dominium omnimodaque jurisdictio, tantum eatenus exerceatur, quatenus illa tunc intra districtus illorum Episcopatum obtinuit, atque exercita fuit, neque sub illius juris Diæcesani nunquam cessi, aut ullo alio quocunque prætextu, ultra dictos districtus propriumque ipsorum territorium, longe minus in ea feuda, quæ Status Imperii ante motus Germaniæ a dictis Episcopatibus forte olim recognoverunt, extendenda sit. Patet quoque Landgraviatus cessione, neutiquam universam Alsatiā cessam, imo nequidem ulli paciscentium adeo enormem cessionem in mentem venisse. Quemadmodum enim, *ibi scilicet* §. *Tertio Imperator* &c. 73. quid Regiæ Majestati Vestræ in Alsatiā cessum fuerit, nominatim designatur, neque oppidum Brisacum, Landgraviatus Superioris & Inferioris Alsatiæ (non tota Alsatiā) Sundgovia, præfecturaque Provincialis 10. Civitatum Imperialium in Alsatiā sitarum (non vero ipsæ Civitates Imperiales) omnesque pagi, & alia quæcunque jura, quæ a dicta Præfectura (non ab Alsatiā vel dictis Civitatibus) dependent, adeoque Alsatiā a Landgraviatu & ejusdem præfectura provinciali maxime semper distinctam fuisse evidenter probatur; ita subsequenti & speciali lege *nempe* §. *Teneatur Rex* &c.

87. notanter conventum atque pactum fuit, quid ab illa Landgraviatus & præfecturæ cessione exceptum & non cessum fuerit; Teneri nempe Regiam Majestatem Vestram non solum Episcopos Argentinensem & Basilcensem cum Civitate Argentinensi, sed etiam reliquos per utramque Allatiam Romano Imperio immediate subjectos Ordines, Abbates Murbacensem & Lüderensem, Abbatissam Andlaviensem, Monasterium in Valle St. Gregorii, Palatinos de Lützenstein, Comites & Barones de Hanau, Fleckenstein, Oberstein, totiusque inferioris Alsatiæ Nobilitatem, item prædictas X. Civitates Imperiales, quæ præfecturam Hagenoensem agnoscunt, in ea libertate & possessione immedietatis erga Imperium Romanum, qua hætenus gavisæ sunt, relinquere, ita ut nullam ulterius in eos regiam superioritatem prætereendere possit, sed iis iuribus contenta maneat, quæcunque ad Serenissimam Domum Austriacam spectabant, & per Tractatum illum pacificationis, cessa fuere. His ita præmissis nulla ratio superest, qua totam Alsatiæ cessam fuisse evinci poterit, ad quid enim opus fuisset, Reverendissimum Dominum Episcopum Argentoratensem, nec non X. Imperiales Civitates Alsatiæ, ac reliquos in illius districtu sitos Status, post pacem Westphalicam in pristinam suam libertatem, immedietatem, jura & Regalia plenarie restituissse, militemque Gallicum ex eorum tempore belli occupatis locis eduxissse, ac illa dictis Statibus, propriis suis præfidiis custodienda reliquissse? ad quid enim opus fuisset, de libero Gallicarum Legionum transitu, de Civitatis Tabernarum Neutralitate, de for-

fortalitii Benfeldiani demolitione & similibus, in favorem Galliae nominatim stipulari? si utraque Alsatia ei cessa esset; denique quid de supra dictorum statuum immediatorum restitutione adeo sollicite transigere? si talia, quae nunc geruntur, licerent. Et posito ante unum vel alterum seculum, alia nunnulla, ad illa loca seu jura in Instrumento pacis cessa, (de quo haud constat) pertinuisse, ex eo tamen inferri nequit, ea tempore conclusae pacis, praepriis alio tum possidente, ad illa adhuc spectasse, cum nihil amplius cessum sit, quam quod dicto tempore, a Serenissima Austriaca Domo possessum fuit, nec sub dependentiarum qualicunque tandem titulo Status Imperii immediati intelliguntur, multo minus transferuntur, cum Status Imperii ab aliis Statibus ita minime dependeant, sed singuli per se subsistant, longe etiam iniquius foret, Status immemoriali & plurium seculorum possessione innixos ad deditionem titulorum suorum contra omnia jura cogere, hoc enim modo totius orbis possessiones & rerum Dominia incerta redderentur. Accedit porro, quod, nec omnia illa territoria & loca, quae nunc sub titulo dependentiarum Alsatiae aut Praefecturae Haguenensis a Serenissimo Domino Electore Palatino, itemque a sua Serenitate Electorali & Reverendissimo Episcopo Spirensi, sub praetextu Weissenburgensium dependentiarum, & ita dicti Mundat, praetenduntur, & minis & armis occupata sunt, sed nec ipsa quidem Praepositura Weissenburgensis in Alsatia sita, nec pro ejusdem parte unquam habitata fuerit, idque inter alia ex ipso supra citato §. Te-

neatur Rex &c. 87. evidentissime probatur, ubi pleraque utriusque Alsatia membra, tanquam Status Imperii a cello Landgraviatus districtu, nominatim excipiuntur, Palatinatus & Weissenburgensis Præposituræ territoria autem tanquam non ad Alsatiam spectantia, prorsus omittantur, & Instrumenti pacis textus, longe aliud tam de Palatinatus, quam Episcopatus Spirensis & dictæ Præposituræ Weissenburgensis territoriis ac juribus restituendis transactum fuisse, notorie testatur, Palatinatum enim quod concernit, lege publica in §. *Deinde ut inferior* &c. 14. conventum est, quod ille totus cum omnibus & singulis Ecclesiasticis & secularibus bonis, juribus & appertinentiis, quibus ante motus Bohemicos, Electores, Principesque Palatini gavisifunt, plenarie restituendus sit, quod etiam de reliquis Dominis Comitibus Palatinis Rheni, *paxe Osnabrugensi art. IV. §. 20. & 22. §. 15 Princeps* &c. nominatim stipulatum reperitur, dictos scilicet Comites Palatinos, in omnes ditiones, dignitates & jura, ac in specie Dominum Leopoldum Ludovicum in Comitatum Veldentz ad Mosellam, tam in Ecclesiasticis quam Secularibus, contra omnia attentata in eum statum, quo anno 1624. ejusdem Dominus Parens fuit, restituendum esse, neque minus de Comitibus de Nassau, Hanau, Leiningen, Dachsburg, liberaque Imperii Nobilitate, aliisque Imperii Statibus, *supra citata paxe Osnabrugensi §. Comitibus Nassau Sarapont, 30. & sequentibus*, expresse statutum fuit. Idem quoque de Episcopatu Spirensi & Præpositura Weissenburgensi in §. *Rex tamen* &c. 77. pactum fuisse ex ipsis

ipsis conventionis formulis constat, prout enim hæ, præter protectionem, præsidium & transitum in Castrum Philipsburg, omnes alias in Episcopatum Spirensen prætensiones, verbis negative conceptis Regiæ Majestati Vestræ expresse adimunt, ita universalibus affirmativis manifeste disponunt, quod scilicet omnia quidquid omnino antiquitus in totius Episcopatus Spirensis Ecclesiarumque illi incorporatarum districtu (qualis Weissenburgensis, & quidem a nonnullis retro seculis est) Episcopo & Capitulo competeabant, & competere poterant, eidem quoque impofterum salva, integra & illæsa permanere debeant, quæ sane salva Westphalica & Neomagiensi pace immutari aut in alium sensum detorqueri nullatenus poterunt, ut autem de hac, & non alia paciscentium intentione posteritati tanto melius constare posset, illa Imperii omniumque Statuum consensu, eorumque nomine singulari ac publica declaratione scripto mandata Vestræq; Regiæ Majestati per literas die 28. Septembr. 1648. decenter transmissa fuit, prout præter Instrumentum pacis ad fidem etiam protocollorum, omniumque Actorum publicorum provocamus. Neque enim Regiæ Majestatis Vestræ Ministri huic transactioni unquam contradixerunt, quin potius ultra 30. annos eandem bona fide agnoverunt, nec præter supra dictum jam decisum juramentum & Episcopatum prætensiones, ad amicabilem compositionem, certosque arbitros, jam pridem remissas, quicquam postularunt: Imo quod magis est, Regia Vestra Majestas non solum in literis responsoriis ad Sacrum Imperium die 18. Septembr. 1665.

datis declaravit, velle se Ministris & Officialibus
 suis Regiis in Alsatia demandare, ut in Actionibus
 suis sese taliter exhibeant, ne ex parte Imperii ulla
 causa conquerendi superesse possit, sed etiam per
 evacuationem & restitutionem post pacem West-
 phalicam & Recessum Executionis Norinbergen-
 sem abunde testatum fecit, in gravatos modo Status
 Imperii & immediatos, nil tale, quod jam exigitur,
 prætendisse. Quod, pace insuper Neomagiensi §.
juxta pacem 27. non modo repetitum, sed etiam ibi
 conventum fuit, juxta sæpe dictam pacem Monaste-
 riensem in omnibus confirmatam omnia loca reci-
 proce restituenda, eaque bona fide evacuanda, at-
 que hunc in finem Commissarios eodem tempore,
 quo tractatus utrinq; ratihabebuntur, nominandos
 esse, quod tamen ex parte Regiæ Vestræ Majestatis
 executione hætenus caruit. Afferunt quidem
 nunc demum Tribunalia Regia, quæ Metis & Bri-
 faci, & non modo ratione Imperii Statuum imme-
 diatorum prorsus incompetentia sunt, sed & judi-
 cis & Actoris partes simul, exclusis cæteris compa-
 ciscentibus, sustinere conantur, omnia quæ ante
 nonnulla retro secula a dictis Episcopatibus, nec
 non superiori & inferiori Alsatia, Præfectura item
 Hagenoensi & Præpositura Weissenburgensi de-
 pendisse volunt, Regiæ Majestati Vestræ cessa, id-
 eoque vindicanda esse, quoniam vero nuda ista as-
 sertio, omni fundamento ac probatione destitui-
 tur, ipsæque pacis tabulæ (ubi sæpe dicti Episcopa-
 tus cum eorum districtu tantum & Landgraviatus
 Alsatia cum Præfectura Hagenoensi duntaxat,
 nihil

nihil vero extra districtus, neque tota Alsatia, cessa deprehenduntur) eandem manifeste impugnant, eique contradicunt, Regiæ Majest. Vestræ Totiusque Europæ judicio relinquimus, utrum Tribunalium ista declaratio locum habere, atque sub tali prætextu, Electorum, Principum ac Statuum, aliorumque Imperii Immediatorum territoria, eorumque jura simul absorberi possint, cui ut assentiamus, ipsa sane fides publica, quam Patriæ & Posteritati debemus, ipsaq; Actorum publicorum ratio prohibet. Præterea & querelam movent Domini Comites Palatini Bipontini & Veldentiæ, nec non Comites a Nassau, Hanau & Rheingravii, se a Domino Episcopo Metensi contra instrumentum Pacis Westphalicæ expressam dispositionem in Ecclesiasticis passim turbati. Conqueruntur itidem summo pere Serenissimus Dominus Marchio Badensis, Domini Duces Wurtembergæ, ut Comites Mumpelgardenses, similiter & Dominus Princeps Salmenfis, pluresque alii, quod ipsorum Territoria una cum dependentiis a Regiæ Vestræ Majestatis milite contra manifestum tenorem Pacis Westphalico-Osnabrugensis detineantur, ipsique pluribus ditioribus Incompetenter exuantur, quarum restitutionem, nec non ut in provinciarum suarum & immedietatis possessione tranquille relinquuntur, *juxta præfatum Instrum. Pacis Westph. §. Principes quoque Würtenb. item §. Rheingravii &c. 35.* instantissime desiderant. Has itaque sæpe dictorum Statuum Imperialium adeo graves querelas pro cæteris, quæ aliunde ex variis imperii Regionibus magno numero audiuntur, tanquam totius Sacri Romani

Imperii causam paulo prolixius exponere necessarium duximus, quo sane libentius supersedissemus, nisi tranquillitatis ac pacis publicæ necessitas, ipsaque causæ justitia, id quam maxime postulasset. Verum cum de Regiæ Vestræ Majestatis Justitia & æquanimitate optima quæque speremus, vixque credibile sit ipsam tot tantaque Ministrorum ac Officialium suorum paci contraria facta approbaturam ulteriusque permissuram esse; Eandem hisce decenter & instantissime rogamus, ut controversias ratione feudorum, quæ olim ab Episcopatibus cessis dependebant, nec non Civitatum Imperialium, quæ præfecturam Hagenoensem agnoscunt, ad amicabilem compositionem arbitriumque hisce in Comitibus jam dudum constitutum (remota omni armorum vi) denuo remittere, cæteros vero Imperii Electores, Principes ac Status, ubicunque sitos, parta sua libertate ac Immedietatis juribus impofterum quiete uti fruique permittere, nec non gravatos vel ditionibus suis dejectos, tam in Ecclesiasticis, quam Politicis cæterisque eorum juribus restituere, omnesque Paci haud convenientes hostilitatis actus Officialibus suis tam civilibus quam militaribus serio inhibere atque hoc ipso comprobare, quod juxta proprium ereberrimæ declarationis suæ sensum, Sacri Romani Imperii pacem inconcussam servare, simul ac justis his nostris desideriis locum dare velit. Quæ omnia ut tranquillitati publicæ, nec non Instrumento Pacis & Regiæ Majestatis Vestræ sæpius repetitis sincerationibus & fidei pactorum, quam maxime conveniunt, ita & illorum sedula observatio

in immortale Regiæ Majest. Vestræ decus & gloriam cedit, cui omnia fausta ac salutaria apprecamur, Eique nos impense commendamus. Ratisbonæ ex Comitibus die $\frac{17}{2}$ Julii 1680.

Regiæ Majestatis Vestræ
Christianissimæ

Humillimi

Sac. Rom. Imp. Electorum, Principum & Statuum Consiliarii & Legati
ibidem congregati.

Inscriptio.

Serenissimo ac Potentissimo Domino, Domino Ludovico XIV. Galliarum & Navarra Regi, Domino Nostro Clementissimo.

DCLXX.

Litteræ PROCERUM SACRI ROMANI IMPERII, ad CAROLUM II. Magnæ Britanniæ Regem, quibus Constat quosdam Imperii contra expressas Pacis Neomagensis Leges a Gallicis Officialibus vehementer turbari, graviter conqueruntur, ac ut ipse, receptus dicta Pacis vindex, autoritate sua memoratis Gallorum anomalis obicem ponat, impense rogant, 1680.

Serenissime ac Potentissime Rex, Domine
Clementissime.

PAcem, quam Regia Vestra Majestas Christiano orbi universalem & nunquam interrumpendam Neomagi Geldrorum, mediatione sua interposita nuper restituit, Sac. Cæs. Majestas & Imperium tam
gra-

grato agnoscunt animo, ut, quamvis durissimis accepta conditionibus, nihil quidquam tamen hactenus omiserint, quo in omnibus suis articulis & clausulis, bona fide, custodiretur, & executioni mandaretur, eoque modo, Reg. Majestatis Vestræ pro restauranda publica quiete, gloriose impensa studia, consilia & officia immortalitati conservarentur, sub spe de Christianissimo Rege firma, certò scilicet fore, ut Regia Sua Majestas eodem modo procedat. Verum non dubitamus, quin Regiæ Vestræ Majestati aliunde jam satis constet, quam Gallici officiales Regii tam civiles, quam militares, contra dictam Pacem Neomagensem (quæ transactionem Westphalicam confirmat,) in Electores, Principes & Status Imperii, eorumque territoria hostiliter ac injuste huc usque egerint, ita, ut præter speciosum illud Pacis nomen, nihil superesse videatur. Hinc cum gravati in hisce Comitibus pro remedio instarent, muneris nostri esse duximus, Christianissimo Regi rem omnem per adjunctas in copia literas decenter exponere. Quamvis autem de Regis Christianissimi æquitate & justitia vix aliter sperare liceat, quam quod Regia Sua Majestas rationibus & desideriis nostris locum datura sit, necessarium tamen existimavimus Reg. Vestram Majestatem, cujus auctoritate & Guarantia sæpe dicta Pax Neomagensis nititur, Electorum, Principum & Statuum Imperii nomine de iis, quæ insolito & hostili modo sic aguntur, tanquam Mediatorem utrinque receptum, hisce certiores reddere, rogareque, ut pro Regio suo zelo, quem pro incremento publicæ tranquillitatis glo-

glorioſe ſemper impendit, ea quæ in detrimentum publicæ quietis prædicto modo geſta ſunt, Chriſtianiſſimo Regi repræſentare, ejusque animum, officiorum ſuorum interpoſitione eo ſlectere velit, quo facta paci contraria & violentiæ ſiſtantur, quæ innovata ſunt, in priſtinum ſtatum reſtituantur & majora mala præcaveantur, motæ autem controverſiæ vel amicabili compoſitione, vel coram jam dudum conſtituto arbitrio, vel alia competenti juriſ via, terminentur. Quæ ſicuti Juſtitiæ & fidei Paſtorum publicorum omnino conveniunt, ita quoque hac ratione Regia Veſtra Majeſtas facit rem Deo & toti Reipublicæ Chriſtianæ gratiſſimam, atque ſibi, cujus multum intereſt, ut pactis & conventis firmiter ſtetur, glorioſam, quam Electores, Principes & Status Imperii exhibitæ ſingularis benevolentiæ loco reponent, & officiis ſuis viciffim demereri ſtudebunt; De cætero Regiam Majeſtatem Veſtram divinæ protectioni commendamus, eidemque omnem regiminis felicitatem comprecamur. Ratiſbonæ ex Comitibus die 27. Julii 1680.

Regiæ Majeſtatis Veſtræ

Humillimi

Sacri Romani Imperii Electorum,
Principum & Statuum Conſiliarii
& Legati ibidem Congregati.

Inſcriptio.

Sereniſſimo ac Potentiſſimo Domino, Domino
Carolo II. Magnæ Britanniæ, Franciæ & Hy-
bernici Regi &c. Domino noſtro Clemen-
tiſſimo.

DCLXXI.

DCLXXI.

Responsoria CAROLI II. Magnæ Britannia Regis, ad præinsertas STATUUM SAC. ROM. IMPERII literas, quibus se ad componendas Romanum Imperium & Galliam inter existentes controversias omni tempore promptum paratumque, esse profitetur, 1680.

CAROLUS II. Dei gratia Magnæ Britannia, Francia & Hybernæ Rex, Fidei Defensor &c. Eminentissimis, Serenissimis, Reverendissimis, Illustrissimis Dominis Electoribus, Principibus, Statibusque Sacri Romani Imperii, Eorumque Legatis, Alegantis & Deputatis in Comitibus Ratisbonensibus jam congregatis, respectivè Consanguineis & Amicis nostris charissimis,
salutem!

Eminentissimi, Serenissimi, Reverendissimi, Illustrissimi Domini Electores, Principes, Statuque Sacri Romani Imperii, Eorumque Legati, Alegati & Deputati respectivè Consanguinei & Amici nostri charissimi.

GRatissimæ Nobis fuere Literæ vestræ in Comitibus vestris Ratisbonæ habitis 27. die Julii proxime præteriti datæ, quibus nos certiores facitis Sacri Romanum Imperium (suffragiis vestris rite repræsentatum) officia nostra Mediatoria recordatione tam solenni recolenda censuisse, nobisq; adeo amice gratulandum duxisse, quod ex Pacificatione Noviomagensi tranquillitas publica (quam unice in votis & tunc habebamus, & semper habebimus) per hæc Europæ partes restaurata sit; sollicitudi-

ne vero iusta pariter ac gravi commovemur, eo quod circa Tractatum, Imperium inter & Galliam Noviomagi nuper conclusum, difficultates simul & controversiæ complures recens obortæ sint, ac indies oboriantur, quæ quidem eo acerbius animum nostrum afficiunt, quod a via facti nonnullis in locis vix ac ne vix quidem temperatum sit, quodque satis perspectum habeamus, a tractatus istius legibus (quibus Pacificatio Westphalica renovata & confirmata est) haudquaquam recedi posse, quin eadem opera possessionum jura, limitesque sanctissimo intuitu per pacta Westphalica positos ac sancitos conturbari necesse sit, & quod inde sine dubio sequetur, lites contentionesque per Sacrum Romanum Imperium fieri immortales. Cum vero rebus in hoc cardine versantibus vobis opportunum visum sit, officia nostra totius Sacri Romani Imperii nomine requirere, prompto quidem animo vestris in hac parte votis annuimus, omnemque operam adhibebimus, ne desiderii adeo iustis & solennibus vel minimum deesse videatur; Ea quippe nobis & Regiis Antecessoribus nostris cum Sacro Romano Imperio semper intercescit amicitia, ut Electorum, Principum ac Statuum plerisque necessitudine aliqua peculiari propius accedamus, aliis quidem sanguinis conjunctione, aliis affinitate & foederibus antiquis cum Regia nostra domo initis, aliis amicitiae intimioris religione, omnibus vero communi illo vinculo, quo fit, ut omnium pariter ac singulorum interfit, ne pax generalis jam restaurata novis discordiis dilabatur, nedum ex violatione pactorum Noviomagen-

um,

DCLXXI.

Responsoria CAROLI II. Magnæ Britannia Regis, ad præinsertas STATUUM SAC. ROM. IMPERII literas, quibus se ad componendas Romanum Imperium & Galliam inter existentes controversias omni tempore promptum paratumque, esse profitetur, 1680.

CAROLUS II. Dei gratia Magnæ Britannia, Franciæ & Hybernia Rex, Fidei Defensor &c. Eminentissimis, Serenissimis, Reverendissimis, Illustrissimis Dominis Electoribus, Principibus, Statibusque Sacri Romani Imperii, Eorumque Legatis, Ablegatis & Deputatis in Comitibus Ratisbonensibus jam congregatis, respectivè Consanguineis & Amicis nostris charissimis, salutem!

Eminentissimi, Serenissimi, Reverendissimi, Illustrissimi Domini Electores, Principes, Statusque Sacri Romani Imperii, Eorumque Legati, Ablegati & Deputati respectivè Consanguinei & Amici nostri charissimi.

GRatissimæ Nobis fuisse Literæ vestræ in Comitibus vestris Ratisbonæ habitis 27. die Julii proxime præteriti datæ, quibus nos certiores facitis Sacri Romanum Imperium (suffragiis vestris rite repræsentatum) officia nostra Mediatoria recordatione tam solenni recolenda censuisse, nobisq; adeo amice gratulandum duxisse, quod ex Pacificatione Noviomagensi tranquillitas publica (quam unice in votis & tunc habebamus, & semper habebimus) per hæc Europæ partes restaurata sit; sollicitudi-

ne

ne vero iusta pariter ac gravi conimovemur, eo quod circa Tractatum, Imperium inter & Galliam Noviomagi nuper conclusum, difficultates simul & controversiæ complures recens obortæ sint, ac indies oboriantur, quæ quidem eo acerbius animum nostrum afficiunt, quod a via facti nonnullis in locis vix ac ne vix quidem temperatum sit, quodque satis perspectum habeamus, a tractatus istius legibus (quibus Pacificatio Westphalica renovata & confirmata est) haudquaquam recedi posse, quin eadem opera possessionum jura, limitesque sanctissimo intuitu per pacta Westphalica positos ac sancitos conturbari necesse sit, & quod inde sine dubio sequetur, lites contentionesque per Sacrum Romanum Imperium fieri immortales. Cum vero rebus in hoc cardine versantibus vobis opportunum visum sit, officia nostra totius Sacri Romani Imperii nomine requirere, prompto quidem animo vestris in hac parte votis annuimus, omnemque operam adhibebimus, ne desiderijs adeo iustis & solennibus vel minimum deesse videatur; Ea quippe nobis & Regijs Antecessoribus nostris cum Sacro Romano Imperio semper intercescit amicitia, ut Electorum, Principum ac Statuum plerisque necessitudine aliqua peculiari propius accedamus, aliis quidem sanguinis conjunctione, aliis affinitate & foederibus antiquis cum Regia nostra domo initis, aliis amicitiae intimioris religione, omnibus vero communi illo vinculo, quo fit, ut omnium pariter ac singulorum interfit, ne pax generalis jam restaurata novis discordiis dilabatur, pedum ex violatione pactorum Noviomagen-

um,

um, quibus nupera bella & disidia composita, conventaque Westphalica renovata sunt, tranquillitas publica inturbetur; Officia autem nostra vobis hac in parte deberi libenter agnoscimus, imo etiam & guarantiam Pacis Imperium inter & Galliam restitutæ, si quando ad eam præstandam rite & decenter rogati fuerimus; Quippe qui eadem religione eodemque zelo, quibus ad partes conciliandas usi sumus, dum adhuc Mediatoris vices gereremus, pacem jam coalitam conservare & manutenere usque studebimus. Quod ad intercessionem nostras apud bonum fratrem nostrum Regem Christianissimum attinet, eas quidem in Principis Electoris Palatini, Consanguinei nostri præcharissimi (dum in vivis esset) gratiam circa gravamina quædam, de quibus ipse querelas apud nos deposuerat, haud ita pridem instantia, qua par erat, interposuimus, idem etiam facturi, prout res postulerit, in gratiam aliorum Electorum, Principum ac Statuum, quorum gravamina in narratione speciali, literis vestris ad nos datis adjuncta exhibentur. Ut vero officia nostra certiori juxta ac luculentiori particularium casuum cognitioni innituntur, quam quæ ex relationibus & scriptis minus accuratis hauriatur, Virum aliquem expertum & idoneum ad nonnullos Electores & Principes ablegare statuimus, ad illos præsertim, quos postulationibus & contentionibus ob Galliarum confinia haut satis forsitan distincta propius exponi contingit, Ejusdem Ministri nostri opera & diligentia de origine & statu controversiarum, quibus hodie fervet illa Germaniæ pars, quæ Rheno adjacet,

cet, clarius nobis constabit, qui etiam modos & rationes iis componendis maxime accommo-
das,, coram perspiciet, unde nobis occasio dabi-
tur (ut spes est) officia nostra cum majori effica-
cia pariter ac successu interponendi. Relatio-
nem autem gravaminum ad nos una cum literis
vestris delatam Ablegato Nostro in Aula Gallica
residenti statim transmitti curavimus, serio eidem
mandantes, ut nomen & officia nostra non solum
pro omnibus universum, sed etiam pro singulis cu-
jusque causæ meritis interponeret. De cætero
apud nos certo statuimus, Sacro Romano Impe-
rio in hac re paratissimis officiis adesse, utpote,
qui Mediatoris ab omnibus recepti vices tot an-
nos sustinuit, quique nos Garantiam nostram
præstare eo magis teneri existimamus, quod in pa-
ctis Noviomagensibus nostræ vicinæ, amicitiae &
erga pacem generalem studii primarius respectus
habebatur, dum stipulatum est, quod omnes Re-
ges, Principes & Respublicæ super executione &
observantia tam omnium quam singulorum, quæ
in tractatu Cæsareo-Gallico continentur, partibus
paciscentibus Garantiam præstare possent. Ec-
enim officii nostri esse censemus erga Deum Opti-
mum Maximum, erga Principes vicinos, atque et-
iam erga subditos nostros, pacem Imperium in-
ter & Galliam, quantum in nobis est, tueri & illi-
batam servare, cum in hanc pacem, tanquam in
basin suam, pacificatio Westphalica juxta ac pacatus,
quo jam fruïtur Europa, status incumbat & in-
nitatur, quæ si labefactetur, vicinorum tranquillita-
tem novo bello quassari vel in maximum discri-

men adduci necesse est. De cætero Deum Opt. Max. ex animo precamur, ut consiliis & conatibus vestris adesse velit, ad tuendam Serenissimi ac Potentissimi Imperatoris ac Sacri Romani Imperii salutem & totius Christiani orbis tranquillitatem. Dabantur in Palatio nostro de Wittehall 18. die mensis Octobris 1680. Regnique nostri XXXII.

*Vester respectivo Bonus Consanguineus,
Amicus,*

CAROLUS REX.

L. Jenkins.

DCLXXII.

*Littere JOHANNIS GEORGII III. Electo-
ratus Saxonici Principis hereditarii, ad LUDOVICUM XIV. Galliarum Regem, quibus se ad exhibenda ipsi quævis officiorum studia semper fore paratissimum pollicetur, 1680.*

P. P.

Quod Regia Vestra Majestas Nostri memoriam cum summa benevolentia retineat, quod firma valetudine rebusque secundis frui Nos exoptet, quod denique itineris in Flandriam suscepti & constantis in Romani Imperii quiete tuenda studii certiores Nos faciat, id tam ex literis Regiæ Majestatis Vestræ Nobis per Ejusdem in aula Nostra Electorali Ministrum redditis, quam ex ulteriore ipsius expositione satis superque cognovimus. Apparet subinde singularis Regiæ Majestatis Vestræ erga Nos propensionis argumentum luculentissimum, nec minus, quod neque pacem neque ullam

ullam aliam prosperitatem Germaniæ invidere, sed potius ejusdem felicitatem diuturnam esse velit, auimus plane regius. Tanta vero hæc Regiæ Majestatis Vestræ in conservandam Imperio Romano, orbique universo Christiano securitatem ac salutem publicam pietas, ut nominis sui gloriam posteritati nunquam non faciet sanctam ac deverendam; Ita de florentissimo Regiæ Majestatis Vestræ statu, quo læta semper atque exoptata nuncia Nobis apportentur, ac Ejusdem instituta profectio prospere feliciterque succedat serio cupimus. Quod reliquum est ad supra nominati Regiæ Majestatis Vestræ apud Nos subsistentis Ministri de eximio erga Regiam Majestatem Vestram honoris cultu, deque immota sinceræ amicitiae Nostræ firmitate uberiores relationem Nos remittimus, cui ad quævis officiorum studia Majorum exemplo, non tam promptos data occasione Nos exhibebimus, quam Regiæ Majestatis Vestræ favore particulari præclaris documentis sæpius Nobis probato, Nos ad id devinctos profiteamur. Dabatur Freibergæ in arce Nostra Freudenstein die 28. Julii Anno 1680.

DCLXXIII.

Litteræ JOHANNIS GEORGII III. Saxonie Electoris, ad CAROLUM II. Magnæ Britanniae Regem, quibus ipsi JOHANNEM GEORGIUM II. Parentem suum, gloriosissima memoria vita functum esse nuntiat, 1680.

Mmm 2

P.P.

P. P.

Non sine ingenti animi mœrore, Regiæ Vestræ Majestati significare inviti cogimur, qua ratione divinum atque omnia moderans Numen, Serenissimum ac Potentissimum Principem, Dominum Johannem Georgium secundum, Saxoniz (tot. tit.) Dominum & Parentem Nostrum desideratissimum licet gravem ætate gloriæque plenum, Nobis tamen admodum sensibili vulnere, pro divina sua ac imperscrutabili voluntate, ad diem 22. exeuntis Mensis Augusti, in Arce Nostra Freudenstein, Freybergæ, vera constantique in Christum servatorem Nostrum communem fide excellentem, ex hoc fragilitatis humanæ statu, ad æternam beatitudinem placida morte evocarit. Cujus beatissima fata animone feramus æquiori ac enatum inde Domui Nostræ Electorali luctum, juxta ignoramus. De eo vero certo persuasi sumus, in tanti Principis excessu Sacri Romani Imperii columnam insignem, tum Regiæ Vestræ Majestati Amicum singularem Nobis autem Parentem optime meritum subtractum esse, cujus Dilectioni ob eximia in Nos pariter & statum publicum collata beneficia, longiorem vitam omnino exoptassemus. Cum vero Deo optimo Maximo aliter visum sit, Nobis quoque incumbit in divina Ipsius voluntate Christiana animi tranquillitate patienter acquiescere, & sicuti nulli dubitamus, Regiam Vestram Majestatem pro ea, qua in Dominum Parentem Nostrum, dum viveret, ferebatur animi propensione, Sux Serenitatis Dilectionisve obitum ægre percepturam esse; ita eandem

dem officioſe & peramanter rogamus, ut affectum iſtum, quo Dominum Parentem Noſtrum honoratiſſimum proſecuta eſt haſtenus, in Nos quoque derivare impoſterum haud gravetur. Dabimus operam ſedulo, ne quid in Nobis unquam deſiderari poſſit, ad Ejus quod conſervationem, tranquillitatisque publicæ incrementum pertinere poſſe videbitur. Cum quo Regiæ Veſtræ Majeſtati proſperos rerum ſucceſſus, omniaque felicia incrementa ex animo adprecamur. Dabantur Gorlicii 31. Auguſti (10. Septembris) 1680.

Nota. Literæ ejusdem argumenti ad Rom. Imperatorem, Hiſpaniæ, Galliæ, Poloniæ, Daniæ Sveciæque Reges nec non ad alios quosdam Europæ Proceres ſcriptæ fuerunt.

DCLXXIV.

Reſponſoria CAROLI II. Magnæ Britannia Regis, ad proxime præcedentes JOHANNIS GEORGII III. Saxonie Electoris literas, 1680.

P. P.

PER literas Celſitudinis Veſtræ Electoralis Gorlicii die 31. Auguſti (10. Septembris) ſcriptas, Nobisque haud ita pridem allatas intelleximus, Sereniſſimum Principem, Dominum Johannem Georgium II. Saxonie, Juliaci, Cliviæ & Montium Ducem, Celſitudinis Veſtræ Electoralis Patrem 22. diē Ejusdem Menſis Auguſti e vivis exceſſiſſe, unde dolorem de mortuo ſenſimus parem affectui, quo viventem ſemper proſecuti ſumus. Et enim neceſſitudo, quæ nobis cum illo interceſſit,

M m m 3

ut

ut diuturna fuit, ita multis etiam reciproce testimoniis illustrata: quo jacturam hanc altius in animum Nostrum penetrasse credendum est: sed hoc inde solatium & pro Nobis hauriemus, & Celsitudinæ Vestræ proponemus, defunctum Principem per tot annos, quibus in summo rerum fastigio eminuit, inter præcipua sacri Rom. Imperii columnina merito habitum fuisse, reliquisque primariis Ejusdem Principibus ad Unionem inter se conservandam & exemplo fuisse & adjumento. Neque Divini Numinis clementia Illi defuit, ad eadem officia etiam post mortem suam perpetuanda, cum hæredem reliquerit, qui non modo illius vicem ac virtutem suppleat, sed, ut ampla sperandi materia est, etiam superet. Nos quod attinet, amicitiam, quam cum Patre coluimus inconcussam, cum Filio etiam non tam redintegrare quam augere, auctamque ad Posteris transmittere studebimus. Interea, ut Deus optimus maximus Celsitudinem Vestram Eléctoralem sustineat sospitetque, ex animo precamur. Dabantur in Palatio Nostro de Whitehall, die 26. Novembris, Anno Domini 1680. Regniq[ue] Nostri trigésimo secundo.

DCLXXV.

Litera FRIDERICI WILHELMI, Electoris Brandenburgici, ad CAROLUM II. Hispaniarum Regem, quibus recusatam ab ipso debita justissimo titulo pecuniæ solutionem, necessitatem sibi violentæ tandem arripiendi imposuisse remedia, donec postulatis suis plenarie satisfactum fuerit, 1680.

P. P.

P. P.

Quandoquidem ea, quæ nuper in mari prope Ostendam, inter Regiæ Majestatis Vestræ & Nostras naves acciderunt, cum sinistra interpretatione ad Regiam Majestatem Vestram deferri queant, non possumus, quin illa, quæ per integrum abhinc quinquennium Regiæ Majestati Vestræ tum per Internuncios Nostros Madritum & Bruxellas missos, tum per crebras literas ad eandem & Gubernatores Belgii exaratas repræsentari curavimus, eidem in memoriam vocemus, ut vel ipsa met inde gravissimas juxta ac justissimas, quæ rem eo deduxerunt, causas perspicere possit. Novit Regia Majestas Vestra, quæ eandem & Nos inter sancte pacta & conventa sint, & quæ nos ex nostra parte non minori religione ex asse, & ultra obligationem nostram, cum maximo nostro, nostrorumque detrimento adimplevimus, a quorum repetitione consulto abstinemus, cum non tantum orbi hæc, ut nihil magis nota sint, sed & cum ipsa Regia Majestas Vestra in omnibus suis literis ac responsis nobis nostrisque datis testata sit, integre sibi a nobis satisfactum esse, nec quicquam ulterius desiderari. At nescimus, qui factum sit, ut ex adverso nihil eorum, quæ pactorum tenor ac fides manifesta requirunt, dispositione, Nobis sit præstitum, nam & pecunia ista subsidiaria in foedere promissa, adeo non est soluta, ut adhuc duæ fere milliones auri solvendæ restent, & in pace, quam Regia Majestas Vestra cum communi tum temporis hoste pepigit, adeo nostri & eorum, quæ pro

communi causa adversus duos potentissimos Reges summa cum fide, nec minori nostro damno gesimus, non fuit habita ratio, quin potius ex ista ipsa pacificatione læsos nos, ac ab omni auxilio destitutos, imo & ad restituenda ea, quæ Deus & justa nobis tribuerant causa, obstrictos, non sine stupore universus terrarum conspexerit orbis. Frustratum fidem pactorum, qua nihil inter mortales sanctius esse debet, imploravimus, & ita visum erat Regiæ Majestati Vestræ & aliis fœderatis nostris, pro quibus toties vitam, sanguinem, vires, bona nostra, nostrorumq; prodegeramus, ut nos victimæ instar, pro redimenda salute offerrent. Quam acerbe hic nos acciderit casus, Regiæ Majestati Vestræ judicandum relinquimus. Non tamen ultra querelas hæcenus sumus progressi, nec aliud quid fecimus, quam quod Naufragi solent, qui solutis tabulis, cum navim non possint, aliquam saltem mercium partem sævienti eripere mari laborant. Ita & nos, cum lucri periculum fecimus, de damno saltem vitando certamus, nec ulterius quid desideramus, quam ut pecunia nobis debita solvatur, & æqua damni perpeSSI fiat æstimatio. Quo quidem sine sive clara spectetur fœderis dispositio, sive nuda justitia, nihil potest esse æquius: in ipso autem exigendi modo, quam lente ac caute progressi sumus, nemini melius, quam Regiæ Majestati Vestræ ac Ministris ipsius notum esse potest. Testamur Regiæ Majestatis Vestræ scientiam, quam frequenter per quinque annos & quod excurrit, aures Regiæ Majestatis Vestræ per Ablegatum nostrum hæc de re fatigaverimus, & cum nihil impetraremus, quam

quam sincere eidem declarari fecerimus, cogi Nos, per illum querelarum nostrarum contemptum, quamvis invitos ac reluctantes ad dispicienda alia media, quibus justissimis nostris desideriis satisfiat; Idem a Gubernatoribus Belgii, ad quos sæpe ex Hispania, quemadmodum ex Belgio in Hispaniam, Pilæ versatilis instar remisſi sumus, repræsentari curavimus, & jam paucis abhinc diebus per Ministrum Nostrum L. Baronem a Spaen, Bruxellas missum, sed frustra, nec aliud quid tum Ministri Nostri, tum literæ ex Hispania & Belgio reportarunt, quam inutilia verba, ex quibus satis constaret, nihil nobis præstitum iri, nec quicquam spei reliquum. At cum damnum illud, quod per ultimum hoc bellum, & ob auxilium Regiæ Majestati Vestræ præstitum perpeſsi sumus, adhuc in visceribus nostris, nostrorumque hæreat subditorum, non potuimus aliter, quam ut de resarciendo illo omni cogitaremus ratione. Et cum Regia Majestas Vestra in his terris ad nullum vocari possit tribunal, fecimus id, quod illo in casu etiam privatis, res suas vindicantibus, licet, qui nimirum bona debitoris arripere, ac eo usque detinere possunt, donec sibi satisfiat, ita & nos navibus injunximus nostris, ut Hispanicas naves ac merces, citra hostilitatis actum, nisi ad quem per vim prius illatam cogantur, eo usque detineant, donec & Nobis æqua sit satisfactum ratione. Tantum vero abest, ut inde Regia Majestas Vestra se læsam conqueri possit, ut potius ipsa cum omnibus, rem sine affectu æstimantibus, remedium, quod adhibemus, pro amico & justitiæ publicæ convenienti sit agnitura, nam id saltem, quod no-

strum est & ab alio contra fas detinetur, prosequimur, & civili modo vindicamus. De reliquo decretum nobis est, constantem cum Regia Majestate Vestra colere amicitiam & vicinitatis jura inviolata servare. Quæ omnia, si Regia Majestas Vestra pro ea, qua pollet, æquanimitate ac prudentia expendat, ne quicquam dubitamus, quin & justitiam causæ nostræ luculenter perspiciat, ut justissimis nostris desideriis ea, qua par est, ratione satisfiat. Quod si fiet, curabimus, ut & naves & merces detentæ restituantur, & omnia in eum reponantur statum, qui amicis & vicinis Principibus convenit. Qua spe freti Deum veneramur, ut Regiam Majestatem Vestram quam diutissime servet incolumem. Dabantur ex arce Nostra Coloniae ad Spream, die 22. Septembr. Anno 1680.

DCLXXVI.

Litteræ PLENIPOTENTIARIORUM CÆSAREORUM AD TRACTATUS NEOMAGENSES OLIM ABLEGATORUM, ad LEOPOLDUM, Rom Imperatorem, quibus concinnam tractandi ibidem seriem pertinentes, nihil in ipsis Pacis Tabulis Gallia concessum esse asserunt, quo vel minimus justitia color constitutis nuper Brisaci & Metis Reunionis Tribunalibus, multominus latis ibidem sententiis accersiqueat, 1681.

Augustissime Cæsar, Rex & Domine
omnium Clementissime.

Postquam Sacræ Cæsareæ Majestati Vestræ placuit, litteras responsorias Christianissimi Franciæ

ciz Regis, Versaliis 10. Octobris nuperi ad Comitia Imperii Ratisbonam datas, eo Nobis sine communicare, ut pro majore Electorum, Principum & Statuum Imperii informatione ea elucidaremus, quæ in illis acta Neomagi Nostrumque potissimum factum arguunt, gratulamur imprimis Nobis de ea libertate & gloria, quæ Sacræ Cæsareæ Majestatis Vestræ Ministris præcipue semper relicta est, ut simul obsequi & veritatem asserere possimus. Responsoriarum Christianissimi Regis fere summa est, sibi per pacem Westphalicam omnia cessa esse, quæ per hæcenus institutas reüniones ab Imperio occupata sint; Et tametsi in Tractatu Neomagensi a Nobis prætextu placiti ante hac arbitrii, præcipua quædam eorum capita in controversiam revocata & hinc inde diu ventilata fuerint, tandem tamen tum pro justitiâ rei, tum ob instantiam Ministrorum Principum Imperii, quos majoris ex bello mali pericula propius tetigerint, illis omnibus a Nobis renuntiatum fuisse, eoque postquam ea potissimum renunciatione parta pax, & pacis legibus a Gallia plene satisfactum sit, minus congruum fore bonæ fidei, quæ omnia Neomagi acta ab Imperio approbata sint, si illis istorum querelis locus auresque dentur, quibus animus sit, sepultas per pacem controversias, non sine illius convulsione, resuscitandi; Cæterum si Principes aliqui, Statusve Imperii credant sibi alia adempta esse, quam quæ ex Pace Westphalica & legitima actione a Gallia semper vindicata fuerint, non denegandam revisionem eorum, quæ a Regiis Commissariis pronuntiata sint.

sint. Quæ omnia cum erroneis plane præsuppositis, principiisque nitantur, non licet Nobis præsumere aliud de Christianissimo Rege, quam quod iisdem gloriam nominis sui & publicæ fidei sanctimoniam tranquillitatemque Christiani Orbis certe commissurus non esset, si de fragilitate eorum omnium & rei ipsius veritate plene esset informatus; Nam Primo: quod ad pacem Monasteriensem attinet, uti in ejusdem Instrumento §. 9. *Quod supremum Dominium &c.* usque ad §. *Teneatur Rex Christianissimus &c.* quid Gallix ea tandem cessum sit, speciatim clareque expressum est; Ita nemini dubium esse potest, ejusmodi cessionem ad alia non expressa nullo posse jure extendi, tantum vero abest, ut ea cessio aut Vasallos trium Episcopatum Metensis, Tullensis & Verodunensis extra eorum districtus Imperio immediate subjectos, aut universam Alsatiæ complexa sit, ut ea potius ad Episcopatus eorumque districtus expresse limitata, imo & in prædicto Pacis Instrumento, non solum eorum Vasallorum plerique, suffragante ipsamet Gallia, in eum, quo ante motus Bellicos gavisi fuerant, statum, variis articulis plenissime restituti inveniantur, verum etiam extra Serenissimæ Domus Austriacæ in Alsatiæ ditiones, juraque cessa, reliqui omnes per utramque Alsatiæ Romano Imperio subjecti Status §. *Teneatur Rex Christianissimus &c.* a cessione clarissime & nominatim excepti sint, cum ea expressa lege, ut in libertate, atque possessione immedietatis erga Imperium Romanum, quæ hætenus gaudebant, a Gallia relinquerentur, utpote quæ nullam in eos ulte-

ulterius Regiam superioritatem prætere, sed iis plane juribus contenta esse debeat, quæ ad Domum Austriacam spectaverant, & Galliæ cedebantur. Hæc a cessis tam expressa limitatio nimis certe clara est, quam ut locus aut color Galliæ possit esse reliquus, eos ipsos Imperio Romano immediate subiectos Status, quos in sua erga Imperium immedietate libertateque relinquere, neque ullam unquam in eos regiam potestatem prætere, ita speciatim pacta est, nunc demum ab Imperio avellendi. Cur enim ab Imperatore & Imperio iis ipsis de conservatione libertatis & immedietatis erga Imperium tam sollicitè cautum fuisset, si eodem tractatu ab Imperio in Gallorum jus & potestatem transmittentur, cur eorum multis a Gallia, vigore ipsiusmet pacis, urbes, arces & munimenta, quæ nunc invadit, restituta & hætenus relicta fuissent, si hæc omnia ea ipsa pace in Galliam translata erant? Cur denique Gallia fortaliti Benfeldiani demolitionem, Civitatis Tabernarum Neutralitatem, militi suo liberum transitum, aliaque ejusmodi tot cautelis stipulata fuisset, si universa Alsatia Galliæ cesserat? Nec quicquam contrariatur dispositioni prædicti §. *Teneatur Rex Christianissimus* &c. subjuncta eidem sub finem clausula; *ita tamen quippe cum supremi §. Primo quod Supremum Dominium & sequenti Landgraviatus Alsatiæ & Sundgovia, una cum Præfectura Haguenoënsi, ut illa Serenissima Domus Austriaca possederat, ab Imperatore, ab Imperio, & Domo Austriaca Galliæ cessa erant, cum ea tamen differentia, ut quæ Domus Austriaca ab Imperatore & Imperio*

perio Jure Vasallagii & subjectionis recognoverat, ea cum omni supremo & directo Dominio in Galliam transmitterentur. Non inutiliter sane paragrapho: *Teneatur Rex Christianissimus* &c. quo Gallia iis plane juribus jubetur contenta esse, quæ ad Domum Austriacam spectaverant, præacta clausula subjuncta est, ne scilicet quicquam ea declaratione intelligetur detractum de eo supremi Domini jure, quod Imperatori & Imperio in Austriacas ditiones Galliarum cessas, non Domui Austriacæ competierat, & in Galliam superiori paragrapho translatum erat. Cessa ab Austriaca Domo spondit Rex Christianissimus tribus millionibus librarum Turonensium quali quali modo compensare, simul & æris alieni Cameræ Ensisheimensis duas tertias in se recipere, quorum omnium aliqua saltem ratio, quoad reliquos Alsatiæ & eos etiam Imperii Status, qui feuda a tribus cessis Episcopatibus cognoscunt, habita foret, si eorum simul ditiones cum Landgraviatu Alsatiæ & prædictis tribus Episcopatibus cessæ fuissent. Neque enim hi omnes, præsertim sine ulla compensatione aut mentione sui, in adeo prodigalem sui alienationem consensisse, neque paciscentes fortunam & conditionem tot immediatorum Imperii Statuum jactasse censendi sunt. Accedit imprimis, quod & sacræ Cæsareæ Majestatis Vestræ & Imperii ad Tractatus Westphalicos Legati & Deputati tam sæpe coram Mediatoribus & tam Galliarum quam Sueciæ Legatis, tum hi totius Imperii nomine, ad tollendam omnem ambiguitatem 12^o Septembr. Anno 1648. adeoque ante subscriptam pacem datis, ad Regem Chri-

Christianissimum literis & immutabili (ut illam vocant) Declaratione solennissime protestati sint, neque Legationem Cæsaream neque se per cessionem Landgraviatus Alsatiæ una cum Sundgovia & Præfectura Hagenoënsi, tum trium Episcopatum, eorumque districtuum plus juris in Galliam transferre posse & velle, quam quod Serenissimæ Domui in Alsatia hætenus competierat, & olim Episcopi in prædictis Episcopatibus possederant; Nec enim Constibus suis a se ea præripi posse, quæ ipsis nec accepta ferant, nec precario, sed suo jure teneant. Hoc sensu conclusa pax, neque aliter a paciscentibus intellecta est, cum ex ipso Norimbergensi Recessu Pacis Monasteriensis executivo clare constet, a Gallia vigore executionis dictæ Pacis, plures in Alsatia locos, imo ex ipsis decem Alsaticis Civitatibus unitis duas, Hagenau & Landau, aliaque, quæ nunc de facto occupat, in specie Germersheimb, Alzeys, Dachstein, Mompelgard &c. Imperio restituta esse; Frivolum nimis est, quod a Ministris quibusdam Gallicis contra hæc nuper intelleximus adduci, arsisse scilicet civilibus dissidiis Galliam eo potissimum tempore, quo de executione Pacis Westphalicæ Norimbergæ conventum sit; Major certe debet esse Religio pactorum, quam ut accersitis ejusmodi ratiunculis labefactari possit; Recessus Norimbergensis rati habitus est a sua Regia Christianissima Majestate non minus, ac ipsa Pax Monasteriensis, & uti Gallia nollet sibi partas per hanc acquisitiones ex eo capite controversi, quod Imperium tempore tractatæ conclusæque Pacis Westphalicæ, internis discordiis in partes scissum fue-

fuerit, ita certe inane est, quod eludendo Recessu Norinbergenſi Pacis Weſtphalicæ executivo, civilia Galliæ bella prætexantur. Et ſane Gallia nulla eorum, quæ nunc noviter invadit & occupat, ex Pace Weſtphalica hætenus prætendit, ut cum iisdem Imperii Statibus, quos nunc ad ſubjectionem & homagium cogit, tanquam cum immediatis Imperii 30. jam & ultra poſt concluſam Pacem Monaſterienſem annis tractarit, ii denique interrupta nunquam poſſeſſione ad comitia Imperii vocati & in illis præſente, nec contradicente Plenipotentiario Galliæ, Jure ſuffragii & ſeſſionis ſemper gaviſi ſint, ad Collec-tas Imperii contribuerint, in contentioſis nulla, quam Dicasteria Imperii agnoverint, & cum An. 1661. tot poſt pacem Weſtphalicam annis, unitis decem Civitatibus Alſatiæ neq; tunc quidem de ſtatu immedietatis, ſed de ſola forma Juramenti ratione præfecturæ Hagenoenſis præſtandi, deinde anno ſequenti in Curia Metenſi Vaſallis ſupra dictorum trium Episcopatum Imperio immediate ſubjectis controverſia moveretur, ea non tantum intervenientibus Imperatore & Imperio ad Arbitros utrinque ex ipſomet Imperio electos remiſſa, & ab his partim deciſa ſit, ſed & ſua Regia Majeſtas Chriſtiſſima per Plenipotentiarium ſuum Gravellium in plenis Imperii Comitibus Ratiſbonæ 13. Septemb. 1667. ſtatim in ipſo limine arbitrii expreſſe declaraverit, non eam eſſe Regiæ Majeſtatis ſuæ intentionem, ut juramentum fidelitatis, quod vigore ſibi ceſſæ Præfecturæ Hagenoenſis a prædictis Civitatibus exigat, ita explicetur, ut etiam ad immedieta-tem, quæ in Tractatu Monaſterienſi Civitatibus

expres-

expresse reservata sit, extendatur. Et quod cæterum ipse Gravellius rei evidentia convictus, sub cessione Landgravatus Alsatiæ nullas alias ditiones, quam quæ Domus Austriacæ fuerant, comprehensas censi posse, ingenue agnoverit, ex ejusdem ratiocinatione 25. Augusti Anno 1661. Regi suo transmissa & inter alios ipsius commentarios nuper Treviris reperta palam est. Omnium autem miserabilius hoc est, quod etiam illi Imperii Status, qui non tantum consentientibus, sed plerique suffragantibus imprimis Gallis adeo nominatim & expresse per pacem Westphalicam in suas ditiones & jura territorialia, quibus ante bellum gavisæ erant, restituti sunt, illis omnibus & usque adeo iis etiam, quæ neque feuda Episcopatum neque in Alsatia sita sunt, nunc ab iisdem Gallis obtentu Pacis exuantur. Exemplo sint Serenissimus Elector Palatinus, Episcopus Spirensis una cum incorporata eidem ab aliquot seculis Præfectura Weissenburgensi, incorporata Electoratu Trevirensi Abbatia Prumensi, Domini Comites Palatini, Bipontinus & Veldentia, Marchiones Badenses, Dux Würtembergiæ Mompelgardenis, Princeps Salmensis, cæterique Rheingravii, Comites de Nassau, Hanau, Leiningen, Dachsburg & plures alii, quos omnes pax Westphalica in eum, quo ante bellum gavisæ fuerunt, statum, expressis paragraphis, suffragante tunc inprimis Gallia, plenissime restituit, & illos ipsos eadem Gallia ejusdem obtentu pacis, iis nunc omnibus destituit; Quæ prolixius, quam instituti Nostri videri posset, a Nobis ea de causa potissimum repetita & deducta sunt, quod cum ex Tabulis Neoma-

PARS II. N n n

gensis

gensis Pacis constet, Monasteriensem iisdem non secus ac si verbotenus inserta esset, sola Friburgi cum Philippsburgo commutatione excepta, in omnibus & singulis præcipue confirmatam esse, demonstratumque sit, tantum abesse, quod Pace Monasteriensi Gallia quicquam eorum, quæ nunc noviter invadit, ab Imperio cessum sit, ut pleraque a cessis nominatim excepta, multa Dominis, quibus ea nunc eripit, vigore istiusmet Pacis, Gallia tunc inprimis annitente, restituta, multa ab ipsamet Gallia vigore Executionis ejusdem Pacis reddita, omnia usque ad postremos motus, facta tecta Imperio conservata sint, consequens porro & omnino evidens sit, iis nunc demum ab Imperio avellendis inane prorsus a Tractatu Neomagensi patrocinium prætextumque accersi; Nam quemadmodum a Legatione Gallica Neomagi testantibus Actis in ejusdem propositionibus 3. Martii Anno 1677. & respective 15. Aprilis 1678. per Mediatore Nobis communicatis pro omni conditione restabiliendæ cum Imperio Pacis restitutio sine ulla alia ejusdem declaratione aut immutatione, quam quod Friburgi aut Philippsburgi optio relinqueretur, postulata, neque alia articulis Pacis ab eadem 24. Novembr. Anno 1678. propositis inserta, ita porro neque sub alia pax inita conclusaque est; Non negamus plures a Nobis non minus, quam in Legatione Gallica in Projectis hinc inde respective 24. Novembr. & 6. Decembr. An. 1678. Mediatoribus exhibitis, Articulos propositos esse, quam instrumento Pacis postea inserti sint, neutri autem partium adeo in mentem venit, eam omissionem re-

nunciationis instar esse, ut Gallia articulo 3. prædicti projecti sui sustineat adhuc, & additionalium aliquot, quos 15. Decemb. Anno 1678. exhibuit, licet eorum nullus instrumento Pacis postea insertus inveniatur, propria tamen autoritate & vi executæ sit. Et certe multa tractantur, quæ non perficiuntur, ideoque & inter gentes constat, & expresse per mediatores inter Nos & Legationem Gallicam, testante Protocollo, convenit, ut ea, quæ ante transactionem inter transigentes dicerentur, pro non dictis, acta pro non actis haberentur. Insuperamus Projecto Nostro inter alios articulum de controversiis ad placitum antehac Arbitrium remittendis, utpote & rationi & repetitis a Christianissimo Rege tam in aula Sacræ Cæsareæ Majestatis Vestræ, quam in publicis Imperii Comitibus Ratisbonæ per unum ex Electoribus Imperii contestationibus conformem, neq; aliter aut antea eum omisimus quam Legatio Gallica, quæ hactenus affirmaverat, se de tali arbitrio nec informatam nec instructam esse, per mediationem Anglicam 30. Decemb. An. 1678. expresse declarasset, a Rege suo nihil novi aut aliud juris in eos Status & loca, quæ in articulo hoc octavo projecti Nostri expressa sint, prætendi, quam quod ipsi Pace Monasteriensi acquisitum sit, adeoque cum hæc Pacis Neomagensis fundamentum factura præsupponeretur, articulum hunc omitti posse; nulli certe vel per somnium in mentem venit, ea omissione articuli projecto Nostro de renovando arbitrio inserti, vel ipsi arbitrio & juri per illud Partibus quæsito renunciati, multo minus tot

tantosque immediatos Imperii Status, territoria & jura Pace Westphalica & hactenus semper facta tecta, Imperio tam sollicitè conservata, uno ictu in Galliam transferri. Nobis sane nec ea mens & potestas fuit, neque vero ita alieni sumus prodigi & nostri obliti, ut, quæ a Legatione Gallica, sicuti ex prædictis & actis patet, ne quidem unquam petita sint, ea sine mandato Cæsareæ Majestatis Vestræ, sine præscitu Imperii, sine consensu interessatorum Statuum sponte jactaverimus. Non neglexisset sane Legatio Gallica tantæ renunciationis (si supra dicti vel alterius articuli ommissio renunciationis loco habita, aut accepta fuisset) aliquod saltem vestigium in ipso Pacis Instrumento relinquerè, cum eidem longe minorem rerum, imo & verborum enucleatissima expressio curæ fuerit. Enim vero inutile foret, de certa pactionis formula tam diu & operose tractasse, si ea posthabita ad prima utrinque projecta & varia inter tractandum ultro citroque aut proposita aut omissa, plerumque incerta, recurrendum esset. Et sane non ea, sed ipsæ Pacis Tabulæ in Serenissima Cæsarea Majestate Vestra & Imperio, uti & a Rege Christianissimo exemplaribus ratificationis hinc inde insertæ, ratihabita sunt, & posteritati, quæ omnia alia ignorat, fidem & regulam faciunt. Jam vero cum articulo secundo Instrumenti Pacis Neomagensis simpliciter Pax Monasteriensis in omnibus & singulis confirmata sit, nisi quatenus eidem per Instrumentum Pacis Neomagensis expresse (quod bene notandum) derogatum est, ejusmodi autem derogatio aut mutatio qualiscunque quoad ea, de quibus quaestio est,

in toto Pacis Neomagensis Instrumento expressa adeo non inveniatur, ut potius *Artic. 27. ejusdem* claris iterum verbis simpliciter repetatur (juxta Pacem Westphalicam articulo secundo in omnibus confirmatam reciproce omnia restituenda & evacuanda esse bona fide) nimis certe clarum est, de nulla alia resistantia, renunciatione, aut cessione qualicunque, præsertim tam enormi, cogitatum fuisse, sed ne ambigendi locus posset esse reliquus, Nos expressis Verbis coram Legatione Gallicæ, & ad Acta mediatorum in scriptis, biduo ante subscriptam pacem sollemnissime protestati sumus per præfatam omissionem articuli, projecto nostro de renovando arbitrio inserti, nihil omnino Imperii Juri- bus derogari, sed ea potius, uti in Pace Monasteriensi, unica Neomagensis basi fundata sint, inviolata servari. Quæ ipsa protestatio, sub qua conclusa & subscripta pax est, postquam in declaratione Imperii, qua Sacra Cæsarea Majestas Vestra 23. Martii An. 1679. ab Imperii Ordinibus ad pacem suam & Imperii nomine ratam habendam, implorata fuit, non tantum expressis verbis repetita sit, verum etiam secuta Cæsareæ Majestatis Vestræ ratihabitio ad eam se porro referat, hæc autem, una cum illa, Legationi Gallicæ a Nobis 19. Aprilis Anno 1679. extradita, & cum exemplari ratificationis Regiæ Majestatis Christianissimæ commutata sit, non facile apparet, quo tandem fundamento istius vel alterius articuli ommissio renunciationis vel præjudicialis desistentiæ instar haberi possit. Accedit, quod designatio a Gallia restituendorum 12. Junii Anno 1679. a Nobis Legationi Gallicæ exhibita clare demonstret, quam

nulla intentio fuerit, illa Gallia per pacem ecedendi, quorum ab ea restitutio vigore Pacis, expresse per Nos statim postulata fuit, etiamsi Recessui executionis ea omnia speciatim inserta non fiat, eo quod Legatio Gallica negaret, se de singulis particulariter informatam esse, nihilominus expresse convenit, restituenda esse Imperio a Gallia generaliter omnia; quæ eidem pace Monasteriensi, aut Neomagiensi non competunt, facta tamen prius coram utraque mediatione expressa reservatione, Nos in prædicta designatione specifica restituendorum adeo non desistere, ut eidem castrum Waselnheim ad Civitatem Argentinensem spectans, addi peteremus; Tantum abest, ut hisce a Legatione Gallica contradicendum sit, ut in allegato Recessu executionis Artic. I. inter ea Imperii loca, ex quibus Sacrae Caesaræ Majestatis Vestræ copias educi stipulata est, duas ex ipsis unitis Civitatibus Imperialibus Alsaticis Landavium & Cronweissenburgium expresse recensuerit, adeoque Imperii illas esse agnoverit. Imo & Episcopum Argentoratensem, in cujus ditionem nunc non minus, quam in alias Alsatiæ superioritatem sibi Gallia arrogat, non tanquam subditum, verum uti amicum & foederatum, cui, tanquam immediato Imperii Principi, una cum sessione & voto in Imperio, etiam jus foederum competat 23. Augusti 1677. per utramque mediationem declaravit; eoque, ut ejus minister ad Tractatus Pacis inter foederatos Gallia: admitteretur, instantissime urserit, pactumque tandem sit in ipsa Pace Articulo 23. ut prædictus Episcopus Argentoratensis simul cum fratre, & ex Fratre Ne-
pote

pote in pristinum statum, jura, sessiones, votum, bona feudalia & subfeudalia & alia, quibus ante destinationem gavisi fuerant, non obstantibus, sed cassatis quibuscunq; in contrarium actis, pactis & decretis, plenissime restituerentur. Eoque Judicia Regia hisce cæterisque omnibus Coronæ Galliarum, quæ occupare decreverat, specie Juris adscribendis, respectu Metis & Brisaci adornata, satius tamen duxerunt, prætextum sententiarum suarum fundamentum in pace Westphalica, quam Neomagensi, aut afflicta Nobis renuntiatione collocare, tametsi illa non magis, quam hac sustinendum. Cæterum quod in literis Christianissimi Regis additur, Nos ad eam renuntiationem instantis Ministrorum, Principum Imperii, quos pericula belli propius urserint, præcipue permotos esse, non majori certe fundamento nititur, quam ipsa renuntiatio; Neq; enim ullus Principum aut eorundem Ministrorum, utut Pacem efflagitarint,, sub nomine aut velo Pacis, bellum præ quovis alio exitiosum Imperio cupiebat, neque Nos, quantumvis cupiissent, ignorabamus, ullam Nobis præter mandata Sacræ Cæsareæ Majestates Vestræ in utilitatem universi Imperii directam, aliam in Tractatu normam aut regulam propositam esse. Non est, quod Nos urgeamus, quod in fine literarum Christianissimi Regis de concedenda revisione subjungitur. Certo in aperto est, neque Imperium neque immediatos ejusdem Status & Nobilitatem in eorum magis, quos ad ejusdem revisionem Rex Christianissimus deputaturus

turus esset, ac in Camera Metensis aut Brisacensis Jurisdictionem consentire, vel ab illis favorabiliorem, quam ab his pronunciationem sibi polliceri posse; Utrisque enim causa Domini pro omni ratione decidendi futura esset. Denique præ fundamento, post tot tamque graves ab Ordinibus immediatis Imperii Regi Christianissimo enucleate propositas Contraventiones Pacis ex parte Galliarum commissas in literis Suae Regiae Majestati omnes Pacis leges optima fide ex parte Galliarum adimpletas esse affirmari possit, non magis certe apparet, quam quo nitatur illud, cujus Nos in iis arguimur, eum contrarium prædictis & Commentariis relationum Nostrarum Neomagi missis, præcipue vero ex Tabulis pacis ipsaque rei & actorum evidentia clarum sit, nos contenti satisfacisse Sacrae Cæsareæ Vestrae Majestatis Mandato, cætera Electoribus, Principibus & Statibus Imperii pro gravitate rei diluenda merito relinquimus, & proinde, quod reliquum est, Cæsareæ gratiæ Nos submississima devotione & cultu æternum commendamus.

Sacrae Cæsareæ Regiæque Majestatis
Vestrae

Dat. 29. Jan. 1681.

*Devotissimi & obedientissimi
Capellanus & servi,*

Johannes, Episcopus Gurcensis.

Ulricus Comes Kinski.

Theodorus Athletes Henricus
Strattmann.

DCLXXVII.

DCLXXVII.

Litteræ STATUUM SACRI ROMANI IMPERII, ad LUDOVICUM XIV. Gallie Regem, quibus Tribunalium Brisaci & Metis constitutorum Judices manifesta iniquitatis accusant, gravatosque intra Alsatiæ Imperii Status pristina libertati restitui, & si qua de jure moveri possent controversia, eas ad arbitrium Principum quorundam, præjudiciorum labe minime infectorum, remitti petunt, 1681.

Serenissime & Potentissime Rex Christianissime, Domine Clementissime.

Litteras responsorias Regiæ Majestatis Vestræ ex Arce Versaliensi decima nuperi Octobris datas, ea, qua par est, veneratione accepimus, & ex illis intelleximus, esse, qui Regiam Majestatem Vestram ea sinistra opinione imbuant, quod omnia, quæ in Imperio per Regiæ Majestatis Vestræ Officiales de facto & vi militari occupantur, ab Imperio in Pace Westphalica Coronæ Galliæ clarescentia, & eidem in tractatu Pacis Neomagensis, postquam a Cæsareis Legatis præcipua eorum capita in controversiam revocata fuissent, tandem tamen aut renunciata aut relicta sint. Utrumque certe ita erroneum est, ut æquanimitas & justitia Regiæ Majestatis Vestræ Nobis omnino polliceatur non concedituram se iis gloriam nominis sui, sanctionem publicæ fidei, & tranquillitatem Christiani Orbis, si de rei ipsius veritate plene esset informata. Nam quantum imprimis pacem Westphalicam attinet, si placuisset Regiæ Majestati Vestræ

ad ea reflectere, quæ literis Nostris 27. Julii nuperi
prolixius deduximus, cognovisset certe tantum
abesse, ut quicquam eorum Coronæ Galliæ, quæ
nunc noviter in Imperio occupat, pace Westpha-
lica cessum sit, ut pleraque in ipsiusmet pacis In-
strumento ab iis, quæ Galliæ ibidem causa legun-
tur, clare potius & nominatim excepta, multa Do-
minis, quibus ea nunc eripiuntur, virtute istius Pa-
cis, Regia Vestra Majestate tunc imprimis annuen-
te, restituta, multa vigore Recessus Norinbergen-
sis Pacis Westphalicæ executivi Imperio reddita,
omnia usque ad postremos motus, facta tecta con-
servata sint, iidemque Status, in quos Regia Ma-
jestas Vestra nunc Regiam superioritatem sibi ad-
struit, triginta & ultra a Pace Westphalica annis,
interrupta nunquam possessione, ad Comitatus Im-
perii vocari, in illis præsentem nec contradicente
Plenipotentiaro Regiæ Majestatis Vestræ, suffra-
gii & sessionis, adeoque omnibus immediatis
Juribus semper gavisi sint, ad collectas Imperii con-
tribuerint, in contentiosis nulla quam Imperii Di-
casteria agnoverint, imo Regia Majestas Vestra
cum illismet, tanquam cum immediatis Imperii
Statibus hætenus semper tractaverit, fœdera inie-
rit, in ipso Westphalicæ Pacis instrumento, libe-
rum milibus sui per Alsatiæ transitum, fortaliti
Benfeldani in Alsatia demolitionem, Civitatis Ta-
bernarum Neutralitatem pacta sit, & cum Anno
1651. Regia Majestas Vestra Dominum Comitem
de Harcourt primum Præfectum Hagenoensem
constituisset, ipsamet in literis (probante Copia sub
num. 10.) testata sit, Landgraviatum Alsatiæ tan-
tum

tum cum Protectione decem Civitatum Imperialium in Alsatia sitarum cessum fuisse, imo dictas Civitates passim non subditas, sed ut Status Imperii habuerit, ipsisque conservationem Immedietatis sancte promiserit, cumque Anno 1661. tam longo post Pacem Westphalicam tempore, prædictis unitis decem Civitatibus Imperialibus Alsatiæ, neque tunc quidem de statu immedietatis, sed de sola forma Juramenti, ratione Præfecturæ Hagenoënsis præstandi, nova quæstio oriretur, Regia Majestas Vestra, per secundum suum Præfectum Ducem Mazarini, præsentibus Regiis suis Commissariis, solenni jurejurando (juxta formulam num. 2.) stipulata sit, quod dictas Civitates Imperiales contra omnem injustitiam & violentiam defendere, easque in omnibus suis immedietatis juribus & Privilegiis erga Imperium Romanum conservare, neutiquam vero turbare velit, prout ex Reversalibus juratis sub num. 3. prolixius patet. Deinde postquam Anno sequenti a Curia Metensi trium Episcopatum, Metensis, Tullensis & Verodunensis, quondam Vasallis Imperio immediate subiectis, controversia moveretur, utraque non tantum intervenientibus Sacra Cæsarea Majestate & Imperio ad Arbitros ex ipsomet Imperio utrinque electos remissa, & partim jam decisa sit, sed & Regia Majestas Vestra per Plenipotentiarium suum, Robertum de Gravell, in hisce Comitibus 17. Sept. 1667. in ipso statim limine Arbitrii, testantibus actis solenniter contestata sit, non eam esse intentionem suam, ut juramentum fidelitatis, quod vigore cessæ sibi Præfecturæ Hagenoënsis, a prædictis

ctis

etis Civitatibus exigat, ita explicetur, ut immediate, quæ in Tractatu Monasteriensi illis expresse reservata sit, ullo modo præjudicet; Eoque nemo certe sine injuria de Regiæ Majestatis Vestræ justitia & æquanimirate præsumere potest, quod nunc eas ipsas Civitates, uti & reliquos Alsatiæ Ordines, a Landgraviatu Alsatiæ, qui Coronæ Galliæ cessus est, distinctissimos, & a cessione in ipso Instrumento Pacis nominatim exceptos, cum pluribus aliis immediatis Imperii Statibus, etiam iis, quos Pax Westphalica & Recessus Norinbergensis ejusdem executivus, in sua territoria & jura tam clare restituit, ejusdem Pacis obtentu sibi vindicare velit. Æque fragile est alterum fundamentum, quod a Tractatu Noviomagensi accersitur; nam, uti ex ejusdem actis constat, a Regiæ Majestate Vestra, pro omni conditione restabiliendæ cum Imperio Pacis, solam restitutionem Westphalicæ postulatam, ita ex ejusdem Pacis instrumento evidens est, sola Friburgi cum Philippsburgo commutatione excepta, in reliquis Pacem Westphalicam pure confirmatam esse. Non ignoramus tam a Cæsarea, quam Regiæ Vestræ Majestatis Legatione articulos hinc inde plures propositos esse, quam Instrumento pacis postea inserti sint, quo prætextu Regia Majestas Vestra quam maxime inniti, & tam enormem cessionem exinde etiam evincere velle videtur, sed ea omissio adeo neutri partium renunciationis instar visa est, ut Regia Vestra Majestas eorum aliquos ab ejusdem Legatis propositos, licet ex tabulis pacis omissi sint, effective tamen executioni demandaverit, ut taceamus,

mus, quod Legatio Cæsarea *Articulus 8. Projecti sui* de controversiis ibi nominatis, ad placitum antehac arbitrium remittendis, non ante nec aliter omiserit, quam postquam Legati Regiæ Majestatis Vestræ, qui hætenus contestati fuerant, se de eo arbitrio nec informatos nec instructos esse, tandem per mediationem Anglicam 30. Dec. (vigore extractus Protocolli sub num. 4.) expresse declarassent a Regia Majestate Vestra nihil novi aut aliud juris in status & loca, in prædicto Article nominata, prætendi, quam quod eidem pace Westphalica acquisitum, quæ cum pacis Neomagensis fundamentum sit, præsupponeretur, articulum omitti posse. Et ne locus esset ex ista omissione renunciationem, aut qualemcunque desistentiam arguendi, Legatio Cæsarea ante subscriptam Pacem coram Mediatione & ipsismet Regiæ Majestatis Vestræ Legatis, verbis & scriptis ex superabundanti interposita protestatione, expresse cavit, statimque post pacem hinc inde satisfactam, inter alia etiam ea ipsa loca articulo prædicto nominata a Legatis Regiæ Majestatis Vestræ nomine Imperii inter restituenda & evacuanda repetiit, prout ex actis clarum est, & adjacens hic dictorum Legatorum Cæsareorum relatio facti, sub num. 5. uberius habet, ita, ut non appareat, quo tandem fundamento ex prædicti articuli omissione tam enormis tot tantorumque Statuum cessio inferatur; Nullum certe illius in Instrumento Pacis vestigium est, & cum ex omni jure constet ea, quæ ante transactionem & re adhuc integra inter transigentes dicuntur & aguntur,

tur, pro non dictis, acta pro non actis haberi; ea-
que non ex illis aut antecedentium congressuum
disceptationibus; sed ex solo tenore Instrumen-
ti secutæ pacis, quid ea tandem transactum sit, do-
ceri oportere, ad illud unum recurrendum est,
neque enim quidquam aliud a Sacra Cæsarea Ma-
jestate & Imperio aut a Regia Majestate Vestra ra-
tihabitum fuit, quam ipsæ pacis tabulæ, uti exem-
plaribus ratificationis hinc inde verbotenus, in-
sertæ sunt, & consequenter eæ solæ paciscentes
obligant. Jam vero cum in tabulis Pacis Neo-
magenfis in omnibus & singulis pax Westphalica
pure confirmata sit, nisi, quatenus eidem per Neo-
magensem expresse derogatum est, tota res eo re-
dit, ut alterutrum doceri debeat, aut factam esse in
Pace Westphalica cessionem, quæ prætenditur, aut
quoad eam cessionem per Pacem Neomagensem
Westphalicæ expresse derogatum esse; Cum au-
tem ex literis Nostris 27. Jul. nuperi ad Regiam
Vestram Majestatem datis (quarum contenta in o-
mnibus hic repetuntur) & hisce supra clare osten-
sum sit, quam nihil eorum Pace Westphalica Co-
ronæ Galliæ ab Imperio sit cessum, neque in toto
Instrumento pacis Neomagenfis ullum ejusmodi
cessionis vestigium, aut mentio, multo minus pa-
ci Westphalicæ, quoad hæc quicquam expresse
derogatum inveniatur, ut potius articulo 27. ejus-
dem claris iterum verbis repetatur, simpliciter,
juxta Pacem Westphalicam in omnibus & singu-
lis articulo 2. confirmatam, reciprocè omnia bo-
na fide restituenda & evacuanda, imo & Do-
minus Episcopus Argentinensis, unus ex Ordini-
bus

nibus immediatis Imperii in Alsatia in ipso Tractu Neomagensi a Regia Majestate Vestra inter amicos & fœderatos habitus, & eadem imprimis urgente in pristinum statum, Jura sessionis, vota & alia quæcunque, quibus ante destitutionem gavissus fuerat, restitutus sit, consequens porro est, reliquos in instrumento Pacis Westphalicæ sub eadem dispositione verbis & re comprehensos, eadem quoque restitutione, immedietate & Juribus uti & frui debere, adeoque Regiam Majestatem Vestram de ejusmodi prætenſa cessione aut desistentia, utpote quæ neutra pace, adeoque plane nullo fundamento nititur, nimis sinistre sane informatam esse. Id autem minus capimus, quod dictæ cessioni aut desistentiæ adstruendæ, in præfatis Regiæ Majestatis Vestræ literis Sacræ Cæsareæ Majestatis & Imperii ratificatio allegatur, cum in Senatus Consulto Statuum Imperii Regiæ Majestatis Vestræ Legatis, una cum exemplari ratificationis Cæsareæ, quæ ad illud se expresse etiam refert, extradito, interposita a Legatione Cæsarea prædicta Protestatio & reservatio clarissime repetita sit: Non immerito certe laus & gloria est, qua Regia Majestas Vestra in suismet literis Imperatori & Imperio adscribit, religionem in observanda, uti ea ratihabita est, pace, neque enim quisquam hætenus extitit, qui ab illis vel in ea observanda bonam fidem, vel in exequenda promptitudinem desiderarit, cui si eadem bona fide & promptitudine a Regiæ Majestatis Vestræ Ministris responderetur, non foret hisce tum ante hac deductis, tum novis & quotidie in Imperio ingravescentibus querimo-

rino-

rimoniis locus. Cæterum, quod Regia Majestas Vestra in suis literis revisionem denique eorum offerat, quæ a Commissariis suis contra gravatos Imperii Status pronunciata & armata manu occupata sunt, non ita accipimus, quod Regiæ Majestatis Vestræ mens aut intentio esse possit, Ordines Imperii ad sua Tribunalia, quorum in illis Jurisdictio notorie incompetens est, iterum evocandi & sumptis Actoris simul & Judicis partibus explicationem Instrumenti Pacis Westphaliæ, exclusis cæteris ipsius consortibus, contra ipsam pacem sibi soli vendicandi, verum eo, quo par est, & congruo Regiæ Majestatis Vestræ sensu, scilicet ut controversiæ (prout inter dissentientes moris est, & Regiæ Majestati Vestræ antehac placuit) ad Arbitrium, gravatis Statibus interim in possessionem Immedietatis, libertatis & Jurium, qua de facto destituti sunt, ante omnia, uti juris est, restitutis, remittantur. Quæ si Regiæ Majestatis Vestræ intentio sit, uti id ab ejusdem justitia & tam sancte & sæpe repetitis contestationibus speramus, Sacra Cæsarea Majestas (ad cujus mentem & intentionem hæc scripta sunt) una cum Imperio & Interestis ejusdem Statibus admittent oblatam conditionem eo libentius, quo scimus iis nihil esse antiquius & nil magis in votis, quam constantem cum Regia Majestate Vestra Pacis & sinceræ amicitiae conservationem, quæ cæteroquin, sublatis fundamentis, salva diu stare non potest, nec ab Imperio de facto & tot & tanta ejusdem membra, sine totius corporis convulsione, avelli. Quapropter Regiam Majestatem Vestram iterum iterumque de-

cen-

center & instantissime rogamus, ut pro sua æquanimitate & iustitia repetitisque toties contestationibus, remota vi, non solum controversias, quæ coram placito ante hac arbitrio tractatæ sunt, ad illud remittere, sed & gravatos in possessionem immediatæ libertatis & iurium, quæ hæcenus, præsentî turbatione excepta, gavisi sunt, ante omnia restituere, ab omni ulteriori violentia, nec non in terris Imperii fortalitiõrum extructione, aliisque innovationibus abstinere, & utramque tam Westphalicam, quam Noviomagensẽ pacem factam rectam, inviolatamque esse, & si quid in alios Imperii Status & Ordines, supradictõ Arbitrio non comprehensos, ulterius prætendi posse videatur, illud omne etiam (prævia tamen semper restitutione turbatorum) pari Juris & Arbitrii viæ intra certum tempus decidendum committere velit, quo nihil certe facere potest Regia Majestas Vestra Deo gratius, nomini suo gloriosius & toti Christiano orbi exoptatius: De cætero Regiam Vestram Majestatem Divinæ protectioni commendamus, Eidemque omnem Regiminis felicitatem ex animo comprecamur. Ratisbonæ ex Comitibus 7. Febr. Anno 1681.

DCLXXVIII.

Litteræ LEOPOLDI Rom. Imperatoris, ad CARDINALEM PIO, Germaniæ Comprotectorem, de lite inter Capitulum Constantiense & Anthonium Sebastianum Reding pendente agentes, 1681.

Leopoldus.

Reverendissimam Paternitatem Vestram haud
 Rimmemorem esse ducimus eorum, de quibus
 cum alias, ita postremis iterum literis nostris 29. Ju-
 lii Anni proxime superioris, in causa coram Capi-
 tulo Constantiensi cum Anthonio Sebastiano Re-
 ding, super canonicatu ejusdem Cathedralis ver-
 rente, datis, eandem præmonuimus; nimirum ut,
 cum novis contra datum Capitulum citationibus
 ex Curia Romana procedi intelligeremus, Reve-
 rendissima Paternitas Vestra (dum rem ulterius
 per consilium Nostrum aliud, quod ex contagio-
 nis lue tunc se nondum recollegerat, disquirere-
 mus) gravioribus jurisdictionum collisionibus an-
 revertendis, ea interim omnia singula cum San-
 ctitati Suae, tum aliis locis opportunis efficaciter
 remonstrare pergeret, & vero, cum non solum
 dictum Capitulum Constantiense simulque aliae
 principales Germaniae Ecclesiae, imo illustrium
 Comitum ac Nobilitatis Germaniae Collegia, ut-
 pote, quorum omnium singulorumque primaria
 hic causa vertatur, de dictis evacuationibus seu ci-
 tationibus, quibus causa hæc ac punctum præci-
 pue Nobilitatis Germanicæ probandæ, mere se-
 cularis extra Imperium per appellationem, con-
 tra privilegium summi Pontificis quondam, Pii
 Quarti, trahi velit, graviter conqueri non inter-
 mittant, sed & universi Status Imperii Catholici
 (quibus pro querelarum exacerbatione Acat-
 holicique quoque Status pro foundationum Ecclesiasti-
 carum, quas obtinent, puritate, in nobilitatis re-
 quisito conservanda, proxime accessuri videntur)

pro

pro antevertendo hoc universali præjudicio incessanter ac sollicitè instent, nec vero, a nobis ullatenus permittendum esse educant, ut dicta Nobilitatis probatio ex quocunque capite & prætextu extra fines Imperii ad decisionem trahatur, aut alibi, quam secundum dictam Pii Quarti Bullam in Judicio Metropolitico Moguntino instruatur, decidaturque (prout in apposis hic copiis diserte exprimunt) satis exinde videt Reverendissima Paternitas Vestra non solum, quam pro Imperatorio Nostro munere nobis omnino incumbat, iisdem juribus, libertatibus & privilegiis Imperii conservandis quacunque nos via impendere, verum etiam quid quæstionis & præjudicii exinde (si prædictis A catholicis quoque possessoribus foundationum Ecclesiasticarum causa accedentibus totum Imperium eidem intercederet) in Curiam Romanam ac sanctam sedem Apostolicam redundare possit, ut sane penitioem omnino ejus considerationem mereatur, nec vero minus ex aliis etiam hic apposis copiis eorum, quibus Nos (tit.) Elector Moguntinus de causa hac apud judicium suum Metropoliticum in contumaciam non comparentis Redingii peracta informat, perspicuum sit, nonnisi secundum juris ordinem in ea processum fuisse, & vero tantum abesse, ut dictus Reverendissimus Elector a Prædicta Bulla Piana recedere aut appellationi contra eandem in curia obtentæ deferre intendat, quin potius cum Roma scribi intelligeret, quasi eidem appellationi deferendo jam in editionem actorum apud Judicium suum Metropoliticum ventilatorum consensisset,

ultro de contrario sensu suo per literas patentes (quarum copia hic quoque adjacet) testatus fuerit. Ex quibus omnibus singulisque nedum Reverendissima Paternitas Vestra, sed vel ipsa Sanctitas sua, & quivis alius de Curia illa satis assequitur, quam juris & justitiæ ordini tunc perducto, privilegiisque ac Imperii Constitutionibus consonum, quam conservandæ Jurisdictioni imperiali necessarium, quam item prævertendis Universalibus Imperii querelis sanctæ sedis Apostolicæ consuetum, ac denique collisionibus gravioribus præcavendis opportunum sit futurum, ut appellatione illa cassata Redingius denuo ad judicium illud Metropoliticum, pro purganda contumacia probandaque deinceps nobilitate sua remittatur, id quod ex hac etiam commissione tanto æquius faciliusque fuerit, cum vel ipsi Cantones Helvetici postremo iterum nona Decembris, anni proxime superioris, nomine prærendentis Redingii ad nos recurrerint, causamque ipsius apposita etiam nobilitatis deductione recommendarint, Nos vero eandem deductionem & sæpe dictum judicem Metropoliticum Moguntinum ea cum admonitione remiserimus, ut siquidem ibi comparuerit, contumaciamque purgaverit, Reverendissimus Elector ipsum ad probandam nobilitatem suam omnino sit admissurus. Qua equidem via sicuti collisionibus dissensionibusque ulterioribus quam commodissime prævertatur, ita Reverendissimam Paternitatem Vestram impense requirimus, ut pro suo ComproteCTORIS Germanici munere juxta ac zelo quam efficacissime agat, seque tum apud ipsam Sancti-

Sanctitatem suam, tum aliis locis opportunis sedulo atque enixe interponat, quo hac potissimum ratione contentioni huic desideratus ac opportunus utrinq; finis imponatur. Id quod inprimis a Reverendissimæ Paternitatis Vestræ dexteritate atq; officiorum apud Sanctitatem suam efficacia omnino expectamus, quam quod reliquum est, propensiore benevolentiae gratiæque nostræ Cæsareæ effectum complectimur. Viennæ quarta Maji Anno 1681.

DCLXXIX.

Litteræ GEORGII HAMEL A BRUNICK, A legati Generalium Federati Belgii Ordinum ad Imperatorem Extraordinarii, ad ORDINES REGNI HUNGARIÆ EVANGELICOS, quibus eos amice hortatur, ut oblitterata pristinæ afflictionum & injuriarum memoria, gratiam Cæsaream denuo oblatam cupide amplectantur, 1681.

Illustrissimi, Spectabiles ac Magnifici, Generosi & Egregii, Prudentes item ac Circumspecti Universi Inclyti Regni Hungariæ

Status & Ordines Evangelici.

Quamvis inter sit Reipublicæ Christianæ, quantum Augustissimæ Domui, quantum reliquis Regibus, fere omnibus Principibus, Statibus in Europa, quantum maxime Hungariæ Regno, Patriæ Vestræ Magnatibus, Ecclesiasticis, Comitatibus, Civitatibus ac Regnicolis omnibus & singulis manifestius est, quam quod demonstratione egeat, nihil

hilque magis quam clara lux, face. Hoc itaque cum non ignorent prætitulata Dominationes Vestre, nec non etiam quantum afflictiones & miseria Prædicantium Vestrorum ac interruptus cursus liberi exercitii Religionis Evangelica Dominis meis clementissimis, mihiq. eorum Ministro cordi fuerint & sint, quantoque studio ac zelo hac in parte a me laboratum sit apud sacratissimam suam Majestatem, Regem Vestrum Optimum Maximum, a cujus singulari bonitate, justitia & clementia impetratum fuit gratiosum illud Decretum, cujus vi & vigore plurimi afflicti & miseri Prædicantes (quorum afflictiones & miseria Vobis cordi erant & quotidianas lachrymas, suspiria precesque apud Deum Omnipotentem & Misericordem & Vestrum Christum Jesum extorquebant, & quorum absentia Vos omnes, sicut oves sine Pastore inimicis Vestris expositi oberrabatis) vinculis, carceribus & tiremibus, contra omnium expectationem & fidem liberati absolutique fuerunt, ac simul sava persecutionis tempestas, ab isto tempore minori rabie savit & hæcenus quievit. O utinam! ut Pacis restituendæ Prognosticon! Denique cum eadem Vestre Dominationes probe sciant, Dominos meos clementissimos meque ex eorum mandato non derelinquere Vestram causam; Sed eam Regum longe optimo, æquo, justo ac clementi, studio eodem ac zelo commendare, nec desituros usque dum vel minima spei supererit scintilla; Patiamini proinde, ut Vos libere alloquar, moneam, suadeam atque æquo animo attendite ad ea, quæ Vobis alloquendo Vos, adhortan-

tando, monendo, suadendo, ponderanda tamen a Vobis atque examinanda, relinquo. Pax & quies in Regno Hungariae Dominis meis clementissimis cordi est; sed simul plena templorum, bonorumque ablatorum restitutio, Deum testor, nolite itaque ægre ferre, si sententias Vestras aliquando incurram, vel impingam. In omnibus negotiis facillime ad optatum finem pervenitur, ubi illa absque odio, ira vel alia aliqua passione, quæ iudicium turbant, tractantur; modestia, æquanimitas, moderatio, ubi in animo imperium obtinent, nullum tam arduum, tamque perplexum est negotium, quod tractando, vertendo, explicando, resumendo relaxandoque non facile expediatur. Deus optimus maximus animo placidos, pacificos, modestos, in charitatem inque mitiora proclives, juvat, amat, causasque illorum promovet, vertitque sæpius contra spem metumque in melius: hæ virtutes Christianum decent, maxime cum Evangelium magnam faciunt partem Evangelici. Seponant ergo injurias præfatæ Dominationes Vestræ, quas pertulerunt: Condonent præterita, quæ reparari non possunt: remittant offensas etiam cum tolerabili damno, pacem quantum in Vobis est, charissimi Religionis consortes, quærite cum omnibus Regni membris: mitigate gravamina Vestra ex æquo, ex bono, ex lege Charitatis, ablegate rigorem juris, qui cum æquitatis & charitatis ratione non semper subsistit: Pacem, quietem & concordiam ante omnia respicite, quærite, reducite; Propter vos ipsos, uxores, liberos, propter patriam, concives, Regnicolas; propter laborantes Status,

Reges, Principes, fidei in Christiano orbe confor-
tes; propter Dominos meos clementissimos, Ve-
stros apud suam Majestatem supplices intercesso-
res, propter augustissimam Domum; quæ per tot
annos, multo sanguine, auro, argentoque Vos &
Christianismum contra inimicos defendit; pro-
pter Regem Vestrum Bonum, optimum, æquum,
justum, clementem, qui subditos suos, Vosque o-
mnes, ut viscera sua amat, qui pacem Vobis dare,
gratiam suam dispartiri, misericordiam etiam male-
meritis, elargiri desiderat. Hujus optimi Re-
gis vota pro pace, quiete & securitate Regni juva-
te, promovete, hac ratione fidem Vestram, quam
semper habuistis præ cæteris & conservastis, con-
stanter Domino Vestro clementissimo contra alio-
rum fraudes probate: hoc modo confundite in-
imicos Vestros, qui inscio Rege, Hungariam into-
leranda & non excusanda temeritate opprimendi
ac obruendi Evangelicam Religionem, ejusque li-
berum exercitium turbarunt & turbant. Hujus
optimi Regis Clementiæ confidite, ab hoc omnia
sperate potius, quam ut desperata pace, Vestra cul-
pa fiat, ut præsens dicta, Vestro impulsu, abrum-
peretur: hæc Clementia Vos appellat, vel ad se
vocat, omnia promittit, hæc Dietam convocavit,
Palatinum dedit, plura dabit, omnesque non du-
bito cum gaudio domum dimittet. Hæc consi-
derate, ponderate, examine, placide, modeste,
moderate, æquanimiter, in gratiam ejus, qui Vos
ut fratres in Christo Jesu colit, qui Vobis bene &
optime vult, precaturque toto animo & corde, ut
Deus Optimus Maximus in Christo Jesu, Vobis Ec-
cle-

clesiæ suæ in Hungaria membris benedicat omni benedictione in terris & in cœlis. Dabantur Sempronii, 18. Augusti, Anno 1681.

Dominorum Generalium in Fœderato Belgio ad suam Majestatem Cæsaream Ablegatus Extraordinarius

Georgius Hamel a Brunickx.

Imitatio.

Illustrissimis, Spectabilibus, Generosis & egregiis, Prudentibus ac circumspectis, universis, Inclytis Regni Hungariæ Statibus & Ordinibus Evangelicis &c.

DCLXXX.

Responsoria STATUUM REGNI HUNGARIÆ EVANGELICORUM, ad præinsertas GEORGII HAMEL A BRUNICKX, Ablegati Generalium Fœderati Belgii Ordinum in Aulam Cæsaream Extraordinarii literas, 1681.

Excellentissime Domine, Nobis Observandissime, Colendissime.

Acceptatis, eo quo decuit honore, nuper literis Excell. Vestræ ad Nos directis, tum commendato in iis benigno affectu Dominorum Principalium suorum, Præpotentum in Fœderato Belgio Generalium Ordinum, benevoleque ejusdemmet Vestræ Excellentię favore causam Nostram coram sacratissima Cæsarea Regiaque Majestate

Domino, Domino Nostro Clementissimo promovendi, tum etiam zelosam adhortationem ad injurias seponendas, præterita condonanda, pacem quarendam, gravamina mitiganda, quietemque & concordiam respiciendam & reducendam, aliaque ibidem fufius expreffa ex iisdem uberius intelleximus. Quod Præpotentum Generalium Ordinum Fœderati Belgii in calamitate miferorum Ecclesiarum Nostrarum Ministrorum, ac fcholarum Rectorum Christianam compassionem ac eliberationem a tristemibus attinet, pro eadem apud Sacratiffimam fuam Majeltatem Dominum, Dominum Nostrum Clementiffimum, efficaci interpositione demiffas agimus gratias, perpetua gratæ mentis recordatione ad pofteros quoque transmitturi. Cæterum, Excellentiffime Domine, summas, summeque injurias, quas evolutis temporibus paffi fuimus, patimurque adhuc, innocentiffimæ Nostræ Religionis Evangelicæ turbationes, & eatenus complurium turbatorum fibi arrogatam & hucusque continuatam univerfalem fere miferos Evangelicos in hac patria profequendi licentiam, qua videlicet mediante, pauciffimis exceptis, omnia templa, Parochiæ, Gymnafia, Scholæ, Xenodochia proventusque eo pertinentes (in quorum pacifico ufu ab ipsis institutæ Reformationis Evangelicæ temporibus, dum Prædeceffores Noftri tam feculares quam plures etiam Ecclefiafticæ Perfonæ, per prædicationem verbi divini Religionem Evangelicam fpon te & libere amplexi fuiffent, ac templa & reliqua enumerata præ manibus ipforum, tanquam legitimorum poffefforum & hæredum remanfi-

sent,

sent; consequenterque legaliter & diplomatische numero Nos potiores Evangelici incolæ hujus Regni persisteramus) via facti occupata sunt; nonnullis ejusmodi occupatorum templorum funditus everfis, ac eorum materialibus in stabula & profanos usus conversis; quaque mediante Ministri Evangelici & Scholarum Rectores sub variis prætextibus omnibus facultatibus emuncti, e parochiis pulsi, capti, ac plurima cruciatuum genera subire coacti: Nobiles item ad ineompetens forum citati, arrestati, bonis privati, miseraque plebs variis damnificationibus & miseriis afflicta & oppressa est: Hujusmodi injurias, cæteraque adversus Evangelicam Religionem Nostram & ejus in hoc Regno assecclas commissa contra tenorem sacrorum Regionum Diplomatum, contraque publicas iteratas Regni constitutiones ac desuper initas pacificationes audacissime patrata, Suae Sacratissimæ Majestati ceu Domino & legitimo Regi Nostro in præexhibitis Memorialibus Nostris, uberius quidem, sed tantum generaliter, maxima animorum Nostrorum demissione, uti jam præsentavimus; atque justam hanc publicam publicarum injuriarum & oppressionum NostRARUM causam, coram Sua Majestate Sacratissima, tanquam supremo in terris orbis Christiani justitiario Nostroque Clementissimo Rege ac æquisimo judice humillime exposuimus, secundum prælibati benigni sui Diplomatis continentias complanandam & determinandam; sic nequaquam volumus, nec unquam in animum induximus, hæc ipsa Religionis Nostræ, ejusque Consortibus illata adversa per Nos ipsos, aut

aut quostunque alios aliter ulcisci: Verum ad augustissimos Sux Majestatis Sacratissimæ pedes supplices Nos devolvendo, & eandem per viscera misericordiæ Divinæ demisse orando, quatenus ex auctoritate Regia, in quam spem Nostram totam unice post Deum conjecimus, illamque pro inexpugnabili Refugii Nostri asylo habemus, Gravamina Nostra prævio modo, cum satisfactione injuriatorum, benignissime complanari, ac contravenientibus punitis, Nos in integrum restitui facere, atque infirmam & stabilem securitatem, stante adhuc præsentè diata, collocare dignetur. Atque ista via recta per toties memorata Diplomata Regia, veluti fundamentales Regni hujus leges, Nobis præmonstrata, quærimus omnino, Excellentissime Domine, pacem, desideramusque quietem reduci & communem concordiam; Nobis siquidem nihil unquam desiderabilius est & fuit, quam habere & posse semper colere pacem in afflictissima, totque adversitatibus vexata, & jam in extremo fere discrimine fluctuante hac patria. Ab hac autem via ad alium quempiam tractatum, cum parte a qua taliter offensi sumus, in eundem deflectere, videtur Nobis nec tutum, nec conducibile; nec demum stabile, prouti id Nobis experientia manifestum reddidit: namque deflexione tali ab hac regia via, non possumus infelici quorundam Prædecessorum Nostrorum exemplo edocti (quod ipsum nunc nos terret maximopere) aliquam Nobis polliceri spei Nostræ adimpletionem: Cum etiam in publicis Regni Comitibus Anni 1647. vigore sacri Diplomatis Regii 400. plus minusus templa Evangelicis in
hoc

hoc Regno fuissent restituenda, ejusque temporis prædecessores Nostri ad similem tractatum condescendendo, dum postea sero animadvertentes eatenus inconsiderate se fecisse, abindeque resilire voluissent, recedere non permitti, verum eo res devenit, ut ex occupatis tot templis Evangelicorum 90. solum sint restitui promissa, nec ea tunc statim restituta & assignata, imo jam nunc etiam eadem cum aliis ferme omnibus ab Evangelicis rursus reoccupata existunt. Vult præterea contradictione sua obviare Clerus, quo minus talis accordæ tractatus nobiscum institui queat, qui citius etiam eatenus suam contradictionem admatravavit, quam Nobis Evangelicis tractandum esse, intimatum fuisset. Et sicuti idem ab initio semper prætensas suas contradictiones, contra Nos, jusque etiam Nostrum Diplomaticum obvertit, ita & nunc obverteret. Ac proinde Noster cum offensoribus Nostris eo modo ineundus tractatus, conclusorumq; & accordatorum stabilitas & securitas nequaquam speranda foret. Præmissas rationes præponderat etiam id, quod quia secum ferret amicabile compositionis matura, debere in similibus tractatibus a summo jure recedere, Nostrum vero Jus sint, ipsa toties memorata sacra diplomata Sacratissimorum olim Principum & Regum, modernique pientissimi Regis ac Dominorum Nostrorum Diplomata Regia, absit a Nobis ab his, vel latum unguem recedere & per præjudiciosum aliquem tractatum iisdem quicquam cum summa conscientiarum Nostrarum læsione detrahare, cum perpetua nominum Nostrorum, ob rem non dextre gestam

stam infamia, successorumq; Nostrorum prostituta
libertatis macula. Habentes itaque etiam coram
Tribunali Divino per Nos in futuro seculo reddenda
rationum curam, præmissæ justæ, dilectæ
& legitimæ semitæ, velimus, nolimus, est Nobis
insistendum necessario. In qua nullius penitus
pervicaciæ delectatione exstimulati, sed imperterrita
gratiæ Regiæ fiducia animati procedentes, cum
profunda demissione pulsamus fores Regiæ Clementiæ,
nec a constanti demissæ supplicationis, &
per eam obtinendæ Justitiæ Diplomaticæ proposito
Nos dimoveri patiemur. Justum, excellentissime
Domine, & licitum per leges petimus, petimusque
juste & sine injuria: petimus autem a
justissimo Orbis Christiani justarum causarum judice:
petimus uti pacis assequendæ cupidissimi;
petimus bonum publicæ tranquillitati & totius Regni
quieti deserviens, & confidimus justissimum
eum judicem, circa postulata Nostra ad intimationem
olim Gloriosissimorum Mathiæ II. Augustissimorum,
Avi & dulcissimi Progenitoris Sux Majestatis
Sacratissimæ, hanc eandem justitiam Nobis injuriatis
clementissime elargiturum & administraturum.
Quoad offensiones personales nobis multifarie
illatas ab Excellentia Vestra aut aliis quibuscumque
cordatis magnis Viris, nolumus tales reputari,
qui non facile condonare cuperemus easdem,
nec unquam hactenus perpeffarum injuriarum
tam memores fuissetmus, quin charitate quoscumque
superare niteremur, dummodo Nobis & Nostratibus
templa, Parochiæ, Scholæ, Gymnasia, Xenodochia,
cæteraque occupata & erepta, quæ

ex toties allegatis Principiis occupare minime ulterius licuit, restituantur, ministri confessionis Nostræ ad priora Parochiarum, Scholarum & Gymnasiorum loca, abolitis hinc inde extortis ab iisdem præjudiciosis Reversalibus, admittantur; verbo in eum liberi exercitii Religionis Nostræ statum, quo antecedentibus & notanter ipso anno 1647. constituti fuisset, asseramur articulis etiam ejusdem anni hoc in passu firmati. Qua justa & constanti Nostra petitione Divinam humanamque Majestates nequaquam offendimus, cum Majestaticæ ipsorum autoritati nihil quippe & ne in minimo quidem derogatorium cum omni animorum Nostrorum subjectione suppliciter expetamus, nec in charitatem erga proximum quidquam delinquamus, nostra non aliena repetentes nec alienationi animorum & dissensionem obnoxia, imo ad unionem & fraternam Dilectionem coalescendam deservientia effectuari desideramus, modeste ac placide agentes, ac quo demissius & suavius fieri potest, justam Nostram instantiam coram Cæsarea Regiaque Majestate, coram Excellentissimis Aulæ Cæsareæ Dominis Ministris, coram summis hujus Regni columnis; tanquam oculis Orbis Christiani, cæterisque Dominis Statibus & Ordinibus, fratribus proximis & commembris Nostreis hicce constitutis; attendentes hoc & non aliud esse officii etiam & fidelitatis Nostræ, qua erga suam Majestatem Sacratissimam, uti Dominum & Regem Nostrum, nosmet in perpetuum devovimus.

Et hæc sunt, quæ Excellentia Vestra condecens honore ac debita officiorum Nostrorum commendanda

mendatione rescribenda habuimus permansuri
semper

Ejusdem Excellentia Vestra

Data Sempronii die 30.

Mensis Augusti, Anno

Domini 1681.

*Amici & Servitores para-
tissimi*

Statuum & Ordinum Inclyti Regni

Hungariae Evangelicorum ad praesentem

Dietam Ablegati Nuncii.

DCLXXXI.

Literæ STATUUM SAC. ROM. IMPERII,

ad CAROLUM II. Magnae Britanniae Regem,

quibus ab eo, ut quae polleret Mediatoris autorita-

te Pacis Neomagensis leges ab iniqua Gallicorum

Interpretum expositione vindicans, tractatus

Francofurti ad Mœnum institutos promoveri haud

dedignetur, obnixè efflagitant, 1681.

Serenissime ac Potentissime Rex, Domi-

ne Clementissime.

ETI Regiae Majestatis Vestrae sincerus animi af-
fectus erga Romani Imperii Status nec non am-
plissima pro tranquillitate publica tam indefesse
adhibita studia multis jam comprobata sint exem-
plis, renovata tamen per responsum in Palatio suo
de Witchall 18. Octobris nuper datum, eaque, qua
debetur veneratione i. sequentis Martii acceptum,
nunc

nunc illustriora videntur, singulari sane solatii sensu ex iisdem intelleximus, quod Regia Majestas Vestra omnem operam suam ulterius adhibitura sit, ne scilicet Pax illa generalis mediatoriis suis officiis sancita & restaurata novis controversiis, Imperium inter & Coronam Galliae recens obortis debilitetur, Pactaque Noviomagensis Westphalicis conventis innixa ullo modo violentur. Et quemadmodum hunc Regiae Majestatis Vestrae zelum pro totius Europae Pace & Patriae Nostrae salute tam constanter vigente, eumque in finem oblatam Guarantiam, Electores Principes, & Status Imperii summa gratiarum actione merito complectimur; sic muneris Nostri & debiti esse duximus, Reg. Majestatem Vestram per copias responsoriarum hic appositae reddere certiore, quid Rex Christianissimus ex arce sua Versaliensi 10. Octobr. anni superioris ad literas, dictorum Statuum nomine perscriptas, respondit, quidque per hos, pro rerum exigentia & manifesta causae Imperii justitia rege-
stum est, certo confidentes fore, ut hac apud omnes a partium studio alienos uberrimum inveniant assensum, & Pax, suffragante Deo, sub Regiae Majestatis Vestrae pollente autoritate & guarantia reali perpetuo conservetur & floreat, eoque ipso amicabilem Francofurti ad Moenum inter Sacram Caesaream Majestatem & Imperium, Galliamque institutus congressus tanto feliciorum sortiatur effectum. Cui omne Regiae felicitatis incrementum apprecantes, Eandem quam diutissime incolumem volumus. Dabantur Ratisbonae 22. Augusti Anno 1681.

Littera credentiales, quas Carolus II. Magnæ Britannia Rex, Bevill Skeltono, Abligato suo extraordinario, ad Georgium Wilhelmum, Ducem Brunsvico-Luneburgensem dedit, 1681.

Carolus secundus Dei Gratia Magnæ Britannia, Franciæ & Hiberniæ Rex; Fidei Defensor &c. Serenissimo & Celsissimo Principi Domino, Georgio Wilhelmo, Duci Brunsvicensium & Luneburgensium, Consanguineo & Amico Nostro Charissimo salutem.

Serenissime & Celsissime Princeps, Consanguinee & Amice Charissime.

TAmetsi Nobis Abligatum Nostrum apud Vos Extraordinarium Gabrielem Sylvium, Equitem Auratum, revocare placuerit, perspecto tamen, quo estis animo, ad eas omnes rationes incundas, quæ conservandæ Christiani Orbis quieti opportuna videantur, non omittere volumus, quin studium Nostrum in publicam tranquillitatem pariter declaremus, ea amplectendo consilia, quæ in tantum salutarem finem maxime cedant. Elegimus itaque Dilectum & Fidelem Nostrum Bevillum Skelton, armigerum Nobis a Cubiculis intimis, qui ablegati Nostri Extraordinarii munere in Aula Vestra defungatur, utpote virum, de cujus in res Nostras fide & observantia abunde Nobis constat, quemque etiam ob plurimum in Germanicis rebus usum & insignes animi dotes, qui demandatam sibi Provinciam obeat ornetque, unde quaque di-

gnum

gnum fore confidimus. Celsitudinem proinde Vestram rogandam duximus, ut eundem dicto charactere instructum amice excipere, benigne audire, & plenam in omnibus fidem adhibere velit, quæ nostro nomine aut in commune Terrarum Nostrarum commodum exponat. Cumque in subditorum Nostrorum commodum Nobis visum est eundem Bevillum Skelton munere Ablegati Nostri Extraordinarii ad Civitates Hanseaticas in Regionum Vestrarum confinio prope sitas, etiam munire: Id a Vobis rogatum volumus, ut ipsius a Vestra aula absentiam excusatam tantisper haberetis, dum rebus Nostreis ita postulantibus Hamburgi identidem agere necessum habuerit, ea tamen ratione, ut quoties cum eo de rerum invicem Nostrarum statu communicare Vobis consultum fuerit, Is, prout ipsi præcepimus, ad vos reliquis omnibus negotiis posthabitis se conferat, nullam enim occasionem libentes elabi sinemus, qua vos certiores faciamus. Nos nihil magis in votis habere, quam firmam amicitiam bonamque correspondentiam vobiscum colere, ejusdemque tam solida fundamenta ponere, quæ omnino diuturnam imo perpetuam reddant. Dabantur in Palatio Nostro de Whitehall, vigesimo tertio die Octobris Anno Dn. 1681. Regnique Nostri tricesimo tertio.

Celsitudinis Vestrae

Bonus consanguineus

CAROLUS Rex.

Conway.

Ppp 2

Inscri-

Inscriptio.

Serenissimo & Celsissimo Principi, Domino Georgio Wilhelmo, Duci Brunsvicensium & Luneburgensium, Consanguineo & Amico Nostro Charissimo.

DCLXXXIII.

Responsoria GEORGII WILHELMI, Ducis Brunsvico-Laneburgensis, ad precedentes CAROLI II. Magnæ Britannia Regis credentiales, 1681.

Serenissime atque Potentissime
Rex.

QUæ a Regia Majestate Vestra paucis abhinc diebus, ad Nos venire literæ, & curarum pro salute publica continuationem, & benevolentia erga Nos constantiam nunciantes, gratissimæ Nobis exstiterunt. Nos vero, sicut judicium & consilia Regiæ Majestatis Vestræ noscere ac sequi in præcipuo semper habuimus negotio, ita sane ejusdem Ablegatum Extraord. Gabrielem Sylvium, Equitem auratum, prout maxime animo excepissemus, si Regiæ Majestati Vestræ illum, Ablegati Extraordinarii munere decoratum, ad Nos rursus mittere placuisset; quippe qui ob ingenium, prudentiam, rerum gerendarum dexteritatem, & ceteras Legatione nupera comprobatas virtutes, nobis est charissimus. Sed quoniam Regiæ Majestati Vestræ hac vice aliud visum, merito Ejus voluntati acquiescimus: Confirmantes interim, nihil nobis Domuique Nostræ fore acceptius, quam com-

communicatis porro conjunctisque cum Regia Majestate Vestra rationibus, ea dispicere media, quæ conservandæ communi tranquillitati atque securitati convenire possint & sufficere. Neque profecto ulli dubitamus, quin Regia Majestas Vestra Pacem quietemque universalem, cujus sponsor est, eodem tueri velit zelo studioque, quo illam, cum æterna Nominis Sui gloria, procuravit atque constituit. Cui Regia cura dignissimo proposito, ut annuat Numen cœleste, omnique bonorum genere Majestatem Vestram cumulet, animatus precamur, Nostraque officia quavis occasione promptissima pollicemur. Dab. in arce nostra, quæ est Epstorfii, die 3. Nov. Anni 1681.

Georgius Wilhelmus.

DCLXXXIV.

Litteræ LEOPOLDI, Rom. Imperatoris, ad CARDINALEM PIO, Germaniæ Comprotectorem, quibus ipsi controversiam inter Capitulum Wormatiense & Hermannum Lotharium ab Auwachgliscentem, commendat, 1681.

Leopoldus divina favente Clementia
&c. &c.

*Reverendissime in Christo Pater, Amice
Charissime.*

IN adjacta hic informatione Reverendissimam Paternitatem Vestram denuo, haud celandam, venit, quid novæ causæ, ex defectu sufficientis No-

bilitatis, capitulo etiam Cathedrali Wormatiensi cum Canonico ejusdem Ecclesiæ, Hermannio Lothario ab Auwach (quem comperto eo defectu a Choro & Capitulo suspendit) ab aliquot jam annis intercedat: & quemadmodum nunc in Curia, antequam sufficienter instructa, aut hinc inde eisdem sumissum esset, ab Auditore Camerae Apostolicæ, contra memoratum Capitulum, per executiones, monitoria, fulminaque & censuras procedatur, eo graviori, cum reliquarum ejusmodi foundationum Imperialium, tum præsertim rei catholicæ, circa dictam Ecclesiam Wormatiensem plus nimis depressæ sensu, quod ad incitas quasi redactæ, hoc etiam præjudicium contra inveterata sua, ac quiete huc perducta statuta & observata, inde intentetur, unde præcipuam illorum mantentionem ac conservationem Germania tota merito expectat: Sane cum nostra hac in parte intercessionis officia dictum capitulum sollicitè requirat, pro ratione muneris nostri Imperatorii, qua Ordinum Statuumque Imperii ac præsertim Ecclesiasticorum jura, privilegiaque ac statuta antiqua protegere, ac conservare Nobis incumbit, non possumus, quin id concreditum in his reverendissimæ paternæ Vestræ protectionis munus fiducialiter excitemus, & sicuti proinde in appositis hisce literis Nostris, quarum copia etiam adjacet, ad Sanctitatem suam super negotio hoc in Pat. Vestram credimus, ita eandem benevole hisce requirimus, ut dictis literis Sanctitati Suae reverenter exhibitis, repræsentationis ac officiorum suorum vim eo efficaciter intendat, ut quousque se
ple-

plenius in ipsis partibus super causam informandam curavit, memoratum capitulum per præacta fulmina & executiones ad tantum sibi totique Germaniæ præjudicium ineundum adigi haud patiat, quin potius iisdem adhuc, cum omni causa atque attentato revocatis, suo ad tractum Rheni Nuncio Apostolico causam propius inspiciendam, & de jure, (ut quod idem capitulum unice flagitat) examinandam committere velit: Prout Sanctitatem suam pro paterna sua in nos & universam Nationem Germanicam propensione haud illibenter facturam confidimus. Nos quod reliquum est Paternitati Vestrae reverendissimæ affectum benevolentiae gratiaeque nostrae Cæsareæ amice confirmamus. Datum Sopronii, die 14. Novemb. Anno 1681.

DCLXXXV.

Litteræ QUORUNDAM ABLEGATORUM STATUS PER HUNGARIAM EVANGELICI, ad HERMANNUM, Marchionem Badensem, quibus ipsi nullum jam consultationibus, ob absentiam plurium Legatorum, locum esse reliquum, referunt, 1681.

Serenissime Princeps & Domine, Domine
Gratiosissime.

Servitiorum Nostrorum humillimam commendationem. Postquam hodierna die Vestra Serenitas medio Generosi Domini Georgii Gerhard, pro ea, qua erga Nos fertur gratia, quædam Nobis insinuasset, quæ accommodationi negotii affli-

ctissimæ Nostræ Religionis deservirent ; Ejusmodi gratioſo Veſtræ Serenitatis affectu perquam magni æſtimato, nos, qui adhuc hic exiſtentes confluere potuimus, (quandoquidem complures ob defectum ſumptuum diſceſſere) omnimode laboravimus in eo, quo tum debitum Noſtrum erga ſuam ſacraſſimam Majeſtatem, Dominum, Dominum Noſtrum Clementiſſimum, fidelitatis homagium, tum vero obſequioſum Noſtrum in Veſtram Serenitatem affectum declarare, & aliquam ſatisfactionem Serenitati Veſtræ dari poſſe, prout medio certorum Noſtrorum Nunciorum Veſtræ Serenitati humillime intimavimus, quod Nos re exactius penſiculata, ſi aliquem medium terminum adinvenire poterimus, quo & gratioſam Serenitatis Veſtræ intentionem ſecundare, & coram Principaliſibus Noſtris actorum ſufficientem rationem reddere valeamus, non intermitteremus, quin prævia apud Serenitatem Veſtram inſinuatione, apud Dominum Noſtrum clementiſſimum, etiam Viennæ demiſſam Noſtram inſtantiam ſimus depoſituri.

Verum cum negotium conſultando aggredere-
mur, ac interea nuncii a Veſtra Serenitate redirent,
referrentque Veſtram Serenitatem, neſcimus cujus
Decreti vel Patentis, ne ſcil. ſecuritatem Nobis
in negotio Religionis promitteremus, mentionem
feciſſe, illico turbati & ita perplexi facti ſumus, ut
non videamus, ad quid Noſmet reſolvere debeamus ; præſertim, cum jam pauci Noſtrum hic
ſint, ac proinde de eo, quod totum ſtatum Evan-
gelicum concernit, per nonnullos nihil tractari,
aut concludi poſſit. Veſtram proinde Serenita-
tem

tem humillime rogamus, dignetur hanc Nostram rationabilem excusationem gratiose admittere, & Nos ulterius quoque solita sua gratia complecti. Nulli dubitantes Principales Nostros facta coram iisdem super gratiofo Vestræ Serenitatis affectu relatione, magni æstimaturos, & humillimum in omnibus occurrentiis ad Vestram Serenitatem recursum, facturos. Vestræ Serenitatis gratiæ & per eandem innatæ Pietati & Clementiæ Domini, Domini Nostri Clementissimi (in cujus fidelitate vivere & mori optamus) nos in omne tempus commendantes, & Vestram Serenitatem diu feliciterque in totius Christianitatis emolumentum vivere exoptantes. Datum Sopronii, die 30. Decembris, Anno 1681.

Serenitatis Vestræ

humillimi Servitores

**Nonnulli Ablegati Status
Evangelici Regni Hungariæ.**

DCLXXXVI.

*Litera CAROLI II. Magnæ Britannia Regis, ad
JOHANNEM GEORGIUM III. Saxonia Electorem, quibus cum impense hortatur, ut
omnem lapidem moveat, quo minus Rex Daniæ
telonium in Albi fluvio erigere possit, 1681½.*

**Carolus II. Dei Gratia, Magnæ Britanniæ,
Franciæ & Hiberniæ Rex &c. Fidei Defensor &c.
Serenissimo & Celsissimo Principi, Domino, Johan-**

Ppp 5

ni

ni Georgio III. Saxonix, Juliaci, Clivix & Montium Duci, Sacri Romani Imperii Archimarescallo & Principi Electori &c. Consanguineo, Affini & Fratri Nostro Charissimo salutem.

Serenissime, & Celsissime Princeps, Consanguinee, Affinis & Frater Charissime.

Literas ante aliquot annos ad Celsitudinis Vestræ Electoralis Patrem scripsimus de telonio quodam, quod Serenissimus Daniæ Rex tunc temporis in Albi flumine erigere satagebat, fusius eidem exponentes, quanta tam Sacri Romani Imperii, quam subditorum Nostrorum commercio asferret incommoda, atque adeo Ipsum enixe rogavimus, ut seria illa de re habita deliberatione, dicti telonii erectioni obviam iret, utpote impositioni novæ & publico commodo quam maxime damnosæ. Nec nisi latè deinceps intelleximus, literas Nostras & gravis, quod exinde fieret, detrimenti rationem tantum apud Ipsum valuisse, ut adhibita ad id consequendum studia sperato interea successu caruerint. Non minor autem doloris causa est, Eundem Regem, ut Nobis fertur, officiis suis apud Celsitudinem Vestram Electoralem & Imperii Ordines (quibus hujusmodi rerum decisio competit) ejusdem vectigalis in dicto fluvio exactionem denuo moliri; Cui quidem, ut præcaveatur, easdem instantias removendas rationesque Celsitudini Vestræ Electorali proponendas hisce duximus; quantas scilicet Sacrum Romanum Imperium damna patere

teretur, si istarum Regionum commercium tam gravi onere premeretur, quippe quod non modo mercaturam, quam subditi Nostri per tot retro annos in Germania exercuerunt, haud paululum labefactabit, verum etiam in causa erit, cur eorundem mercimonia majori, quam antea, pretio veniant, & commercium illud magna ex parte aliorum diver-
tatur, quod plane multo facilius anteverti quam deinceps restaurari potest. Sperare tamen ma-
lumus, ut tanti, quod hinc exorietur, damni mo-
mentum & repetita idcirco apud Celsitudinem
Vestram Electoralem postulata (quæ simul apud
Cæsaream suam Majestatem, cujus etiam tam ma-
xime interest, adhibuimus) Ipsum denique permo-
vebunt, ut perficiat, ne prædicto Regi spes ulla de-
tur, vota sua ad felicem exitum perducendi; verum
ipsius omnes in hac re conatus repudientur, atque
irriti reddantur, quippe qui non minus publico Sa-
cri Romani Imperii commodo nocent, quam sub-
ditorum Nostrorum commercio adversantur;
quod certe quantum ad Nos attinet, ubicunque
occasio feret, gratisime agnoscemus. Quod su-
pereest, Celsitudinem Vestram Electoralem Dei
Optimi Maximi tutelæ ex animo commendamus.
Dabantur in Palatio Nostro de Whitehall, 27. die
Januarii, Anno Domini 1681. Regniq[ue] No-
stri 33.

Celsitudinis Vestræ Electoralis

Bonus Frater & Consanguineus

CAROLUS REX,

Corvarii.

DCLXXXVII.

DCLXXXVII.

Litera LEOPOLDI, Roman. Imperatoris, ad CAROLUM II. Hispaniarum Regem, a quo amice contendit, ut Ordinis Teutonici in Burgundia Commendatori Privilegia ab antecessoribus suis concessa gratiose confirmare dignetur, 1682.

Leopoldus, divina favente Clementia electus Romanorum Imperator semper Augustus &c. Serenissimo ac Potentissimo Principi, Dom. Carolo II. Hispaniarum, utriusq; Siciliæ, Hierusalem Regi Catholico, Archiduci Austriæ, Duci Burgundiæ, Nepoti, Affini & Fratri Nostro Charissimo, salutem ac mutuæ benevolentiz, omnisque felicitatis continuum ac perpetuum incrementum,

Serenissime ac Potentissime Princeps, Nepos, Affinis ac Frater Charissime.

Quantumvis Serenitati Vestræ sincerum atque indefessum devotionis studium, quo inclytus Ordo Teutonicus communem Domum Nostram Austriacam, unde jam plures veneratus est Magistros, hucusque semper enixe coluit, jam tum adeo notum esse sciamus, ut nulli dubitemus, quin Serenitas Vestra, pro reciproco suo erga illum benignitatis gratizque affectu, eidem quicquid ex æquo postulaverit, suapteque sponte absque ulla interpellatione nostra, clementer sit concessura, nihilo tamen minus cum modernus Magni ejusdem Ordinis

dinis Administrator, venerabilis Joannes Casparus, tantam in Patrocinum nostrum collocarit fiduciam, ut si suorum desideria suffragiis atque intercessionalibus nostris concomitemur, effectum eo certius obtentum iri sibi firmiter promittat; Nos sane pro paterno, quo Nostros Sacrique Imperii Vassallos, atque hunc imprimis Ordinem, amplectimur, gratiæ affectu non potuimus non prodesse, ac ipse de nobis Domoque nostra communi multis argumentis optime meretur, Serenitatem Vestram hisce fraterne atque impense requirere, ut, cum Ordinis ejusdem & B. — de veteribus junctis seu A. — Commendator Provincialis fidelis nobis dilectus E. — de B. — quorundam privilegiorum, Exemptionum ac Immunitatum a Serenitatis Vestræ Majoribus ac Prædecessoribus Burgundiæ Ducibus dictæ Commendæ suæ Majori A. — jam a Seculis concessorum confirmationem sit exoraturus, Serenitas Vestra eundem benigne exaudire, desideratæ privilegiorum confirmationi facile clementerque annuere non gravetur, utpote quo non solum inclytum hunc Ordinem Domui nostræ Austriacæ magis magisque devincierit, sed nobis etiam rem fecerit quam gratissimam. Quî vicissim Serenitati Vestræ quavis occasione grata quævis offerimus ac eidem affectum fratris & affinis amantissimi confirmando Serenitatem Vestram prosperrimo rerum eventu gaudere volumus. Datum Laxenburgi vigesima octava Mensis Junii Anno Domini 1682.

DCLXXXVIII.

Littere credentiales, quas GEORGIUS WILHELMUS, Dux Brunsvico - Luneburgensis, Baroni Schüzio, Ablegato suo Extraordinario, ad LUDOVICUM XIV. Galliarum Regem, tradidit, 1682.

Serenissime atque Potentissime Rex, Domine Consanguinee plurimum colende.

Litteræ, quibus Regia Majestas Vestra gaudium suum e prospera principis Nepotis, natiuitate, impetratum Nobis voluit, singulari Nos perfuderunt voluptate. Nam & constantis erga Nos benevolentia luculenta hac testificatio est, & res ipsa, quæ nunciatur, magnopere ad florentissimi Regni Gallici & communem salutem pertinet. Nos vero pro eo quo Regiam Majestatem Vestram prosequimur studio atq; cultu præsentium portatori Baroni Schüzio, in mandatis dedimus, Majestatem Vestram protinus ut adiret, atque de nova isthac felicitatis accessione Nostro nomine gratularetur. Quem Extraordinarium Ablegatum nostrum, ut eodem, quo antehac alios Ministros nostros favore ac benignitate exipiat Vestra Regia Majestas, illicque in iis, quæ proponet, fidem habeat, rogamus: De cetero sicut unice Nobis in votis est, ut tot-hactenus declarata documentis Regiæ Majestatis Vestræ in Nos Domumque Nostram propensa voluntas, insit perpetua; ita sane omnem dabimus operam, ut eandem quovis officiorum genere demercamur. Deus vitam, valetudinem atque incolumitatem Regiæ

giæ Majestatis Vestræ conservet Regiæque Domus felicitatem æternum stabiliat. Dabantur in aula Nostra, quæ est Cellis, die 26. August. styl. vet. 1682.

Georgius Wilhelmus.

DCLXXXIX.

Litteræ JOHANNIS III. Poloniæ Regis, ad SENATOREM QUENDAM REGNI POLONIÆ, cui comitia proxime indicandi sibi propositum esse refert, ac ut, quid in iis proponendum statuendumve putet, candide secum communicet, clementer injungit, 1682.

Johannes Tertius &c.

Magnifice, sincere nobis dilecte. Quamvis post Comititia, irritò proh dolor! eventu dissoluta nondum integrum effluerit biennium, neque in legibus & statutis Patriis, expresse definitum sit, utrum biennale inter bina Comititia interstitium a Comitiorum principio, an ab eorundem fine metiendum sit, quicquid interesset Reipublicæ, ingruente jam hyeme, ad Comitiales consultationes non accedere, priusquam veris proximè venturi expeditio, postremas Aulæ Ottomanicæ, quæ adhuc in abscondito latent destinationes, in aprium produxerit, armaque contra Cæsarem in Hungaria sumpta, aut Pacem Provinciis emptam, aut bellum gloriosæ Aulæ Viennensi extorserit. Attamen cum periculosum sit, negligere aut prætermittere momenta rerum gerendarum, præcipue hoc tempore, dum tot, ac tantæ rerum vicissitudines obtingant, quas leviter in novissi-

vissimis Circulatoriis ad totum Ordinem Senatorium expeditis, attigimus, nec in responsis exiguo numero datis, plenam reportavimus resolutionem. Ideoque nihil quidquam moribus & legibus patriæ derogare volentes, decernimus, omnes moderni Status Reipublicæ circumstantias, ad Portam generalium consiliorum Comitialium, opportunè dirigendas & obliquanda vela, cum tempestas jubet. Ex parte quidem nostra quicquid ab hominibus præstari potest, securitati publicæ impendimus. Egimus hic excubias tanquam in specula, integrum fere biennium trutinantes momenta rerum, utique in ista Vicinia Aulæ Ottomannicæ propositum, utrum ad dirimendos Ukraniæ limites sese accingere, an vero promissam Hungariæ protectionem in effectum deducere maluerit. Quam cum tandem præsentī armorum subsistentia suscepit, ea, qua par est, circumspeditione, vigilavimus, & adhuc defixis intuemur oculis expeditionem istam, qualem sortitura sit exitum, sollicitè præstolantes, sustinuimus crebras Principis Scytharum Krimensium impetitiones, quamvis, sub mitiori legationum nomine, quibus debita ipsi donativa non sine comminatione postulabantur, nos vero multifariam ipsum demulcendo, operam dedimus, ut facta tecta conservaretur mutua amicitia, quamvis non solutis, quæ ab aliquot annis restant, stipendiis. Diventilavimus quoque aulæ Moscoviticæ inclinationem, omnesque imaginariæ armorum conjunctionis fallacias penetravimus, sed & nunc recentissime percepimus, quomodo duplicatum illius Imperii caput, nostris suum

um in commodum abutatur propositionibus, usque adeo nec minima quidem momenta rerum gerendarum omisimus, quin potius data quacunque occasione, vigilem in hanc illamque partem versavimus animum, missis passim pro certiore rerum indagatione viris expeditis & ad tractanda negotia aptis. Neque dum hæc agimus, sumptibus & impensis nostris, inopiæ thesauri subveniendo, hunc in diem usque parcimus; quippe ultro occupantes tempus & occasionem promovendi emolumenti publici; Præterea nec domesticas magni Ducatus Lithuaniz differentias, quæ publica possent facessere negotia, per oblivionem transmisimus, quin potius eas nostra autoritate, deputatis ad id Viris eximiis, composuimus, serioque nonnullos, qui nobis adfuerunt, Senatores, adhortati sumus, ut sepositis partium studiis, omnes materias, cursum consiliorum publicorum sufflaminantes, quam efficacissime complanarent. Id quod etiam in recentibus literis nostris ad Commissionem Grodnensem datis, intimavimus, eidem stimulum addendo & calcar, ad res pro salute universa alacriter gerendas. Quid multa? Dum Moldaviz omni ex parte consultum imus, inter resturbidas, etiam jam in Comitatu Scepusiensi apertum in discrimen erupturas, conatibus nostris adfuit supremus rerum humanarum arbiter. Pronus & in melius gaudens convertere vota. Jam vero & nova rerum facies in Moscovia, nostris se ingerit oculis, occasionemque præbet, aut sperata renovandi vota, aut spe omni abjecta sibi consulendi, inque memoriam, quæ sua sunt revocandi, &

ceptum in Hungaria bellum eousque jam progres-
sum videtur, uti nec Provinciarum avulsione, nec
tributario regni Hungariæ Valallagio extingui,
mitigarive possit; Viennæ vero tacita ad minimum
nondum coalitæ conjunctionis desideria, modo
has, modo illas, intentæ pro bono publico sollici-
tadini insinuant propositiones. Adhæc Ucrania
subditiōe & indulgentia Turcica, magno gentium
confluxu, iterum vacuas implet sedes, novasque no-
bis excitat curas, congesta rursus Provincia quid-
nam sentiet anxiosus? denique præter continuas
querelas assidue a Bassa Camenecensi & Aula
Constantinopolitana ad nos perferunt, de extra-
ditiōe captivorum, quos partim per nullam pos-
sibilem rationem investigare hætenus potuimus,
partim a privatis nonnullis manumitti debeant,
expostulationes, subinde admixtis gravissimis super
violatione pactorum comminationibus, satisque
crudis & enormibus exprobrationibus, quod nulla
penitus commiseratione ducamur, ad mutuam ca-
ptivorum eliberationem, recenter quoque a gene-
roso Residente nostro duplicibus literis de dato 18.
August. per Venetias & Viennam ad nos perlatis,
certiores facti sumus, Portam Ottomannicam, post
extortas ab Aula Viennensi quasvis pacis condi-
tiones bellicum armorum apparatus, aut adver-
sus Dalmatiam, aut (quod superi avertant) Domi-
nia nostra expedituram, quem in casum forte
Ucraniæ dislimitatio, quæ in occasionem hætenus
dilata fuit, rursus a Porta erumpet, maxime cum
nuper quidam Kanicky (quem Palatinus Wala-
chiæ publico Turcarum nomine pro Tribuno Bia-
lacer-

Iacerkiovensi fratremque ejus quondam Castellatum Cracoviensem pro Karfunensi proclamavit, constituitque) primus omnium Sicniacum & Kalisnum, municipia fortalio Bialacercievinfi per pacta nobis una cum atinentiis concessio, incorporata eoque jam ab antiquo spectantia in partem Turcicam pertrahere ausus, in manus præsidii Bialocercievinfi Præfecti inciderit, ac pro meliori custodia ad castra exercitus nostri, ac Reipublicæ missus sit; Posito autem, quod bellum Turcicum sedem suam in ipsa tandem Hungaria habiturum sit, militum tamen excursionibus, quæ per Moraviam & Silesiam contingere possunt, haud vanum provinciis nostris, illic ad confinia sitis metum incuti possent. Hæ igitur omnes sat arduæ considerationes, quæ veluti inducias providæ curæ & vigilantia nostræ denunciare & pleniorẽ Reipubl. poscere confessum videntur, præcipue cum tempus labentis biennii ad terminum in lege publica præfixum decurrat, officii nos admonent, utque profundiores sensus nostros circa præsentem rerum statum, usq; ad proxime futura suspendamus Comitiam, ibiq; postquam fortunam universi boni sospitem universis reddiderimus, Reipubl. integrum de Securitate sua judicium permittamus. Requirimus itaque Sententiam Sinceritatis Vestræ & consilium a maturæ ejusdem prudentia præstolamur, serius ne antequam prædicta Comitiam indicenda sint, quid consultationi publicæ proponendum, quibus punctis conventus tuto Comitiales informandi, quomodo instructiones formandæ, & utrum expediat, in iis diserte exprimere, si quid arcani circumspecta

Sinceritatis Vestræ sagacitas suggereret, denique quid statuendum sit, circa illum Kuniky perjurium pactorum violatorem, dimittendusne an restituendus in custodiam sit, & tanquam transgressor pactorum puniendus. Ad ista omnia maturum Sinceritatis Vestræ responsum expectans, prosperam eidem a propitio Numine incolumitatem exoptamus. Dat. 30. Sept. 1682.

Nota. Pari ratione ad reliquos etiam Senatores Regni Pol. scriptum fuit.

SUPPLEMENTA AD PARTEM SECUNDAM.

(I.)

*Litera CONSILII STATUS TYCHOPO-
LIENSIS, ad FRIDERICUM III. Danie
Regem, cui submissee & sincere suadent, ut, abru-
ptis, quam a Specie accipere contenderet, Pacis
tractatibus, enormem Provinciarum suarum ja-
cturam anteverfurus, inter extrema fœderatorum
suorum auxilia expectet, 1658.*

Serenissime ac Potentissime Rex, Domine
clementissime.

Regiam Vestram Majestatem pro humillima fide, devotione ac obedientia Nostra, ex vere perturbato animo celare non possumus, qua ratione Gottorpio & aliunde periculosa plane nuncia Lubecam & Hamburgum perferantur, scilicet Regis Sveciæ exercitum in ipsam usque Sialandiam pene-

penetrasse, & Vestram Regiam Majestatem, ut & Dominos Regni Senatores ad iniquissimæ pacis conditiones ineundas cogere velle, imo ferme approbatas illas esse & conclusas, quarum vigore Vestra Regia Majestas totas Provincias Scaniam & Bleckingiam, cum parte classis bellicæ, bis mille equites & totidem pedites ex exercitu suo, ingentem pecuniæ summam, Insulam Bornholmiam & Præfecturam Nidrosiensem in Norwegia cedere, & insuper, quod palmarium est, Fœdus offensivum & defensivum cum Svecis inire vellet. Equidem hisce nunciis plenariam fidem adhibere non possumus, nec in animum Nostrum inducere, Svecos, siquidem rem isthanc serio agunt, & cum Vestra Regia Majestate Regnoque Daniæ duraturam pacem ferire volunt, iniquis adeo conditionibus, nullum constans ac firmum vinculum nectentibus, illam suffulturos & fundaturos, nec dubitamus, Vestram Regiam Majestatem una cum Dominis Regni Senatoribus, quippe quorum res præcipue hic agitur, pro exquisitissima illa vere Regia & singulari prudentia, vel sine nostra admonitione omnia momenta ista accuratissime libraturam: Attamen, quam Maj. Vestræ Regiæ juravimus, fides nos instigat, ut præprimis ratione horum Ducatum, quos natura, situs & prisca Unionis pacta & necessitudo cum Vestræ Majestatis Regnis tam arcte invicem colligarunt, ut ab illorum prospero & infelici statu, horum salus & infortunium dependeat, & utramque fortunam ex æquo communem experiantur, simus solliciti. Unde spe devotissima erigimur, Vestram Regiam Majestatem

statem nostram hancce fidelissimam curam, pro indulgentia sua non sinistre interpretaturam. Quod si enim, ut fama fert, tota Scania amittitur, Vestra Regia Majestas, quando Hassniæ e fenestra prospicit, infestos suos & infaustos vicinos, qui natura hostes sunt, & in pace quoque tales permanent, oculis oberrantes habebit & perpetuis periculis obnoxia erit: dlmidium littus freti Oresundici ipsorum jurisdictioni subjectum esset, & Vestræ Regiæ Majestati liberam in eo dispositionem ægerime permetterent. Ut alia, quæ cedenda forent, prætereamus, sane fœdus illud offensivum & defensivum perpetuum, nobis videtur esse omnium gravissimum. Quod si enim res ita se habet, necesse erit ut Vestra Regia Majestas 1. Hollandos & omnes alios Fœderatos derelinquat. 2. Illos omnes sibi hostes & infensos reddat. 3. Eorundem jam, ut certo perhibetur, 78. 75. 68. 62. 78. 67. 83. 45. 64. 78. 73. 42. 69. 63. 99. 65. 94. 88. 42. 77. 44. 59. 93. 57. 77. 51. 85. 45. 69. 18. 41. 73. 55. 59. 55. 91. 44. 58. 41. 88. 83. 32. 99. 33. 83. 91. 41. 94. 77. 45. 54. 89. 77. 64. 77. 91. 85. 48. 59. 44. 31. 41. 99. 76. 73. 45. 54. 78. 51. 91. 41. 40. in suis regionibus ut hostes & extrema hostilia omnia expectet. 4. 59. 41. 93. 78. 85. 54. 85. 45. 99. 88. 21. 76. 68. 83. 77. 54. 96. 31. 62. 78. 45. 93. 83. 96. 58. 85. 33. 96. 77. 93. 79. 58. 45. 75. 89. 61. 86. 91. 93. 41. 75. 62. 83. 97. 66. 66. 65. 94. 63. 53. 83. 56. 77. 42. 85. 44. 94. 45. 78. 66. 54. 83. 99. 54. 66. 75. 85. 76. 59. 93. 85. 76. 41. 59. 93. 85. 76. 58.

58. 62. 93. 88. 33. 76. 89. 93. 43. 44. 85.
 76. 44. 78. 45. 83. 76. 55. 43. 65. 67. 83.
 44. 45. 76. 96. 41. 73. 52. 67. 52. 89. 44.
 93. 62. 93. 44. 67. 91. 45. 42. 51. 91. 43.
 44. 85. 45. 78. vel secundum propria principia
 nunquam sine bello esset, si se illis obstringeret &
 velut 98. 75. 43. 44. 85. 44. 76. 75. 45.
 85. 85. 44. 89. 41. 79. 85. 33. 53. 93. 55.
 43. 85. 45. 78. 59. 65. 79. 85. 41. 58. 93.
 85. 68. 66. 44. 54. 85. 59. 41. 55. 43. 86.
 77. 41. 75. 78. 55. 42. 68. 53. 94. 75. 65.
 96. 85. 93. 42. 85. 45. 68. 62. 76. 83. 55.
 43. 85. 45. 66. 76. 58. 5. Neesse erit, ut cum
 iis omnium hostis fiat, lucrum illis solis concedat,
 damnum autem & sumptus cum iis feret & com-
 munes habeat. Hæ & plures præterea aliæ causæ
 movent Nos, ut credere nequeamus Vestram Re-
 giam Majestatem intolerabiles adeo conditiones,
 per quas Regnis suis ac Provinciis nullam pacem,
 sed, perpetuam materiam & semina belli acquirat,
 sibi veluti per vim injungi passuram. Ut nihil
 dicamus quantopere apud 54. 76. 85. 44. 67.
 31. 96. 57. 68. 51. 31. 85. 69. 78. 54. 85.
 44. 83. 33. 93. 41. 68. 79. 91. 45. 54. 85.
 44. 68. 77. 42. 76. 83. 45. 33. 64. 85. 45.
 66. 77. 91. 73. 97. 94. 53. 66. 33. 97. 83.
 45. 66. 77. 93. 43. 76. 44. 85. 67. 44. 86.
 63. 31. 94. 45. 93. 42. 53. 75. 55. 43. 85.
 45. 68. 74. 58. 73. 67. 33. 58. 43. 31. 44.
 93. 33. 85. 67. 33. 96. 43. 95. 43. 85. 75.
 78. 33. 78. 56. 73. 58. 45. 66. 54. 66. 76.
 89. 44. 85. 41. 52. 85. 55. 33. 98. 58. 52.
 Qqq 4. 85.

85. 44. 93. 97. 55. 53. 86. 93. 33. 75. 44.
 85. 45. 77. 86. 58. 47. — — — ; præfer-
 tim cum Vestra Regia Majestas classem suam ad-
 huc integram & optime instructam, Urbem Hassni-
 am sibi devotam & obsequentem, universum etiam
 Regnum Norwegiæ cum Scania a tergo & in sua
 potestate habeat, ut vel propterea iniquarum adeo
 conditionum approbatione sibi imponi nunquam
 passura sit. Accedit, quod fœderatos Belgas, pro-
 prii Status gratia, Vestram Regiam Majestatem
 nullatenus deferere, sed oceano quamprimum na-
 vigabili exituro confestim in auxilium accurrere
 oporteat. Imo auxiliares istæ copiæ, quarum
 supra mentio facta est, jamdum in via esse dicun-
 tur. Quem super glaciem Deus Svecis pontem
 struxit, jam dirutus est, & facillime posset accidere,
 ut difficilius foret ex insulis abire, quam eo pene-
 trasse. Solent communiter prosperi successus in
 uno extremo velut sufflaminari, cujus generis re-
 cens aliquod exemplum in Regnum Poloniæ vi-
 dere contigit, ubi Sveci Regem primum ex omni
 ditione sua ejecerant, postmodum ad extremitates
 Regni, ubi Russiæ adjacet, pepulerant, attamen
 per Dei digitum ibidem illis frena injecta sunt, ut
 magno cum dedecore & clade regredi & nunc uni-
 versam Poloniam relinquere coacti fuerint. Tem-
 pus & maris frigore concreti solutio Regiæ Vestræ
 Majestati certissimum auxilium afferent. Bellum
 istud a Regia Vestra Majestate ob bonam pacem
 & finium securitatem inceptum est. Si itaque hæc
 æquis & justis conditionibus obtineri potest, meri-
 to amplectenda erit, iniqua vero pax neque danda
 neque

neque accipienda. Interea firmiter speramus, supremum Numen Vestræ Regiæ Majestatis causam justissimam non deserturum, quin potius virtute ex alto instructurum, quo omnia in Divini nominis gloriam, horum Regnorum ac Provinciarum firmam pacem & securitatem, Regiæ denique autoritatis conservationem cedent & emergant. Dab. Glückstadii, die 25. Febr. 1658.

Vestræ Reg. Majestatis

Subjectissimi & devotissimi

D. Reinkingk.

Johann Helms.

Joh. Steinmann.

Conrad Hesse, D.

(II.)

Litera FRIDERICI III. Danie Regis, ad PETRUM WIBIUM, Præfectum Nidrosiensem, quibus Svecicis Commissariis Rumsdahlensem Præfecturam extradi tandem jubet, 1658.

Fridericus III. Dei Gratia, Daniæ, Norvegiæ, Wandalorum, Gothorumque Rex &c.

PRæmissa gratia nostra ac favore. Quandoquidem inaudivimus, Ministros Svedicos argumentis a Te allatis, quod Rumsdahlum alia quædam & separata Præfectura a Nidrosiensi existat, acquiescere noluisse; ideoque ad præripiendam ambagibus & controversiis inde forsitan orituris occasionem, Præfecturam istam, una cum veris, quibus circumscripta est, limitibus sine ulter-

tiori tergiversatione prædictis Ministris Suedicis trades, ut omnia tandem suum finem sortiantur. Quo ipso voluntati nostræ Te præbes obsequentem, Deo interim a nobis commendatus. Scribebantur in arce Nostra Haffniensi die 19. Junii Anno 1658.

FRIDERICUS

Sub Nostro Sigillo.

(III.)

Litteræ CAROLI GUSTAVI Suecia Regis ad FRIDERICUM III. Dania Regem, quibus sibi damni societati in Africa Suecica a Carloso illati causa satisfieri, & residua Pacis Rothschildiensis capita executioni tandem plenarie mandari cupit, 1658.

Nos Carolus Gustavus Dei gratia Suecorum, Gothorum Vandalorumque
Rex &c.

Serenissime & Potentissime Princeps.

Quanta animi propensione atque desiderio, interveniente Legatorum Nostrorum apud Majestatem Vestram commorantium opera, eo inclinaverimus, ut Rothschildæ præterita hyeme conventiona pacta præfinito tempore plenariæ executioni mandarentur, ac ad finem perducerentur, nulli dubitamus, quin Majestati Vestræ a Nostris ad institutos jam Hæfnæ Tractatus ordinariis Commissariis humillimè narratum fuerit: præprimis quod ut amicus ac vicinus certo Nobis persuaserimus, fo-
re ut

re ut siquidem bona eorundem pars optatum eventum consecuta jam dudum fuerit, Majestas Vestra reliqua itidem promotura sit, quo etiam opportunè effectui dari dari queant. Quoniam autem non solum puncta quædam firmam & constantem utroque Regnorum securitatem, ac tranquillitatem concernentia adhuc restant, verum etiam plenariè edocti sumus, Condirectorem Henricum Carloffium cum Nostreis & subditorum Nostrorum mercibus ac bonis ex Africa venientem, licet Minister Noster Hamburgi Residens maturime illud præmonuerit, non tantum Gluckstadii a Majestatis Vestræ ministris neq; detentum & arresto subjectum, neq; de ablatis mercibus inventarium confectum, & ne eadem alienarentur ac distraherentur prohibitum esse: sed &, ut fama fert, cum maxima auri merciumque pretiosarum parte aufugisse, antequam circa restitutionem locorum occupatorum satisfactionem ullam præstiterit. Nos sane alio, quam ad Majestatem Vestram recurrere non possumus, & vel propterea vigore harum literarum Nostros apud Majestatem Vestram Hafniæ nunc commorantes Legatos Majestatis Vestræ conspectui sistimus, ut vicinum, Amicum atque fratres decet requirentes, velit Majestas Vestra eosdem non solum benevole audire, verum etiam totam rem ita dirigere ac disponere, ut tam circa hoc, quam in omnibus aliis ad executionem pacis adhuc pertinentibus prædicti Commissarii Nostri optatum responsum quam primum obtineant, universumque negotium hoc plenarium & opportunum eventum sortiatur, Nosque pro præsentium temporum ratione scire quea-

queamus, qualem horum Tractatum finem operiri debeamus. Et quandoquidem Majestatis Vestræ Ministri sapissime iterant & ingeminant, quanto onere exercitus Noster Regnum Daniæ in hunc usque diem ibi commoratus, afficiat. Nos vero eisdem quam facillime fidem adhibere possumus, Utique Majestati Vestræ certo affirmamus, Nos nihil tantopere intendere ac in votis habere, quam ut omnia, quæ ad executionem dictæ pacificationis Rothschildensis necessario pertinent, sed nondum facta sunt, abjecta cunctatione, in effectum traducantur, ac haud ulterius his in locis contra voluntatem Nostram retardemur & concedere cogamur, hostes nostros alibi omnibus interea temporum occasionibus & articulis in ingens Nostrum præjudicium ac damnum insidiari. Confidimus proinde, ut amico & vicino par est, Majestatem Vestram in confirmationem ac robur pactorum negotium isthoc ita commendatum habituram, quo sine ulteriori mora ac procrastinatione Societas Africana compensatione & satisfactione pro illatis damnis frui & gaudere possit, præsertim cum Instrumentum pacis controversiam hanc disertis verbis determinet aliamque interpretationem nullatenus admittat. Quo ipso Majestatem Vestram divinæ Protectioni commendantes prosperos rerum successus Eidem ex animo precamur. Scribeb. Flensburgi, die 21. Junii Anno 1658.

(IV.)

*Responsoria Friderici III. Daniæ Regis, ad præinscrip-
tas Caroli Gustavi, Suecorum Regis Literas,
1658.*

Frider-

Fridericus III. Dei gratia, Daniæ, Norwegiæ, Wandalorum, Gothorumque
Rex &c.

Serenissime ac Potentissime Princeps.

EX Majestatis Vestræ literis die 21. Junii proxime præterita Flensburgi scriptis, quas Majestatis Vestræ penes Nos commorantes Legati Nobis exhibuerunt, satis percepimus Majestatis Vestræ propensionem, qua in plenariam Tractatum conclusionem fertur: & nulli equidem dubitamus, quin jam dicti Majestatis Vestræ hic degentes Legati sufficiens de Nobis testimonium perhibere possint, Nos nihil earum in Nobis desiderari passos, quod ad sinceram amicitiam ac fidam correspondentiam inter Nos & Regnorum Nostrorum subditos facere quid possit; imo singulari aliqua contradictione aut tergiversatione concessisse & approbasse omnia, quæcunque Nobis ullo modo factu possibilia fuere, modo certi extiterimus Majestati Vestræ gratum quid & acceptum exinde posse accidere. Verum enim vero cum Majestas Vestra ipsamet in dictis suis literis mentionem injiciat eorum, quæ a Condirectore Henrico Carloffio in Africa patrata sunt, Majestati Vestræ constare volumus, quod quanquam credamus, Nos Majestatis Vestræ Legatis majorem jam dum satisfactionem obtulisse, quam instrumentum pacis in ejusmodi casu requirit & præcipit, eo quod aliter in animum inducere nequeamus, quam quod articulus undecimus pactorum Rothschildensium (quippe qui certa quædam loca, ubi captæ prædæ deduc-

deducendæ sint, nullatenus speciatim determinat ac definit) eodem plane modo intelligi debeat de his rebus, quæ in ejusmodi loca Africæ deducta fuerunt, quæ tum temporis, quando merces Africanæ eo deducebantur, sub potestatem nostram redacta erant, ac si illud ipsum hic in Europa in munimentis Nostris atque Urbibus contigisset: Nihilominus ad ostendendam amicitiam ac benevolentiam erga Majestatem Vestram & ejusdem subditos, declaravimus, Nos velle ut munimenta ista juxta Articulum XIV. & præter hæc navis ista cum mercibus, quibus secundum verum Inventarium ad urbem Nostram Gluckstadum venisse & deducta esse probari poterit, reddantur ac restituantur. In quo sane certo speramus Majestatem Vestram acquieturam esse. Et siquidem Majestas Vestra in hoc vel alio quodam casu plura a Nobis vel possit, vel velit postulare, offerimus Majestati Vestræ in omnibus Nostram benevolentiam, ut vicinum ac fratrem decet, & Nos taliter præstituros recipimus, ut Majestas Vestra Nobiscum contenta esse possit, maxime cum tam in hoc quam in omnibus aliis de Majestatis Vestræ æquisimo & juris amantissimo animo plenarie ac certo persuasi sumus. Et quandoquidem Majestas Vestra ipsamet probe intelligit, quanto damno Regna ac ditiones Nostræ afficiantur, quod Majestatis Vestræ exercitus & copię ibidem in hunc usque diem commoratae fuerint, & non solum debitum ipsis victum post Pacificationem sufficienter perceperint, verum etiam insuper maxima tributa subditis imperaverint & extorserint, & ejusmodi exactiones tam diu ultra terminum

num evacuationi destinatum continuaverint, ex quo sane summa Nostrorum ruina & desolatio non potest non sequi, quam tamen Majestatem Vestram neque optaturam neque permissuram confidimus, utique infirmam spem erigimur, Majestatem Vestram non defugituram negotium isthoc ita componere, quo sine longiori mora exercitus discedat, & evacuatio reipsa praestetur, praesertim cum a Nostra parte nihil omnino appareat juxta pacificationis tenorem praestandum, quin executioni jam dum mandatum fuerit. Postquam etiam ad aures Nostras pervenit, delectus militum a Nobis institutos Maj. Vestrae suspicionem quandam & scrupulum injicere, fatemur equidem Nos plane ignorare ejusmodi quid Nostro nomine fieri, multo minus id a Nobis esse mandatum, nisi forsitan sint quidam officialium, munimentis Nostris in praesidium impositorum, qui numerum sibi commissorum militum augere laborabunt. Quod restat Maj. Vestram divinae tutelae ex animo commendamus cum voto omnigenae prosperitatis. Scribeb. in Arce Nostra Hassniensi die 27. Junii Anno 1658.

(V.)

Litera PLENIPOTENTIARIORUM SUECICORUM ad OTTONEM L.B. a SCHWERIN ET D. W. EIMANNUM, Plenipotentiariorum Brandenburgicos, quibus eis praeperatum Gottorpio discessum exprobrant, & iniique facta, quorum se insimulaverant, in eorum sensus cum favore retorquent, 1658.

Illu-

Illustrissime, Generosi & Magnifici Domini Legati.

Dum de subsistendo Hamburgi & inde ad desiderati promissi constantiam certa responsa præstolamur, advenerunt 29. Julii ibidem subscriptæ literæ, spirantes ad convitia usque præcipitem animorum in Nos acerbiter. Eo graviolem, quod cum saltem discessum Hamburgo indicare, cætera differre & quasi in integro relinquere voluerunt, in nos tamen licet ultra mandatorum necessitatem a causa alienos invehere volupe habuerunt. Quo an in se magis quam in Nos, non illæso pudore, injurii fuerint, relinquimus aliorum judicio, certi interim nec Nostri meritis talia, nec Legatorum dignitati Excellentiarum & Dominationis Vestræ convenire, utrumve jure pro cupiditate Vestra ad audientiam non sitis admissi, cum arbitrii plane Regii fuerit, quomodo venientes ab amico dubio non modo, sed hostilium plurium comperto, audire voluerit, an non de intentione ambiguae Legationis per Deputatos rogare causa sit; Vestræ autem haud facultatis, qui ad Regem multifariam offensum missi, uti admittendi sitis, præscribere. Est Legatis sua securitas & dignatio per gentium Jus, est tamen & istorum æque, ac eorum, a quibus veniunt, debitum & officium, de eo autem illius, ad quem mittuntur, pro eo uti amicitiae vel offensionis rationibus convenit, statuendi jus & suæ dignitatis observantia & in advertendo præjudicio non improba cura est. Innixa sunt, quæ carpuntur, præsupposito alicujus quasi necessitatis statim sine prælimi-

liminari quadam communicatione audiendi Legatos plane erroneo, cum gentium juris morisque sit pene quotidiani, mitti ad Legatos, imo & cum a dubiis & suspectis mittuntur, non admitti, præterquam factis sui adventus, propositi eorumque, quæ Legationis præparatoria sunt, declarationibus, quæ nisi Historiarum, orbisque negotiorum ignaros latere non possunt. Male, quod pro præsentis rerum statu audientia concedi aliter non potuit, eo detorquetur, quasi Excell. & Dominat. Vest. abire coactæ sint, quibus accessus, mansio, mandatorum expositio, cæteraque omnia libera fuerunt, dummodo Legatione tali digna fecissent; Cui non tantum quod placet, sed maxime, quod negotio convenit, & ab eo, ad quem venit, audiri potest atque debet, spectandum, quo fine suis lubitis indulgere, est libertatibus abuti. Si audivissent proponenda, & quod par erat, respondissent, non fuisset verendum, ut negotiosis scriptionibus causa & dignitas Principis implicaretur; potius quod rei causæque erat explicare, & ad finem amicum & pacificum applicare valuissent. At cum dicitur, talia contra mandati seriem fuisse, facile intelligimus, causam mentemque non tractatui amicitiae per ista quæsito, sed incongruo negotio intentam, quæ idcirco etiam maluerit Legatione, sic, ut præ se tulit, summæ rei (quod tamen ex eventu satis non apparet) destinata tamen satis non instructa, penitus abrupta, cuncta fato committere. Cui & Nos jam lubitus vestros relinquimus, de aliena conscientia, dum Nostræ satis securi, ultra non solliciti. Id vero miramur, quod, quæ in proponendis erant, quam

a Principe Vestro tam a veritate rei gestæ aliena, nec ex Regio dictamine (quasi ultra id Ministri sibi quidquam arrogent) nec ex fide eorum; qui negotiis eorum interfuerunt, sed iis excepta calamis putatis, quibus aut nimia festinatio, aut nescio, quis funestus error eo mentem detraxerit, ut illa quidem, nec præteritorum memor, nec futuri anxia, veteres amicitias novis an fulcimentis erigere aut orbis concordiam quæsitis affligere disceptationibus res una eademque sit? non satis forte expendit: Ex assuetudine talia aut faciendi aut patiendi an ista profluant, in examen jam non trahimus, de eo tamen certissimi, nec præter jussu superiorum nec contra veritatem scripto quidquam contineri. Propositum erat, quod veritatis atque sinceritatis proprium, non fugere lucem, sed ob oculos singula, si negarentur aut negari possent, ponere, idque velut coram testibus Amicissimorum & officia pro amicia offerentium Principum Legatis, ne isti, quæ nunc inique erupit, impropagationi, locus esse, nec quidquam in eo, quod ad arguendam veritatem pertinet, inter actus, qui & orbis conscientiæ infixi & documentis luce meridiana clarioribus & consiliis non intus amplius latentibus, sed ad solem usque progressis innixi sunt, deficere possunt. Si quid a veritate alienum inter ista conjiciendum, certe onerabit ea præsumptio defugientes demonstrationem, ejusque testimonia reformidantes, ac ideo recusantes sub obtentu nudo dignitatis, cujus præprimis intererat, ad ista non effugium sed rationum veritatisque pondera reponi. Quorum fiducia hæc pars freta securo calamo potuit

nemi-

nemini non conscia & credita committere, non festinatione nimia, sed pro necessitate rei, quæ nisi talium explicatione ac compositione non potuit incipi, nedum transigi, nec errore, qui cadere non potest in eos, quibus factorum notorietas, actorum irreprehensibilis fides, adversantium in confessionem accipi solitum factum adstipulatur. Qui sine odio & gratia judicabunt, verebuntur magis, ne funestus & fere fatalis error consiliorum, quæis præteritorum memoria & futuri sollicitudo seponitur, veterem amicitiam dum nova ejus fulcimenta, valde hæcenus infestis machinationibus subruta, quaeruntur, & juxta orbis concordiam, quaesitis magis malorum vanis prætextibus, quam justis remediis, plane tollat, & devinctus talibus, prædestinari fuerat accederet. Qui in curioso ac festinato discessu missa facere, nec gravitati rei, sine discussione illorum, non expediendæ, nec Serenissimi Domini Electoris conscientia, quàm adversus acta & orbis testimonia aliter asserere oportuerat, pacis & amicitia synceræ scopo non plane congruit. Non erronee nec pertinaciter asserimus, quod res est, declinatam Dominorum Legatorum Brunsvico-Luneburgensium, ut & Hassiaci a Sac. Regia Majestate fuisse interpositionem, & si responso congruo propositio debito modo facta fuisset honorata, audientiam ulteriorem ipsis destinatam fuisse. Si Excell. & Dominat. Vestris forte non innovuit ex abitus præcipientia, atque ignorance, per quam significatio fuit præpedita, profecto haud eo minus certum est. Hanc dum expectare noluerint,

Rrr 2

igno-

ignorantia nihil suffragatur, sed multum demit iudicio, quod inde firmatum putatur, quantum nempe in illo deest debiti officii. Cui congruum existimavimus expectari, quæ ad refragationem inopinatam reponerentur. Ex quibus, post præliminarem propositionem, audientiz impetrandæ, si non hostilia, & inimica (quorum nonnihil fuit hætenus exhibitum aut indicatum) omnia potius in contrarium acta fuissent, certitudo esse poterat. In eo autem saltem aberratum, quod aut pro Vestra opinione, aut quomodo cum certis amicis agi solet, admitti voluistis, cum nec Sacra Regia Majestas pro Vestro nutu teneretur inter ambigua & suspecta, cæca admissione, sibi juribusque suis præjudicare, nec Vos amicis tribui solita officia possietis postulare, quam diu non modo non constaret de intentione Legationis, a Principe cum hoste, velut contra communem, fœderato, qui hostilia olim multa peregit, imò adhuc perpetrante profectæ, sed & ejus explicatio detrectaretur. Quæ ratio apud omnes gentes æqua ostendet orbi, quanta cum iniquitate queramini, quasi destinati ad exempla inaudita, aut ad injurias parum æquas utriusque partium existimationi. Quæ in Serenissimo Domino Electore non potuit lædi, si ejus Legatio amasset producere in conspectum pro diluitione proponendorum, adeoque via ad ultiores amicitiz actus sternenda necessaria, a Sacra Regia Majestate non aliter defendi, quam ut prius sciret, talia in faciem audaci fronte non objici, quæ jam Nobis, non Nostra, sed Regia agentibus, a veritate & modestia

stia alienissima opponuntur. Inter quæ numerare cogimur, quod dicitur, nunquam Excell. & Dn. Vestras detrectasse admissionem prænominatorum Dominorum Legatorum, cum id primum fuerit post denuntiata propositionis intentionem, ut & Regionum Ministrorum accessum liberum non abnuisse, cum oblatum, remissa charta, statim rejecerint, iis obtentibus, qui nihil soliditatis habebant, & ignorantiam causæ postea significatæ sapiebant. Qua modum, qua locum, qua tempus nihil contigit, quod non pro præsentis rerum statu congruit, sic consuetum & pro negotio expediendo ex usu; Quo sine nec admitti necdum audiri debet, cum quo tractatus amici suscipi perficique deberent. Quo detrectato principia, non obtenditur æquissimum Dominorum Legatorum iudicium, quorum æquanimiati secus, quam ut post præterlapsa rerum momenta sinistre judicaverint, confidimus, multo minus aliquid intempestivum, suspectum aut imperatum accessisse, quorum nihil Nobis constat nec docetur. Adfuisse porro vos scribitis non conflicturos nec causam disceptaturos, sed velut ad Regem missos Oratores ab amico Principe pacis & amicitiae causa.

At illud alienum plane a negotio est, quod sine causæ disceptatione post tot adversa & corrigenda expediri & ab ipsis factis, ubi recusata & per discessum evitata est expositio intentionis, separari nequit. Quam inter inimica acta Principis amicitia & benevolentia, se præsumi non sivit, tam & quæ præcesserunt isti fuerunt, incongrua.

Quæ
cum

cum alias sperarentur, non est negatum quidquam ex iis, quæ ad initia tractatum cum amico dubio & ad legationum mores pertinebant, nihil dum remisso etiam ex iis, quæ porro fieri, & audientia præmitti debuerunt merito dilata, donec constaret de accessus ratione & admissionis æquitate, non negatæ autem, si iusta præstarentur. Erratur in eo, quod admissionis non tantum ad locum, sed & ad aures oculosque Principum necessitas sic astruitur, ut sine discrimine ante omnia dari, nec quidquam antea, aut interrogari aut explicari debeat, ideo erronea ex eo discessus causa petitur. Cujus prædestinationem non, ut ajunt, coactam, sed voluntariam plane & animorum non valde pacatis consiliis deditorum indicem, non potuit non capi in argumentum consiliorum ab amicitia & quiete divagantium. Mira est cum paucorum dierum moræ, in re, quæ semel turbata per plures annos ægerrime reparatur, impatientia, tum de transmittendis, velut inanibus, opinio, quæ ad tractatus amicitia consuetam inevitabiliter necessaria & præmittenda. Et cum ea omnia sic deprehendamus, ut magis bene proposita & innocenter significata carpant atque arguantur, quam, quæ ad scopum tendunt, serio agant, est, ut malimus, non aliter habiti, ejusmodi literarum commutatione ulterius non fodicari, ex conscientia Orbis, judicio & eventus spe, satis securi, quod mala & nobis impudentur indigne & cedent in eos, a quibus tam incuriose ac temere effusa. Quibus cum Excell. &
Domin.

Domin. Vestras Divinæ committimus protectioni.
Dabantur Gottorpii, die 5. Julii, 1658.

Excell. & Domin. Vestr.

ad officia paratissimi

David Mevius.

Schweder Dietrich. Kley.

Eduard Ehrenstein.

(VI.)

Littera CAROLI GUSTAVI, Suecorum Regis, ad FRIDERICUM III. Dania Regem, quem instanter urget, quo tandem omnibus inita Pacis conditionibus sua ex parte satisfieri curet, 1658.

Nos Carolus Gustavus, Dei Gratia Suecorum, Gothorum Vandalorumque
Rex &c.

Serenissime ac Potentissime Princeps &c.

Majestatis Vestrae Legatum & Praefectum Cœnobii Mariacker, Dominum Ovenum Julium, Hæreditarium in Lundby &c. statim atque huc accessit coram admisimus, & tam ex ipso, quam Majestatis Vestrae, quas simul Nobis insinuavit, intelleximus, qua ratione Majestas Vestra non solum sibi persuadeat, quod quantum tractatus præsentis & præprimis satisfactionem Societatis Guinensis attinet, eousque se explicuerit, utin iis acquiesce-

re queamus; verum etiam firmiter credat, Nos exercitui Nostro discessum imperaturos & has provincias onere copiarum Nostrarum levaturos. Equidem Nos aliquoties antea tam per literas ad Majestatem Vestram scriptas, quam Nostros penes Majestatem Vestram commorantes Commissarios suis superque ostendimus ac iteravimus, quanto desiderio erga operis hujus perfectam consummationem feramur, & id vel maxime ob hanc causam, quod horum temporum rationes ac momenta requirant ac exigant, exercitum Nostrum jam in acie stare ac impedire, ne hostes Nostri insignes rei bene gerendæ occasiones Nobis præcipiant. Persuaseramus Nobis etiam, quemadmodum & nunc eadem spe sustentamur. futurum, ut siquidem tam pauca puncta peragenda restent, Vestra Majestas similiter eadem haut gravatim perficiat & ad optatum exitum perducatur. Nos mandata Nostra ad prædictos Commissarios Nostros ita moderati sumus, quemadmodum ipsum jus & æquitas postulant, & inter Nos ac Regna Nostra nuper inita pax permittere poterit; In firmam spem, ut amicum ac vicinum decet ingredienti, Majestatem Vestram se in hoc ipso taliter declaraturam, quo negotium isthoc quamprimum conficiatur, & una cum pacis executione illam securitatem Nobis asseramus, quam per Tractatus istos unice quaesivimus. Hinc simul atque Recessus subscriptus & ratihabitus fuerit, ne momentum quidem præterlabi patiemur, quin exercitum Nostrum moveamus & hinc discedere jubeamus. De cætero quicquid vel ipsimet vel per Deputatos Nostros

Maje-

Majestatis Vestræ supra memorato Legato aperiri fecimus, nulli dubitamus, quin non secus ac spartam a Majestate Vestra ipsi commissam egregie exornavit, eadem fide ac candore Majestati Vestræ, quæ ipsi heic significavimus, enarraturus sit. Id quod ita futurum esse confidimus, Majestatem Vestram interea tutelæ divinæ, cum voto omnis prosperitatis, ut amicum & vicinum par est, ex animo commendantes. Gottorpii, die 8. Julii, Anno 1658.

(VII.)

Littera FRIDERICI III. Danorum Regis, ad SIMONEM DE PETTEKUM, negotiorum suorum in Anglia Procuratorem, cui clementer injungit, ut apud Angliæ Protectorem rogando instet, velit Regem Sueciæ omni possibili modo eo permovere, quo tandem exercitum suum e Regno ditionibusque Danicis educat, 1658.

FRIDERICUS III. Dei Gratia, Daniæ, Norwegiæ, Wandalorum, Gothorumque Rex, &c.

Honorate, dilecte, fidelis.

FAciles conjicimus etiam in Angliâ variis sermonibus occasionem exinde subministrari, quod post pacem initam, cum plenaria exercitus Suedici eductio Calendis Maji proxime præterlapsis, juxta tenorem Instrumenti Pacis fieri debuisset, ille nihilominus ad hoc usque tempus in Regno & ditionibus Nostris, non sine maxima earum devastat

tionē ac ruina commoratus fuerit. Fieri etiam facile potest, ut qui vera rerum heic gestarum notitia destituuntur, cunctationis istius atque moræ culpam omnem in Nos conjiciant. Consultum itaque Nobis visum fuit, in adjuncto his libello de istis omnibus te accurate informare, ut ibidem apud Dominum Protectorem quam moderatissime tamen instare possis, quo inter Nos & Regem Sueciæ, fide publica, interpositione & laboriosa mediatione Domini Protectoris initæ paci satisfiat, nostrique ad incitas jam tum redacti subditi contributionibus & aliis oneribus non amplius graventur; sed exercitus Suedicus confestim educatur, Nosque Pacis fructibus tandem frui valeamus: præsertim, cum, fervente bello, tam gravi & intolerabili onere, subditi Nostri haut gravati fuerint, quam quod ipsis nunc imponitur, non habita ratione, quod Nos, quantum Nobis incubuit, traditione Provinciarum Scaniæ & Bleckingiæ munimentorumque in iis sitorum, Præfecturarum Bahusienfis & Nidrosienfis (quæ duæ Præfecturæ mediam ferme partem Regni Nostri Norwegiæ faciunt & æquant) Item evacuatione castri Bremerverdensis, bis mille equitum traditione, satisfactione Celsissimo Principi Slesuici Holsatiæ-Gottorpiensi Duci præstita, restitutione navium sale onustarum, cum omnibus mercibus cæterarumque rerum omnium, quæ in instrumento pacis continentur, impletione officio Nostro & paci plenarie satisfacimus, & insuper ad pacem & tranquillitatem retinendam Insulam Wenam, licet ad Scaniam non pertineat, Regi Sueciæ cesserimus: cum ta-

men

men e contrario & ex parte Regis Sueciae Insulae Fionia & Langelandia, universa Jutia, ut & Ducatus Slesuicenfis & Holsatiae Nobis restituti non fuerint, sed ab universo Suedico exercitu in hunc usque diem perquam graviter premantur, ut multi subditorum Nostrorum, domiciliis & possessionibus suis relictis, jam solum vertere coacti fuerint, pars belli oneribus fatigati concidant & ad desperationem adigantur. Ex quibus calamitatibus, ut emergamus & eripiamur, aliud sane remedium nunc non occurrit, nisi maxime aestimata autoritas Domini Protectoris, cujus interpositione pax coecluit, quique vel hoc nomine indemnes Nos praestare merito debet, Regi Sueciae aliam mentem inducat, ut exercitum suum e Nostreis Regionibus tandem velit educere. Et quanquam a parte Regis Sueciae objiciatur, controversiam de praeda Guineensi ad finem nondum perductam esse; scias tamen, Nos majorem pecuniae summam, quam quae, habita ratione aequitatis, postulari potuisset, in satisfactionem obtulisse. Et si vel maxime de uno seu altero negotio nondum plane convenisset, veniam tamen apud aequos rerum arbitros invenire non poterit, Nos post pacem sancitam, ab universo exercitu premi, provincias Nostras omni modo desolari & omni jure neglecto, viribus & nervis privari. Quapropter his ipsis clementissime tibi mandamus, ut apud Dominum Protectorem rogando maximopere instes, velit Regem Sueciae tam per literas, quam per Legatos suos eo permove-
vere, ut sine ulteriori cunctatione exercitum suum e Regno Nostro ac ditionibus educat, quemadmo-
dum

dum jus & æquitas illud ipsum requirunt & constitutæ paci omnino consentaneum est. Atque ut hæc te diligenter curaturum confidimus, ita quamprimum responsum a te, expectamus. Regia interim gratia te sincere complectentes. Datum Hassniæ, die 6. Augusti, 1658.

(II X.)

Litera BARTHOLDI HARTWIGII BÜLOVII, summi Præsidio Thoruniensi a Rege Suecia Præfecti, ad NICOLAUM PRAZMOVIVM, supremum Regni Polonia Cancellarium, præjudicium in literis sibi transmissis Regii tituliratione metuendum modeste declinantes, 1658.

Cum Sac. Reg. Majestatis Domini mei Clementissimi Ministris serio sit ac graviter præscriptum, qua illi ratione circa eas uti debeant literas, quæ ab alia quam ab amica manu proficiuntur, præsertim si præjudicium aliquod juris dignitatisque Regiæ ciere possint, atque ego in illis, quas cum debita veneratione a Serenissimo Rege Polonia hesternæ die accepi, Sueciæ titulum præter usum & consuetudinem Polonico esse adjunctum animadvertèrim, nolui committere, quin id Reverendæ Vestræ Excellentiæ significarem atque eadem opera rogarem diligentissime, ne huic rei autoritate sua in Cancellaria remedium adhibere gravetur. Cum enim sine certissimo Regiæ indignationis periculo nemini ejusmodi literas recipere liceat, videt Reverendissima Vest. Excell. quantæ inde difficultates nasci brevi possint. Futurum confido, cum hu-

jus

jus controversiæ compositio in Regionum Ministrorum potestate non sit, acceptarum autem talium literarum culpa inexcusabilis, pro cognita sua prudentia ac æquitate Rever. Vest. Excell. prævisuram, ne quisquam nostrum ancipiti & difficili defensione oneretur. Ab ea præterea enixe peto, ut quæ de hujus urbis statu impostero conficiendæ erunt literæ, illæ ut ad Illustrissimum & Excellentissimum Dominum Comitem Benedictum Oxenstierna pariter atque ad me perscribantur. Si qua in re ego vicissim Rever. Vest. Excell. studia mea declarare potuero, faciam ut promptum me & paratum semper inveniat. Dabantur Thorunii, d. 14 Novembr. 1658.

(IX.)

Responsoria NICOLAI PRAZMOVII, supremi Regni Polonia Cancellarii, ad præinscribas BARTHOLDI HARTWIGII BÜLOVII, supremi, qui in Presidium Thorunenſe imperium militare exercebat, Præfeti, cui simul urbis ad incitas redacta honestam deditionem suadet, 1658.

Non est sane, quod Illust. Vestram afficiat, literas Serenissimi Regis Nostri Dominique Clementissimi Poloniæ simul ac Sueciæ titulos conjungere. Ab omnibus certe Principibus Europæis talis inscriptio (ut jus interim sileam) cum usurpatur tum approbatur. Nec ratio igitur nec consuetudo facit in adversum, cum pro nobis militent ambæ. Neque mihi facile persuaserim Illust. Vestram vel poenam a suo Principe, vel ullam serio

reformidare, id quod scribit, notam, si literas eodem, quo nuper inscriptæ modo legendas admittat. Mei quoque non est muneris & placiti, candide profiteor Cancellariæ stylum, licet id urgeat Illustritas Vestra, immutare, ubi præsertim Serenissimo Regi meo Dominoque Clementissimo tantum derogetur. Noverit itaque Illustr. Vestra, in literis, si quæ deinceps Thorunium dabuntur, titulum Regni Sueciæ a Serenissimo nequaquam intermittendum, quem quamquam Stumdorfianis olim pactis permiserimus, vim tamen illa amifere suam, ex quo rupta fides est, fœdera que a prioribus per invasionem Poloniae violata. Sed super his interim lis, ut ajunt, non litigetur, & alias talibus occasio locusque relinquendus ad Illustr. Comitem de Oxenstierna suâ Illustr. Vestræ scribo, facturus id ipsum antea non gravate, si quid hinc accessorium ad publicam utilitatem rectumque urbis obsessæ statum momenti censuisssem. Nunc spero non vane Illustr. Vestras in commune, quod suis rebus sit salubrius, consulturas. Iisdem Illustr. Vestris nomine Serenissimi Regis nostri Domini que Clementissimi denuncio, dari utrique tum Illustr. scilicet Vestræ, tum Illustr. Comiti ab Oxenstierna potestatem scribendi mittendique literas ad Illustr. Generalem Mariæburgum. Nec est quod fidem Nostram dubiam habeant vel suspectam, modo ne missionibus istis tempus duntaxat trahatur, solæque nobiscum nectantur moræ, quo sese provehat bruma. Constat enim Illustr. Vestræ Sereniss. Regis Nostri Domini Clementissimi constantiam nullis cœlorum curarumque injuriis ac inclementiis a proposito dimovendam, nec ab hac urbe

reces-

recessuram prius suam Majestatem, quam urbs ipsa suæ sit, (superis faventibus) potestatis. De Statu Regis Vestri quicquid olim a me significatum Illust. Vestris fuit, indubitatum est. Alia insuper certissima utpote sæpius jam confirmata scribo. Eundem nempe obsessam diutius Coppenhagam reliquisse solvisseque obsidionem. In Baltico victum navali prælio cum reliquis suorum Croneburgum se ægre recepisse, ubi copiis Danorum & Hollandorum cinctus talione mirabili ipsemet nunc obsidetur. Tam angusta Principis sui res versaque fortuna omnem Illust. Vestræ suppetiarum spem intercepit; cum iisdem indigeat ipse, qui ferre posset. Proinde Illust. Vestræ maturo subsit judicio, num non expedientius sit Serenissimi Regis Nostri clementiam experiri, urbemque restitui, quam eidem ad perniciem inhærere. In omnibus quæ bona utriusque partis spectant, meam ego Illust. Vestræ operam simulque studia deferò mea. Datum in Castris ad Vallum urbis Thorunii positis, die 25. Novembr. 1658.

(X).

Littera BARTHOLDI HARTWIGII BÜLOVII, Primarii Præsidii Thoruniensis Gubernatoris, ad NICOLAUM PRAZMOVIIUM, Supremum Regni Polonia Præfectum, a quo obnixè contendit, velit sibi a Rege Polonia impetrare libertatem mittendi ad Regium Fratrem Marienburgum versus personam quandam, quæ ab ipsa dedenda urbis veniam rogare queat, 1658.

Non

Non sine justa ratione Rever. Vestra Excell. literis suis subjecit illam de Regnorum titulis controversiam alius loci esse alteriusve occasionis. Mei muneris non est neque facultatis, eam litteris componere. Sed quemadmodum Serenissimi Regis Sui sarta atque recta conservare cupit Rever. Excell. Vest. ita nos nihil unquam commissuri sumus quo Sacra Reg. Maj. Domini nostri clementissimi dignitati ullum præjudicium creari possit. Reliqua tanto minus tango. Illud a Reverendissima Vestra Excellentia denuo peto, Serenissimus Rex Poloniae quo nobis gratiose permittat, ut unum vel alterum ex nostratibus ad Serenissimum Principem Regium fratrem Mariaeburgum dimittere possimus. Novit Vestra Rever. Excell. legibus nostris militariibus capitale esse, si sine scitu & mandato supremi belli præfecti, si neque gravi necessitate, urbs aliqua hosti cesserit & præsidium deductum fuerit. De ea ergo re cum nihil in mandatis habeam, neque vehementioribus incommodis hætenus urgeamur, illa autem quæ significanda habemus & ad Serenissimi Principis notitiam pertinent, literis explicari commode non possint, necesse omnino est, ut alia ratione Serenissimi Principis mente doceamur. Persuadere sibi poterit Reverendissima Vestra Excell. non ideo illud nos rogare, quo pauxillum temporis lucrifaciamus, sed ut securitati nostræ prospiciamus. Citius etiam ita fortassis propositum finem Reverendissimæ & Illustrissimæ Excellentiae Vestrae assequantur, quam si in aliis consiliis perstiterint. Interim studia mea operamque vicissim Reverendissimæ

ma Excell. Vestre offero. Dabantur Thorunii,
die 18 Novembr. 1658.

(XI.)

*Littere NICOLAI PRAZMOVII, Supremi Regni
Polonia Cancellarii, ad BENEDICTUM O-
XENSTIERNAM, Regni Suecia Senatorem &
Cancellaria Consiliarium, quibus ad precedentes
Bülovii litteras respondet, & oblata litterarum Ma-
riaburgum mittendarum venia denuo dedenda
urbis mentionem injicit, 1658.*

Non leve nobis Christiani sanguinis pretium
est, nec ejus profecto sumus helluones, invitæ
vel stillatæ soliti fundere, nisi necessitas extrema po-
scat. Eam quoque nunc imponit Seren. Regi Domi-
nioque nostro longe clementissimo asperior Illustr.
Vestrarum in urbis deditio voluntas, quæ si con-
siliū amiserit, durius certe debet emollire fa-
tum. Non enim ab opere nos destitisse sibi persua-
deant, sed ipsimet brevi proximos, Dei auxilio, fu-
turos ubi bonamque mentem ab obstinatis expres-
suros; Illa tamen est Serenissimi Regis Domini-
que clementissimi indoles ac benignitas, ut exitio
esse soli velit volenti, quam optimi Principis bene-
volentiam & Illustr. Vestra non dubito quia ultro
acceptura imo ambitura sit, & aliis persuasura, ne
clementissimi Principis animum diutius irritent,
gravioraque remedia male affectis in Sacram Ma-
jestatem suam mentibus adhibenda præstolentur.
Quod si Illustr. Excell. Vestra Serenissimo se suaque
permiserit, cæterosque ad idem induxerit præstan-

dam promptam apud Serenissimum gratiam favoremque fidat, sciatque inventuram. Ut ad Illustrissimum Generalem Mariæburgum literas scribat & mittat Excell. Vest. Illustrissima indulget Sacra Reg. Majestas; quod ipsum Illustrissimo quoque Generali Bülow permissum est. Quisnam rerum Suecicarum sit status, habet a me perscriptum (nec fallere novimus) Illustrissimus Generalis. Illud Illustrissimæ Excellentie Vestræ certissimum esto, nullum Illustritates Vestras subsidium sperare a suis posse, in quo sinceram fidem meam interpono. Consultissimum itaque Illustrissima Vestra Excellentia factura, si tam arctis sui Principis rebus Serenissimi Regis nostri clementiam fuerit amplexa. In quo meam Illustrissimæ Vestræ Excellentie operam studiaque non defutura, quæ Illustritati Vestræ nunc quoque defero liberaliter, sancte promitto. Dabam in castris ad Thorunium die 25. Novembr. 1658.

(XII.)
*Responsoria BENEDICTI OXENSTIER-
 NÆ, ad preinsertas NICOLAI PRAZ-
 MOVII literas, quibus se oblatam mittenda-
 rum Marienburgum literarum veniam grata men-
 te recepisse, res tamen suas majori cum securitate
 fore conjunctas, asserit se sibi per Regem Polonia ali-
 quem e suis Marienburgum versus mittere fuerit
 licitum, 1658.*

DE Urbano negotio cum ad me jam quoque
 scribere voluerit Reverendissima Vestra Excel-
 lentia & omnem prodigi sanguinis animi su-
 spicio.

spicionem a se amovere, causam me contestandi
nactum existimo nihil Christiano nomine esse con-
venientius, quam sanguini parcere, nihil supremo
Numini gratius, quam a cadibus temperare. Id
propositum, ut pium credimus, ita servatum a no-
bis fuit, & erit servandum. Neque tamen quod
in tuenda urbe fidem Sac. Reg. Majestati Domino
nostro Clementissimo præstemus & constantiam,
obstinati dicendi sumus, omnium & vel ipsius Re-
ver. Vest. Excellentiae judicio damnandi, si ab
officio nostro turpiter deflecteremus. Benigni-
tatem interea Regis agnosco, quod ex Serenissimo
Principe Regio fratre exquirere nobis liceat, quid
ille de hac urbe constitutum habeat. Id vero ita
concedere Regiam Majestatem putamus, ut de
mente & voluntate Serenissimi Principis constare
nobis certo & indubitate queat. Unam nobis in
eum finem literarum rationem Reverendissima Ve-
stra Excellentia proponit, illam ut haud quaquam
plane rejicimus, ita nudam & parum ad scopum
aut securitatem habere momenti sentimus. Vidi-
mus nuper quæ nomen manumque Serenissimi
Principis circumferrent, atque ita comparatas vi-
dimus, ut suspensos nos animo atque ambiguos re-
liquerint. Absit nihilominus, ut quicquam hic
vituperemus, fuit ubique sua ingenio laus & gloria,
imo memoria & Christianis annalibus dignum ju-
dicamus, mentis potius acie quam ferri vicisse. Sed
illandabile est, securius agere, nihil cavere atque
negligenter circumspicere. Quare cum solis li-
teris confidere minus aliquanto tutum arbitremur,
Reverendissimam Excellentiam Vestram denuo ro-

go, ut potestas mihi fiat unum atque alterum ex Nostratibus Mariæburgum mittendi. Haud difficulter id impetraturos nos spero, si Nostræ res deteriori in Dania sint loco, atque, ut ingenue fatear, eo Nobis potissimum sit prospiciendum. Perpendimus multa, aptius autem reperire nihil potuimus. Quod si Reverendissimæ Vestræ Excellentie pro cognita sua prudentia, modum alium, quo satisfieri securitati Nostræ possit, suppeditare placuerit, amplectemur libenter. Moram non necimus, quemadmodum nec causam, multo minus etiam agimus subdole. Atque si vera dicenda sunt, citius fortassis finis huic obsidioni hoc modo imponi poterit, quam alio ullo. Reverendissimæ Excellentie Vestræ, quod alias feci, officiorum Studiorumque meorum promptitudinem spondeo, eamque rectissime valere cupio, Dabantur Thorunii die 18. Nov. 1658.

(XIII.)

Littere FRIDERICI III. Danie Regis, ad STEPHANUM IN CZARNCA CZARNIECKI, Terrarum Russiæ Palatinum, & exercituum Regis Polonia Generalem, cujus heroicam in conflictibus cum Svecis commissis virtutem egregiis meritis encomiis, 1658.

Fridericus III. Dei Gratia Daniæ, Norvegiæ, Vandalorum, Gothorumque Rex, Dux Slesvici, Stormariæ ac Dithmarsiæ, Comes in Oldenburg ac Delmenhorst &c. Singulari favore ac benevolentia Nostra præmissis.

*Illustrissime Domine, sincere grateque
Nobis dilecte.*

MAxima cum existimatione Nobis relatum est, quomodo Illustritas Vestra diversis conflictibus, novissime etiam in occupatione Insulæ Alsen, sitorumque in ea Castellorum inter alias hostis copias, numero militum plus quam triplo suis fortiores, præviis agmini profligando, virtutem suam vere heroicam, eum clade & admiratione omnium exercuerit. Quemadmodum nobis semper de Illustrit. Vestra, utpote Duce rebus gestis clarissimo, gratulati sumus, affectumque Serenissimi Regis Vestri fraternum in auxilium armorum Nostrorum Illustr. Vestram submitiendo abunde deprehendimus: Ita benevolentiam Nostram Regiam, quam meritis suis etiam apud Nos Illustrit. Vestra acquisivit, contestari hisce volumus, ex animo optantes, ut felicissimis quibuscunque successibus fama Illustr. Vestræ, non solum Patriæ, sed exteris etiam cognita, universo orbi, præsertim huic Arctoo, magis magisque innotescat. De cætero certo sibi persuadeat Illustr. Vestra, Nos quicquid officiorum Nobis præstitum fuerit, grato animo omni que favore Regia cum Deo & tempore agnitos. Dabantur in arce Nostra Regia Hassniæ die 24. Dec. Anno 1658.

In fronte literarum titulus.

Illustrissimo sincere grateque Nobis dilecto Domino, Domino Stephano in Czarnca Czarniecki, Terrarum Russiæ Palatino, Exercituum Regis Poloniæ Generali &c. &c.

reformidare, id quod scribit, notam, si literas eodem, quo nuper inscriptæ modo legendas admittat. Mei quoque non est muneris & placiti, candide profiteor Cancellariæ stylum, licet id urgeat Illustritas Vestra, immutare, ubi præsertim Serenissimo Regi meo Dominoque Clementissimo tantum derogetur. Noverit itaque Illustr. Vestra, in literis, si quæ deinceps Thorunium dabuntur, titulum Regni Sueciæ a Serenissimo nequaquam intermittendum, quem quamquam Stumdorfianis olim pactis permiserimus, vim tamen illa amisere suam, ex quo rupta fides est, fœdera que a prioribus per invasionem Poloniæ violata. Sed super his interim lis, ut ajunt, non litigetur, & alias talibus occasio locusque relinquendus ad Illustr. Comitem de Oxenstierna suasu Illustr. Vestræ scribo, facturus id ipsum antea non gravate, si quid hinc accessurum ad publicam utilitatem rectumque urbis obsessæ statum momenti censuissem. Nunc spero non vane Illustr. Vestras in commune, quod suis rebus sit salubrius, consulturas. Iisdem Illustr. Vestris nomine Serenissimi Regis nostri Domini que Clementissimi denuncio, dari utrique tum Illustr. scilicet Vestræ, tum Illustr. Comiti ab Oxenstierna potestatem scribendi mittendique literas ad Illustr. Generalem Mariæburgum. Nec est quod fidem Nostram dubiam habeant vel suspectam, modo ne missionibus istis tempus duntaxat trahatur, solæque nobiscum nectantur moræ, quo sese provehat bruma. Constat enim Illustr. Vestræ Sereniss. Regis Nostri Domini Clementissimi constantiam nullis cœlorum curarumque injuriis ac inclementiis a proposito dimovendam, nec ab hac urbe
reces-

recessuram prius suam Majestatem, quam urbs ipsa suæ sit, (superis faventibus) potestatis. De Statu Regis Vestri quicquid olim a me significatum Illust. Vestris fuit, indubitatum est. Alia insuper certissima utpote sæpius jam confirmata scribo. Eundem nempe obsessam diutius Coppenhagam reliquisse solvisseque obsidionem. In Baltico victum navali prælio cum reliquis suorum Cronenburgum se ægre recepisse, ubi copiis Danorum & Hollandorum cinctus talione mirabili ipsemet nunc obsidetur. Tam angusta Principis sui res versa que fortuna omnem Illustr. Vestræ suppetiarum spem intercepit; cum iisdem indigeat ipse, qui ferre posset. Proinde Illustritatis Vestræ maturo subsit judicio, num non expedientius sit Serenissimi Regis Nostri clementiam experiri, urbemque restitui, quam eidem ad perniciem inhæreret. In omnibus quæ bona utriusque partis spectant, meam ego Illustr. Vestræ operam simulque studia defero mea. Datum in Castris ad Vallum urbis Thorunii positis, die 25. Novembr. 1658.

(X).

Littera BARTHOLDI HARTWIGII BÜLOVII, Primarii Præsidii Thoruniensis Gubernatoris, ad NICOLAUM PRAZMOVIIUM, Supremum Regni Polonia Præfectum, a quo obnixè contendit, velit sibi a Rege Polonia impetrare libertatem mittendi ad Regium Fratrem Mariaburgum versus personam quandam, quæ ab ipsa dedenda urbis veniam rogare queat, 1658.

Non

Non sine justa ratione Rever. Vestra Excell. literis suis subjecit illam de Regnorum titulis controversiam alius loci esse alteriusve occasionis. Mei muneris non est neque facultatis, eam litteris componere. Sed quemadmodum Serenissimi Regis Sui facta atque recta conservare cupit Rever. Excell. Vestra, ita nos nihil unquam commissuri sumus quo Sacra Reg. Maj. Domini nostri clementissimi dignitati ullum præjudicium creari possit. Reliqua tanto minus tango. Illud a Reverendissima Vestra Excellentia denuo peto, Serenissimus Rex Poloniae quo nobis gratiose permittat, ut unum vel alterum ex nostratibus ad Serenissimum Principem Regium fratrem Mariaeburgum dimittere possimus. Novit Vestra Rever. Excell. legibus nostris militariibus capitale esse, si sine scitu & mandato supremi belli præfecti, si neque gravi necessitate, urbs aliqua hosti cesserit & præsidium deductum fuerit. De ea ergo re cum nihil in mandatis habeam, neque vehementioribus incommodis hætenus urgeamur, illa autem quæ significanda habemus & ad Serenissimi Principis notitiam pertinent, literis explicari commode non possint, necesse omnino est, ut alia ratione Serenissimi Principis mente doceamur. Persuadere sibi poterit Reverendissima Vestra Excell. non ideo illud nos rogare, quo pauxillum temporis lucrifaciamus, sed ut securitati nostræ prospiciamus. Citius etiam ita fortassis propositum finem Reverendissimæ & Illustrissimæ Excellentiae Vestrae assequuntur, quam si in aliis consiliis perstiterint. Interim studia mea operamque vicissim Reverendissimæ

ma Excell. Vestrae offero. Dabantur Thorunii,
die 18. Novembr. 1658.

(XI.)

*Littere NICOLAI PRAZMOVII, Supremi Regni
Poloniae Cancellarii, ad BENEDICTUM O-
XENSTIERNAM, Regni Sueciae Senatorem &
Cancellariae Consiliarium, quibus ad precedentes
Bülovii litteras respondet, & oblatae litterarum Ma-
riaburgum mittendarum venia denuo dedenda
urbis mentionem inficit, 1658.*

Non leve nobis Christiani sanguinis pretium
est, nec ejus profecto sumus helluones, invitæ
vel stillam soliti fundere, nisi necessitas extrema po-
scent. Eam quoque nunc imponit Seren. Regi Domi-
noque nostro longe clementissimo asperior Illustr.
Vestrarum in urbis deditione voluntas, quæ si con-
siliū amiserit, durius certe debet emollire fa-
tum. Non enim ab opere nos destitisse sibi persua-
deant, sed ipsimet brevi proximos, Dei auxilio, fu-
turos ubi bonamque mentem ab obstinatis expres-
suros; Illa tamen est Serenissimi Regis Domini-
que clementissimi indoles ac benignitas, ut exitio
esse soli velit volenti, quam optimi Principis bene-
volentiam & Illustr. Vestra non dubito quia ultro
acceptura imo ambitura sit, & aliis persuasura, ne
clementissimi Principis animum diutius iritent,
gravioraque remedia male affectis in Sacram Ma-
jestatem suam mentibus adhibenda præstolentur.
Quod si Illustr. Excell. Vestra Serenissimo se suaque
permiserit, cæterosque ad idem induxerit præstan-

dum promptam apud Serenissimum gratiam favoremque fidat, sciatque inventuram. Ut ad Illustrissimum Generalem Mariæburgum literas scribat & mittat Excell. Vest. Illustrissima indulget Sacra Reg. Majestas; quod ipsum Illustrissimo quoque Generali Bülow permissum est. Quisnam rerum Suecicarum sit status, habet a me perscriptum (nec fallere novimus) Illustrissimus Generalis. Illud Illustrissimæ Excellentie Vestræ certissimum esto, nullum Illustritates Vestras subsidium sperare a suis posse, in quo sinceram fidem meam interpono. Consultissimum itaque Illustrissima Vestra Excellentia factura, si tam arctis sui Principis rebus Serenissimi Regis nostri clementiam fuerit amplexa. In quo meam Illustrissimæ Vestræ Excellentie operam studiaque non defutura, quæ Illustritati Vestræ nunc quoque defero liberaliter, sancte promitto. Dabam in castris ad Thorunium die 25. Novembr. 1658.

(XII.)
*Responsoria BENEDICTI OXENSTIER-
 NÆ, ad præinsertas NICOLAI PRAZ-
 MOVII literas, quibus se oblatum mittenda-
 rum Marienburgum literarum veniam grata men-
 te recepisse, res tamen suas majori cum securitate
 fore conjunctas, asserit se sibi per Regem Polonia ali-
 quem e suis Marienburgum versus mittere fuerit
 licitum, 1658.*

DE Urbano negotio cum ad me jam quoque
 scribere voluerit Reverendissima Vestra Excel-
 lentia & omnem prodigi sanguinis animi su-
 spicio.

spicionem a se amovere, causam me contestandi nactum existimo nihil Christiano nomine esse convenientius, quam sanguini parcere; nihil supremo Numini gratius, quam a cædibus temperare. Id propositum, ut pium credimus, ita servatum a nobis fuit, & erit servandum. Neque tamen quod in tuenda urbe fidem Sac. Reg. Majestati Domino nostro Clementissimo præstemus & constantiam, obstinati dicendi sumus, omnium & vel ipsius Rever. Vest. Excellentia judicio damnandi, si ab officio nostro turpiter deflecteremus. Benignitatem interea Regis agnosco, quod ex Serenissimo Principe Regio fratre exquirere nobis liceat, quid ille de hac urbe constitutum habeat. Id vero ita concedere Regiam Majestatem putamus, ut de mente & voluntate Serenissimi Principis constare nobis certo & indubitate queat. Unam nobis in eum finem literarum rationem Reverendissima Vestra Excellentia proponit, illam ut haud quaquam plane rejicimus, ita nudam & parum ad scopum aut securitatem habere momenti sentimus. Vidimus nuper quæ nomen manumque Serenissimi Principis circumferrent, atque ita comparatas vidimus, ut suspensos nos animo atque ambiguos relinquerint. Absit nihilominus, ut quicquam hic vituperemus, fuit ubique sua ingenio laus & gloria, imo memoria & Christianis annalibus dignum judicamus, mentis potius acie quam ferri vicisse. Sed illaudabile est, securius agere, nihil cavere atque negligenter circumspicere. Quare cum solis literis confidere minus aliquanto tutum arbitremur, Reverendissimam Excellentiam Vestram denuo ro-

go, ut potestas mihi fiat unum atque alterum ex Nostratibus Mariæburgum mittendi. Haud difficulter id impetraturos nos spero, si Nostræ res deteriori in Dania sint loco, atque, ut ingenue fatear, eo Nobis potissimum sit prospiciendum. Perpendimus multa, aptius autem reperire nihil potuimus. Quod si Reverendissimæ Vestræ Excellentia pro cognita sua prudentia, modum alium, quo satisfieri securitati Nostræ possit, suppeditare placuerit, amplectemur libenter. Moram non nectimus, quemadmodum nec causam, multo minus etiam agimus subdole. Atque si vera dicenda sunt, citius fortassis finis huic obsidioni hoc modo imponi poterit, quam alio ullo. Reverendissimæ Excellentia Vestræ, quod alias feci, officiorum Studiorumque meorum promptitudinem spondeo, eamque rectissime valere cupio, Dabantur Thorunii die $\frac{18}{28}$ Nov. 1658.

(XIII.)

Litera FRIDERICI III. Dania Regis, ad STEPHANUM IN CZARNCA CZARNIECKI, Terrarum Russiæ Palatinum, & exercituum Regis Polonia Generalem, cujus heroicam in conflictibus cum Svecis commissis virtutem egregiis meritis encomiis, 1658.

Fridericus III. Dei Gratia Daniæ, Norvegiæ, Vandalorum, Gothorumque Rex, Dux Slesvici, Stormariæ ac Dithmarsia, Comes in Oldenburg ac Delmenhorst &c. Singulari favore ac benevolentia Nostra præmissis.

Ille,

*Illustrissime Domine, sincere grateque
Nobis dilecte.*

Maxima cum existimatione Nobis relatum est, quomodo Illustritas Vestra diversis conflictibus, novissime etiam in occupatione Insulæ Alsen, sitorumque in ea Castellorum inter alias hostis copias, numero militum plus quam triplo suis fortiores, prævius agmini profligando, virtutem suam vere heroicam, eum clade & admiratione omnium exercuerit. Quemadmodum nobis semper de Illustrit. Vestra, utpote Duce rebus gestis clarissimo, gratulati sumus, affectumque Serenissimi Regis Vestri fraternum in auxilium armorum Nostrorum Illustr. Vestram submittendo abundeprehendimus: Ita benevolentiam Nostram Regiam, quam meritis suis etiam apud Nos Illustrit. Vestra acquisivit, contestari hisce volumus, ex animo optantes, ut felicissimis quibuscunque successibus fama Illustr. Vestræ, non solum Patriæ, sed exteris etiam cognita, universo orbi, præsertim huic Arctoo, magis magisque innotescat. De cætero certo sibi persuadeat Illustr. Vestra, Nos quicquid officiorum Nobis præstitum fuerit, grato animo omnique favore Regia cum Deo & tempore agnitu-
ros. Dabantur in arce Nostra Regia Hassniæ die 24. Dec. Anno 1658.

In fronte, literarum titulus.

Illustrissimo sincere grateque Nobis dilecto Domino, Domino Stephano in Czarnca Czarniecki, Terrarum Russiæ Palatino, Exercituum Regis Poloniæ Generali &c. &c.

(XIV.)

Litera CAROLI II. Magnæ Britannia Regis, ad CAROLUM XI. Svecorum Regem, cui se nuper ad avita Regna sua placide & tranquille restitutum esse nuntiat, & sincera sanctioris inter Reges necessitudinis officia offert, 1661.

Carolus, Dei Gratia, Magnæ Britannia, Franciæ & Hiberniæ Rex, Fidei Defensor &c. Serenissimo ac Potentissimo Principi, Domino Carolo, eadem Gratia, Svecorum, Gothorum, Vandalorumque Regi & Principi Hæreditario, Magno Principi Finlandiæ, Duci Scaniæ, Esthoniæ, Livoniæ, Careliæ, Bremæ, Verdæ, Stetini, Pomeraniæ, Cassubiæ & Vandalia, Principi Rugiæ, Domino Ingridiæ & Wismariæ nec non Comiti Palatino Rheni, Bavaræ, Juliaci, Cliviæ & Montium Duc, Fratri, Consanguineo & amico nostro charissimo salutem & prosperos rerum successus!

Serenissime ac Potentissime Princeps, Frater, Consanguinee, & Amice charissime.

Post Dei optimi maximi clementiam, qua nuper ad avita Regna nostra placide & tranquille restituti sumus, nihil nobis acceptius optatiusve accidere potest, quam benevolæ amicorum gratulationes, quibus tum Divini favoris subinde admonemur, tum excitamur etiam ad justam erga dictos amicos gratitudinem. Inter illos illustrissimus Otto Wilhelmus Königsmark, Comes in Westerwick, missus ad Nos a Serenitate Vestra Able-

Ablegatus Extraordinarius, præcipue charus gratusque Nobis accessit; quem ideo singulari affectu excepimus, tam ratione meritorum suorum, quam propensionis Vestrae erga nos effusissimæ, cuius ipse venit nuntius & interpres. Serenitas Vestra facile credet, nos potestate, qua muniti sumus, semper usuros esse, ad mutuam regnorum Nostrorum defensionem & Dei gloriam. Cujus tutelæ Serenitatem Vestram animitus commendamus. Dab. e Palatio Nostro Westmonast. tertio die Maji 1661.

Serenitatis Vestrae

Bonus Frater & Consan-

guineus

CAROLUS REX.

Guilielmus Mauritius.

(XV.)

Litteræ LUDOVICAE MARIAE, Reginae Poloniae, ad EXERCITUM POLONICUM, nexu charitativo junctum, cui periculosa in Patriam consilia dissuadet, suosque ad ipsum Legatos commendat, 1661.

Ludovica Maria, Dei Gratia, Poloniae & Sveciae Regina, Magna Ducissa Lithuaniae &c. &c.

Generosi, fideliter Nobis Dilecti.

SCientes & considerantes, nullum laborem conatumque, hoc præsertim tempore, utiliore esse gratiosioreque posse censi, supra hunc,

qui sola sublevandæ salvandæque maxima ex parte debilitatæ & in dies profundius ruentis Reipublicæ perficiatur intentione. Visum ergo nobis est, pro re æquisima, & Reginali Nostræ Personæ competenti in terminis consuetæ nostræ, erga hanc Patriam propensionis, & optimi affectus stando, cum fidelitatibus Vestrīs, in negotiis, tam Rempublicam, quam Vestras tangentibus Fidelitates, per Reverendos Stanislaum Swizickij, Suffraganeum Wilnensem & Casimirum Szczuka, Custodem Posnaniensem, Legatos nostros, quibus integram dari cupimus fidem, conferte, nihil dubitantes, Fidelitates Vestras nostris æquisimis responsuras desiderijs, ad idque sua collimatura consilia studiaque, nec ex ea, ad quam mundus stupet, occasione, bellis aliquo modo aperiatur campus: Quo sibi & nobilibus suis immortalē gloriam apud seram conciliabunt posteritatem. Precamur interea, circa boni affectus Nostri declarationem, Fidelitatibus Vestrīs bonam a Deo salutem. Dat. Varsaviæ d. 25. Oct. 1661.

(XVI.)

Responsoria EXERCITUS POLONICI, nexu fœderatiōis vincti, ad præinsertas LUDOVICÆ MARIAE, Reginae Poloniae, literas, 1661.

**Serenissima, ac Clementissima Regina,
Domina, Domina Nostra Clemē-
tissima.**

Semper Exercitus Regiæ Majestatis, Domini
nostri Clementissimi & Reipublicæ aucupando
sibi

sibi perennantem apud fera secula gloriam, ad minimum Regiæ Majestatis, vel etiam Ductorum suorum nûm, ad Patriæ paratissimus erat defensionem. Et ad præsens hoc idem, inextinguibili erga eam flagrando amore, paratus fuit re ipsa contestari, nisi hisce illius votis, summus, quo premitur, ex tam longa meritorum expectatione, secutus non obstitisset defectus, in hosticumque progredi poneret obices. Et quoniam Sacra Vestra Reginalis Majestas, tanquam verissima Patriæ nostræ mater, Exercitus condolendo vicibus, prætensiones & necessitates ejus omni curâ & solertia promovere intendit, maximas universus Serenissimæ Vestræ agit gratias Majestati Exercitus. Desideria per Legatos Reginalis Majestatis Vestræ proposita gratissima Exercitus acceptavit mente, ad eaque realem dedit declarationem. Cæterum, universas suas injurias, damna, exinanitiones, cruoris effusiones, vulnera, mutilationes, aliasque in genere omnes necessitates Sacratæ Vestræ Reginalis Majestatis totaliter subjiciendo pedibus, exercitus Favori se & Clementiæ Sacræ Reginalis Majestatis Vestræ humillime recommendat. Dabantur Anno 1661.

(XVII)

Littera JOHANNIS CASIMIRI, Poloniae Regis, ad TOTAM UNIVERSITATEM TRIUM CIVITATUM REGIOMONTANARUM, quibus eam gratia sua, & constantis Privilegorum avitorum patrocinii securos esse jubet, 1662.

Johannes Casimirus Dei Gratia Rex Poloniae,

niz, Magnus Dux Lithuania, Russia, Prussia, Masovia, Samogitia, Livonia, Smolenscia, Czernicoviaque, nec non Suecorum Gothorum Vandalorumque Rex.

Spectabiles fideliter Nobis dilecti.

PErgrave Nobis accidit, eam a Fidelitatibus Vestris jam olim præconceptam in hoc usque tempus foveri mentem; Nos, summa licet adactos necessitate, dum pacta cum Serenissimo Electore Brandenburgico, Affine, consanguineo ac Fratre Nostro, innovaremus, per quæ supremum Jus Domini in Ducatu Prussia concedendum Eidem Serenissimo Electori venit, legibus & Privilegiis Fidelitatum Vestrarum derogare quicquam voluisse. Non idcirco certe præjudicium aliquod Fidelitatibus Vestris aut libertatum vel modicam diminutionem accersere intendebamus; quin imo easdem per omnia volumus salvas fartasque & rectas manere. Quod ipsum nunc etiam, quo notior provida circumspectio nostra esse possit, præsentibus Literis declaramus, animumque Regium patentem manifestamus, nunquam per hujusmodi sponsiones pactionesve, vel omnibus vel singulis, uti optime de Nobis Nostisque antecessoribus meritis statibus derogare, vel minimam nostram fuisse mentem: Nostra potius Fidelitates Vestras dignari protectione, utcumq; sinistre aliquis fuerit interpretatus, nec unquam e patrocinio quoad hunc passum, dimittere Fidelitates Vestras denunciavimus. Atque hoc erga Fidelitatum Vestrarum jura paternum est studium nostrum, quod ubi necessitas

postu-

postulaverit, palam testaturi sumus, de quo persuasas & securas esse cupimus Fidelitates Vestras Eisdem gratiam & benevolentiam Nostram Regiam contestaturi. Warfaviæ 30. Junii 1662. Regnorum Nostrorum Sueciæ & Poloniæ XV. Anno

(L. S.)

Johannes Casimirus.

Inscriptio.

Speſtabilibus fideliterque Nobis dilectis duobus Scabinorum Cniphofiensium & Löbniſienſium Collegiis, totique univerſitati trium Civitatum Regiomontanarum.

(XIIIX.)

Litteræ JOHANNIS CASIMIRI, [Polonia Regis, ad ALEXANDRUM PAPAM VII, cui, quo in arcto & præcipiti ſtatu res Polonia, ob metuendum a Turcis bellum ſint, ſubmiſſe refert, atque eum ut Reipublica tot bellis lacerata paterne ſubvenire contendat, impenſe precatur, 1667.

Poſt oſcula Beatorum pedum Sanctitatis Veſtræ, meique ac Regnorum meorum quam humillimam commendationem. Trifte omnino & quo minus ſperatum, magis dolendum Sanctitati Veſtræ nuntium fero, rem Poloniam adeo in arcto & præcipiti eſſe, ut jam non de opibus & fortunis, ſed de ſalute ipſa prope deſperetur. Chriſtiani nominis teterrimus hoſtis, & Regnorum helluo Turca, quod non ambigua & nutante fama, ſed certo certius exploratum

tum habeo, occasionem malorum nostrorum in commodum suum vertens bello me Regnumque meum impetere decrevit. Jam classicum horrendi belli Constantinopoli insonuit, jam delectus Equitum peditumque & armorum ingens apparatus per Provincias Regno meo vicinas & longius remotas habetur fervetque. Jam hostilitatis Ottomannitæ prodromi seu primi Velites Tartari, cum ad hunc usque diem societatis nomine & ostentatione læsissent, & missis nuperissime iteratis nuntiis ac literis fidem ac obsequium erga me ac gentem Polonam obfirmassent, barbære jus omne & fas abruperunt. Jam non solum partem exercitus nostri pro excubiis in Ukraina stantem & nihil adversi opinantem conspiratione cum Cosacis facta disjecerunt, sed victoriæ imperu in alias cohortes, proximis Prusiæ & Volhyniæ oris hybernantes hostiliter inveci sunt, & nonnullis facile dispersis in ultiores transvistulanas Regni mei Provincias sese effuderunt, terroremque & stragem, igne, ferro, longe lateque dedere. Cujus rei atrox fama, & flebilis vox Christiani populi, fragorque cadentis Poloniæ, tametsi non dubito, quin ad aures Sanctitatis Vestræ aliunde perveniat, tamen mei etiam officii duco calamitatum nostrarum gnaram & certiozem Sanctitatem Vestram facere, ut, quæ Parentum indulgentia est, propensiore affectu liberis magis laborantibus immiserescat, ac, quod medici solent, ubi vulnus est, ibi manum benigne apponat. Vulnus equidem acerbum & lethale barbarorum perfidia Polo-

Poloniae nuper infixit, quod ne destitucnte Christianorum Principum opera & adjutrice manu immedicabile succedat mortemq; postremo Poloniae, ac modico intervallo Christianae viciniae pestem & perniciem afferat, verendum. Antemurale Christianitatis pridem Polonia audit, quo everso ac rupto hoc velut aggere quid proclivius, quam ut Barbaria omnis Germaniam primo, mox Christianum orbem inundet: Sustinuerunt & retunderunt olim Majores mei Reges Poloniae ferociam & vim Tartarorum & Turcarum; stetit pro vallo & munimento invicta Polonorum virtus, ingenti gloria, egregia erga Christianitatem merito; Sed tot per annos continuis bellis variis eventibus per clades imo & per ipsas victorias domesticas attritos & fractos Nos non pudet fateri. Intelligat Orbis, existimet Sanctitas Vestra, non unum duntaxat Turcicum bellum Poloniae imminere, quod potentissimi etiam Reges & validissimae gentes reformidant, sed multarum & magnarum hostilitatum caena nos circumcingi. Moschus, facta cum Suecia pace, & abrupto nobiscum pacis tractatu arminatur. Casacorum toties coercita rebellio iterum surgit, quidquid barbarum aut schismaticum est, contra Poloniam Catholicae Religionis laude claram, eoque adversarius verae fidei ingratam & invisam ex composito conspirat. Haec profusius Sanctitati Vestrae non exaggero, sed perscribo, cujus Paterna gratia & Pontificia cura, mala nostra in animum, necessitates in solum libenter, uti spero, admittere dignabitur. Erubescere non potest ultima necessitas, quae nisi clementia Sancti-

Sanctitatis Vestrae sublevetur, actum & conclamatum erit. Destinavi specialem nuntium meum, auxilium ergo decenter & humiliter apud Sanctitatem Vestram implorandi, sed festinantibus periculis festinantius agere me cogit necessitas summa & vere ineluctabilis, nisi benefica manu Sanctitatis Vestrae expediatur. Hoc illud tandem venit tempus, quo Mater Ecclesia filios suos non derelinquat, sed sine protegat, subsidis juvet, arceat interitu. Hæc occasio gravissima est, qua se patrem mihi meisque populis Sanctitas Vestra ostendat, qua laboranti Christianæ Reipublicæ subveniundo tot simul beneficia non in unam duntaxat gentem Poloniam fide, obsequio & avita veneratione Sanctæ Sedis devotissimam, sed in reliquam Christianitatem dignissime & incomparabili apud Deum & Orbem merito profundatione Edidit Sanctitas Vestra magnanimæ & Pontificiæ dignitatis specimen Rempublicam Venetam & Augustissimum Imperatorem adversus eundem Turcas juvando. Quid ni sperent meam etiam varietate bellorum & temporum æcquam & in arcto positam fortunam magnitudine Pontificiæ & florentibus rebus Sanctitatis Vestrae adjutum iri. Quidni item speret Sanctitas Vestra restituta in integrum re Polonia, si vel mutuo notabilis summa mihi credatur, Apostolicæ Cameræ integre restituendam fore. Quod reliquum est Sanctitatis Vestrae Paternis curis me meique Regni presentissimas calamitates sollicitè commendo. Dabantur Varavia die 2. Januarii Anno 1667.

(XIX.)

Litteræ JOHANNIS CASIMIRI, Poloniae Regis, ad CARDINALEM SANCTA- CRUCIUM, cui, ut rebus suis, durante praesentis belli Turcici tempore, pondus addere apud Pontificem baud gravetur, amice injungit, 1667.

Gravissimæ calamitates Regni Nostri & impendentis Turcici belli inevitabile periculum adigit Nos repræsentare statum rerum Nostrarum Suae Sanctitati, ejusque paterna deprecare auxilia. Confecti enim & exhausti per tot annorum bella retundendis simul tot hostibus praesertim Turcicæ potentiae potentissimis etiam Regibus & validissimis gentibus fore dandæ parës esse soli non possumus. Adjiciet notabile momentum Illustritatis Vestrae autoritas & in rem Polonam affectus. Cujus quo certiores sumus, eo magis & libentius apud Sanctitatem suam desiderio Nostro favere cupimus & amanter requirimus. Bonam interim a Deo valetudinem Illustritati Vestrae exoptamus. Dabantur Varaviae 2. Januarii, Anno 1670.

(XX.)

Litteræ SENATORIS CUJUSDAM POLONICI, ad CARDINALEM URSINUM, Regni Poloniae Protectorem, cui literas, Regis sui summo Pontifici confestim extradendas & Regni Poloniae curam ac Patrocinium impense commendat, 1667.

Cum hætenus ignari simus, utrum Illustr. D. Palatinus Califfiensis demandatam sibi a Sacra Regia

Regia Majestate, Domino meo functionem assumpserit, præsensque Romæ sit, & negotium impetrandi subsidii contra Turcas tractet. Visum est Regiæ Majestati epistolam de conclusa pace Polono-Moschovitica nuntiatoriam per manus Excellentiae Vestrae tanquam Regni Protectoris Suae Sanctitati præsentare, quam quidem pacem magnum rebus nostris momentum allaturam Roma speramus lætissime accipiet copias epistolæ Regiæ Eminentia Vestra, quas pro ejus duntaxat informatione confidenter mitto. Ab Imperatore Romanorum, ab Electore Brandenburgico, a Duce Venetiarum accepimus responsa plena officii, & propensæ erga Poloniam voluntatis. Dominus Radzievski primorum Episcoporum, ac præcipua Domini Episcopi Cracoviensis cura & conatu (ita animi mutantur) ad magnam legationem Turcicam promotus itinere se accingit, vix tamen primis diebus April. Adrianopolim ad Aulam Otomannicam perventurum credo. Magnam spem habeo, quod dexteritas viri, utraq; fortuna exercita concurrente hac pace Moschovitica sistere, seu differre poterit hostilitatem Turcarum, tamen ut pacem abinde securam & duraturam habeamus, decrevit Seren. Reg. Maj. ingentem apparatus facere, & validissimum exercitum comparare, quo facilius barbari admiratione virium nostrarum ad reverentiam antiquam nominis Poloni flectantur, & non temporanee ad unum vel alterum annum, sed perpetuæ & solidæ paci consulatur. Quod si tamen fortuna melior aspirare incipiat, & charitativa subsidia Principum Christianorum, modo ea gratuita saltem

saltem per sex menses adsint, non dubitabit Ser. Reg. Majestas pro virium & temporum ratione bellum etiam Turcis inferre; præstat enim externo bello semper Poloniæ felici militem distineri, quam ut viscera Patriæ corruptis moribus ac disciplina soluta corrumpat & tumultuetur. Dabantur Varsoviæ Anno 1667.

(XXI.)

Littera JOHANNIS CASIMIRI, Polonia Regis, ad JOHANNEM GEORGIUM II. Saxoniam Electorem, a quo copias auxiliares sibi contra Turcas submitti obnixè rogat, 1667.

P. P.

Regnorum Christianorum continuæ prædæ inhians Turcica immanitas etiam Nostrum, ne prætextu quidem ullo, nedum justa causa gravi mole aggreditur. Jamque Tartaros a partibus Nostris avulsos & Cosacos in protectionem nostram receptos ceu prodromos in Ditiones Nostras immisit, qui delectam partem exercitus Nostri in Polonia existentem, amicitia eorum, quam Nobis etiam per nuperrimas Legationes & literas firmiter attestati sunt, securam inopinato oppresserunt, & portionem Russiæ partem crudeli excidio depopulati sunt, mox totius vasti sui Imperii viribus nos prope diem is ipse totius Christianitatis acerrimus hostis est aggressurus, innumeram gentium colluviem congregans in fines Nostros, eo evidentiori periculo, quo magis lacerum & exhaustum atrocibus bellis Regnum Nostrum sentimus. Quamobrem in tam

arctis rebus non alio præsentior recursus, quam ad benevolam & efficacem Principum Christianorum opem. Consulant & juvent amicam & de tota Republica Christiana benemeritam gentem, cujus bellica vi hæcenus barbarorum insultibus pleraque Romani Imperii vicinia immunis extitit. Serenitatem Vestram pro eo, quem Christianæ Reipublicæ semper exhibet zelo, & pro cognato nobiscum affectu peramanter poscimus, nolit deesse favore suo & subsidio Regno Christiano periclitaturo, ni opem auxiliatricem invenerit. Non enim pudet fateri invictum olim Christianitatis antemurale variis eventibus per clades, imo & per ipsas victorias ita jam fractum & debilitatum esse, ut propulsandis simul tot hostibus, Turcæ, Moscho, Cosaco, Scythæ minime sufficiamus. Quod ut pium juxta ac gloriosum erit Serenitati Vestræ, ita a Nobis & hoc ipso Regno pari condignæ gratitudinis censu eidem rependendum. Pluribus actura est nomine Nostro specialis Persona a Nobis brevi ableganda ad Serenitatem Vestram; interim festinantibus periculis festinantius agere & periculi Nostri magnitudinem exponere, ac auxilia etiam per literas præcursorias a Serenitate Vestra expetere consultum duximus. Reliquum est, ut Serenitati Vestræ bonam a Deo valetudinem & prosperitatem exoptemus. Dabantur Varsoviæ die 7. Mensis Januarii, Anno 1667.

Nota: Litera ejusdem tenoris & argumenti ad reliquos quoque Electores eadem die sunt exatale.

(XXII.)

Litteræ JOHANNIS CASIMIRI, Polonorum Regis, ad FRIDERICUM WILHELMUM, quibus ipsum, dum proximus Polonia paries atroci belli Turcici flamma arderet, res suas agi edocet, eaque de causa sufficientes sustinendo torrenti supplicias ab ipso efflaguat, 1667.

Serenissime Princeps &c.

CRedimus equidem vel ipsius tristis famæ celeritate innotuisse Serenitati Vestræ, quomodo Tartari Cosacis rebellibus nostris sociati rupto per summum scelus fœdere inopinata impressione non exiguam partem exercitus Nostri, nihil minus quam hostilitatem aliquam ab ipsis metuentis nuper in Podolia oppresserint, effusisque consveto more agminibus ferro & flamma magnam Russiæ rubræ partem perverterint, innumeram promiscui status & sexus multitudinem in fœdam abducendo servitutem, eo magis dolendo casu quo perfidiori barbarorum astu, dum hi ipsi Soltani Ductores exercitus Tartarici, paucos ante dies, litteras ad nos dederint, plenas amicæ contestationis & studiosissimæ erga fœdus juratum voluntatis, intuitu cujus obnixè rogabant, ut partem exercitus Nostri amandaremus ad conjunctionem armorum, cum ipsis contra mutuos ipsorum ac nostros hostes; sed hæc Tartarici fœdifragii simul ac damni nostri vices non sine remedio exindeque intra solatia existerent, ni altior Nos premeret cura nempe Turcicum Imperium tota virium mole proximo vere regno Nostro in-

cumbere velle, quamvis nullo nostro demerito vel causa, sed sola illa (qua immanis hæc bellua ad deglubenda Christiani Orbis Regna utitur) attritarum virium occasione ingens profecto tempestas imminet, cui avertendæ, post cœlestis anchoræ spem supremam, non aliud præsentius littus, quam amica vicinorum subsidia, quæ pro gravitate rei ac periculi ferventer imploramus. Cogitent utique alieno discrimine longe satius esse communem hostem propulsare, unitaque obniti virtute, ne dum singuli pugnemus, omnes vincamur. Quæ cura etsi ad quosvis Christiani Orbis Principes ex æquo pertinet, tamen Serenitatis Vestræ penitior sibi vendicat sensum ac trutinam, non posse non involvi casibus inprosperis Regni hujus (quos avertat Deus) Ditiones Serenitatis Vestræ utique non montium ac late patentium fluminum vel difficiliorum passuum objectu discriminatas, sed ipsi Poloniæ insitas imo ingenitas. Quamobrem Serenitatem Vestram non jam pro cognato vel affini, aut benevolo dumtaxat respectu, sed pro Christiano ac vicino stimulo poscimus; velit prout Christiani nominis causam ita sortem ac defensionem una nobiscum communem habere, & non solum patetis expressa militum manu, verum etiam contra tam ingentis hostis vires, qui Tartaris, Cosacis, utrisq; Moldavis & Hungaris cum innumera aliarum Gentium colluvie inundare Poloniam certo certius intendit, quam maxima congrua ope Nobis assistere, non tantum Poloniæ aut cognato sanguini gratificaturus, sed & alieno periculo propriam tuiturus vel quæsiturus indemnitate; Sed & apud circulos

los Principesque Imperii non gravetur Serenitas Vestra tam urgens ac pressum gravissimi periculi, quod & Nos deferimus, inculcare pondus & amico officio communes ad resistendum sollicitare quantocyus vires & auxilia. Non solum pia, sed & gloriosa Serenitati Vestrae porrigit sese occasio juvandi, imo asserendi a barbarorum illuvie amici ac studiosi Regni, quod antemurale Christianitatis pridem audit, nec corruere potest, quin ruina sua vicinos & Christianum Orbem involvat. Quod dum sincere Serenitati Vestrae repræsentamus, eidem longam incolumitatem & fortunatos successus apprecamur. Dabantur Varaviae die 7. Mensis Januarii, Anno 1667.

(XXIII.)

Littera JOHANNIS CASIMIRI, Polonia Regis, ad DOMINICUM CONTARENUM Ducem Venetiarum, a quo ad exterminandum Polonia immanissimos Christiani nominis hostes, efficax subsidium sollicite petit, 1667.

Serenissime Princeps, Amice Noster charissime.

CLadibus & ruinis Regnorum Christianorum cinhians semper Ottomannica immanitas etiam Regno Nostro nullo prætextu, nedum justa causa ingentis belli molem minari & præparare dignoscitur. Quod non ambigua fama, sed certis indicibus & documentis Nobis constat, decretam esse contra Nos hostilitatem, jamque fortalitia in proximis Regno nostro locis construi & permuniri,

jam delectus militum contra Poloniam haberi, jam Tartaros a partibus Nostreis abstractos, & Cosacos in protectionem receptos, ceu prodromos gravioris periculi in perviciem Poloniae immisos, qui non solum delectam partem exercitus nostri, eorum amicitiae securam, inopinato oppresserunt, verum etiam Russiam rubram crudeliter depopulati sunt. Crescente itaque discriminis magnitudine praecipue ob accisas vires laceri & tot cruentis bellis exhausti Regni Nostri non aliud praesentius remedium, quam recursus ad amicam opem. Hanc ab inclita Venetorum Republica implorat Polonia eo confidentiori animo, quo magis perspectum habet prudentissimum Senatum (qui toto acerrimum Reipublicae Christianae hostem mediterraneo mari per tot lustra gloriose distinet) non passurum, ut campestris Polonorum excubiae obruantur, & gens de re Christiana tam bene merita misereantibus duntaxat & non succurrentibus sociis periclitetur. Quod ut a Serenitate Vestra & tota Republica ob imminenti mali universam Christianitatem involventis periculum literario ad praesens officio expetimus; ita brevi per specialem personam a Serenitate Vestra & Republica subsidium efficax postulaturi, Eidem optimam a Deo valetudinem & laetos successus exoptamus. Dabantur Varaviae Mense Januario, Anno 1667.

(XXIV.)

Litterae JOHANNIS CASIMIRI, Poloniarum Regis, ad ALEXANDRUM PAPAM VII. a quo, ut Poloniam validis auxiliis contra Turcas pugnare

*pugnare, sibi que, tanquam filio in hostes fidei ru-
enti, benedictione, precibus, largitioneque constan-
ter adesse haud gravetur, modeste contendit,
1667.*

Post tot fatales Reipublicæ afflictæ jactationes
& tam uberem Poloni sanguinis malorumq; Ca-
tactysmum, & civilium ossium aggeribus cumulata
busta, optata Pacis tempora Regno nostro pollice-
batur, cum ex improvviso oriens ab oriente turbo
novas spes novis diffat timoribus, dum ille vetustis-
simus orbis Terrarum Archipyrata, eo metuendus
omnibus, quod neminem metuat, jam regno no-
stro non solum per Fecialem suum atrox & sævum
bellum proximo vere denunciavit, verum etiam
ruptis foederibus jurejurando sancitis, immiserit
jam in Regnum nostrum, numerosissimas prædo-
num phalanges, imo plus quam 80000. militum
cum Vradin Bassa Sultano, qui sociatis cum Do-
roszenko Duce Rebellium Cosacorum viribus, U-
krainam, & alias Regno nostro adnexas Provinci-
as ferro & igne depopulantur, furunt audacia, fer-
rum flammamque minitantur. Insultant civibus
ferro ad jugulum, & spoliatos autoritate, bonis,
& caris pignoribus, in mortem deposcunt. Ca-
ptis oppidis, arcibusque dirutis, nihil in patrio solo,
nisi vasta rudera, altisque cineribus confepulta ca-
davera, & fumantium domorum tristes ex tanta
fortuna reliquias insectantur, ac quemadmodum
Leo post devorata victimam, hærentem adhuc in
rixtibus cruorem lambit. Adsunt tot nuncii, cer-
tiores nos faciunt, tot vicos exustos, pagos everfos,
urbes

urbes dirutas, oppida desolata, arces captas, templa profanata, omnia jura divina humanaque violata, omne fas & æquum depressum, omnium saluti imminet hostilis mucro, nihil in populo nisi metus sanguinis ac cædium expectatio obversatur. Ipse vero helluo Christiani cruoris, numero bellatorum tumidus, reportata Candia victoria superbus, Martem spirat, ut non amplissimis Asiae & Africae finibus contentus esse velit, sed cum ingentibus copiis & numerosissimo exercitu vario bellico apparatu, ad interiora Europæ per Poloniam festinat, pontes per varia flumina ædificat, transitus omnes viarum apparat, ad nihil jam, quam ad cædes & rapinas intentus. Ut igitur posita in extremis natura colligit vires in ultimum conatum omnes, spiritusque animales & quicquid vividi sanguinis residuum est, mittit in regionem cordis, prohibendo fortius hosti, qui in mortem instat; ita nos quidquid mediocrum, consiliorum, possibilitatis demum omnis in rebus nostris adinvenire poterimus, totum id avertendo huic atrocissimo bello, sub cuius pondere gemeret Polonia, & in ea Christianus orbis solcite inpendemus, & novos eventus novis reparantes consiliis, nihil intentatum relinquemus, quo minus Regna a Deo tradita, & amplas has Provincias, omni meliori modo conservare valeamus. Et cum nihil profici posse patientia videmus, nisi ut tanquam facile tolerantibus duriora imperentur, Deo Duce, auspice fortuna, Sanctitatis Vestræ assistente benedictione, sub cuius auspiciis domuimus jam potiolem Ucrainæ partem, sanguinem, vitam omnesque indefessos Regios conatus pro religione &

& integritate Regni mei impendere & periclitantibus, afflictisque Provinciis opem ferre paratus sum, non laboris, non vitæ pro meis parciturus. Tot injuriis laceffitur statim ac verna resolutio subsequetur, cum meis exercitibus, non ignarus, virtutem, non numerum præstare triumphos, ibo ad tutandos limites Regni, quod semper fuit antemurale totius Christianitatis. Erit strata via per lauros, dabit mihi viam in ultionem, qui dedit imperiijus, Deus. Neque diutius expectabo, ut hostes præparati imparatos invadant, providi improvidos opprimant, armati inermes jugulent; Sed quoniam contra communem & hæreditarium totius Christianitatis hostem, communibus armis bellandum est, idcirco nos decrevimus id remedium adhibere, quod in simili rerum discrimine non semel peperit incolumitatem orbi Christiano, scilicet ab omnibus Principibus suppetias efflagitare & precipue enixis precibus Paternitatem Vestram exorare, ut piis supplicationibus leniat iram Dei furore suo terram arguentis & hæc tonitrua ultionis omnipotentis, quæ universam exterrent Europam, & concutiunt fundamenta orbis Terrarum, procul a Regno nostro avertat, calamitatibus tot annorum, in quibus nemo nostrum impune vixit, imponat modum. Tum quo luculentius paternum affectum testari poterit, subsidio charitativo quanto-cius, summum enim periculum in mora, opem ferre afflictis Ecclesiæ & Poloniæ rebus non dedignetur. Optime præsaga spes Patriæ ominatur, & gentilitia illa Sanctitatis Vestræ, qua Ecclesiæ cælo

prælucent sidera, diuturnam turbido Patriæ nostræ polo augurantur serenitatem.

Supplicat igitur devota semper Polonia Apostolicæ Sedi, quam Sanctitas Vêstra per tot annos præsentia sua beavit, ut illam bello tam cruento, longo, periculoso sese accingentem, validis auxiliis propugnare non gravetur. Moveant continui luctus, & querimonix tot populorum, moveat ipsa Ecclesia, quæ extendit manus pro Religione, arisque suis. Non solum enim istis Provinciis meditatur excidium; sed totius Europæ imperia audaci spe devorat, ita ut & ipsa Italia, quamvis mari alpibusque septa, hujus hostis ferociam non vane reformidare cogatur. Qui, dum non ita pridem subjugatos populos miserrime divexat, oppida aut defensa expugnat, aut relictæ suis insidet præsidiis, aut pagos incendit, ad viscera Europæ viam sternit. Quis sponsor, ut hæc fulmina, quæ in Regno nostro detonant, Italiam minime attingant? Age, Beatissime Orbis Pater, virtute sanctissimus, antequam titulo, orbos omnes ne derelinquas. Paterna benedictione, precibus, largitione filium in hostes fidei ruentem, anima, tutare, succurre. Agnovi jam multoties erga me affectum Sanctitatis Vêstræ; non agam hic verbis, qui malim reclamari agendo. Nunc finem ponam, non ante tamen, quam DEUM optimum, qui potens est in prælio, oravero, ut afflictos populos novarum victoriarum prosperitate soletur & salvum esse velit Ecclesiæ caput, Filio Patrem

Patrem, cui sum ex cordis intimo. Dabantur,
Anno 1667.

Obedientissimus Filius

Johannes Casimirus, Rex
Poloniæ &c.

(XXV.)

*Responsoria LEOPOLDI Rom. Imperatoris, ad
Literas JOHANNIS CASIMIRI Polonia
Regis quibus, se Regno Polonia nec consilio nec
opere unquam desore promittit, 1667.*

REddidit nobis Serenitatis Vestræ Minister, Ba-
ro Siri, ejusdem literas septima hujus anni da-
tas, quibus de perfida & inexpectata plane Tar-
tarorum cum Cosacis conspiratione, & fœda ab
utrisque simul Quartianorum suorum facta strage,
Russiæque rubræ devastatione significare voluit,
simulque innuere & expendendum offerre, cum,
quæ inde cura ipsum afficiat, ne belli; Turcici,
quod magnis contra eandem appararetur viribus,
sit prodromus, tum etiam, quæ ex eo pericula re-
liquæ Europæ, ac nostris quoque a tergo ditioni-
bus imminerent, enixe precans, ut, cum nos, tum
aliorum Principum Imperii & Christianitatis inci-
tamento præcuncti amico Regno subvenire, nunc
vero quam primum Ministro nostro ad Aulam
Ottomannicam Residenti injungere ac per lite-
ras quoque nostras ad Portam ipsam instare velle-
mus, ut a bello contra ipsam desistat, Tartarosque
ab

ab excursionibus coerceat. Quo condolentis animi sensu ea res nos affecerit, multis explicare nihil opus est, cum, ut communio periculi nos non tangeret, quæ maxime tangit, is noster sit, semperque fuerit erga Serenit. Vestram, ut vicinum amicumque illud Regnum, plurimis de causis, propensissimæ voluntatis affectus, non uno, uti Seren. Vestræ ipsa bene meminit, documento monstratus, qui nobis ejusdem adversa non sentire, aut negligere plane non permittat. Qua de causa sicuti animo nostro jam tum fedit, si (quod Deum aversum speramus) majora pericula ingruant, in auxilium Serenitatis Vestræ cum cæteris Christiani Orbis Principibus omnino concurrere. Ita, dum personam a Serenitate Vestra eo nomine ad nos destinatam expectamus literas per proprium nostrum Carforem ad ministrum nostrum Constantinopoli residentem jam nunc damus; quibus ei, quæ in hanc rem sunt opportuna, committimus, prout de cætero Serenitati Vestræ per Consiliarium nostrum Cameralem Aulicum Baronem de Margenberg pluribus referetur. Qui de cætero, sicut Serenitati Vestræ affectum fratris, consanguinei & nepotis benevolentissimi semper integerrimum conservamus, eidem omnium felicitatum, successuumque cumulum ex animo vovemus. Anno Regnorum nost. Romani 8. Hungarici 17. Bohemici vero II.

Bonus Frater & Nepos

LEOPOLDUS.

(XXVI.)

(XXVI.)

Litera MAHOMEDIS IV. Turcarum Imperatoris, ad JOHANNEM CASIMIRUM Polonia Regem, quibus se pacis conditiones ipso-cum initas amice & comiter servaturum pollicetur
 1078.
 1666.

Serenissime inter præfulgentes Majestate
 Dominos Jesum colentes, inter Monarchas genti-
 um Mesiam adorantium celeberrime, Arbiter
 operum Reipubl. Populorum Nazarenorum sectan-
 tium, collis sublimitate honoris & dignitatis regni
 Polonici conspicue, gentiumque in dicto Regno
 nunc temporis moderator Joannes Casimire
 Rex Poloniæ, sint opera tua fausta ac
 prospera!

PER literas nostras excellentissimas orbique fræ-
 cunditatem afferentes notum sit, quod verus
 ille Deus in altitudine gloriosus miraculorumque
 præillustrium potentia e cœlo altissimo confirmans
 magnum Prophetam nostrum totius orbis deliti-
 um, lectissimum inter Dei creaturas fidus, excel-
 sissimum Prophetarum, omniumque Dei nuncio-
 rum obsignationem, Mahometem Mustafam, per
 eum super ditiones regimini nostro potentissimo
 subjectas ingentem sparserit miraculorum messem,
 dum Portam Nostram omnium hunc orbem incol-
 entium asylum constituit, uti etiam nunc ad ex-
 celsum thronum nostrum, qui est fons & scatu-
 rigo potentissimorum, ablegastis ex fidelibus Offi-
 cialibus eximium Dominum Jesum colentem,
 Hiero:

Hieronymum Radzieiovsky, propter contractam amicitiam, nixamque solido fundamento charitatem. Accessit is ad pedes supremæ nostræ Majestatis & ceu par morisque est, humili vultu nos veneratus, profusam nostram, qua orbis sustinetur, adoravit clementiam, quem nos sericis ornatum indumentis honorari iussimus, literæ deinde in nostrum transfusæ sermonem & per supremos Vezirios & dignitarios ad pulvinaria nostra supplices vestræ preces perlatae sunt, scribitis, quod a longo tempore pacem hucusque nobiscum & amicitiam colentes, bonamque sancte conservantes vicinitatem nihil quod adversum nobis esset, commiseritis. Et hæc quidem causa est pacificationis omnium hominum & quietis filiorum Adami. Deinde liberationem & immunitatem a belli discriminibus rogatis, pacem nobiscum renovaturi ac firmaturi, uti Cæsarea nostra Majestas intellexit. Augustissimæ nostræ fores, tempore antecessorum nostrorum, auspicato, semper notis ignotisque patuerunt, qui nostram sincere coluerunt amicitiam; quippe qui amicos se & vicinos bonos professi sunt, iis nunquam nostrum amorem favoremque denegavimus. Quapropter cum nec vestræ preces a Gratia nostra Cæsarea rejectæ fuerint, proinde jam prædicto Legato de renovando fœdere, pactis reassumendis, firmandaque & definienda pace sufficienter egimus. Cumque pacem fœdusque novum sanxissemus, supremo Numine ita volente, fatis concessit. Cui a vobis susceptus clarus in populo

Jesum

Iesum proficiente Franciscus Casimirus Wyſochi Focillator Sochaviensis, qui ceu alter Legatus in id, super quo cum priore conventum erat, consensit. Quemadmodum igitur praeeritis temporibus parens meus in Paradiso requiescens, Serenissimus Soltanus Ivraim Han, & avunculus inclytus, Sultanus Amurathes (quos Deus in profunditatibus Paradisi custodiat) tempore praepotentis regiminis sui ex absoluta sua potestate, literas pactorum dederunt, ita ego manu mea victoriosa augustas hasce antecessorum literas renovans, volo, ut renor pactorum ac foederis in his expressus, sancte, uti decet ac fas est, conservetur. Cæterum Adyl Giereque Han, in augustum Chami Krymensis solum a nobis evectus, qui felicissima domo perpetuisque nixa fundamentis ortus, eandem perpetuo facis instar illustrat, quam antecessores ejus cum Antecessoribus Vestris sincere coluerunt amicitiam, eandem & ipse a vobis experiatur, & pensionum consuetarum compos subinde fiat. Cumque subdita vobis ante Cosacorum gens a Deo nobis data sit, Portamque Ottomannicam finibus suis protegendis delegerit, aureamque pacem & quietem desiderans, insignium nostrorum ornamenta suscepit, adeoque sub umbram Cæsareæ potestatis nostræ sese receperit: Idcirco cum nostro jam accenseantur imperio, aliorum exemplo statuum & despotarum in potestatem & obsequia nostra concesserint, nullatenus permittemus, ut vitæ fortunisque sive eorum propriis, sive praesidiariis damna inferatis, quin potius amici amicis nostris,

nostris, inimicis vero inimici estote, atque in officio firmiter persistentes, rectum iter ad mutuam charitatem pergite, commodisque ac utilitatibus utriusque partis intenti, veram amicitiam, secundum honesti præscriptum, custodite. Quamdiu igitur in amicitia constantes permanebitis, & ad fœderis nostri præscriptum nihil nobis adversi attemptabitis, nos vicissim ex parte nostra Cæsarea conditiones vobiscum initas amice & comiter servabimus, easdemque supremis Veziriis & Officialibus ditionum nostrarum limitibus invictissimis præsidentibus sedulo observandas severe mandabimus. Atque sic volente Deo indies firmior stabilietur amicitia & bona vicinitas, miserrique & afflicti subditi multum inde emolumentum capient. Datum Adrianopoli die 5. Mens. — Anni Hegirum 1078. hoc est Anno Christi 1666.

(XXVII.)

Litera JOHANNIS CASIMIRI, Polonia Regis, ad MICHAELEM ABAFFI I. Transylvania Principem, quibus obsides a Rakozio olim Polonico exercitui datos, sine consensu ejusdem liberos dimitti non posse asseverat, se tamen sedulo operam daturum pollicetur, ut ei hoc in casu satisfacere possit, modo ipse Missionarios Catholicos Claudianopoli degeneres suo patrocinio haberet commendatos, 1668.

Quod Illustritas Vestra per literas suas anni currentis solícite a nobis postulat, ut dati exercitui obsides a Principe olim Rakocio libere dimit-

dimittantur, id nos pro Regio & Christiano animo, & pro contestanda erga Illustritatem Vestram amica nostra propensione, eoque magis respectu, quod unus obsidum propinquo sanguine Illustritatem Vestram attingat, libenter, & nulla mora faceremus, si res a sola voluntate nostra dependeret. Movemur enim miseratione afflictorum virorum, qui alienæ iniquitatis poenas immerito luunt, dedimusque clementiæ nostræ, quantum in nobis erat, specimen, cum eisdem compedibus, quibus onerati erant, exsolvi, & liberalius tractari jussimus. De hostilitate temere contra Nos & Poloniam suscepta Principis olim Rakocii nihil jam memoramus, tantum enim facinus, quo provincias nostras perdidit, ac ipse demum periit, nec excusari, nec reparari potest, illud duntaxat certum esse volumus Illustritati Vestræ, obsides, quorum causam agit, non nobis & Reipublicæ, sed exercitui Polono, & Magni Ducatus Lithuaniae esse datos & consignatos. Minime itaque in manu nostra situm, ut eos pro impetio libertati demus. Eam enim ac grandem summam, quam Princeps Rakocius pactis & vadibus hisce relictis assecuravit, exercitus a nobis repeteret, & prout facile tumultuari ad præsens solet, per confederationem extorqueret. Egimus nos benevole cum delegatis ab exercitu, qui præsentibus in Comitibus sunt, de liberatione memoratorum obsidum, sed illi facilitatem suam contestati ad extremum responderunt, minime sibi integrum esse sine scitu & consensu exercitus ea de re aliquid statuere, studium tamen & officia sua abunde promiserunt, prout Ablegatus Illustritatis Vestræ ore tenus,

referet. Cæterum & Nos pro confirmanda erga Illustritatem Vestram Regia nostra propensione, auctoritatem nostram exercitui per literas interponemus. Quo vero magis mutuis officiis, amicitia & bona correspondentia invicem promoveatur, Illustritatem Vestram fidenter compellamus, ut Sacerdotibus, sive Missionariis Catholicis Claudio-polim pro exercitio Religionis Catholicæ, non ita pridem ingressis, de permansione tamen sua minus forte securis, locum aliquem pro exstruenda residentia in eadem civitate Claudiopolitana cum libera permansione, & exercitii Religionis Catholice concessione concedere, ac privilegio suo corroborare velit, minime ambigimus, Illustritatem Vestram id non æquitati duntaxat, & antiquæ Religionis libertati, sed etiam Nostræ Regiæ instantiæ haud gravate concessuram. Quod nos pari benevolentia nostra datis occasionibus rependemus. De reliquo Illustritati Vestræ bonam valetudinem, & prosperos a Deo successus aprecamur. Dabantur Varsoviæ Anno 1668.

(XXIIX.)

Litteræ DOMINORUM ARBITRORUM, conficienda nata de feudis Metensibus &c. controversie causa in S. R. Imp. constitutorum, ad LUDOVICUM XIV. Galliarum Regem, quibus Arbitrium suum præfracta Gravellii mente aliisque a Gallicis Præfectis interpositis obicibus valde impeditum fuisse conqueruntur, atque ut ipse dictum arbitrium auctoritate sua ad exoptatum perducere finem haud dedignetur, obnixè ab eo efflagitant
1670. Sere

Serenissime ac Potentissime nec non Christianissime Rex.

Non dubitamus, quin Regiæ Majestati Vestræ successivis vicibus decenter relatum & notificatum fuerit, quid coram Arbitrio ad compositionem vel Decisionem Gravaminum a Decem unitis Civitatibus in Alsatia nec non a quibusdam Principibus ac Statibus circa feuda Metensia, Tullensia & Verodunensia, Interessatis propositorum tam ex parte Sac. Rom. Imperii, quam Majestatis Vestræ approbato, hæcenus actum, & quod in causa dictarum Unitarum Civitatum ulterius non progressum, quam punctus juramenti solummodo examinatus fuerit; & postquam mox ab initio præfati arbitrii, nomine Regiæ Majestatis Vestræ, a Domino Plenipotentiariorum de Gravel, Declaratio facta sit, Majestatem Vestram desiderare, ut ratione juramenti a præfatis unitis Civitatibus præstiti, ulterius nihil moveatur, nec illud in dubium revocetur, ex parte Arbitrii e contra replicatum fuerit, quod Domini Arbitri sibi certo persuasum habuerint, dictum Dominum Plenipotentiarium de Gravel, non minus eo inclinaturum, ut materialia ipsa ventilentur; Quia vero præfatus Dominus Plenipotentiariorum, ultiores tractatus, priusquam punctus Juramenti, ab unitis Civitatibus præstandi rite esset constitutus, inhibuit; Tunc ex parte arbitrii motiva quidem in contrarium militantia demonstrata, eidemque aliud projectum juramenti communicatum fuit; nihilominus tamen sæpèdictus Dominus de Gravel in sua opinione & resolutione

constans permanfit, ex quo tota caufa in tantam prolixitatem excrevit, ut bonus effectus per hunc modum procedendi neutiquam fperari poffit, prout hæc omnia fæpedito Domino Plenipotentiaro de Gravel, cum debitis ac neceffariis circumftantiis, fufficienter remonftrata fuerunt. Quoniam autem fuper hoc unico puncto, jamjam per triennium fine fructu tractatum fuit, Regia Majeftas Veftra etiam conftitutum hocce ad decidendas ejusmodi differentias Arbitrium ultro approbavit, atque ex hac parte aliud nihil intenditur, quam ut unicuique parti, omnia jura, quæ ipsis vigore Inftrumenti pacis competunt, falva & inviolabilia permaneant, fæpe allegatus punctus Juramenti etiam multo facilius & citius refolvi poffet, fi prius materialia, fuper quibus præftandum, fecundum ordinem propositum, determinata ac decifa forent; Idcirco Nos cum aliis electis arbitris, neceffarium effe duximus, Majeftati Veftræ omnia pro declaranda ac percipienda animi fui fententia, debito cum refpectu repræfentare, non dubitantes, quod Regia Majeftas Veftra, prout hætenus fæpius conteftata eft; quod aliud nihil defideret, quam id, quod ipsi vigore Inftrumenti Pacis conceffum eft, ita etiam non detrectatura fit, breviorẽ talemque viam amplecti, per quam fupra memorata gravamina, quæ tam unitas decem Civitates, quam Principes & Status circa feuda Metenfia, Tullenfia & Verodunenfia Intereffatos, contingunt, quantocyus & fine ulteriori temporis jactura, quod uti fperamus, intra paucas feptimanas, fieri poteft, plenarie refolvi queant. Et quandoquidem Civitas

Hageno-

Hagenoensis conqueratur, quod non obstante, quod Majestas Vestra in literis responsoriis, sub die 19. Septembr. Anni proxime præteriti ad Sacrum Romanum Imperium datis, sese declaravit, Ministris & Officialibus suis Regiis in Alsatia demandare in omnibus actionibus suis sese taliter exhibere, ut ex parte Imperii contra illorum modum agendi, nulla causa querelandi superesse possit, nihilominus tamen modo dicta Civitas Hagena, in diversis ad ipsam indubie spectantibus juribus de facto turbetur, prout hæc varia diversis vicibus exhibita, & sæpius nominato Domino de Gravel communicata memorialia, abunde demonstrant; Idcirco Nos una cum Nostri Coarbitris intermittere non potuimus, Regiam Majestatem Vestram cum debita, prout decet, observantia requirere & rogare, quatenus loco convenienti, severe mandare non dedignetur, ut Regii Ministri & officiales ab ejusmodiurbationibus, quantocyus desistant & dictam Civitatem in suis Juribus usque ad exitum hujus Arbitrii ulterius via facti nullatenus gravent, quod uti æquitati, nec non Instrumento Pacis, & Majestatis Vestræ sæpius repetitis sincerationibus conforme est, ita etiam speramus fore, ut realis effectus omnium supradictorum, per omnia sit subsequiturus. Hisce Regiæ Majestati Vestræ officia Nostra paratissima sincere offerimus, Eidemque vitam longævam, omnemque felicitatem Regiam ex animo aprecamur. Data die 21. Julii Anno 1670.

(XXIX.)

*Litteræ DUCUM BRUNSVICO - LUNEBURG-
GENSIUM, ad CAROLUM II. Magnæ Bri-
tanniæ Regem, de liberi commercii tabulis Lega-
tis Electorum & Principum S.R. Imperii iisdem ti-
tulis & tenore exhibendis ac longe exterminanda
omni rerum novandarum circa instantis pacis tra-
ctatus pruritu agentes, 1676.*

Serenissime atque Potentissime
Rex.

Relatum Nobis inter difficultates, quæ circa
salvos conductus Plenipotentariis ad Tracta-
tus Pacis Neomagenfis impertiendos obortæ sunt,
& hanc etiamnum verti, quod illi, quos Principes
Germaniæ ad memoratos modo Tractatus cum
potestate & titulo Legatorum missuri, in Serenis-
simorum atque Potentissimorum Regum Galliar,
ut & Sveciæ salvis conductibus, non nisi nomine
Deputatorum, Ministrorum aut Plenipotentiariorum
insigniantur. Quanquam vero ita semper No-
biscum constituerimus, ubi de sopiendo bello, præ-
sertim adeo atroci & exitiali, quale illud, quod
nunc inter Christianos Principes geritur, agi velit,
non indulgendum nimium iis, quæ citra injuriam
omitti possunt, magisque ad splendorem inventa
videntur, quam ut de cætero verum felicemque ex-
itum promovere queant. Eo tamen modo, iisque
rationibus rem hanc tractari videmus, ut jam quæ-
stio sit non tam de titulo quam de jure Principibus
abrogando, quo sane privari non possumus, ut non
simul in periculum trahatur libertas, qua per tot se-
cula

cula gavisi sumus. Cum vero hujus conservandæ
studium, ad exemplum majorum Nostrorum, id
Nobis semper fuerit, ut æquiori animo jacturam
omnium aliarum rerum facere, quam quidquam
admittere velimus, quod illam labefactare possit;
Non intermittendum duximus, quin de præjudi-
cio, quod Statui Nostro atque dignitati, nullo No-
stro merito inferri velit, Regiam Majestatem Ve-
stram decenter certioraremus, & rogaremus præter-
ea, ut quandoquidem gloriosum Mediatoris mu-
nus, applaudente Orbe Christiano in se suscepit,
plurimaque pacis obstacula summa prudentia at-
que æquanimitate removit, non minus Nobis se ju-
stam atque benignam præbere efficereque velit,
quo, illibata dignitate Nostra, præfatis tractatibus
Pacis intervenire queamus, a quibus nullo equi-
dem modo excludi poterimus, ut non vis fiat pa-
ctis, quæ cum confœderatis diversimode licet ini-
vimus, & legibus, quas neuter paciscentium ne-
glectas penitus velit. Non petimus a Regia Ma-
jestate Vestra, aut altissime memoratis Regibus
novos titulos ac honores. Moris antiqui maxima
Nobis semper fuit reverentia, & sicubi ex illius præ-
scripto agere libitum, non alius quispiam nobis fa-
cilius adstipulabitur. Id saltem desideramus, ne
Nostris lis moveatur de charactere, quem illis lar-
giri in potestate Nostra semper fuit. Nam & illo
jure hætenus usi sumus, ut Ministros ad Imperato-
res, Reges, Principes atque conventus ablegaveri-
mus, nunc sub titulo Legatorum, nunc alio minus
conspicuo, prout rebus Nostris expedire visum.
Neque id arbitrii Nobis adimi poterit, ut non

ipsum Legationis Jus, quo ab antiquo valemus, in dubium vocetur, aut nobiliori minuatur parte. Illud vero altissime memoratos Reges moliri, quo minus credamus, plurimas easque graves causas Nos habere putamus. A Vestra Regia Majestate mitiora utique expectamus, quam, cum justum reputaverit, ut Electorum Ministris ad dictos Tractatus pacificatorios mittendis titulus legatorum sive Ambassadeurs in literis securitatis tribueretur, ut Nobiscum durius agatur, æquum hand censebit. Quod enim discrimen in mittendis legatis inter Electores atque Principes Imperii intercedat, nec Nobis constat, nec, quo pacto asseri possit, conjicere licet. Sumus membra ejusdem Imperii, vivimus iisdem legibus; par in Principatus Nostros eorumque Vassallos & subditos ac Electoribus superioritas! Eadem Nobis jura belli, Pacis, foederum, in quibus tractandis potissimus Legatorum usus. Eadem dignationis nomina & Electorum & Principum Legatis, qui in Comitibus Imperii comparent. Nec in hac quidem re Jus Imperatorem eligendi, quod Electoribus peculiare, haud difficulter arbitrabitur, cui nosse datum, qua ratione effectum, ut, quod olim omnia Principum fuerit, nunc paucis relictum, quibusque illa eligendi potestas circumscripta legibus. Quod si nihilominus ejus intuitu evenit, ut a quibusdam Regum titulos obtinuerint, quibus cæteros Principes Imperii promiscue compellatos esse in dubium a quibusdam vocari velit: Attamen non plane Nos deficiunt exempla ejusdem humanitatis ac benevoli affectus.

affectus. Et cum id omne non tam a potestatis illius Electoriæ dictamine, quin potius longe aliis rationibus, quas privatarum rerum studium, ut plurimum cuique suggerit, repetendum veniat, Nobis præjudicio aut fraudi esse non debet. Maxime, quod, uti jam innuimus, non de nudo quodam titulo nunc disceptatio, nec quidquid actum, ultra, quam quod partium mutuo consensu invaluit, extendi queat. Cæteros vero Principes in id consensisse, ut quorum opera uterentur in Legationibus, Deputatorum seu Ministrorum nomine distinguerentur ab Electorum Legatis, nullo, ut certo confidimus, argumento evinci poterit. Quin imo id; tum ex instrumento pacis Westphalicæ, tum tabulis fœderis, quod Christianissimus Rex anno hujus seculi quinquagesimo octavo cum nonnullis Electoribus ac Principibus Imperii contraxit, ac vulgo Rhenanum appellatum, horum Plenipotentiariorum eodem titulo affectos, ad oculum liquet. Et quidem in tabulis fœderis modo dicti Rhenani, omnibus Legatorum titulus adscriptus. Id quod tanto fortius Nostram causam tuetur, ex quo in omnium, qui fœdus illud pertractarunt, recenti memoria, Deputatorum, tum titulum tabulis inferri voluisse, omissum vero, quod interpretationem recipere posset & dignitati & libertati paciscentium minime convenientem. Sane cum fervente bello ante octonniū intra altissime memoratum Regem Christianissimum, ut & Hispaniarum Regem Catholicum, Electorum atque Principum nonnullis visum; pacem procurare, misiss ad utrumque Regem Ministris eadem potestate instructis, omnibus

idem honos contigit, nec ulla de prærogativa quadam tum quidem contentio, ut quo nunc quidem auctore illa suscitetur, tanto minus comprehendere liceat. Essent plura, quæ novitatem discriminis affectati redarguere possent, sed lubentes illis abstinemus, tum ne invidiæ causa quidquam dixisse videamur, tum quod persuasissimum habeamus, Regiam Majestatem Vestram sic quoque existimare, ad reducenda firmandaque pacis bona & id quam maxime pertinere, ut Principibus Imperii libertas, quam Deo Majorumque fortitudini acceptam ferunt, facta tecta que servetur. Quod utique præstabit, si potentissimos Reges Galliæ ut & Sueciæ permoverit, ut literæ commeatus eadem pro Nostreis ac Electorum Plenipotentariis expediantur formula. Angebit in eo gloriam, quam jam dudum in obeundo mediationis munere sibi comparavit, immortalem. Neque a Nobis quicquam omittetur, quod Regiæ Majestati Vestræ gratum a Nobis proficisci poterit, dum interea animatus rogemus, ut divinum numen ipsi prosperrimos rerum largiatur successus. Dabantur 14. Augusti 1676.

Georgius Wilhelmus,
Johannes Fridericus,
Rudolphus Augustus, Duces
Brunsvico-Luneburgenses.

(L. S.)

(XXX.)

*Litera PALATINI VILNENSIS, Magni Ducatus
Lithuanie Exercituum supremi Ducis, ad HEN-
RICUM*

RICUM HORNIUM, summum copiarum Suecicarum per Livoniam Præfectum, quibus se ipsi propria autoritate liberum per Curlandiam & Lithuaniam ditiones in Borusiam Ducalem transitum permittere haud posse, exponit, 1678.

Cum ab Illustrissima Excellentia Vestra insigni conservandæ pacis inter sacras Regias Majestates, Dominos Nostros clementissimos, Regnaque ista sibi contermina studium per literas, eoque nomine expeditam ad me delegationem percipiam, nihil justius, quam ut suave mutæ pacis & concordie nomen grato pectore amplectar, ac proinde omnem limitum Sacræ Regiæ Majestatis Domini mei clementissimi mihi pollicear securitatem, utpote crebris Sacræ Regiæ Majestatis Sueciæ Legati Domini de Lilienhœck affecurationibus in conferentiis cum Senatu Polonico ex mandato Sac. Reg. Maj. Domini mei clementissimi institutis promissam. Ea vero quomodo ex circumstantiis tam numerosi exercitus Suedici, per Magni Ducatus Lithuanie Curlandiaeque ditiones transitum parantis, subsistere potuisset, fusius Excellentiae Vestrae Delegatis nobilissimis Domino Colonello Christiano de Stetken & Domino Assessori Benedicto Andreae a Helmessen, ad concreditum iis memoriale reposui. Quorum illationes uti pergrate & amice exceptæ, ita eos ad requisitionem Excellentiae Vestrae quantocyus cum omni honore expediendos esse duxi. Ego non modo ex persona mea augendis conservandisque amicæ vicinitatis argumentis, inter utriusque Regni confinia incumbam, verum
&

& animos Provincialium, de natura insitæ genti Nostræ rectitudinis & sinceritatis ullis artibus impervios (prout in literis Excellentiae Vestrae imputatur) in eadem constantia fovendæ mutuae pacis permanere perspectum habeo. Certum est extare in pectore meo veræ Christianæque compositionis argumenta, quibus præsentem rerum Suedicarum in Pomerania vicissitudinem prosequor, verum qua potestate dispensationem patriæ legis pactorumque & fœderum inter hæc inclyta Regna sancitorum, sine expressa Sacrae Regiæ Majestatis, Domini mei clementissimi, voluntate assensuque totius Reipublicæ mihi arrogare possim, non invenio: meam interea promptitudinem ad quævis præstanda (indemnæ Patriæ lege, munerisque mei obligatione) officia contestaturus, Excellentiae Vestrae optimam valetudinem prosperosque rerum successus ex animo apprecor. Dabantur Anno 1678.

(XXXI.)

Litera FRIDERICI WILHELMI, Electoris Brandenburgici, ad COMITEM a KONINGSMARCK, supremum copiarum in Pomerania Suecicarum Praefectum, quibus se transmissa in Sueciam militum Suecicorum manus infausto atque plane inopinato naufragio ad Insula Bornholmienfis littora ejecta a Danis hostilem in modum excepta fata egre ferre testatur, ejus vero e captivitate liberationem ad Daniam Regis beneplacitum frigide remittit, 1679.

Ulti-

Ultimæ Domini Comitæ literæ, die 14. Mensis Decembris scriptæ, recte Nobis sunt reditæ. Ex illis abunde intelleximus, cum querelas, quibus copiæ Regiæ, ad Bornholmiam nuper Insulam naufragio ejectæ, præter solitum duriter nimis ac aspere a parte Danorum haberi tractarique dicuntur, Nobis repræsentatas; tum præprimis Nostras ad prædictum Serenissimum Daniæ Regem conciliatorias, sive commendatitias literas, easdem efficaces desiderari, quibus dictæ militari manui Suevicæ isthic locorum, hostium ritu habitæ & in captivitate detentæ, secundum pacta a nobis inita, pristina ac integra libertas sine mora restituatur, tutusque procul omni obstaculo in Sueciæ Regnum trajectus expediatur. Verum Nos in bona adhuc habemus memoria, quid circa transportationem illarum copiarum inter Nos convenerit pactique simus. Nempe huc tota res redibat, ut, Nostris impensis necessarias naves, requisita ac debita alimenta, & præterea liberi commeatus diploma a Serenissimo Daniæ Rege per Nos impetratum, suppeditaremus. Quæ omnia, teste ipso Domino Comite, nullis parcentes sumptibus accurate atque ad amussim præstimus. Tum nemo fœderatorum Nostrorum naves militesque Suecicos in suo per mare itinere invasit hostiliter. Quare Nobis exprobrari non potest, pacta & conventa a Nobis ullo modo violata fuisse. Quod vero maximum per infortunium & homines & naves horrendo naufragio in litus Insulæ Bornholmienfis sint ejecti, id est, quod

quod valde familiariter & eo, qui Principem Christi-
anum decet, animo, dolenter ferimus, agnoscimus-
que cladem divinitus esse illatam, quæ extra po-
testatis Nostræ arbitrium consistit, quæque nec
prævideri, nec consilio regi potuit. Et hinc cir-
ca illam rem nihil certius statuere valere neces-
sario profiteamur; verum quicquid hujus quæren-
dum, faciendumque fuerit, id omne ad Serenis-
simam Regiam Majest. Daniæ remittimus.
Quod restat, subit mirari, esse homines, qui aslere-
re conantur, eoque nominatim nostrum onerare
non verentur Navarchum, Cornelium Nicolaum
de Beveren, quasi ille sua culpa & deliberato ani-
mo istius naufragii causa extitisset, idque signifi-
catum quoque esse Domino Comiti. Quod qui-
dem eo gravius ferimus, quo magis hæc res hono-
rem Nostrum & existimationem concernit. Man-
davimus propterea serio & injunximus omnibus
Nostris severe, ut in id negotii strictissime inquirere-
tur, quo Nobis de eo constaret liquido, & prædi-
ctus Navarcha, siquidem ejus culpa tam nefandum
& abominabile facinus, quod Nobis ipsis tres na-
ves & multis subditis Nostris omnes fortunas ever-
tit, sit admissum ac perpetratum, quod tamen de
eo, tanquam honesto & vitæ integro apud Nos
semper habito viro, non præsumimus, meritum
lueret supplicium; simulque innotesceret mundo,
Nos ejusmodi scelera consuevisse haud sine gravi
animadversione prætermittere. Sin autem extra
culpam fuerit idem deprehensus, petimus & postu-
lamus, ut illi quoque, qui conficta hæc mendacia,
quibus de fama Nostra haud parum detrahitur, spar-
gere

gere aucti sunt, suas sustineant pœnas, & dignum maledictis suis ferant præmium; de cætero manemus &c. Cukernessæ, die 4. Febr. Anno 1679.

(XXXII.)

Littera ORDINUM REGNI HUNGARIÆ Evangelicorum ad COMITEM ESTERHASIUM, Regni Hungariæ Palatinum, quibus ab eo obnixè contendunt, velit Religionis suæ Sacerdotes, munus sacrum sub præsentis diatæ ob-euntes, firmissimo Patrocinii sui clypeo protegere, 1681.

Cellissime Comes, Regni Palatine, Domine Domine gratiosissime.

Quamvis temporis sub præsentis Generalis diatæ decursu consumpserimus spatium, dum Cellitudini Vestræ apprime constet, eidem longa rei enumeratione molestiam facessere noluimus. Fatemur nihilominus pretiosi temporis decursum eo molestius & dolentius Nos ferre, quod huc usque ecclesiasticis & linguæ Nostræ peritis personis destituti, cultum Dei exercere nequiverimus. Et cum ejus simus propositi, ut conscientias nostris passu quoque in isto consulamus & satisfaciamus: Cellitudinem Vestram uti post Deum, & suam Majestatem sacratissimam, Legum & Statutorum Patriæ supremum assertorem & columen, humiliter exoramus, dignetur eam Cellitudo Vestra in passu legalis intentionis Nostræ inire paterno affectu rationem, ne personas Religionis & linguæ Nostræ Ecclesiasticas, nobis in cultu Divino servi-
turas,

turas, per quospiam impediri vimve pati contingat. Quin potius autoritate Celsitudinis Vestræ Palatinali una nobiscum, citra injuriam in Libertate asseri & defendi possint. Quam Celsitudinis Vestræ gratiam perpetuis servitiis nostris demereri adnitemur,

Celsitudinis Vestræ

humillimi servitores

Data Sopronii, die 20.

Junii An. 1681.

Status & Ordines Regni Hungariæ Evangelici, in præsentî Diætâ Soproniensi congregati.

Inscriptio.

Ad Celsissimum Comitem, Dominum Dominum Eszterhazi, perpetuum de Frakno, Regni Hungariæ Palatinum, Sacri Romani Imperii Equitem, Judicem Cumanorum, Comitatum Soproniensis, nec non Pest, Pilis & Zold unitorum supremum Comitem, Sacræ Cæsareæ Regiæque Majestatis Cameraarium, Consiliarium intimum & per Hungariam locum tenentem.

**FINIS
PARTIS SECUNDÆ.**



005656619

— 100 —



